

W. 2. 1. 1.

1

~~A. H. C. 62-62~~

4-13-c-20-

Ascannus Quatuor

R. P.

2

ANTONII

RVVIO RODENSIS,

DOCTORIS THEOLOGI

Societatis IESV, Sacrae Theo-
logiae Professoris,

COMMENTARII IN LIBROS

Aristotelis Stagyrta de oriu, & interitu rerum
naturalium; seu de generatione, & corruptione
earum: una cum dubijs, & quaestionibus
hac tempestate in Schola
agitari solitis:



NUNC PRIMUM IN GALLIA EDITI.

Cum duplici Indice, quorum vnus capita, & quaestiones
eodem ordine quo agitantur; alter res omnes
alicuius momenti continet,

*Leitiget ad
S. Fran.
testaments
L. m. f.
ua.*



*Bibliotheca
Vob. ex
L. m. f.
Ascani L.
1660*

LVGDVNI,

APVD IOANNEM PILLEHOTTE,
sub signo Nominis IESV.

M. DC. XXV.
CVM PRIVILEGIO.



12. i. F. 15

Copyright © 2004 John Wiley & Sons, Inc.

ILLVSTRI ADMODVM,

NEC NON SAPIENTISSIMO
viro, omniumque virtutum splendore clarissimo
D. D. Gabrieli Suarío de Toledo, Matritensi Ar-
chidiacono in sacra Ecclesia Toletana, eiusdem-
que Canonico, & Archiepiscopali Senatui præfidi
dignissimo, Doctor Antonius Rubio Societatis
Iesu Theologus æternam precatur fecunditatem.



QUOD habebam in voce (vir præstantissime) quod optan-
dum maxime, quarendumque fuit, id sane modo felici
sorte videmus oblatum; etenim ex quo illa capis (anti-
quior usinam) necessitudo nostra, cum mihi extitisset unū,
ut debitu maxime, ita & optatum, atque hoc unum esset mei erga
te animi, vel lante signum offerre; iam tandem fuit obtentum, quod
erat tantum expetitur. Huius autem accensi studij, ac debiti officij,
tres simul præ aliis extitero causa cum primis nobiles, & illustres,
Quia licet omnibus magna ex parte innotescant, ut à me sunt præ-
multis observata, ita & præ aliis à me pariter commemoratas volui.
Primas ergo deferamus oportet meritum tuorum eximia dignitati,
tuarum virtutum laudi, & gloriæ singulari. Hæc una causa est, qua
multorum animos tui amore ardentissimo tenet accensor: atque ut
alias omittam, civitatem, & loca, in quibus hæc viget fama clarif-
sima; in Ecclesia certe, atque urbe Toletana, virtutum splendor est
maximus, laus crevit, sumitque semper incrementa gloria. Clamant
in ea pauperes, orbiati, & afflicti, qui omnes in te uno, non tam patro-
num agnoscunt quàm patrem, ut qui in eorum sulcivandis mise-
riis, nec laboribus parcas, nec sumptibus. Divites hoc laudant, & no-
biles, quos vera nobilitatis munera, rectumque divitiarum usum
exemplo doces potius quàm sermone, nec illuc certe omittam, quod in
Ecclesia illustri Toletana, in qua (ut tua sunt merita) inter primas
dignitates locum tenes; tam de te viri omnes gravissimi opinionem
imbiberunt, ut qua sese offerunt negotia, & causa, in quibus mul-
torum communes, seu totius etiam Ecclesia res agantur, ita præ ce-
teris fidei, prudentia, auctoritatisque commissa velint. Testatur hoc
idem, nec verbis tantum, sed factis etiam ostendis Illustri. Cardi-
nalis eiusdem Ecclesia Toletana spectatissimum caput, qui eius quæ-
ritu habet Senatus, in quo totius Diocesis graves deciduntur causæ, te



17
vires habet præfatus dignissimum, cuius vel maxime sunt omnia
commissa iudicio. Verum licet plura hæc sint, atque maiora, quam
qua à me possint hac breui nuncupatoria complecti, ea tamen sunt,
qua non ad me solam, vel ad nostra Societatis alumnos spectare vi-
deantur, sed aliorum etiam animos haud difficile moueant. Qua ve-
ro tua sunt in nostram Societatem merita, ex his qui hanc nostram
degunt Toletanam provinciam, ignota sunt nemini; hæc sane sunt,
qua non communi in reliquos, sed peculiari in nos iure sibi vendicant
tuo, vel maxime obsequio nos omnes omniâque nostra esse dicata.

Quoniam vero ita indulgendum est debitis laudibus, ut singu-
laris etiam tua modestiæ consulatur: quamvis longa texenda ora-
tionis suppetebat copia, vinum tui erga nos animi signum perstringâ
breui. Atque hoc quidem est à me non raro obseruatum, quod cum
de rebus nostris lubens saepe loquaris, adeo te nobiscum exhibes con-
iunctum, ut qua solum nostra sunt, non tua te ipsum nobis annun-
tians communi appellatione appelles nostra. Cum Societatis nomen
parentem Ignatium, Ignatiū eundem parentem nostrum vocas, de-
rursus cum de Societate exoritur sermo (quasi unus ex nostris esset)
de eadem ipse Societate loquens nostram dicere soleas Societatem.
Accedit tandem (vir præstantissimo) id quod licet postremo referatur
loco, haberi à me non debet in postremo. Tuus est hic erga me ipsum
animus, quaque inter nos amicitia, coniunctioque intercedit, nam si
tuus erga omnes nostra Societatis ardentissimus amor, ut complecti-
tur omnes, ita & singulos commouere debet. Quid quæso maiorem
apud me vim habeat oportet, quam à te, non communi erga omnes
amore, sed peculiari etiam studio prosequi & amari? Qua propter
cum ex Philosophicis voluminibus, qua non mediocri labore vulgan-
da suscepimus, partem hanc de oris, & interitu rerum naturalium
iam tandem in lucem edere cogitarem; eandem volui tuo semper
nomini consecratam, hoc mei erga te animi vestigium, & signum hæc
literaria munuscula exigua satis (si dignitatis tua duratur ratio;
mei tamen animi monumenta clarissima qua prædixus es benignita-
te suscipe, qui tanti semper optimarum artium studia fecisti: quod
si tibi (ut spero) gratum extiterit, quod mihi gratius erat, & opta-
tius obtinuisse videbor. Vale.

INDEX

INDEX CAPITVM, ET QVAESTIONVM
qua in hoc primo libro continentur.

 Apud primum.	fol. 6	nem, & intensiōnem.	92
Caput secundum.	8	Quaest. 4. An intensio semper, & necessario sit continua.	104
Caput tertium.	10	Quaest. 5. An intensio qualitatis fiat per additionem vnius gradus ad alterum, vel per maiorem radiationem eius in subiecto.	113
Caput quartum.	13	Quaest. 6. An omnes gradus intensiōis eiusdem qualitatis sint omnino similes, & eiusdem perfectionis, vel diuersi, aut dissimiles, atque essentialiter subordinati.	118
Quaestio 1. An dentur in rerum natura generatio, & corruptio substantialis.	26	Quaest. 7. An intensio qualitarum habeat terminos magnitudinis, & paruitatis.	137
Quaest. 2. quid sit generatio substantialis.	29	Quaest. 8. De subiecto alterationis, & aliorum accidentium corporearum substantiae, an sit sola materia, vel compositum.	153
Quaest. 3. quisnam sit terminus ad quem generationis, a quo habeat speciem.	24	Quaest. 9. An omnia accidentia proxime inhaereant substantiae, vel quaedam non, nisi mediis aliis.	181
Quaest. 4. quodnam sit subiectum proprium generationis.	34	Quaest. 10. An omnia accidentia immediate inhaereant in substantia, vel quaedam non, nisi mediis aliis.	187
Quaest. 5. An generatio substantialis sit mutatio successiua, vel instantanea ab alteratione distincta.	38	Quaest. 10. An vnum accidens verè, & propriè sit subiectum alterius accidentis.	189
Tractatus secundus de corruptione substantiali.	46	Quaest. 11. An dispositiones praecedentes in materia efficienter concurrant ad expulsionem formae praesentis, & introductionem sequentis, vel solum materialiter.	196
Quaest. 1. An sit, & quid sit corruptio substantialis, & an naturalis sit rebus sublunaribus.	46	Caput quintum.	203
Quaest. 2. An corruptio verè naturalis sit per se intenta à natura.	53	Tractatus de nutritione, & augmentatione.	209
Quaest. 3. An verum sit, & in quo sensu, quod generatio vnius sit corruptio alterius.	58	Quaest. 1. An dentur nutritio, & augmentatio in rerum natura, & quid vtraque sit.	209
Quaest. 4. An in corruptione substantiali fiat resolutio, usque ad materiam primam.	61	Quaest. 2. An nutritio, & augmentatio sint mutationes distinctae realiter.	217
Quaest. 5. An generatio, & corruptio sint omnino simul, vel aliquis sit inter eos ordo prioris, & posterioris.	72	Quaest. 3. An nutritio sit mutatio successiua, vel instantanea.	223
Breue dubium. An generatio, & corruptio distinguantur realiter à materia.	78	Quaest. 4. An nutritio sit continua.	243
Tract. tertius de alteratione.	78	Dubium de secundo sensu qua-	
Quaest. 1. An sit, & quid sit alteratio, & quomodo distinguatur à generatione substantiali.	78		
Breue dubium. An si impossibilis esset generatio, impossibilis quoque alteratio conferetur.	81		
Quaest. 2. An alteratio sit motus continuus.	84		
Quaest. 3. Quonam modo continetur alteratio secundum extensio-			

stie ris, an semper fiat nutritio. 245

Quæst. 5. An materia alimēti prius vniatur materiz corporis viuētis, quam fiat conuersio, vel nutritio, aut simul ac fit, vniatur. 248

Quæst. 6. An augmentatio sit per se motus ad quantitatem. 257

Quæst. 7. An augmentatio fiat secundum omnes partes viuētis, ita, ut dum augentur viuens, quælibet eius pars augeatur. 268

Quæst. 8. An augmentatio duret toto tempore vitæ. 278

Quæst. 9. An corpus viuens toto tempore vitæ, quo nutritur, permaniat idem numero, saltem secundum aliquos partes, vel secundum omnes varietur. 283

Quæst. 10. An augmentatio, & diminutio distinguantur specie. 296
Dubium secundum. De modo distinguendi augmentationem, & diminutionem. 299

Tractatus secundus de rarefactione, & condensatione. 302

Quæst. 1. An per rarefactionem acquiratur noua quantitas, & per condensationem deperdat. 302

Quæst. 2. An rarefactio, & condensatio, per se primo ad quantitatem, vel ad qualitatem, aut ad vbi, seu localem præsentiam. 323

Quæst. 3. An corpus paruum, cui nihil materiz, neque quantitatis additur, possit fieri magnum sine rarefactione per potentiam Dei absolutam. 327

Caput. 6. 335

Quæst. 1. Verum agens naturale possit agere in passum distans nihil agendo in medium. 337

Quæst. 2. An agens naturale, vel creatum possit agere in distans nihil operando in medium per potentiam Dei absolutam. 348

Caput septimum. 355

Caput octauum. 358

Caput nonum. 360

Tractatus de actione, & reactione corporum naturalium, & de his quæ ad eam pertinent. 362

Quæst. 1. Quid, & quæplex sit

resistentia. 362

Quæst. 2. Quo ordine, & modo conueniant primis qualitatibus actiuitas, & resistentia. 370

Quæst. 3. An necesse sit actionem semper procedere à proportionem maioris inæqualitatis. 382

Quæst. 4. An sit necessarium ad agendum, quod actiuitas agentis excedat resistentiam passi excessu determinato, vel indeterminatus sufficiat. 389

Quæst. 5. An simile possit agere in omnino simile. 398

Dubium primum. An maior densitas corporis mouet ad agendum, & quomodo. 398

Quæst. 6. An agens possit producere effectum sibi omnino æqualem, aut similem in perfectione, vel gradu intentionis. 402

Quæst. 7. An idem possit agere in se ipsum actione vniuoca. 413

Dubium primum. An qualitas per anticipatissimè intendatur, & quoniam modo. 414

Quæst. 8. An qualitas in medio existens intendatur per reflexionem, & à qua causa. 425

Dubium primum. A qua ad causam procedat maior intentio luminis producta in medio per reflectionem. 430

Quæst. 9. An omne agens, dum agit, repatatur à suo contrario, circa quod agit. 437

Caput 10. de mixtione. 449

Tractatus de natura, & ratione mixtionis. 453

Quæst. 1. An mixtio sit, vel an sit possibilis. 454

Quæst. 2. Quidnam mixtio sit, & quomodo distinguatur à generatione, & ceteris mutationibus. 458

Dubium primum. Quomodo distinguatur mixtio à generatione, & ceteris actionibus, & mutationibus. 461

Quæst. 3. Quænam sit causa per se, & immediata mixtionis. 464

Quæst. 4. An elementa maneat in mixto secundum proprias formas substantiales. 467

Dubium primum. Quænam sit elementa

I N D E X.

ementa virtualiter contineri in mixto. 474

Quæst. 5. An virtutes, seu qualitates elementorum permaneant formaliter in mixto. 476

Quæst. 6. An liquores ad veram mixtionem concurrere possint, ita ut ex duobus, qui misceantur, resultet tertium ab utroque distinctum. 481

INDEX. CAPITVM,

et questionum, quæ in hoc secundo libro continentur.

Caput primum. fol. 489

Caput secundum. 492

Caput tertium. 496

Tractatus de primis qualitatibus elementorum. 499

Quæst. 1. An quatuor qualitates elementorum sint primæ. 500

Quæst. 2. An in mixtis reperiantur aliæ qualitates præter elementares. 506

Quæst. 3. An primæ qualitates sint formæ substantiales elementorum, vel solum accidentales. 513

Quæst. 4. An elementa sint proprietate contraria secundum formas substantiales, vel solum secundum qualitates. 516

Quæst. 5. An contrariæ qualitates possint esse simul in gradibus intensis. 523

Quæst. 6. An contraria possint esse simul in eodem subiecto in gradibus remissis. 531

Quæst. 7. An cuilibet elemento ex propria natura conueniant duæ qualitates primæ. 547

Quæst. 8. Quenam sit causa maximæ frigiditatis, quam habet aer in media regione. 552

Quæst. 9. In quo nam gradu habeat quodlibet elementum duas qualitates primas. 560

Quæst. 9. An qualitas elementi minus intensa habeat permixtionem contrariæ. 567

Quæst. 10. An qualitates symbolice elementorum sint eiusdem speciei. 572

Caput quartum. 576

Caput 5. 578

Caput 6. 583

Tractatus de mutua generatione elementorum. 586

Quæstio 1. An quodlibet elementum possit ex quocumque alio immediate generari. 586

Quæstio 2. An facilius sit transitus inter elementa symbola, quam inter dissimola. 594

Quæst. 3. An vnum elementum possit producere aliud à se diuersum. 602

Caput 7. 608

Caput 8. 611

Tractatus de mixtorum temperamenti. 612

Quæst. 1. Quidnam sit, vel in quo consistat temperamentum mixtorum, ibidem. 617

Quæst. 2. An detur in mixtis temperamentum æquale ad pondus. 617

Quæst. 3. An sit possibile temperamentum æquale ad pondus secundum qualitates motiuas. 628

Caput 9. 633

Caput 10. 635

Caput 11. 639

Tractatus de reproductione eiusdem rei secundum identitatem numericam. 642

Quæst. 1. An eadem numero res permanens semel corrupta naturaliter reproduci possit. ibidem.

Quæst. 2. An possit naturaliter reproduci, vel resurgere idem hominem mortuus. 651

Quæst. 3. An per potentiam Dei absolutam eadem numero res permanens semel corrupta reproduci possit. 655

Quæst. 4. An res per se successiuæ semel extinctæ possit eadem numero reproduci per potentiam Dei absolutam. 663

COMMEN

LICENTIA SVPERIORIS.

EGO Bartholomeus Perez de Nueros, Prouincialis Societatis IESV in Prouincia Toletana, potestate ad id mihi facta à Reuerendo admodum Patre Claudio Aquauia Præposito nostro generali, facultatem concedo, vt typis mandentur Commentarij in libros Aristotelis de generatione, & corruptione à Patre Antonio Rubio Doctore Theologo Societatis IESV compositi, & grauium Doctorumque hominum nostræ Societatis iudicio approbati. In cuius rei fidem has litteras manu nostra subscriptas, sigilloque nostro munitas dedimus, 18. Septembris anni 1608. in domo nostra IESV del monte Complutensis collegij.

Bartholomeus Perez de Nueros.

APPROBATIO.

SVPREMI SENATUS iussu perlegi commentaria in duos libros Aristotelis de ortu, & interitu rerum naturalium, siue de generatione & corruptione earum doctissimi Doctoris Antonij Rubij Societatis IESV, laudo maximi authoris ingenium; & eruditionem, ac commentaria digna iudicio, velut undaque accuratè rimata, vt cum magna securitate, utilitate, & laude typis mandari possint. Apud sanctum Philippum de Madrid die 25. Octobris anno 1608.

Christophorus de Fonseca.

Facultas R. P. Prouincialis Societatis IESV in Prouincia Lugdunensi.

ANTONIUS Suffrenus Prouincialis Societatis IESV, in Prouincia Lugdunensi, iuxta Priuilegium eidem Societati à Regibus Christianissimis Henrico III. die 10. Maij, 1583. & Henrico IIII. 20. Decembris, 1606. & Ludouico XIII. nunc regnante, 14. Februarij 1611. concessum, quo Bibliopolis omnibus prohibetur, ne libros ab eiusdem Societatis hominibus compositos, absque illorum permissione imprimant: Permittit Iohanni Pillehotte Lugdunensi Bibliopolæ, vt R. P. Antonij Rubio Rodensis Commentarios in libros Aristotelis de generatione, & corruptione in sex proximos annos imprimere, ac libere diuendere possit. Datum Lugduni die 1. Octobris. 1613.

Ant. Suffrenus.



COMMENTARIORVM IN DVOS LIBROS

Aristotelis Stagiritæ de ortu, & interitu
rerum naturalium, seu de gene-
ratione, & corruptione
eorum,

PROOEMIUM.



OMINIA ferè, quæ in principio cuius-
que operis inquiri solent, atque explicari,
per se sunt de hoc manifesta. Nam in-
scriptio (ut solet) à principali affectione
corporis naturalis sumitur, quæ est gene-
ratio per quam incipit esse; & corruptio;
per quam desinit. Ordo etiam huius operis cum cæteris par-
tibus Philosophia naturalis per se est manifestus; sunt enim
libri isti tertia pars huius scientiæ post primam, & secun-
dam, nempe octo libros Physicorum; in quibus disputatum
est de ente naturali in communi, prout principia motus con-
tinet: & libros de Cælo, & Mundo, in quibus egit Aristote-
les de eodem ente naturalis simplici quidem, ut habet prin-
cipium motus ad certum locum, vel ubi; quod ex naturali
constitutione totius vniuersi ei conuenit. In tertio verò loco
agitur de eodem corpore, ut habet in se principium genera-
tionis, & corruptionis.

Diuisio verò non est minus facilis, nam duo explicat
Aristoteles in toto hoc opere. Primum, naturam genera-
tionis, corruptionis, alterationis, augmentationis, & mix-

tionis; per quas mutationes, vel motus aliquam formam acquirat corpus naturale, nempe substantialem, a qua habet esse simpliciter; vel accidentalem, per quam habet esse tale. Secundum naturam corporum simplicium, & qualitatum eorum, qua vocantur prima, in quantum per eas unum in aliud transmutari potest, vel duo in tertium. Et ideo in duos libros diuiditur ab Aristotele, ita ut primum in primo libro explicet, & secundum in secundo.

Solum potest esse dubium de subiecto, seu obiecto adequato huius partis; nam sicut tota Philosophia habet subiectum totale, sub quo comprehenduntur omnia, de quibus agit; ita singula partes eius habere debet partialia subiecta sibi adequata, sub quibus comprehendantur omnia, de quibus agitur in singulis; quod autem sit obiectum huius non est certum inter exposuiores Aristotelis.

2. Sed prima opinio asserit obiectum esse corpus simplex, seu elementum, in quantum moueri potest, non quidem secundum locum, vel ubi; nam hoc modo egit Aristoteles de illo in libris de Cælo, & Mûdo; sed secundum formam absolutam, & inherentem substantialem, vel accidentalem. Ita Albertus Magnus tractatu 1. de generatione capite 1. Auerroes 1. lib. de Cælo comm. 3. & Alexand. lib. 1. Metheo. in principio. Probatur testimonio Aristotelis 1. lib. de Sensu, & sensili cap. 4. ubi opus hoc de elementis vocat. Et lib. 2. de Anima affirmat se in eo egisse de elementis; hoc est in secundo libro. Probatur etiam ratione: quia postquam in libris Physicorum disputatum est de corpore naturali in communi, in reliquis partibus disputari debet de eodem in particulari; hoc est de simplici, & composito, ut habet in se principium mutationis, & motus: sed in libris de Cælo egit Aristoteles de corpore simplici, ut habet principium motus ad locum, ergo in hac tertia parte agit de eodem, ut habet principium motus ad formam substantialem, vel accidentalem, hoc est ut alterari, augeri, & generari potest, quod solum ha-
- bens

bent elementa. Probatur consequentia, quia in nulla alia parte totius Philosophia agit de corpore simplici sub hac ratione universalis, ut per se est manifestum.

Secunda opinio tenet generationem, & corruptionem in communi esse subiectum huius operis. Cuius ratio sumitur ex inscripotione: nam si de generatione, & corruptione inscribitur: ergo de his tamquam de propria, & adequata materia agitur, & consequenter tamquam de adequato obiecto.

Tertia opinio est quorundam modernorum asserentium subiectum esse corpus naturale, commune quidem ad simplex, & compositum, in quantum est generabile, & corruptibile. Quod probant, quia sicut hac pars continetur sub tota Philosophia, ita obiectum eius debet contineri sub adequato obiecto totius Philosophia, & ab eo distingui sub aliqua ratione speciali, per quam contrabatur. Sed utramque conditionem habet corpus naturale, ut generabile, & corruptibile; ergo hoc, & non aliud erit obiectum.

Ultima opinio asserit obiectum esse ens naturale, vel corpus naturale, in quantum habet principium motus ad formam in communi, hoc est, abstrahentem à substantiali, & accidentali: per formam intelligens absolutam, ut excludatur, Vbi, quod licet aliquo modo possit vocari forma, in quantum inhaeret corpori, proprius tamen dicitur modus, qui in ordine ad extrinsecum accipitur, & ideo sub obiecto huius operis non comprehenditur: sed de corpore naturali, ut habet principium motus ad Vbi, per se agitur in libro de Caelo. Hec est communis, & vera sententia. Quam tenent Divinus Thomas, Agidius, Marsilius, & Venetus in principio huius operis. Probatur à sufficienti divisione ex reservatione aliarum. Quia subiectum adequatum debet formaliter continere omnia de quibus in tali scientia per se agitur, & si sit scientia partialis debet contineri formaliter, & per se sub totali subiecto integra scientia; sed nullum aliud habet hac duarum conditiones præter ens mobile ad formam ita ex-

plicatum: ergo hoc solum erit obiectum adequatum huius partis. Probatur minor; primo de corpore simplici, quod pro obiecto ponit prima opinio, de quo evidens est non comprehendere omnia, qua tractantur in hoc opere: in quo agitur per se de generatione, & corruptione omnium corporum, & non solum de elementis: imo per se etiam agitur de augmentatione, qua non convenit propriè elementis, sed mixtis viventibus tantum: ergo elementum non potest esse adequatum obiectum huius operis. Nec etiam comprehendit omnia, qua tractantur in hoc opere, corpus ut generabile, & corruptibile quod ponit pro obiecto tertia opinio, quia ratio sub qua agitur de corpore naturali universalior est, nempe ut habet principium non solum generationis, & corruptionis, sed alterationis, & augmentationis: ergo solum ut generabile, & corruptibile non potest esse adequatum obiectum, sed ad summum principale: quia generatio precipua mutatio est ad quam aliquo modo ordinantur cetera. Sed nec eadem generatio, & corruptio quas ponit secunda opinio, habent primam conditionem, quia non continentur directè, & per se sub obiecto totius Philosophiæ, quod est ens naturale, sed proprietates quadam, vel accidentia eius sunt, ut per se est manifestum: ergo repugnat esse obiectum huius operis. Unde sequitur solum esse ens naturale, ut habet principium motus ad formam, quia in eo tantum concurrunt duæ illæ conditiones: nam directè, per se, & formaliter continetur sub obiecto totius Philosophiæ naturalis, quod est ens mobile, aut ens naturale: & formaliter continet omnia, qua in hac parte tractantur.

- 5 Ad testimonium prima opinionis concedendum est: quod de elementis appelletur ab Aristotele opus hoc: sed neganda est consequentia, quod ideo sit adequatum obiectum, quia satis est de elementis aliquo modo agere, ut tale possit appellari aliquando opus: non requiritur, quod de eis tamquam de obiecto adequato agatur. Et eodem modo concedenda est

tot a ratio eiusdem opinionis: sed neganda consequentia ultima, quod de corpore simplici, ut mobili ad formam agatur in hac parte Philosophiæ, vel in alijs tanquam de obiecto adequato, sed in hoc agitur per se tanquam de parte obiecti adequati.

Ad argumentum secunda opinionis concessa antecedenti, quod de generatione inscribatur opus, neganda est consequentia, quod generatio, & corruptio sint obiectum adequatum, sed solum sunt ratio quadam obiecti principalis, a quo sumitur denominatio.

Ad argumentum tertia opinionis concedenda est maior, & minor, sed neganda consequentia: nam illæ duæ conditiones non sufficiunt ad constituendum adequatum obiectum, quia non continent omnes rationes sub quibus, in hoc opere agitur de ente naturali: sufficere tamen possunt ad obiectum principale, quod concedimus esse ens naturale, ut generabile, & corruptibile.

Diuisio primi Libri.

Quartus decem habeat capita liber primus, in quatuor præcipua membra diuidi potest: quia quatuor sunt præcipua in eo explicata ab Aristotele, nempe alteratio, generatio, augmentatio, & mixtio, ad qua reducuntur actio & reactio passiva, & approximatio agentis ad passum necessario ad illas requisita.

A 3



LIBER PRIMVS

ARISTOTELIS DE ORTV,
 & interitu rerum naturalium, seu de
 generatione, & corruptio-
 ne eorum.

CAPVT PRIMVM.

TEXTVS ARISTOTELIS.

*De generatione autem, & corruptione, qua natura
 generantur, & corrumpuntur, &c.*

Breuis expositio textus.

VNIVERSALE intentum Aristotelis est in qua-
 tuor capitibus primis huius libri probare, quod de-
 tur generatio substantialis, per quam res naturales
 secundum substantiam de nouo fiant, & ostendere,
 quid sit hæc generatio substantialis & quomodo à cæteris mu-
 tationibus, præsertim ab alteratione distinguatur. Vt autè hoc
 efficiat, proponit prius sententias antiquorum Philosopho-
 rum; quibus refutatis ex propria vtrumque docet.

Intentum igitur huius primi capituli est asserre duas opinio-
 nes antiquorum Philosophorum de principiis rerum natura-
 lium, secundum quas, quidam eorum non poterant distingue-
 re generationem ab alteratione; alij verò distinguere quidem
 poterant; sed verè non solum non distinguebant eas, sed alte-
 rationem omnino tollebant; & sibi erant contrarij in his, quæ
 asseriebant: & ideo in duas partes diuidetur caput, nam in prio-
 ri affertur, & refutatur prima, in posteriori secunda.

Prima opinio antiquorum circa principia rerum natura-
 lium fuit, quod vnum tantum esset principium immobile, &
 perpetuum, ex quo omnia fierent, & illud quidem ens actu, at-
 que completum, vt ex 1. lib. Phys. constat. Hos verò Philoso-
 phos ait, non posse distinguere generationem ab alteratione;
 quod

quod ita probat. Si vnum tantum datur principium immobile, & perpetuum, quod sit ens actu, ergo non potest transmutari secundum substantiam, quia iam desineret esse: solum ergo posset transmutari secundum diuersas qualitates. Probatur consequentia, quia si erat immobile, non poterat mutari secundum locum; & cum esset vnum semper manens, non poterat mutari secundum quantitatem, quia mutatio secundum quantitatem, quæ est augmentatio simul sit cum mutatione substantiali, quæ est nutritio; quate iam susceperet mutationem secundum substantiam, & ideo non esset omnino inuariabile substantialiter eo modo, quo illud ponebant. Sed mutatio secundum diuersas qualitates est alteratio; ergo quidquid fiebat ex illo, per solam alterationem fieri posset, & hæc esset generatio, & ideo non distingueretur generatio ab alteratione.

Secunda opinio fuit aliorum, qui ponebant plura principia materialia, vt Empedocles, & Anaxagoras quatuor elementa; alij vero infinita quedam corpuscula indiuisibilia, quæ vocabant athomos, vt ex eodem 1. lib. Physicorum patet. Et isti bene poterat distinguere generationem ab alteratione (inquit Aristoteles,) quia per cōgregationem elementorū in quoddam chao; (quam vocabat amicitiam) dicebat Empedocles res generari; & per separationem ab eodem chao (quam vocabat litem corrumpi); & ab illo chao procedere diuersas, non solum secundum substantiam, sed etiam secundum qualitates, quia ignis genitus procedebat calidus; & terra sicca, & dura: diuersitas autem secundum qualitates pertinet ad alterationem. Sed reuera non distinguebat generationem ab alteratione, imo potius tollebat alterationem, quia existimabat qualitates elementorum esse formas substantiales eorū, & ex alia parte asserbat non transmutari elementa secundum formas substantiales, quia sunt prima principia immutabilia, ex quibus cetera fiunt: præterea non potest dari alteratio, neque vlla mutatio, nisi detur vnum subiectum permanentis sub terminis contrariis, inter quæ versari debet; sed Empedocles non ponit tale subiectum commune, sed plura principia materialia diuersa; ergo nec potest ponere alterationem: Vnde sequitur nec variari secundum qualitates, quod est non alterari, quia alteratio est variatio secundum qualitates.

Probat tandem Aristoteles, quod in his, quæ Empedocles dicebat, continebatur cōtradiçtio, quia ex vna parte dicebat elementa fieri vnum quid per cōiunctionem in chao illo, generari vero, atque procedere diuersa ex eodem chao, vt ignem calidum, & aquam frigidam: ex alia vero parte non transmutari

secundum substantiam, nec vnum fieri ex altero; sed non possunt fieri vnum quid per coniunctionem in chaos, nisi corrumpantur; cum ex propria natura sint diuersa & contraria, nec possunt procedere diuersa secundum substantiam, nisi ex illo vno generentur, quod est generari, quodlibet ex altero: ergo sibi ipsi contrarius est.

CAPVT II.

TEXTVS ARISTOTELIS.

Omnino itaque de generatione, & corruptione simplici dicendum est, &c.

Breuis expositio textus.

INtensum huius capitis est tradere duas alias opiniones antiquorum Philosophorum circa naturam generationis, & eas refutare. Diuiditur autem in duas partes; in prima tradit utramque opinionem, asseritque minus falsam esse secundam, quam primam: in secunda affert rationem secundam, & soluit falsitatem quæ eiusdem opinionis ostendit.

- 9 Communem ferè sententiam fuisse asserit antiquorum Philosophorum, res omnes generari per congregationem quarundam magnitudinum indiuisibilium, & corrumpi per separationem earum. Sed Plato, & eius discipuli dicebant has magnitudines esse superficies indiuisibiles; Democritus verò, & Leucippus esse indiuisibilia corpora, quæ vocabant athomos. Quorum sententiam minus esse falsam docet, quam sententia Platonis, quia nec generatio, imo neque vlla mutatio physica intelligi potest ex ea: quod sic probat. Ex superficiebus congregatis non potest fieri aliquod ens physicum, sed solum figuræ mathematicæ abstrahentes à materia sensibili, quemadmodum neque ex lineis, nisi triangulus, vel quadrangulus, & ex consequenti nec aliqua mutatio physica circa corpora; ergo non est intelligibilis ex ea natura generationis, aut alterationis. Opinio autem Democriti generationem, & corruptionem ponere potest: nam cum ex paruis corporibus res naturales componi doceat, asserere potest, quod per diuersam dispositionem, & conuersionem athomorum transmutentur secundum diuersa accidentia, ut secundum diuersos colores, aut figuras, quemadmodum diuersi colores apparent in collo columbæ ex di-

uerfa

uersa dispositione, aut modo se habendi ad lucem; & ita dicebat Democritus colores, & cæteras qualitates non habere esse permanens in corporibus; sed variari secundum diuersas positiones, aut conuersiones athomorum, ex quibus eadem corpora componuntur.

Ratio autem, qua Democritus probat res omnes naturales componi ex quibusdam corporibus indiuisibilibus, quæ athomos vocabat, euidenter apparet: procedit autem sic. Vel componuntur res ex corporibus indiuisibilibus, vel ex diuisibilibus; ex his non potest componi; ergo necessario dicendum est, quod ex illis componatur. Minorem probat, quia si componitur ex corporibus, vel partibus diuisibilibus in infinitum; cum possibile posito in esse nullum sequatur inconueniens, poterit esse actu diuisum in omnes suas partes; & tunc ex omni diuisione actu facta: vel quod remanebit, erunt puncta, vel qualitates, vel nihil: nihil horum esse potest; ergo nec possibile est poni in actu diuisionem continui; & ex consequenti non componetur ex partibus, aut corporibus diuisibilibus, sed ex athomis indiuisibilibus. Probat iterum minorem, quia si in nihilum resoluitur diuisio corporis; ergo ex nihilo erit factum; nam eodem modo se habet res ad corruptionem, sicut ad generationem; sed ex nihilo fieri repugnat; ergo etiam repugnabit in nihilum resolui. Quod vero non resoluitur in sola puncta, probatur; quia sequeretur ex solis punctis esse compositum; quod repugnat; nam vnum punctum additum, vel coniunctum alteri, non facit maius; ergo nec potest fieri magnitudo, vel corpus ex eis. Nec tandem resoluitur continuum per diuisionem in qualitates: primo, quia corpus non generatur ex qualitatibus; ergo neque in eas potest resolui: secundo, quia si in solas qualitates resolveretur, darentur separatæ à subiecto; sed repugnat (saltem naturaliter) dari accidens separatum à subiecto; ergo repugnabit diuisionem corporis in solas qualitates resolui.

Huic argumento respondet Aristoteles hac distinctione: dum dicitur corpus esse diuisibile in quamlibet sui partem, vel in infinitum, aut in semper diuisibilia: dupliciter intelligi potest, complete, vel incomplete, aut simul, vel successiue: simul, aut complete fieri diuisionem est, quod possit dari tota diuisio eius facta, & completa, & in hoc sensu non est verum, vt patet in successiuis; nam in prima parte horæ verum est omnes alias partes eiusdem horæ esse possibles, sed non est possibile, quod sint simul existentes: & materia potest recipere omnes formas, sed repugnat naturaliter omnes simul habere. Successiue autem, vel incomplete fieri est, quod nunquam detur, nec dari pos-

set completa, aut totaliter facta, sed quod semper sit aliquid eius factum, & aliquid restet semper faciendum; & in hoc sensu verum est. Ex quo non sequitur continuum resolui per diuisionem in nihilum, nec in solas qualitates, nec etiam in indiuisibilia corpora, vel athomos, sed in corpora, vel partes diuisibiles in infinitum, ex quibus componitur, & non ex athomis, ut asserbat D  m  critus.

C A P V T I I I.

TEXTVS ARISTOTELIS.

Determinatis autem his, primo speculandum utrum sit aliquid, quod generatur simpliciter, &c.

Breuis expositio textus.

PROPOSITIS iam, atque refutatis opinionibus antiquorum Philosophorum circa generationem substantialem, quam vult Aristoteles distinguere ab alteratione, intendit in hoc tertio capite ostendere, quod detur talis generatio substantialis, per quam aliquid dicatur generari simpliciter. Diuiditur autem caput in tres partes; in prima proponit questionem hanc; utrum aliquid generetur simpliciter: hoc est, an fiat, cum prius non esset simpliciter; vel nihil generetur simpliciter; sed tantum secundum quid, ita ut prius esset simpliciter, fiat autem sub aliquo accidenti, nempe album, vel sciens. In secunda proponit, & soluit duo dubia valde necessaria ad solutionem eiusdem questionis. & in tertia soluit questionem; & responder argumentum.

Quaestio igitur est, an verum sit aliquid simpliciter generari, hoc est fieri cum prius non esset simpliciter. Et videtur (ait Aristoteles) quod non, propter hoc argumentum: quia si aliquid generatur simpliciter, ergo fit simpliciter ens; sed quod fit, debet fieri ex suo contrario: ergo ens simpliciter fit ex non ente simpliciter, hoc autem est impossibile: ergo repugnat quod generetur ens simpliciter. Probat hanc ultimam minorem; quia id ex quo aliquid fit, permanet in re facta; & haec de illo praedicatur. Quae admodum lignum ex quo fit statua, permanet in ea, & eadem statua praedicatur de ligno, dum dicimus, lignum est statua: Sed non ens simpliciter non manet in ente simpliciter; neque hoc praedicatur de illo, cum sint contradictorie opposita; ergo non poterit ex eo generari. Et hoc in prima parte capitis. Ut autem melius possit

possit hanc questionem, proponit in secunda parte duo dubia; primum est, quænam sit causa ob quam generatio sit semper, ita ut nunquam cessent generationes? & ait, se non inquirere causam efficientem, quia 8. lib. Physicorum eam tradidit; probans dari vnum primum motorem semper mouentem, & vnum primum mobile semper motum, ex cuius motu perpetuo causatur perpetuitas generationum; sed causam materialem, quam probat non dari hoc argumento. Sicut in generatione sit ens simpliciter ex non ente simpliciter, ita in corruptione definit ens simpliciter in non ens: ergo definit in nihilum, quare aliqua entitas consumitur in singulis corruptionibus: sed tota entitas ex qua constat mundus est finita; ergo tandem consumetur, & cessabunt proinde generationes: probatur consequentia, quia omne finitum per ablationem finiti tandem consumitur. Et si dicatur primo, materiam ex qua fiunt res naturales esse actu infinitam, ut dixerunt quidam ex antiquis Philosophis ponentes vnum principium materiale actu infinitum; & ideo nunquam consumi, etiam si in infinitum extrahantur partes pro singulis generationibus. Contra hoc est, inquit Aristoteles, quod non est possibile dari infinitum actu, ut in 3. lib. Phys. probatum est. Et si dicatur secundo, quod licet materia sit actu finita, non consumeretur per continuas generationes, quia non extrahantur ab ea partes æquales pro singulis generationibus, sed minores semper, quæ appellantur proportionales, quia minores semper res generantur, quam prius generabantur, ad quod sufficit esse infinitam in potentia, ut patet in diuisione continui, cuius diuisio in infinitum procedere potest, licet actu sit finitum, quia est infinitum in potentia, & diuisio non fit per partes æquales, sed proportionales. Respondet Aristoteles neque hoc sufficere, quia si per singulas corruptiones consumitur aliquid materiarum, & per singulas generationes aliquid extrahitur, licet sit semper minor pars, quæ consumitur, & extrahitur, distincta tamen omnino ab ea, quæ prius consumpta, atque extracta fuit, & non includens eam; quare necesse est consumi materiam per partes aliquotas, licet vna sit minor alia, & non per proportionales, sicut fit diuisio continui; & ideo tandem consumi, cum actu finita sit.

His autem solutionibus refutatis respondet Aristoteles, generationes posse esse perpetuas, quia generatio vnius rei est corruptio alterius, ita ut non introducatur vna forma in materia per generationem, quin ab eadem expellatur alia per corruptionem permanente tamen eadem materia, à qua vna expellitur, & in qua alia introducitur, & ita finita materia sufficit.

pro perpetuis generationibus, quia nihil eius definit, aut consumitur.

- 15 Secundum dubium est, si generatio vnius est corruptio alterius, quare quædam dicuntur generari simpliciter, alia verò non, nisi secundum quid: ut dum fit homo, & corrumpitur embrio, dicimus hominem simpliciter generari: & ex oppositò dum definit homo, & fit cadauer generari simpliciter, sed corrumpi hominem simpliciter, & cadauer secundum quid generari. Atque etiam dum fit homo sciens, vel albus, non dicimus hominem generari simpliciter, vel fieri; sed fieri scientem, vel album. Et respondet, hoc iudicandum esse ex termino ad quem generationis, hoc est ex re, quæ generatur, vel corrumpitur, non solum in his, quorum vnum generatur ex alio, vel corrumpitur in aliud, sed etiam in aliis, quorum nec vnum generatur ex altero, neque in illud corrumpitur; nam si id quod generatur est ens perfectum, dicitur simpliciter generari, vel corrumpi, si verò sit imperfectum, non nisi secundum quid. Ut dum fit homo, dicimus aliquid simpliciter generari, & non dicimus aliquid corrumpi simpliciter, licet corrumpatur embrio: atque etiam dum definit homo, dicimus aliquid simpliciter corrumpi, & non dicimus aliquid simpliciter generari, licet fiat cadauer, quia homo est perfecta substantia, & perfectum ens, à quo generatio, & corruptio denominationem accipiunt simpliciter; embrio verò, & cadauer imperfecta, & quasi incompleta, & quæ nec denominant generationem, nec corruptionem simpliciter, vel etiam dum fit ens sensibile, vulgo dicitur generari simpliciter, non verò si fiat ens, quod sensu non percipitur, ut si fiat ignis, vel aqua dicitur aliquid generari simpliciter, si vero fiat aer, (qui non sentitur) non concedunt generari aliquid, quia errore decepti putant, non esse entia, nisi ea, quæ sensu percipiuntur; cum tamen contrarium potius verum sit, quod minus sensibilia sunt entia magis perfecta: in his etiam, quorum vnum non fit ex altero, dicitur aliquid simpliciter generari, si generetur id, quod simpliciter est ens, nempe substantia, & non nisi secundum quid, si generetur accidens, quia non est ens simpliciter, sed secundum quid, & supponit subiectum iam factum, quod est substantia, & ens simpliciter. Ut dum fit homo, vel equus, dicimus generari simpliciter: dum vero fit album, vel sciens, non nisi secundum quid, quia supponitur homo, vel corpus, & solum fit sub albedine, vel scientia, quod est fieri, secundum quid.

- 16 Ex solutione horum dubiorum respondet in vltima parte ad questionem in principio propositam, nempe, an aliquid dicatur

dicatur generari simpliciter: affirmatiue, quod aliquid generatur simpliciter. Quod probatur: quia productio entis simpliciter, nempe substantiæ ex materia tanquam ex subiecto, & ex priuatione formæ existente in eadem materia, tanquam ex termino à quo est generatio simpliciter; sed talem productionem dari constat, dum fit ignis ex materia ligni, in qua est priuatio eiusdem formæ ignis; ergo verum est aliquid generari simpliciter. Probat minorem, quia ignis, qui fit, est substantia, & ideo ens simpliciter; & eius productio simpliciter generatio.

Ad primum autem argumentum in contrarium propositum respondet, generari ens simpliciter ex materia, quæ est non ens simpliciter, hoc est, non ens actu, sed est ens secundum quid, hoc est ens in potentia: quare non generatur ex omnino non ente, sed solum ex non ente actu, vel tali, & proinde non ex nihilo: & hoc ens in potentia ex quo generatur manet in re genita, eam componens: neque hoc repugnat, quia solum opponuntur contradictoriè ens, & non ens, quod est nihil. Sed aduersus hanc solutionem arguit Aristoteles hoc modo. Si ens simpliciter generatur ex ente in potentia, & non ex ente in actu; ergo generatur ex non substantia; vel ergo hæc materia, quæ est non substantia actu, est aliquid aliorum prædicamentorum actu, nempe quantum, vel quale, aut non; si nihil horum sit; ergo nihil est actu, & ideo ex nihilo fiet id, quod generatur; & si aliquid horum actu sit, cum non sit substantia actu erit accidens, & dabitur accidens extra subiectum. Et respondet, materiam non esse ita substantiam in potentia, ut nullo modo sit actu substantia, sed est substantia in suo ordine determinata, sed completa solum in potentia; per generationem vero fit substantia actu in eodem ordine secundum naturam formæ, cui coniungitur, & eadem materia secundum se est entitas substantialis actualis receptiua formæ, quod est esse potentiam realem ad illam, nec est actuale quid aliorum prædicamentorum.

CAPVT IIII.

TEXTVS ARISTOTELIS.

De generatione autem, & alteratione dicamur

quid differunt, &c.

Breuis

Brenis expositio textus.

- 18 **I**ntentum huius capitis est assignare differentiam inter generationem, & alterationem. Diuiditur autem in duas partes, in prima præsuppositis duobus fundamentis docet, quid sit generatio, & quid alteratio; in secunda breui quoddam dubio proposito, & soluto, duas ponit differentias inter generationem, & alterationem.

Primum fundamentum, quod præsupponit est, subiectum, & passionem, seu qualitatem ei inhxerentem diuersa esse, vt homo qui subiectum albedinis est, diuersum quid est ab eadem albedine, sicque de cæteris subiectis, & qualitatibus. Secundum fundamentum est, circa vtrumque fieri mutationem, nempe circa subiectum, & qualitatem; & circa subiectum quidem fit, quando substantia producit per generationem, vt quando producit ignis, vel aqua: circa qualitatem vero, quando producit in subiecto præexistente, vt quando dealbatur homo. Hoc supposito asserit alterationem esse mutationem circa qualitatem eodem subiecto sensibili permanente sub vna, & altera; vt dum aqua calefit, cum prius esset frigida, dicimus alterari, quia mutatio fit circa qualitates eius, non circa substantiam, sed hæc integra manet sub frigore, & calore: & quia substantia corporea est habens accidentia, per quæ sentitur, verum est in alteratione permanere idem subiectum sensibile. Generatio vero est mutatio circa substantiam, vel subiectum, & ideo non manet idem subiectum sensibile, sed corrumpitur, & fit aliud nouum, vt dum ex ligno generatur ignis, mutatio fit circa substantiam ligni, quare non permanet idem lignum. Ex quibus hanc definitionem generationis colligunt interpretes, *Generatio est mutatio huius totius in hoc totum nullo sensibili subiecto permanente eodem.* Hoc est mutatio huius substantiæ in hanc substantiam non permanente eadem, sed corrupta vna, & genita alia. Tunc autem maxime fieri generationem asserit secundum opinionem vulgi, quando ex substantia insensibili, vel parum sensibili fit substantia sensibilis, vel magis sensibilis, vt dum ex aëre, qui minus sensibilis est, fit aqua: putat enim vulgus magis sensibilem substantiam perfectiorem esse.

- 19 Sed quia posset aliquis dubitare, an in generatione fiat mutatio solum circa substantiam, vel etiam circa qualitates? Respondet Aristoteles in secunda parte capitis, circa aliquas qualitates mutationem fieri, nempe circa eas, quæ diuersæ rationis sunt in genito, & corrupto; aut etiam cōtrariæ: circa alias vero, quæ sunt eiusdem rationis non fieri mutationem: gratia exempli, si

pli, si ex aëre fiat aqua, non mutatur humiditas in contrariam qualitatem, videlicet in siccitatem, sed cum esset in aëre, permanet in aqua; mutatur tamen calor, qui erat in aëre in frigiditatem contrariam. An verò qualitas communis genito, & corrupto permaneat in utroque, eodem numero, vel eadem tantum specie, statim disputabitur.

Assignat tādē duplicem differentiam inter generationem, & alterationem; prior est ex parte termini per utramque producti; posterior ex parte subiecti: ex parte quidem termini producti differūt, quia quando per mutationem producit quantitas, est augmentatio; quando producit Vbi, est latio; seu localis motus; quando producit qualitas, est alteratio; & quādo producit forma substantialis constituens substantiam, est generatio, ut quando ex aëre producit aqua. Itaq; alteratio est mutatio ad qualitatem, & generatio est mutatio ad substantiam. Secundò differunt circa subiectum, quia sicut materia prima, quæ est pars substantiæ, est primum subiectum susceptivum formæ, ita est subiectum immediatè susceptivum generationis, alteratio vero non habet pro immediato subiecto materiam primam nudam, sed iam informatam forma substantiali, quo pacto vocatur materia secunda.

Tractatus I. De generatione substantiali.

IDeo sententia Arist. horum capitum à primo vsque ad quartum simul à nobis explicata est, quia in omnibus agit de generatione & corruptione; ut explicata natura utriusque eas distinguat ab alteratione, quæ ideo non potest plenè intelligi, nisi integra sententia eius pereipiatur. Circa hæc igitur quatuor capita tres tractatus instituimus; primum de generatione substantiali, in quo suo ordine explicabuntur, quæ ad naturam eius pertinent, atque etiam modus, quo ab alteratione distinguatur: secundum, de corruptione etiam substantiali; postremum vero, de his, quæ ad alterationem pertinent. Licet autem nonnulli ex modernis alium sequantur ordinem, prius de alteratione disputantes, posterius vero de generatione, & corruptione, quia alteratio tempore præcedit generationem; cum per eam disponatur materia ad receptionem formæ, & generationem compositi: nos vero ordinem potius Aristot. sequimur, qui prius de generatione, & corruptione egit; deinde vero de alteratione: & merito quidem, quia non solum nobilior est generatio, sed ex explanatione eius melius intelligitur natura alterationis.

QVÆSTIO I.

An detur in rerum natura generatio, & corruptio substantialis?

- 21 **P**rima sententia communis satis inter Philosophos Platone, & Aristotele antiquiores fuit, quod nulla detur generatio, aut corruptio substantialis. Ita Anaxagoras; Empedocles, Leucippus, Democritus, & alij, quos citat Aristot. hoc loco, & 1. lib. Physicorum in principio. Quorum potissimum fundamentum erat, quod unum tantum principium rerum naturalium datur; vel si plura, illa sunt entia, acta, & corpora quædam, quæ variis transmutationibus subduntur secundum congregationem, vel separationem inter sese, aut secundum rarefactionem, vel condensationem, non verò secundum substantiam, ita ut unum corrumpatur secundum substantiam, vel desinat esse, & aliud de nouo generetur substantialiter. Ex quo factum est, ut mutationem substantialem non cognouerint, sed accidentales tantum secundum diuersas qualitates, quæ verè appellantur alterationes, & hoc est, quod asserit Aristoteles in his capitibus eos non distinxisse generationem ab alteratione. Argumentum igitur eorum hoc erat; res naturales secundum substantiam non sunt compositæ ex multis principijs substantialibus quasi ex partibus, sed substantia earum simplex est: ergo necesse est, vel totam desinere, vel totam permanere; sed si tota desinat, nihil eius permanebit; ergo desitio eius ad nihilum terminabitur. Et etiam si tota fiat per generationem substantialem, ex nihilo sui fiet: ex nihilo autem nihil potest fieri, neque in nihilum potest res desinere: ergo impossibile est naturaliter, quod aliquid generetur, vel corrumpatur secundum substantiam; sed solum mutari poterunt res naturales secundum diuersa accidentia quæ ex congregatione, vel separatione in eis sunt; vel secundum raritatem, aut densitatem; & ex consequenti impossibile est generatio substantialis, sed accidentalis solum
- 22 admittenda est. Et si dicatur res naturales non esse simplices, sed compositas ex materia, & forma. Contra hoc est, quia res composita non poterit produci de nouo, nisi omnes partes eius de nouo producantur, à quibus habet esse: sed materia saltem non potest produci de nouo, dum res generatur; sed supponitur producta à solo Deo per creationem: ergo non est producibilis per generationem substantia composita; & cum repugnet magis, substantiam simplicem generari, non erit possibilis genera

generatio substantialis. Secundo probatur : quia si datur generatio substantialis : produceretur per eam substantia, quæ est ens simpliciter : sed ens simpliciter non potest produci, nisi ex non ente simpliciter : cum quodlibet debeat fieri ex suo opposito, & ex non ente simpliciter non potest aliquid generari : ergo impossibilis est generatio. Probatur minor, quia non ens simpliciter est nihil, & ex nihilo nihil generari potest. Tertio, quia vel per generationem produceretur substantia secundum essentiam, vel secundum existentiam : neutro modo produci potest : ergo nec erit possibilis generatio. Probatur minor, quia essentia sunt perpetua : ergo non possunt produci de nouo substantia quantum ad essentiam : existentia vero extra essentiam substantia est : nam vel est accidens, vel ad summum modum substantialis : ergo si solum producuntur res quantum ad existentiam, nulla substantia noua produceretur, sed accidens eius, vel modus.

Secunda sententia asserit ponendam esse generationem, & 23 corruptionem substantialem, per quas res naturales fiunt de nouo secundum substantiam, & etiam substantialiter desinunt esse. Ita Plato in Timæo, Aristot. 1. 5. & 8. lib. Phys. in his quatuor capitibus, & pluribus aliis suæ doctrinæ locis, & cum eorum tota eius schola Peripatetica. Probatur primo ex tribus principiis 1. lib. Phys. tanquam certissimis in Philosophia naturali præsuppositis, & explicatis. Primum est, res naturales compositas esse ex duobus principiis distinctis, nempe materia, & forma, quorum primum se habet tanquam potentia, aliud vero tanquam actus. Secundum principium est, materiam non esse producibilem per generationem, quia est primum subiectum, ex quo fiunt omnia, & ideo à solo Deo producibilis ex nihilo per creationem : tertium, formas omnes educi de potentia eius, præter animam rationalem, quæ creatur à Deo in eadem materia disposita ab agente naturali. Ex his autem principiis hoc argumentum colligitur : forma substantialis distincta à materia educitur de potentia eius, & per educationem acquirit nouum esse actuale : cum prius solum haberet esse in potentia materiae, sic autemeducta recipitur in eadem materia, cui coniungitur, tanquam actus substantialis potentiaè substantiali, & ideo ex coniunctione vtriusque resultat compositum substantiale nouum, quod prius non erat : hæc autemeductio formæ, & unio 7 substantialis cum materia est mutatio substantialis eiusdem materiae à priuatione eiusdem formæ ad eandem formam, & compositum ex unione resultans : ergo est generatio substantialis totius nouæ substantia : quare necesse est dari generationem substantialem.

- 24 Probatur secundò euidenti experientia, quia videmus grana tritici terræ mandatam putrefieri, & corrumpi; atque ex eo corrupto pullulare spicam, & in ea noua quædam alia grana distincta à corrupto non solum secundum accidentia, sed secundum entitatem, & substantiam: ergo datur corruptio vnus substantiæ, & generatio alterius.

Tertio probatur ex proprietatibus, & operationibus de quibus euidens est dimanare à substantia rerum, quibus conueniunt; sed constat euidenti experientia proprietates, seu passionibus, & operationes, quas vna res habuit; non solum ei iam non conuenire, sed nec conuenire posse per virtutem totius naturæ; ergo necessario concedendum est rem illam substantialiter desinere; cui eo modo deficiunt proprietates, & operationes: & in aliam substantiam transisse per corruptionem & generationem substantialem. Probatur minor in morte hominis, vel leonis per quam factum est, vt corpori remanenti iam non conueniant propriæ passionibus sensibilitatis, aut risibilitatis, vel admirationis: nec etiam operationes sentiendi, aut ridendi, nec esse potestatem in tota natura per quam ei possint restitui villo vnquam tempore: ergo euidens signum à posteriori est, quod non sit eadem substantia, quæ prius erat, sed in aliam insensibilem esse mutatam per corruptionem, & generationem substantialem.

- 25 Ad argumentum antiquorum Philosophorum neganda est maior, quod res naturales sint substantiæ simplices, vel quod vno tantum simplici principio constent: sed vtrumque horum est apertè falsum, quia experientia constat proprias passionibus, & operationes rei naturalis, quæ à forma, & substantia eius tamquam à radice procedunt prorsus deficere, & ex consequenti deficere formam substantialem: aliquid tamen eiusdem substantiæ remanere, quod est materia sub alia noua forma. Ex quibus sequitur nec vno tantum principio substantiali constare, sed duobus, nempe forma, & materia: nec esse simplices substantias, sed ex vtroque compositas, & ideo generabiles, & corruptibiles: quare necesse est dari generationem, & corruptionem substantialem.

Ad aliud vero de partibus neganda est maior, quod necesse sit, vt totum dicatur produci de nouo, quod omnes eius partes de nouo producantur: imo etiam si nulla pars producat de nouo, produci potest totum: cuius ratio est, quia totum est substantia illa completa, quæ resultat ex substantiali vnione partium, de qua verum est, quod ante vnionem non erat, licet essent omnes partes, ex quarum vnione resultat. Quod manifestum

rum est in resurrectione: per quam verum est hominem de nouo incipere, quia iam non erat, licet essent partes eius separate, nempe anima, & corpus,

Ad secundum distinguenda est minor ex parte illius termini, ex non ente simpliciter, qui duobus modis sumi potest; primo, ut est negatio totius entitatis; secundo, ut solum negat ens in actu: & in prima significatione conuertitur cum nihilo; & verum est quod ex non ente simpliciter nihil possit fieri per generationem: falsum verò quod ens simpliciter, hoc est substantia, debeat fieri ex non ente simpliciter. In prima autem significatione concedendum est, quod ens simpliciter, vel substantia debeat fieri ex non ente simpliciter, hoc est ex non ente in actu, sed solum in potentia, quod est materia prima: negandum verò quod ex non ente simpliciter sic acceptum nihil possit fieri per generationem.

Ad tertium neganda est minor, quòd nec fiat substantia per generationem secundum essentiam, nec secundum existentiam, sed utroque modo fit; ita quidem ut essentia sit terminus factus, existentia verò modus sub quo fit, vel ratione cuius sit extra causas. Et cum dicitur essentias esse aternas, distinguendum est, quia dupliciter potest sumi essentia; primò secundum connectionem prædicatorum essentialium abstrahentium ab existentia actuali; imò ab entitate reali extra causas; secundo, pro natura reali extra causas ex suis principiis essentialibus composita, & sub prima acceptione perpetuæ sunt essentia, & de nouo fieri non possunt: sub secunda verò perpetuæ non sunt, sed de nouo possunt incipere, atque de nouo produci per generationem, vel creationem, iuxta earum naturam, & conditionem.

QVÆSTIO II.

Quid sit generatio substantialis?

UT intelligatur sensus questionis, explicare oportet diuersas acceptiones generationis. Primo enim accipitur prout commune quid est ad generationem substantialem, & accidentalem, in qua significatione loquitur de ea Aristor. 5. lib. Phys. cap. 1. tex. 7. dicens esse mutationem de non subiecto in subiectum: hoc est à termino à quo negatiuo in terminum ad quem positiuum; ut à non esse simpliciter ad esse simpliciter, vel à non esse tali ad esse tale: & hæc nō est propria acceptio eius. Sed secundo accipitur propriè pro sola substantiali, siue per eā fiat substantia viuēs, vel non viuēs, ut ignis, vel animal. Tertio pro sola

generatione viuentium. Et quæstio præsens non procedit de generatione in prima, & tertia acceptione: non quidem in prima, quia secundum eam non distinguitur ab alteratione, à qua eam intendit distinguere Arist. hoc loco; sed nec in tertia, quia de omni generatione substantiali intendit agere, & non de sola generatione viuentium, de qua in libris de Anima, & reliquis naturalis Philosophiæ. Solum ergo disputamus de generatione in secunda acceptione, prout ad solas substantiales communis est.

- 18 Generationis autem sic sumptæ tres definitiones assignat Aristoteles diuersis locis, ut cæteras omittamus. Prima habetur 8. lib. Phys. cap. 7. text. 2. *Generatio est mutatio de non ente ad ens, siue de non esse ad esse.* Secunda habetur cap. 4. huius libri textu 23. *Generatio est mutatio totius in totum nullo subiecto sensibili permanente.* Tertia vero capit. 5. eiusdem libri text. 25. *Generatio est mutatio à substantia in potentia ad substantiam actum.* Et omnes istæ definitiones continent eundem sensum, nam per generationem producitur substantia composita ex materia, & forma, ita ut materia præsupponatur tanquam subiectum circa quod operatur agens, & sua operatione educit formam de potentia eius, quam ei unit, & ex tali unionem resultat compositum, quod est principalis terminus productus per eandem generationem, forma verò est terminus formalis, quo atque ab utroque sumit speciem suo modo generatio: & tandem quia materia est ens in potentia, dicitur fieri per generationem ens ex non ente, hoc est ex non ente in actu, vel quod idem est ex ente in potentia. Et hoc est quod per omnes 19 istas definitiones explicatur; nam in omnibus dicitur generationem esse mutationem, cuius subiectum est materia, & esse mutationem de ente, vel substantia in potentia, quod est eadem materia carens forma, ad ens, vel substantiam in actu, nempe ad compositum substantiale per eandem generationem productum, quod est ens actu, vel substantia actu. In secunda autem definitione dicitur generationem esse mutationem totius in totum, non quia totum fiat per se ex toto; cum notum sit ex sola materia carente forma per se fieri, atque adeo ex non ente; quod euidenter probatur ex eo, quod si daretur materia separata ab omni forma, in quam ignis posset operari, & inducere propriam formam, produceret alterum ignem per veram generationem, & non esset talis generatio mutatio totius in totum, sed solius materiæ à priuatione formæ ad eandem formam, ex qua simul cum materia totus ignis generaretur. Vnde sequitur per accidens esse ad generationem, quod totum fiat ex toto, per se verò, quod fiat ex materia,

teria, sed quia naturaliter materia numquam est sine aliqua forma, ideo naturali modo fit semper totum ex toto; numquam tamen per se; & ideo solum differt secunda definitio à prima, & tertia, quòd istæ explicant id quod est per se in generatione, illa verò illud etiam, quod contingit naturaliter, & non per se pertinet ad generationem. In eadem etiam definitione secunda additur, nullo sensibili subiecto permanente, hoc est, nullo ente completo, quia in generatione substantiali compositum præcedens semper corrumpitur, & aliud nouum fit, per quod distinguitur ab alteratione; nam in hac eadem substantia completa permanet in vtroque termino à quo, & ad quem, & mutatur ab vna qualitate in alteram, vt aqua à frigore in calorem sub vtroque permanens.

An definitiones istæ, vel aliqua earum sit essentialis?

His definitionibus sic explicatis difficultas quæstionis à so-
lis modernis excitata consistit in hoc, an omnes, vel aliqua earum sit essentialis? Circa quam est prima opinio quorundam modernorum, nullam esse essentialem, quia ad essentialiam generationis non pertinet, quòd sit mutatio, licet modo naturali fiat cum mutatione materiæ ab vna forma in aliam. Itaque existimant solum esse intrinsecum generationi, quod per eam educatur forma de potentia materiæ, & ei vniatur, vel quod iam producta per creationem vniatur eidem materiæ; unde sic esse definiendam essentialiter. Generatio est actioeductiua formæ substantialis, vel vnionis eius cum materia. In qua non includitur mutatio, sed pro generatione ponitur actio; per alias vero particulas distinguitur à creatione, & cæteris actionibus, quibus producuntur accidentales formæ.

Probant duplici argumento: primò, quiaeductio formæ substantialis de potentia materiæ, vel vnio eiusdem formæ cum materia, est generatio; sed hæc potest saluari sine mutatione materiæ ab vna forma in alteram, vel à priuatione vnus formæ ad eandem formam: ergo mutatio non pertinet ad essentialiam generationis: Probatur maior: quiaeductio formæ, & vnio eius cum materia est productio totius compositi substantialis, & non est creatio: cum non sit productio ex nihilo, sed ex materia: ergo est generatio, quia non datur productio substantialis præter generationem, & creationem. Minorem vero sic probant: Si Deus crearet aliquam materiam sine omni forma, ex qua in eodem instanti educeretur ignis;

vel ipse Deus formam ignis, eamque vniret eidem materiæ; talis eductio, vel vnio esset vera generatio ignis, & non esset mutatio, cum materia illa nec sub alia forma, nec sub priuatione eiusdem formæ aliquando fuisset: ergo ad essentiam generationis non pertinet mutatio. Secundò, quia nutritio est generatio partialis ex sententia Aristotelis, & omnium; sed hæc fit aliquando sine vlla mutatione materiæ: ergo mutatio non est de essentia generationis partialis; & consequenter nec de essentia generationis totalis, quia eadem est ratio vtriusque quantum ad hoc. Sed probatur minor in mutatione, quæ fit ex speciebus sacramentalibus in stomacho corruptis, ad quarum corruptionem Deus creat nouam materiam, cui vnitur anima rationalis in eodem instanti; & per talem vnionem produciuntur substantia partialis composita ex anima rationali, & noua illa materia, sed absque mutatione eiusdem materiæ: ergo mutatio non est de essentia nutritionis. Probatur minor; quia materia illa nec fuit sub alia forma, nec sub priuatione animæ, alioqui duplicem habuisset formam in eodem instanti, vel eandem simul, ac priuationem eius, quod repugnat: quare non est mutatio ab vna in aliam formam, nec à priuatione vnius formæ ad eandem formam.

Secunda opinio tenet primam saltem, & tertiam definitionem Aristotelis essentialem esse, nam secunda aliquid accidentale videtur includere, nempe quod totum fiat ex toto, vt contingit modo naturali: vtramque autem illam definitionem sub hac posset includi: *Generatio substantialis est mutatio à priuatione forma substantialis ad eandem formam substantialem, atque compositum*. Cuius genus est mutatio, per quam distinguitur generatio à creatione, & cæteris actionibus etiam substantialibus, quæ mutationes non sunt. Per cæteras vero particulas explicantur subiectum, nempe materia prima, terminus à quo, & ad quem: & ab hoc accipitur species eius; per quam distinguitur à mutationibus accidentalibus; & ex hac definitione generationis ita explicata facile deducitur definitio corruptionis, quæ erit mutatio à forma substantiali, & composito ad priuationem eiusdem formæ. Hæc est nostra sententia, quam videntur sequi Conimb. 1. lib. de generatione quæst. 9. art. 1.

31 Et probatur testimonio Aristotelis, qui in his tribus definitionibus ponit pro genere mutationem: ergo sentit essentialem esse generationi. Sed respondent moderni, non definire generationem præcise secundum essentialia, sed vt modo naturali fit. Contra hoc tamen est aliud testimonium expressum eiusdem

eiusdē Aristotelis 5. lib. Phys. text. 7. Vbi distinguens essentialiter mutationem à motu ita ait : *Qua igitur ex non subiecto est in subiectum mutatio secundum contradictionem (hoc est de non esse ad esse) generatio est.* Sentit ergo expresse mutationem esse prædicatum essentialē generationis , in quo conuenit cum motibus , sed ab eis distinguitur essentialiter , quia inter contradictorios terminos , vel priuatiuē oppositos versatur , nempe inter esse , & non esse.

Probat̃ur deinde ratione ; primò , quia tria sunt principia generationis intrinseca , materia , forma , & priuatio ; materia tanquam subiectum , forma , & priuatio tanquam terminus à quo , & ad quem ; vt docet , atque probat Arist. 1. lib. Phys. ergo repugnat dari veram generationem sine his . Sed materia mutatur de priuatione ad formam : ergo intrinsecum est generationi esse mutationem substantialem materiæ inter hos duos terminos . Et si dicatur hæc tria principia concurrere ad generationem solum vt sit modo naturali ab vna in aliam formam , & ideo hoc tantum modo esse mutationem , & non essentialiter : sed dari posse generationem , etiam si materia non fuerit sub priuatione per solam eductionem formæ de potentia eius , vel vnionem cū ea , & ideo sine mutatione . Probo hoc esse falsum . quia ex eo sequitur euidenter priuationem non esse principium per se generationis : probatur consequentia , quia quod per se conuenit alicui , omnibus eiusdem essentia conuenire debet : sed priuatio non est principium cuiuscunque generationis : ergo non est principium generationis per se , vel si est principium per se , necesse est cuiuscunque veræ generationi conuenire .

Secundò probatur , quia essentialis ratio generationis non consistit in sola eductione formæ de potentia materiæ , & vnione cum ea , vt affirmat alia sententia : ergo ultra hoc requirit quod materia præcesserit sub priuatione eiusdem formæ , & ab ea mutetur ad eandem formam : probatur antecedens , nam formæ cælorumeductæ fuerunt de potentia materiæ in principio mundi , vt efficaciter probaui 1. lib. Physic. quia in esse , & fieri dependent à suis materiis , & etiam fuerunt vnite eisdem materiis : & talis eductio , & vnio non fuit generatio , quia corpora cælestia non sunt generabilia ; ergo generatio non consistit essentialiter in sola eductione formæ , & vnione cum materia , sed petit essentialiter , vt præcesserit materia sub priuatione , & ab ea mutetur in formam , & ita sit essentialiter mutatio .

Ad primum argumentum alterius sententię neganda est maior , quod sola eductio formæ , vel vnio cum materia sit generatio , nisi materia præcedat sub priuatione formæ . Et cum dicitur

non esse creationem, concedendum est; sed esse actionem substantialem distinctam essentialiter à generatione ratione mutationis, quam generatio dicit essentialiter. Et si dicatur habere eundem terminum ad quem, nempe formam, & compositum, & ideo esse eandem actionem, quia actiones habent speciem à termino ad quem, & non à termino à quo, neganda est consequentia, quia diuersum modum essentialem habet actio, quæ est mutatio, à sola actione; & ideo licet habeat eundem terminum ad quem materialem, diuersum habet formalem, quia diuerso modo productum; & hoc sufficit ad differentiam specificam actionis nudæ, à mutatione. Quod hoc exemplo explicari potest; nam si Deus solus produceret calorem extra subiectum, talis productio specie differret à motu alterationis, per quem alius calor produceretur ab igne, propter modum essentialem diuersum mutationis, & motus, quæ non habet actio Dei, licet haberet eundem calorem secundum speciem pro termino.

Ad secundum respondeo, non esse certum, quod nutritio ex speciebus sacramentalibus fiat per creationem nouæ materiæ: sed ita fiat, negandum est, quod sit vera generatio partialis, sed est productio partialis substantiæ à generatione, & creatione distincta; à generatione quidē, quia non est mutatio, à creatione verò, quia non est ex nihilo, sed ex materia præsupposita.

QVÆSTIO III.

*Quisnam sit terminus ad quem generationis
à quo habeat speciem?*

- 34 **D**E termino à quo generationis supposito quod essentialiter sit mutatio, certum est esse priuationem formæ, à quæ mutatur materia in eandem formam recipiendam; sed de termino ad quem; à quo actiones, mutationes, & motus speciem fortiuntur, non est certum quisnam sit. Vt autem quæstio intelligatur, & diuersæ authorū opiniones; explicare oportet quot, & quæ producantur per generationem. Et in primis certum est formam educi de potentia materiæ; educi autem est suo modo extra causas fieri; cum prius solum haberet esse in eis, hoc est in potentia actiua agentis, & passiua materiæ. Fit etiam vnio substantialis, per quam eadem forma coniungitur materiæ. Et tertio fit compositū ex materia, forma, & modo vnionis constans. Hoc autem compositū duplex est, nempe natura & suppositum,

ut natura humana, & homo; vel hæc natura humana, quæ alio nomine vocatur humanitas, & Petrus, vel Ioannes, qui sunt supposita: & compositum, quod est natura, resultat immediatè ex materia & forma unitis; suppositum vero non ex his immediatè, sed ex natura ex his constituta, & subsistentia tanquam termino eius: & hæc quidè omnia fiunt per generationem rerum omnium, excepta generatione hominis, per quam non fit forma humana, nempe anima rationalis, sed supponitur facta à solo Deo per creationem in eodem instanti, fiunt tamen cætera omnia.

Hoc supposito inquirimus, quodnam ex his terminus ad quem generationis sit? Et prima opinio quorundam modernorum, quam citant Conimb. lib. I. de generatione cap. 4. quæst. 15, art. 1. asserit in generatione cuiuslibet rei duas actiones dari distinctas realiter, vnam per quam generatur compositum, alteram per quam producitur forma, (vel si producta supponitur, ut in generatione hominis,) per quam vnitur materiæ: & terminum prioris actionis esse compositum; terminum posterioris esse formam, vel unionem. Probatur primò, quia quælibet entitas realis petit actionem propriam, per quam producatur; sed compositum, & forma sunt res distinctæ; ergo petunt actiones distinctas per quas producantur; & ita quælibet entitas erit terminus actionis ei correspondentis. Secundo; generatio sicut quælibet alia actio, vel mutatio est idem realiter cum termino per eam producto: sed forma, & compositum distinguuntur realiter; ergo non possunt per eandem actionem produci; probatur consequentia, quia non potest eadem actio identificari cum duobus terminis realiter distinctis, ut per se est manifestum.

Secunda opinio aliorum modernorum non ponit duas actiones pro forma & composito, quiaeducta forma de potentia materiæ, & eidem unita, non est necessaria alia actio pro composito; & ratio huius est, quia compositum non est res distincta a materiæ, & forma ut unitis, sed eadem; ergo eo ipso quod forma est unita materiæ, cesset productum compositum. Pro forma tamen, & modo unionis ponit duas actiones, quasi partiales, ex quibus integratur vna totalis nomine generationis significata in his generationibus, in quibus forma educitur de potentia materiæ: nam in generatione hominis solum datur unica actio ad modum unionis terminata. Probatur primò: quia forma, & modus unionis sunt distinctæ entitates quasi partiales per se productæ, & per se concurrentes ad totum compositum efficiendum; ergo quælibet petit suam actionem quasi par-

tialem, ex quibus vna generatio totalis integratur: sicut ex forma ipsa, & vnione simul cum materia integratur compositum. Secundò, quia prius ratione, vel natura educitur forma de potentia materiae, quam ei vniatur: ergo prior natura est actioeductiua, quam vnitiua: sed idem non est prius natura seipso: ergo non potest esse eadem actioeductiua, & vnitiua: sed distinctae ponendae sunt, vt vna possit esse prior natura altera.

- Tertia opinio vnicam tantum ponit actionem in generatione, quae sit productio totius compositi: formam verò asserit non fieri per se, sed quasi per comitantiam, in quantum totum compositum per se productum non potest sine forma constare. Itaque haec sententia sicut ponit vnam tantum actionem in generatione, ita ponit vnum terminum per se eius, nempe totum
- 37 compositum. Probatur primò, quia illud tantum per se producit, quod per se habet esse: sed formaeducta de potentia materiae non habet esse per se, sed inhæret materiae, compositum vero per se subsistit, cum sit suppositum: ergo per se producit, & forma quasi comitatur productionem eius. & ideo illud solum terminat per se generationem. Secundò, idem est terminus ad quem generationis, & terminus à quo corruptionis: sed corruptio non habet pro termino à quo per se formam, sed solum compositum: ergo nec generatio habet pro termino ad quem per se formam, sed compositum. Probatur minor, quia terminus à quo corruptionis est non esse rei: sed aliquando non definit esse forma per corruptionem, sed compositum tantum: vt patet in corruptione hominis: ergo non est terminus per se eius forma, sed solum compositum: quare hoc, & non illa erit terminus per se generationis. Pro solutione huius questionis duplex terminus generationis in primis distingui debet, vnus tanquam quod, & est res illa, quae producit: alius tanquam quo, & est id à quo, vel per quem habet esse eadem res producta, vt quod: & ideo ille dicitur terminus completus, vel totalis: sed terminus, quo, dicitur formalis, & quasi incompletus: quilibet tamen est terminus per se in suo ordine.
- 38 Secundò, notandum est duobus modis posse considerari generationem: primò, via, aut ordine intentionis: secundo, via, aut ordine executionis: ordo intentionis consideratur ex eo, quod præcipue intendit natura tanquam finem generationis: ordo vero executionis ex his, quae primo exequitur, vel facit. Et vtrumque potest declarari exemplo artis, quae imitatur naturam: artifex enim ordine intentionis prius intendit edificare domum, deinde ligna, & lapides collocare, & tandem eos præparare, vt suis locis collocare possit: vnde ordine intentionis constructio

constructio domus prior est, collocatio vero lapidum, & lignorum posterior, sed præparatio eorum ultimum locum tenet. Sed ordo executionis quasi oppositus est, secundum quem prius est præparatio lapidum, & lignorum, deinde sequitur collocatio eorum, & postrema est constructio domus. Eodẽ modo ordine intentionis totum compositum est primum, quod natura intendit, deinde sequitur unio formæ cum materia, & postrema esteductio eiusdẽ formæ de potentia materiæ. Sed ordine executionis prior esteductio formæ, deinde sequitur unio, postremum est compositum, quod ex materia, & forma unitis resultat. Sed compositum duplex est, primum est natura, quæ immediatè resultat ex unione formæ cum materia, postremum est suppositum, quod ex natura, & subsistentia tanquã ex proprio termino eius cõstat.

Quibus explicatis, nostra sententia tribus assertionibus continetur. Prima est, in generatione non dantur plures actiones partiales, nec totales, sed per unicam actionem indiuisibilem educitur forma de potentia materiæ, unitur eidem materiæ, & fit utrunque compositum, nempe natura, & suppositum modo explicando in secunda assertionẽ. Probatũ hoc argumento. Forma materialis non habet propriam subsistentiam, sed inhæret materiæ: ergo per eandem actionem, per quam educitur de potentia materiæ, fit in materia, & fit inhærens materiæ. Probatũ euidenter consequentia: quia per eandem actionem per quam fit accidens, fit in subiecto, & fit inhærens subiecto: cuius ratio est, quia esse accidentis non est esse per se, sed inesse subiecto, ex quo necessario sequitur, ut per eandem actionem, per quam fit, fiat in subiecto, vel inhærens subiecto, & non possint multiplicari duæ actiones, una per quam fiat, & alia per quam fiat in subiecto: ergo cum esse formæ materialis non sit per se, sed inhærens materiæ, non minus necessario sequitur quod per eandem actionem, per quam fit, fiat in materia, vel inhærens materiæ. Vtcrius formã inhære materiæ est esse unitã materiæ, quia per inhætionem ei unitur; ergo per eandem actionem per quam fit in materia, vel inhærens materiæ, unitur eidem materiæ, & non potest per aliã distinctã uniri: & ideo nec per aliam distinctã fieri unio, sed per eandem. Probatũ secundum, quod per eandem actionem, per quã forma educitur de potentia materiæ, & ei unitur, fiat compositum. Primò, quia compositum non est alia entitas distincta à materia, & forma, ut unitis; sed eadẽ, ut in 1. lib. Phys. probauimus, ergo per eandem actionem realem, per quam forma fit, & unitur materiæ, fit etiam natura ex utraque composita. Secundò, quia id tantum fit per se per actionem, quod habet esse per se, sed cõpositum tantum habet esse per se, ergo

ergo actio per se solum terminatur ad compositum tamquam ad id, quod fit, & hoc est vnum: ergo fit per vnicam actionem. Deinde compositum includit formam, & vnionem: ergo per eandem actionem per quam fit compositum, fiunt forma, & modus vnionis, quare non sunt ponendæ plures actiones pro forma, & vnione, sed per eandem fit vtraque suo modo cum composito. Et si dicatur id tantum fieri per se per actionem totalem, quod habet esse per se, sed per actionem partialem fieri posse aliquid, etiam si non habeat esse per se, sed sit pars eius, quod habet esse per se. Contra hoc est, quod actio quæcunque terminatur ad esse rei, cum per actionem fiat res extra causas; ergo repugnat per se fieri, etiam per actionem partialem, nisi habeat esse per se: sed nec forma materialis, nec modus vnionis habent esse per se, sed in materia, & composito; ergo nec possunt fieri per se per actionem partialem, quare non sunt ponendæ actiones partiales pro eis, sed per eandem fieri debent, per quam fit compositum.

- 41 Secunda assertio. Compositum est terminus generationis, vt quod adæquatus, & principalis, & ordine intentionis primus, atque adeo primus simpliciter, quia primum ordine intentionis est primum simpliciter. Hæc habetur expressa apud Aristotelem. 7. lib. Metaph. cap. 7. vbi docet formam non fieri, sed compositum, quod si non fit: ergo non est terminus, qui fit: sed hoc solum conuenit composito. Idem etiam docet D. Thom. 1. p. q. 45. art. 8. & ratione probatur; quia illud est terminus generationis, vt quod per eam fit, quod per eam habet esse: sed solum compositum habet esse per generationem: ergo hoc solum est terminus per eam factus. Probatur minor, quia forma, & modus vnionis, per quem vnitur materiæ, non dicuntur esse, sed potius sunt, quo, vel quibus compositum est. Quod verò sit primarius terminus ordine intentionis, euidentius est, quia primum, quod intendit natura per generationem, est compositum, vt autem consequatur hunc finem, educit formam de potentia materiæ, & producit modum vnionis, per quem eam vnit eidem materiæ, & eadem ratione dicitur terminus principalis: adæquatus vero, quia continet quicquid vno, vel alio modo fit per generationem. Sed totum compositum pro natura resultante ex vnione materiæ, & formæ est terminus adæquatus immediatus: pro supposito vero est terminus ultimatus, & quasi remotus, quia totum, quod primo resultat ex vnione materiæ, & formæ per generationem productum, est natura, ex qua tandem, & subsistentia eam terminante resultat suppositum, vt Petrus, vel Ioannes.

Tertia assertio. Terminus formalis generationis, & vt quo, 43
atque etiam primarius ordine executionis, est forma cum modo
vñionis substantialis, per quem vnitur materiæ. Hæc colligi-
tur efficaciter ex Arist. 1. lib. Physic. vbi docet formam esse prin-
cipium generationis tamquam terminum, non à quo, quia ter-
minus à quò est priuatio: ergo tanquam terminus ad quem,
non qui fit, cum hoc sit compositum: ergo formalis, & vt quo.
Et lib. 2. cap. 1. text. 14. asserit generationem esse viam ad natu-
ram, hoc est ad formam, quæ est præcipuum significatum na-
turæ, vt exponunt interpretes eiusdem loci. Sed illud in quod
tendimus per viam, est terminus eius: ergo forma est terminus
proprius, & formalis generationis. Et probatur ratione, quia
forma tribuit esse specificum composito, & est ei ratio essendi,
sed compositum est terminus, qui fit per generationem: ergo
forma erit, quo fit compositum, quòd est esse terminum for-
malem, & vt quo. De modo vero vñionis probatur, quia est
id, quo forma vnitur materiæ, & ideo quo medio constituit
compositum: ergo pertinet etiam ad terminum formalem ge-
nerationis. Et quod tandem forma cum modo vñionis sit ter-
minus immediatus ordine executionis, euidentius est, quia pri-
mum, quod natura exequitur, vt compositum constituat, est
eductio formæ de potentia materiæ, & vñio eius cum materiæ:
ergo vtraque pertinet suo modo ad terminum generationis
ordine executionis: qua autem ratione pertineant, nempe, vtra-
que tamquam terminus formalis, ita vt ex vtraque tamquam
ex partiali constitutur vnus terminus formalis, vel sola for-
ma, tamquam terminus formalis, modus vero vñionis tam-
quam conditio statim explicabitur.

Ad primum argumentum primæ opinionis distinguenda est 43
maior, nam vel entitas realis per se fieri petit, vel in alio inclu-
ditur, quod per se fit: & si primo modo se habeat, distinctam
petit actionem ab alia, sic etiam se habente: si vero in alia in-
cludatur, quæ ex eius productione resultat, per eandem actio-
nem cum ea fieri potest: & sic se habet forma in ordine ad cõ-
positum, quod ex educatione eius de potentia materiæ, & vñio-
ne cum eadem materia resultat, quare non indigent distinctis
actionibus, sed per eandem fieri possunt, vt probatum est.

Ad secundum, neganda est maior, quòd actio sit eadem en-
titas realis cum termino, præsertim cum terminus est substan-
stantia, vt in generatione est manifestum: sed distinguuntur ex
natura rei, quia actio est accidens de prædicamento actionis:
accidens verò, & substantia non possunt esse eadem entitas rea-
lis, vt à nobis probatum est in prædicamento ad aliquid, atque
etiam

etiam in 3. lib. Phys. sed distingui debet à substantia saltem distinctione modali.

Ad primum argumentum secundæ opinionis concedendum est antecedens, quod forma, & modus vnionis sint duæ entitates distinctæ, sed neganda est consequentia, quod per diuersas actiones produci debeat, sed potius necesse est per eandem produci, vt probauimus; quia forã nō fit per se, sicut nec habet esse per se, sed fit inhærens materiæ, quia eius esse est inesse materiæ: quare cum inherere materiæ sit esse ei vnitam, per eandem actionem educationis, per quam producitur in materia, producitur etiam modus vnionis, per quem ei vnitur.

- 44 Ad secundum, concedendum est antecedens, quod prior natura sit forma, quàm modus vnionis, propter rationem causæ, & effectus, nam modus vnionis effectus est formæ in genere causæ formalis; & consequenter, quod prius ratione sit formam educi, quàm vniri: sed neganda est consequentia, quod distinctæ actiones sint educio, & vnio, sed vna, & eadem, quia cum per educationem producatur forma inhærens materiæ, per eandem producitur vnita: & ideo eadem actioeductiua est etiam vnitiua: solum hoc potest esse verum, quod prius natura terminetur ad formam, quàm ad vnionem, & ideo prius natura siteductiua, quàm vnitiua, non quod causa sui ipsius sit, sed quod terminari ad formam, vel esseeductiuā eius, sit causa suo modo eius, quod est esse vnitiuam, vel terminari ad modum vnionis: nec mirum hoc est, quod sicut forma, & vnio sunt duæ entitates, quarum vna est prior altera, & causa eius, ita sit prius actionem terminari ad vnā, quàm ad alteram, non tempore, sed natura, vel ratione: hoc enim non est aliud, quàm prius esse causationem vnus, quàm alterius. Quemadmodum eadem generatio terminatur ad naturam, & suppositum, sed prius ad illam ordine executionis, quàm ad suppositum,

D V B I V M.

- 45 **E**X resolutione huius quæstionis resultat quoddā dubium prius explicandum, quàm ad sequentem transeamus: nam si per eandem actionem educitur forma de potentia materiæ, eique vnitur & ex vnione vtriusque resultat compositum, tamquam præcipuus, & adequatus terminus eius: merito poterit quis dubitare, à quonam horum trium rationem generationis sortiatur: vel in quo potius, quàm in alijs ratio generationis cōsistat. Et prima opinio quorundā recentiorum tenet actionē, per quā prædicta omnia fiunt, formalem rationē generationis habere, nō ex eo, quod est educio formæ de potentia materiæ, nec ex eo, quod est productio totius cōpositi, sed ex eo, quod est

est vnitio formæ cum materia. Et probatur primum, quod non consistat formalis ratio generationis in eductione formæ, hoc argumento. Vera, atque formalis generatio datur sine eductione formæ de potentia materiæ, imo sine productione aliqua formæ; ergo non habet rationem formale generationis ex eo, quod est eductio formæ: euidens est cōsequētia: sed probatur antecēdēs in productione hominis, quæ vera generatio est apud Aristotelē 2. Phys. c. 2. text. 26. asserentē, *Sol. & homo generāt hominē*; atque etiā apud omnes eius interpretes, per quam tamen nulla forma educitur, vel producitur; sed anima rationalis, quæ vera forma hominis est, creatur à Deo immediatē; ergo formalis ratio generationis non potest cōsistere in eductione, vel productione formæ. Secundo, quia si fieri posset, vt agens naturale educens formā de potentia materiæ non vniret eam materiæ, sed separatam produceret, talis eductio non esset generatio, quia nullum compositum generaretur: ergo formalis ratio generationis non cōsistit in eductione, vel productione formæ.

Quod vero non cōsistat in productione cōpositi, probatur, 46 quia productio cōpositi non petit distinctā actionem ab ea, per quā forma educitur, vel vnitur materiæ, sed educta forma, & vnita materiæ productum censetur cōpositum; cum non sit alia entitas à materiā, & forma, & vnione: ergo cum generatio sit actio, per quā res generatur, non dicitur generatio ex eo, quod sit productio totius cōpositi. Secundo, totum compositum non minus produci potest per aliā actionē, quæ nō sit vera generatio, quam per verā generationē: ergo generatio nō dicitur talis formaliter, quia est productio cōpositi, nā si ex eo talis diceretur, omnis productio cōpositi esset generatio; quod patet esse falsū.

Sed nostra sententia est, rationē formalem generationis habere ex eo, quod est productio cōpositi per vnionē formæ cum materia, quæ primo explicanda est, deinde probanda: pro explicatione vero oportet præsupponere id, quod in hac eadem questione dictum est, nempe eandem actionē realem esse eductionem formæ de potentia materiæ, vnitionem eiusdem formæ cum materia, & productionem cōpositi; quare tria hæc sola ratione differunt, & tria ipsa nomina singulas, atque diuerfas rationes eiusdem actionis realis exprimunt, dubium vero postulat, in quam illarum consistat ratio formalis generationis, vel ex quo illorum habeat talem rationem formalem: & prima opinio recentiorum asserit, non habere rationem formalem generationis ex eo, quod est eductio formæ, nec productio cōpositi, sed ex eo, quod est vnitio formæ cum materia, vnde tenet cōsequenter terminum formalem generationis non esse formam,

formā, sed modum vnionis, quod videtur necessariò dicendum supposito priori, nam si ex sola vnitione habet talis actio formalem rationem generationis, sequitur hanc esse veram, vnitio est formaliter generatio, ergo quod est terminus formalis vnitionis, erit terminus formalis generationis: sed vnio, vel vnionis modus est terminus formalis, vnitionis, quia vnitio per se, & formaliter tendit ad vnionē: ergo idem modus vnionis erit terminus formalis generationis. Nos vero tenemus rationem formalem generationis habere ex productione cōpositi per vnionem materiæ cum forma. Et ex consequenti terminum formalem generationis esse formam, & non modum vnionis.

- 47 Præsupponendum est aliud, quod superius etiam docuimus, videlicet terminum per se, & primatium generationis, quem vocant, vt quod, esse primum compositum resultans ex vnione formæ cum materia, quod est natura, nam suppositum quod est quasi secundum compositum, terminus remotus est, atque vltimatus: gratia exempli, quia per generationē ignis id quod immediate producit, & in quod immediate tendit generatio, est natura ignis resultans ex vnione formæ substantialis cum materia, & ideo hæc est terminus primarius per generationē productus: quis vero sit formalis, & vt quo, nempe forma ipsa, vel modus vnionis, prima opinio tenet non esse formam, sed modum vnionis: nos vero asserimus non modum vnionis, sed formam: duo itaque continet nostra sententia, primum est, quod actio per quam aliquid generatur, habeat rationem formalem generationis ex eo, quod est productio compositi, nempe naturæ ex vnione formæ cum materia. Secundum, quod terminus formalis generationis sit forma, & non modus vnionis. Probat, primum, quia actio habet rationem formalem generationis à re genita: sed res genita non est modus vnionis, sed compositum, nam humana natura est genita, & ab ea dicitur generatio illa actio, per quam producit, & non à modo vnionis: ergo ex eo est formaliter generatio talis actio, quia est productio compositi, non quia est vnitio formæ cum materia: quod facile intelligitur, si consideremus, quod quemadmodum ad educationem formæ de potentia materiæ requiritur vnitio eiusdem formæ cum materia, quia non educitur forma, nisi inherens materiæ, & ideo nisi vnita materiæ, sed non propterea dicimus talem actionem, per quam educitur forma, habere rationem formalem educationis à modo vnionis, vel ex eo, quod sit productio eius, sed potius à forma ex eo, quod per eam exijt in actum: cum prius solum esset in potentia actiua agentis, & passiuæ

passiva materiæ: vel si non sit educta de potentia materiæ, per talem actionem sit, vt informet materiam, & constituat cum ea compositum, tamquam vera forma eius. Eodem modo vt producatum compositum per generationem, requiritur tamquam conditio omnino necessaria, & secundum rationem præsupposita vnio per quam producatum modus vnionis, & modus ipse vnionis, per quem vniantur materia, & forma, quia forma non producit, nisi in materia, & inhærens materiæ, inhærentia vero est modus vnionis per quem vnitur eidem materiæ, ex quo non sequitur actionem per quam generatur compositum, habere rationem formalem generationis à modo vnionis, sed ab eodem composito per eam genito ex vnione formæ cum materia: modus vero vnionis solum sit conditio necessaria, vt generatio dicatur per productionem compositi, tamquam per rationem formalem talis denominationis.

Probatur secundum, quod forma sit terminus formalis generationis, & non modus vnionis, sed solum conditio intrinseca eiusdem termini, quia terminus immediatus, atque totalis generationis, vt quod generatur, est compositum pro natura: ergo ille erit terminus formalis, vt quo, qui est ratio formalis constitutiva eiusdem naturæ, sed talis est forma, non modus vnionis: ergo illa erit terminus formalis generationis, & non iste: minorem probo, quia natura constituitur per formam, & non per modum vnionis, quamuis iste sit conditio necessaria, vt constituatur, quia forma non constituit, nisi vnita materiæ: & si dicatur, forma non est terminus generationis, nisi vt vnita materia: ergo vnio erit terminus formalis, potius quam forma; distinguendum est antecedens, quia si redupliciter rationem formalem terminandi, falsum est: si vero conditionem intrinsecam, verum: & si rursus dicatur animam rationalem esse terminum creationis, ergo non generationis, quia cum sint distinctæ actiones, debent habere distinctos terminos. Respondeo diuersa ratione esse terminum vtriusque actionis, creationem terminat secundum propriam entitatem ex nihilo productam, est autem terminus formalis generationis, vt constituit compositum genitum per informationem materiæ, & vnionem cum ea, ita tamen, vt sicut informatio solum est conditio necessaria, ad terminandum, & non ratio terminandi; ita modus vnionis. Ad illud vero argument. pro contraria opinione, quo probabatur, actionem non esse necessariam nouam actionem, per quam producatum compositum præter vnionem formæ cum materia, sed productum per eam modum vnionis statim resultare idem compositum; res-

pondeo verum id esse, quod sine noua actione sequitur compositum, nihilominus virtute eiusdem vnitionis fieri, & ex eo sortitur vnio rationem formalem generationis.

Q V Æ S T I O I I I I.

Quodnam sit subiectum proprium generationis.

- 49 **P** Ræsupponendum est tanquam certum, vt quæstio intelligatur, quod sicut omne agens creatum operatur per aliquam potentiam, aut virtutem, quæ sit accidens superadditum substantiæ eius in prædicamento qualitatis, etiam operatur per actionem mediam inter ipsum, & effectum, quæ sit etiam accidens de prædicamento actionis: vnde sequitur, quod agens naturale educens formam de potentia materiæ, vel eam vnienſ eidem materiæ, generansque compositum per veram actionem id efficiat, quæ sit accidens de prædicamento actionis, & talem esse generationem certum est; nec est minus certum omne accidens reale habere subiectum proprium, cui inhæreat, & à quo sustentetur: & ideo inquirimus, in quonam subiecto sit hoc accidens, quod est generatio, in materia, in forma, in vnione, vel composito?

Circa quam quæstionem, primò refutanda est sententia illorum, qui vt superius vidimus, ponunt in generatione duplicem actionem partialem, vnā, quæ sit eductio formæ de potentia materiæ, alteram, quæ sit vnio eiusdem formæ cum materia; & illam dicunt esse immediatè in eadem forma, quæ educitur; vnitionem vero in eodem modo vnionis per eam productor: sed quia tam forma, quàm modus vnionis sunt in materia, vtramque actionem mediatè etiam recipi in materia. Hæc tamen sententia falsa est, primò, quia falsum est, quod supponit dari duas illas actiones in generatione, vt probauimus: secundò, quia etiam si darentur, deberent recipi immediate in materia, & non in forma, & modo vnionis; quod sic probo: Actiones istæ procedunt ab agente circa materiā, tãquam circa subiectum, de cuius potetia educit tam formam, quàm modū vnionis: ergo materia se habet ad illas actiones tanquam passum: & sunt actiones transeuntes, quæ oriuntur ab agente, & transeunt ad passum, in eoque recipiuntur: ergo tales actiones immediatè transeunt ad materiam, in eaque tãquam in passo proximè recipiuntur, quod est recipi in ea tanquam in subiecto proximo: & tertio, quia duæ illæ actiones sunt viæ ad formam, & modum vnionis tanquam ad proprios terminos, & versantur circa materiam tanquam

tanquam circa subiectum, de cuius potentia educuntur ipsæ termini: ergo ordine naturæ præsupponunt materiam tanquam subiectum, & antecedunt formam, & unionem, quare non possunt esse in eis tanquam in subiectis, sed in sola materia.

Hæc sententia refutata: prima opinio distinguit triplex subiectum generationis, nempe denominationis, inhæſionis, & eius circa quod exercetur generatio; asseritque materiam non esse subiectum denominationis ipsius generationis, quia non dicitur genita, nec etiam inhæſionis, quia generatio est accidens, & nullum prorsus accidens, siue sit completum, siue incompletum; siue sit absolutum, vel relatio, potest recipi in materia tanquam in subiecto inhæſionis: Sed materiam concedit esse subiectum generationis, circa quod exercetur; quemadmodum ait mobile esse subiectum circa quod exercetur motus; nam generans exercet suam actionem circa materiam, ut ex potentia eius educat formam, eamque uniat eidem materiæ, & ex unionem resuletur compositum, quod intendit producere. Ita Bañez. 1. lib. de generatione ca. 4. q. ult. ubi nullam aliam rationem pro hac sua sententia attulit. Sed nec docet quodnam sit subiectum, in quo inhæreat generatio, quamvis sentire videatur inhære in composito genito, sicut cætera accidentia:

Nos tamen eam probauimus duplici argumento. Primo, quia generatio est accidens, ergo debet sustentari à subiecto in quo inhæret, illique tribuere propriam denominationem; sed utrumque repugnat materiæ; ergo repugnabit etiam, quod sit subiectum, cui inhæreat generatio. Probatur minor, quia subiectum sustentat accidentia per esse proprium ac per se; sed materia nullum esse habet à se, sed à forma accipit: ergo ante receptionem formæ, non poterit sustentare generationem, nec denominationem propriam eius suscipere, sicut nec proprium effectum formalem, nempe genitam esse vel appellari: cum sit ex propria natura ingenerabilis, & incorruptibilis, ut in 1. lib. Phys. docuimus, & probauimus.

Secundo, materia est potentia substantialis; ergo prius respicit formam substantialem, quam accidentalem; sed quod prius respicit, prius etiam recipit; cum eo fine respiciat utramque formam, ut eam in se recipiat; ergo non potest prius recipere formam accidentalem, quam substantialem; & constat generationem habere modum accidentalis formæ, quia est verum, & reale accidens; ergo repugnat, quod in materia recipiatur prius, quam forma substantialis; atque adeo, quod vlla materia sit subiectum inhæſionis eius: & certe si prius reciperetur generatio in materia, quam forma substantialis, efficeret cum ea compositum

accidentale, & hoc esset prius, quàm compositum substantiale, quod cum forma constituit; quod repugnat, quia substantia omnibus modis est prior accidente.

- §2 Secunda opinio tenet, proprium, atque immediatum subiectum, cui generatio inhæret, esse materiam primam. Ita expressè Aristoteles in hoc primo lib. ad finem quarti capitis his verbis: *Est autem & materia maximè quidem, & propriè subiectum generationis, & corruptionis susceptibile*. Ita etiam D. Thomas non solum in commentariis horum verborum, sed etiam in 2. distinct. 1. q. 1. artic. 2. & dist. 12. q. 1. art. 1. ad 5. Albert. Magnus 1. lib. de generatione tractat. 2. Venetus ibidem text. 24. Caiet. 3. p. q. 35. art. 5. Toletus q. 5. huius primi lib. & est communis, & vera. Probatur primò, quia generatio, vt superius probauimus, est mutatio substantialis, sed mutatio est in eo, quod mutatur, tamquam in subiecto, vt docet Aristoteles 5. lib. Phys. text. 12. his verbis: *Quoniam cui inest, illud mutatur*, ergo illud erit subiectum generationis quod per eam mutatur, & mutatur sola materia: ergo hæc sola est subiectum generationis. Probatur minor, quia sola materia transiit à priuatione formæ ad eandem formam, quam per generationem recipit, vt per se est manifestum. Secundo, quia generans agit in materiam per actionem, quæ dicitur generatio substantialis, & per talem actionem educit formam de potentia eius: ergo actio generationis est via, per quam materia tendit in formam; sed prius est ordine executionis via, quàm terminus: ergo prius eodem ordine materia est in via, quàm in termino, quod est prius recipere in se generationem, quàm formam, esseque subiectum inhæsionis eius. Quod euidenter sequitur ex eo, quod Bañez concedit, nempe materiam nudam esse subiectum, circa quod exercetur generatio, sicut mobile est subiectum, circa quod exercetur motus; sed repugnat actionem generationis exerceri circa materiam nudam, quin in ea recipiatur: ergo quin sit subiectum inhæsionis eius. Probatur minor, quia exercetur circa materiam tamquam circa passum: ergo tanquam circa recipiens, & subiectum.

- §3 Ad primum argumentum concedendum est primum enthymema, quantum ad eam partem; quæ asserit subiectum proprium sustentare accidentia, sed neganda est minor, quod materię repugnet sustentare generationem, habet enim propriam existentiam, & subsistentiam partialem, vt probauimus in 1. lib. Physic. per quas eam sustentare potest; quod vero ab aliis dicitur materiam semper esse coniunctam alicui formæ, à qua potest accipere esse, & per illud sustentare generationem, non videtur

videtur mihi soluere argumentum, quod sic probatur. Materia in instanti generationis est coniuncta nouæ formæ, & tempore immediatè præcedenti fuit coniuncta formæ antiquæ, sed cum tempore præcedenti nondum fuerit generatio substantialis, non potuit sustentare generationem materia, per illud esse, quod recipiebat ab illa forma: in instanti vero generationis habet quidem iam nouam formam, sed ratione illius non potest sustentare generationem. Probatur efficaciter, quia prius natura, quam recipiat formam, recipit generationem: ergo ratione alicuius esse prius debet eam sustentare, & consequenter nec ratione vnius formæ, neque alterius, sed ratione sui, hoc est ratione propriæ existentie, & substantie, quam à se habet, & non à forma. Quod vero dicitur in eodem enthymemate, non posse materiam esse subiectum generationis, quin effectum formalem eius recipiat, atque etiam propriam denominationem genitæ distinguendum est: quia ut ex D. Tho. 3. p. q. 35. art. 1. ad 2. colligitur, generatio duo habet, & quod sit mutatio, & talis mutatio, nempe substantialis, quæ dicitur generatio, & primum habet in ordine ad subiectum secundum in ordine ad terminum, nam subiectum est, quod propriè mutatur, & à termino accipit eadem mutatio rationem specificam; ratione ergo primi, quod habet in ordine ad subiectum, tribuit ei effectum formalem, & denominationem; & ideo dicitur materia mutari per generationem, sed ratione secundi, quod habet in ordine ad terminum denominat eum genitum, non ergo sequitur materiam esse genitam licet sit subiectum generationis, sed solum esse mutatam, terminum vero eius esse genitum.

Ad secundum respondent aliqui materiam in genere causæ efficientis prius respicere generationem, quam formam, quia generatio est quasi effectio, vel causatio formæ, sed in genere causæ materialis prius respicere formam, quia eam respicit tanquam actum substantialem, generationem verò tanquam actum accidentalem, qui est posterior. Et quia recipere dicit genus causæ materialis, prius recipit in se formam, quam generationem. Hæc tamen solutio nec vera est, nec satisfacit argumento. Probatur hoc modo: Per actionem agentis educitur forma de potentia materie, & fit in materia: ergo prius natura versatur actio generationis circa materiam, quam sit forma, & uniatur materie, sed versatur circa illam, tanquam circa passum, atque subiectum: & ratio subiecti genus est causæ materialis: ergo adhuc in hoc genere materia prius respicit generationem, quam formam ordine executionis, & consequenter prius natura eam recipiet. Et secundo, quia si prius recipere

formam, iam non esset nuda materia subiectum generationis, sed informata forma; quod patet esse falsum, quia subiectum motus, vel mutationis nudum, atque distinctum debet esse ab
 55 utroque termino, cum ex eo mutetur quod unum demittat, & accipiat alterum. Respondetur ergo distinguendo: maiorem, quod materia prius respiciat formam substantialem, quam accidentalem: nam forma accidentalis duplex est, una completa, quæ sequitur compositum, vel saltem formam substantialem in materia, & iam posterius respicit, quam formam: alia est incompleta tanquam via ad formam, & talis est generatio, quam ordine executionis necesse est prius respiciat: & ideo prius in se recipiat, ut per receptionem educatur forma substantialis de potentia eius; nam ut in 1. lib. Phys. docuimus, & probauimus propria causalitas materiæ in ordine ad educationem formæ est passio, hoc est actio generantis, ut in se recepta, quare prius eam debet recipere, quam formam, alioquin non poterit concurrere in proprio genere causæ ad educationem eius. Quod vero componat cum ea totum accidentale imperfectum statim definens per aduentum formæ, nullum est inconueniens, quia ex hoc non sequitur prius esse simpliciter adhuc compositum hoc accidentale, sed solum secundum quid, nempe ordine executionis, & hoc ideo, quia forma accidentalis imperfecta ex qua fit, est via ad substantialem, per quam fit compositum substantiale.

Q V Æ S T I O V.

An generatio substantialis sit mutatio successiua, vel instantanea ab alteratione distincta?

56 **P**rima opinio non ponit actionem aliquam necessariam ad educendam formam substantialem de potentia materiæ, neque ad eam vniendam eidem materiæ, sed asserit virtute alterationum præcedentium, per quam disponitur materia, educi formam, & vniiri materiæ, generarique compositum naturali sequella absque alia noua actione. Gracia exempli, dum generatur ignis ex ligno, disponitur materia eius ad recipiendam formam ignis per calefactionem, & exsiccationem, & cum iam perfecte disposita est, non est necessaria noua alia actio, sed in ultimo instanti harum alterationum virtute earum expellitur forma ligni, &educta censetur forma ignis, atque vnita materiæ ligni, genitusque ignis: & ita generatio nec est mutatio, neque actio distincta ab alteratione. Ita Caietanus 1. p. q. 54. artic. 3.
 & de

& de ente, & essentia q. 17. Herueus in tract. de vnitae forma-
rum q. 17. Probatur primo, quia agens naturale non potest con-
currere ad aliquam actionem, nisi mediis accidentibus, ut ignis
medio calore, & aliis qualitatibus: nam substantia creata non
est per se ipsam operatiua, sicut Deus, sed per accidentia super-
addita: ergo nec potest educere formam de potentia materiae,
& eam vnire materiae, nisi mediis eisdem accidentibus, per quae
disponit eandem materiam, sed haec accidentia, vel dispositio-
nes non sunt iam in instanti generationis; praesertim in opi-
nione eorum, qui asserunt in toto composito, tanquam in sub-
iecto inherere, cum quo etiam corrumpuntur: ergo impossibile
est in eodem instanti generas agere, vel ab eo procedere actio-
nem, per quam educatur forma de potentia materiae, & produ-
catur compositum, sed virtute alterationum praecedentium pro-
duci censendum est.

Secundò, quia ita operantur secundae causae per accidentia, ut 57
non praestent alium concursum ad actiones, & effectus substan-
tiales, praeter eum, quem per illa praestant, ut 2. lib. Phys. docui-
mus, & probauimus; sed in instanti generationis nullum est
iam accidens, sed corrupta sunt omnia cum composito, praes-
ertim si in eo subiectantur: ergo non potest concursum ali-
quem actualem praestare generans, nec poterit actio aliqua ab
eo tunc procedere. Probatur consequentia; quia repugnat actio-
nem procedere ab agente, nisi per actualem concursum. Quod
clarius ostendo in generatione viuientium, ad quam non con-
currit viuens, nisi per virtutem seminalem, tanquam per instru-
mentum; sed virtus seminalis procedens à forma seminis cor-
rumpitur necessariò cum eo: ergo sicut semen non manet iam
in instanti generationis, in quo iam est anima vnita materiae
eius; ita nec potest manere virtus seminalis: quare nulla erit
causa secunda, à qua possit actio procedere in illo instanti: nam
viuens, aut iam non est, ut contingere solet, vel non est praes-
ens: vnde non potest per se concurrere ad talem actionem, sed
nec per instrumentum proprium, quod est virtus seminalis: re-
pugnabit ergo, actionem ab eo procedere, sed effectus dicetur
fieri virtute alterationum praecedentium.

Tertio per alterationes praecedentes disponitur materia, & 58
expellitur sufficienter forma substantialis ab ea, cum non pos-
sit naturaliter cum eis permanere, ut forma ignis cum summo
calore, sed expulsionem formae praexistentis sequitur natu-
raliter introductio nouae: ergo alterationes praecedentes suf-
ficiunt ad expulsionem vnus formae, & introductionem alte-
rius, quod est sufficere ad generationem; & ideo non erit necessaria

alia actio in instanti generationis, quæ sit generatio.

Secunda opinio præter alterationes tempore præcedentes ponit nouam aliam actionem instantaneam, per quam educatur forma, vniatur materiæ, fiatque compositum; & hanc distinguit realiter ab alteratione; vocatque generationem substantialem. Hæc est communis, & vera, sententia, quam tenent antiqui omnes, & moderni, D. Thom. quæst. 3. de potentia artic. 3. Scotus in 2. distinct. 2. quæst. 9. Henric. quodlib. 9. quæst. 4. Auerroes 4. lib. Phys. comm. 29. Simpl. lib. 3. text. 8. Capreo. in 2. distinct. 13. q. 1. art. 3. Alexand. Alensis 3. p. quæst. 7. memb. 6. & moderni in expositione huius libri. Probatur testimonio Aristotelis 5. lib. Phys. cap. 1. tex. 9. & 10. & cap. 5. text. 5. 1. quibus locis asserit ad substantiam non terminari motum per se, sed mutationem, & ideo generationem non esse motum. Quod etiam probat, quia motus versatur inter terminos positivè contrarios, ut dealbatio inter album, & nigrum, generatio vero non nisi inter terminos contradictorios, vel priuationè oppositos, ut inter esse, & non esse: sed alterationes præcedentes generationem, ut calefactio, aut infrigidatio sunt motus; ergo generatio distinguitur ab eis ex mente Aristotelis.

- 59 Probatur etiam ratione ex parte subiecti, nam subiectum generationis substantialis est materia, alterationis vero compositum, ut docet expresse Aristot. 5. lib. Phys. capit. 1. text. 9. & capit. 4. huius libri circa finem. Et probat ratio, quia quod alteratur, compositum est, ut quod calefit, vel dealbatur: quod vero mutatur per generationem à priuatione formæ substantialis ad eandem formam, est sola materia; sed compositum, & materia sunt subiecta realiter distincta: ergo generatio, & alteratio sunt mutationes distinctæ realiter. Secundo, ex parte termini, nam per alterationem producitur qualitas: per generationem substantia; ergo sunt actiones realiter, atque specie distinctæ. Probatur tandem, quia productis accidentibus per alterationes præcedentes, non est eo ipsoeducta de potentia materiæ noua forma substantialis, neque unita eidem materiæ; ergo requiritur noua, atque distincta actio, per quam educatur, & vniatur. Probatur antecedens, quiaeductio formæ substantialis, & unio eius cum materia, est nouus, atque distinctus effectus: & substantialis quidem, ac proinde alterius ordinis à qualitatibus per alterationes productis: ergo petit nouum, atque distinctum fieri, nouam, atque distinctam actionem, non successiuam, ut sunt alterationes, sed instantaneam, quia substantia totum suum esse habet simul, & non per partes, vel gradus, ut qualitates, & ideo postulat simul fieri, aut in instanti.

instanti. Ex quibus efficaciter colligitur generationem, per quam fit, esse actionem instantaneam, ab alterationibus præcedentibus specie, ac realiter distinctam.

Propter argumenta pro alia sententia posita (quæ vere difficillima sunt) dixerunt moderni quidam, causas secundas non posse quidem agere nisi mediis accidentibus, sed præter concursum, quem accidentia præbent, proprium habere, quem cum præsentibus non sunt, suppletur à Deo, à quo procedit actio instantanea eductiua, & vniuersa formæ, tanquam à causa suppleante concursum secundæ, & ideo maiorem præstante, quam ad alias actiones, ad quas concurrunt causæ secundæ, quæ ad generationes viuientium nec per se, nec per instrumenta occurrere possunt, & ideo nullo modo. Hanc tamen sententiam refutauimus 2. lib. Phys. quia expressè contradicit principiis Aristotelis, & inter alia inconuenientia habet hæc; primum, quod nullum viuens generet sibi simile, sed à solo Deo generetur: probatur euidenter, quia viuens non concurrat ad generationem per se, nec per instrumentum: ergo nullo modo est causa rei genitæ, sed solus Deus, qui supplet causalitatem eius: secundum, quod nulla detur generatio vniuersa viuientium: cum causa proxima eius, quæ est Deus, sit diuersæ rationis, & ordinis ab effectibus tertium, quod nulla detur relatio paternitatis, & filiarionis in hominibus; cum relationes istæ fundentur in eo, quod unus homo genuerit alterum, & iste sit genitus ab illo, vt docet expressè Aristoteles in prædicamento ad aliquid.

Secundo, possent respondere, qui tenent, accidentia recipi in materia prima tanquam in proprio subiecto, permanere accidentia impressa materiæ per alterationes præcedentes in instanti generationis, sicut permanet materia, in qua sunt: & ideo posse generans illis mediis agere ad educationem, atque vniuersam formæ substantialis, & actionem generationis procedere ab illo in eodem instanti. Sed hæc solutio in primis non est forma, quia solum tenet supposita illa opinione de subiecto accidentium: cuius opposita magis consonat principiis Aristot. & fortè est probabilior, vt in hoc lib. ostendimus. Deinde non habet locum in generatione viuientium, in quibus euidentè est apud omnes opinantes semen, ac virtutem seminalem corruptam esse in instanti generationis, in quo verum est dicere nouum viuens iam esse productum per introductionem animæ rationalis in materia feminis, atque adeo semen iam non esse, & ex consequenti, nec virtutem seminalem cum forma eiusdem seminis, cuius erat propria pereunt, propter impossibilitatem, quam habet cum anima rationali, & perfecta organizatione corporis.

Quo supposito nullum datur agens, à quo possit procedere actio generandi in illo instanti; quia aut viuens, à quo decisum fuit semen, iam non est, vel est separatum à loco generationis; quare nec per se, nec per virtutem seminalem agere potest.

62. Quare alij respondent, ad rationem Physici instrumenti non requiri quod in eodem instanti sit, in quo sequitur effectus, vel actio ab eo procedens; sed satis est in tempore immediato fuisse, & tunc aliquid fuisse operatum; ex quo, in instanti terminatio illius temporis sequitur actio, & effectus; qui licet non dicantur procedere ab eo formaliter, procedunt tamen virtualiter, quia virtute eius, quod immediate fecit, sequuntur actio, & effectus. Gratia exempli, semen dicitur instrumentum generantis ad generationem viuents, vt Aristot. & cum eo tota schola docet, quia materiam disponit, & organizat, & virtute huius dispositionis, & organizationis sequitureductio formæ de potentia materiæ, vel saltem unio eius cum materia; atque etiam productio totius compositi, nec requiritur quod actu existat in instanti generationis, sed satis est tempore immediato fuisse; ex quo Physicè loquendo censetur quasi actu existere; hoc est ita effectum, & actionem virtute eius sequi, ac si in eo instanti existeret, nec maiorem simultatem cum effectu petit causalitas Physica, de cuius intrinseca ratione solum est operari ex determinatione ad vnum; quod vero actu existat causa dum operatur, vel tempore immediate præcedenti sufficit ad causalitatem; nec est possibilis naturaliter alius modus causandi in his instrumentis generationis viuents: cum non sit completa causalitas eorum vsque ad vltimum instans terminatiuum temporis, quemadmodum sacramenta dicuntur habere modum causalitatis Physicè, nec tamen causare vsque ad vltimum instans, quia vsque ad illud non est completa significatio verborum, quæ tamen in illo instanti, iam non existunt: quare vel negandum est omnino viuents generare sibi similia, vel admitteudum, quod virtualis simultas causæ cum effectu sufficiat, quam habet per actualem existentiam, & causalitatem in tempore immediato, sicut ad simultatem causæ moralis sufficit simultas moralis, hoc est non nisi per paruum tempus interrupta; hoc enim in moralibus censetur simul esse cum alio, quod non nisi per modicum spatium, vel tempus ab eo distat.

63. Quo supposito actio generandi, & effectus procedunt, ac dependent in instanti generationis formaliter à prima causa, non quidem supplente concursum secundæ, & ideo nec maiorem, ac distinctum concursum tribuente, quam si causa secunda per se, vel per instrumentum esset præsens, sed eodem profus; quia concursus,

concurfus,quem tunc adhiberent formaliter, adhibent virtualiter : à caufa vero fecunda procedunt virtualiter propter virtualem modum dependentiæ,quem habent ab eius instrumento tempore immediatè præcedenti existente, & operante, cuius operationis virtute procedunt actio,& effectus in instanti terminatiob eiusdem temporis.

Sed hæc etiam sententia difficilè potest sustineri, quod sic probò; actio dicit ab intrinseco actualemente egressionem, ac dependentiam ab agente; sed ab eo, quod non existit actu, nihil potest actu egredi, aut dependere; ergo nec potest agere id, quod non existit actu. Secundò, non potest agens agere, nisi per actualemente concursum & influxum in effectum, sed influxum actualemente, vel concursum præstare non potest, nisi actu sit: ergo neque potest agere. Probatur minor, quia actualis concursus, vel influxus procedit ab entitate formæ, vel agentis, sed quod non existit actu, non habet entitatem realem extra causas: ergo non potest præstare concursum, neque influere in effectum, nec proinde poterit agere. Quare nisi caufa secunda actu existat, per se, vel per instrumentum, non poterit esse caufa generationis, aut effectus.

Nostra igitur sententia est; causam secundam per se, vel per suum instrumentum actu existere, & præsens esse, actumque influere in instanti generationis, & ideo actionem instantaneam, quæ est generatio, ab ea procedere. Quod in generationibus rerum non viventium satis est manifestum: cum ignis à quo generatur alius ignis ex ligno in instanti generationis permaneat, atque etiam calor in eo existens, quo utitur tanquam instrumento ad generationem: quod vero non permaneat calor, & aliæ dispositiones, quas produxit in ligno per alterationes præcedentes, impertinens est, quia valde probabile est non concurrere effectivè ad generationem ignis, sed solum in genere causæ materialis disponendo materiam; & etiam si effectivè concurrerent, necessarium non esset, quod in eo instanti permanerent: sed satis est permaneat instrumentum coniunctum, quod est calor proprius ignis, quo medio actio generationis procedit ab igne, à quo processerunt eadem dispositiones præcedentes. In generatione autem viventium permanet etiam virtus seminalis in instanti generationis, qua media, tanquam instrumento producit actionem generandi, & effectum. Quod ut intelligatur, notandum est ex doctrina D. Thomæ 2. lib. contra gentes cap. 57. & cap. 89. atque etiam quæst. 3. de potentia art. 9. & 11. semen duplices partes habere, quasdam crassas, alias vero tenues, & quasi spirituosas in qu:

in quibus sunt spiritus quidam similes vaporibus, & in his spiritibus contineri virtutem seminalem, per quam disponitur, & organizatur materia earundem partium subtiliorum, ex qua sola educitur anima, vel ei soli vnitur (si rationalis sit) & non ex materia partium crassiorum, sed istæ corrumpuntur, vel resoluuntur in aliud compositum non viuens. Et huius distinctionis habemus exemplum per experientiam notum in grano tritici, & alijs seminibus, in quibus videmus virtutem seminalem, à qua procedit generatio, non in omnibus partibus grani contineri, sed in quibusdam distinctis ab alijs; distinctio autem in semine animalium per spiritus illos cognoscitur, quia partes quidem feminis distinctæ sunt ab illis, quarum materia organizatur, atq; disponitur pro introductione animæ in ea: & ideo possunt in illas agere per virtutem seminalem, quam continent actione reali, cum distinguantur realiter. Possunt etiam spiritus illi simul cum virtute seminali perseverare in instanti generationis, & re vera permanent, quâvis corrumpantur reliquæ partes seminis, in quarum materia introduci-
 65 tur anima: permanens vero virtus seminalis potest actu concurrere ad generationem, & compositum genitum tamquam instrumentum generantis, & consequenter potest noua actio generationis instantanea ab ea procedere in instanti generationis, post eâ vero spiritus illi, in quibus residet virtus seminalis, resoluuntur, & pereunt. Quod verò dicitur de hac virtute seminali existente in semine deciso a viuente pro generatione alterius similis in specie, dicendum est in reliquis generationibus, quæ sunt quasi viæ ad alias, & ideo imperfectæ, vt de generatione embrionis sub vita plantæ, & deinde sub vita sensitua, si verum est (vt Aristoteles & D. Thomas docent) in generatione hominis prius introduci animam vegetatiuam in materia, deinde animam sensitiuam, & tandem rationalem: tunc enim pro singulis formis ponenda est virtus seminalis cuiuslibet formæ propria, ac proportionata residens in partibus distinctis ab his, ex quarum materia organizatur corpus ad introductionem animæ, à qua virtute tamquam ab instrumento generantis procedunt alterationes, per quas præparatur materia, & organizatur corpus, fitque aptum ad talem formam recipiendâ, atque etiameductio formæ de potentia materiæ, vel vnio eius cû materia, vt copiosius explicabitur 2. lib. de anima, vbi ex professo agemus de generatione viuentium, nunc enim solum de generatione substantiali in communi agit Aristoteles.

66 Et ex hac doctrina facile soluuntur argumenta primæ opinionis,

nionis, nam ad primū distinguenda est minor, quod in instanti generationis non permaneant accidentia; sunt enim duplicia, quædam producta per alterationes in materia, ex qua educēda est forma, pro eiusdem materiæ dispositione; alia in agente, per quæ producuntur, vt in generatione ignis ex ligno est calor productus in ligno pro dispositione materiæ, & est calor eiusdem ignis, cuius virtute productus est. Et de primis accidentibus concedi potest, quod non permaneant, in instanti generationis, quia corrumpuntur ad corruptionem totius ligni: sed negandum de posterioribus, quibus mediis tanquam instrumentis potest actio generationis procedere in instanti generationis ab agere suppositis alterationibus præcedētibz.

Ad secundum concessa maiori, neganda est minor, quod in instanti generationis corrupta sint accidentia, per quæ agere possit generans, vt in generatione viuentium, quod corrupta sit virtus seminalis, cum sit corruptum semen, in quo erat; nam virtus seminalis non est in toto semine, sed in quibusdam partibus eius, quæ vocantur spirituosæ, ex eo quod in eis resident spiritus quidam continentes virtutem seminalem, & cum hi spiritus sint partes distinctæ, etiam ab eisdem, in quibus resident; sicut spiritus vitales, qui resident in sanguine, distinguuntur ab eo, possunt per eandem virtutem seminale agere, in easdem partes, quibus adiunguntur, vsque ad corruptionem earum, cum quibus tamen non corrumpuntur, sed permanent in instanti generationis, post illud verò resoluuntur in res alias.

Ad tertium, concessa maiori, & minori, neganda est consequentia, quod non requiratur noua alia actio, in instanti terminatio alterationum præcedentium, pro introductione nouæ formæ, nam cumeductio formæ substantialis de potentia materiæ, vel vnio eius cum materia sit nouus effectus substantialis distinctus à dispositione materiæ, & per se productus, requirit nouam, ac distinctam actionem substantialem, per quam producat, præter alterationes præcedentes; per quas licet dispositiue expellatur forma substantialis præcedens, non tamen formaliter nisi per formam substantialem nouam atque educatam de potentia eiusdem materiæ, vel ei unitam. Non est ergo bona consequentia; forma substantialis præcedens non potest permanere cum dispositionibus contrarijs, ergo ab eis expellitur sufficienter, sed ad formalem expulsionem eius requiritur introductio nouæ, à qua sola expellitur formaliter, ab agente effectiue, à dispositionibus verò solum dispositiue, vt inferius ostendetur.

Et ex

- Et ex doctrina huius questionis, constat generationem esse actionem, vel mutationem distinctam realiter ab alteratione, propter distinctionem realem effectus per utramque producti; & præterea distinguuntur ex parte subiectorum, nam subiectum alterationis est compositum, quod ei præsupponitur, & circa quod agens operatur: subiectum vero generationis est materia prima, ut probabimus. Distinguuntur tandem ex parte terminorum ad quos, quia terminus alterationis est qualitas, generationis vero substantia de nouo producta. Et hæc distinctio est specifica, quia species actionum, & mutationum, & distinctio earum specifica à terminis ad quos accipienda est, ut lib. 5. Phys. probauimus.

TRACTATVS SECVNDVS.

De corruptione substantiali.

QVÆSTIO I.

An sit, & quid sit corruptio substantialis, & an naturalis sit rebus sublunaribus?

68 **Q**uatuor inquit titulus quæstionis eodem ordine explicanda, primum, an sit corruptio substantialis? secundum, quid sit? tertium, an sit naturalis, vel violenta? quartum an intendatur per se à natura? Et circa primum, quod datur in rebus naturalibus corruptio substantialis, eisdem prorsus testimonijs Aristotelis, Platonis, & aliorum Philosophorum, eisdem rationibus naturalibus, eadem experientia probatur, ac probatum est in principio tractatus præcedentis, quod datur generatio substantialis; quia, vt inferius ostendetur, generatio naturali vnus rei necessariò coniuncta est corruptio alterius, ideo non est modò probandum, sed tamquam certum præsupponendum.

Circa secundum vero: Quid sit corruptio substantialis? sic est corruptio definienda: *Corruptio est mutatio ab esse substantiali forma in materia ad non esse eiusdem.* In qua definitione ponitur mutatio, non tanquam genus, vt in definitione generationis, sed loco generis; quia generatio, & corruptio non conueniunt viuiocè in ratione mutationis, sed conuenientia quodam analogica, cum generatio sit vera, ac positiua mutatio, corruptio verò non positiua, & ideo nec vera, sed negatiua, & per similitudinem, vel attributionem ad generationem, & per mutationem

tionem ita explicatam excluduntur omnes actiones, quæ non sunt mutationes, vt creatio & annihilatio (si veræ actiones sunt) atque etiã primaeductio formarum substantialium de potentia matetis, in qua cum non præcesserit materia sub priuatione formæ, non est mutatio: & ideo neque est generatio, vel corruptio sed actio productiua substantiæ. Per cæteras verò particulas explicatur terminus à quo, & ad quæ corruptionis: ille quidem, tamquam necessaria conditio mutationis, iste verò tamquam id, à quo habet speciem. Dicitur aurem terminus à quo esse formæ in materia, quia sicut esse formæ in materia est terminus formalis ad quem generationis, ista est terminus formalis à quo corruptionis: sed substantia composita est terminus totalis, atq; completus, terminus verò ad quem eiusdem corruptionis est non esse eiusdem formæ in materia, non quidem purè negatiuè sumptum, sed priuatiuè: quod est dicere, priuationem eiusdem formæ in materia esse terminum formalem, à quo habet speciem, quamuis non esse totius substantiæ completæ sit terminus adæquatus, atque completus, & per hanc particulam sic explicatam distinguitur corruptio substantialis à generatione substantiali, atque etiam à generatione, & corruptione accidentali, cuius terminus est non esse formæ accidentalis in subiecto. Et ex his constat corruptionem substantialem esse in rerum natura, & quid sit,

An corruptio sit naturalis?

PRius quàm diuersas opiniones afferamus, duo sunt explicanda: primum, quot modis sumatur naturale; secundum, in qua significatione nunc accipiat. Primo modo accipitur, prout oppositum supernaturali, & artificiali: neutrum enim horum pertinet ad ordinem naturæ, sed supra, vel præter illum dicuntur esse: & hoc modo non accipitur naturale in hac parte, quia certum est corruptionem substantialem nec supra naturam esse, nec ad artem pertinere. Secundo modo accipitur pro eo, ad quod inclinatur natura: in qua significatione naturale est materiæ recipere formam, quia naturalem habet inclinationem ad illam, atque etiam est naturale lapidi moueri deorsum: & in hac significatione opponitur violento, vt docet Aristoteles 5. lib. Phys. cap. 6. tex. 7. Tertio modo accipitur pro eo quod aliquo modo conuenit naturæ rei, vel ei consentaneum est, vt dicimus, cælo conuenire, quod non habeat aliquam ex primis, vel secundis qualitatibus: accipitur autem naturale in his duobus acceptiouiibus.

Secundò notandū est corruptionem cum tribus posse con-

parari

parari, nempe cum materia, cum forma, & composito; nam materia est subiectum eius, sicut generationis; forma vero, & compositum pertinent ad terminum à quo, & non esse totius ad terminum ad quem, modo iam explicato.

His explicatis prima opinio modernorum tria asserit. Primum, quod si corruptio comparetur, ad materiam nullo modo est ei naturalis. Probat hoc argumento; certum est materiam nullam habere virtutem actiuam naturalem, per quam concurrat efficienter ad corruptionem, sicut nec ad generationem; ergo non est ei naturalis corruptio tamquam principio actiuo: sed nec tamquam principio passiuo: ergo nullo modo est ei naturalis. Probat minor, quia si materia esset naturalis corruptio, ut principio passiuo, maxime quia dum habet vnam formam appetit aliam, & ad eam recipiendam inclinatur, & quia eam non potest recipere, nisi expulsa illa, quam habet, & corrupto composito inclinatur suo modo ad corruptionem; sed materia solū appetit formam amissibilem in communi, & nullam in particulari, satiata est enim ea, quam habet; ergo in materia nulla est inclinatio passiva ad corruptionem; nec potest esse naturalis ei corruptio.

- 70 Secundo, quia corruptio per se vel ratione sui non potest esse naturalis materię, sed solum propter generationem nouę formę: sed nec generatio nouę formę est naturalis materię; ergo multo minus est ei naturalis corruptio. Probat maior, quia corruptio tendit ad non esse formę, quam materia actu habet, sed materia non appetit non esse suę formę, quin potius ea gaudet, ac delectatur; ergo non appetit per se corruptionem. Et eodem modo probanda est minor, quod non ratione generationis, quia nulla potest assignari idonea ratio, propter quam materia appetat formam, quam non habet potius quam eam, à qua informatur: immo necesse est magis inclinetur in hanc, à qua accipit esse cum dispositionibus proprijs: ergo nec appetit educationem nouę formę ex propria potentia, quę est generatio.

Tertio, quia materia habet esse à forma eam actu informantem: ergo amissio eius, nec potest esse secundum inclinationem materię, nec naturam eius sequi, atque adeo non potest esse ei naturalis primo, nec secundo modo. Probat prima cōsequētia, quia amissio formę est opposita esse naturali, quod materia habet ab ea; non est ergo secundum propriam inclinationem, nec villo modo ei naturalis, quia non esse proprium nulli est naturale.

- 71 Secundum, quod asserit eadem opinio est, corruptionem non esse naturalem compositis non viuētibz, aut. formis eorum.

Quam.

Quam sic probant ; non potest esse naturalis corruptio alicui composito , vel formæ , nisi propter principium intrinsecum actiuum , per quod expellat efficaciter propriam formam , & introducat alteram ; sed tale principium non possunt habere res istæ vlllo modo ; ergo nec possunt efficienter se corrumpere. Probatur minor , quia tale principium non possunt habere , nisi à propriis formis , vel dispositionibus earum : sed ab his non potest procedere actio contraria conseruationi compositi , sed potius ei conueniens : ergo nec potest esse eis naturalis corruptio. Probatur minor , quia actio naturalis est conformis naturæ effectiui principij , à quo procedit , nempe formæ substantiali , atque etiam qualitatibus eius , quibus mediis operatur : ergo impossibile est in his rebus esse principium effectiuum corruptionis compositi , vel formæ eius. Gratia exempli ; actio procedens ab igne , aut calore eius conformis debet esse naturæ suæ formæ , à qua procedit ; & eidem calori , quo medio procedit , quare repugnat esse principium corruptionis eiusdem ignis , vel formæ substantialis eius ; & ex consequenti repugnat corruptionem esse naturalem igni ex parte formæ , seu principij actiui : & cum probatum sit non esse naturalem ex parte materiæ , sequitur non esse ei vlllo modo naturalem ; sed eiusmodi corpora naturalia ab extrinsecis agentibus semper corrumpi per violentiam.

Secundo probatur , quia corruptio ordinatur ad non esse horum compositorum , sed repugnat aliquid naturaliter appetere , vel inclinari in suum non esse , quin potius omnia appetunt naturaliter esse proprium , & conseruationem eius ; ergo non potest esse eis naturalis corruptio ex propria inclinatione naturali , sed nec potest sequi vlllo modo naturam eorum , vel esse ei consentanea , quia impossibile est sequi naturam alicuius rei , vel ei esse vlllo modo conforme , quod repugnat naturali inclinationi eius.

Asserit tertio , rebus naturalibus viuentibus naturalem esse corruptionem solum à principio intrinseco actiuo , à quo causatur naturaliter propria corruptio. Et principium hoc intrinsecum est calor naturalis , cuius continua actione consumitur humidum radicale , & ipse etiam calor repetitur agendo , ac debilitatur , & tandem deficit , & consequenter compositum actione eius consumptum.

Nostra tamen sententia duabus conclusionibus explicatur. 72
Prima est ; si naturale sumatur primo modo pro eo , quod res appetit , vel in quod inclinatur , corruptio non est naturalis comparata ad compositum , vel formam ; benè tamen comparata

ad materiam. Probatur prima pars hoc argumento. Corruptio tendit per se ad non esse formæ in materia, quod etiam est non esse compositi; sed nihil inclinatur ad proprium non esse, sed potius appetit naturaliter esse, & conseruationem in eo: ergo corruptio non potest esse naturalis formæ, vel compositi.

Secunda vero pars, quod sit naturalis materiæ, sic probanda est. Materia appetit naturaliter quamlibet formam; ergo habens vnā, appetit aliam, & naturaliter potest eam recipere, sed non potest recipere, quam non habet, nisi expulsa ea, quam habet; cum repugnet naturaliter simul habere plures, & ex consequenti sine corruptione compositi, atque eiusdem formæ, si siteducta de potentia eiusdem materiæ: ergo corruptio naturalis est ei ex inclinatione, & appetitu eiusdem materiæ. Primum antecedens, quod materia appetat quamlibet formam etiam in particulari, & non solum rationem formæ in cōmuni, probaui aduersus hos modernos 1. lib. Phys. tract. de materia; & probatur nunc hoc argumento. Materia ex se non habet minorem proportionem cum vna forma substantiali, quam cum alia, sed æqualem cum omnibus: nec habet proportionem solum cum forma in communi, sed cum qualibet in particulari, quia quamlibet potest recipere, non solum vt formam, sed vt talem: ergo quantum est ex se, omnes respicit, in omnes inclinatur, omnes appetit: vnde pro qualibet in particulari recipienda potest disponi: ergo quamlibet in particulari potest recipere: sed non potest recipere naturaliter vnā sine expulsionē alterius, & corruptione compositi; ergo naturalis est corruptio materiæ ex inclinatione, & appetitu eius ad nouam formam.

- 73 Secunda conclusio. Naturale accepto secundo modo pro eo, quod sequitur naturam alicuius, vel consonum est ei, naturalis est corruptio comparata ad compositum, ad formam, atque etiam ad materiam. Probatur primò quantum ad compositum; nam esse compositi dependet ex vnione materiæ cum forma, sed hæc potest ex natura sua dissolui; ergo compositum potest ex sua natura corrumpi. Probatur minor ex modo informandi eiusdem formæ in hoc distincto à modo informandi formæ cœlestis, quod hæc comparatur ad materiam non potentem recipere aliam formam, & ideo modo inamissibili, atque perpetuo informat eam, & consequenter vnitur ei vnione naturaliter indissolubili; & propterea compositum sua natura incorruptibile constituit; formæ verò sublunares comparantur ad materiam potentem recipere alias formas, quod imperfectionis est, ideo modo amissibili, & non perpetuo informant;

formant; & vnione sua natura dissolubili vniuntur eidem materię. Ex quo sequitur compositum constituere sua natura corruptibile, & cui corruptio naturalis erit; quia vnio formę cum materia, & informatio eius, atque conseruatio in materia dependet ex certis quibusdam dispositionibus, vt permanentia formę ignis in materia ex calore, & siccitate; sed dispositiones istę habent alias naturaliter contrarias, à quibus expelli possunt à subiecto; eis verò expulsi impossibile est naturaliter formam permanere in materia, & vnionem non dissolui, ex cuius dissolutione euidenter sequitur corruptio compositi, cui eadem corruptio naturalis erit. Et ex his rationibus sequitur corruptionem esse naturalem formę; quod sic probo: Formę educę de potentia materię non subsistunt per se, vt probatum est 1, lib. Phys. tract. de forma, sed inhaerent materię dependenter ab illa; sed talis vnio dissolubilis est, vt probauimus: ergo tales formę naturaliter sunt corruptibiles. Probatur consequentia, quia separatę à materia non possunt consistere, sed statim desinunt esse. Et sicut à dispositionibus contrariis expelli possunt naturaliter proprię, quibus mediis conseruantur formę in materia, consequenter expelli possunt formę ipsę, & per expulsionem corrumpi: corruptio igitur cōposito, & formis deeductis potentia materię naturalis est, tanquam consequens naturam eorum, atque etiam animę rationalis, licet non quantum ab substantiam, sed quantum ad informationem corporis. Et tandem, 74 quod materię sit hoc modo naturalis, sic probatur. Materia sua natura potest recipere omnes formas, etiam in particulari, & pro eis disponi; sed naturaliter est impossibile recipere vnā, sine expulsionem alterius, & corruptionem compositi: ergo ex propria natura est subiectum generationis, & corruptionis; quare non minus hæc, quàm illa est ei naturalis, tanquam consequens naturam eius.

Veritas denique huius conclusionis speciali ratione ostendi potest in viuientibus, quorum substantia prima, in qua primo generantur, perfectæ, atque consistens censetur; & temperamentum naturale eius, cum quo conseruatur, est humidum, ac frigidum, & ideo appellatur humidum radicale; in hac vero substantia incessanter agit calor naturalis calefaciendo, & exsiccando illam, & ideo consumendo humiditatem, ac frigiditatem eius, per quas conseruatur, & ex consequenti consumendo partes eiusdem substantię, quę cum tanto calore, & siccitate non possunt conseruari: ad reparandam verò huiusmodi corruptionem indigent viuientia corpora noua sumptione sibi per virtutem eiusdem caloris naturalis conuertendi in

substantiam, indigent quoque respiratione continua ad temperandam vim eiusdem caloris; qui cum repatiatur ab eodem humido radicali, & à qualitatibus alimentis sibi contrariis naturaliter etiam debilitatur, ita ut licet in principio vitæ possit plus alimenti convertere in substantiam, & vivens seipsum augere, in statu vero non iam maiorem, sed æqualem tantum substantiam potest convertere, & tandem non æqualem, sed minorem; & ita paulatim consumitur vivens, & moritur: & ecce mors, vel corruptio est ei naturalis à principio activo intrinseco. Illa vero corruptio, quæ à causis extrinsecis, tam viventibus, quam non viventibus corporibus accidit, non dicitur naturalis, sed violenta; & propterea Aristoteles distinguit duplicem corruptionem, naturalem, & violentam 5. lib. Phys. cap. 6. text. 57. Ex cuius principis colligitur doctrina hæc, atque etiam ex D. Thoma 1. p. quæst. 77. artic. 4. & ex Scoto in 2. distinct. 9.

- 75 Ad primum argumentum primæ opinionis desumptum ex parte materiæ, neganda est minor, quod materia sublunaris non appetat formas in particulari, sed solum in communi, & quod satiata sit forma, quam habet, utrumque enim falsum est, quia cum habeat naturalem capacitatem, & potentiam passivam recipiendi omnes formas in particulari, necesse est omnes appetere, & nulla satiari, ut probatum est.

Ad secundum, negandum est, quod materiæ non sit naturalis generatio novæ formæ, & corruptio eius, quam habet; nam per se non minus appetit novam formam, quam præsentem, & cum dentur agentia naturalia, à quibus possint novæ introduci, naturalis est materiæ novæ generatio, quæ cum non possit fieri sine corruptione formæ præsentis: naturalis censetur ei corruptio, quam licet per se non appetat, bene tamen per accidens.

- 76 Ad tertium respondeo, quod licet naturale sit materiæ illud esse, quod accipit à forma præseni, etiam est ei naturale aliud esse, quod potest recipere ab alia forma, quæ cum possint agentia naturalia in eandem materiam introducere, potest etiam materia recipere aliud esse sibi naturale ab alia forma, & illud appetere; quod cum non possit recipere, nisi per corruptionem eiusdem esse præsentis, & expulsionem præsentis formæ: utrumque dicitur appetere per accidens, & esse ei naturale.

Ad primum desumptum ex parte compositi, & formæ, neganda est maior, quod composito non viventi non possit esse naturalis corruptio, nisi à principio intrinseco activo: potest enim esse naturalis ex parte unionis naturaliter dissolubilis, propter modum amissibilem informandi harum formarum sublunarium.

Ad secundum, concedenda est prior pars eius, quod non viventibus

uentibus non sit naturalis corruptio ex propria inclinatione eorum, sed neganda est pars posterior; quod non sit naturalis, tanquam consequens naturam. Et cum dicitur, non posse esse naturale, quod repugnat naturali inclinationi rei, distinguendum est; naturale ex inclinatione esse non posse, bene tamen ut consequens eandem inclinationem naturalem; & ita se habet corruptio ad easdem res naturales, quatum inclinatio licet sit ad esse, non quodcumque, sed debile, ac sua natura defectibile per dissolutionem unionis formæ cum materia, à qua dependet: quare sicut naturalis est inclinatio ad eiusmodi esse, ita naturale est eidem esse, quod possit deficere, & ex consequenti corruptio tendens ad non esse naturalis dicitur, si non ex inclinatione eiusdem rei, saltem ut consequens naturam eius defectibilem ex propria conditione.

Tertium vero quod asserit eadem sententia, & argumentum, quo illud probat, conceduntur à nostra.

QVÆSTIO II.

An corruptio rerum naturalium sit per se intentà à natura?

PRima opinio asserit corruptionem non esse per se intentam à natura, sed omnimodò per accidens, & præter eius intentionem sequi. Ita videtur loqui D. Thomas 3. contra Gentiles cap. 94. & 1. p. quæst. 19. art. 9. & q. 49. art. 2. quibus locis malum asserit non per se intendi, sed per accidens sequi in operationibus, & cum corruptio sit malum naturæ, videtur sentire, quod non sit per se intentà ab eadem natura, quia nemo intendit proprium malum. Ita etiam loquuntur Henricus in Summa art. 41. Caietan. in eisdem locis primæ partis, & Capreolus in 2. dist. 4. quæst. 1. art. 3. & dist. 34. quæst. 2. art. Et probatur ratione; primo, quia natura per se intendit, esse, rerum naturalium, tanquam naturale bonum, sed corruptio tendit ad non esse earum: ergo non potest per se cadere sub intentione naturæ.

Secundo, quia natura non est aliud, quam naturales causæ, à quibus producuntur effectus; sed nulla causa naturalis intendit per se corruptionem; ergo non est intentà per se à natura. Probat minor, quia causæ naturales tam vniuersales, quàm particulares solum intendunt per se educere formam de potentia materiæ, unire eam materiæ, & producere compositum ex unionem resultans: expulsio verò formæ præexistentis per accidens sequitur, quia accidit esse in materia, & esse contrariam formæ

introducendæ, quæ non minus introduceretur, & generaretur compositum, si non adesset in materia alia forma: ergo à nulla causa naturali per se intenta est corruptio.

- 78 Hanc sententiam sequuntur Conimb. 1. lib. de gene. cap. 4. quæst. 16. artic. 5. & eam explicant hac distinctione. Duobus modis contingit aliquid intendi per se, primo, ita ut non ordinetur ad aliud, sed in eo sistat intentio; & ita intenditur ab infirmo sanitas: secundo, intenditur per se, ita ut sit obiectum intentionis, siue ordinetur ad aliud, siue non; quo pacto intenditur per se deambulatio, quia per se est obiectum electionis infirmi, quamvis ab eo ordinetur in sanitatem. Hoc supposito dicunt primo, corruptionem non intendi per se primo modo: in quò conveniunt omnes, quia quod per se ita intenditur, finis tantum est, finis verò debet esse bonum, & ideo entitas aliqua positiva, qualem non esse corruptionem evidens est; cum sit negatio quædam, & ad non esse rei ordinatur. Secundo asserunt, neque esse per se intentam secundo modo, quia malum non potest esse obiectum terminans intentionem cum nemo intendens ad malum operetur, ut testatur D. Dionysius in lib. de divinis nominibus cap. 4. & Aristot. 1. Ethic. cap. 1. sed habens pro obiecto aliquod esse, vel bonum: corruptio autem est malum naturæ, cum ordinetur ad non esse rei naturalis: ergo non potest esse in se obiectum intentionis, quod in moralibus videtur magis manifestum: in quibus certum videtur peccatum non intendi per se à peccante, sed bonum aliquod, vile, vel delectabile, malitiam vero per accidens sequi, propterea quod peccatum privatio quædam est, ut destructio rei, & ita se habet in naturalibus corruptio: quare non potest per se intendi à natura.

- 79 Ut autem nostram sententiam explicemus, duplex intentio naturæ distinguenda est, primaria & secundaria. Primaria intentio naturæ illa dicitur, quam primo habet in suis omnibus operationibus, nempe producere perfectissimum, quod potest. Secundaria vero versatur circa ea, quæ necessario coniuncta sunt effectui per se primo intento, vel quæ eum naturaliter consequuntur, ut in generatione per se intendit natura primaria intentione producere rem naturalem secundum substantiam: secundaria verò producere passiones, vel proprietates eam naturaliter consequentes, vel etiam defectus naturales cum quibus generatur, quia dum non potest rem producere cum omni perfectione sibi debita, iuxta primariam intentionem, intendit eam producere saltem imperfectam intentione secundaria. Vtrumque membrum huius distinctionis habetur apud Aristote

Aristotelem, primum quidem 7. lib. Phys. text. 18. his verbis: *Circulus tunc maxime secundum naturam est, cum maxime circulus.* Secundum vero habetur 2. lib. de generatione animalium capit. 3. Vbi de generatione animalium loquens ait, naturam per se primo marem intendere, sed dum non potest id assequi, producere feminam, quæ est quasi læsus mas, & ideo productio maris pertinet ad primariam intentionem naturæ, productio feminæ ad secundariam. Eandem distinctionem posuit expresse D. Thomas loco statim citando.

Qua supposita asserit nostra sententia, corruptionem non esse per se intentam à natura primaria intentione, bene tamen secundaria. Primum tanquam certum recipiunt omnes: & probatur euidenter argumentis primæ opinionis. Secundum vero expressum est apud D. Thomam in 4. dist. 36. quæst. 1. art. 1. ad 2. his verbis: *Nihil prohibet esse aliquid contra naturam, quantum ad primariam intentionem ipsius, quod non est contra naturam quantum ad secundam eius intentionem, sicut omnis corruptio, & defectus, & senium est contra naturam, ut dicitur in 2. cæli, & mundi, quia natura intendit esse, & perfectionem, non tamen est contra secundam intentionem naturæ, quia ex quo natura non potest conseruare esse in uno, conseruat in altero, quod generatur corruptione alterius: & quando natura non potest producere ad maiorem perfectionem intendit ad minorem. Quod etiam tenet Ferr. 2. lib. contra Gent. cap. 40.*

Et probatur ratione, quia dum aliquid per se primo intenditur, necesse est consequenter intendi illud, quod in eo necessario, vel per se includitur, aut sine quo esse non potest, vel ex eo necessario sequitur, siue negatio sit, siue priuatio, vel defectus aliquis: consequenter vero intendi est per se secundo intendi, vel secundaria intentione, sed generatio est per se primo intentam à natura, quæ non potest esse naturaliter sine corruptione: ergo intenditur corruptio ex necessario consequenti; quod est per se secundo, vel secundaria intentione naturæ per se intendi. Maior probatur, quia si illud, quod per se primo intenditur, non potest sine aliquo alio esse, sequitur nec intendi posse, nisi aliud per se secundo intendatur. Probatur consequentia, quia sicut res se habet ad esse, sic se habet ad intentionem.

Pro solutione argumentorum alterius sententiæ notandum est, sic se habere primariam intentionem, & secundariam, ut id quod per secundariam intenditur respectu eius, quod intenditur primaria intentione, non per se, sed quasi per accidens intentum reputetur, & etiam quasi per accidens subsequi dicatur, &

merito quidem, quia illud solum dicitur per se intentum simpliciter, quod primaria intentione respicitur, quod vero secundaria, quasi per se secundum quid. Ex quo intelligitur modus loquendi Aristotelis, diui Thomæ, & aliorum antiquorum Philosophorum aliquando asserentium, defectus naturales, cum quibus res generantur, atque etiam corruptiones; immo & in generatione viuientium productionem formæ quasi occasio-nata esse, & per accidens sequi, vel non esse per se intenta à natura: loquuntur enim de primaria eius intentione, respectu cuius verum est; sed alijs locis etiam asserunt per se intendi cum addito quidem, hoc est non primaria, sed secundaria intentione.

Ad primum argumentum distinguenda est minor, nam corruptio vnius rei, vel formæ dupliciter considerari potest, nempe secundum se, vel vt necessario coniuncta cum generatione alterius, quia naturaliter, non potest introduci vna forma sine expulsionem alterius, & consequenter, nec vnus generari sine alterius corruptione. Et primo modo considerata non potest per se intendi à natura, vt probat argumentum; sed nec secundo modo potest intendi primaria intentione naturæ, sed bene secundaria tanquam necessario coniuncta cum generatione per se primo intenta.

- 81 Ad secundum eodem modo distinguenda est minor, nam de primaria intentione verum est, nihil aliud per se intendere causas naturales, præter introductionem formæ, & productionem compositi, falsum tamen de secundaria, quia cum non possint illa consequi, nisi expulsa forma præcedenti; ex consequenti, & per se secundo intendunt expulsionem eius. Quod vero additur per accidens esse ad introductionem vnius formæ, quod alia sit in materia, & ab ea sit expellenda: hoc modo distinguendum est, nempe ad introductionem formæ secundum essentiam sumptam per accidens esse, ad eandem vero, vt modo naturali, hoc est secundum ordinem in natura constitutum, faciendam non esse per accidens, sed per se secundo; quia formæ substantiales introducendæ in materia, modo saltem virtuali sunt contrariæ; contraria vero per se respiciunt idem subiectum, à quo nata sunt se expellere, quare introductio vnius necessario coniuncta est cum expulsionem alterius, & propterea intendi non potest per se primo, vel primaria intentione naturæ, quia expulsio ex consequenti, ac per se secundo intendatur.

Ad aliud denique, quod obiicit prima sententia: videlicet malum non posse esse obiectum per se intentionis, distinguendum est ratione sui, vel ratione boni, cui necessario coniunctum.

iunctum est; & primo modo non potest malum terminare per se intentionem: secundo verò modo non solum malum naturæ, quod est corruptio, aut priuatio, seu negatio potest esse obiectum, vel terminus intentionis, sed etiam malum morale; sed quia non ratione sui id habet, non potest per se primo terminare intentionem, potest tamen per se secundo: quia eo ipso, quod per se primo appetitur bonum, cui necessario coniungitur, ratione talis coniunctionis potest eam terminare; quæ coniunctio cum sit per se, vel necessaria, per se secundo dicitur terminare, vel secundariam intentionem; & ita licet corruptio sit malum naturæ, potest terminare intentionem, si non ratione sui, bene tamen ratione boni, nempe generationis, cui necessario necessitate naturæ coniuncta est. In moralibus vero res est clarior, quia voluntas peccantis per se primo appetit bonum delectabile, vel vtile, vt in peccato fornicationis, aut furti notum est, sed quia tale bonum apparet tantum est, verè tamen contrarium rationi, & ideo verè malum, necessario appetit malum, non quidem ratione malitiæ, sed bonitatis apparentis, cui coniuncta est; & ideo non per se primo, vel primaria intentione, sed per se secundo, vel intentione secundaria.

Ex quibus intelligitur alia distinctio, qua alio modo soluitur idem argumentum, & veritas nostræ sententiæ notissima fit, nam vt aliquid sit obiectum intentionis necesse est, sit per se bonum, & appetibile ratione sui, sed vt sit obiectum per se electionis, non est necessarium, quod sit in se, vel per se bonum, sed satis est, quod habeat aliquam bonitatem participatam à fine quomodocunque eam participet. Quo supposito dici potest corruptionem assumi à natura, quasi pro medio respectu generationis, quia non potest vnā formam introducere in materiam, nisi media expulsionē alterius: corruptio ergo licet secundum se sit malum naturæ, sed in quantum medium quodammodo ad generationem tanquam ad finem ordinatum, participat bonitatem ab eadem generatione, ratione cuius potest esse per se intenta à natura; hæc autem participatio bonitatis à generatione, nihil reale intrinsecum est in eadem corruptione, sed quasi extrinseca denominatio realis, sufficiens quidem, vt per se intendatur à natura, non tanquam finis: & ideo nec primaria intentione, sed secundaria tanquam medium. Et potest dari exemplum in moralibus, quia voluntas non potest appetere, immo nec tendere in peccatum sub ratione mali: sed bene potest velle vnum peccatum tanquam medium ad alterum; quod alterum vult sub ratione boni apparentis:

quod contingere ait D. Thomas in peccatis ex malitia commissis, in quibus homo videns furtum esse malum eligit illud, vt consequatur adulterium, nec tamen eligit furtum sub alia ratione boni apparentis, nili quam participat ab adulterio, quod appetit tanquam finem sub ratione delectabilis, quæ per extrinsecam denominationem deriuatur ad furtum, vt sic possit esse objectum electionis.

QVÆSTIO III.

*An verum sit, & in quo sensu, quòd generatio
vnius sit corruptio alterius?*

- 83 **E**iusmodi axioma, *Generatio vnius est corruptio alterius*, habetur apud Aristotelem. 3. lib. Phys. text. 73. & cap. 3. huius libri, text. 17. Quod autem in nullo sensu sit vniuersaliter verum, probatur primo, quia non in sensu formali; cum generatio, & corruptio sint mutationes specie diuersæ, propter diuersos terminos in quos tendunt, nam generatio tendit ad esse rei, corruptio ad non esse eiusdem; sed nec verum esse potest in sensu identico, vel reali, quia generatio est actio positiva, corruptio negatiua; positium autem, & negatiuum non possunt esse idem realiter: ergo non erit verum in sensu reali, quod generatio vnius sit corruptio alterius. Nec tandem secundum comitantiam, vel consequentiam, ita vt corruptio vnius rei necessariò comiteretur generationem alterius, vel eam consequatur, nam aliquando contingit corrumpi vnā formam, & non generari, aut fieri alteram, vt in nutritione hominis corrumpitur forma alimenti, & non generatur alia, sed anima rationalis iam existens extenditur ad informandam materiam eiusdem alimenti; ex opposito vnā formam generari absque corruptione alterius, vt in morte eiusdem hominis generatur forma cadauctis, & nulla corrumpitur, cum permaneat anima rationalis. Aliquando etiam fit nouum compositum substantiale sine corruptione alterius, vt in prima productione corporum patet; & quotiescunque nutritur homo ex speciebus sacramentalibus, sub quibus certum est nullam esse substantiam, quæ corrumpatur, sed dum in eis introductæ sunt dispositiones, cum quibus non posset conseruari forma substantialis panis, desinunt esse, & supponitur loco earum noua materia, quam informat de nouo anima rationalis, & per talem informationem producit noua substantia partialis,

partialis, sine corruptione alterius substantiæ. Et tandem in accidentibus sæpè generatur vnum absque corruptione alterius, vt patet in productione luminis: sæpè etiã corrumpitur vnum absque alterius generatione, vt constat in impulsu, & sono, qui in aëre corrumpuntur, in quo nullum aliud generatur accidens ad corruptionē eorū. Ex quibus sequitur in nullo sensu vniuersaliter verum esse, quod generatio vnus sit corruptio alterius.

Secundo probatur quia si in aliquo sensu verum esset, sequeretur res naturales, nec augeri posse, nec diminui secundū numerum, sed tot esse indiuidua quatumlibet specierum vno tēpore, atque alio; quod euidenti experientiæ repugnat; sed probatur consequentia, quia si generatio vnus semper habet coniunctam alterius corruptionem, tot corrumpentur, quot generantur, & ita idem semper erit numerus indiuiduorum.

Circa sensum huius axiomatis non conueniunt interpretes 84 Aristotelis, præsertim Nominales, quos citat Toletus 1. lib. de Generat. cap. 3. quæst. 3. eorum tamen opiniones non refero, quia nullum habent fundamentum in vera Philosophia: sed eis omisissis tria dicenda sunt in hac re, in quibus omnes ferè conueniunt. Primum est non esse verum eiusmodi axioma in sensu formali, vel identico, ita vt generatio vnus rei sit eiusdē speciei cū corruptione alternis, vel idē realiter, vt probat primum argumentum, sed semper differunt specie & realiter, non quidem distinctione specifica, vel reali positiua, sed negatiua, quia corruptio nō est mutatio positiua, sed negatiua; cum procedat ab esse rei ad non esse eiusdem. Inter esse autem, & non esse solum potest esse distinctio realis, & specifica negatiua, vt inter Petrum, & Leonem mortuum, aut quid simile; & ita distinguendæ sunt duæ istæ mutationes; quo supposito nec verum esse potest, quod generatio vnus formaliter sit corruptio alterius, nec etiam realiter.

Secundo dicimus, verum esse in sensu causali, vel naturalis connexionis, aut consecutionis, quia esse vnus formæ in materia est causa formalis expulsionis alterius, & non esse eiusdem, vel in se, vel saltē in materia; & ex cōsequenti esse vnus cōpositi necessariò infert non esse alterius. Ita D. Thom. in 2. dist. 34. art. 2. ad 5. & q. 28. de veritate, art. 1. & 6. Ferra. 2. contra Gent. cap. 41. Fonseca 5. Metaphy. cap. 2. q. 14. sect. 5. ad 4. Et est cōmunis sententia interpretum Aristotelis sic intelligenda, vt dum dicimus generationē vnus esse corruptionē alterius, causalis, & à priori sit sensus; & ex opposito dum dicimus; corruptionem vnus esse generationem alterius ab effectu potius, & à posteriori.

- 85 Fundamentum autem huius veritatis duplex est, primum, conseruatio naturalis rerum sublunarium, ex quibus constat vniuersum hoc, quarum species non possunt conseruari, nisi in indiuiduis corruptibilibus, ad quorum corruptionem, nisi noua generentur, consumerentur tandem omnia, & peribunt consequenter species: propterea necessarium est, quod ad corruptionem singulorum indiuiduorum generentur alia, vt ita per incessabilem transmutationem indiuiduorum conseruetur vniuersum, & vicissitudine generationum, & corruptionum eadem possint species conseruari. Secundum fundamentum sumitur ex natura materie sublunaris, cui tria hæc naturaliter cōueniunt, primum, quod semper eadem maneat expulsi his formis, & de nouo introductis alijs: secundum quod non possit esse sine vlla forma: tertium, quod non possit plures simul habere. Ex quibus euidenter sequitur non posse vnum compositum corrumpi, quin generetur aliud; alioquin nulla forma permanebit in materia, nec posse generari vnum, quin aliud corrumpatur, alioqui plures simul habebit formas.

Sed notandum est, verum esse idem axioma in prædicto sensu explicatum in generationibus, & corruptionibus modo naturali factis, hoc est à causis naturalibus per naturalem virtutem operantibus, & secundum ordinem naturalem constitutum inter eas. Vnde si per miraculum aliquid fiat, vel certè virtute miraculi præsuppositi, non est necessarium fieri cum corruptione alterius: & ita contingit in nutritione hominis ex speciebus sacramentalibus, quæ non fit modo naturali, sed virtute miraculi præsuppositi, quo quantitas permanet sine subiecto. Sed adhuc modo naturali intellectû axioma alio modo verum est de generatione, & corruptione comparatis ad compositum, & ad formam, nam si de corruptione formæ loquamur, certum est vnâ posse generari sine corruptione alterius, vt in morte hominis forma cadaueris sine corruptione animæ rationalis; & ex opposito potest corrumpi vna sine generatione alterius, vt in nutritione eiusdem hominis. Vnde sequitur in hoc tantum sensu verum esse, vt generatio vnius formæ fit corruptio alterius, vel expulsio eius ab eadem materia: & corruptio vnius fit generatio alterius, vel saltem fit vnio substantialis eius cum eadem materia.

- 86 Sed comparatis generatione, & corruptione ad compositum, sine vlla exceptione verum est vniuersaliter, quod generatio vnius compositi inferat corruptionem alterius. In accidentibus tandem non est vniuersaliter verum, nam in his, quæ contrario carent, manifestum est, posse generari vnum sine corruptione alterius

alterius, vt patet de lumine, atque etiam corrumpi vnum sine alterius generatione, vt impulsus, & sonus desinunt esse per subtractionem concursus primæ causæ, sine generatione alterius qualitatis; quia natura harum qualitarum non petit diuturnam conseruationem, sed ad modum breuem; & ideo prima causa accommodans suum concursum naturæ earum, cum subtrahit, & per solam hanc subtractionem desinunt esse, sine noua alterius rei generatione, vt 8. lib. Phys. agentes de impulsu ostendimus. Nec etiam in his accidentibus, quæ habent contrarium, verum semper est, quod generatio vnius sit corruptio alterius, nam dum mixtum generatur ex multis elementis sese corrumpentibus, consequenter producuntur in eo primæ qualitates in eo temperamento, quod postulat natura eius, atque etiam secundæ, vt odores, sapores, albedo, aut nigredo sine corruptione aliarum.

Ex his patet solutio argumentorum; nam ad primum concedimus non esse verum, quod generatio vnius sit corruptio alterius in sensu formali, vel identico, sed tantum in sensu causali: diuerso tamen modo in formis, atque in compositis; nam in formis solum est verum, quod generatio vnius formæ inferat corruptionem alterius, vel saltem expulsionem ab eadem materia: & ex opposito quod corruptio, vel expulsio vnius formæ inferat generationem alterius. Sed in compositis semper est vtrumque verum naturali modo loquendo. Argumentum vero de speciebus sacramentalibus præsupponit miraculum, & ideo in eo casu fit generatio substantialis sine corruptione substantiali. In accidentibus vero concedimus non semper, aut necessario verum esse, nec ab Aristotele fuisse de eis prolatum, aut intellectum, sed solum de generatione, & corruptione substantiali.

Ad secundum neganda est consequentia, quod numerus indiuiduorum non augeatur, vel diminuat, quia sæpè accidit ex vno generari multa, vt ex vno grano tritici, vel hordei: & aliquando ex multis vnum, vt ex multis elementis vnum, atque idem mixtum.

QVÆSTIO III.

An in corruptione substantiali fiat resolutio vsque ad materiam primam?

Resolutio Physico modo accepta, vt accipitur in titulo questionis, idē est, quod desinitio realis, vel corruptio: vnde sensus

sensus questionis est, an in corruptione substantiali fiat resolutio vsque ad materiam primam: id est, an dum corrumpitur compositum substantiale, præter materiam permanentem cætera omnia definant esse simpliciter, vel definant esse in materia, ita vt sola, & nuda materia permaneat, in qua noua forma recipiatur, vel aliqua forma substantialis, aut accidentalis perseueret in eadem materia, & maneat etiam in nouo cõposito? Et de formis substantialibus non disputamus modò, an præter propriam, quam habet cõpositum, & à qua cõstituitur in specie arthoma, dêtur aliæ cõmunes genito, & corrupto: vt forma corporeitatis (quam posuit Scotus præter animam in quolibet viuenti) quæ corrupto cõposito perseuerat in materia, vt corrupto homine in cadauere: sed supponimus nullam talem dari formam, sed quodlibet compositum habere vnam tantum, quæ corrumpitur in eius corruptione, vel saltem definit informare materiam, vt anima rationalis: & ideo in corruptione fieri resolutionem omnium substantialium formarum, ita vt nulla perseueret in materia. Questio igitur solum procedit de formis accidentalibus, an aliquod accidens idem numero permaneat, dum corrumpitur homo, aut res alia substantialis: vel corrumpantur omnia, & ita materia sola, & nuda permaneat omni forma substantiali, & accidentali: vnde eadem est questio, an in corruptione fiat resolutio vsque ad materiam primam, & an eadem numero accidentia, quæ erant in corrupto: permancant in genito, vel alia diuersa numero fiant. Non est tamen eadem questio cum alia de subiecto inhæssionis accideñtium, an sit materia prima, vel compositum, quamuis aliquo modo ab ea dependeat.

- 88 Prima opinio asserit, in corruptione non fieri resolutionem vsque ad materiam primam, sed quædam permanere in ea accidentia, ita vt eadem numero communia sint genito, & corrupto. Ita Auicena 1. sufficientiæ c. 7. Auerroes in lib. de substantia orbis, cap. 1. Albertus Saxonie 1. lib. de generatione quæst. 7. Hêricus quodlib. 1. §. q. 7. Gregorius in 1. dist. 12. quæst. 2. art. 1. Gabriel. dist. 16. quæst. vnica. OKam quodlib. 2. quæst. 11. Paulus Venetus in Summ. cap. 14. Pererius lib. 5. sui operis cap. 18. & ex modernis multi, qui distinguunt duplicia accidentia, nam quædam sunt propria huius, vel illius compositi, quæ procedunt à propria forma substantiali eius, qualia sunt propriæ passionēs, vt in homine risibilitas: & hæc accidentia semper corrumpuntur ad corruptionem compositi: nō ex eo, quòd sint in eo tamquam in proprio subiecto inhæssionis, sed quia sunt in materia tamquam in proprio subiecto, non tamen nuda,

da, sed vt informata tali forma; & ideo corrupta tali forma, vel desinente informare materiam, corrumpuntur hæc accidentia. Alia vero sunt cōmunia accidentia, vt quātitas, & dispositiones, per quas disponitur materia ad recipiendā talē formā, vt calor, frigus, siccitas, & humiditas, ac similes: & hæc sunt in materia tāquā in subiecto inhaesionis, nec ei cōueniunt ratione formæ introducendæ, cum eam præcedant tempore, sed ratione sui, & propterea non corrumpuntur, sed permanent corrupto composito; & hanc affirmant esse sententiam D. Thomæ in 4. dist. 44. quæst. 1. art. 1. Vbi approbat opinionem commentatoris asserentis, dimensiones interminatas (hoc est trinam dimensionem corporis de prædicamento quantitatis) esse perpetuas in materia, neque vñquam ab ea recedere, licet corrumpatur compositum. Et 4. lib. contra Gentes cap. 81. ad 2. objectionem, vbi concedit post mortem hominis manere eandem materiam cum eisdem dimensionibus, à quibus habebat vt esset eadem numero. Et tandem 3. p. q. 9. art. 3. ad 2. vbi docet, quod in generatione ignis ex ligno remanet corrupto ligno in materia idem numero calor, per quem fuit disposita ad recipiendam formam ignis. Ex quibus sequitur sentire D. Thom. quod eadem numero accidentia, quæ præfuerunt in corrupto, permaneant in genito, & ex consequenti, quod in corruptione non fiat resolutio vsque ad materiam primam.

Probant primò, testinonij Aristotelis, deinde experientia, 89 & tandem ratione. Aristoteles enim cap. 4. huius libri docet, quod dum aliquid generatur ex alio simili in aliquo accidenti, permanet idem accidens, in quo assimilantur in vtroque, vt dum ex aëre generatur aqua; cum similia sint in diaphaneitate, vel transparentia, eadem diaphaneitas, quæ erat in aëre, permanet in aqua: ergo sentit non omnia accidentia corrumpi; & ideo non fieri resolutionem vsque ad materiam primam. Et 2. lib. de generatione cap. 4. docet facilius generari elementum symbolum, vel simile ex alio symbolo: vt aërem ex igne, vel aqua: cum quibus conuenit in calore, vel humiditate: quàm ex dissymbolo, vel dissimili, vt idemmet aër ex terra, cum qua in nulla qualitate conuenit. Et rationem huius reddit, quia vt generetur ex elemento symbolo, non est necessarium, quod omnes qualitates corrumpantur, sed illa tantum, quæ dissimilis est, vt ad generationem aquæ ex aëre solus calor aëris corrumpi debet, non humiditas, quia hæc communis est aquæ, & aëris. Si ergo qualitas, in qua assimilantur, corrumpi non debet; ergo permanet in genito eadem, quæ fuit in corrupto, & consequenter non fit in corruptione, ex mente Aristot.

Aristot. resolutio vsque ad materiam primam.

Experientia etiam euidēti probatur, quia videmus eandem cicatricem, eundemque calorem, quæ erant in homine, permānere in cadauere: ergo non omnia accidentia corrumpuntur, nec fit resolutio vsque ad materiam primam. Et si dicatur eadem numero apparere iudicio sensus, non tamen esse eadem numero, sed eadem tātum secundum speciem; & ideo falli sensum, & corrigendum esse ab intellectu, sicut quando iudicat Solem minorem esse terra, fallitur, & ab intellectu corrigitur. Contra hoc est, primo, quod sensus circa proprium sensibile debite approximatum non fallitur, sed in cadauere debite approximato iudicat visus eandem numero permanere cicatricem; & tactus eundem numero calorem: ergo hoc iudicium non potest esse falsum; quare contra experientiam est, negare quod eadem numero accidentia, quæ erant in corrupto, permaneat in genito. Secundo, quia non potest esse alia cicatrix, neque alius calor, ergo cum permaneant, erunt eadem numero. Probatur antecedens, quia neque cicatrix, neque calor est dispositio necessaria in materia ad formam cadaueris introducendum, sed omnino impertinens: ergo si corrumpitur illa numero, quæ erat in homine, non est vlla necessitas ponēdi aliam numero distinctam in cadauere: & cum certum sit in eo permanere, iudicandum est, quod sit eadem numero, & non alia: nec est agens, à quo alia cicatrix, aliusve calor producat in cadauere, quia agentia naturalia solum producunt accidentia necessaria ad introductionem, vel conseruationem formæ, ad quam constat non pertinere cicatricem: ergo neque ab agente particulari, nec ab vniuersali produci potest. Et si dicatur, propter necessitatem materiæ produci: quia cum præcesserit in homine alia cicatrix, petit materia, vt alia similis sequatur in cadauere. Hæc necessitas sine ratione fingitur, quia eodē modo dum generatur ignis ex ligno, deberet produci humiditas, vel frigus in igne genito, quia alix similes qualitates erant in materia ligni, quod tamen est falsum.

Probatur tandem ratione, primo, quia si in corruptione non permāneant eadem numero accidentia in genito, quæ præfuerunt in corrupto, sequitur nunquam posse expelli formā præexistentem, neque introduci nouam: & ideo impossibile esse generationem. Probatur consequentia, quia toto tempore præcedente primum in istis generationis non sunt sufficientes dispositiones ad expellendam formam, cum eam non expellant, sed simul cum ea permaneant: sed nec in instanti generationis possunt eam expellere, quia iam non sunt, sed illud instans est primum

primum non esse earum; ergo nunquam possunt formam expellere, nec nouam introducere, quare nec erit possibilis generatio.

Secundo, quia si dispositiones, quas ignis generans producit in ligno, corrumpuntur cum eodem ligno, manetque materia ligni nuda omni accidenti, sequitur non esse magis determinatam ad formam ignis, quam ad aliam quamcunque recipiendam. Probatur consequentia, quia determinatio ad talem formam fit per tales dispositiones, sed non permanent in materia in instanti generationis: ergo nec possunt eam determinare, immo nec disponere, quod idem est. Et si dicatur, satis esse, quod tempore immediato præcesserint in materia, ut eam sigillatam reliquerint, hoc est ordinatam ad talem formam ignis; quod est relinquere eam sufficienter dispositam. Contra hoc est, quod talis sigillatio nihil reale potest esse in materia, cum ex eo, quod habuerit aliquam formam, nihil reale in ea relinquatur, sed ad summum denominatio quædam extrinseca, per quam nec potest esse realiter, & Physicè determinata ad talem formam, nec realiter pro ea disposita: quare necesse est aliquas dispositiones permanere in materia, ut sequatur generatio, & ideo impossibile est, fieri resolutionem omnium usque ad nudam materiam.

Secunda opinio tenet, in corruptione fieri resolutionem usque ad materiam primam, ita ut in instanti generationis desinant esse in ea, vel corrumpantur forma substantialis, quantitas, & omnes qualitates, vel dispositiones cum ea præcedentes; & nuda prorsus permaneat, & in ea sic denudata introducatur noua forma. Ita Albert. Magn. 2. p. summæ de homine, (quem falsò citant moderni quidam pro contraria sententia) Alensis 4. p. q. 57. memb. 4. Ægidius 1. lib. de generatione text. 25. Herueus de unitate formarum quæst. 16. & 17. Caietan. de ente & essentia cap. 7. q. 17. Ferrar. 4. contra Gentes cap. 81. Iauel. 8. Metaphy. q. 7. Sonzinas ibidem quæst. 9. Capreol. in 2. dist. 13. quæst. unica, artic. 3. Hispal. in 1. distinct. 5. quæst. 1. artic. 4. Bañez 1. lib. de Generatione cap. 4. quæst. 10. Conimb. ibidem quæst. 18. art. 2. & omnes illi, qui tenent accidentia non inhærere materiæ tanquam subiecto, quod, sed composito; atque etiam qui asserunt inhærere quidem materiæ, non nudæ, sed ut informatæ forma substantiali, & ideo cum necessaria dependentia à forma, qua expulsa, prorsus corrumpuntur. Hæc est etiam expressa sententia D. Thomæ 1. parte, quæst. 75. artic. c. 6. lib. de generatione lect. 10. ubi ita ait: *Dicendum, quod in corruptione non manet idem numero accidens sed id, quod prius erat, corrumpitur per*

accidens corruptione subiecti, & aduenit simile accidens consequens formam de nouo aduenientem, &c. Immo in eisdem locis citatis ab alia sententia id docet expresse: nam 4. contra Gentes cap. 81. licet prius ex sententia commentatoris dixerit, quod post mortem hominis p̄tmanet hæc materia cum eisdem dimensionibus, ex quibus habebat, vt esset indiuidualis materia; tandem ex propria loquens ita ait: *Alio modo accipitur corporeitas, prout est forma accidentalis, secundum quam dicitur corpus, quod est in genere quantitatis, & sic corporeitas nihil aliud est, quam tres dimensiones, quæ corporis rationem constituunt; & si igitur hæc corporeitas in nihilum cedit, corpore humano corrupto, iam non impedire non potest, quin idem numero resurgat, &c.* Et 3. parte, quæstion. 9. articul. 3. ad 1. vbi asserit: Eandem numero dispositionem præcedentem introductionem formæ permanere cum forma, & non corrumpi. Loquitur expresse non de dispositione tempore præcedente, quæ dicitur præuia, sed de simultanea, cum dicat, permanere cum noua forma tanquam effectum eius; constat autem præuiam dispositionem non esse effectum nouæ formæ, quam tempore præcedit. In 4. denique dist. 44. loquitur etiam secundum opinionem Auerrois, vt ex verbis illius loci est manifestum. Et hoc ideo, quia vt bene Ferrar. adnotauit capit. illo 81. vbi de resurrectione corporum agit Diu. Thomas, ex sententia illius loquitur de quantitate cōtua materiæ, & nunquam ab ea separanda, eo quod sententiam hanc sequuntur Gentiles, & propterea vrgentius aduersus eos arguitur ex concessis ab eisdem. Hanc igitur sententiam, vt propriam D. Thom. & magis consonam principiis Aristotelis, & rationi sequimur.

91. Probatur testimonio Aristot. cap. 4. huius primi libri textu 2. vbi ait: Generationem, & corruptionem substantialem esse, dum totum aliquod transmutatur nullo manente sensibili, vt subiecto eodem. Ex quibus verbis efficaciter colligitur, nulum permanere accidens in materia, sed corrumpi omnia cum composito substantiali. Probatur consequentia, quia si aliquod permanet accidens: ergo permanet materia cum eodem accidenti sub forma corrupti, & geniti: sed forma cum aliquo accidenti est sensibilis: ergo manet sub vtraque forma aliquid sensibile: sed quod manet sub vtraque forma est subiectum generationis, & corruptionis: ergo permanet in corruptione aliquid sensibile, vt subiectum, contra expressa verba Aristot. Sed respondent auctores oppositæ sententiæ, per aliquid sensibile, vt subiectum, non intelligere Aristotelem aliquid habens accidentia, sed compositum substantiale, vt substantiale est, nam hoc est, quo

est, quod sentitur, & ab hoc tanquam à subiecto procedunt actiones, & passionēs; quare hoc solum negat permanere in corruptione, non vero materiam cum accidentibus. Hæc tamen expitio probatur falsa, quia compositum substantiale, vel suppositum, ut quid substantiale est, non est sensibile, quia substantia; ut substantia etiam corporea non est sensibilis, sed solum potest sentiri per accidentia: ergo per aliquid sensibile ut subiectum, quod negat Aristoteles permanere in corruptione, non potest intelligere, nisi aliquid affectum accidentibus, sed permanet materia affecta dispositionibus, & aliis accidentibus: ergo permanet aliquid sensibile tanquam subiectum generationis, & corruptionis contra verba, & sensum Aristotelis.

Probatur deinde ratione desumpta ex differentia, quā ponit Aristoteles inter generationem, & corruptionem ex vna parte, & alterationem ex altera, eodem cap. 4. text. 24. quod alteratio non est circa substantiam rei, sed solum circa accidentia, quæ vocat passionēs eiusdem substantiæ, & passionēs contrarias, quia alteratio versatur inter contrarias qualitates, vel passionēs, ut inter calorem, & frigus; generatio vero, atque corruptio versantur circa substantiam rei, nam substantia est, quæ corrumpitur, & generatur; Quando ergo (inquit Aristoteles) in transmutatione manet idem subiectum passionum, vel accidentium, circa quæ versatur, alteratio est, ut quando manet idem homo, cuius passionēs sunt musica, & in musica. Quando autem nihil permanet, cuius altera passio est, & accidens, omnino generatio, huius autem corruptio: est autem & materia maximè quidem, & propriè subiectum generationis, & corruptionis susceptibile, &c. Ex qua differentia sic arguo. In alteratione, inquit Aristoteles, permanet sub utroque termino subiectum passionum, vel accidentium; in generatione vero, & corruptione nihil permanet, cuius sint passionēs, vel accidentia: ergo nec permanent passionēs ipsæ, quæ sunt qualitates, nec vllum accidens, sed materia nuda, quæ est ens in potentia, & subiectum generationis, sicut est subiectum formæ. Probatur consequentia, quia si non permanet subiectum, non possunt permanere accidentia ei inhzrentia. Deinde si permanent passionēs, & accidentia: ergo subiectum generationis non est nuda materia, sed affecta accidentibus; nec ens in potentia, sed ens actus, quia materia cum accidentibus est ens actus, & cum illis permanet sub utroque termino: ergo ens actus est subiectum generationis, immo ens per accidens, quia materia cum quantitate, & qualitatibus ens per accidens est.

Secundo, quia primum, quod intelligimus in materia est 94

esse potentiam substantialem; & primum, quod respicit potentia substantialis, est actus substantialis; & primum, cui nata est uniri, est idem actus substantialis: ergo primum, cui unitur. Probatur consequentia, quia eo ordine ununtur actus potentiis, quo ab eis respiciuntur, cum respiciantur propter unionem; sed forma substantialis est actus substantialis, & forma accidentalis est actus accidentalis: ergo primo unitur materia substantialis formæ, quam accidentalis; ex quo sequitur in corruptione non manere vllum accidens in materia, quia si maneret aliquod, prius esset materia ei unita, quam formæ substantiali aduenienti; quod constat esse falsum. Sed respondent materiam ordine intentionis prius respicere formam substantialem, ad quam ordinatur tanquam ad finem potentia eius, sed ordine executionis prius accidentalem tanquam dispositionem ad substantialem recipiendam; & ideo prius ordine executionis unitur accidentali, quia substantialis non introducit nisi in materiam dispositam; quod etiam est manifestum in generatione; quæ licet sit actus accidentalis, prius tamen recipitur in materia, quam formæ substantialis, cum sit via ad illam: ergo eadem ratione prius recipitur materia dispositiones, quæ sunt quasi viæ ad formam. Contra hoc tamen est, quod materia, non solum ordine intentionis, sed executionis unitur materiæ immediate per se: ergo non medio aliquo accidenti: sed si prius ordine executionis uniretur formæ accidentali propter substantialem ad quam disponit, illa media uniretur substantiali, & non immediate per se: ergo nulla forma accidentalis potest prius uniri materiæ ordine executionis, vel in ea permanere in corruptione. Nec est necessarium ut disponatur ad receptionem formæ substantialis, quod in ea recipiantur dispositiones tanquam in proprio subiecto, vel in ea permaneant; dum corrumpitur compositum: sed per receptionem accidentium in eodem composito tanquam in proprio subiecto disponitur ad receptionem nouæ formæ, ut suo loco explicabitur. Generatio verò non est forma accidentalis proprie loquendo, quia non est quid completum, sed est via ad formam substantialem, & fieri eius: ideo prius in materia recipitur, quam forma. Ex quo non sequitur, quod alia accidentia, quæ propriæ formæ sunt habentes esse completum accidentale recipiantur, vel permaneant in materia, dum corrumpitur compositum, quia nec sunt viæ ad formam substantialem, nec fieri eius.

- 95 Probatur tandem communis sententia, quia subiectum proprium, & immediatum, cui inhaerent accidentia, est compositum, ut inferius probabitur, sed destructo subiecto destruuntur acciden

accidentia eius: ergo in corruptione, per quam destruitur compositum, nullum accidens permanere potest, sed sola & nuda materia, quare usque ad illam fiet resolutio in corruptione.

Ad primum testimonium Aristotelis respondet D. Thomas in commentariis illius, cuius verba citauimus, sensum eius esse, non de identitate numerica, sed specifica, ita ut dum generatur aqua ex aëre, alia similis diaphaneitas permaneat in aqua, non eadem numero, quæ erat in aëre. Ad secundum testimonium responderetur verum esse quod asserit Aristoteles, facilius generari vnum elementum ex alio sibi simili in qualitate aliqua, quod vocatur symbolum, quam ex omnino dissimili, ut facilius aqua ex aëre, quam ex igne. Et potissimum esse rationem, qua id probat, quia in generatione ex symbolo pauciora corrumpuntur, sed intelligendum hoc esse de corruptione per se, hoc est à suo contrario, non de corruptione per accidens ad corruptionem subiecti: quo pacto, tot corrumpuntur qualitates in vna generatione, ac in alia. Itaque dum generatur aqua ex aëre, solum vna qualitas corrumpitur per se à suo contrario, nempe calor aëris à frigore aquæ, nam in humiditate non contrariantur, sed conueniunt: quare hæc non potest per se corrumpi, quia non est contrarium à quo corrumpatur, nihilominus corrumpitur per accidens ad corruptionem compositi, in quo inhærebat, tanquam in proprio subiecto: sed in generatione vnius elementi ex alio dissymbo- lo, ut ignis ex aqua, vtraque qualitas aquæ per se corrumpitur, quia vtraque habet contrariam in igne, & quia facilitas, vel difficultas generationis attenditur ex qualitatibus per se corrumpendis, quia ratione ipsarum pugnant elementa inter se, & non ex corrumpendis per accidens, quarum ratione non pugnant, sed potius conueniunt, ideo suam habet efficaciter rationem Aristotelis, licet tot qualitates corrumpantur per se, vel per accidens in generatione elementi symboli. Et ex ea non colligitur eandem numero qualitatem, in qua sunt similia elementa, permanere.

Ad experientiam de cicatrice duo dicimus. Primum; quod non permaneat eadem numero in caduere, quæ erat in corpore viuo, sed alia similis consequatur. Et dum dicitur sensum iudicare, quod sit eadem numero, respondendum est, falli sensum, si id iudicat, vel intellectum si sensum sequatur, & corrigi debere à se ipso iudicante potius secundum naturas rerum; & cum ex natura accidentis sit in composito inhære- re; tanquam in proximo, & adæquato subiecto, quod non est idem numero, sed aliud, intellectus iudicat, non esse eandem numero

cicatricem, sed aliam; valdè tamen similem præcedenti. Et dum rursus additur, sensum circa proprium sensibile debitè approximatum, & cum aliis circumstantiis propositum non falli, concedendum est; negandum tamen, quod identitas numerica, vel diuersitas accidentis sit proprium sensibile, quia vel non pertinet ad objecta sensuum externorum, vt probabiliter asserunt Conimbricenses cap. 4. huius libri quæst. 17, art. 4. sed ad intellectum, & fortassis ad sensus internos, qui non iudicabunt esse eandem numero cicatricem, (si rectè iudicent) vel quod verius puto esse idem numero accidens, vel diuersum ad sensus externos pertinere, non tamen vt proprium sensibile alicuius; sed vt sensibile commune: & ratio huius est, quia idem est, quod accidens sit idem numero, vel numero diuersum, & quod sit vnum, vel duo, esse autem vnum, vel duo ad numerum pertinet, quem Aristoteles 1. lib. de anima textu 64. inter communia sensibilia numerauit. Circa sensibilia vero communia etiam debitè approximata constat posse falli sensus externos, vt circa motum, atque etiam circa numerum: nam facile iudicat sensus, quod corpus debitè approximatum moueatur, dum verè non mouetur, vel quòd non moueatur, dum mouetur. Et si alicui ostenderis duo oua valde similia vnum post alterum, facile iudicabit esse idem. Fallitur ergo circa communia sensibilia, & tunc ab intellectu debet corrigi; & ita sentiendum est, quod si sensus iudicet cicatricem hominis, & cadaueris eius esse vnam, & eandem, corrigi debet per intellectum iudicantem ex diuersitate numerica subiectorum diuersam numero esse cicatricem.

- 97 Secundo dicimus cicatricem numero distinctam produci in cadauere à causa proxima mortis, non quidem tanquam effectus per se, sed per accidens; producitur autem propter necessitatem materiæ sic organizatæ: hæc autem necessitas est, quia dum res naturalis corrumpitur, non transfert eam natura de extremo ad extremum sine medio, sed per media quædam similia: & ideo dum animal corrumpitur, non statim fit elementum, quia elementum est corpus homogeneous, animal vero, eterogeneum. Sed succedit animæ expulsiæ à corpore alia forma similis, quæ dicitur cadaueris, hæc verò ex se petit similem organizationem ei, quam habet corpus animalis, quia ex se nata est succedere animæ in corpore; quod euidenter probat communis experientia: nam quod semper ita fit in naturalibus, censemus per se fieri; sed semper sequitur forma cadaueris expulsionem animæ: ergo per se sequitur eam, & quia ex tali consecutione petit similem organizationem, similemque figuram corporis, per se eam pe

tam petit : cicatrix vero efficit deformitatem quandam in eadem materia ita organizata, & in figura corporis, ad quam pertinet, & propterea dum contingit esse in corpore viuo, sequitur similis alia in cadauere, ne similitudo interea à natura in forma succedente, atque etià in figura corporis, deficiat ex hac parte.

Calor verò permanens in eodem cadauere producit ab eo, quem habent sanguis, & alij humores; qui cum non informantur ab anima, sed proprias habeant formas, non statim corrumpuntur, ac animal moritur; & cum colorem habeant proprium, possunt eum imprimere in cadauere : vnde non sequitur quod in corruptione ligni, vel alterius rei permaneat aliquid de dispositione eius in re genita.

Ad primum argumentum neganda est prima consequentia, quod nunquam possit expelli vna forma, nec introduci alia. Negandum est etiam, quod dispositiones antecedentes non sint sufficientes ad expellendam formam, nam, vt in sequentibus dicetur, dispositiones tempore præcedentes non expellunt formam contrariam efficienter, sed materialiter tantum, in quantum disponunt materiam ad introductionem nouæ formæ, à qua expellitur formaliter; & cum sufficienter disponant materiam, ita vt in instanti terminatio alterationis necessariò sequatur introductio formæ, sufficienter dicuntur expellere formam in eodem genere materialis causæ, sufficienter determinantes materiam ad receptionem talis formæ, vt inferius explicabitur; & cum hoc præstent tempore immediatè præcedente, nihil refert, quod in instanti generationis non permaneant, quia in eodem introducitur noua forma, à qua sufficienter expeditur in genere causæ formalis, & ab agente in genere causæ efficientis.

Ad secundum, concedendum est antecedens, quod corrupta re naturali, corrumpantur omnes dispositiones antecedentes, atque etiam quod sola, & nuda maneat materia in instanti generationis. Sed neganda est consequentia, quod non maneat determinata ad hanc, vel illam formam, sed indifferens ad omnes; manet namq; determinata, & ratio huius determinationis sunt alterationes præcedentes cum dispositionibus per eas inductas, quæ cum ab agente ordinantur ad expulsionem formæ ligni, & introductionem formæ ignis, petunt naturaliter expulsionem eiusdè formæ in instanti terminatio alterationis, & à tali forma eis consentanea, vel cui ipse consentaneus sunt, & ad quam introducendam ordinatur ab agente, ita vt nisi per miraculum nõ possit nõ sequi expulsio eiusdè formæ, nec etià possit ab alia, quã à forma ignis expelli, quia ordine naturæ talis debet sequi

generatio, & talis corruptio, qualem intendit agens naturale per tales alterationes, & dispositiones naturaliter ordinatas ad expulsionem determinatæ formæ, & introductionem quoque talis formæ eis consentaneæ. Et hanc consecutionem naturalem talis formæ in materia sic disposita vocauerunt plures discipuli D. Thomæ sigillationem eiusdem materiæ, videntes metaphora sigilli impressi, quod vt verum sit, non sic debet intelligi vt sigillatio sit aliquid reale intrinsecum in materia relictum ex præcedentibus alterationibus, & dispositionibus, sed sola denominatio extrinseca ab eisdem, quibus tempore proximè præcedenti affecta fuit materia, eas namque necessitate naturæ sequitur in instanti terminatio earumdem alterationum expulsio formæ ligni, & introductio formæ ignis, & non alterius, de quo inferius copiosius dicetur.

QVÆSTIO V.

An generatio, & corruptio sint omnino simul, vel aliquis sit inter eas ordo prioris, & posterioris?

- 99 **P**rioritas, atque simultas, vt quæstio intelligatur, duplex est, vt docet Aristoteles in postprædicamentis capite de modis prioris, & capite de modis simul. Vna est temporis, altera naturæ. Illa dicuntur simul tempore, quæ in eodem tempore existunt, vt res quælibet simul tempore est cum suis proprietatibus. Illud vero dicitur prius tempore alio, quod aliquo tempore existit, in quo non existit aliud, vt ea, quæ existunt hodie, prius tempore dicuntur esse his, quæ incipiunt esse die crastino. Illa etiam dicuntur simul natura, quæ sunt simul tempore, & vnum non est causa alterius, vt relatiua. Prius autem natura altero dicitur illud in præsentī consideratione, quod licet simul tempore cum aliō existat, aliquo modo est causa eius, vt Sol prius natura dicitur lumine à se egrediente. Quibus expositis certum est quæstionem non intelligi de simultate, vel prioritate temporis, quia certum est generationem, & corruptionem esse in eodem instanti, cum nec forma præcedens expulsa sit ante instans generationis, nec forma subsequens introducta: si enim esset expulsa ante instans generationis: cum expellatur in instanti, daretur materia sine forma, quia ante instans generationis non est noua forma introducta: ergo si ante illud sit præcedens expulsa, sequitur tempore aliquo

aliquo dari materiam sine vlla forma. Veritas ergo est in eodem instanti introductam esse nouam formam, & expulsam esse antiquam; & cum introductio nouæ sit generatio, & expulsio antiquæ corruptio, in eodem instanti erunt corruptio, & generatio. Questio igitur procedit de simultate, aut prioritate naturæ: & sensus eius est, an corruptio sit aliquo modo, vel in aliquo genere causæ prior natura generatione, vel generatio prior corruptione, aut sint simul natura.

Et prima opinio, quam sequuntur plures moderni, tenet, generationem in genere causæ formalis esse priorem corruptione, hanc vero in nullo genere causæ esse priorem generatione, sed posteriore omnibus modis. Probant primò, quia vna forma substantialis non expellitur ab altera, nisi ratione impossibilitatis, quam habent in eadem materia, nam simul in ea esse naturaliter saltem repugnat; & ideo eo ipso, quod vna introducit, alia expellitur. Ex quo sequitur ex vi introductionis nouæ expelli antiquam: quare non potest villo modo intelligi, quod hæc sit prius expulsa, quàm illa introducta: sed expulsio vnius est corruptio, vnius compositi; & introductio alterius est generatio: ergo repugnat corruptionem villo modo intelligi priorem. Secundò, effectus secundarius alicuius formæ non potest intelligi ante primarium & multo minus potest intelligi effectum esse priorem sua causa villo genere prioritatis. Sed expulsio formæ præcedentis est effectus secundarius formæ sequentis; & etiam est effectus introductionis eius, & introductio est generatio; expulsio verò est corruptio: ergo impossibile est hanc esse villo modo priorem illa. Antecedens pro vtraque parte est certum, quare non indiget probatione, sed explicatione, explicatur autem sic. Primarius effectus formæ ignis, dum introducit in materia ligni, est esse ignis, quod tribuit materiæ per informationem. Secundarius vero effectus est expulsio formæ ligni, quare non potest esse prior informatione: deinde introductio formæ ignis in eadem materia est generatio ignis, & hæc eadem est causa expulsionis formæ ligni, quæ est corruptio eiusdem ligni. Nam agens producendo vnam formam in materia efficienter expellit ab ea aliam impossibilem: ergo corruptio est effectus generationis, & ideo omnibus modis ea posterior.

Secunda opinio distinguit diuersa genera causarum, efficientis, & materialis, asseritque introductionem nouæ formæ, quæ est generatio, priorem esse expulsionem antiquæ, quæ est corruptio, ex parte efficientis, sed ex parte materiæ priorem esse purgationem materiæ à forma præcedente, quàm receptionem

nouæ, & cum purgatio materiæ à forma antiqua sit quasi corruptio passiuæ, & receptio nouæ formæ quasi passiuæ generatio, priorem esse ex parte materiæ corruptionem. Ita tenet expresse D. Thomas 1.2. quæst. 113. art. 8. ad 1. his verbis: *Ex parte Solis prius est illuminare, quàm tenebras remouere; ex parte autem aëris illuminandi prius est purgari à tenebris, quàm consequi lumen ordine natura, licet utrumque sit simul tempore.* Et hæc est ferè communis in schola, & vera: sed quia veritas rerum aliquando obscura est, prius explicanda est, deinde probanda. Pro explicatione autem notandum est, generationem, & corruptionem posse considerari ex parte agentis, & ex parte passi. Et primo modo consideratæ sumuntur per modum actionis: secundo vero modo per modum passionis; & cum passum circa quod operatur agens ad introductionem nouæ formæ, & expulsionem antiquæ, sit materia, considerari possunt ex parte agentis, & ex parte materiæ, non tamen sunt comparandæ, ut considerantur ex parte agentis ad se ipsas, ut considerantur ex parte materiæ, neque hoc modo potest esse in eis ordo prioris, & posterioris, quia agens, & materia continent diuersa genera causarum, & ideo non habent ordinem prioris, & posterioris, nisi in quantum causæ possunt esse sibi inuicem causæ, ut 2. lib. Phys. ostendimus: solum ergo comparari possunt, ut se tenent ex parte agentis inter sese, & etiam ut se tenent ex parte passi inter sese; quo pacto possunt habere ordinem prioris, & posterioris. Sed ut considerantur ex parte agentis, generatio vocatur introductio nouæ formæ, quia agens intendit formam introducere ad generationem compositi: corruptio verò vocatur expulsio formæ præcedentis, quia agens per introductionem actiuā nouæ formæ, actiuè etiam dicitur expellere præcedentem. Sed ut se tenent ex parte materiæ, generatio dicitur receptio nouæ formæ, corruptio vero purgatio, vel emundatio à forma præcedente siue passiuæ expulsio eiusdem formæ præcedentis: integra vero ratio generationis utramque includit, nempe introductionem formæ in materia, & receptionem eiusdem formæ in eadem materia, ut ex se est manifestum. Et integra ratio corruptionis includit actiuam expulsionem formæ præcedentis à materia, & purgationem eiusdem materiæ ab apposita forma, siue passiuam expulsionem eius.

102 Itaque nostra sententia sic explicata duo asserit. Primum est, generatio, ut se tenet ex parte efficientis, prior natura est corruptione. Secundum, ut se tenet ex parte materiæ, posterior; & ideo in genere causæ efficientis, & absolutè prior, sed

sed in genere causæ materialis posterior, quod est esse secundum quid posterius. Probatur primum hac ratione. Generatio, ut se tenet ex parte efficientis, dicit introductionem nouæ formæ in materia, & corruptio expulsionem formæ antiquæ ab eadem materia: sed introductio nouæ formæ est prior natura expulsionem antiquæ: ergo generatio est prior natura corruptione. Probatur minor, quia agens per introductionem nouæ formæ operatur ad expulsionem antiquæ: ergo prius natura introducitur illam, quàm expellat hanc. Et hanc partem probant etiam argumenta prioris sententiæ. Probatur etiam secundum, in quo differt nostra sententia ab alia; primo, quia generatio ex parte materiæ dicit receptionem nouæ formæ; & corruptio dicit purgationem materiæ à forma antiqua: sed prius est ex parte materiæ purgari à forma opposita, quàm nouam recipere: ergo prior natura est corruptio generatione. Probatur minor duobus exemplis adductis à D. Thoma, primum est de illuminatione aëris, quæ ut se tenet ex parte Solis, dicit productionem luminis in aëre, corruptio vero tenebrarum dicit remotionem earum; & quia Sol remouet ab aëre tenebras per illuminationem, quæ est productio luminis; ideo prior est natura hæc, & posterior illa in ordine causæ efficientis, sed ex parte aëris illuminandi prior natura est purgatio eius à tenebris, quæ est corruptio passiva, quàm consecutio luminis, siue informatio eiusdem aëris, ab eo, quam dicit generatio luminis. Exemplum secundum est de aëre aperiente fenestram, & per eam ingrediente, nam ex parte ipsiusmet aëris, quod est agens, prius est ingressio actiua quàm apertio fenestræ, cum fenestra aperiatur effectiue ab ingressu aëris, sed ex parte eiusdem fenestræ prius est eam aperiri, quàm aërem ingredi, quia fenestra, non nisi aperta locum ingrediendi præbet aëri. Et exemplum hoc clarius ostendit vim argumenti, & veritatem nostræ sententiæ, cum per sensum sit notius.

Secundo probatur, quia materia recipit formam per potentiam, & aptitudinem, quam habet recipiendi illam: ergo ex parte materiæ prius est esse aptam ad recipiendam formam, quàm receptio eiusdem formæ: sed non intelligitur naturaliter sufficiens aptitudo, nisi sit expedita: ergo prius in hoc ordine intelligitur expedita, quàm recipiens formam: sed sit expedita per purgationem à forma opposita naturaliter impediens receptionem nouæ: ergo ex parte materiæ prior natura est purgatio ab illa, quàm receptio huius & ex consequenti prior natura corruptio in ordine causæ materialis generatione.

Tertio,

Tertio, quia materia in hoc ordine prius intelligitur omnino apta ad recipiendam formam, quam actu eam recipiens: sed non intelligitur omnino apta naturaliter, nisi intelligatur purgata ab impedimentis, vel expedita ab eis, quam purgationem, & expeditionem dicit corruptio, ut se tenet ex parte eiusdem materiae: ergo hoc modo sumpta prior natura est receptione formae, quam dicit generatio sumpta eodem modo.

Si autem dicatur pro alia opinione: purgatio materiae, aut expeditio eius ab impedimento formae oppositae fit per informationem, vel receptionem formae: ergo illa est effectus huius: quare repugnat priorem esse, sed omnibus modis erit posterior. Probatur consequentia, quia effectus non potest esse prior sua causa vlllo genere prioritatis. Neganda est consequentia, quia de vno genere causae transit ad aliud. Et ideo non est bona concedimus enim totum, quod in materia fit, dum res vna generatur, & alia corrumpitur esse effectum. causae efficientis, & inter plures effectus, positivos esse priores natura negatiuis, quia illi fiunt per se, & isti quasi per accidens, atque etiam isti illis medijs. Ut introductio formae, informatio eius, & expulsio formae oppositae: sed cum fiant ab agente circa passum, vtrumque respiciunt, & in ordine ad vtrumque considerari debent, & ut considerantur in ordine ad vnum, & alterum suis proprijs nominibus significantur, quia diuersas rationes formales, & diuersum genus causae dicunt. Gratia exempli: generatio, ut est ab efficiente, significatur nomine introductionis formae, & vnionis cum materia, corruptio vero nomine expulsionis, aut dissolutionis eiusdem vnionis cum eadem materia: & introductio, atque vnio cum sint effectus positivi, priores sunt expulsiōe, & dissolutione. Sed eadem introductio formae, & eadem vnio eius cum materia, ut respiciunt passum, nempe materiam, alijs nominibus significantur, quia diuersam rationem formalem dicunt: cum aliud genus causae significant: & introductio formae vocatur consecutio eius à materia, vel receptio, (si proprium effectum materiali causae velimus significare) ut autem considerantur in ordine causae efficientis, & materialis, non possunt comparari: & si comparentur non erit bona argumentatio à prioritate alicuius in vno genere considerata ad prioritatem, vel posterioritatem alterius consideratæ in genere alio. Cuius ratio est manifesta, quia diuersa genera causarum, ut talia sunt, non possunt simpliciter comparari, nisi quatenus ad inuicem possunt mutuam causalitatem inter se exercere, ut vidimus 2. lib. Physic. quæ tamen comparatio non pertinet
104 ad præsentem considerationem. Ex his ergo patet non esse bonam

bonam illam consequentiam, purgatio materiæ à forma opposita sit ab agente per introductionem nouæ, aut per informationem eius: ergo est effectus huius, quare non potest esse prior: procedit enim à genere causæ materialis, quod dicit purgatio materiæ, ad genus causæ efficientis, quod dicit introductio formæ: licet enim re ipsa ab efficiente procedat vtrumque. Sed sub his nominibus non comparatur vtrumque ad causam efficientem, sed sola introductio: purgatio vero solum ad materialem: quare non est comparabilis cum introductione formæ, neque cum expulsionem oppositæ in ordine causæ efficientis contentis, sed solum cum consecutione, vel receptione formæ contentis in eodem ordine materialis, causæ, in quo probatum est purgationem vel expeditionem materiæ esse priorem naturæ & ex consequenti corruptionem, ut se tenet ex parte materiæ, priorem esse generationem, hoc est, receptionem formæ: quamuis in ordine efficientis sit natura posterior actiua expulsio, quam actiua introductio.

Primum argumentum alterius opinionis concedendum est, nam solum colligit, quod expulsio formæ præcedentis sit posterior introductione formæ sequentis, & hoc verum est, quia introductio, & expulsio se tenent ex parte agentis, & expulsio sit agente per introductionem alterius formæ. Ex quo solum sequitur, quod corruptio, ut se tenens ex parte agentis, dicensque expulsionem, sit posterior generatione, ut dicit introductionem formæ: sed eadem generatio, & corruptio, ut se tenent ex parte materiæ, opposito modo ordinantur, quia generatio eius: corruptio vero purgationem eiusdem materiæ ab opposita forma impediens; purgatio vero à forma opposita, quia est emundatio materiæ pertinet ad potentiam, & aptitudinem eius, per quam recipit formam; & quædam dispositio eius, prior est in hoc ordine materialis causæ, quam consecutio, vel receptio eiusdem formæ, quia non intelligitur recipere formam, nisi materia purgata, mundata, expedita, atque disposita. Et eodem prorsus modo soluitur argumentum, quod probat prioritatem generationis respectu corruptionis in eodem ordine efficientis causæ: cum tamen in ordine causæ materialis sit posterior, ut probatum est. Nec argui potest à prioritate eiusdem in ordine efficientis causæ ad prioritatem in ordine causæ materialis; quia licet generatio, & corruptio secundum rem sint effectus causæ efficientis, & generatio prior corruptione in eodem genere: sed non solum respiciunt causam efficientem, licet ab ea sola fiant, sed etiam causam materialem, circa quam

quam fuit. Et quæ in suo genere ad esse earum concurrunt, ut autem respiciunt materiam, diuersam rationem formalem habet, & diuerso, immo opposito modo ordinantur, ita ut corruptio sit natura prior, ut probatum est.

BREVE DVBIUM.

*An generatio, & corruptio distinguantur
realiter à materia?*

105 **E**X his, quæ diximus 3. lib. Phys. de distinctione reali motus à mobili, intelligitur solutio huius dubij, nam motus, ut ibi sumitur ab Aristotele, communis est ad mutationes instantaneas, etiam substantiales, quales sunt generatio, & corruptio: & motus successiuos, ut ex communi sententia probauimus: sed probatum ibidem est vniuersaliter, quod motus distinguatur realiter à mobili; quia realiter potest ab eo separari ut euidenti experientia constat, quæ videmus transeunte motu quocumque permanere subiectum, quod per eum mouebatur, aut mutabatur, ergo probatum quoque erit, generationem, & corruptionem (quæ sunt mutationes quædam, & motus) distingui realiter à materia, à qua realiter separantur. Sed diuerso modo distinctionis realis, nam generatio cum sit mutatio positua, distinguitur distinctione reali positua; corruptio verò cum sit mutatio negatiua, solum distinguitur distinctione reali negatiua, sicut distingui potest negatio realis à natura reali positua, vel res iam non existens à re actu existente.

~~XX~~

TRACTATUS TERTIVS de alteratione.

QVÆSTIO I.

*An sit, & quid sit alteratio, & quomodo distinguatur
à generatione substantiali?*

106 **P**ostquam Aristoteles explicuit rationem generationis, & corruptionis substantialis, iam incipit agere de varijs generationibus accidentalibus, & primo de alteratione, de qua euidenti

evidenti experientia constat, quod sit in rerum natura; cum non solum videamus, sed sensu tactus experiamur ex calefactionibus, & frigectionibus alterari corpora. Sed ut ceteram suo ordine explicemus, à nomine ipso alterationis incipiendum est, quod multas habet significationes, & iuxta illas alteratio ipsa diuersas acceptiones. Primo accipitur vniuersalissimè pro quacumque mutatione, per quam res alteratur, hoc est fit altera, nam ut Porphyrius docet in prædicabilibus, cap. de differentia: sicut forma, seu differentia essentialis facit aliud, hoc est aliam substantiam; ita forma, seu differentia accidentalis facit alterum, vel alteratum; unde alteratio hoc modo sumpta significat quilibet mutationem accidentalem, quia per eam dicitur subiectum alterari, hoc est, fieri alterum, & comprehendit etiam augmentationem. Secundo modo accipitur minus vniuersaliter, pro mutatione secundum qualitatem, quia qualitas magis propriè dicitur facere alterum, vel alteratum, quam reliqua accidentia. Sed neque acceptio ista propria est huius vocabuli, quia comprehendit quascumque alterationes improprias, per quas subiectum fit alterum: tales enim sunt non solum intentionales, ut sensationes, sed etiam spirituales, ut intellectiones, & volitiones, quæ improprie dicuntur alterationes, quia alteratio propriè sumpta disponit subiectum ad corruptionem, istæ verò illud potius perficiunt. Ideo accipitur tertio pro omni, & sola mutatione Physica, per quam producit qualitas sensibilis habens contrarium; per hanc enim solam fit subiectum propriè alterum, vel alteratum, & quia in solis qualitatibus tertiæ speciei, quæ vocantur passibiles, reperitur propria contrarietas: ideo Aristoteles 7. lib. Phys. docuit propriam alterationem (quæ motus Physicus est) illam esse, quæ tendit ad qualitates tertiæ speciei. Et cum motus Physicus propriè acceptus ex propria natura sit successiuus, ut docuit etiam Aristoteles 5. lib. Phys. ideo alteratio propriè sumpta successionem postulat. Et eandem, quia qualitates habentes propriè contrarium, quædam sunt primæ, inter quas primò reperitur contrarietas, ut calor, frigiditas, humiditas, & siccitas: aliæ verò secundæ, quæ fiunt ex earum permixtione, ut albedo, nigredo, ceterique calores, qui per participationem primarum dicuntur habere contrarium. Propterea ultimo, ac propriissimè potest sumi alteratio pro mutatione circa primas qualitates per quæ propriissimè fit alterum, vel alteratum subiectum. Et hoc modo sumpta deseruit primò, & per se generationi substantiali; & ad eam tamquam ad finem ordinatur.

Quid sit alteratio.

Sed 3. acceptio satis propria est, & omnem, ac solam alterationem Physicam comprehendit: ideo secundum eam definienda erit hoc loco alteratio, ut intelligamus quid sit, eamque à generatione distinguamus. Talis vero definitio eius assignari potest. *Alteratio est motus Physicus, qui inter contrarias qualitates versatur.* In qua motus Physicus ponitur pro genere, quia in eo conuenit alteratio cum augmentatione, & alijs mutationibus Physicis, à quibus per ceteras particulas distinguitur, & primo à mutationibus instantaneis, aut etiam successiuis, quæ non versantur inter contrarios terminos, sed contradictoriè, vel priuatiuè tantum oppositos: alteratio verò eo ipso, quod versatur inter qualitates contrarias, versatur inter terminos posituios; quia vera contrarietas inter extrema positiua solum reperitur. Distinguitur etiam à ceteris motibus successiuis, qui versantur suo modo inter contrarios, & posituios terminos ex eo, quod ad qualitatem rēdit tamquam ad terminum ad quem: alij vero motus ad quantitatem, vel ubi; nam vnitas, atque distinctio specifica motus à solo termino ad quem sumitur, ab utroque verò, nempe à quo, & ad quem, sumitur distinctio quasi generica, quia motus illi, qui inter terminum à quo, & ad quem posituios versantur, genere distinguuntur ab alijs, qui versantur inter priuatiuè, aut contradictoriè oppositos, qui nomine mutationum significari solent.

Quomodo distinguatur alteratio à generatione.

107 **P**raeter vniuersalem modum distinguendi alterationem à mutationibus instantaneis, quæ versantur inter terminos contradictoriè, vel priuatiuè oppositos, inter quos numerantur generatio, & corruptio substantialis, specialiter nunc distinguenda est ab eisdem. Et licet in multis differat, tria sunt præcipua, quæ ex principijs Aristotelis manifestè colliguntur. Prima differentia essentialis est ex parte terminorum ad quos tendunt; nam generatio terminatur per se ad substantiam, alteratio ad qualitatem; ex qua sequitur alia ei proxima; nam cum substantia per se careat latitudine graduale, & in indiuisibili consistat, per se petit simul, aut in instanti fieri; & non nisi per accidens successiue fieri potest; qualitas vero habens per se contrarium petit ex opposito fieri successiue; & ita alteratio secundum propriam naturam facta successiuus motus est; & licet possit fieri in instanti per potentiam Dei absolutam, ut 5. lib. Phys. ostendi

ostendimus, quia in momento potest Deus totam resistantiam contrarij vincere; hoc non tollit primum, quia considerata natura contrariarum qualitarum, & virtute naturali earum, per quam resistantia vnus vincenda est ad introductionem alterius in eodem subiecto, non potest in momento, sed paulatim vinci, & ex consequenti, nec potest alteratio simul, aut in instanti fieri, sed successionem postulat. Tertia differentia sequitur etiam ex prima, & sumitur in ordine ad subiectum, nam si alteratio per se tendit ad qualitatem; generatio verò mutatio est circa substantiam. Sequitur subiectum huius materiam solam esse debere, quia forma de nouo fit, atque etiam substantiale compositum, & sola materia potest mutari ab vna forma substantiali in alteram. Alteratio verò mutationem dicit circa solam qualitatem, non circa substantiam rei, quam præsupponit permanentem sub utroque termino à quo, & ad quem; & ideo subiectum alterationis non est materia nuda, sed compositum substantiale, vel saltem materia informata substantiali forma iuxta diuersas opiniones, de quibus inferius disputabitur. Omitto minores alias differentias ab alijs explicatas, quia tres istæ sunt præcipuæ.

BREVE DVBIUM.

An si impossibilis esset generatio; impossibilis quoque alteratio censeretur?

DVbium hoc pertinet ad connexionem alterationis cum generatione substantiali, an adeo naturalis sit, vt si generatio esset naturaliter impossibilis, censeretur etiam impossibilis alteratio, vel adhuc possibilis foret. Desumpsit verò occasionem ex Aristot. cap. 1. huius lib. text. 1. vbi ita naturaliter esse conuexam alterationem cum generatione docet, vt impossibilis hæc censeretur, si illa non posset dari in rerum natura, his verbis. *Quapropter, si non sit possibile ex igne fieri aquam, neque ex aqua terram, neque ex albo nigrum, neque ex molli durum, eadem autem ratio, & de alijs, hoc autem erat alteratio.* Sed ex alia parte videtur non habere necessariam connexionem cum alteratione, quia alteratio non versatur circa substantiam, sed eam præsupponit; & alteram, aut alteratam facit secundum qualitatem: ergo licet nunquam generaretur de nouo substantia, posset alterari, sicut videmus suo modo alterari corpora cælestia per illuminationem, licet non sint generabilia.

Dicendum tamen est, alterationem propriam, de qua loquimur, & quam definiuimus, naturalem connexionem habere cum generatione substantiali, & ideo si hæc esset impossibilis naturaliter, etiam esset impossibilis naturaliter alteratio. Probatur hac ratione: alteratio propria est motus Physicus, qui versatur inter qualitates propriè contrarias: ergo sua natura disponit subiectum ad corruptionem, ad differentiam alterationis improprie, quæ potius perficit subiectum, ut sensario, intellectio, illuminatio; sed non corrumpitur vna substantia, nisi ut generetur altera, quia natura non intendit per se primo corruptionem, sed solum propter generationem: ergo de primo ad vltimum alteratio ordinatur naturaliter ad generationem: quare si hæc non esset possibilis, nec alteratio naturaliter censeretur possibilis, nam deficiente fine, naturaliter quoque deficit medium ex se ad illum ordinatum.

109 Testimonium autem Aristotelis, licet sit pro nostra sententia adductum, longè diuersum habet sensum, ut ex contextu facile potest intelligi. Loquitur enim aduersus Empedoclem duo asserentem: primum, nunquam posse transmutari vnum elementum in aliud, nec ideo vnum ex alio generari. Secundum, qualitates elementorum tam primas, quam secundas, ut calor, frigiditas, humiditas, & siccitas, durities, mollitudo; & similes esse proprias passiones eorundem elementorum. Quo supposito euidenter sequitur non posse secundum easdem qualitates transmutari, quia impossibile est transmutationem fieri secundum proprias passiones, si non potest fieri secundum substantiam, quam naturaliter sequuntur: & cum transmutatio secundum illas qualitates verè sit alteratio, infert Aristoteles, quod sicut non est possibilis generatio substantialis apud Empedoclem; ita non est possibilis mutatio secundum qualitates apud ipsum, quæ cum re vera sit alteratio, hæc etiam erat apud ipsum impossibilis. Quid sit autem sentiendum de connexionem naturali veræ generationis, & veræ alterationis secundum se, in eo loco non docet, ex aliis verò eius principiis deduci potest; quod asserimus, nempe connexionem naturalem habere hanc cum illa, & ita, si impossibilis esset naturaliter generatio, impossibilis quoque censenda esset naturaliter alteratio.

Probatur secundò, quia si impossibilis esset naturaliter generatio, impossibilis etiam esset naturaliter corruptio; quæ non intenditur per se primo à natura; sed secundario, in quantum consequitur necessario generationem: ergo sublata generatione naturaliter aufertur corruptio. Quare sequitur hanc esse naturaliter impossibilem, si impossibilis esset naturaliter generatio.

Secd

Sed quid dicendū secundum potentiam Dei absolutam? Respondeo etiam hoc modo esse verum, quod si impossibilis esset generatio secundū hanc potentiā, impossibilis quoque esset alteratio propria, de qua loquimur. Probatur hoc argum. quia si implicaret contradictionē dari generationē in rerū natura, etiā implicaret dari corruptionē. Probatur euidenter ex corporibus celestibus, quibus, supposito quod repugnat omnino generari, eodē modo repugnat corrūpi: & vniuersaliter loquendo, si repugnat materia mutari à priuatione formę ad eandem formam, (quod intrinsecū est generationi substantiali) etiam repugnat mutari à forma substantiali ad priuationem eius, (quod est intrinsecū corruptioni substantiali.) Probatur paritas rationis, quia eo ipso, quod posset mutari materia à forma ad priuationem eius, possibilis foret priuatio formę in materia; sed priuatio dicit negationem cum aptitudine; ergo possibilis esset aptitudo in materia ad recipiendam aliam formam. Et ex aptitudine infertur euidenter, posse eam recipere, & consequenter mutari ad illam ex priuatione, quam mutationem patet esse generationem; ergo possibilitas corruptionis infert necessariō possibilitatem generationis; quare si impossibilis foret generatio, etiam foret impossibilis corruptio. Ex quo etiam infertur necessariō impossibilitas alterationis, quod sic probo. Propria alteratio essentialiter habet quod inter qualitates positivę contrarias versetur, in quo distinguitur à mutationibus, quę versantur inter terminos priuatiue oppositos, quales sunt generatio, corruptio, illuminatio; sed qualitates contrarię ab intrinseco habent, posse ab eodē subiecto mutuo se expellere, & mutua expulsio dicit intrinsecum ordinem ad expulsionem formę substantialis saltem possibilem; quam patet esse substantialem corruptionem; ergo si hæc implicaret contradictionem, etiam implicaret alteratio propria. Quod probatur secundo à posteriori, in corporibus celestibus, quę supposito quod sint ingenerabilia, & incorruptibilia, non habent capacitatem recipiendi accidentia proprię contraria, vt calorem, & frigus: vnde nec possunt tangi, quia omnium qualitatum tangibilium incapacia sunt. Quod ita verum esse existimo, vt nec per potentiam Dei absolutam possint tangi, vel calorem, aut frigus recipere, quia capacitate omnimoda carent recipiendi talia accidentia, eo ferē modo, quo incapacia sunt recipiendi accidentia spiritalia: ex quo sequitur necesse capacia alterationis proprię ad talia accidentia contraria per se terminatę; si ergo impossibiles forent omnibus modis generatio, & corruptio quorumlibet corporum; impossibilis esset omnino alteratio.

QVÆSTIO II.

An alteratio sit motus continuus?

110 **T**itulus quæstionis intelligitur de sola alteratione propria, quæ versatur inter qualitates contrarias, & disponit subiectum ad corruptionem, qualis est calefactio, aut infrigidatio; non de impropria, quæ nec versatur inter contrarias qualitates, nec disponit subiectum ad corruptionem, qualis est illuminatio secundum suam naturam accepta. Propria autem alteratio duplex est: vna vocatur extensio; alia intensio. Extensio dicitur illa, per quam extenditur qualitas per diuersas partes subiecti, vt dum calor, qui est in sola manu, se extendit ad brachium, & alias partes corporis. Intensio verò est alteratio, per quam perficitur qualitas circa eandem partem subiecti per additionem alicuius gradus noui, vel quia magis radicatur in eadem parte, vt si calor, qui est in digito, vel manu; in eodem digito, vel manu perficiatur. Quæstio autem intelligitur de vtraque alteratione tam extensionis, quam intensiois, de quibus quærit, an sint motus continui, hoc est, an fiant per tempus continuum, in quo pars post partem extensionis, vel intensiois qualitatis acquiratur sine vlla interruptione.

Et prima opinio asserit vtramque alterationem esse successiuam, extensionem vero non esse vlllo modo continuam, sed fieri in diuersis instantibus temporis per partes minimas subiecti; & cum instantia temporis non sibi succedant inmediate, nec possint esse continua, sed inter quælibet duo, medium fit tempus, non esse possibile, quod alteratio quoad extensionem fiat motu continuo, quamuis fiat successiuè, in quantum vnum instans succedit post alterum. Itaque hoc modo fit alteratio quantum ad extensionem, vt dum ignis (exempli gratia) applicatur ligno, per aliquod tempus disponat minimam quandam partem eius, ita vt minor nec possit disponi, nec in ea introduci calor; in instanti autem terminatio illius temporis introducat calorem in eadem minima parte, non ita vt prius eum introducat in medietatem eius, sed simul, & absque successione in tota, & singulis eius partibus. Tempore autem sequenti disponat aliam partem minimam, & in instanti terminatio eiusdem temporis, simul etiam introducat in ea calorem, & sic de cæteris instantibus, in quibus fit extensio caloris per alias partes minimas, quousque extendatur ad totum lignum, & hoc est fieri extensionem per minimas, & non continuè, quia in partibus temporis intermediis non fit extensio caloris,

caloris, sed disponitur minima pars subiecti, vt in instanti terminatio extendatur.

Eandem vero alterationem quo ad intensiorem continuari 111
esse docet hæc sententia, quia toto tempore medio inter instantia, in quibus extenditur qualitas per partes minimas subiecti, intenditur in eisdem partibus. Ita vt tempore immediato post primum instans, in quo producit in prima parte subiecti, perficiatur in eadem vsque ad secundum instans extensionis ad secundam partem, in qua etiam intenditur tempore statim sequenti, & cum tempus sit continuum, continuè etiam fit alteratio secundum intensiorem. Hæc est opinio Ægidij 1. lib. de Generatione q. 16. quam videtur sequi Iandun. 8. lib. Phys. q. 8. probabitur autem simul cum sequenti.

Secunda opinio tenet alterationem, non esse continuam vltimo modo, hoc est, nec secundum extensionem, nec secundum intensiorem, sed vtroque modo fieri per minima; & ideo vtroque modo discretè, ita vt sicut in tempore non extenditur calor, sed quiescit mobile ab alteratione extensiva, & disponitur minima pars subiecti, vt in instanti terminatio eiusdem temporis per eam simul extendatur, ita in tempore disponitur eadem pars ad intensiorem, & quiescit ab alteratione intensiva, & in eodem instanti terminatio simul intenditur calor in eadem parte. Ita Capreolus in 1. distinct. 7. quest. 2. art. 2. Sonzinas 8. lib. Metaph. q. 22. Iauellus, & Ferra. 8. lib. Phys. q. 7. Probatur testimonio Aristotelis 8. lib. Phys. tex. 23. vbi de omni alteratione negat expressè, quod sit continua his verbis: *Dicere alterationem fieri continuè est aduersari valde manifestus*. Et lib. 6. tex. 38. vniuersaliter docet motus, qui versantur inter terminos contrarios non posse continuari, & ideo in 8. lib. text. 65. & 66. probat motus sursum, & deorsum eiusdem corporis necessàrio interrumpi in puncto reflexionis, quia cum sint, contrarij, non possunt continuari. Ex altera vero parte asserit 5. lib. Physicorum in principio, motum propriè dictum (qualis est alteratio) versari inter terminos contrarios, in quo distinguitur à generatione. Et ex vtroque sequitur alterationem à calido in frigidum, vel ab albo in nigrum non posse fieri continuè.

Probatur deinde ratione de vtraque alteratione extensionis, 114
& intensiorem: primò, quia si vtraque sit motus continuus, sequitur in quolibet instanti continui temporis, in quo fit, extensionem esse qualitatem ad nouam partem subiecti, & nouam partem, vel gradum intensiorem esse productum: sed instantia quilibet temporis sunt actu infinita, ergo verum erit, ip

spatio horæ. v. g. per quam fit extensio, vel intensio continuè, qualitatem esse extensam, atque intensam in infinitum, hoc est ad infinitas partes subiecti; & infinitas partes intensiōis habere, & æquales quidem, vel aliquotas, quia in quolibet instanti verum est extensam esse qualitatem ad nouam partem subiecti, atque distinctam ab ea ad quam fuit intensa in instanti præcedente, & distinctum gradum intensiōis habere ab eo, quem habuit in instanti præcedente, quæ cum falsæ sint, falsum erit, quod vtræque alteratio sit continua.

Secundo, quia si tempore continuo fit vtræque alteratio; vel in singulis instantibus eiusdem temporis producitur aliquid extensiōis, atque intensiōis, vel nihil; si producitur aliquid, non potest successiuè, æque continuè produci, quia in instanti, nec successio, neque continuitas esse potest: ergo quantum ad ea, quæ producuntur in instantibus, non potest esse alteratio continua: si vero nihil producitur in instantibus: ergo quiescit in eis mobile, motusque interrumpetur, & discontinuabitur.

Tertio, de solo motu intensiōis sic probatur; quia qualitas contraria secundum omnes gradus intensiōis expellitur simul, aut in instanti à subiecto: ergo tota qualitas, per quam expellitur secundum omnes gradus intensiōis, simul introducitur in eodem subiecto; & ideo non per motum intensiōis successiuum, vel continuum. Probatur antecedens, quia octo gradus frigoris, quos habet aqua, sunt eiusdem speciei, atque etiam idem numero, & ex consequenti sunt prorsus eiusdem rationis: ergo non est maior ratio ob quam vnus eorum prius expellatur, quàm alter; quare vel nullus expellitur, vel omnes simul: sed expelluntur per introductionem caloris: ergo omnes etiam gradus caloris simul introducuntur, & non successiuè per motum continuum.

- 113 Tertia opinio asserit alterationem semper esse successiuam, atque continuam, siue secundum extensionem, siue secundum intensiōem accipiatur. Hæc est communis, quam sequuntur omnes ferè interpretes Aristot. 5. & 6. lib. Phys. locis inferius citandis; atque etiam cap. 4. huius lib. & est vera, & tenenda, nam primo colligitur euidenter ex principiis eiusdem Arist. qui tria docet de motu. Primum est, motum propriè dictum, vt distinguitur à mutatione tres tantum habere species, nempe alterationem, augmentationem, & lationem. Ita habetur 5. lib. Phys. text. 18. his verbis: *Relinquitur secundum qualitatem, & quantitatem, & ubi, motum esse solum, &c.* Secundo docet omnem motum propriè dictum esse continuum, text. 39. his verbis: *Quoniam autem continuus omnis motus est, & simpliciter quidem vnus,*

unum, & continuum esse, necesse est. Quod confirmat text. 41. ubi agens de vnitate numerica motus asserit, motum esse vnum numero, si sit continuus; continuum verò esse, si fiat tempore continuo, si autem interrumpatur tempus, & mobile quiescat, & post aliquod tempus moueatur, non esse iam eundem numero motum, sed alium numero distinctum. Ex quibus hoc argumentum euidentius colligitur; omnis motus apud Aristotelem est continuus, & sit tempore continuo; sed alteratio tam secundum extensionem, quam secundum intensionem est propriè motus; ergo vtroque modo est continua. Tertio asserit quod sicut in instantibus non est tempus, nec in punctis magnitudo, sed hæc, & illud habent partes diuisibiles in infinitum, & neutrum componitur ex indiuisibilibus; ita etiam motus non est in instanti, neque componitur ex indiuisibilibus, sed ex partibus continuis, & diuisibilibus in infinitum. 6. lib. Phys. his verbis: *Eiusdem rationis est, & magnitudinem, & tempus, & motum ex indiuisibilibus componi, & diuidi in indiuisibilia, aut nullum.* Ex quo aliud argumentum non minus euidentius colligitur aduersus primam, & secundam opinionem hoc modo: motus secundum Aristotelem non fit in instantibus temporis, sed in partibus eius continuis, neque componitur ex indiuisibilibus: sed alteratio tam secundum extensionem, quam secundum intensionem est verè, & propriè motus: ergo falsa est vtraque opinio, quæ asserit fieri in instantibus temporis, & non in partibus eius; fieri etiam modo indiuisibili per minima, ex quibus componitur.

Probaturs deinde ratione vtramque opinionem esse falsam: 114
primo, quia si agens approximatum passo in instanti producit minimum caloris, aut tempore statim sequenti agit, aut non: non agere repugnat, quia ab agente approximato naturaliter emanat actio: nec potest asserri alia ratio ad probandum, quod in instanti producat minimum qualitatis, nisi quia virtutem agendi habet passo approximatum: qua ratione ergo dicitur agere in instanti. probatur euidenter agere tempore statim sequenti: si vero agit; ergo aliquid producit circa passum. Probaturs euidenter consequentia, quia non potest dari actio sine termino producto, sed nihil potest producere præter qualitatem: ergo falsum est, quod in tempore non detur alteratio, quæ non est aliud, quam productio qualitatis. Sed dicunt agere quidem tempore sequenti, & producere qualitatem, non eandem circa quam versatur alteratio, sed aliam, quæ est quasi dispositio subiecti ad illam, vt si agens sit ignis, non producit tempore sequenti calorem, sed raritatem quandam disponentem

lignum ad recipiendum aliud minimum caloris in instanti terminatio eiusdem temporis. Hoc tamen falsum est, & argumento non satisfacit. Probo esse falsum, quia vel ignis simul producit utramque qualitatem, nempe calorem, & raritatem; cum per utramque qualitatem in se existentem naturaliter operetur, vel si aliquam producit prius, hæc erit calor, quia fortior est calor ignis, & maioris actiuitatis ad agendum, quam raritas; ergo prius producet calorem, quam raritatem in aqua. Et si dixeris ex parte sui verum esse, sed ex parte subiecti necesse est præcedere raritatem illud disponentem ad recipiendum calorem. Probatur hoc esse falsum, & contra experientiam, quia aqua inclusa in vase vitreo vndique clauso calefit à Sole, vel igne, & non rarefit, quia statim plenum vas confringeretur: ergo producit calor per alterationem sine raritate præuia; quare falsum est, quod raritas sit dispositio necessaria ad calorem, & consequenter, quod ignis tempore statim sequente producat raritatem disponentem, & non calorem. Quod verò non satisfaciatur argumento, etiam si verum esset; raritatem in tempore producere, ita probo. Raritas est qualitas quædam; ut docet expressè Arist. multis locis, & concedit utraque opinio & est qualitas habens contrarium, nempe densitatem; ergo productio raritatis est propria alteratio facta in tempore, intermedio, & non in instantibus, nec per minima modo indiuisibilibus: sed vere continua, sicut tempus, in quo fit. Hæc igitur solutio non solum argumentum non soluit, sed ex ea probatur falsam esse utramque opinionem, quod alteratio non sit continua.

- 115 Secunda ratio procedit de illuminatione, quæ licet non sit propria alteratio, quia lux non habet contrarium, nec per se fit successiua, hoc tamen habet per accidens, quia luminosum approximat corpori opaco per motum localem successiuum, ut patet in Sole illuminante hoc emispherium: ab ea itaque tale argumentum desumitur. Agens naturale quo propinquius est passo, fortius agit in ipsum: ergo quo Sol propinquior fit per motum localem huic emispherio, intensius illud illuminat: quod etiam est experientia notum, cum constet meridiano tempore intensius producere lumen, quam matutino: sed motus localis Solis est successiuus, & continuus, ut fatentur aduersarij: ergo approximat agens passo motu successiuo, atque continuo: unde sequitur illuminationem esse successiuam, atque continuam, & à fortiori alterationem propriam, quæ versatur inter qualitates contrarias, quia resistentia contrarij non potest in momento, aut simul superari, sed successiuè, & continuè. Nec potest vlla ratio probabilis asserri propter quam Sol
 approxi

approximatus aëri, cum non illuminet tempore intermedio, sed necessario concedendum est agens naturale eo tempore, quo approximatum est passo, nihil in ipsum agere: cum non habeat locum in illeminatione dispositio raritatis, ad eam minime requisitam.

Ad primum testimonium Aristot. hac distinctione respondeo, in duplici sensu potest dici motus continuus. Primus sensus est, quod nunquam interrumpatur, sed sine principio, & sine tendat mobile, vel saltem à puncto in quo incipit, sine vlla interruptione temporis moueatur, atque etiam sine vlllo termino, in quo quiescat. Secundus sensus est, quod licet motus non semper duret, sed aliquando interrumpatur per quietem, eo tamen tempore, quo fit, continuè fiat, & non in instantibus temporis, sed in partibus eius continuis. Aristoteles ergo loco citato in argumento de solo primo modo continuitatis loquebatur intendens probare corpora non esse in continuo motu, hoc est, non semper moueri, sed aliquando interrumpere motum aduersus quosdam antiquiores Philosophos; & in eodem sensu asseruit, quod qui dicit alterationem fieri continuè, aduersatur valde manifestis; cum experientia constet aliquando interrumpi. Quod verissimum est, sed non tollit esse continuam in secundo sensu, nam continuè fieri eo tempore, quod durat, omni motui propriè sumpto necessario cōuenit, ut idemmet Aristoteles locis pro nostra sententia citatis expresse docet, in quibus eundem sensum tenet, non primum.

Secundum testimonium nihil probat contra nostram sententiam, nam in omni motu à contrario in contrarium reperitur productio vnius qualitatis, & corruptio alterius, ut in calefactione productio caloris, & corruptio frigoris, quas dicimus esse continuas in se, non inter se, hoc est, quamlibet esse continuam per proprias partes aliquo modo copulatas, non tamen esse continuam cum alia; ita ut calefactio continuetur cum corruptione frigoris, hoc enim benè probatur repugnare ex verbis Aristotelis, in quibus non negatur propria continuatio cuiuslibet motus per suas partes, & indiuisibilia.

Ad primum argumentum, negandum est, quod in instantibus temporis producantur partes qualitatis intensiōis, vel extensionis, quia sicut in instanti non datur alteratio, nec motus, ita nec producit pars qualitatis; sed licet non producat pars in instanti, verum est in eo esse productam per partem motus præcedentem, & cum instantia sint actu infinita, videtur adhuc probare argumentum quod infinita qualitas producat secundum intensiōem, & extensionem, si alteratio

continué fiat in partibus temporis. Cui respondent Conitib. cap. 4. huius libri q. 2. art. 3. non fieri alterationem per partes proportionales, nam si per has fieret, tam intensio, quam extensio procederet in infinitum: cum partes proportionales qualitatis productæ in infinitum procedant, & ita intenderetur, & remitteretur qualitas in infinitum, quod est falsum, sed fieri per partes aliquotas, quarum quælibet habet certam dimensionem, & omnino est extra aliam, ut in quantitate se habent palmi, vel digiti. Et cum istæ partes, siue intensiois sint, siue extensionis, finitæ sint, quælibet alteratio est finita, & quælibet etiam qualitas finitam habet intensioem, & extensionem. Hæc tamen solutio nec omnino vera est, nec satisfacit argumento. Primum statim probabitur. Secundum vero sic probō. Siue fiat per partes proportionales, siue aliquotas alteratio, necessarium videtur, quod argumentum assumit; nempe in quolibet instanti temporis, quo durat, verum esse, quod producta sit maior pars qualitatis, intensiois, vel extensionis; nam licet in instanti non producat pars qualitatis, producit tamen in parte temporis, quam terminat, & ideo verum est, in instanti esse productam: adhuc ergo restat soluendum argumentum.

- 117 Pro cuius solutione notandum, intensioem, & extensionem qualitatis, immo etiam productionem cuiusvis termini motus fieri per partes proportionales, atque etiam per æquales, vel aliquotas, diuersa ratione, quia eodem modo diuiduntur tempus, in quo fit motus, qualitas per motum acquisita secundum partes intensiois, & extensionis, & motus ipse per quem acquiritur. Vnde sequitur, quod sicut in parte aliquota temporis, fit pars aliquota motus, & in parte proportionali pars etiam proportionalis, & ita per partem aliquotam motus in parte aliquota temporis facta producit pars aliquota intensiois, vel extensionis qualitatis, & in parte proportionali producit etiam proportionalis, ut si in dimidia hora producit vnus gradus caloris, in quadrante produceret medietas eiusdem gradus, quod tamen non est accipiendum secundum omnimodam proportionem, cum motus non sit eiusdem velocitatis secundum omnes partes, ut per se est manifestum. Partes autem proportionales tam temporis, quam motus, & qualitatis productæ sunt actu infinitæ, sed includuntur in partibus aliquotis actu finitis, & cum singulæ partes qualitatis aliquotæ, atque etiam omnes producantur tempore finito, & motu finito, non sequitur intentionem, & extensionem qualitatis procedere in infinitum, sed certum terminum habere, quo definiuntur, & certo etiam tempore absolui, ita
ut alte

ut alterius non procedant: Ad formam igitur argumenti dum dicitur in quolibet instanti temporis, in quo fit alteratio, plus qualitatis esse productum secundum intentionem, vel extensionem; distinguendum est, nam in quolibet instanti terminante partem aliquotam temporis, & motus, verum est, sed non in quolibet instanti terminante partem proportionalem; quia sicut in qualibet parte aliquota includuntur infinitæ proportionales, quæ non faciunt eam maiorem, eodem modo includuntur infinita instantia, quibus terminantur, in quibus non est verum plus qualitatis esse acquisitum, quam in vno illo instanti terminatio eiusdem partis aliquotæ: & ideo non est bona illa consequentia; instantia temporis sunt infinita; ergo in toto tempore mensurante alterationem continuam erit qualitas intensa, vel extensa in infinitum, quia non est verum in quolibet instanti esse magis intensam, vel extensam, sed solum in instantibus terminantibus partes temporis aliquotas. Vnde finita semper intensio, atque extensio erit, cum tempus sit actu finitum, atque etiam alteratio. Et ex his intelligitur non esse negandum, quod intensio, vel extensio fiat per partes proportionales, sed per has simul, ac per æquales sit modo explicato. Et nihilominus argumentum non probat, continuam esse non posse, vel per minima fieri in solis instantibus temporis.

Secundum argumentum copiosius soluendum est questione sequente, ubi de modo, quo alteratio sit continua disputabitur; nunc vero dicendum est in singulis instantibus temporis mensurantis alterationem aliquid qualitatis produci, non quod sit pars intensiois, vel extensionis eius, sed indiuisibile, quo continuantur partes, ex parte cuius non est propriè successiua alteratio; sed ratione partium eiusdem qualitatis, quæ producuntur in partibus temporis, & quæ continuantur per eadem indiuisibilia in instantibus producta, ut questione sequenti declarabitur.

Tertium argumentum tangit aliam questionem inferius disputandam, nempe, an gradus intensiois eiusdem qualitatis perfectione differant; & priores subordinentur posterioribus, vel omnes sint eiusdem perfectionis nullam habentes subordinationem naturalem. Et qui tenent primum, asserunt primum gradum ordine naturæ prius produci, ita ut non possit produci secundus, nisi eo præsupposito in subiecto. Et ex opposito, octauum gradum prius expelli, deinde septimum, & ita usque ad primum. Alij vero alio modo respondent sic distinguentes; gradus qualitatis, vel cōparantur ad virtutē secundæ causæ
in re

in se consideratæ, vel ad eandem, vt determinatam à causa prima, à qua determinatur ad hanc numero actionem, & hunc numero effectum producendum, & non alterum: si ergo considerentur gradus qualitatis primo modo, concedendum est non esse maiorem rationem ob quam vnus gradus expellatur prius quam alter; si vero considerentur secundo modo, ille prius expellitur, ad quem expellendum determinatur causa secunda à prima: & ideo non sequitur, quod omnes simul expelli debeant, vel nullum, sed successiuè expelluntur omnes, & vnus post alterum, iuxta modum prædictæ determinationis: & hæc est vera solutio, vt quæstione sequente ostendetur.

QVÆSTIO III.

Quonam modo continuetur alteratio secundum extensionem, & intensiorem?

- 119 **P**Ræsupposito ex quæstione præcedenti, quod alteratio secundum extensionem, & intensiorem sit continua, inquitur in præsentī modus, quo continuetur. Et apud antiquiores interpretes Aristotelis nihil de tali modo continuationis reperitur, sed à solis recentioribus disputatur. Et quidem de extensione non est res adeo difficilis, quia cum qualitas corporea extendatur per superficiem corporis: & superficies sit continua per propria indiuisibilia, nempe puncta, atque lineas, facile intelligitur partes extensionis eiusdem qualitatis continuari per indiuisibilia superficiiei quasi per accidens, sicut per accidens extensa est, vel per propria indiuisibilia, quæ in indiuisibilibus eiusdem superficiiei inhæreant; illo enim modo continuari dicunt, qui soli quantitati concedunt proprias partes, & indiuisibilia, substantiæ vero, & qualitatibus, nec partes, nec indiuisibilia; sed hæc, & illas à quantitate accipere, quia motus à termino accipit continuationem, & eodem modo ac ille continuatur. Sed de intensiōe res est difficilior, quia cum fiat circa eandem partem subiecti, immo circa idem indiuisibile eius, valde difficile est continuationem ei tribuere, non enim possunt continuationem accipere partes intensiōis qualitatis à partibus superficiiei; cum non fiat intensio circa diuersas partes, sed circa eandem, in qua perficitur qualitas, & eodem modo non possunt continuari per indiuisibilia eiusdem superficiiei cum fiat etiam circa idem indiuisibile, necesse est ergo proprias partes intensiōis, propriaque indiuisibilia concedere quali

qualitati, per quæ continuetur, & consequenter alterationi, per quam intenditur, sed adhuc hoc supposito difficile est continuationem ei tribuere.

Et prima opinio recentiorum asserit intensionem non continuari per propria indiuisibilia, quia vel illa non habet, (ut quidam eorum opinantur) vel etiã si habeat, non potest propriè cõtinuari per illa, sed solum pes immediatã successionẽ, quam habet vna pars eius post aliam. Quod hoc argumento probant, Impossibile est partes alicuius rei actu copulari termino communi, nisi actu existant, sed partes intensionis, cum sint successiue, non existunt in instanti: quod est propria mensura indiuisibilitium eiusdem intensionis: ergo non possunt per hæc indiuisibilia continuari. Probatur vtraque pars antecedentis simul: quia non potest indiuisibile realiter copulare partes, ut punctum partes lineæ, nisi vtramque actu, & realiter attingat, sed indiuisibile motus non attingit actu, & realiter partem præcedentem, & subsequentem eiusdem motus: ergo nec potest eas actu, & realiter copulare, vel continuare. Probatur minor, quia indiuisibile motus solum durat per instans, in quo iam non est pars præcedens, subsequens vero nondum est, ergo neutram potest actu, & realiter attingere, neque continuare. Probatur hæc vltima consequentia, quia non potest attingi reali, & Physico contactu, id quod actu non est. Et propter hoc idem argumentum vniuersaliter asserit hæc opinio successiua omnia, ut tempus, & motus non posse alio modo continuari, quàm per immediatam successionem partium, per quam aliquo modo dicuntur facere vnum tempus, & vnum motum. Hæc tamen sententia in principiis Aristotelis, & in vera Philosophia prorsus est improbabilis. Probatur primum, quia Aristoteles 5. libr. Phys. text. 39. & 40. tria asserit de continuatione motus. Primum, illos motus dumtaxat continuos esse, quorum vltima sunt vnum. Secundum, idem esse quod motus sit vnus numero, atque continuus. Tertium, illos motus, qui immediatè sibi succedunt, non esse continuos, sed contiguos, & consequenter se habere. Ex quibus sequitur primo falsam esse prædictam sententiam, quod partes motus, & temporis continuentur per solam immediatam successionem partium. Probatur, quia immediatè sibi succedentia consequenter se habent: ergo non sunt continua, sed contigua. Probatur consequentia, quia vel vltima eorum (si vltima habent) simul sunt, quod est definitio contiguorum, vel consequenter se habentium, vel si non habent vltima, non possunt esse vllò modo continua, quia vltima eorum non sunt vnum. Secundo sequitur, quod si immediata successio
partium

partium sufficeret ad aliquam continuationem, motus specie diuersi possent hoc modo continuari. Probat Aristoteles hanc consequentiam his verbis: *Postquam enim cucurrit aliqua, statim febricitare potest*: Consequens autem patet esse falsum: ergo prædicta opinio nullam potest habere probabilitatem in doctrina Aristotelis.

- 121 Sed probatur idem habere in vera Philosophia, quia impossibile est aliqua efficere vnum, nisi actu, & realiter vniantur; & impossibile est actu, & realiter vniri, nisi vnum actu, & realiter attingat aliud, aut immediatè per se, aut per aliquem modum vnionis; sed partes motus, & temporis iuxta eandem sententiam, nec se attingunt per se, quia non existunt simul, sed vna iam non est, & alia nondum est, sed nec se attingunt per instans, nec per indiuisibile motus, quia cum neutra sit, dum est instans, non possunt ab eo attingi, nec eo medio vna attingere aliam; ergo, nec possunt partes motus, & temporis efficere vnum tempus, vel vnum motum realiter: & ideo nullus dabitur motus realiter vnus, aut vnus numero, nec tempus erit vnum, sed tot, quot sunt partes: quod est falsum.

Hæc refutata sententia ceteri omnes recentiores conueniunt in eo, quod intensio qualitatis continuetur proprijs indiuisibilibus, sicut qualitas ipsa per eam producta habet proprias partes intensionis, & propria indiuisibilia etiam intensionis, quibus continuatur. Sed non omnes sentiunt eodem modo, nam quidam eorum tenentes indiuisibilia esse modos, & non res, & ideo per se adhærere partibus, à quibus separari repugnat, & non per alios modos vnionis, ponunt in motu duplicia indiuisibilia terminatiua, & continuatiua. Et terminatiua asserunt produci per partes motus, quas terminant, ita vt pars quælibet motus producat suo indiuisibili terminata, sed quia indiuisibilia hæc non possunt permanere sine partibus, quas modificant, necesse est desinere esse cum illis, & produci de nouo alia continuatiua, quibus vna pars motus continuatur cum alia, & ideo continuatiua hæc sunt modi vnionis, & distinguuntur ratione officij realiter, & formaliter à terminatiuis desinentibus cum partibus motus, sicut cum eisdem producuntur; non tamen producuntur per partes motus eadem continuatiua, sed sunt mutationes quædam instantaneæ procedentes ab eodem agente, & successiuè receptæ in eodem mobili in singulis instantibus temporis mensurantibus motum, & per hæc mutationes instantaneas, quæ sunt indiuisibilia continuatiua motus, producuntur indiuisibilia qualitatis, continuatiua partium intensionis eius, vel in alijs motibus partium

tium termini per motum dꝛoducti. Et hæc eſt ſecunda opinio in ordine.

Que probatur hoc argumento. Repugnat produci partem 122
termini, niſi ſuo indiuiſibili terminatam: ergo repugnat etiam
produci partem motus, niſi ſuo indiuiſibili terminatam. Pro-
batur conſequentia, quia eadem eſt proportio inter partem
motus, & termini per eam producti: vnde ſequitur tot dari
indiuiſibilia terminatiua partium motus, quot ſunt partes in
eodem motu: & per eaſdem partes motus produci ab eodem
agente, ſicut per eaſdem partes motus producuntur partes ter-
mini ſuis indiuiſibilibus terminatæ. Hæc autem indiuiſi-
bilia terminantia ſunt modi earundem partium, quas termi-
nant: ergo ita terminant, vt non ſint continuatiua. Probatur
conſequentia, quia tempore, quo fiunt, nondum ſunt partes
motus ſequentes: ergo nec eas copulant cum præcedentibus,
quia quod non eſt, non poteſt realiter coniungi alteri, nec po-
teſt dici, quod copulare eas poterunt, dum fuerint, quia de ra-
tione intrinſeca modi duo ſunt: & quod actu modificet, &
quod non poſſit ſeparari à re, quam modificat: ergo ſi eas actu
non copulant, repugnat poſſe eas copulare, immo repugnat
eſſe modos earum: cum ſemel ab eis inueniantur realiter ſe-
parata. Quare necelle eſt deſinere cum partibus motus, quas
terminant, & produci noua alia indiuiſibilia, quibus continuen-
tur partes motus: cum non poſſint per terminatiua conti-
nuari, & necelle ſit continuas eſſe per aliqua indiuiſibilia. Se-
cundo, quia terminare, & continuare ſunt diuerſa officia, cum
continuatium ſit modus vnionis duarum partium: termi-
natiuum vero ſolum vni parti adhæreat: ergo non poſſunt of-
ficia hæc in eodem indiuiſibili concurrere, ſed diuerſa ſecun-
dum ſpeciem, & entitatem poſtulant. Et cum duo indiuiſi-
bilia non poſſint eſſe immediata, repugnat terminatiuo ſucce-
dere immediatè continuatiuum, niſi corrupto eodem termi-
natiuo, quare necelle eſt tot ponere terminatiua, quot conti-
nuatiua, ſed corrumpi illa per immediatam ſucceſſionem
horum.

Sed hæc etiam ſententia falſa eſt, quia multiplicat infinita 123
indiuiſibilia ſine neceſſitate: quod ſic probō: eadem indiuiſibi-
lia poſſunt terminare partes motus præcedentes, & copula-
re eas cum ſequentibus: ergo ſufficiunt indiuiſibilia continua-
tiua pro vtroque officio terminandi, & continuandi: quare fru-
ſtra multiplicantur alia ad terminandas partes præcedentes.
Probatur antecedens, quia indiuiſibile continuatiuum etiam
in ſucceſſiuis, vt docet expreſſe Ariſtoteles. 8. lib. Phyiſic. tex. 69.
idem

idem est secundum rem tangens vtramque partem, sed ratione diuersum, quia finis præcedentis est, & initium sequentis, vt instans temporis copulans præteritam partem cum futura finis præteritæ est, & initium futuræ. Esse autem finem partis præcedentis est esse terminum eius: ergo indiuisibilia continuatiua sufficienter terminant partes præcedentes, quare frustra ponuntur infinita terminatiua diuersa à continuatiuis pro eis terminandis. Secundò probatur falsitas eius argumeto ad hominem, quia indiuisibilia terminatiua, quæ producuntur cum partibus motus, non possunt esse continuatiua partium præcedentium (quas terminant) cum sequentibus, quia dum hæc indiuisibilia actu sunt, nondum sunt partes motus sequentis: ergo non possunt eas realiter attingere, nec realiter copulare, quia id, quod non est, non potest attingi, neque copulari realiter; & ideo, debent poni alia indiuisibilia (his corruptis) quæ sint mutationes instantaneæ, per quæ continuetur pars præcedens cum sequenti, ex quo ego ita arguo. Hæc alia indiuisibilia producta ad continuandum (corruptis terminatiuis) non possunt continuare partes motus: ergo frustra ponuntur. Probatur antecedens eadem ratione, quia hæc indiuisibilia sunt mutationes instantaneæ, & ideo in instanti sunt, & tantum durant per instans: sed, in instanti, in quo sunt, non sunt partes motus præcedentes, nec etiam sequentes, quia nulla pars motus datur in instanti, ergo non possunt eas continuare. Probatur cōsequentia eodē modo, quo probatur ab eis de indiuisibilibus terminatiuis. Quia, quod non est actu, non potest actu, nec realiter attingi: ergo nec potest actu, & realiter copulari cum altero, etiam non existente actu, & realiter: sed pars motus præcedens non est in illo instanti, sed præcessit, pars vero sequens nondum est, cum sit futura: ergo non potest attingi actu, & realiter ab illa mutatione instantanea, quæ ponitur pro indiuisibili continuatiuo motus, nec ideo poterit copulari.

Ideo alij ex iunioribus tenentes indiuisibilia non esse modos partiū, sed res distinctas ab eis, & ideo non adhærere per se eisdem partibus, sed per alios modos vnionis, non distinguunt in motu indiuisibilia terminatiua à continuatiuis, sed asserunt continuatiua omnia esse terminatiua partium præcedentium, & eas simul copulare cum sequentibus: immo quodlibet continuatiuum posse esse terminatiuum totius motus, si in eo sistat mobile, atque etiam vltimum indiuisibile terminans totum motum potuisse esse continuatiuum, si non sisteret mobile in eo, sed vltra procederet continuans motum. Et hæc est tertia opinio: quam sic probant: frustra fiunt per plura, quæ per pauciora

ciora possunt sufficienter; sed eadem indiuisibilia continuatiua actu terminant partes præcedentes motus, & possunt etiam terminare totum motum, si in eis sistat: ergo per hæc sola potest continuari, & terminari motus, supposito quod non sint modi partium eius, sed res à partibus distinctæ: quare hæc sufficient, & superuacanea erunt alia.

Hæc tamen sententia satis probabilis posset reputari, si verum esset, quod præsupponit, nempe indiuisibilia non esse modos, sed res distinctas à partibus, quibus non per se adhærent, sed per alios modos ex natura rei distinctos. Hoc tamen falsum esse probauimus 6. lib. Physic. Et ideo falsa censenda est. Quod breuiter nunc probari potest, quia si indiuisibilia motus non sunt modi partium, sed res, sequitur eas non continuare. Probat ex definitione continuorum tradita ab Aristotele 5. lib. Physicorum text. 3. *Continua sunt, quarum vltima sunt unum.* Sed indiuisibilia motus secundum hanc opinionem non sunt vltima partium; cum non adhæreant eis per se, sed per alios modos, qui propriè sunt vltima earum: ergo partes non continuantur per indiuisibilia, quæ sunt res, immo nec per illa possunt immediatè terminari, sed per modos earum; & ideo nec erunt continuatiua, nec terminatiua. Secundo sequitur partes motus nullo modo continuari, hoc est, nec per indiuisibilia, nec per modos earum. Probat, quod non per modos, quia quodcumque indiuisibile vnitur diuersis partibus: ergo per diuersos modos vnionis: quare non erit vnus modus duarum partium; per diuersos autem continuari non possunt, quia vltima earum non erunt vnus, sed multa. Quod vero non continuentur per indiuisibilia ipsa, iam probatum est; cum non per se attingant partes, sed per modos. Tertio sequitur ex eadem sententia indiuisibilia in continuo esse immediata, contra Aristotelem, & omnes. Probat consequentia, quia modi per quos indiuisibilia adhærent partibus, non minus sunt indiuisibiles, quàm ipsa; & tamen sunt immediati respectu eorū cum per ipsos vniantur partibus: ergo dantur indiuisibilia immediata. Et tandem hæc sententia multiplicat infinitos modos, qui cum sint entitates distinctæ ex natura rei ab eisdem indiuisibilibus, atque etiam à partibus, multiplicat infinitas entitates reales; & sine necessitate, quia si dicatur indiuisibilia esse modos, (quod valde probabile est) per se vnientur partibus, & non erit necessarium multiplicare alios modos.

His igitur sententiis refutatis, nostram explicamus tribus conclusionibus præsupponentibus indiuisibilia omnium continuorum, siue successiuorum, vel permanentium modos partium

esse, & non res ab eis distinctas, vt nunc probatum est, & in 6. lib. Phys. Prima conclusio sit, qualitas habet propria indiuisibilia intensiōis, quibus continuantur partes intensiōis eius, & his indiuisibilibus correspondent propria indiuisibilia in motu intensiōis, quibus partes eiusdem motus continuantur. Prima pars huius conclusionis præsupponitur probata ex 6. lib. Phys. secunda vero ex refutatione primæ opinionis, quia alteratio est motus continuus secundum extensionem, & intensiōem; sed motus intensiōis non potest esse continuus per solam successionem immediatam partium; nec per indiuisibilia subiecti, cum fiat circa eandem partem eius, immo circa idem indiuisibile: ergo, debet habere propria indiuisibilia, quibus continentur partes eius.

Secunda conclusio; motus intensiōis, & quicumque alius non habet indiuisibilia terminatiua, sed solum continuatiua, præter vltimum, quod est primum esse mobilis in termino ad quem, & primum non esse motus. Hæc etiam quantum ad primam eius partem probatur primò ex refutatione secundæ opinionis, hoc modo. Non sunt multiplicandæ entitates reales sine necessitate, sed per sola indiuisibilia continuatiua præstatur totum illud, propter quod præstandum multiplicantur terminatiua: ergo non debent multiplicari, sed solum sunt ponenda continuatiua. Probatur minor, quia terminatiua solum multiplicantur ad terminandas partes præcedentes motus, sed has terminant sufficienter continuatiua: ergo hæc sufficiunt. Minorem sic probo. Quodlibet indiuisibile continuatiuum motus vnit partem præcedentem cum sequenti, tanquam finis illius, & principium huius; sed esse finem, & terminum idem prorsus sunt: ergo quodlibet continuatiuum est sufficiens terminus præcedentis partis.

Secundo probatur ex aliis continuis, & præsertim ex tempore, nam in nullo continuo permanente ponuntur terminatiua indiuisibilia, sed solum continuatiua, quorum quodlibet est terminus partis præcedentis, & initium sequentis, & etiam in continuo successiuo, quod est tempus, solum ponuntur instantia continuatiua, nec ab aliquo multiplicantur alia, immo nec multiplicari possunt: ergo nec multiplicanda sunt in motu.

- 126 Secunda pars eiusdem conclusionis asserit præter indiuisibilia continuatiua ponendum esse vltimum terminatiuum. Quam probo, ex continuis permanentibus, in quibus communis sententia Philosophorum, & Mathematicorum ponit duo extrema indiuisibilia pro terminis præter continuatiua, quæ sunt in

sunt in medio, vt in linea duo puncta, & in superficie duas lineas: ergo in motu ponendum est vnum ex parte finis, quia ex parte principij nullum habet indiuisibile. Probatur consequentia ex similitudine omnium, & ex Aristotele 6. libro Phys. text. 45. & 49. vbi expressè docet in motu non dari primum indiuisibile, sed vltimum tantum præter infinita continuatiua partium eius. Hoc autem indiuisibile terminatiuum distinctum est à continuatiuis, non solum secundum entitatem, sed etiam secundum speciem, vel rationem formalem. Quod sic probo. Terminare, & continuare sunt distincta officia indiuisibilium, quorum vtrumque non potest eidem conuenire; ergo distinguuntur cōtinuatiua à terminatiuis ratione formali. Probatur antecedens, quia indiuisibilia hæc sunt modi partium, vt supponimus, sed de ratione intrinseca modi est, actū modificare, & inseparabilem esse à re, quam naturaliter modificat: ergo de ratione indiuisibilis continuatiui est esse modum vnionis actū copulantem vnā partem cum altera; & de ratione intrinseca terminatiui est esse actūalem terminum non vnien-
s, sed solum finiens rem, cuius est: ergo neque terminans potest continuare, alioqui separaretur realiter à re, quam continuare potest, cum eam actū non continuet, neque etiam continuans potest terminare simpliciter, quia terminare simpliciter non est esse modum vnionis, quod est ratio intrinseca continuatiui. Dixi autem continuatiuum non posse terminare
simpliciter, hoc est non posse esse extremum totius continui, quia secundum quid terminare potest, hoc est partem præcedentem, cuius finis est, & simul eam coniungere cum sequenti, vt docuit expressè Aristoteles, & nos probauimus: hoc tamen ideo est, quia in officio continuandi includitur officium terminandi partem præcedentem, quod solum est terminare secundum quid: sed ab officio terminandi simpliciter omnino diuersum est officium continuandi: & ideo repugnat in eodem indiuisibili realiter coincidere.

Sed contra has duas conclusiones est argumentum satis difficile; quia subsistentia ex communi sententia omnium est modus naturæ; & nihilominus terminans propriam naturam actū potest terminare alienam, vt videmus in Christo, in quo vnica subsistentia verbi terminauit naturam diuinam ab æterno, humanam verò, non nisi in tempore; & probabile est, posse subsistentiam creatam terminare alienam naturam per potentiam Dei absolutam: ergo datur modus, qui vnum officium exercet actū, & aliud potest exercere in potentia & ideo realiter separari potest à re, quam modificat: nam si subsistentia

creata terminaret alienam naturam, posset etiam illam dimittere, & solum terminare propriam. Respondetur tamen concessio antecedenti, quod subsistentia sit modus suæ naturæ, cui per se vnitur, à qua non potest separari, sed negando quod respectu alienæ sit modus, nam licet posset ei vniri, eamque terminare, sed non potest ei vniri per se immediate, sed per alium modum vnionis, quem ponunt communiter Theologi in vnione Verbi diuini cum humanitate, & ponendus esset in vnione naturæ creaturæ ad suppositum creatum; & huius ratio est natura, & essentia modi consistens in actuali modificatione. Itaque subsistentia in his casibus esset modus, & res diuersa ratione, aut respectu diuersorum, respectu quidem propriæ naturæ, cui per se vnitur, & quam inseparabiliter terminat, motus: respectu vero alienæ, res, cui per alium modum vnionis vnitur, & quam separabiliter terminat. Daturque exemplum in linea, & superficie, quæ respectu suarum dimensionum sunt res, & veræ species quantitatis distinctæ inter sese, & à corpore; sed respectu alterius sunt modi vnionis, & indiuisibilia, per quæ copulantur partes, vt linea in quantum indiuisibilis est modus vnionis, per quem continuantur partes superficiæ, & superficies modus vnionis, per quem copulantur partes corporis: has autem duas rationes modi, & rei in eodem indiuisibili motus concurrere repugnat, sicut repugnat concurrere in puncto, & hæc repugnantia prouenit ex officiis naturalibus eorum, quia cum sint purè indiuisibilia, sicut punctum, & modi vnionis partium non possunt habere officium terminandi in potentia, nec indiuisibile terminatiuum potest continuare, quia ex propria ratione repugnant in eodem duo hæc officia, vt ex propriis rationibus satis est manifestum.

Vltima conclusio, indiuisibilia motus intensionis, & cuiuscumque alterius non producantur per partes motus, sed sunt mutationes quædam instantaneæ procedentes ab eodem agente à quo est motus in instantibus temporis mensurantis motum, & per illas producantur in eisdem instantibus indiuisibilia termini. Probat, quia si indiuisibilia motus producantur per partes motus, per easdem producantur indiuisibilia termini, sed partes motus sunt in partibus temporis, & non in instantibus: ergo in instantibus temporis nihil omnino motus aut termini producit. Et ex hoc sequitur, indiuisibilia motus nihil esse reale, sed solam denominationem extrinsecam. Probat consequentia, quia indiuisibile motus est mutatum esse, sed mutatum esse est in instanti, & non in tempore: (vt per se est manifestum) ergo indiuisibilia motus sunt in instantibus temporis,

poris, tanquam in propria, & adæquata mensura; quare si in instantibus temporis nihil producitur, nec ulla actio, vel motus datur, nihil reale in eis erit pertinens ad motum, sed solum dicetur in eis, mobile mutatum per extrinsecam denominationem à parte motus facta, & ita nihil reale erunt indiuisibilia motus, sed sola denominatio extrinseca. Secundo, si indiuisibilia motus, & termini producuntur in tempore cum partibus motus, & termini, sequitur partes motus non alio modo continuari, nisi per immediatam successionem, quod tanquam improbabile reiecit supra. Probatur consequentia, nam si cum parte motus producitur continuatiuum eius: ergo in tempore erit, sicut pars ipsa motus; unde sequitur, quod sicut in instanti sequenti post partem temporis, in qua est pars motus cum suo continuatiuo, iam non est eadem pars motus, sed desinit esse per primum non esse, ita nec erit continuatiuum eius, quod cum ea desinere necesse est, sicut fuit cum ea productum; sed nec est pars sequens motus in eodem instanti temporis, neque aliquid eius: ergo neutra pars, neque aliquid earum, quod sit principium vnius, & finis alterius est in eodem instanti, quare in eo non poterunt per aliquid reale ad eas pertinens, vel eas attingens continuari, sed solum dicentur continuæ per immediatam successionem. Et ex his inferitur veritas nostræ conclusionis, quod cum indiuisibilia motus sint realia, & in instantibus temporis sint tanquam in propria mensura, & non in tempore, necesse sit ponere; quod sint mutationes instantaneæ, per quas partes motus continuantur, & indiuisibilia termini producuntur, sicut partes eiusdem termini producuntur per partes motus. Quod vero mutationes istæ instantaneæ sint actu infinitæ per totam successionem motus fluentes, non est inconueniens, cum sint modi quidam imperfectissimi, sicut indiuisibilia ipsa termini per eas producta; & sicut instantia temporis, puncta, lineæ, & superficies, quibus continuantur, & terminantur partes corporis, in quibus omnibus nullum est inconueniens dari actu infinitum, sicut nec in partibus proportionalibus eorundem continuorum, nam incompletæ quædam entitates sunt, ex quibus fit vna entitas numerica, atque completa motus.

Restat soluere argumenta aliarum opinionum. Et ad argumentum primæ distinguenda est minor de existentia partium motus, sicut de existentia partium temporis; nam existentia duplex est permanens, & successiua, sicut etiam essentia vna est permanens, alia successiua, & existentia partium motus, & temporis non est permanens, sed successiua, vel fluens,

Dum ergo dicitur in instanti non esse partes motus, nec temporis, concedendum est tunc non habere esse permanentes, sicut habent homo, vel equus; sed nec habere existentiam fluentem adæquatè, quia successio non potest esse adæquatè in instanti; habent tamen inadæquatè existentiam in instanti, in quantum instans est finis, vel terminus immediatus partis præcedentis, & principium immediatum partis sequentis. Et hoc sufficit ut utramque attingat actu, & realiter, non quidem contactu, vel attingentia permanenti, sed fluente; quia medio instanti coniunguntur, & efficiunt vnum continuum successiuum, & adæquatè fluens, habensque proinde existentiam, atque præsentiam actualem fluentem. Quod in flumine constat euidenti experientia, nam si iuxta illud permaneat homo, euidens est totam aquam transactam ab eo puncto, quo cæpit esse in eo loco, fuisse ei præsentem, & tamen nulla pars fuit illi præsens præsentia permanenti, cum nulla iuxta eum permanserit; sed per continuum fluxum omnes transierunt. Fuerunt igitur ei præsentem omnes præsentia fluente, aut successiva, & ita de motu, & tempore sentiendum, cuius partes attingunt indiuisibilia tactu fluente, in quantum quodlibet eorum est immediatus terminus præcedentis, & immediatum principium sequentis.

Ad primum argumentum secundæ opinionis concedendum est antecedens cum prima consequentia, quod non producat pars motus, nisi suo indiuisibili terminata; sed neganda est secunda consequentia, quod dentur indiuisibilia terminatiua in medio motus distincta à continuatiuis, quia quodlibet continuatiuum sufficienter terminat partem præcedentem motus, cum sit finis eius, & principium partis sequentis, ideo superfluum indiuisibilia terminatiua diuersa à continuatiuis, & propterea non sunt ponenda. Consequenter etiam negandum est, quod per partes motus producantur indiuisibilia motus, sed sunt mutationes instantaneæ succedentes partibus motus; quia si per partes motus producerentur, nihil remaneret producendum in instantibus temporis, in quibus cum sint mutata esse motus tanquam in propria mensura, sequeretur nihil esse mutata esse motus, sed solam denominationem extrinsecam à parte motus præcedente, quod est falsum.

- 119 Ad secundum distinguendum est antecedens, quod terminare, & continuare partes motus sint diuersa officia, nam terminare dupliciter sumitur, simpliciter, & secundum quid. Simpliciter sumitur pro eo quod est, esse ultimum, in quod res finitur, vel definit, ita ut alterius non transeat, ut extremum punctum, vel ultimus terminus ultra quem non transit motus, dicuntur

dicuntur termini simpliciter, sed terminare secundum quid est esse finem partis præcedentis, ultra quem non transit, sequitur tamen alia pars immediate, cuius ille idem finis partis præcedentis initium est, ut punctum quodlibet in medio lineæ, & instans temporis dicuntur termini secundum quid, quia non terminant totam lineam, vel totum tempus, sed partem tantum præcedentem. Esse igitur terminum simpliciter, & continuatium officia sunt specie diversa. Et ideo indivisibile terminatium simpliciter, & continuatium distinguuntur specie; terminare vero secundum quid non distinguitur ab officio continuandi, sed in eo includitur essentialiter tanquam pars, vel aliquid eius, nam continuare dicit esse modum unionis duorum, ita ut unus sit finis, & alterius principium. Unde sequitur omne indivisibile continuatium ex propria ratione esse terminatium, non simpliciter, sed secundum quid. Secundo sequitur indivisibilia terminatua totius motus, & continuatua partium eius distingui non solum ex natura rei, sed specie; terminatua vero secundum quid, hoc est præcedentis partis coincidere omnino cum continuatuis. Et cum unum sit tantum indivisibile terminatium totius motus, & duo tantum terminatua continuorum permanentium, hæc solum multiplicanda sunt præter continuatua.

Ad argumentum tertiæ opinionis concedenda est maior, quod non sunt plura multiplicanda, quando pauciora sufficiunt. Sed minor neganda, quod indivisibilia continuatua sufficiant ad motum. Et cum dicitur, quodlibet continuatium posse esse terminatium totius motus si in eo sistat mobile, negandum est; quia eo ipso, quod indivisibile continuat, debet esse modus unionis duarum partium, nempe principium sequentis, & finis præcedentis, quod non habebit si in eo sistat motus, & ideo necesse est, dum mobile sistit, loco indivisibilis continuatui, quod daretur, si continuaretur motus, dari aliud indivisibile terminatium, quod est mutatio instantanea specie distincta ab aliis, quæ ponuntur in medio motus, ratione diversæ officij. Ut autem detur hoc indivisibile terminatium, numquam est necessarium corrumpi continuatium, nisi dum diuiditur continuum permanens, quia dum sistit mobile, non sequitur alia pars motus, & ideo nec præcedens cum ea unitur: ergo non datur modus unionis pro ea unienda cum sequenti, sed indivisibile terminans totum motum sequitur partem motus præcedentem productum non per partem motus præcedentem, sed quod sit mutatio instantanea eidem parti motus succedens in instanti terminatio temporis.

130. Notandum denique est doctrinam à nobis traditam in hac quaestione de indiuisibilibus in tribus esse diuersam ab his, quæ de eisdem indiuisibilibus diximus in 6. lib. Phys. ubi primo dictum est eadem esse indiuisibilia terminatiua, & continuatiua. Secundo, omne indiuisibile continuatiuum posse esse terminetiuum. Tertiò, omnia produci per partes motus præcedentes, & non per mutationes instantaneas. Nunc verò (re melius considerata) dicimus non esse eadem indiuisibilia continuatiua, & terminatiua totius motus, sed diuersa, atque specie distincta. Secundo, nullum continuatiuum esse posse terminatiuum simpliciter. Tertiò, omnia indiuisibilia motus esse mutationes instantaneas, & nullum indiuisibile termini produci per partes motus, sed per tales mutationes instantaneas produci indiuisibilia termini eiusdem motus; per hæc igitur corrigi debent, quæ eo loco scripta à nobis sunt.

QVÆSTIO IIII.

An intensio semper, & necessariò sit continua?

131. PRIUS quàm diuersas sententias proponamus, explicanda sunt diuersa indiuisibilia continuatiua necessariò ponenda in motu alterationis, atque in termino per eam producto, qui est qualitas corporea habens partes, vel gradus intensiōis, & extensionis, sicut per motum intensiōis, & extensionis producibilis est cum expulsiōe contrarij. Indiuisibilia autem motus, per indiuisibilia termini explicanda, atque intelligenda sunt. Qualitas igitur in subiecto producta habet partes extensionis, & cum sit vna numero extensa per totum subiectum, debet esse continua secundum extensionem, quia vnum numero, & vnum continuum idem sunt. Ideo debet habere continuatiua suæ extensionis, quæ sint indiuisibilia secundum extensionē, quia continuatiuum extensionis extensione carere debet. Hæc autem indiuisibilia continuatiua extensionis recipiuntur in indiuisibilibus continuatiuis quantitatis, in qua proximè extenditur qualitas, vt in punctis; sed hæc eadē indiuisibilia qualitatis continuantia extensionē eius in subiecto, intensiōem possunt suscipere, quia sicut ipsamet qualitas extensa potest intendi, hoc est perfici in eisdem partibus subiecti; ita indiuisibilia extensionis eius possunt secundū gradus intensiōis perfici circa eadē indiuisibilia quantitatis, in quibus inharēt. Et sicut intensio partium qualitatis successiuæ, atque continuæ, ita intensio eorundem indiuisi

indiuifibilem ad eundē motū continuū pertinens debet eſſe ſucceſſiua, atque continua; ita ut in eodem tempore in quo intenduntur partes extensionis qualitatis inhærentes in partibus ſubiecti, intendantur indiuifibilia eius inhærentia in punctis eiufdem ſubiecti: itaque hæc indiuifibilia extensionis habent latitudinem gradualem intenſionis, quam necelle eſt eſſe continuam & indiuifibilem in hoc genere; & ideo propria indiuifibilia habere, quibus continuatur. Et hæc indiuifibilia extensione carent, quia ſunt continuatiua intenſionis rei inextenſæ, hoc eſt illius indiuifibilis, quod continuat extensionē partium, carent quoque intenſione, quia ſunt continuatiua intenſionis eiufdem; Et propterea vocari poſſunt indiuifibilia omnino, quia partibus omnino carent, hoc eſt tam extensionis, quam intenſionis; & recipiuntur in eiſdē indiuifibilibus ſubiecti, ut in punctis, quia circa ſedem ſubiectū perficiuntur indiuifibilia qualitatis, ſicut partes extensionis eiufdem qualitatis, quas continuant, perficiuntur circa eaſdem partes ſubiecti. Præter hæc duo genera indiuifibilium, quæ recipiuntur in indiuifibilibus ſubiecti, ut in punctis, necelle eſt ponere alia, quæ ſint continuatiua intenſionis, quam habet partes eiufdem qualitatis extenſæ per partes ſubiecti; cum notum ſit partes caloris ut vnum extenſas per omnes partes ſubiecti, perfici poſſe in eiſdem partibus ſubiecti, ita ut ſint intenſæ ut duo, ut tria, vel ut quatuor. Et de hac
 132
 intenſione partium qualitatis certum eſt ſucceſſiue, atque continue fieri; quare ſua indiuifibilia habere debet, per quæ continuatur; & eiufmodi ſunt illa, quæ vocantur gradus intenſionis, ut calorem in his partibus eſſe ut vnum, velut dimidium, aut ut tertiam partem vnius gradus; & ſic de cæteris partibus minoribus eiufdem gradus, atque etiam de aliis gradibus ſuperioribus cum ſuis partibus, ut de calore ut duo, ut tria, vel ut quatuor. Et hæc dicuntur indiuifibilia intenſionis continuantia intenſionem partium qualitatis, quas habet in diuerſis partibus ſubiecti, & ideo intenſione carent eadem indiuifibilia, quia quod intenſionem continuat, intenſione carere debet; cum ſit ſub tali ratione intenſionis indiuifibile. Sunt tamen diuiſibilia ſecundum extensionem, quia calor ut vnū per totam manū extenditur, & ſimiliter calor ut duo, & ut tria, atque etiā ut dimidium, vel ut tertia pars, aut quarta vnius gradus, & ideo ſicut caret partibus intenſionis, quia eſſe ut vnū, vel ut duo conſiſtit in indiuifibili, ita habent partes extensionis; cum idem gradus intenſionis in hoc genere indiuifibilis ſit extenſus per partes ſubiecti, & propterea vocantur indiuifibilia intenſionis tantum, per quæ continuatur intenſio partiū qualitatis extenſæ per partes ſubiecti,

sed diuisibilia secundum extensionem. Vnde sequitur in subiecto diuisibili recipi, nempe in eisdem partibus subiecti, per quas extenduntur. Et cum extensio horum sit continua per easdem partes subiecti, indiget suis continuatiuis, quæ sint indiuisibilia utroque modo, nempe secundum extensionem, & inextensionem simul; & sint in eisdem indiuisibilibus subiecti, non tamen sunt alia distincta ab illis, quos posuimus pro continuatione inextensionis indiuisibilium extensionis, ut inferius ostendemus. Vnde sequitur tria genera indiuisibilium esse ponenda; & non plura: primum genus est indiuisibilium extensionis pro continuanda extensione partium intensarum qualitatis. Secundum, indiuisibilium, tam inextensionis, quam extensionis pro continuanda inextensione indiuisibilium primi generis. Hæc duo genera indiuisibilium debent esse in subiecto indiuisibili, hoc est in indiuisibilibus subiecti. Tertium genus est indiuisibilium inextensionis tantum pro continuanda inextensione partium eiusdem qualitatis, diuisibilia vero secundum extensionem, & ideo debent esse in subiecto diuisibili, nempe in partibus eiusdem subiecti, in quibus extenduntur. Præter ea vero non est aliud genus indiuisibilium multiplicandum, quia non restat aliud officium continuandi in inextensione, & extensione partium, & indiuisibilium qualitatis, ad quod sit necessarium, ut consideranti erit manifestum.

133

His suppositis prima opinio recentiorum distinguit duplicem inextensionem qualitatis; unam, quæ conuenit indiuisibilibus extensionis existentibus in partibus subiecti, & cōtinuantibus extensionem partium qualitatis in partibus subiecti factā, & aliam, quæ conuenit partibus eiusdem qualitatis extensis ad partes subiecti, quam simpliciter vocamus motū inextensionis; & de inextensione indiuisibilium dicunt semper, & necessario esse cōtinuam. De inextensione vero partium distinguendum esse; nam vel hæc sit simul cum extensione earundem partium qualitatis, vel sit sine illa; & si primo modo fiat, asserunt non esse continuā, bene tamen si fiat sine extensione. Quod probant primo, quia ut motus sit continuus debet habere cōtinuatiuā, quibus pars posterior continuetur cū priori, & continuatiua hæc debent esse indiuisibilia sub tali ratione, qua continuant partes, & per ea debent produci indiuisibilia cōtinuatiuā partium termini, sicut partes eiusdem termini producuntur per partes motus: ergo sicut partes motus producuntur successiuæ, & ita in tempore, ita indiuisibilia debent produci simul; & ideo in instanti, ut sic in instantibus temporis continuantibus tempus sint mutata esse motus cōtinuantia motū, sed inextensio partium qualitatis simul facta cū extensione eā non habet, nec habere potest in partibus subiecti: ergo non est motus
conti

continuu. Probatur minor: quia indiuisibilia intensiōis partiū sunt diuisibilia secundū extensionē, vt probatum est supra: ergo dum intensio, & extēsiō partiū qualitatis simul sūt, simul etiam sūt eadē indiuisibilia intensiōis, & simul ac sūt, extēduntur per partes subiecti, in quibus recipiūtur tāquā in subiectis: hæc autem extēsiō indiuisibiliū fit successiue, & in tēpore, cū fiat per partes subiecti extēnsas: ergo indiuisibilia ipsa simul facta, & extēsa successiue fient, & non in instanti. Ex quibus euidenter sequitur nihil posse fieri in instantibus tēporis mensurātis intensiōē partium qualitatis; & ideo in eisdē instantibus nihil esse per quod partes eiusdē intensiōis cōtinuētur, sed per omnia instātia tēporis hanc alterationē intensiūā interrūpi: quare non posse esse continuā, nisi fiat sine extensione: tunc enim indiuisibilia intensiōis non recipientur in partibus subiecti, sed in indiuisibilibus eiusdem, nec habebunt extensionem ratione cuius successiue fieri debeant.

Secundo probatur, quia hæc indiuisibilia intensiōis produ- 134 cuntur in partibus subiecti cum expulsiōe contrarij, hoc est cum expulsiōe indiuisibilis oppositæ qualitatis existentis in eisdem partibus subiecti; sed productio vnus cum expulsiōe alterius contrarij ab eodem subiecto non potest fieri in instanti, sed successiue, & in tēpore, vt patet in productione eiusdem qualitatis secundum suas partes: ergo repugnat hæc indiuisibilia in instantibus produci.

Hæc sententia duo asserit falsa. Primum est, quod intensio qualitatis possit fieri sine extensione (loquitur enim de intensiōe quæ est motus Physicus, & per quem acquiritur qualitas corporea, nam intensio spiritalis qualitatis non pertinet ad Philosophū naturalē.) Probatur autē hoc esse falsum, quia qualitas corporea est accidens corporeū inhærens substantiæ media quantitate, ergo non potest naturaliter recipi, nisi in subiecto extēso: sed intendi est perfici in eodem subiecto, vel in eadem parte eius: ergo naturaliter repugnat intēdi sine extēsiōe. Probatur cōsequētia, quia perfici in eodē subiecto, vel in eadē parte eius, est perfici cū extēsiōe. Secūdo, quia alteratio, per quā producitur qualitas corporea, vel sumitur pro prima productione eius, per quā mouetur subiectū immediatē ab vna qualitate cōtraria in alterā, vt à frigore in calorem, vel pro sola intensiōe eiusdē qualitatis prius productæ: vt si calor vt vnū prius existēs in ligno intēdatur vsq; ad calorem vt duos: sed quocūq; ex his modis fiat, necesse est extēsiōē simul reperiri cū intensiōe: ergo nō est possibile naturaliter separari intensiōē ab extensione. Probatur minor, quia dū incipit produci, in subiecto extēso incipit produci

producitur ergo simul incipit intendi, atque extendi. Probatur consequentia, quia simul incipit intendi in subiecto extenso: ergo simul intendi, atque extendi. Quod non minus euidenter probatur in posteriori modo intensionis; nam si calor ut vnum olim productus in ligno, vel parte eius hoc tempore intendatur, non est aliud intendi, quam perfici circa idem lignum, vel eandem partem eius usque ad secundum gradum, sed lignum, vel pars eius, circa quam perficitur, est extensa: ergo non potest perfici in ea sine extensione. Probatur consequentia, quia intendi in subiecto extenso idem est, ac intendi, & extendi simul, ut per se est manifestum.

Secundum, quod asserit eadem sententia est, intensionem simul cum extensione factam, non esse continuam; bene tamen dum fit sine illa. Hoc autem probatur falsum, primo ex falsitate primi, nam si repugnat naturaliter fieri intensionem sine extensione, ut probauimus; non habet locum talis distinctio. Secundo, quia ex eodem sequitur aduersus hos auctores nunquam esse intensionem continuam: immo naturaliter repugnare, quod continua sit. Probatur consequentia, quia intensio simul facta cum extensione, non potest esse continua apud eos sed probatum est, semper & necessario fieri simul: ergo conuincuntur concedere, quod semper, & necessario sit discontinua.

- 135 Solum restat argumento eorum respondere, quod licet magnam habeat apparentiam, satis bene solui potest. Pro solutione autem eius explicari debet modus, quo intenditur, & extenditur simul qualitas in eodem subiecto, vel parte eius hoc modo, dum intenditur qualitas in subiecto, hæc omnia sunt necessario, atque etiam simul, hoc est in eodem tempore, in quo fit motus intensionis: producitur quidem gradus aliquis qualitatis circa subiectum, vel partem eius habens latitudinem gradualem diuisibilem in infinitum, & ideo infinitas partes proportionales, graduales, & infinita indiuisibilia intensionis, per quæ continuantur. In toto igitur tempore, quo durat intensio vnius gradus, producitur tota latitudo gradualis eius, & in singulis partibus proportionalibus eiusdem temporis produciuntur singulæ partes proportionales eius, & in singulis partibus aliquoties, singulæ etiam partes aliquoties, quamuis non eiusdem mensuræ, quia motus non semper est vniformis, sed velocior aliquando in vna parte temporis, quam in alia, & ideo in minori parte temporis solet produci maior pars intensionis. In eodem etiam tempore, quo producitur vnus gradus intensionis, producitur in aliqua parte subiecti circa quam fit intensio, quamuis vniformiter difformiter secundum maiorem, vel minorem

norem approximationem partium eius respectu agentis, ut alibi explicatum est, & hæc est extensio eiusdem qualitatis necessario simul facta cum intensione, & ideo in eodem tempore. In instantibus vero eiusdem temporis verum est mobile peruenisse ad tantam, vel tantam intensiorem eiusdem qualitatis, atque etiam eandem intensiorem ad tantam quantitatem subiecti extensam esse: & cum tanta intensio consistat in indiuisibili, atque etiam tanta extensio, & ad illas sic peruentum in instanti, à quo eodem instanti necesse est incipere productionem alterius partis gradualis intensiorem, atque etiam extensionem eiusdem partis intensiorem ad eandem partem subiecti, necesse est in eisdem instantibus temporis produci indiuisibilia intensiorem in tota illa parte subiecti, in qua verum est productam esse tantam intensiorem, quia neque qualitas dicitur tanta secundum intensiorem, nisi sit terminata per indiuisibile intensiorem, neque motus intensiorem tantus, nisi sit terminatus per mutatum esse indiuisibile: necesse est etiam in eisdem instantibus temporis terminatam esse tantam extensionem motus per indiuisibile extensionis eiusdem qualitatis productum in indiuisibilibus subiecti, ut in punctis: itaque sicut verum est in eodem tempore extendi qualitatem, atque adeo in partibus eius, in quas est diuisibile: & sicut verum est in instantibus eiusdem temporis produci indiuisibilia intensiorem, quia verum est ad tantam intensiorem peruenire mobile in instanti, & ideo in eodem instanti produci indiuisibile intensiorem continuatiuum, ratione cuius verum est, tantam esse intensiorem productam; ita in eisdem instantibus verum est productum esse idemmet indiuisibile intensiorem in parte illa, in qua fit intensio. In eodem etiam tempore intensiorem, & extensionis qualitatis in parte subiecti, verum est illa indiuisibilia extensionis producta in indiuisibilibus subiecti, quibus continuatur extensio partium qualitatis, intendi in eisdem indiuisibilibus subiecti. Quod probatur hac ratione. Hæc indiuisibilia continuant extensionem partium qualitatis simul intensarum: ergo necesse est ipsa quoque habere propriam intensiorem. Probatur consequentia, 136 quia cum indiuisibilia, siue modi sint partium, quas continuant, & ideo per se immediatè eis vniantur; siue sint res vnitæ partibus per suos modos, certum est esse continuatiua partium, hoc est vnitiua earum; sed non possunt eas vnire, nisi habeant suo modo eandem perfectionem, quam habent partes ipsæ, ut indiuisibile caloris non potest esse continuatiuum partium intensiorem eiusdem gradus, nisi eandem cum ipsis habeat intensiorem gradualem: ergo necesse est indiuisibilia extensionis partium

partium intensarum posse habere suo modo intensiōem circa idem subiectum indiuisibile, sicut partes, quas continuant, habent eam circa easdem partes subiecti, in quibus extenduntur. Supposito autem, quod intensibilia sint, necesse est in eodem tempore intendi, quo intenduntur partes quas cōtinuant, cum constituant eandem numero qualitatem cum illis tunc intensam, & extensam. Vnde sequitur habere alia indiuisibilia, quibus continuetur intensio propria, quæ vocantur omnino indiuisibilia, hoc est tam secundum intensiōem, quàm secundum extensionem. Et hæc etiam produci in instantibus eiusdem temporis.

Ex hac doctrina non est difficile respondere argumentis, & ad primum respondent aliqui intensiōem partium qualitatis per motum factam continuari per illa indiuisibilia omnino, quæ ponuntur in indiuisibilibus subiecti pro continuanda intensiōe indiuisibilium extensionis continuantium extensionem earundem partium qualitatis. Nam intensio debet continuari per indiuisibilia secundum intensiōem; sed hæc indiuisibilia sunt talia secundum intensiōem, & ex alia parte sunt indiuisibilia intensiōis eorundem indiuisibilium extensionis, à quibus continuatur extensio earundem partium qualitatis: ergo apta sunt ad continuandam intensiōem earundem partium. Hæc tamen solutio non potest esse vera, neque sufficiens: Probo primum, quia intensio partium qualitatis, & intensio indiuisibilium eius sunt distinctæ realiter: ergo habent partes distinctas realiter, & indiuisibilia continuatiua distincta realiter. Quare non possunt indiuisibilia intensiōis indiuisibilis continuatiui continuare intensiōem partium: sed sicut distinguuntur partes intensiōis à partibus etiam intensiōis, necessario debent distinguì realiter continuatiua vnius intensiōis à continuatiuis alterius. Probatur antecedens quia partes qualitatis, & indiuisibilia earum sunt in subiectis distinctis realiter, partes quidem in partibus subiecti, & indiuisibilia in indiuisibilibus: ergo distinguuntur realiter: quia indiuisibilia continuantia intensiōem partium qualitatis debent esse in partibus subiecti, sed illa indiuisibilia secundum extensionem, & intensiōem non sunt in partibus, sed in indiuisibilibus eiusdem subiecti, vt probauimus: ergo non possunt continuare intensiōem partium. Probatur antecedens, quia calor vt vnum, atq; etiam vt dimidium, sicque de cæteris, quæ sunt indiuisibilia intensiōis partium, extensa sunt per partes subiecti, vt per se est manifestum: ergo in eis debent esse tāquam in subiecto. Quod vero sit insufficiens, probo; quia non assignat

assignat immediatum continuatiuū intensionis partium qualitatis: ergo nō erit talis intensio per se immediatē cōtinuatiua, quod est falsum. Probatur antecedēs, quia illa indiuisibilia omnino per se immediatē continuant intensionem indiuisibilis: ergo non possunt per se immediatē continuare intensionem partium distinctam realiter.

Respondeo igitur argumento ex doctrina tradita; indiuisibilia partium intensionis, vt gradus, dimidius gradus, vel tertia pars, sicque de ceteris, continuare intensionem partium. Et cū dicitur: hæc indiuisibilia recipi in partibus, & in eis extendi, concedendum est: sed negandum, quod ex eo colligitur, nempe in tempore produci, & non in instantibus. Nam licet latitudo gradualis inter quacumque indiuisibilia producat in tempore, & in eodem tempore extendatur in subiecto diuisibili, sed in instanti verum est de ea, & qualibet eius parte esse primò productam, quia esse primò productum aliquid in indiuisibili consistit, & simul esse dicitur; & cum habeat esse productū quælibet pars gradualis intensionis uon per solam denominationem extrinsecam, sed per verum, & reale indiuisibile, quod est finis eius, & principium partis sequentis, & ideo continuatiuum vtriusque fit, vt in instantibus producantur indiuisibilia continuantia intensionis partium, & cū intensio eadem partis qualitatis fiat in parte subiecti, verum est in eisdem instantibus, in quibus primò producta est quælibet pars gradualis intensionis productum esse in eadē parte subiecti indiuisibile, quod est finis eius, & principium alterius, & consequenter est verum productum esse in eodem instanti in eadem parte subiecti indiuisibile continuatiuum partium intensionis.

Ad secundum respondeo indiuisibilia intensionis contrariarum qualitarum produci quidem per proprias mutationes instantaneas, quæ sunt indiuisibilia continuatiua motus intensionis: corrumpi vero in tempore simul cum partibus suæ qualitatis corruptis per partes motus, & ideo non esse necessariam successionē in productione contrariorū indiuisibilium propter eorum corruptionem, sed simul, & in instantibus produci posse. Vel secundo dici posset indiuisibilia contrariarū qualitarum, suo modo esse contraria, sed non cum latitudine requisita ad successiuam expulsionem: sed sicut habet esse indiuisibile, posse etiam in instanti indiuisibili se corrumpere, vel expellere ab eodem subiecto. Latitudo vero extensionis eorum non impedit simultaneam corruptionē, quia sicut in instantibus producantur in partibus diuisibilibus subiecti, vt probauimus; sic possunt in eisdē instantibus expelli ab oppositis indiuisibilibus in eisdem

instant

instantibus productis circa idem subiectum diuisibile.

138

Sed restat explicandū à quibusdam indiuisibilibus continuetur extensio horum indiuisibilium intensiōis partium qualitatis per partes subiecti; cum enim successiue extendatur quilibet gradus indiuisibilis intensiōis per partem subiecti, in qua fit intensio eius, & extensio hæc sit continua, necesse est assignare indiuisibilia, quibus talis extensio continuetur, sicut assignata sunt pro continuatione extensionis partium. Et videtur, quod per eademmet indiuisibilia extensionis, per quæ continuatur extensio partium qualitatis, continuetur extensio indiuisibilium intensiōis earundem partium. Quod sic probari potest: extensio partium intensarum, & extensio indiuisibilium intensiōis earum fit per easdē partes subiecti: ergo per eadem indiuisibilia extensionis in indiuisibilibus subiecti producta pro continuatione extensionis partium intensarum poterit continuari extensio indiuisibilium intensiōis earum, & non oportebit quærere alia; præsertim cum continuatiua vtriusque extensionis debeant recipi in eisdem indiuisibilibus subiecti. Hoc tamen non potest esse verum, quod sic probo. Continuatiua extensionis rei indiuisibilis secundum intensiōem, aut rei intensæ (vt vno verbo loqui liceat) debent esse indiuisibilia vtroque modo, sicut indiuisibilia continuatiua intensiōis indiuisibilium extensionis debent esse vtroque modo indiuisibilia, vt per se est manifestum, & superius explicatum; sed indiuisibilia continuatiua extensionis partium intensarum sunt indiuisibilia intensiōis, & ideo res intensæ: ergo extensio earum non potest continuari per indiuisibilia extensionis tantum, & diuisibilia secundum intensiōem, sed per indiuisibilia vtroque modo, vel indiuisibilia omnino. Et ita dicendum est extensionem horum indiuisibilium continuantium intensiōem partium, continuari per illa eadem indiuisibilia, quibus continuatur intensio indiuisibilium extensionis, hæc enim sunt omnino indiuisibilia, & in eisdem instantibus temporis producta, quibus continuatur tempus, in quo fit extensio successiua eorum, vt ostendimus, & in eodem instanti, atque, in eisdem indiuisibilibus subiecti producta, & ideo possunt continuare extensionem indiuisibilium partium intensarum; quod non habent indiuisibilia extensionis, quibus continuatur extensio earundem partium intensarum, quia sunt diuisibilia secundum intensiōem.

QVÆSTIO V.

*An intensio qualitatís fiat per additionem unius gradus
ad alterum, vel per maiorem radicationem
eius in subiecto?*

Supposito, quod alteratio tam secundum extensionem qua- 139
liratis ad diuersas partes subiecti, quam secundum inten-
sionem circa eandem partem sit motus continuus, explican-
dum est, quonam modo qualitas ipsa per eam producarur in
subiecto; & de extensione certum est fieri per productionem
noui gradus, vel partis eiusdem qualitatís circa diuersas partes
subiecti, quia alia pars caloris producit in manu (dum ca-
lescit homo) distincta realiter ab ea, quæ producit in bra-
chio, & pede: ideo certum est quod non solum fiat extensio
per maiorem radicationem extensiuam, sed etiam per additio-
nem noui gradus, aut nouæ partis eiusdem qualitatís, quæ
educitur de potentia partis subiecti, ad quam dicitur qualitas
extendi. Solum ergo potest esse quæstio de intensione, per
quam perficitur qualitas circa eandem partem subiecti, an fiat
per additionem noui gradus, vel nouæ partis eiusdem quali-
tatís, aut solum per hoc, quod ille idem gradus, vel pars,
quæ prius fuit producta, magis radicetur in eadem parte, quod
est querere, an sicut producit per extensionem noua pars,
vel gradus qualitatís, hoc est noua, & distincta entitas realis
partialis eiusdem qualitatís circa nouam partem subiecti de
cuius potentia educitur, ita in intensione producat in
eandem partem noua pars, aut nouus gradus, qui sit noua
entitas realis partialis distincta à gradu, vel parte præexistenti
in eadem parte. Vt dum manus in qua prius fuit productum
aliquid caloris ab igne, iterum calcit, per hanc secundam ca-
lesfactionem, quæ dicitur intensio caloris, producat in ea
noua entitas realis partialis distincta à præexistenti, & edu-
cta de potentia eiusdem manus, vel solum fiat per secundam ca-
lesfactionem, quod eademmet entitas caloris præexistens, &
non alia noua magis radicetur in eadem manu, hoc est, for-
tius, aut firmitus ei inhaereat, quam antea, quod est solum fie-
ri nouum modum eiusdem entitatís, non vero nouam entita-
tem partialem.

Et prima opinio asserit, intensiorem fieri per additionem 140
nouæ partis, & noui gradus qualitatís; ita tamen, vt gradus
superueniens non permaneat cum præexistente, sed illum

corrumpat. Vt dum intenditur calor in manu, qui prius erat remissus, corrumpitur remissus omnino, & educitur intensus de potentia eiusdem partis subiecti, eamque informat. Itaque sic se habent partes, seu gradus qualitatis, quæ producitur per motum intensiōis tanquam terminus eius, sicut partes eiusdem motus, nam motus, & terminus eius debent proportionari; sed constat partes motus intensiōis sic se habere, vt adueniente posteriori desinat esse prior: ergo ita etiam se habebunt partes seu gradus qualitatis per intensiōem productæ. Ita sentit Durand. in 1. distinct. 17. quæst. 7. num. 23. & sequentibus, nam quæst. 25. ubi citatur à recentioribus, nec verbum ferè de hac re scribit.

Probat autem multis argumentis, quorum hæc duo sunt potissima. Primum, omnis motus versatur inter contrarios terminos, & ita per aduentum termini ad quem expellitur à subiecto terminus à quo, vt per aduentum caloris expellitur frigus, sed intensio est verè & propriè motus: ergo terminus ad quem eius, qui est qualitas intensa, expellit terminum à quo, qui est qualitas remissa.

Secundum argumentum: agens intendens formam, vel producit in eadem parte subiecti aliquid formæ distinctum à gradu præexistente, vel non; hoc secundum est falsum, quia si nihil distinctum producit, ergo per intensiōem non variatur forma, sed eodem modo se habet, ac prius, quod est contra experientiam: qualitas igitur intensa, & remissa distinctæ sunt: & constat esse eiusdem speciei, vt calor remissus, & intensus: ergo non possunt simul permanere in eadem parte subiecti, sed intensa expellit necessariò remissam. Probatur consequentia, quia repugnat duas formas eiusdem speciei simul esse in eodem subiecto, vt duos calores, vel duas albedines.

- 141 Hæc tamen sententia falsa est. Quod probò primo ex propria natura intensiōis, nam intensio non est aliud, quàm perfectio eiusdem qualitatis circa eandem partem subiecti, vt intensio qualitatis in manu perfectio eiusdem caloris, qui prius erat imperfectus in eadem manu: perficitur ergo calor præexistens per calorem, vel modum superuenientem eidem parti subiecti per intensiōem: ergo non destruitur, vt asserit Durand. Probatur consequentia, quia id, quod perficit aliud, non destruit illud, sed potius in modo perfectiori essendi constituit, & relinquit. Secundo probatur ex augmentatione, nam si verum esset fundamentum Durandi, quod in omni motu corrumpitur terminus à quo, per aduentum termini ad quem, sequitur ita contingere in augmentatione, quæ verus motus est, quod

quod ramen est contra naturam eius, nam si minor quantitas, quam prius habebat viuens, corrumpitur per aduentum maioris, euidenter sequitur non augeri, vel maius fieri. Probatur consequentia, quia non potest maius fieri, nisi quia quantitati præexistenti coniungitur superueniens, & cum ea permanet: non est ergo necessarium in omni motu corrumpi terminum à quo per terminum ad quem, & ideo nec intensio, ut contendit Durand.

Probatur tandem, quia si in intensio corrumpitur gradus qualitatis remissa adueniente gradu intensiori, dabitur actio sine agente, & effectus sine causa, vel produceretur effectus ab agente contrario, quæ sunt manifestè falsa. Probatur consequentia in reductione aquæ calidæ ad pristinam frigiditatem hoc modo. Calor aquæ non simul, sed successiue, & paulatim deficit, ut euidenti experientia constat; tunc ergo, si vera est sententia Durandi, quod tota qualitas remissa præexistens corrumpitur, sequitur quod etiam in remissione corrumpetur tota qualitas intensa, & produceretur alia remissa; sed in reductione aquæ ad pristinam frigiditatem non est agens, à quo possit produci calor remissus, ut corrumpatur intensus: ergo non sunt intensio, & remissio, ut putauit Durand. Probatur minor, quia recedente igne, non est agens naturale, præter aquam, à qua possit produci calor remissus, ab aqua vero repugnat produci, vel concedendum est produci ab agente contrario.

Secunda opinio tenet intensioem qualitatis fieri, non per productionem alicuius nouæ entitatis pertinentis ad substantiam eius, sed ad existentiam, ita ut corrumpatur existentia qualitatis remissa, tanquam imperfecta, & producatúr alia existentia perfectior in eodem gradu præexistenti omnino immutata secundum essentiam. Hanc sententiam citauit, atque impugnauit Durand. ubi supra, quam tamen sequitur Astudillo 1. lib. de generatione quest. 9. & ratio eius, videtur esse hæc. Qualitatem intendi est perfectius inhaerere subiecto, sed inhaerentia accidentis non est aliud, quam existentia eius in subiecto: ergo intensio eius est perfectior existentia in subiecto adueniente autem perfectiori existentia corrumpitur imperfectior, quia repugnat eandem rem simul existere perfecte, & imperfecte: ergo intensio qualitatis non fit secundum essentiam eius, sed solum secundum existentiam perfectiorem corrupta imperfecta, quam habebat prius qualitas remissa.

Hæc etiam sententia non est minus falsa, quam præcedens, quod sic probo. Siue existentia distinguatur realiter ab essentia, siue sola ratione, hoc est certum, quod essentia habet esse

reale extra causas per illam: ergo repugnat corrupti existentiam, quin eo ipso desinat esse realiter extra causas essentia, quare falsum est, quod intensio fiat per corruptionem existentia qualitatis remissa, salva essentia eiusdem. Secundo, existentia est idem realiter cum essentia, vel si ab ea distinguitur, certum est ab eadem emanare tanquam naturalem terminum; sed repugnat ab eadem essentia præsertim inuariata emanare diuersas existentias, nempe imperfectam, atque perfectam: ergo repugnabit intensionem fieri per corruptionem existentia imperfectioris, & aduentum alterius perfectioris, atque distinctæ, inuariata essentia, vt asserit hæc opinio.

- 143 Tertia igitur sententia docet per intensionem nullum gradum nouum qualitatis, aut nouam partem eius produci, immo nihil prorsus qualitatis, vel entitatis eius, sed præexistentem qualitatem magis radicari in eadem parte subiecti, magis autem radicari nihil aliud esse, quam magis educi de potentia eius, & perfectius ab eo participari, itaque per intensionem nihil nouum acquirit qualitas præexistens, aut illa pars subiecti, in qua inhærebat, nisi modum maioris radicationis, vel perfectioris participationis. Exempli gratia; si calor erat in manu remissus, & intendatur ab igne, intendi non est nouum aliquem calorem, vel aliquam nouam entitatem eius illi aduenire, sed solum, quod antiquus magis radicans sit in eadem manu, magis eductus de potentia eius, fortiusque, aut firmius ei inhæreat. Et hoc est intensionem non fieri per additionem gradus ad gradum, sed per maiorem radicationem in subiecto. Ita Henricus quodlib. 5. quæst. 5. & in summa artic. 66. quæst. 2. Herbeus quodlib. 6. quæst. 11. Ægidius 1. lib. de generatione quæst. 19. & omnes Thomistæ, Senzinas 8. lib. Metaph. quæst. 21. Iauell. quæst. 6. Flandria. quæst. 4. Caiet. & Medina 1. 2. quæst. 5. 2. art. 1. & 2. & 1. 2. qu. 14. art. 4. & 5. Bañez, & Aragon. 2. 2. q. 14. artic. 4. & 5. Sorus capit. de qualitate in prædicam. & 4. lib. Phys. text. 84. & hi omnes asserunt esse sententiam D. Thomæ duobus locis citatis, atque etiam in 1. d. 13. q. 1. & de virtutibus q. 1. artic. 1. in quibus negat expresse intensionem fieri per additionem vnius qualitatis, vel vnius gradus ad alterum, & affirmat per solam maiorem radicationem in eadem parte subiecti fieri.

Probatur testimonio Aristotelis 4. lib. Phys. text. 85. vbi ita ait: *Ex calido fit magis calidum, nullo facto in materia calido, quod non erat calidum, quando minus erat calidum, &c.* Ex quibus hoc argumentum colligitur. Subiectum, quod prius erat calidum, fit magis calidum nullo facto de nouo calido: ergo
nullo

nullo facto de nouo calore; euidens est consequentia à concreto ad suum abstractum; deinde, si nullo facto de nouo calore, ergo per intensionem nihil caloris noui aduenit præexistenti, quod est intensionem non fieri per additionem alicuius gradus, vel partis eiusdem qualitatis ex mente Aristotelis.

Probatur etiam ratione. Primo, quia si qualitas augetur per additionem gradus, vel talis additio sit ei secundum essentiam, vel solum secundum existentiam, hoc secundum est impossibile, quia cum existentia sit idem realiter cum essentia, vel si distinguatur realiter, oriatur ab ea, repugnat intendi qualitatem secundum existentiam, quin etiam intendatur secundum essentiam, ut probauimus contra secundam opinionem: ergo primum est necessarium, quod fiat additio qualitati secundum essentiam, sed hoc est impossibile: ergo impossibile est etiam intensionem fieri per additionem. Probatur minor, quia essentiae rerum consistunt in indiuisibili, sicut numeri, ut docet Aristoteles 4. Metha. text. 10. & ita sicut non potest fieri additio alicuius unitatis, quin varietur species numeri, ita nec essentiae qualitatis aliquid potest addi, quin mutetur, & diuersa fiat: ergo si additio fieret essentiae qualitatis, essentiam qualitas intensa diuersae speciei à remissa, quod patet esse falsum.

Secundo, si intensio sit per additionem vnius gradus ad alterum, vel gradus superueniens distinguitur specie à præexistenti vel solo numero, vtrumque est falsum: ergo etiam est falsum, quod intensio fiat per additionem. Probatur minor, quod non differant specie, quia intensio est vnus motus numero, & specie: ergo non potest terminari ad terminos specie diuersos, præterquam, quod magis, & minus non variat speciem, sed qualitas intensa; & remissa solum differunt secundum magis, & minus in ordine ad subiectum, ut per se est manifestum: ergo non distinguuntur specie: sed nec solo numero quia accidentia, præsertim absoluta, ex quibus est qualitas, distinguuntur numero per subiecta, & ideo non possunt esse duo distincta solo numero in eodem subiecto, sed nouus gradus productus per intensionem est in eadem parte subiecti cum præexistente: ergo non potest distingui ab eo solo numero.

Vltima opinio tenet intensionem fieri per additionem vnius gradus, aut partis ad alterum, ita ut sicut per primam calefactionem, vel per primam partem eius aliquotam sit primus gradus, vel prima entitas caloris, ita per secundam, & tertiam fiat alia pars caloris distincta realiter à prima, & ei unita in eadem parte subiecti intenditur in ea calor, sicque additur

semper pars parti, & gradus gradui per totam intensiorem. In hac autem additione graduali fundatur modus maioris radicæ actionis in eadem parte subiecti: quem non negat hæc opinio, sed tanquam necessarium ponit: negat tamen eundem modum posse acquirere qualitatem per intensiorem, sine additione nouæ partis gradualis, quæ continuata cum præexistente in eadem parte subiecti constituat eandem numero qualitatem intensam magisque perfectam, ita Scotus in 1. distinct. 17. quæst. vltima. Gregor. ibidem quæstion. 4. artic. 1. Gab. & Okamus quæst. 6. Antonius Andreas 8. Metaph. quæst. 6. Venerus in summa de generatione capit. 1. Nimphus 9. Metaph. disput. 11. Toletus 4. libro. Phys. quæst. 12. & est iam communis ferè inter iuniores, & videtur mihi vera, sed nullo modo contraria doctrinæ D. Thomæ.

Et primo probanda est veritas eius, secundo ostendendum, quòd non sit contra D. Thomam Veritas probatur testimonio Aristotelis eodem loco citato pro tertia opinione, vbi ante illa verba relata habentur hæc: *Vt enim ex frigido sit calidum, & ex calido frigidum, quia eadem quæ erat in potentia, sic & ex calido magis calidum, &c.* Ex quibus sic arguo. Subiectum sit calidum ex frigido per eductionem caloris de potentia eius, & sit magis calidum ex minus calido eodem modo per eductionem caloris de potentia eiusdem subiecti, vel eiusdem partis illius ex mente Aristotelis: ergo sicut prima calefactio, vel prima pars aliquota eius est eductio caloris de potentia subiecti, ita secunda calefactio, vel secunda pars aliquota eius, per quam intenditur idem calor, est noua eductio caloris de potentia subiecti: sed eductio prima caloris est productio caloris: ergo etiam eductio secunda: quare sicut per primam calefactionem producit calor, ita per secundam, quæ est intensio, & ita fit ex mente Aristotelis per additionem vnius caloris, vel vnius gradus ad alterum. Et si respondeatur secundam calefactionem esse eductionem caloris de potentia subiecti, non secundum entitatem, sed solum secundum nouum modum intensiorem. Contra hoc sic arguo. Non datur alius modus producendi formam naturalem secundum suam entitatem, præter eductionem eius de potentia materiæ, vel subiecti, vt patet euidenti inductione in omnibus: ergo idem est formæ educi de potentia materiæ, & produci secundum entitatem in rerum natura; quare repugnat educi de potentia materiæ, & non produci secundum entitatem, sed solum secundum modum. Secundo, eductio formæ de potentia materiæ idem est ac produci secundum entitatem; quia idem est ac fieri actu extra causas; cum prius esset solum in potentia earum. Sed per pri

per primam calefactionem producit qualitas secundum entitatem: quia educitur de potentia subiecti ex mente Aristotelis: ergo per secundam magis producit secundum entitatem, quia magis educitur de potentia subiecti, vel materiæ, quod est magis produci secundum entitatem; & hoc non potest esse verum, nisi producat per intensionem noua entitas eiusdem qualitatis.

Vt autem rationibus ostendatur veritas nostræ sententiæ, & falsitas oppositæ, tria probanda sunt. Primum, quod per intensionem addatur qualitati præexistenti aliquid reale. Secundum, quod hoc reale additum sit realiter distinctum ab ea. Tertium, quod non sit solus modus, sed entitas eiusdem qualitatis: quibus probatis constabit intensionem fieri per additionem vnius gradus, vel partis ad alterum. Probatur ergo primum, quia intensio est motus realis, & distinctus sæpe realiter, & numero à prima productione eiusdem qualitatis, ut patet in calore primo producto ab aliquo igne, & post tempus aliquod intenso ab eodem igne, vel diuerso, sed motus realis producit terminum realem: ergo intensio caloris producit aliquid reale in eadem parte subiecti, & hoc reale non habebat subiectum, dum erat remissa calidum: ergo intensio fit per additionem alicuius realis. Secundo, qualitas intesa habet plures, & diuersos effectus reales, quos non habebat dum erat remissa; ergo habet aliquid reale nouum per intensionem. Probatur consequentia, quia idem in quantum idem semper facit idem; ergo si est omnino idem realiter, non potest alique effectum realem facere, quod prius non faciebat, & si nouum effectum reale facit, non potest non esse variatum realiter.

Probatur secundum, quod hoc reale nouum, quod additur qualitati remissæ per intensionem sit realiter distinctum ab ea, primo, quia illud, quod separatur ab alio realiter, distinctum debet esse realiter ab eo, & non solum per intellectum, sed illud, quod additur qualitati remissæ separatur ab ea realiter, cum prius esset sine illo, & per remissionem illud amittat: ergo distinguitur realiter. Probatur maior, quia separatio realis datur ante operationem intellectus; ergo id, quod per eam separatur, distinguitur ab eo, à quo separatur ante operationem intellectus, & ideo realiter, nam separata sunt distincta: ergo separata ante operationem intellectus debent distingui ante operationem intellectus, vel dabitur realis separatio ante operationem intellectus, per quam nihil reale separetur, quod repugnat. Probatur tertium, quod hoc reale distinctum additum qualitati remissæ per intensionem, non sit solus modus maioris radicationis, sed noua entitas eiusdem qualitatis; primo, quia virtus agendi in qualitate est ipsamet entitas qualitatis, & non modus, vel aliquid super-

additum entitati, ut virtus calefaciendi in calore non est aliud, quam entitas ipsius caloris: ergo maior virtus agendi est maior entitas qualitatis; sed qualitas intensa habet maiorem virtutem agendi, quam remissa: cum producat effectus perfectiores, ut patet in calore intenso; ergo habet plus entitatis additum per intensionem, quare fiet intensio per additionem novæ entitatis, & gradus. Secundo, quia magis esse radicatum in subiecto qualitatem per intensionem est magis, aut fortius, vel firmitus ei inhaerere: ergo extensio fit per additionem alicuius realis pertinentis ad inhaerentiam qualitatis in subiecto; sed repugnat fieri additionem ex parte inhaerentiae, quin fiat per additionem ex parte naturæ, & entitatis eiusdem qualitatis: ergo fit per additionem novæ entitatis. Probatum minor, quia inhaerentia actualis accidētis promanat naturaliter à natura eius, sicut subsistentia substantiæ à eius natura: ergo repugnat qualitatem perfectius inhaerere subiecto, quin sit perfectior secundum naturam, & entitatem. Et consequenter repugnabit fieri intensionem per maiorem radicationem in subiecto, quin fiat etiam per additionem novæ entitatis, vel gradus. Tertio, quia si qualitas intensa, & remissa solum differunt per maiorem radicationem in subiecto, sequitur quod si separentur à subiecto per divinam potentiam, non erunt distinctæ ullo modo, quod patet esse falsum. Probatum consequentia, quia separatæ à subiecto non possunt retinere modum actualis inhaerentiae, vel radicationis. Et si respondeas adhuc esse diversas, quia intensa est apta perfectius inhaerere subiecto, vel magis radicari in eo, quam aptitudinem non habet remissa. Contra hoc est, quod talis aptitudo est realis; ergo est entitas realis, quare differunt iam in entitate reali, & non in solo modo maioris radicationis. Probatum tandem, nam si per intensionem non producit entitas qualitatis, sed solus modus maioris radicationis, sequitur numquam produci qualitatem, sed modum tantum, & ideo qualitatem nihil esse præter modum, quod patet esse falsum. Ad probandam consequentiam præsuppono id, quod tota fere schola sequitur, & inferius probabitur, videlicet non dari minimam intensionem qualitatis factam per mutationem instantaneam, sed intensionem esse motum ita successivum, sicut lationem, & alterationem non habentem primum mutatum esse, nec primam partem ex parte principij: sed ante quodlibet mutatum esse dari partem motus, & ante quamlibet partem motus dari mutatum esse, ut docuit expressè Aristoteles 6. lib. Physic. & nos ibidem ostendimus. Hoc supposito, probatur consequentia hoc modo. Productio qualitatis, & intensio eius simul

simul incipiunt cum sint idem motus realis : & cum sit per se successivus, sicut non datur prima pars, aut primum mutatum esse productionis, sic neque intentionis ; sed per intensionem non producitur qualitas secundum entitatem, sed solum secundum modum maioris radicationis : ergo nunquam datur productio eius. Probatur consequentia, quia non datur productio realis, quæ non sit realis intentio ; sed per realem intensionem non producitur entitas qualitatís, sed solus modus : ergo nunquam producitur entitas qualitatis. Et si respondeas eundem esse motum realem productionis, & intensionis, sed ut productio est, terminatur ad qualitatem secundum entitatem, ut intentio verò ad eandem qualitatem sub modo maioris radicationis. Contra hoc sic arguo ; per alterationem, ut productio est, producitur entitas qualitatis, sed alteratio, ut est productio, est etiam motus per se successivus, ergo ut talis habet partes, in quibus producetür entitas qualitatis, & ita singulis partibus alterationis correspondebunt partes qualitatis, nam motus, & terminus eodem modo diuiduntur : sed posterior pars perficit priorem, cum producat novam partem qualitatis secundum entitatem circa eandem partem subiecti supra priorem productam per priorem partem eiusdem alterationis ; ergo posterior pars est intentio respectu prioris ; quare per intensionem producitur qualitas secundum entitatem, & non tantum secundum modum maioris radicationis.

Probata iam veritate nostræ sententiæ, restat probandum, 147
quod non sit villo modo contra D. Thomam, quod probo primo, quia qualitatem intendi per maiorem radicationem in subiecto, & non per additionem gradus, ut asserit, multis modis exponitur à discipulis eius, sed omnes expositiones reducuntur ad duas, & utraque est contra D. Thomam, & in se falsa ; ergo non est ei attribuenda, sed intelligendum, quod oppositum senserit, nempe intensionem fieri per productionem novæ partis entitativæ caloris, & reddenda est ratio propter quam in modo loquendi id videatur negare. Prima ergo expositio est, quod dum asserit D. Tho. intensionem fieri per maiorem radicationem in subiecto, idem sit apud ipsum magis radicari qualitatem in subiecto, quod firmitus, atque tenacius ei inherere ad similitudinem arboris, quæ tunc dicitur magis radicari, quando profundiores radices in terram emittit ; profundiores verò radices emittit qualitas intesa in subiecto, & ideo magis in eo radicatur, quia magis complet potentiam eius, magis illud aëuat, magisque illud sibi subicit : & ut clarius dicatur magis educitur de potentia eius, magisque in eo perficitur per informationem perfectiorem,

non quia aliquid nouum habeat pertinens ad essentiam, vel entitatem propriam, sed quia perfectius terminat potentiam subiecti, dum habet intensionem ut tria, quam dum habebat intensionem ut duo, & dū remittitur, nihil entitatis eius corrumpitur, sed sola terminatio ut tria, & producitur de nouo terminatio, ut duo. Ita Bañez ubi supra, & Caiet. ex Sonzinate, Iauel. 8. Metaph. q. 6. Sed hæc expositio expresse est contra D. Thomam in 1. dist. 17. q. 2. art. 1. in quaestione de virtutibus. art. 11. & 2. 2. q. 24. art. 4. ad 3. ubi ita ait: *Quidam dixerunt charitatem non augeri secundum essentiam, sed solum secundum radicationem in subiecto; sed hi propriam vocem ignorarunt; cum enim accidens sit, eius esse est inesse. Vnde nihil est aliud ipsam secundum essentiam augeri, quam eam magis inesse subiecto, quod est eam magis radicari in subiecto. Similiter etiam in ipsa essentialiter est virtus ordinata ad actum: unde idem est ipsam augeri secundum essentiam, & ipsam habere efficaciam ad producendum feruentioris dilectionis actum, augetur ergo essentialiter, non quidem ita, ut esse incipiat, aut esse desinat in subiecto: sed ita, quod magis, ac magis in subiecto esse incipiat.* Hæc D. Thomas. Quibus expresse docet charitatem, & qualitates alias duobus modis augeri, vel (quod idem est) intendi, primo quidem secundum essentiam, non quidem ita, ut nouum aliquod prædicatum essentialiter eis proveniat per intensionem, hoc enim impossibile est, quia addito prædicato essentiali mutaretur essentia, atque species; sed ita, ut entitas, vel substantia augeatur. Augeri autem substantiam, & entitatem eius, sine aliqua substantia, aut entitate partiali noua patet esse impossibile: ergo ex mente D. Thomæ noua entitas qualitatis producitur per intensionem. Secundo augetur per maiorem radicationem in subiecto fundatam in maiori, ac noua entitate, quia impossibile est (ut iam probaui) magis radicari in subiecto sine noua entitate superaddita; ergo contra D. Thomam loquuntur prædicti eius discipuli asserentes, qualitatem non intendi primo modo sed solum secundo per maiorem radicationem in subiecto; & vocem intensionis videntur ignorare, ut asserit D. Thom. Sed ex eisdem verbis eius colligitur hæc ratio, qua probatur falsa, qualitas intensa habet maiorem virtutem ad operandum quam remissa, ut patet in calore ut quatuor magis vrente, quam calor, ut vnum: sed virtus operandi non est aliud, quam entitas eius, vel essentia; ergo plus entitatis habet aduenientis ei per intensionem.

Propterea asserit secunda expositio aliorum Thomistarum, negari non posse, quod qualitas intendatur, secundum essentiam,

tiam, ita ut noua ei proueniat entitas per intensionem, non tamen distincta realiter ab entitate, quam habebat, dum erat remissa, sed sola ratione. Et quia additio vnius ad alterum præsupponit distinctionem realem eorum, ideo negauit D. Thomas intensionem fieri per additionem vnius partis, vel gradus ad alterum. Sed hæc etiam expositio est non minus contraria verbis D. Thomæ, nec minus falsa, quam præcedens. Probatur, quia D. Thomas probauit qualitatem intendi secundum substantiam, quia qualitas intensa habet maiorem virtutem operandi, per quam producit perfectiores operationes; sed virtus operandi est ipsamet substantia, vel entitas eius; ergo habet maiorem entitatem, & eam habet ante operationem intellectus, quia ante operationem intellectus perfectiores producit operationes, & effectus: ergo distinctam realiter à priori, quam habebat, dum erat remissa. Probatur consequentia, quia ea, quorum vnum est maius altero ante operationem intellectus realiter distinguuntur. Est ergo prædicta expositio contra D. Thomam, & etiam falsa.

Mens igitur D. Thomæ satis clara est; qualitatem non intendi per solam radicationem maiorem in subiecto, sed quia noua entitas ei aduenit, & ex eo, quod intenditur secundum entitatem, sit ut intendatur per maiorem radicationem in subiecto, ut docuit expressè idem Doctor sanctus, quia eius esse est inesse subiecto, & entitas eius est esse aliquid subiecti, quare non posset magis radicari in eo, nec magis illud actuare, aut fortius ei inhaerere, seu perfectius terminare potentiam eius, magisque illud sibi subiicere, & actuare, perfectiusve informare, nisi plus entitatis per intensionem ei adueniret. Vnde sequitur non differre Scorū, & alios (quorum sententiam sequuti sumus) à D. Thoma in re ipsa, sed solum in modo loquendi, quia D. Tho. noluit uti verbo, additionis, nec dicere, quod per additionem vnius entitatis, vel vnius gradus ad alterum fiat intensio, sed solum dixit fieri per maiorem radicationem in subiecto, cuius rationem reddit 2. 2. q. 24. art. 5. in principio, nam additio (inquit) vnius ad alterum (proprie loquendo) præsupponit distinctionem vtriusque, aut in re existentem, aut saltem præintellectam; & ideo si dicatur intensionem fieri per additionem gradus ad gradum, videretur significari, quod per additionem vnius formæ ad alteram fiat, specie, vel numero ab ea distinctam, quod patet esse falsum. Et hoc quidem peculiare est in intensione formarum, nam in extensione earum satis clarum est non esse distinctam formam, quæ additur, sed solum partialiter; per continuationem vero partium subiecti fieri

vnam,

vnam, & similiter in augmento quantitatis, sed in intensione cum fiat circa eandem partem subiecti, difficilius intelligitur continuatio gradus, vel partis aduenientis cum præexistenti, & ideo si dicatur vnam addi alteri, videtur significari distinctio formarum, proprius autem dicitur magis perfici qualitatem, vel magis radicari in subiecto per intensionem, quia hoc verbo clarius significatur vnitas formæ, per intensionem perfectæ, & intensio proprius dicitur nouaeductio formæ, quam additio. Cæteri vero authores ad rem solum attendentes verbó additionis vtuntur satis esse intelligentes, vt pars vel gradus qualitatis productæ per intensionem partialiter distinguatur ab altero, & per continuationem efficiat cum eo vnam numero formam, licet continuatio ipsa non ita difficile intelligatur. Omnes tamen idem prorsus sentiunt.

- 151 Solùm restat argumenta aliarum opinionum solvere, & ad primum Durandi distinguenda est maior, quod motus versatur inter terminos contrarios; nam duplex est contrarietas, propria, & impropria; illa versatur inter qualitates contrarias, quæ ab eodem subiecto se expellunt secundum proprias entitates, quia per eas opponuntur, vt calor, & frigus. Contrarietas vero impropria, est, quæcumque repugnantia, vel impossibilitas secundum aliquam rationem, & hæc sufficit ad proprium motum si sit positiua, & cum latitudine successiue, & non simul percurrenda, vt patet in motu locali, & motu augmentationis, in quibus sufficit talis impossibilitas terminorum, vt mobile non possit vnum assequi, nisi relinquendo alterum: non enim potest corpus simul esse sub maiori, & minori quantitate, nec tendere ad adquirendam vnam præsentiam, nisi relinquendo alteram; nec est necessarium vt termini hoc modo contrarij se expellât, nisi ratione impossibilitatis, quam habent, ita vt si impossibiles sint secundum proprias entitates, hoc modo se expellant; si vero solùm secundum aliquem modum, satis est ratione illius, & primo modo se habent termini alterationis primæ, quæ versatur inter qualitates propriè contrarias, atque etiam termini motus localis, & ideo secundum proprias entitates se expellunt. Termini vero augmentationis, & intensiōis se habent secundo modo, quia maior, & minor quantitas, atque etiam qualitas intensa, & remissa non opponuntur, nec sunt impossibiles secundum proprias entitates, vt calor intensus, & remissus, sed solum secundum modos intensiōis, & remissionis, & eodem modo maior, & minor quantitas, quia remissa qualitas vt talis dicit quandam negationem intensiōis, non ita, vt remissio sit pura negatio, sed quia imperfectus quidam modus

modus est includens negationem perfectionis, quam dicit intensio. Hoc supposito neganda est minor eiusdem argumenti, quod intensa qualitas debeat expellere remissam secundum entitatem eius, sed satis est eam expellere secundum modum remissionis imperfectum, ratione cuius sunt impossibiles, quod euidenter probatur in augmentatione, quæ verus motus est, & tamen maior quantitas, quæ est terminus ad quem non expellit minorem, quæ est terminus à quo, nisi secundum modum imperfectum minoris, ratione cuius sunt impossibiles.

Ad secundum concedendum est primum antecedens, quod agens intendens qualitatem in subiecto, aliquid formæ producit nouum, atque distinctum à gradu eiusdem formæ remissæ, & eiusdem speciei, nam secundus gradus caloris eiusdem speciei est cum primo. Sed neganda est consequentia, quod non possint simul permanere in eodem subiecto. Et dum rursus dicitur duas formas absolutas eiusdem speciei non posse simul esse in eodem subiecto, absolute debet concedi, quia non appellantur duæ formæ eiusdem speciei, nisi totales sunt, & distinctæ numero. Primus autem, & secundus gradus caloris ei superueniens per intensiorem non sunt duæ formæ absolute loquendo, quia non sunt totales, & numero distinctæ, sed sunt potius partes eiusdem formæ totalis, quam componunt integraliter per continuationem, sicut pes, & manus non sunt duæ substantiæ absolute loquendo, sed potius duæ partes eiusdem substantiæ eam integraliter componentes per continuationem physicam. Unde sequitur permanere posse primum, & secundum gradum caloris in eadem parte subiecti, quia non distinguuntur numero, nisi partiali, & efficiunt eandem numero formam totalem, quamuis multa accidentia totalia, & absoluta eiusdem speciei non possint esse simul in eodem subiecto, non ergo probat argumentum Durandi quod secundus gradus caloris debeat corrumpere primum.

Ad argumentum secundæ opinionis distinguenda est minor, quod adueniente perfectiori inhzrentia accidentis in subiecto corrumpeunda sit imperfecta; nã si intelligatur corrumpeunda esse secundum entitatem, falsum est, quia secundum entitates non sunt impossibiles, sed solum debet corrumpi secundum modum imperfectionis, ut dictum est de entitate, vel essentia qualitatis remissæ.

Testimonium autem Aristotelis adductum pro tertia opinione apparentem quamdam difficultatem habet, si solum inspiciantur verba; si vero contextus loci, nullam. Sensus igitur verbo

verborum est secundum expositionem D. Thomæ, & aliorum, quod sicut corpus fit calidum ex frigido, non ex eo, quod noua aliqua materia, vel corpus frigidum ei superueniat sed quia calor educitur de potentia eiusdem corporis, in quo prius erat frigus; eodem modo corpus calidum fit magis calidum, nullo alio corpore calido ei adueniente de nouo, sed ex eo solum, quod calor magis educitur de potentia eiusdem corporis, & ideo perfectius participatur ab eodem secundum easdē partes, in quo propriè consistit intensio eiusdem caloris.

154 Ad primum argumentum concedenda est illa pars antecedentis, quod in intensione fit additio secundum essentiam, sed quod essentia non possit suscipere additionem, distinguendum est, quia essentia duò dicit, nempe essentialia prædicata, quæ constituunt rem in genere, & specie, ac prædicamento, vt calorem esse qualitatem passibilem talis speciei, dicit præterea entitatem realem extra causas, in qua fundantur talia prædicata, & ratione prædicatorum essentialium non potest suscipere additionem, quia consistit hoc modo in indiuisibili, nam tot habet prædicata essentialia, & talem differentiam a thomam, vt si ei addatur aliud, vel alia differentia, mutetur essentia in aliam, sicut numerus variatur addita unitate, & ideo in hoc sensu dixit Aristoteles species esse sicut numeros. In hoc etiam sensu non intenditur qualitas, nec fit ei additio secundum essentiam, sed benè secundum entitatem, in qua fundantur prædicata essentialia: quia sicut animali, dum augetur, additur noua substantia, & ideo verum est, quod plus substantiæ habeat, quàm prius: eodem modo additur qualitati per intensiōem noua entitas, cui conueniunt eadem prædicata essentialia, vt calori nouus calor, & hoc est intendi qualitatem secundum essentiam; ex quo patet non sequi, quod qualitas intensa sit alterius speciei à remissa, quia licet plus habeat entitatis, eadem tamen essentialia prædicata habet; & ideo eandem speciem, ac prius.

Ad secundum neganda est maior secundum vtramque partem, videlicet quod gradus adueniens per intensiōem distinguatur specie, vel numero à præexistenti, quia nec habet aliam essentiam specificam, nec est alia forma numero distincta ab eo, sed per continuationem fit ex vtroque eadem forma numero; nam vt docet Aristoteles 5. lib. Phys. vnum continuum, & vnum numero idem sunt; solum ergo potest distinguui numero partiali à gradu præexistēti, sicut distinguuntur numero partiali diuersæ partes substantiæ, vt manus, & caput; quia sicut ex his integratur eadem numero substantia totalis, ita ex distinctis gradibus caloris tamquam ex partibus integrantibus compo

componitur eadem forma totalis numerica caloris.

Quid tandem sentiat D. Thomas, non solum diximus, sed probauimus, nihil sentire contrarium, sed idem prorsus, nempe qualitatem non solum intendi per maiorem radicationem in subiecto, sed etiam secundum essentiam, ita ut aliquid essentiae nouum producat, & coniungatur qualitati præexistenti, modo tamen loquendi additionis utendum non esse, sed solum maioris radicationis, ne significetur distinctio formarum eiusdem speciei in eadem parte subiecti.

Seo contra hoc videtur esse id, quod sæpe docet D. Thomas, 155
qualitatem, vel formam separatam à subiecto, non posse intendi, vel remitti. Idque Aristoteles docere videtur in prædicamentis capite de qualitate dicens, qualitatem in concreto suscipere magis, & minus, non in abstracto, ut iustum dicitur magis, vel minus iustum, iustitia veto non. Ex quibus hoc argumentum desumitur. Ea, quæ conueniunt qualitati secundum essentiam, dicuntur de ea in abstracto, ut de albedine, quod sit qualitas talis speciei: quæ vero conueniunt ei, ut inhaeret subiecto dicuntur in concreto, ut disgregare visum de albo; si ergo qualitas in abstracto non suscipit intensionem, sed solum in concreto: ergo non intenditur secundum essentiam, sed solum, ut est in subiecto, & ideo non per additionem gradus ad gradum, sed solum per maiorem radicationem in subiecto ex mente Aristotelis, & D. Thomæ. Huic argumento respondendum est ex doctrina eiusdem D. Thomæ. 1. 2. quæst. 53. artic. 2. ad 3. ubi ait accidens quocumque modo significatum, hoc est, siue in concreto, siue in abstracto dicere ordinem ad subiectum: diuersa tamen ratione, nam significatum in abstracto dicit ordinem ad subiectum, ut incipientem ab ipso met accidenti, & terminatum ad subiectum solum sub ratione concreti, sicut extræ formæ, etiam substantiales in abstracto, significatæ, & ideo dicimus albedinem esse, qua aliquid est album, sicut dicimus humanitatem esse, qua aliquid est homo. Vnde in definitione accidentis in abstracto significati non ponitur subiectum tamquam prima pars, quæ est genus, sed tamquam secunda, quæ est differentia, quia significatur tamquam terminus habitudinis eius. Significatum vero in concreto dicit quidem eundem ordinem ad subiectum, sed ut incipientem ab ipso subiecto, & terminatum in idem accidens. Dicimus enim sium esse nasum curuum; vel album esse corpus affectum albedine. Et ideo in definitione concreti ponitur subiectum pro genere, quæ est prima pars definitionis, sicut quoduis aliud concretum ponitur in definitione sui abstracti. Ex quibus
sequitur

sequitur (ait D. Thomas) quod quæ conueniunt accidenti ratione subiecti solum ei attribuuntur, vt significato in concreto, non in abstracto: & talis est intensio, & remissio, quæ conueniunt accidenti secundum essentiam quidem, sed præcisè, vt est aliquid subiecti de potentia eius eductum, & hoc modo significatur accidens secundum propriam rationem accidentis. In abstracto vero non tam significatur vt accidens, quàm per modum substantiæ, & ideo intenditur eius essentia, in quantum magis actuat subiectum, & magis illud perficit, quod constat non posse habere, nisi per educationem nouæ partis, vel gradus de potentia eiusdem subiecti, nam de essentia accidentis, vt talis est esse aliquid subiecti, vel substantiæ. Et hæc est ratio propter quam non attribuuntur qualitati intensio, & remissio, vt significatur in abstracto, sed in concreto: quod adeo verum est, vt si per impossibile qualitas esset forma sua natura separata à subiecto, non posset villo modo intendi vel remitti: & ratio est manifesta, quia tunc non esset accidens, sed substantia, cui repugnat suscipere magis & minus. Nihilominus intensa qualitas separata à subiecto per diuinam potentiam retinebit eandem intensionem, quam tamen non potest naturaliter accipere, nisi in subiecto, & per maiorem radicationem in eo, supernaturaliter vero posset produci à Deo extra subiectum cum tota sua intensione, per vnicam creationem si cum tota simul produceretur, vel per plures, si diuersis temporibus, vel instantibus producerentur diuersi gradus eius. Et hæc etiam distinctio D. Thomæ explicat sensum verborum Aristotelis, quamuis non sint ab eo scripta ex mente propria, sed referente sententiam aliorum, vt legenti fiet per se manifestum.

QVÆSTIO VI.

An omnes gradus intensionis eiusdem qualitatis sint omnino similes, & eiusdem perfectionis, vel diuersa, aut dissimiles, atque essentialiter subordinati?

156 **E**X quæstione præcedente habemus, qualitatem producibilem per intensionem habere plures gradus, vel partes in sua entitate, ex quibus vnitis per continuationem indiuisibiliū tamquam ex partibus integrantibus componitur vna
numero

numero forma habens totam latitudinem gradualem ex eis resultantem, vt calor ignis, quem vocamus vt octo, componitur ex octo gradibus tanquam ex partibus integrantibus suam latitudinem, & aliquoties quidem, seu æqualibus, nam quilibet gradus, & tota ipsa qualitas secundum latitudinem intensiōis est diuisibilis in infinitas partes proportionales ad similitudinem quantitatis, quæ in partes æquales finitas suæ extensionis diuiditur, & in infinitas proportionales.

Quo supposito quærit titulus quæstionis, an sicut partes quantitatis, vt lineæ, vel superficiæ, non solum sunt eiusdem speciei, sed etiam eiusdem rationis indiuidualis, vt omnes palmi, nec vnus subordinatur alteri, aut illum necessario præsupponit, sed naturaliter potest ab eo separari, ita se habeant gradus eiusdem caloris intensi, à primo vsque ad octauum, vel aliquo modo sint dissimiles in ratione indiuiduali partiali, & diuersæ perfectionis, naturaliterque subordinati, ita vt secundus sit perfectior indiuidualiter primo, eumque necessario præsupponat, nec possit produci in subiecto, in quo non præsupponatur ille productus, & secundum hanc subordinationem naturalem omnem eius perfectionem eminenter contineat; sicque de tertio respectu secundi, & primi vsque ad octauum. Quæstio sanè difficilis, & solum inter iuniores interpretes Aristotelis hoc tempore agitata.

Circa quam prima opinio tenet gradus intensiōis eiusdem qualitatis à primo vsque ad octauum dissimiles esse modo explicato, ita sentiunt plures. Probant multis argumentis ad impossibile ducentibus, quæ ideo sub hoc vno possunt comprehendendi. Si gradus intensiōis essent omnino similes nullam habentes subordinationem, sequitur primo intensiōem posse procedere in infinitum; ita vt eadem qualitas numero possit habere gradus intensiōis actu infinitos. Probatur consequentia, quia si sunt omnino similes, non est difficilius producere secundum, quàm primum, nec tertium, quàm secundum, & sic de cæteris: ergo quodlibet agens quantumcumque remissum poterit producere quemlibet gradum caloris, & ab vnoquoque poterunt produci gradus infiniti, quia postquam produxit vnum, potest producere alterum in infinitum, cum non possit maiorem virtutem in agente vnus gradus, quàm alter, eo ipso, quod non habet maiorem perfectionem. Secundò sequitur, posse aliquid agere vltra suam perfectionem, quod patet esse falsum. Probatur consequentia, quia calor, vt vnum potest producere aliquid caloris in multis corporibus: ergo potest illos omnes calores producere in eodem, quod si fiat,

producet calorem ut duo, ut quatuor, & ut octo, qui erit longè intensior, atque perfectior se. Sed probatur iterum consequentia, quia unus gradus non est perfectior altero: ergo non requiritur maior virtus ad producendum unum, quam plures, nec ad producendum eos in vno subiecto, quam in diuersis, quia non sunt maioris perfectionis in vno, quam in diuersis, & accidentale prorsus est eis; quod in eodem, vel diuersis producantur: nec etiam est minor capacitas in eodem, quam in diuersis subiectis ad recipiendum omnes. Et eadem ratione sequitur posse duo calida ut vnum se intendere vsque ad octo, immo posse mutuo se corrumpere, atque conuertere in ignem. Probatur consequentia, quia quodlibet potest producere unum gradum caloris in altero, sicut potest in quouis aliq corpore nullum calorem habente, & sicut potest producere unum, potest duo, & sic vsque ad octauum, cum possit eos 157 producere in diuersis corporibus. Sequitur tertio qualitatem intensam non posse remitti, immo nec vlllo modo corrumpi à contrario. Probatur consequentia, quia cum omnes gradus, quos habet, sint eiusdem omnino rationis, & omnino similes, non est maior ratio ob quam ab vno potius, quam ab alio incipiat corruptio: ergo nec poterit omnino incipere, nec poterit talis qualitas corrumpi, vel remitti. Et si dicatur incipere ab vltimo gradu producto in tali subiecto, quia dissolutio rei opposita est productioni eius, & ideo ab vltima eius perfectione incipit, ut dissolutio domus à culmine. Non soluitur argumentum, primò, quia nec dissolutio rei postulat ab vltima eius parte incipere, nisi sit aliquis ordo inter partes ipsas, qui cum non ponatur inter gradus ipsos, non postulabit corruptio qualitatis ab vltimo incipere, potius quam à primo, sed per accidens omnino erit, quod ab vno, vel ab altero, & ideo à neutro per se incipere poterit. Secundò, quia potest contingere, ut non prius vnus gradus, quam alter producat, sed simul, & in instanti omnes, ut videmus in lumine simul producto secundum omnes gradus intensiōis, quia illuminatio non est per se successiua, sed instantanea. Tunc ergo non erit maior ratio propter quam ab vltimo potius, quam à primo incipiat remissio luminis, quare non poterit vnumquam incipere. Vltimo sequitur intensiōem non esse aliud, quam coactionem plurium entitatum sine ordine, & qualitatem intensam esse vnā per accidens, sicut cumulum lapidum. Probatur consequentia, quia ex intermione non aliud resultat, quam vnū ex multi. entitatibus non ordinatis: ergo non est aliud qualitas intensā, quam cumulus quidam entitatum non

ordinatarum, quod est esse vnum per accidens.

Secunda opinio est communis, quod gradus qualitatis intensæ sint eiusdem rationis, & omnino similes, nullam habentes subordinationem essentialem, ita ut posteriores necessario non præsupponant priores, sed solum constituent vnam numero qualitatem intensam, quia in eadem parte subiecti vniuntur per propria indiuisibilia intensiōis, quæ sunt modi vniōis, nam vniō hæc est continuatio realis, & ideo sufficiens ad constituendam vnam numero formam; quemadmodum plures gradus eiusdem qualitatis in diuersis partibus eiusdem subiecti producti, & per indiuisibilia continuati efficiunt vnam numero formam extensam per totum subiectum, quia tam in intensiōe, quam in extensione verum est, quod docuit Aristoteles 5. lib. Phys. vnum continuum, & vnum numero idem esse. Ita sentiunt omnes, ferè antiqui, & grauiores Theologi in 1. dist. 17. Albertus Magnus art. 10. Scot. q. 3. D. Bona. in 2. parte distin. art. 1. q. 1. ad 2. Richardus art. 2. q. 2. Okam. q. 6. Gab. & Greg. ibidem Marf. in 2. q. 1. art. 1. suppositione 8. Nimphus 8. Methaph. disput. 6. & 11. Antonius Andreas 8. Metaph. q. 6. Toletus 1. lib. de generat. cap. 3. q. 4. & Conimb. 1. lib. de generatione cap. 4. q. 2. art. 3. ad vltimum, & videtur mihi probabilius, & tenenda.

Quæ primo probanda est ex refutatione oppositæ hoc modo. 158.
Posterior gradus intensiōis sic est dissimilis priori, & sic eo perfectior, ut totam eius perfectionem, & virtutem contineat, non solum eminenter, sed formaliter: ergo superfluit omnino prior, quare adueniente posteriori corrumpi debet, ut Durand. questione præcedente à nobis refutatus assererat, quia natura nihil superfluum permittit. Probatur antecedens, nam prima opinio concedit posteriorem gradum eminenter continere perfectionem prioris, & si non contineret, non esset eo perfectior, nec essentialiter ei subordinatus. Sed ego probo, quod etiam contineat formaliter, nam continere formaliter est continere per modum formæ informantis subiectum, ut patet de anima rationali, ideo continente formaliter gradum naturæ sensitivæ, quia continet per modum formæ informantis corpus, & talem ei gradum tribuentis formaliter, sed ita continet gradus posterioris perfectionem prioris: ergo formaliter. probatur minor, quia continet tanquam forma subiecti, quod constituit perfectius calidum formaliter: ergo continet formaliter. Et confirmo idem argumentum, & declaro simul; nam ideo sufficit vna forma sensitiva in equo, & vna rationalis in homine adtribuendum corpori omnes gradus essendi priores, atque imper-

fectiores, vt gradum corporis, & vitæ, quia forma posterior continet totam perfectionem prioris, non solum eminenter, sed etiam formaliter; quia per modum formæ informantis materiam, & ideo tribuit corpori gradus, quos ipsa tribueret. Vnde sequitur superfluum esse priorem in præsentia posterioris, & ideo non admittenda. Et hæc est potissima ratio, propter quam non admittitur forma corporeitatis, quam posuit Scotus, nec pluralitas formarum, quam alij ponunt in eodem composito, vt i. lib. de anima ostendemus. Sed gradus posterior caloris continet eminenter, & formaliter totam perfectionem prioris, quia continet per modum formæ, & eam tribuit subiecto in genere causæ formalis constituendo illud perfectius calidum formaliter, vt probauimus; ergo eo adueniente superfluit omnino prior, & corrumpi debet. Et eadem ratione probatur, superfluas esse omnes partes priores cuiuscunque gradus, & corrumpi debere adueniente vltima parte aliquota eiusdem gradus; quia sicut gradus posterior continet totam perfectionem prioris, ita pars posterior eiusdem gradus continet totam perfectionem prioris, & vltima perfectionem omnium.

Secundo probatur falsitas eiusdem sententiæ, quia si gradus posterior continet eminenter virtutem prioris; ergo si produceretur separatus ab illo per diuinam potentiam, totum effectum producere posset, quem producit vterque simul existens in subiecto; sed eandem virtutem habet posterior existens cum priori, ac haberet separatus ab eo; ergo sufficit ad producendum, quidquid producit ab utroque, & cum virtus eius sit naturalis, agit in quantum potest: ergo superfluit primus gradus ad agendum adueniente secundo, & ideo corrumpi debet. Et confirmo argumentum, quia si contineret eminenter perfectionem inferioris gradus, & ideo potest similem alium gradum producere, erit causa æquiuoca eius, & non vniuoca, quod est falsum. Probatur consequentia, quia causa æquiuoca differt ab vniuoca in eo, quod illa continet effectum eminenter, hæc vero formaliter. Immo etiam sequitur posteriores gradus differre specie à prioribus, probatur consequentia, quia id quod est calor vt vnum eminenter, specie distinguitur ab eo, quod est calor vt vnum formaliter.

- 159 Tercio probatur ex intensiōe, vel augmento charitatis, & gratiæ per sacramenta, in quo difficile potest defendi opposita sententia; duo enim sunt certa in receptione sacramentorum. Primum per dignam receptionem cuiuslibet sacramenti intendi gratiam, & charitatem, si eam prius habebat recipiens, etiam si eam remississima dispositione recipiatur. Secundo sa-
cramenta

eramenta omnia ab adultis recepta conferre gratiam secundum mensuram dispositionis, ita ut tanta, & non maior conferatur, quanta est dispositio recipientis. Ex quibus sic arguo, si posterior gradus gratiæ perfectior sit priori secundum entitatem individualement, sequitur per sacramentum cum minori dispositione receptum dari maiorem, & perfectiorem gratiam, & per sacramentum receptum cum æquali dari maiorem, quod est contra secundum præsuppositum. Probatur primum, quia fieri potest, ut ille idem, qui recipit primum gradum gratiæ per sacramentum cum tanta dispositione, iterum recipiat illud cum multo minori, & tamen recipiet secundum gradum gratiæ, vel aliquam eius partem, quæ perfectior est, & maior secundum entitatem primo gradu; quare maiorem, & perfectiorem recipiet; immo sequitur per hoc secundum sacramentum nullam recipere gratiam contra primum præsuppositum. Probo consequentiam, quia sacramentum receptum à diversis cum eadem dispositione eundem gradum gratiæ tribuit; sed sacramentum receptum ab eo, qui non habet gratiam cum remississima dispositione, non conferret nisi primum gradum, qui est minor secundum entitatem, & perfectionem, quam secundus; ergo in habente iam primum gradum non posset conferre secundum, quia non est maioris virtutis in uno, quam in alio. Sed probo secundum, quia sacramentum receptum cum dispositione ut unum, producit gratiam, ut unum in eo, qui nullam habebat; & in eo, qui habebat iam primum gradum, producit secundum; qui maior est, atque perfectior primo: producit ergo maiorem, & perfectiorem gratiam receptum cum eadem dispositione. Probatur tandem in augmento eorumdem habituum per actus meritorios: ad quod probandum suppono opinionem magis iam receptam in schola, etiam ab autoribus oppositæ sententiæ, videlicet gratiam, & charitatem augeri, vel intendi per actus quantumlibet remissos ab eis procedentes. Ex quo ita arguo. Si quis eliciat actum charitatis ut duo, meretur primum, & secundum gradum charitatis, & si postmodum eliciat alium actum longe remissiorem, non dabitur illi per eum tertius gradus, neque aliquid eius; ergo per talem actum remissum non augebitur in eo charitas, contra præsuppositam sententiam. Antecedens probatur, quia calidum ut unum non potest augere calorem ut unum existentem in eodem, nec in alio subiecto, secundum oppositam sententiam, non solum, quia iam reperit productum in subiecto totum calorem, quem ipse habet, sed præcipue, quia calor ut duo maior est, atque perfectior secundum entitatem individualement: ergo

actus meritorius ut vnum non poterit mereri tertium gradum charitatis, in eo, qui habet duos. Probatur consequentia, quia tertius gradus maior, & perfectior est duobus primis: ergo non potest dari pro actu meritorio ut vnum. Et si respondeas diuersam esse rationem in agentibus Physicis, & per modum meriti, quia illa operantur secundum modum Physicæ virtutis, quam non possunt excedere, hæc vero non operantur modo Physico, sed morali longe diuerso. Probat ut nullum esse discrimen quantum ad hoc, nam etiam quæ operantur per modum meriti producant perfectiorem effectum, vel imperfectiorem secundum modum, quo mouentur per auxilium diuinæ gratiæ, & secundum modum affectus, & conatus cum quo operantur: ergo actui remisso procedenti ex minori auxilio gratiæ, & elicitio cum minori affectu, atque conatu non potest correspondere tam perfectus gradus gratiæ per modum meriti, ac illi a sui, qui a maiori auxilio procedit, & cum maiori affectu, atque conatu fit; quare non poterit ei correspondere tertius gradus gratiæ in eo, qui habet primum, & secundum, nec poterit charitatem in eo augere. Probatur consequentia, quia sicut agens naturale non potest agere ultra virtutem suam naturalem, ita agens morale per modum meriti non potest agere ultra suam virtutem moralem.

- 161 Vt autem veritas nostræ sententiæ propria ratione probetur, meliusque intelligatur, & argumenta oppositæ commodius soluantur, explicanda est differentia inter intensionem, & extensionem in eo consistens, quod per extensionem perficitur eadem forma in diuersis partibus subiecti, ita ut partes extensionis formæ educantur de potentia diuersarum partium subiecti; sed per vnionem continuationis efficiant vnam numero formam extensiuè perfectam. Per intensionem verò, perficitur forma in eadem parte subiecti, ita ut de potentia eius educantur nouæ partes, vel gradus, atque etiam in eadem vniantur per continuationem suorum indiuisibilium, & per talem vnionem efficiant vnam numero formam magis educatam de potentia subiecti, & ideo perfectius illud informantem, & actuantem potentiam eius, & ex hoc magis in eo radicatum, & habentem perfectiorem modum essendi. Probatur hoc duplici argumento. Primo, quia totam perfectionem, quam habet forma in diuersis subiectis, habet in eodem; sed in diuersis subiectis habet longe maiorem perfectionem indiuidualem, cum in quocumque habeat perfectionem realiter distinctam ratione indiuidualis differentię diuersæ: ergo cum has omnes perfectiones simul vnitas, & efficientes vnam habeat in eadem parte

parte subiecti, sequitur euidenter maiorem perfectionem indiuidualem habere formam intensam in eodem subiecto, quam diuisam in diuersis secundum diuersos gradus. Quod hoc exemplo ostendi potest, nam calor ut vnum productum in duobus subiectis habet duplicem differentiam indiuidualem realiter distinctam: & cum differentia indiuidualis sit aliqua perfectio realis, saltem modalis, habebit duplicem perfectionem realem: si vero in vno tantum subiecto esset indeminet calor ut vnum, non haberet, nisi vnā differentiam indiuidualem eiusdem perfectionis, ac eam habebat in singulis; ergo minorem perfectionem indiuidualem haberet. At si uterque gradus per intensiōem vniatur in eodem subiecto, habet vtramque perfectionem indiuidualem, & per modum vnius, quod est perfectiorem modum essendi indiuidualem habere, quā in diuersis subiectis. Secundo, quia virtus unita fortior est se ipsa dispersa, sed per intensiōem vnitur in eodem subiecto eadem virtus, quā in diuersis subiectis dispersa foret: ergo fortior est forma caloris resultans ex duobus gradibus unitis in eodem subiecto per intensiōem, quā esset si dispersa foret, hoc est diuisa secundum vnum, & alterum gradum in diuersis subiectis: sed esse fortiorem non est aliud, quā esse potentiorē ad operandum; & esse potentiorē ad operandum repugnat, nisi perfectior sit, vel perfectiorem modum essendi habeat: ergo eadem forma caloris intensa perfectius esse habet in eodem subiecto, quā haberet diuisa in diuersis secundum diuersos gradus; ad quod asserendum non est necessarium ponere diuersam perfectionem indiuidualem, nec subordinationem aliquam in eisdem gradibus.

Et ex hac doctrina colligitur hoc argumentum ad probandam veritatem communis sententiæ. Sicut non sunt multiplicandæ entitates reales sine vrgenti necessitate, ita nec multiplicari debent perfectiones reales in eisdem rebus: sed sine multiplicatione reali perfectionum indiuidualium inter eosdem gradus intensiōis saluatur propriissima intensio qualitatis distincta ab extensione: & cætera omnia, quæ in intensa qualitate esse debent: ergo non est ponenda, sed dicendum æquales esse omnes, & secundum se non subordinatos. Probatur minor, quia perfectio intensiōis consistit in eo, quod qualitas vere sit magis radicata in subiecto, quā prius, magis actuet potentiam eius per informationem perfectiorem, & tandem maiorem virtutem ad agendum ei tribuat: sed hæc omnia habet qualitas intensa per gradus omnino similes,

omnino æqualis perfectionis vnitos in eadem parte subiecti, vt probatum est: ergo non est necessaria dissimilitudo illa, & inæqualitas graduum cum essentiali subordinatione, quam ponit opposita sententia, nec vilo modo admittenda.

Atque ex eadem etiam doctrina facile soluitur argumentum eius, & quia multa afferebat inconuenientia, quæ ex nostra sententia sequuntur, ad singula per se respondendum est. Et ad primum negamus, quod sequatur intensionem procedere in infinitum, quia non potest à quocumque agente remisso intendi calor: & cum dicitur non esse necessariam maiorem virtutem in agente ad producendum secundum gradum caloris, quàm primum, distinguendum est; nam ad producendum illum in alio subiecto, non est necessaria maior, bene tamen ad producendum in eodem, in quo est primus gradus propter perfectiorem modum essendi, quem habet vtrique gradus vnitus in eadem parte subiecti, iam explicatum. Negandum est etiam, quod sequatur secundum inconueniens, videlicet, quod agens possit agere vltra perfectionem propriam. Et cum dicitur calidum remissum posse producere diuersos gradus caloris in diuersis subiectis: ergo posse eos omnes producere in eodem. Concesso antecedenti, neganda est consequentia, quia vniti in eodem subiecto perfectiorem effectum constituunt propter perfectiorem modum essendi indiuidualem resultantem ex vniione omnium in eadem parte subiecti, vt probatum est. Et propter eandem rationem negandum est, quod duo calida vt vnum possint sese intendere vsque ad octauum gradum; licet enim detur capacitas ex parte subiecti, sed deficit virtus ex parte vtriusque agentis, quia neutrum potest intendere calorem alterius, ex eo, quod licet primus, & secundus gradus sint omnino similes, & æquales, sed ex eis simul vniti in eodem subiecto longe perfectior effectus secundum rationem indiuidualem resultat, quam neutrum potest attingere, nec vtrumque simul, cum virtutem vtriusque in diuersis subiectis diuersam, excedat. Ad tertium inconueniens bene respondent Conimbr. vbi supra; negando, quod remissio qualitatis efficiatur impossibilis ex nostra sententia: & cum dicitur non esse maiorem rationem, ob quam remissio incipiat à corruptione vnus gradus, quàm alterius, distinguendum est, nam comparando gradus ipsos cum causa secunda naturali, verum est, quia ex se non determinatur ad singulares has actiones & effectus, potius quam ad alios, sed indifferens est ad omnes, & solum ad speciem determinata, sed à causa prima determinatur ad talem actionem singularem, ad talemque effectum producendum,

tendum, potius quàm ad alterum, vt in 2. lib. Phys. agentes de modo concurrenti primæ causæ cum secundis docuimus, neque hoc est pro libito recurrere ad primam causam, sed naturale, ac necessarium in quibuscumque effectibus producendis à causis secundis naturalibus. Ita ergo in remissione caloris contingit, vt à prima causa determinetur, secunda ad corruptionem huius gradus, potius quàm alterius; & ita incipit, atque procedit semper remissio, sicut etiam intensio, & neutra redditur impossibilis. Solutio autem illa de inceptioe remissionis ab ultimo gradu producta in tali subiecto tanquam à culmine totius ædificij insufficiens est, & bene impugnata in argumento. Ad vltimum tandem incommodum, quod inferebatur, videlicet intensionem, & qualitatem intensam esse vnum per accidens, cum constet ex pluribus gradibus non ordinatis, facile soluitur hac distinctione; nam multis modis contingit resultare vnum per se ex multis, nempe tamquam ex potentia, & actu; quo pacto ex materia, & forma, aut ex genere & differentia resultat vnum per se essentiale. Secundo, tamquam ex per se ordinatis, vt ex multis vnitaribus resultat vnus numerus per se. Tertio tamquam ex multis partibus integrantibus per continuationem vnitis, etiamsi non sint vlllo modo subordinatæ, vt ex multis partibus integrantibus substantiæ, & quantitatis resultat vna substantia per se, vt vna aqua, vel ignis, aut vna linea, vel superficies absque vlla subordinatione, & ita resultat vna qualitas intensa ex multis partibus gradualibus suis indiuisibilibus vnitis, etiamsi non sint vlllo modo subordinati.

QVÆSTIO VII.

An intensio qualitatum habeat terminos magnitudinis, & paruitatis?

Quæstio hæc solet tractari in 1. aut 6. lib. Phys. vbi de terminis magnitudinis, & paruitatis rerum naturalium agitur. Ego vero in commentariis Physicis eam remissi in hunc locum tanquam sibi proprium. Vt autem sensus quæstionis intelligatur, distinguenda est duplex qualitas naturalis, & supernaturalis: naturalis qualitas ea est, quæ conuenit substantiæ à natura, vt calor igni, & frigiditas aquæ. Supernaturalis vero, quæ non à natura, sed per infusionem ab agenti supernaturali, vt gratia, & charitas. Et de qualitate naturali

præcipue procedit quæstio, quia hæc sola pertinet ad considerationem Philosophiæ naturalis, quamvis vno verbo dicemus in fine quæstionis, quid de terminis qualitatis supernaturalis sentiendum sit. Qualitas autem naturalis dupliciter consideratur, nempe quoad intensiorem, & quoad extensionem. Et primo de intensiōe eius agendum est, deinde de extensione. Sed tandem qualitas secundum intensiōem, duplicem considerationem habet, nam primo consideratur secundum se, deinde ut est dispositio ad formam substantialem introducendam in materia, & contrariam expellendam. Et difficultas præcipua quæstionis de qualitate procedit quantum ad intensiōem secundum se consideratam, nam ut est dispositio ad formam substantialem facile intelligi potest, quonam modo terminetur. Supponenda est autem distinctio terminorum quantum ad magnitudinem, & paruitatem in intrinsecos, & extrinsecos ex 1. lib. Physicor. ubi copiose explicati sunt. Intrinsecus terminus magnitudinis vocatur, maximum quod sic, extrinsecus, minimum quod non. Et intrinsecus paruitatis, minimum quod sic; extrinsecus, maximum quod non, & applicandi sunt ad intensiōem qualitatum, sicut 1. lib. Physicor. applicati sunt ad extensionem quantitatis. Ex quibus iam patet sensus nostræ quæstionis, qui talis est: an qualitates naturales quoad intensiōem habeant terminum magnitudinis intrinsecum, ita ut ad talem gradum intensiōis possint pervenire, ut maiorem intensiōem habere non possint, vel solum habeant terminum extrinsecum; ita ut aliquem gradum intensiōis ita magnum habere non possint, bene tamen quemcumque minorem illo, atque etiam quoad paruitatem habeant terminum intrinsecum ita paruum, qui sit tam minima intensio, qua non possint minorem habere; vel solum habeant terminum extrinsecum, qui sit minima etiam intensio, quam habere non possunt, bene tamen quamcumque maiorem. Loquimur autem de qualitatibus secundum se sumptis, nam de eisdem, ut sunt dispositiones formarum, postmodum dicetur.

Et prima opinio tenet qualitates naturales secundum se sumptas, habere terminum intrinsecum magnitudinis, & paruitatis in sua intensiōe, ita ut ad talem gradum intensiōis possint pervenire, ut ultra illum non possint intendi, etiam per potentiam Dei absolutam, versus paruitatem quoque petunt minimam quamdam intensiōem, sub qua primo producantur, ita ut sub minori non possint saltem naturaliter produci. Ita Scorus in 1. d. 4. §. *Ad primam quæstionem dico.* Vbi loquitur de termino

termino magnitudinis, & in 2. d. 2. q. 9. in solutionibus argumentorum, vbi loquitur de termino paruitatis, de quo idem tenent cum eo Conimb. 8. lib. Phys. com. 23. Greg. in 1. d. 17. q. 1. art. 3. Capreol. ibidem. q. 2. art. 2. Sonzin. 8. Methaph. q. 21. vbi pro eadem sententia citat D. Tho. Ægid. 1. lib. de gener. q. 25. Iandun. 6. lib. Phys. q. 15. Tolet. 1. lib. de generat. q. 6. Sed diuerso modo explicatur iste terminus intrinsecus paruitatis à Toletò & Sonzinate: nam Toletus minimum illum gradum intensiōis non ponit acquisitum per motum, vel partem eius, ne compellatur ponere primam partem in motu contra expressam sententiam Aristotelis 6. lib. Phys. vbi ante quodlibet mutatum esse motus asserit dari partem motus, & ante quamlibet partem motus dari mutatum esse & ita motum non habere primam partem, nec primum mutatum esse, atque etiam contra rationem continui, quod cum sit diuisibile in infinitum, non potest habere primam partem, & ita repugnat motum habere primam, cum sit continuum, & consequenter repugnabit qualitatem habere primam partem productam per motum. Ideo ponit qualitatem secundum minimam illam intensiōem habere modū essendi indiuisibilem, & produci per mutationem, etiam suo modo indiuisibilem, à qua tanquam à termino à quo incipit motus intensiōis per vltimum non esse. Sonzinas verb per motum produci asserit, & ideo videtur ponere minimum alterationis, & primum esse eius ex parte termini à quo.

Sed probatur hæc opinio quantum ad terminum intrinsecum magnitudinis hoc argumento. Qualitas secundum essentiam habet terminum intrinsecum magnitudinis: ergo etiam secundum intensiōem. Probatur consequentia, quia intensiō est modus consequens naturam, & essentiam qualitatis: ergo habet proportionem cum ea. Antecedens vero euidentius est, quia qualitas, sicut res quælibet determinatum habet gradum perfectionis essentialis, sicut determinata prædicata essentialia, vltra quæ non potest crescere, nam eo ipso quòd aliquod prædicatum essentialiale addatur calori, variabitur essentia, atque species eius: Exemplum huius rei habemus in calore, qui ad intensiōem vt octo peruenire potest, & hanc habet in igne, ita vt maiorem habere repugnet: sicque de cæteris qualitibus secundum proportionem, necessariò dicendum erit.

Probatur secundo, quantum ad terminum intrinsecum paruitatis ex Aristotele 6. lib. Physicorum text. 69. vbi vniuersaliter docet cuiuslibet rei permanentis dari primū esse in instanti productum, sed qualitates non solū secundum esse, sed etiam secundum intensiōem sunt res permanentes; cum constet calorem,

calorem, & reliquas permanere postquam producta sunt: ergo habent primum esse sue productionis, in quo verum est dicere, nunc primo calor est in aqua, & immediate ante non erat, & necesse est habere aliquam intensiorem, quia non est producibilis qualitas in subiecto, sine aliqua perfectione, & ideo nec sine aliqua intensiōe: ergo datur prima intensio qualitatis apud Aristotelem, qua non est alia minor; quare hæc erit minima. Probatur etiam ratione primo, quia dum primo producitur calor in aqua, ubi prius non erat certum est expelli frigus per primum non esse, ita ut verum sit dicere, nunc non est frigus in aqua, & immediate ante non erat, non quidem totaliter, sed secundum aliquam eius partem, quia cum expellatur successiue, euidentis est in eodem instanti adhuc multum frigoris permanere in ea. Si igitur verum est nunc, aliquid frigoris expulsura esse ab aqua: ergo verum erit in eodem instanti aliquid caloris esse introductum in ea. Probatur consequentia, quia non expellitur vnum contrarium, nisi ad introductionem alterius; sed illud caloris non potest introduci, nisi per motum, vel mutationem instantaneam: ergo necesse est dari primum esse motus alterationis, ut asserit Sonzinas, vel mutationem instantaneam præcedentem eundem motum alterationis, per quam producatur calor minimus secundum intensiorem, ut asserit Tolemus. Secundo, si talis intensio minima simul, & primo producta non datur, sed quælibet intensio qualitatis est diuisibilis in infinitum, sequitur nec dari qualitatem ita remissam, quin remissior alia in infinitum detur. Ex quo etiam inferitur remissionem procedere in infinitum, & ita nullum terminum, vel finem habere, sed postquam semel incipit, esse perpetua versus finem, quod est absurdum. Probatur hæc vltima consequentia, nam si intensio caloris versus paruitatem est diuisibilis in infinitas partes proportionales, ergo diuisio eius procedit in infinitum, sed sicut diuiditur, sic etiam corrumpitur per remissionem per partes non æquales, quia iam daretur vltima, & hæc esset maximè remissa, ultra quam non daretur alia remissior, & consequenter minima intensio eiusdem caloris, ultra quam non daretur minor: ergo fit remissio qualitatis per partes proportionales, sicut eius diuisio. Vnde sicut diuisio eius procedit in infinitum, & ideo nullum terminum habere potest, ita remissio eius.

Secunda opinio duo asserit. Primum, qualitates secundum intensiorem habere terminum intrinsecum magnitudinis naturaliter, sed per potentiam Dei absolutam posse intendi in infinitum. Secundum, versus paruitatem quoque nullum habere

terminum ſuæ intenſionis. Itaque quantum ad terminum magnitudinis conuenit cum Scoto in vno, & differt in alio; cōuenit quidem in eo quod tribuit eis terminum intrinſecum magnitudinis naturaliter; differt vero ſecundum potentiam Dei abſolutam, quo pacto etiam Scotus concedit eis eundem terminum intrinſecum. Secunda vero opinio negat hoc modo habere talem terminum, ſed exiſtimat ſignato quocumque termino poſſe vltra illum intendi in infinitum. Quantum ad terminum vero paruitatis omnino contraria eſt Scoto, & alijs. Sed eam ſequuntur Sorus. 2. lib. Phyſ. q. 4. art. 3. concl. 5. Conimb. ibidem. q. 1. Franciſcus Suarius. 2. tomo ſuæ Methaph. diſp. 46. ſect. 4. & moderni ferè omnes, & videtur nobis probabilior, & ſequenda.

Probatur primum, quod de potentia Dei abſoluta non habeant terminum intrinſecum magnitudinis, ſed dato quocumque gradu intenſionis, poſſint habere maiorem in infinitum hac ratione. Dato quocumque gradu intenſionis, non repugnat habere maiorem ex parte diuinæ potentia, nec ex parte ipſiusmet qualitatis, nec ex capacitate ſubiecti: ergo ſemper poteſt eſcere intenſio, quod eſt nullum habere terminum intrinſecum magnitudinis. Antecedens ex parte diuinæ potentia euidens eſt: ſed probatur ex parte ipſiusmet qualitatis, quia intenſio eſt perfectio quædam accidentalis eius, non pertinens ad eſſentialia prædicata, ſed ſolum ad entitatem, in qua fundantur vt ſuperius oſtendimus; ergo quātumcumque creſcat intenſio, non variantur eſſentialia prædicata eiſdem qualitatis: quare non repugnat eſſentia eius quælibet intenſio quantumcumque magna, ſed maior poterit dari ſemper in infinitum: ex hac parte. Quod vero non repugnet ex parte ſubiecti probatur, quia licet capacitas ſubiecti ſit finita in ordine ad eſſentiam qualitatis, ſicut eſſentia ipſa finita eſt; nihilominus ſicut eſſentia qualitatis finitæ non repugnat maior intenſio in infinitum, quia non variat eſſentiam eius, ita capacitati ſubiecti, ad quam eſſentia qualitatis ordinatur, non repugnat quæcumque intenſio qualitatis finita, quia capacitas ſubiecti proportionatur formæ recipiendæ.

Probatur deinde ſecundum, quod intenſio qualitatis non 168 habeat terminum intrinſecum paruitatis, ita vt via generationis producat qualitas ſub minima intenſione, qua non ſit dabilis minor alia, ſed neceſſarium eſſe, vt quacumque intenſione data prius ſit producta ſub minori in infinitum. Primo ex illo principio Ariſtotelis, quod habetur 6. lib. Phyſic. cap. 6. ſect. 53. & 54. in omni motu propriè ſumpto, nec dari primam partem,

partem, nec primum mutatum esse, ex parte principij, sed ante quamlibet partē dari mutatum esse indiuisibile, & ante quodlibet mutatum esse dari partē motus, & ideo nec dari primam partem motus, nec primum mutatum esse, sed solum habere initiatiuum extrinsecum, nempe contrariam qualitatem, à qua moueri incipit corpus. Ex quo ita arguo. Alteratio est propriè motus à contrariis in contrarium, per quem fit qualitas, & intensio qualitatis est idem motus, per quem incipit qualitas produci, quia non potest produci de nouo, quin producat cum aliqua intensione: ergo non datur prima pars qualitatis producta quoad intensiōem. Probatur consequentia, quia partes termini per motum producti correspondent partibus motus, per quas producantur, & indiuisibilia termini indiuisibilibus motus: sed non datur prima pars motus intensiōis, nec primum mutatum esse: ergo nec dabitur prima pars qualitatis quoad intensiōem, nec primum indiuisibile eius, sed ante quamlibet intensiōem quantumlibet paruam datur ināior in infinitum. Secundo probatur, quia motus intensiōis realiter est continuus, ut superius probauimus, & qualitas etiam quoad intensiōem habet latitudinem continuatam suis proprijs indiuisibilibus; sed repugnat continuo habere minimam partem; cum, quaelibet pars eius sit diuisibilis in infinitum: ergo repugnat dari minimam intensiōem qualitatis, quin sit dabilis alia minor in infinitum. Istæ rationes efficaciter probant aduersus Sonzinatam asserentem minimam illam qualitatem quoad intensiōem produci per motum. Sed probatur duabus alijs, quod non sit naturaliter producibilis per alterationem instantaneam. Primò, quia quilibet gradus qualitatis productæ quantumcumque paruæ intensiōis diuisibilis est secundum eandem intensiōem, & ideo suam habet latitudinem, non minus, quam alij gradus maioris intensiōis, & præterea habet contrarium siue cuius expulsiōe non potest produci in subiecto, ut calor non potest produci in aqua siue expulsiōe frigoris: ergo non potest naturaliter produci in instanti, sed necessariò successiue, sicut cæteri gradus maioris intensiōis. Probatur consequentia, quia propter has duas causas tantum repugnat quolibet alium gradum eiusdem qualitatis produci in instanti, vel per mutationem instantaneam. Vnde si primus gradus caloris potest produci per alterationem instantaneam naturaliter, quilibet alius gradus eodem modo produci poterit, & ita fiet alteratio in instantibus temporis per mutationes instantaneas, ac per minima, unde non erit motus continuus, quod ostendimus esse falsum. Sed respon-

det

det Toletus qualitatem habere distinctam productionem ab intensiōe, ita ut alia sit alteratio, per quam producitur secundum entitatem, vel substantiam, ab ea per quam intenditur; & ideo per primam alterationem instantaneam præcedentem motum intensiōis produci qualitatem simpliciter, & simul, non successiue in subiecto, & sic producta vocatur minima: diciturque consistere in indiuisibili, quia caret omni intensiōe, ratione cuius est diuisibilis. Hæc tamen solutio supponit falsum, nempe quod productio qualitatis in subiecto sit distincta realiter ab omni eius intensiōe. Quod vero idem sit motus realis, per quem producitur in subiecto, & per quem producitur cum aliqua intensiōe, sic ostendit: impossibile est produci qualitatem in subiecto extenso, quin producat cum aliqua extensiōe ad partes eius; ergo impossibile est, quod producat sine aliqua intensiōe: antecedens euidentius est, quia pars subiecti, in qua producit, extensa, ac diuisibilis est: ergo qualitas in ea producta habet esse extensum, & diuisibile: & ita producta est, ut prius sit producta in medietate illius partis agentis proxima, quam in alia medietate remota. Consequentia vero sic probatur, agens naturale agit uniformiter deiformiter in subiectum extensum, in quo inhaeret contrarium; ita ut prius, & fortius agat in partem magis sibi propinquam, quam in remotiorem: ergo perfectiorem effectum producit in ea, & consequenter intensiorem, quam in remotiori, quod verum est de qualibet parte propinquiori in infinitum: ergo repugnat produci qualitatem, quin producat cum aliqua intensiōe.

Secundum, quia si minima qualitas producit per mutationem instantaneam præcedentem motum: ergo falsum erit principium illud ex Aristotele adductum, quod non detur primam mutatum esse in motu, sed ante quodlibet mutatum esse detur pars motus. Probatur consequentia, quia per illam mutationem instantaneam verum est mutatum esse mobile, & tamen nondum moueri: ergo datur mutatum esse ante motum: quod repugnat, quia mutatum esse non est aliud, quam mobile peruenisse ad talem partem, vel gradum termini acquisiti, ad quam non peruenit, nisi per motum: ergo repugnat dari mutatum esse præcedens totum motum. Et si dicatur mutatum esse motus, hoc est indiuisibile terminatum, vel continuatum partium eius, non posse præcedere totum motum, bene tamen mutatum esse per mutationem instantaneam, & Aristotelem solum loqui de mutato esse motus, non de alio, quare non erit contra doctrinam Aristotelis ponere minimam qualitatem acquisitam per mutationem præcedentem motum in instan

in instanti, quod est ultimum non esse eiusdem motus. Contra hoc est, quod in cæteris motibus, nempe augmentatione, & latione, neque Aristoteles, neque alius umquam posuit talem partem minimam termini productam per mutationem instantaneam, nec est naturaliter possibilis, quod sic probo. Impossibile est in rebus ad quas per se terminatur motus, ullam partem earum simul, aut in instanti produci, sed necessario in tempore, & cum successione; ergo falsum est in alteratione ponere minimam qualitatem simul, & in instanti productam per actionem instantaneam; probatur consequentia, quia non est minus diuisibilis qualitas acquisita per alterationem versus principium, quam versus medium, & finem: sed nulla datur pars in medio, & sine acquisita in instanti, aut simul; ergo nec dari potest in principio. Non est etiam minus diuisibilis qualitas, quam termini aliorum motuum, sed per cæteros motus nulla pars termini acquiri potest in instanti; ergo neque in motu alterationis. Et tãdem probatur, quia aliæ partes eiusdem qualitatis non possunt simul, vel in instanti produci, quia producuntur in subiecto cum resistentia contrarij, sed eodem modo producitur prima, ut per se est manifestum; cum sit eiusdem rationis, & eodem modo habeat contrarium in subiecto; ergo non potest simul, sed successiuè produci, & ideo non potest dari prima.

- 771 Sed contra hoc est difficile argumentum, quia qualitas producta per alterationem est res permanens, continua quoad intensiorem, & finita: ergo est cõtinuum finitum, sed omne cõtinuum finitum, & permanens habet duo indiuisibilia extrema quibus terminatur, ut patet de linea terminata duobus extremis punctis: ergo qualibet qualitas intensa debet habere duo indiuisibilia intensiõis, quibus finira eius intensio sit terminata, videlicet primum, & ultimum: sed primũ non potest produci per partem motus cum præcedat totum motum: ergo producitur per mutationem instantaneam præcedentem motum; & non potest produci separatim ab omni parte eiusdem qualitatis: ergo producitur cõiunctum alicui parti: hæc igitur pars erit minima qualitas quoad intensiorem simul, & in instanti producta per alterationem instantaneam præcedentem totum motum intensiõis. Respondetur tamen primo negando antecedens, quod qualitas producibilis per motum sit res omnino permanens, sed aliquid successiuè habet ex modo suæ productionis, & ideo vocari potest successiua quantum ad fieri. licet sit permanens in facto esse. Et quia ex modo, quo producitur, debet sumi modus, quo terminatur intensio eius, talis modus termina

terminationis similis est ei, quem habet motus, per quem fieri nata est. Et de motu constat non habere terminum intrinsecum versus principium, sed extrinsecum tantum, intrinsecum vero versus finem; ergo eodem modo terminatur qualitas per eum producibilis. Et propterea non habet nisi vnum extremum intrinsecum, & positivum, nempe versus finem, ex parte vero principij solum terminatur negativè intensio eius, quia verum est à contrario incepisse, & ideo principium habere intensiorem eius, quia primam partem aliquotam habet, licet non primam proportionalem. Secundo respondetur habere quidem primum indivisibile intensiōis ex parte principij, non tamen esse productum per mutationem instantaneam, sed per primam partem aliquotā motus, cum parte qualitatis aliquota, cuius principium est, quod non potest esse verum de aliquo alio indivisibili termini, quia omne aliud indivisibile succedit parti, & est quasi esse acquisitum eius; ideo supponit partem motus, per quam producit eadem pars termini, & non potest per eam produci, sed per mutationem instantaneam subsequenter partem motus, & eam terminantem: primum autem indivisibile intensiōis non præsupponit partem intensiōis productam, sed est initium primæ partis aliquotæ, & propterea simul cum ea producit per partem motus, & in parte temporis, non quidem primario, vel adæquatè, sed quasi ex consequenti, & inadæquatè.

Ad primum argumentum oppositæ sententiæ, quod probabat qualitates secundum se habere terminum intrinsecum magnitudinis suæ intensiōis; respondetur, probare intentum modo naturali loquendo, & hoc modo non esse contra nos, qui concedimus modo naturali terminari intrinsecè intensiōem qualitatis, per maximum quod sic, non tamen probare, quod talem terminum habeat, etiam per potentiam Dei absolutam, ut videtur intendere Scotus, quia licet consona sit naturæ harum qualitatum determinata intensio, ultra quam non amplius possint intendi ab agente naturali, sed non repugnat essentiæ earum maiorem habere posse in infinitum, sicut non repugnat quantitati maiorem semper esse posse in infinitum, ideo per potentiam Dei absolutam, dato quocumque termino ultra illum possunt intendi in infinitum.

Ad testimonium Aristot. pro termino parvitatē intrinsecæ adductum respondetur, qualitates producibiles per motum esse quidem permanentes in suo esse, sed aptas fieri successivè per motum, propter latitudinem contrarietatis, quam habent, & propterea non habere primum esse dum fiunt, sed per ultimum

non esse produci ad modum rerum successiuarum. Aristoteles ergo dum asserit res permanentes habere primum esse, solum loquitur de permanentibus in esse, & fieri quales sunt perfectæ substantiæ, nam adhuc de imperfectis, valde probabile est successiuè fieri, vt aqua, vel ignis, & ideo non habere primum esse.

Ad primum argumentum pro eadem minima intensiōe negandum est antecedens, quod in productione caloris expellatur, vel desinat frigus per primum non esse, sed absque dubio desinit per vltimum sui esse. Quod sic probo; motus calefactionis incipit per vltimum non esse, & nullo modo per primum esse: ergo verum est dicere de calore, qui per eum producit, nunc non est, & immediatè post erit; sed productio caloris est expulsio frigoris; & ideo esse caloris in subiecto est non esse frigoris in eo; ergo verum erit de frigore, nunc esse in subiecto, & immediatè post non esse, quod est desinere per vltimum esse. Et si dicatur desinere per vltimum esse, non absolutè, sed sub esso tanto, nempe in eodem gradu, in quo incipit esse calor, & hoc esse possibile, quia frigus vt tantum, hoc est, sub tali gradu vt vnum, vel vt dimidium habet modum indiuisibilis incipientis, & desinentis simul, & in instanti. Probatur esse falsum hoc argumento. Calor incipit esse immediatè post, & frigus etiam desinit immediatè post: sed immediatè post non dicit instans, nec determinatum tempus, sed tempus indeterminatum; sed in tempore indeterminato repugnat produci calorem, vel frigus sub aliquo gradu determinato, vel indiuisibili, sed solum producit sub ratione indeterminata, & ideo dicimus absolutè futurum immediatè post, & non cum additione aliqua: ergo absolutè verum est, quod desinat per vltimum sui esse. Quod veto dictum est 6. lib. Phys. res omnes diuisibiles desinere per primum non esse, & non posse desinere per vltimum esse, intelligi debet dum res ad cuius inceptionem desinunt, incipit per primum sui esse; tunc enim necessarium est, sed non est minus necessarium easdem res desinere per vltimum esse, si res aliæ, ad cuius inceptionem desinunt, incipiant per vltimum non esse, vt consideranti est manifestum.

- 173 Ad secundum, neganda est consequentia, quòd remissio qualitatis procedat in infinitum, quamuis diuisio eius secundum intensiōem procedat in infinitum: & ratio differentię est, quia diuisio fit per solas partes proportionales, & ideo nullum prorsus terminum habet, nec habere potest remissio cum sit motus, non fit per solas partes proportionales, sed etiam per æquales, in quibus illæ continentur, ita vt per partem motus æqualem infinitas

infinitas proportionales habentem, & partem temporis finitam mensuratam producat etiam pars æqualis intensiōis habens infinitas proportionales, & cum partes aliquotæ, seu æquales motus, & qualitatis productæ, atque etiam temporis sint finitæ, & nihilominus quælibet contineat proportionales actu infinitas, tota intensio finita simpliciter est, sicut motus finitus est simpliciter; ideo tempore etiam finito absoluitur, & in infinitum non procedit, sicut de motu locali probat Aristoteles aduersus Zenonem 6. & 8. lib. Physicorum, quod non procedat in infinitum, sed tempore finito absoluat, quia non procedit per solas partes proportionales, sed etiam per æquales, in quibus infinitæ proportionales includuntur, facientes nihilominus partes aliquotas actu finitas, & totum motum actu finitum, per quem omnes partes aliquotæ spatij actu finitæ, & totum spatium actu finitum tempore etiam finito pertransit mobile.

*Quomodo terminentur qualitates quoad intensiōem,
ut sunt dispositiones formarum substantialium.*

Explicatum est iam quomodo terminentur qualitates secundum se consideratæ, quantum ad intensiōem. Sequitur autem ordine debito explicandum, quomodo terminetur intensio earum, ut sunt dispositiones formarum substantialium, in quo minor est difficultas. Ex ideo breuiter explicanda est. Primo quidem quantum ad terminum magnitudinis, quem dicimus habere intrinsecum, ita ut ad tantam possint peruenire intensiōem, ut maiorem habere naturaliter repugnet, ut ignis petit intensiōem caloris ut octo, ita ut maiorem non possit habere naturaliter, siccitatem verò fortè ut sex, vel quid simile; & hos gradus habent pro terminis intrinsecis magnitudinis suæ intensiōis, & eadem est ratio de cæteris qualitatibus secundum proportionem in ordine ad formas substantiales, cuius dispositiones sunt, & hoc est verum de dispositionibus simultaneis. De termino vero paruitatis via generatiōis, quæ consideratio pertinet ad dispositiones præcedentes introductionem formæ, diuerso modo loquendum est secundum diuersas opiniones de subiecto accidentium: nam qui tenent accidentia esse in sola materia tanquam in subiecto inhæsiōis, & propterea eadem manere posse in genito, quæ erant in corrupto, dicunt dispositiones, habere terminum intrinsecum paruitatis, ita ut talis gradus intensiōis requiratur ad introductionem talis formæ, & expulsiōem oppositæ, ut cum minori non possit vna introduci, nec expelli altera, ut ad

introductionem formæ ignis, & expulsionem formæ ligni ex parte materiæ requiri calorem ut sex; ita ut cum minori introduci non possit una, nec expelli altera. Qui vero putant subiectum accidentium esse compositum, & propterea non posse vlla accidentia eadem numero quæ erant in genito manere in corrupto, non possunt concedere dispositionibus terminum intrinsicum paruitatis suæ intensiōis, quia non potest esse verum cum hac opinione, quod talis gradus caloris requiratur ad introductionem formæ ignis, & expulsionem oppositæ, ita ut cum minori non possit una introduci, & expelli altera, quia talis gradus caloris debet esse in ligno tanquam in subiecto; nam si in igne sit, non expelletur ab eo forma ligni, nec introductetur forma ignis; in ligno autem esse non potest, quia quamdiu est in ligno, non potest esse expulsa forma eiusdem ligni, nec introducta forma ignis; unde sequitur intensiōem disputationum non posse cum hac opinione habere terminum paruitatis intrinsicum, sed extrinsecum tantum, ita ut verum sit, cum tali gradu caloris non posse permanere formam ligni, sed expulsam esse, & introductam formam ignis, cum quacumque tamen minori non esse expulsam illam, nec introductam hanc, sed expelli in fieri, hoc est, toto tempore, quo dispositiones non attingunt illum gradum agere causam efficientem ad expulsionem unius, & introductionem alterius; uno igitur, vel alio modo loquendum est de termino paruitatis secundum diuersas opiniones de subiecto accidentium. Itaque vniuersaliter verum est, intensiōem qualitarum, ut sunt dispositiones formarum substantialium, terminari ad certum gradum, tam versus magnitudinem, quam versus paruitatem; sed versus magnitudinem termino intrinseco, qui dicitur *maximum quod sit*; versus paruitatem vero termino etiam intrinseco, qui dicitur *minimum quod sit*; vel saltem extrinseco, qui vocatur *maximum quod non*. Probatur utrumque hoc argumento. Quælibet forma substantialis habet perfectionem determinatam, non solum secundum speciem, sed etiam secundum differentiam indiuidualem: ergo petit pro suo esse, atque introductione in materia determinatum gradum dispositionis, quantum ad intensiōem. Probatur consequentia, quia inter formam substantialem, & dispositiones ad eam requisitas debet esse proportio, præcipue secundum gradum intensiōis, à quo sumitur determinata perfectio qualitatis, ut est dispositio ad formam.

De termino intensiōis qualitatum supernaturalium.

Qualitates supernaturales vocantur gratia; & charitas, ac 175
 ceteræ virtutes, quæ cum eis infunduntur nobis à Deo,
 vt ab agente supernaturali, & intenduntur duobus modis, vi-
 delicet ex opere operato, hoc est ex virtute sacramentorum, si
 dignè recipiantur, vel per nostros proprios actus bonos in gra-
 tia, & charitate factos; & quamvis ad Theologiam propriè
 pertineat agere de intensiōe harum qualitatum, sicut de qua-
 litatibus ipsis, vt tamen completa sit disputatio de terminis
 qualitatum quantum ad intensiōem, breuissimè agendum est
 de terminis intensiōis earum; habent enim suos gradus, vel
 graduales partes intensiōis qualitates istæ proportionales, &
 aliquotas, in quas diuidi possunt in infinitum, sicut qualita-
 tes naturales, & corporeas; sed differunt ab his, quia non sunt
 dispositiones ad formas substantiales; sed solum sunt superna-
 turales quædam participationes diuini esse supernaturalis, per
 quas anima nostra maximè perficitur. Et de termino paruita-
 tis earum nullum video dubitantem, sed omnes tenent non
 esse eis concedendum intrinsecum, ita vt tam minima detur
 gratia, vel charitas in anima, vt minor, vel minus intensa da-
 ri non possit, sed data quacumque, potest dari alia minus in-
 tensa in infinitum; quod absolutè verum est de his qualitati-
 bus secundum se sumptis: sed quia per sacramenta infundun-
 tur animæ secundum mensuram dispositionis, contingit ali-
 quando, vt nulla sit dispositio in anima, vt in pueris baptizatis
 ante vsum rationis, & tunc datur eis minima gratia determina-
 ta per diuinam voluntatem: dicitur autem minima, non absolu-
 tē, & secundum se, quia secundum se minor esse potest, sed acci-
 dentaliter; & ex suppositione in ordine ad subiectum nullam
 habens dispositionem. Solum potest esse dubium de termino
 magnitudinis earum quantum ad intensiōem, an intrinsecus
 sit; ita vt ad talem gradum intensiōis peruenire possint, vltra
 quem non possint intendi, vel dato quocumque gradu maio-
 rem habere possint in infinitum.

Et prima opinio tenet, quod qualitates istæ secundum pro- 176
 priam naturam habent terminum intrinsecum suæ intensiōis
 versus magnitudinem, ita vt ad talem gradum peruenire pos-
 sint, vltra quem repugnat intendi etiam per potentiam Dei ab-
 solutam, & talem gradum summum habere dicunt gratiam ha-
 bitualem Christi, quæ si posset intendi, posset etiam dari alia
 maior, & melior, quod est absurdum. Ita Scotus in 3. distinct.

13. quest. 4. §. *Ad primam questionem dico.* Quem sequuntur Durand. ibidem, & Caiet. 3. part. q. 7. art. 12.

Probat^r primò, quia si accipiamus gratiam vt vnum, & intendatur quantum possibile est per potentiam Dei absolutam; certum est non posse amplius intendi, vel ergo habebit tunc determinatum gradum intensiōis, & talis gradus erit *maximum quod sic* intensiōis eius; cum non possit amplius intendi: vel non habebit determinatum gradum intensiōis; sed intensiōem actu infinitam, quod est impossibile, cum infinita intensiō, sit infinita perfectiō repugnans creaturæ. Secundo, si gratia, & charitas non habent terminum intrinsecum suæ intensiōis, sed dato quocumque gradu possunt maiorem intensiōem in infinitum suscipere, sequitur posse esse actu infinitas secundum intensiōem. Probat^r consequentia, quia totam intensiōem, quam possunt habere succelluè, potest Deus per absolutam potentiam simul eis tribuere; sed intensiō earum potest succelluè esse maior in infinitum: ergo possunt simul habere à Deo actu infinitam: consequens autem probatur falsum, quia gratia actu infinita secundum intensiōem non potest recipi in anima, cum capacitas eius omnibus modis sit finita: ergo necesse est gratiam, & charitatem habere terminum intrinsecum suæ intensiōis versus magnitudinem, quem si non habeant, poterit gratia cuiuslibet hominis in hac vita existentis maiore habere intensiōem, quam gratia cuiuscunque beati, contra illud Matthæi. 11. vbi de Ioanne Baptista, qui habuit perfectissimam gratiam, dicitur: *Qui autem minor est in regno celorum, maior est illo.*

- 177 Secunda opinio affirmat has qualitates supernaturales nullum habere terminum intrinsecum magnitudinis in sua intensiōe, sed dato quocumque gradu intensiōis quantumcumque maximo posse adhuc intendi in infinitum. Ita D. Thomas de gratia, & charitate 12. q. 14. artic. 7. & hæc est probabilior, & tenenda. Probat^r efficaciter ratio D. Thomæ ibidem hoc modo. Intensiō alicuius formæ solum ex triplici capite potest esse finita, nempe ex parte ipsius formæ, quæ ita petit determinatum gradum intensiōis, vt non possit illum excedere, quin varietur essentia eius, & in aliam speciem conuertatur: vel ex parte agentis, cuius virtus ad intendendam talem formam limitata est, ita vt ultra certum gradum non possit eam intendere: vel ex parte subiecti in quo recipitur talis forma, cuius capacitas finita est, & ideo non potest recipere formam, nisi cum determinato gradu intensiōis. Sed ex nullo capite habent qualitates istæ terminum intrinsecum magnitudinis: ergo non est eis concedendus. Probat^r minor, nā qualitates istæ
super

supernaturales sunt immediatæ quædam participationes diuini amoris supernaturalis, per quem diligitur anima à Deo in ordine ad beatitudinem; sed participatio ista nullum habet ex se terminum, nisi quem ei præfigit Deus ipse eam diligens: ergo non habet ex se terminum intrinsecum suę intensionis. Virtus etiam Dei agentis supernaturalis, à quo infunduntur gratia, & charitas in anima, de se est infinita, vt constat; & tandem capacitas subiecti, quod est anima, non diminuitur, sed augeatur per has qualitates, ita vt quo plus intensionis earum recipit, plus etiam recipere possit, quia quo plus recipit, eo fit obiectum maioris dilectionis, per quā gratia & charitas eius intendi debet; ergo nulla ex parte postulat terminum intrinsecum.

Ad primum argumentum Scoti negandum est, quod supponit, nempe gratiam vt vnum posse intendi à Deo quantum possibile est, quia tota intensio, quam potest suscipere, non est determinata, sed infinita in potentia, ita vt data quacumque possit semper habere maiorem, id autem, quod non habet actuale terminum ultra quem procedere non possit, licet habeat esse finitum, sed non determinatum ad talem gradum, quod vero non habet esse sic determinatum, non potest totum simul produci extra causas, quia quidquid producit extra causas, sub certo gradu perfectionis produci debet. Exemplum esse potest diuisio continui, quæ semper est actu finita, sed infinita in potentia, nullum habens terminum, ultra quem procedere non possit: & tamen non sequitur quod omnes diuisiones possibles continui possit Deus simul facere: sic ergo dicendum est, intensionem qualitatum supernaturalium esse actu finitam, sed infinitam in potentia, & ideo repugnat totam simul produci à Deo, vel intendi qualitatem, quantum possibile est. 168

Ad secundum, neganda est consequentia, quod intensio harum qualitatum possit esse actu infinita. Et dum dicitur posse Deum simul facere quæcumque facit successiue, negandum quoque est, etiam in rebus permanentibus, nam si perfectio earum actuali termino careat, ultra quem non possit crescere, impossibile est totam eius perfectionem actu produci extra causas, quia quod non habet esse actuale determinatum non est actu producibile totum extra causas, vt probat diuisio continui. Et quod additur in eodem argumento, nempe capacitatem animæ omnibus modis esse finitam, negamus, quia licet sit actu finita, ita vt non possit recipere gratiam actu infinitam, sed quidquid gratiæ actu recipit, finitum esse debeat, est tamen infinita in potentia, ita vt semper possit

intensionem gratiam recipere. Ex quo euidenter sequitur, gratiam, quam recipere potest, non habere terminum intrinsecum magnitudinis quoad intensionem, sed extrinsecum tantum, & terminus iste non est alius, quam gratia actu infinita, quam recipere non potest (sed nec possibilis est) bene tamen quamlibet finitam sine termino. Et quod tandem additur, ex hoc sequi gratiam hominis in hac vita existentis, posse esse æqualem, immo maiorem gratia cuiuscumque beati, distinguendum est: nam secundum intensionem, æqualis, & maior esse potest per potentiam Dei absolutam, sed secundum eam perfectionem, quam habet gratia cuiuslibet beati ex dignitate, & qualitate actus beatitudinis, semper est maior quacumque gratia viatoris; in quo sensu intelliguntur verba Scripturæ allata.

- 179 De gratia tandem Christi Domini eodem fere modo respondet D. Thomas 3. p. q. 7. artic. 12. dupliciter sumi posse, nempe secundum intensionem, aut secundum dignitatem, quam habet ex tali persona, hoc est, ex vnione naturæ humanæ ad Verbum, quam sequitur, atque etiam ex aliis effectibus ex eadem vnione prouenientibus. Et si sumatur secundum intensionem præcise, concedendum est, posse Deum de potentia absoluta facere aliam gratiam intensiorem in infinitum, & ideo maiorem, & meliorem secundum hanc considerationem, quam sit gratia Christi; repugnat tamen fieri aliquid maius, & melius eadem gratia secundo modo considerata, etiam per potentiam Dei absolutam; quia nec possibile est, sequi maiorem, aut excellentiorem vnionem, nec reperiri in persona digniori, aut in altiore finem ordinari. Et adhuc secundum intensionem considerata gratia Christi dicitur summa, in hoc sensu, quia non potest dari maior secundum potentiam ordinariam; quamuis non sit summa. Reliqua vero, quæ ad has qualitates pertinent, Theologis relinquenda sunt.

*De terminis qualitatum naturalium quoad
extensionem.*

- 180 **E**odem prorsus modo loquendum est de qualitibus naturalibus quoad extensionem, ac loquuti sumus de intensione earum, & ita dicendum primo, non habere terminum intrinsecum magnitudinis; sed ad quasunque partes subiecti posse se extendere in infinitum, ita ut si dari potest corpus actu infinitum, ad totum illud posse se extendere qualitatem. De termino etiam paruitatis intrinseco via generationis, dicendum est, qualitibus non conuenire, etiam ut sunt dispositiones formarum substantiarum.

substantialium, nam licet substantiæ concedatur determinata quantitas, sub qua generari potest, & non sub minori, adhuc in tali minimo non haberet minimam extensionem caloris, vel frigoris, ut dispositiones sunt; sed prius in medietate eius proximiori agentis introduceretur, & prius in medietate illius medietatis in infinitum, ita ut nulla detur tam parua extensio eius, quin data sit prius minor in infinitum. Solum ergo conceditur eis terminus extrinsecus extensionis, qui videtur esse punctum: nam data qualibet quantitate, ad quam extendantur, prius extenduntur ad minorem. Et eisdem rationibus, quibus probatum est, non habere terminos intrinsecos magnitudinis, & paruitatis, quoad intensionem, probandum est, nec eos habere quoad extensionem, non sunt tamen eadem argumenta repetenda, sed applicanda, quod facili negotio fieri potest.

QVÆSTIO VIII.

De subiecto alterationis, & aliorum accidentium corporea substantia, an sit sola materia, vel compositum?

INter alias differentias, quas Aristoteles assignavit inter generationem, & corruptionem ex una parte, & alterationem ex alia, una fuit ex parte subiecti, quia per generationem solum mutatur materia à priuatione unius formæ ad eandem formam; per alterationem vero mutatur compositum secundum diuersas passionem, quæ ei possunt accidere, hoc est, secundum diuersas qualitates. Propterea sicut de subiecto generationis suo loco dubitatum est, an sit materia, vel compositum, ad quod terminatur, ita de alteratione dubitamus modo, an sit compositum, vel sola materia. Et cum idem debeat esse subiectum motus, & termini, quia subiectum mouetur propter terminum adquirendum, & terminus in quem tendit alteratio, sint qualitates, de his est eadem questio, an sint in materia prima vel composito. Et tandem cum qualitates corporeæ ad quas terminatur Physica alteratio (de qua sola agit Aristoteles, & cum eo nos) inhaereant substantiæ media quantitate sicut cætera accidentia corporea in eodem subiecto, in quo fuerit quantitas, erunt qualitates istæ cum suis alterationibus, per quas producuntur, atque etiam cum cæteris corporeis accidentibus. Propterea procedit questio de quantitate primo, & consequenter de qualitatibus.

cæterisque accidentibus corporeis, quæ duplicia sunt; quædam incompleta, vel quasi partialia, quæ ex propria natura parti, & non toti conueniunt, vt relationes partium inter sese, & ad totum; atq; etiam generatio, & corruptio substantialis, & his similia, de quorum subiecto constat, quod non sit compositum, sed partes ipsæ, nempe forma, vel materia; quare de his non procedit quæstio, sed de aliis, quæ conueniunt quidē cōposito, atq; etiam materiæ, vt quantitas, & reliqua accidentia corporea, de quibus merito dubitatur, an in hac, vel potius in illo sint tanquam in proprio subiecto. Sed adhuc subiectum duplex esse potest, inhæ-
sionis, & denominationis, vt in similitate constat, cuius subiectum inhæ-
sionis est nasus, denominationis vero totus homo, qui denominatur simus, à similitate existente in solo naso; non ergo inquirimus de subiecto denominationis, sed inhæ-
sionis tantum. Quod adhuc est duplex, proximum, & remotum; pro-
ximum est, cui proximè inhærent accidentia, remotum, cui in-
hærent ratione proximi. Procedit autem quæstio de subiecto
inhæ-
sionis proximo non remoto.

182. Et prima opinio asserit non esse compositum, sed materiam: ita Auerroes in lib. de substantia orbis, & 1. lib. Phys. comm. 63. quibus locis docet in materia prima esse quasdam dimensio-
nes interminatas illi coæuas, hoc est à principio, quo creata est, ei inhærentes, & numquam ab ea separabiles, sed ingenera-
biles, atque incorruptibiles. Per dimensiones autē interminatas intelligit quantitatem, quæ quantum est ex parte ipsius mate-
riæ, in qua inhæret, nec certam aliquam raritatem, vel densita-
tem, nec certum terminum suæ magnitudinis, aut paruitatis, nec aliquam determinatam figuram postulat, quamuis à parte rei determinatam semper figuram habeat, atque etiam aliquem terminum magnitudinis, aut paruitatis secundum exigentiam formæ substantialis. Quantitatem igitur interminatam asserit esse in nuda materia tanquam in proprio subiecto, & semper cum ea perseverare eandem numero in omnibus generationi-
bus, & corruptionibus: & cum cætera accidentia corporea inhæ-
reant subiecto mediante quantitate, in eadem materia esse. Ita etiam sentiunt Simplicius. 1. lib. Phys. text. 69. Philop. 1. lib. de generat. text. 33. & 40. Ammonius in Prædicamēto quantitatatis. Gregor. in 2. d. 11. q. 2. artic. 1. Aureol. apud Capreol. d. 13. q. 1. in argum. contra. 3. concl. Marfilus. 1. lib. de generat. q. 7. Venetus in summa de gen. capit. 54. Egidius 7. Metaph. q. 4. Nimphus. 8. Meth. disp. 4. Zimata theorem. 46. & à quibusdam citatur pro hac sententia D. Tho. in 4. d. 11. q. 1. art. 2. quæstiuncula 4. Sed solum eam refert ad propositum illius quæstionis, non sequitur.

Sed

Sed tribus modis intelligitur hæc sententia à recentioribus, qui eam sequuntur. Multi enim solam, & nudam materiam asserunt esse subiectum proximum quantitatis, & omnium accidentium materialium, ita ut ipsa per se, & sine adminiculo formæ sufficiens sit ad recipienda hæc omnia accidentia, & formam ad id non esse villo modo necessariam, quamvis non possit esse materia in rerum natura sine illa naturaliter: & ita ad recipienda accidentia solum se habeat quasi comitanter: unde cum non dependeat receptio accidentium in materia ex vnione formæ cum ea, nec etiam desinunt esse in materia per separationem formarum, sed eadem numero, quæ erant in corrupto, permanent in genito. Alij vero materiam quidem subiectum inhæsionis omnium accidentium esse concedunt, non tamen nudam, sed prius vnitam formæ, ita ut non possit ea naturaliter recipere sine forma: sed non ideo dicunt formam esse aliquo modo subiectum eorum etiam partiale, nam officium subiecti sola materia exercet; sed quia existentia actualis materiæ, per quam est in rerum natura, ex se est imperfectissima, sicut materia ipsa: & propterea non potest materia per illam existere naturaliter, nisi vnita, & quasi fulcita per formam; nec etiam potest sustentare naturaliter accidentia, nisi informata, quia per informationem quasi perficitur, atque fulcitur existentia eius, ut possit esse subiectum eorum: consequenter asserunt separata forma in corruptione compositi desinere accidentia omnia, quæ erant in materia, nec permanere eadem numero in re genita, quæ erant in corrupta. Ita Cominb. 1. lib. de generat. cap. 4. quest. 4. artic. 1. & alij.

Alij denique cum primis, & secundis conueniunt in eo, 183 quod sola materia sit subiectum accidentium, sed dependenter à forma id habere docent, non tamen ut à causa formali extrinseca, ut secundi, sed tamquam ab efficiente, à qua procedit in hoc genere quantitas, & consequenter cætera accidentia, ita ut à prima forma, quam materia habuit, processerint tamquam ab efficiente, à formis vero succedentibus tamquam à conseruante in genere causæ efficientis: quia non repugnat eundem numero effectum conseruari à Deo per diuersas causas secundas sibi succedentes. Et quod de quantitate dicitur, de cæteris accidentibus, in quibus conueniunt corpora genita cum corruptis intelligunt; de his vero, in quibus dissimilia sunt, asserunt, de nouo procedere à noua forma. Et ideo nec omnia accidentia rei, quæ corrumpitur, permanere eadẽ numero in re genita, nec omnia esse numero diuersa, sed quãtitatẽ cum his, in quibus similia sũt, permanere eandẽ

eandem numero : cætera vero , in quibus differunt corrupti cum substantia , & alia numero diuersa procedere à forma geniti, quia licet similia possint à diuersis conseruari eadem numero, sed diuersa non possunt, nisi à diuersis efficientibus procedere.

Probant autem , quod materia sit subiectum accidentium, in quo omnes isti authores conueniunt testimonijs Aristot. 1. lib. de Gener. c. 4. tex. 24. & lib. 2. tex. 17. vbi ait, quod dum vnum elementum transmutatur in aliud, non corrumpuntur omnia accidentia, sed permanent in genito illa omnia, in quibus assimulantur, vt quando ex aëre generatur aqua , permanent in aqua genita transparentia, & humiditas aëris; cum non sit à quo corrumpantur. Sed non possunt permanere eadem accidentia, si sint in composito, tãquam in subiecto ; cum non maneat idem compositum: ergo si eadem permanent, erunt in materia eadem numero permanente: & 2. lib. de generat. tex. 6. asserit dispositiones præcedentes pro introductione alicuius formæ cum alterationibus, per quas producuntur, versari circa materiam: sentit ergo esse in ea tamquam in subiecto , circa quod operatur agens.

Probat etiam innumeris penè argumentis. ab eisdem ; ex quibus hæc videntur mihi seligenda , quæ maioris momenti sunt. Primū, quia vt aliquid sustentet aliud tãquam subiectum eius, hoc solum requiritur , & sufficit , quod habeat entitatem realem extra causas, cum actuali existentia , & subsistentia , sed hæc habet materia ex se, & non à forma , vel composita , vt in 1. lib. Phys. probauimus : ergo sufficiens est ex se ad sustentanda accidentia. Quod ex formis substantialibus materialibus confirmari potest, quas materia sustentat, tamquam proprium subiectum earum, in quo inhærent, & à quo dependet, non minus, quam accidentales, & hoc ratione propriæ existentia , & subsistentia, sine quibus non posset eas sustentare , quia quod uon existit, nec subsistit in se , & ex se , non potest alia sustentare: ergo materia sufficiens est, atque idoneum subiectum omnium accidentium.

- 184 Secundo, probant compositum non posse esse subiectum accidentium in homine, in quo vnica est forma substantialis , & hæc spiritalis, vt probabitur 1. lib. de anima. Quo supposito ita arguunt; quantitas non potest esse in toto homine tãquam in subiecto, in quo inhæreat, nec potest esse in anima: ergo est in sola materia. Antecedens quantum ad animã euidens est, nam cum sit spiritalis, atque indiuisibilis , non est capax quantitatis, nec accidentium materialium. Sed probatur de composito, quia

quia repugnat accidens immediatè vnire composito per in-
hæſionem, quia immediatè etiâ attingat ſua vnione materiam,
& formam per modum vnus, nam ex his vnitis conſtat com-
poſitum, & ſecundum probabiliorẽ ſententiã non eſt alia
entitas realis, præter materiam formam, & vnionem: ſed
repugnat quantitatem, & accidentia corporca attingere ani-
mam rationalem, aut ei vllò modo inhærere: ergo non minus
repugnabit inhærere composito cuius ipſa eſt forma.

Tertium, quia agens naturale, atque corporeum non poteſt
agere, niſi in ſubiecto quanto, atque extenſo: ſed agens à quo
procedit generatio ſubſtantialis, agit circa materiã, tamquam
circa proprium ſubiectum generationis: ergo generationi præ-
ſupponitur materia quanta, & extenſa, non ſolù toto tempore
alterationum præcedentium, ſed in inſtanti generationis. Pro-
batur conſequentia, quia in illo inſtanti agens naturale expel-
lit à materiã vnã formam, & introducit alteram: ergo agit
circa illam. Et præterea in illo inſtanti materia eſt ſubiectum
generationis, quæ eſt actio extenſa, atque diuiſibilis, & ideo
non poteſt recipi, niſi in ſubiecto diuiſibili: in illo autem in-
ſtanti non habet materia quantitatem præcedentis compoſiti,
quod iam non exiſtit, nec proinde accidentia eius, ſi in eo ſub-
iectantur, ſed nec poteſt præcedere in materiã quantitas com-
poſiti tunc geniti, quia generatio eſt via ad illud ergo prior
natura via executionis introductione formæ ſubſtantialis, &
ideo prior etiam quantitate ab eadem forma procedente. Ex
quibus ſequitur materiam ſecum alferre quantitatem, tamquam
ſibi coæuam, & proprium eius ſubiectum eſſe, aliorumque ac-
cidentium materialium.

Quartum, agens naturale non introducit formam, niſi in 185
materia iam determinata ad illam, potius quàm ad aliam per
diſpoſitiones præcedentes; ſed nõ poteſt eſſe materia diſpoſita,
nec determinata in inſtanti generationis, in quo introducitur
forma, ſi accidentia non ſint in ea tamquam in ſubiecto, ſed in
composito: ergo ita ſentiendum eſt. Probatur minor, quia licet
toto tempore alterationis præcedentis intelligi poſſit materia
diſponi receptis diſpoſitionibus in composito corrumpendo;
ſed in inſtanti generationis hoc iam non eſt: ergo non perma-
nent diſpoſitiones præcedentes; ſed nuda intelligitur materia
omni forma ſubſtantiali, & accidentali: nuda autem materia non
poteſt eſſe diſpoſita, nec magis ad hanc, quàm ad illam formam
determinata, ſed indifferens ad omnes. Quod manifeſtum eſt
in generatione animalis, ad quam requiritur materia organi-
zata; cum anima ſit actus corporis Phyſici, & organi: eſſe autẽ
organi

organizata in instanti generationis repugnat, cum sit nuda, & organizatio non sit intelligibilis sine quantitate, & accidentibus corporeis: ergo nec poterit introduci ab agente naturali una potius forma, quam altera propter defectum determinationis, immo neq; vlla poterit introduci propter defectum dispositionum. Et si dicatur primo sufficere dispositiones immediate præcedentes, quæ licet iam non sint, sed ratione illarum, aut quia eas proximo tempore habuit in se materia, quasi sigillata manet pro tali forma, potius quam alia recipienda, quod est, dispositam simul, & determinatam esse. Contra hoc est, quod habuisse dispositiones tempore proximo, nihil reale intrinsecum est in materia in instanti generationis, sed sola denominatio extrinseca, ratione cuius, nec disposita, nec determinata: tunc erit materia, quia dispositio, & determinatio non fit, nisi per aliquid reale intrinsecum in re disposita, ac determinata: ergo esse actu dispositam, & determinatam non potest intelligi, nisi per aliquid reale, & intrinsecum actuale in ea: quare non sufficit denominatio extrinseca ex præcedentibus dispositionibus acquisita. Si vero dicatur secundo, dispositam esse materiam, atque organizatam in instanti generationis per dispositiones, quas secum affert in eodem instanti forma introducta, quæ licet ab ea procedant in genere causæ efficientis, & in hoc genere sint posteriores, sed in genere causæ materialis, ut præparant materiam pro introductione eiusdem formæ præcedere possunt ordine naturæ. Contra hoc est, quod effectus in nullo genere causæ potest esse prior sua causa efficiente, à qua recipit esse, & quam proinde supponit iam existentem in rerum natura: ergo cum dispositiones istæ sint effectus eiusdem formæ, à qua procedunt, necesse est eam præsupponant existentem in rerum natura, atque adeo informantem materiā, quia nihil intelligitur agere, nisi intelligatur existere.

186

Probatur tandem multis experientijs, nam in generatione hominis videmus eo mortuo remanere eandem quantitatem, figuram, organizationem, calorem, & easdem cicatrices, si quas habuit vivus: ergo hæc, & reliqua accidentia non poterant esse in toto composito iam corrupto, sed in sola materia eadem permanente. Sed respondent non permanere eadem numero, sed specie; videri autem eadem numero propter maximam similitudinem, & talia iudicari non quidem ab intellectu, sed à sensu, qui plane decipitur, & corrigi debet ab intellectu, sicut decipitur, atq; corrigitur cum iudicat solem, vel stellam longe minorem esse tota terra. Hæc tamen solutio aliquid valeret, si esset vrgens aliqua ratio probans prædicta accidentia non esse

esse eadem numero, sed alia distincta, ac de nouo producta; sed non solum nulla datur talis ratio, sed potius dantur valde urgentes, quibus probatur non posse esse alia numero distincta: ergo iudicio sensuum standum est; cum sit rationi consonum, & nullo modo corrigi debent. Probatur minor, quia si illa accidentia, quæ sunt in cadauere post mortem hominis, sunt distincta numero ab his, quæ erant in eodem homine uiuo, necesse est assignare aliquam causam determinatam, & particularem à qua producantur: constat vero nullam dari, quia siue naturali morte ab aliqua interna causa, & naturali, siue violenta, à causa extrinseca intereat homo, nulla talis causa datur, quæ possit producere nouam quantitatem, nouam figuram, nouum calorem, & cicatricem, quia plura ex his non sunt necessaria pro forma cadaueris, sed impertinenter omnino se habent ad quamlibet generationem nouam. Recursus autem ad vniuersales causas, vel ad primam, à quibus producantur, nullum habet fundamentum, quia nullus effectus fieri solitus à causis particularibus, fit à solis vniuersalibus, vel à prima, nisi urgente necessitate, & deficiente causa particulari, in proposito vero nulla urget necessitas, ut per se est manifestum; ergo nec talis recursus admitti debet. Et si dicatur urgentem rationem esse, quod accidentia subieciuntur in composito, & ideo non possunt permanere eadem numero, sed alia distincta debere fieri, nec dari causam particularem, à qua fiant, manifesta petitio principij est; cum supponatur id, quod probandum est, & pro ratione afferatur id, de quo est tota controuersia.

Secunda opinio asserit, quantitatem, & cætera accidentia corporea esse in composito tamquam in proprio adæquato, atque immediato subiecto inhæsionis, ad materiam vero quadam tantum ratione in adæquata comparari. Ita D. Thomas expresse multis suæ doctrinæ locis, sed præsertim questione vnica de spiritualibus creaturis artic. 3. ad 18. & 1. p. q. 76. artic. 6. Albertus Magnus in summa de homine par. 2. questione an nutritio fiat ex simili, artic. 1. Duran. in 1. d. 8. q. 4. Capreol. in 1. d. 13. q. 1. concl. 2. & 3. & d. 8. q. 1. conclus. 6. Caietan. in opus. de ente, & essentia, cap. 7. q. 16. Sonzin. 8. Methaph. q. 7. & 15. Ferrar. 4. contra gent. capit. 81. q. 2. & 3. Soto 1. libro Phys. q. 7. & videtur nobis, si non facilius, probabilior tamen, & magis conformis doctrinæ, & principijs Aristotelis.

Probari posset hoc secundum multis testimonijs Aristotelis, sed præclara sunt hæc. Cap. de substantia in prædicamentis. Postquam probauit tam prædicata substantialia, quàm accidentalialia realiter esse in primis substantijs, quæ sunt substantiæ singulares,

lares, & realiter de illis prædicari, & ideo esse fundamentum omnium prædicatorum, vt homo, animal, viuens, corpus, & substantia, album, aut nigrum de Petro, & Ioanne subdit, *Non ergo existimantes primis substantiis impossibile est aliquid aliorum esse.* Nomine autem aliorum, non sola vniuersalia, & substantialia prædicata intelligit, sed etiam accidentia, quibus expresse docet subitare primas substantias, ergo sentit his destructis per corruptionem non remanere accidentia, & consequenter in eis esse tamquam in subiectis, & non in materia quæ permanet. Testimonium hoc præcipue probat aduersus eos, qui dicunt materiam sufficiens subiectum quantitatis, & aliorum accidentium esse, ita vt in ratione subiecti non dependeat à forma, vel composito, & ideo corrupto composito eadem numero accidentia permanere. Sed respondent primo, non loqui Aristotelem de primis substantiis in particulari, sed vniuersaliter de omnibus, ita vt sensus sit, destructis omnibus primis substantiis, & non genitis de nouo aliis nullum accidens earum permanere. Sed hæc solutio valde aliena est à verbis, & sensu Aristotelis: à verbis quidem, quia exemplum ponit in substantiis particularibus, vt in quodam homine, & quodam animali: à mente verò, quia Aristoteles non existimauit possibilem corruptionem substantiæ, cui non succedat generatio: ergo nec potuit in hoc sensu loqui. Ideo secundo respondet loqui Aristotelem de corruptione primarum substantiarum secundum totam suam entitatem, ita vt non solum forma definat esse, sed etiam materia, sic autem desinentibus primis substantiis impossibile est remanere accidentia. Hæc tamen solutio non minus est contra mentem Aristotelis, quam præcedens, quod sic probo. Aristoteles non cognouit desitionem substantiæ secundum totam entitatem, quia hæc est anihilatio: ergo non potuit de ea loqui. Præterea de materia docuit expresse 1. lib. Phys. esse incorruptibilem: ergo non putauit possibile, quod prima substantia corrumpere ex parte materiæ. Et si dixeris loquutum esse ex suppositione cuiusdam impossibilis, probatur esse falsum, quia loquitur expresse de primis substantiis, quæ verè contrumpuntur, & asserit eis corruptis, vt passim contingit, nihil permanere, hoc est, nullum prædicatum substantiale, nec accidentale realiter permanere. Sentit ergo proprium subiectum accidentium esse compositum, & non materiam.

188 Et in hoc 1. lib. de generat. cap. 4. tex. 23. asserit generationem substantialem differre ab alteratione ex parte subiecti, quia subiectum alterationis est compositum manens sub vtroque termino, hoc est, sub vno, & alio contrario accidenti, inter quæ versatur

vetatur alteratio; ut subiectum calefactionis est aqua, vel lignum, quia manet modo sub frigore, quod est terminus à quo, deinde sub calore, qui est terminus ad quem, & solum suscipit mutationem secundum diuersas passionem, hoc est, secundum diuersa accidentia, quæ in se recipiens patitur: subiectum vero generationis substantialis est materia prima: ergo sentit alterationem, & cætera accidentia corporea esse in composito tanquam in proprio subiecto. Verba eius sunt. *Alteratio quidem est, quando manente subiecto sensibili existente transmutatur in eius passionibus, aut contrariis existentibus.* Sed respondent subiectum alterationis esse compositum, non ratione totius, sed ratione partis, nempe materia. Hæc tamen solutio non potest esse ad mentem Aristotelis, qui propriissime loquitur de subiecto inhesionis, totum vero ratione partis non est subiectum inhesionis, sed solum denominationis, ut in finitate constat, cuius subiectum est homo ratione nasi, non est tamen subiectum inhesionis homo ratione totius, quia finitas non inhaeret in toto homine, sed in sola parte: dicitur tamen subiectum denominationis, quia per inhaerentiam accidentis in vna illa parte, in qua sola aptum est, inhaeret, denominatur totum ab illo. Si ergo compositum non ratione totius, sed ratione solius partis est subiectum alterationis: ergo non est subiectum inhesionis eius, sed solum denominationis. Quod vero Aristoteles de subiecto inhesionis loquatur, cuius est, cum dicat, compositum transmutati per alterationem in propriis passionibus: ergo sentit in se recipere alterationem ipsam, quia nihil transmutatur, nisi quod transmutationem in se recipit. Sed clarius hoc idem constat ex 5. lib. Phys. cap. 1. text. 3. ubi explicans Aristoteles, quod sit primum, & proprium subiectum motus simul cum terminis à quo, & ad quem, ita ait: *Alterum enim est, quod primum mouetur, & in quod mouetur, & ex quo, ut lignum, & calidum, & frigidum: horum autem aliud quidem, quod, aliud vero in quod, aliud autem ex quo, motus manifestum est, quod in ligno est, &c.* Et text. 11. eiusdem libri sic etiam loquitur de subiecto motus. *Primum enim dupliciter contingit motus esse motum, aut ut subiecti, ut homo mouetur, quia ex albo in nigrum mutatur, &c.*

Sed probatur ratione, quod materia non possit esse primum, & adæquatum subiectum motus, sed compositum, materia vero ad summum inadæquatum, & remotum. Primo, quia illud est subiectum proprium, & adæquatum accidentis, quod propriè, & adæquatè suscipit in se effectum formalem eius, ut subiectum proprium, & adæquatum albedinis, quod formaliter,

& adæquatè est album; sed compositum suscipit in se primo, & adæquatè effectum formalem motus: materia verò, non nisi inadæquatè, & quasi remorè: ergo compositum, & non materia est primum, & adæquatum subiectum motus. Probatut minor, quia formalis effectus motus est moueti, sicut albedinis esse album: sed quod primo, & adæquatè mouetur quocumque genere motus est compositum: materia verò siue nuda accipiatut, siue informata forma inadæquatè tantum sicut pars, & ratione totius compositi; ergo hoc, & non illa est subiectum primum, & adæquatum motus, & ex consequenti cuiuscunque accidentis producti per motum, quia idem est subiectum motus, & termini.

Secundo probatur eadem sententia ex potentiis, & actibus vitalibus, ut ex sensibus externis, & actibus eorum, quæ cum sint accidentia corporea, ponuntur in materia prima tanquam in proprio, & adæquato subiecto ab opinione opposita. Quod verò sint potius in composito, tenet expressè Aristotel. 1. lib. de Anima textu 66. ubi in hoc ait distinguui in homine potentias sensitivas, tam cognoscitivas, quam appetitivas ex vna parte, ab intellectu ex altera; quod intellectus non est potentia organica, hoc est, in organo corporeo in hærens, sed spiritalis in hærens immediatè in anima rationali: appetitus autem sensitivus, & sensus, quorum cognitionem sequitur, sunt potentie organice, non in hærentes immediatè in anima, sed in organo corporeo, hoc est, in quadam parte determinata corporis, ut visus in oculo; unde actus earum (inquit) non sunt actus animæ immediatè, sed totius coniuncti, nempe organi compositi ex corpore, & anima, siue ex materia, & forma; in quo residet potentia sensitiva, ut videre, & audire sunt actus oculorum, & aurium; siue potentie auditivæ intra aures ipsas, ut in suo proprio organo residentis; ita ut à potentia ipsa sensitiva in illa parte residente eliciantur, & in eadem permaneant. Ex quibus hæc tria argumenta colliguntur. Primum est: potentie sensitivæ immediatè sunt totius coniuncti, aut compositi ex corpore, & anima: nam ideo vocantur potentie organice: ergo immediatè in hærent in eo, & actus earum procedit ab eodem tanquam à principio proximo, operante virtute potentie, & recipiuntur etiam in eo: ergo sunt in toto coniuncto tanquam in proximo subiecto, ut potentia visiva, & actus videndi in oculo, & non in sola materia prima, ut asserit opposita sententia. Secundum, actiones immanentes hoc differunt à transeuntibus, quod istæ procedunt ab agente, & in eo non recipiuntur, sed transeunt ad passum ab eodem agente disersum, & in illo tanquam in proprio subiecto in hærent, ut calefactio

calefactio procedit ab igne tanquam ab agente, & transit ad aquam, in qua tanquam in subiecto recipitur: immanentes vero procedunt ab agente, & non transeunt ad passum distinctum, sed in eodem agente manent tanquam in proprio subiecto, sed actiones sensitiue sunt immanentes, ut Aristoteles, & vniuersa schola fateretur: ergo recipiuntur in eodem principio actiuo, à quo immediate procedunt, ut visio in oculo: sed principium à quo proximè eliciuntur, est compositum ex organo, & potentia in eo residente, & non materia prima secundum se nullā habens actiuitatem respectu harum actionum; nec etiam materia prima ut informata anima, quia neque hoc modo sumpta elicit actum videndi, nec per potentiam sensitiuam; sed principium est totum coniunctum ex materia, & forma; ut docuit expressè Aristoteles, quod patet realiter esse distinctum à materia, etiam ut informata forma: ergo recipiuntur in eodem composito tanquam in proprio subiecto, & non in materia.

His argumentis ex eadem radice præcedentibus, respondere conantur aduersarij distinguendo actionem transeuntem hoc modo. Actio transiens duplex est, vna quæ procedit ab agente, & transit ad passum, non solum ab eo distinctum realiter, sed extra illud existens, quo pacto calefactio procedit ab igne, & transit ad aquam, quæ est res alia extra ignem, & hæc est actio simpliciter transiens, quia nullo modo permanet in agente, sed extra illud transit. Alia est actio ab agente procedens, & transiens ad passum, quod licet sit res alia distincta ab eodem agente, sed non est extra illud: quia pars eius est intra ipsum clausa, & hæc est immanens simpliciter, quia intra agens ipsum permanet; transiens vero secundum quid, quia ad passum transit distinctum ab agente, quamuis intra ipsum manens, & tales sunt sensationes, quæ à potentia sensitiua, vel organo per ipsam sentiente eliciuntur, & recipiuntur in materia, ex qua componitur idem organum, & propterea immanentes dicuntur simpliciter, quia in materia organi inhaerentes permanere dicuntur intra idem agens, sicut eadem materia intra ipsum est, quamuis ex eo, quod est distincta realiter ab eo, sicut pars actus, secundum quid possint transeuntes vocari, quia ad aliud transeunt quodammodo extra ipsum propter distinctionē realem. Quod vero Arist. asserit has actiones, sicut potentias, à quibus eliciuntur, esse totius coniuncti, hac distinctione explicari debet, nempe esse totius coniuncti, ut principij operantis, à quo procedunt, non tamen ut subiecti recipientis, sed solius materia: quod vero vocantur immanentes, verum est

absolutè loquendo, sed ex eo non probatur, quod in eodem organo adequatè recipiantur, sed satis est in materia eius recipi, quæ aliquid eius est, & intra ipsum permanet, & consequenter sensationes ipsæ; quamquam ad aliud etiam transeant quodammodo extra organum existens propter distinctionem realem eiusdem materiæ ab eodem organo.

Hæc tamen solutio, nec vera est, nec argumento satisfacere potest, quod probo primo à simili, nam si aqua calefiat ab igne secundum unam partem tantum, & postquam sic est calefacta, remoueat ab ea ignis, tunc tota ipsa aqua secundum omnes partes eius per modum vnius agentis agunt in solam materiam illius partis, per frigiditatem summam, quam habent producendo in eam frigiditatem amissam, & expellendo calorem ab igne receptum, & omnes fatentur talem alterationem infrigidationis esse actionem transeuntem, quia passum est distinctum realiter ab agente, licet in eo includatur tanquam pars in toto. Actiones etiam, quibus anima rationalis per unam potentiam aliquo modo agit in aliam, dicuntur ab omnibus transeuntes, ut dum per voluntatem mouet intellectum, vel è conuerso, & tamen materia illius partis aquæ, in qua recipitur infrigidatio, includitur in aqua ipsa tanquam aliquid eius, atque etiam potentia illa, in qua recipitur motio procedens ab anima per aliâ, includitur in anima ipsa tanquam aliquid eius: ergo licet materia organi in qua recipitur sensatio, includatur in eodem organo tanquam pars eius: satis est esse realiter ab eo distinctam, ut sensatio eadem sit actio transiens, quia distinctio realis agentis, & passi, vel identitas vtriusque est, quæ facit actionem esse immanentem vel transeuntem.

Secundo probatur, quia actio immanens, ut nomen ipsum probat, est illa, quæ manet in principio agente, sed si sensationes recipiantur in materia organi, & non in eodem organo operante per potentiam, non est verum villo modo, quod maneat in principio agente: ergo nec erit villo modo verum, quod sint immanentes. Probatur minor, quia materia non est villo modo principium actuum sensationis, cum non possit esse principium actuum alicuius operationis, etiam radicale, ut in 1. lib. Phys. ostendimus, nam id quod est pura potentia, non potest esse principium actuum radicale actus, & ideo nec potest esse formale per potentiam in se receptam, quia principium formale per potentiam, debet esse radicale per propriam entitatem, à qua ipsamet potentia procedat, ut in quibuscumque agentibus est manifestum; hæc vero ab imperfectione materiæ aliena sunt.

Probatur

Probatur tandem ex parte omnium, quæ concurrunt ad sensationes, & primo ex parte speciei impressæ, quia species est virtus obiecti, per quam vnitur potentia: tanquam virtuti actiue, vt eam constituat sufficienter in actu primo ad eliciendam talem sensationem; ergo non inhæret in materia tanquam in proximo subiecto, sed organo agenti per potentiam. Probatur consequentia, quia materia non est principium actiuum sensationis per potentiam, sed organum, vt ipsimet aduersarij fatentur. Et si fortè respondeant vniri quidem organo operanti per potentiam tanquam principio actiuo ad operandum ex eo, quod inhæret materia: eius, probatur hoc non esse verum, nec sufficiens, quia species ita debet vniri organo operanti per potentiam, vt constituat vnum integrum, & totale principium actiuum operationis cum ea; sed non potest sic vniri per solam adhærentiam cum eo; & inhærentiam in materia: ergo falsum id est, atque insufficiens. Probatur minor, quia species debet vniri principio sentienti tanquam actus determinans potentiam, & constituens eam sufficienter in actu primo tanquam representans obiectum: ergo per realem, & veram vnionem, nam per solam adhærentiam non potest efficere vnum principium vitalis cognitionis, sed tanquam formam extrinsecam se habebit, necesse est ergo ei vniri tanquam formam intrinsecam, vt sic à principio intrinseco completo procedat vitalis operatio, vt forma autem intrinseca non vnitur, nisi per veram, & realem inhærentiam, quare organo debet inhære species per se immediate, & non sufficit, vt inhæreat materia: Secundo, probatur ex parte speciei expressæ, nam siue sensatio dicat veram actionem realem de prædicamento actionis formaliter, vel præsuppositiuè, vel nullo modo, sed solum speciem expressam immediate per se dependentem à potentia, hoc est, sine vlla actione media secundum diuersos modos opinandi, omnes tamen modi conueniunt in eo, quod tanquam rationem intrinsecam dicat vnionem formalem eiusdem speciei expressæ cum potentia, in qua formalis ratio cognitionis posita est. Sed ex hoc sequitur efficaciter non posse recipi eandem speciem expressam adæquatè in materia; sed in organo: ergo in eo debet inhære tanquam in subiecto. Probatur minor, quia potentia non sentit, neque cognoscit per se, neque materia per ipsam, sed principium adæquatum sentiens, æquè cognoscens est organum per eandem potentiam: huic ergo debet vniri formaliter species expressa, vt vitalis vnio sit cognitio obiecti, quod patet non posse fieri, nisi per realem inhærentiam in eo. Probatur tandem ex parte potentia: sensitivæ;

10. & ipsiusmet actus sentiendi, hoc est, actionis realis sentiendi, si hæc interuenit in sensatione, quia repugnat accidens recipi in aliquo tanquam in subiecto inhesionis, quin ei tribuat proprium effectum formalem; sed materia non est capax effectus formalis potentie sensitivæ, neque actionis sentiendi: ergo repugnat, quod in ea recipiantur accidentia hæc tanquam in subiecto adæquato. Minorem sic probo, effectus formalis potentie sensitivæ est constituere subiectum formaliter potens sentire, atque cognoscere sensibile obiectum, quod est esse formaliter potens elicere sensationem, ut principium actuum eius. Et effectus formalis sensationis est constituere subiectum ut actu, & formaliter sentiens, sed materia non est formaliter potens elicere sensationem, ut principium actuum eius, nec etiam formaliter sentiens, sed utrumque effectum formalem recipit adæquatè organum quod est compositum; ergo composito, & non materie insunt hæc accidentia tanquā subiecto adæquato.

19. Propterea recentiores alij his argumentis conuicti fatentur potentias, & actus vitales, atque etiam species sensibiles impressas, & expressas non recipi in materia tanquam in subiecto, sed in composito, nec priorem sententiam defendi posse de his accidentibus, sed de cæteris imperfectioribus. Sed hic modus dicendi (mea quidem sententia) probabilis non est, quia destruit imprimis vnicum fundamentum eiusdem sententiæ, quod omnes patroni eius præsupponunt, & vi inuidentur, nempe quantitatem esse coæquam materie, & prorsus inseparabilem ab ea, quæ media omnia accidentia corporea inhaerent eidem materie tanquam adæquato subiecto, in eaque permanent destructis formis substantialibus, atque compositis; unde sequitur vel nullum medium admittendum esse de his, vel illis accidentibus corporeis, vel fundamentum ab omnibus admissum destrui, cum eodem modo se habeat in omnibus; ideo modus iste medium ponens omni autoritate caret; & cum probabile sit, quod pluribus, vel sapientibus apparet, ut docet expressè Aristoteles, sequitur nullam probabilitatem habere.

Sed probatur ratione esse apertè falsum argumentum ad hominem, præsupposito illo principio, quod cum cæteris omnibus admittunt recentiores ista; videlicet omnia accidentia corporea inhaerere substantiæ media quantitate, ex quo sic arguo. Potentiæ vitales cum suis actibus, atque speciebus non inhaerent materie, tanquam subiecto adæquato, sed composito: ergo cætera omnia accidentia corporea inhaerent etiam composito, & nullum inhaerebit materie, quod est contra ipsos. Probatur consequentia, quia accidentia hæc corporea sunt: ergo inhaerent composito

composito media quantitate; ex quo euidenter colligitur eandem ipsam quantitatem inherere etiam eidem composito, & proinde cetera omnia accidentia corporea. Probatur hæc ultima consequentia, quia omnia debent inherere media quantitate: ergo eidem omnino subiecto, cui inhaeret quantitas, quod est compositum. Nec potest solui argumentum, si dicatur probare quidem de omnibus aliis accidentibus, quæ sunt in animalibus, ut de quantitate, & cæteris ea media inhaerentibus, non tamen de eadem quantitate, & cæteris inhaerentibus in reliquis corporibus non sentientibus; nam hoc aperte falsum est, quia quantitas, & reliqua accidentia corporea, quæ sunt in animalibus, præter vitales potentias, actus atque species sunt eiusdem prorsus naturæ, & rationis, ut quantitas corporis sensibilis, & insensibilis eiusdem naturæ sunt, & similiter primæ qualitates, atque secundæ; ergo omnes postulant idem subiectum. Quare si ea, quæ sunt in animalibus, postulant pro subiecto compositum, euidenter sequitur, quod ea quæ sunt in cæteris corporibus insensibilibus, idem compositum postulent, & in materia esse repugnet.

Probatur tandem ex augmentatione viuientium, de qua duo docet Aristoteles. Primo, quod sit vetè, & propriè motus terminatus per se ad quantitatem. 5. lib. Physic. Sed terminus motus debet produci per motum cum motus sit via, & fieri termini, ergo per motum augmentationis producitur quantitas: quod non potest esse verum, si quantitas sit in materia prima tamquam in subiecto, nam si ita sit, necesse est quantitatem cibi, vel alimenti permanere in carne, in quam conuertitur alimentum, & vniri viuenti cum ipsamet carne per mutationem producta; cum eadem quantitas maneat in genito, & in corrupto iuxta hanc opinionem; sed non potest viuens simul adquirere duplicem quantitatem: ergo præter hanc, quam affert secum materia alimenti, non potest produci alia per motum augmentationis contra expressam sententiam Aristotelis. Respondent tamen pro opposita sententiâ iuniores, augmentationem esse propriè motum terminatum ad quantitatem, non de nouo productam, sed resultantem ex vnione quantitatis alimenti cum quantitate viuentis; nec Aristotelem vnquam dixisse, quod per augmentationem producatur quantitas. Itaque existimant motum augmentationis habere pro termino producto vnionem vnus quantitatis ad alteram, & consequenter maiorem quantitatem ex vnione resultantem; sicut generatio hominis habet pro termino producto modum vnionis animæ cum corpore, & ideo totum hominem ex

materia, & forma vnitis constantem: hunc autem modum vnionis dupliciter ponunt diuersi; nam quidam præter indiuisibilia, quibus continuantur partes determinatæ, aut aliquotæ quantitatis, qualia sunt puncta in linea, ponunt modum alium diuisibilem cœxtensum partibus, quo vniuntur partes indeterminatæ quantitatis; & hunc modum vnionis dicunt produci per augmentationem, per quem vnitur quantitas alimentati quantitati viuentis corporis, & per additionem eiusdem quantitatisimenti augeti corpus viuens. Hæc tamen sententia non solum est falsa, sed expresse contra Aristotelem, qui vbi cumque de quantitate, vel continue loquitur, nullum aliud continuatiuum ponit præter indiuisibile, quod vocat terminum commuēem, quo medio vniuntur, & continuantur partes. Quod vero sit falsa, probatur primo, quia eodem modo continuantur partes proportionales, vel indeterminatæ, ac determinatæ, vel aliquotæ: cum sint omnes eiusdem rationis: ergo si istæ vniuntur, vel continuantur per modos vnionis indiuisibiles, eisdem vniti debent partes proportionales, vel indeterminatæ, & non debet multiplicari alius modus diuisibilis. Secundo, quia talis modus diuisibilis est: ergo habebit partes, & vnitas quidem per alios modos vnionis indiuisibiles, & diuersos ab indiuisibilibus, quibus vniuntur partes quantitatis, quia partes istæ diuersæ rationis sunt à partibus modis: ergo diuersis indiuisibilibus vniri debent, quæ inaudita sunt in schola, & superflua, & ideo admitti non debent. Alij vero dicunt per augmentationem produci indiuisibile quantitatis, quo vnitur quantitas alimentati quantitati viuentis, & fit vna numero cum ea; & ideo per eam sic vnitam viuens augeatur. Sed hæc etiam sententia contra Aristotelem est, qui nunquam somniauit per motum augmentationis produci indiuisibile tantum, sed formam habentem latitudinem, ratione cuius potest per se terminare motum; est etiam falsa, quia indiuisibile quantitatis non potest produci per se motu successiuo, cum careat latitudine: nec etiam motu continuo, quia per diuersas partes motus continui debent produci diuersi termini partiales, & continui; sed vnum indiuisibile non potest esse continuum alteri, nec immediatum; ergo nec potest esse terminus motus successiuus, & continui. Et eodem modo impugnantur alij modi dicendi recentiorum de productione indiuisibilium per motum augmentationis, quos non refero, quia non habent fundamentum in doctrina Aristotelis, nec in vera Philosophia, sed in sola imaginatione eorum.

Sed probatur iam contra Aristotelem, & rationem esse, 194
 quod per augmentationem non producat quantitas. Contra Aristotelem quidem ex 1. lib. de generatione, cap. 5. text. 41. ubi loquens de alimento, ex quo fiunt nutritio, & augmentatio, ita ait: *Secundum igitur quod potentia compositum ex utroque est, ut quanta caro, sic quidem auget: etenim quantum oportet generari, & carnem; secundum autem, quod solum caro est, nutrit, &c.* Quibus verbis docet primo alimentum, nempe sanguinem esse materiam nutritionis, & augmentationis in quantum in potentia est caro quanta, & compositum ex utroque, nempe ex carne, & quantitate, sed diuersa ratione, nam ut caro in potentia est materia nutritionis, & ut in potentia quantum est materia augmentationis, sed sit caro actu per nutritionem: ergo sit etiam actu quantum per augmentationem. Probat consequentia, quia utrumque ait Aristoteles esse in potentia ante nutritionem, & augmentationem. Sed fieri actu carnem per nutritionem, est produci carnem per eandem nutritionem: ergo fieri actu quantum per augmentationem, cum ante illam esset quantum in potentia, est produci quantitatem per augmentationem. Secundo, docet eisdem verbis carnem quantum per nutritionem, & augmentationem factam, vel etiam non factam, compositum quoddam esse ex carne, & quantitate: ergo sentit vnum compositum resultare ex utroque, non potest autem vnum compositum resultare ex duobus, nisi inter se unitis: ergo sentit quantitatem vniri carni: carnem vero non esse solam materiam, sed compositum substantiale ex corpore, & anima euidentissimum est: ergo ex mente Aristotelis quantitas vnitur composito, & non potest vniri ei, nisi ut forma subiecto per realem inhaerentiam, sicut nec albedo vnitur corpori, nisi ut subiecto ad compositionem albi: ergo quantitas ex mente Aristotelis vnitur composito immediate, cum quo componit totum quoddam accidentale, non vero materiam, nisi remotè, & inadæquate. Quod vero sit contra rationem probatur, quia ex ea sequitur primo, per motum augmentationis solum per se produci punctum indiuisibile, quo vniuntur duæ quantitates; quod est contra rationem motus, & indiuisibilis, quia motus habet diuisibilitatem à termino, quam non potest habere à puncto indiuisibili: & indiuisibile cum sit continuatiuum, vel terminatiuum partium, non est per se producibile per motum, ut euidenter patet in cæteris motibus: sed ad summum potest consequenter produci cum parte termini, quam continuat, vel terminat. Secundo sequitur, quod si per motum 195
 augmentationis non producat quantitas, sed præexistens in

materia alimenti vnitur quantitati viuientis per continuationem, & fit vna numero, augmentatio viuientis, solum fit quædam iuxta positio vnus quantitatis ad alteram, sicut augmentatio ignis per iuxta positionem lignorum, vel vnus aquæ ad alteram, quod tamen est falsum, & contra omnes Philosophos, qui in his rebus non viuentibus impropriissimam augmentationem ponunt, per iuxta positionem, propriam vero in solis viuentibus. Sed respondent adhuc saluari propriam augmentationem in viuentibus, quia non fit per quamcunque iuxta positionem, sed per intus sumptionem, & secundum omnes partes viuientis, per quas distribuitur alimentum iuxta exigentiam cuiuslibet partis. Ac in non viuentibus non fit iuxta positio secundum omnes partes, sed secundum aliquas tantum, quia non per intus sumptionem; & ideo pura quædam iuxta positio est, non propria augmentatio. Hæc tamen solutio non satisfacit argumento: nam quod iuxta positio fiat vno, vel alio modo, aut per omnes partes, conditiones sunt extrinsecæ respectu augmentationis, in quibus non consistit propria ratio eius, sed solum in ordine ad proprium terminum, quæ est maior quantitas producta per potentiam vitalem conuertentem plus alimenti in substantiam viuientis, quam deperditum fuerat, vel quàm prius habebat viuens, in quo propriè, & ab intrinseco distinguitur augmentum viuientis, ab improprio non viuentium. Quod probatur hoc argumento. Si nutritio viuientis non esset productio partialis substantiæ per virtutem potentie vitalis, sed solum vnio substantiæ iâ productæ etiam viuientis, impropriissima esset, etiam si fieret per omnes partes viuientis, quia non esset operatio vitalis; nam ad vniendam vnâ substantiam alteri per continuationem non est necessaria potentia vitalis, vel certe non specialis, vt patet in vniione alicuius partis abscisse corpori viuenti: ergo multo minus erit propria augmentatio, si non sit productio quantitatis. Probatur consequentia, quia nec ad vniendam vnâ quantitatem alteri per continuationem etiam secundum omnes partes est necessaria virtus vitalis, vt patet in igne, cui si iuxta ponantur ligna per omnes partes; non erit minus impropria augmentatio eius, ac est modo. Veritas ergo huius rei est, quod primo, & per se in eo consistit propria augmentatio, quod producatur maior quantitas virtute potentie vitalis, ad quam conditione consequuntur aliæ, sicut augmentatio consistit in eo, quod producatur partialis substantia viuens tali modo: & ex hoc probatur efficaciter non dari propriam augmentationem, quam in viuentibus posuit vbiq; Aristoteles; posita quâritate in materia prima

prima tamquam in subiecto, quia non potest dari productio maioris quantitatis per potentiam vitalem.

Vt autem hæc nostra sententia melius intelligatur, & argu- 166
menta oppositæ commodius solvantur, notandum est illud,
quod Aristoteles docet 1. lib. de anima cap. 1. text. 2. substan-
tiam quæ est primum ex decem prædicamentis, tripliciter su-
mi; primo pro materia, quæ secundum se non est hoc aliquid,
hoc est, non est substantia completa singularis, quia in sua es-
sencia nihil habet actus, sed est pura potentia apta recipere for-
mam. Secundò sumitur substantia pro forma, quæ etiam non
est hoc aliquid, sed incompletum quid, nempe actus substan-
tialis, ex quo simul cum materia fit completa substantia distin-
cta realiter ab utraque. Et pro hac accipitur tertio modo, at-
que propriissimo substantia, quæ cum habeat esse à forma sub-
stantiali, habet etiam plures gradus essendi magis, vel minus
perfectos secundum diuersos etiam gradus perfectionis, quos
habet forma: & gradus isti substantiæ non sunt realiter distin-
cti, sed ratione formali fundata in eminenti perfectione for-
mæ substantialis. Gratia exempli. Petrus, vel Ioannes est sub-
stantia quædam completa composita ex materia, & forma, quæ
est anima rationalis, à qua habet hos omnes gradus essendi,
nempe substantialem, corpus, viuens, animal, & hominem. Et
quemlibet gradum essendi sequuntur quædam proprietates, vel
accidentia, ut gradum substantiæ esse susceptiuum accidentium,
vel ea posse sustentare, gradum corporis, trina dimensio quan-
titatiua, quæ etiam in prædicamento quantitatis appellatur
corpus: vnde corpus de prædicamento quantitatis est propria
passio substantiæ corporeæ, quia eo ipso quod substantia cor-
pus substantiale est, immediatè est susceptiuum corporis quan-
titaris, per quod extenditur; gradum viuents sequitur pro-
prietas generandi sibi simile; gradum vero animalis posse sen-
tire; & gradum hominis esse risibilem, & admiratiuum. Hæc
autem accidentia sequuntur hos gradus essendi substantiæ ra-
tione formæ, vel ratione materiæ: ratione materiæ sequitur
gradum corporis, quantitas: risibilitas vero gradum rationali-
tatis ratione formæ: & quia nec forma, vel anima, nec ma-
teria est homo, sed pars hominis, ita nec est risibilis; sed risi-
bilitas conuenit soli homini, & ideo in eo solum inhæret tam-
quam in proprio subiecto; & etiam, quia corpus quantitatis
conuenit corpori substantiali; & nec materia est corpus sub-
stantiale, nec forma, sed sunt partes eius, ideo corpus quantitatis
non conuenit materiæ, nec formæ, sed substantiæ ex eis com-
positæ, & ab eis realiter distinctæ, & ideo nec inhæret materiæ
tamquam

tamquam proprio subiecto, nec formæ, sed substantiæ ex eis compositæ, quia hæc sola est, quæ proximè, & adæquatè suscipit effectum formalem eius, nempe extensam esse, ac diuisibilem in partes extensas.

- 197 Ad testimonia Aristotelis pro eadem sententia adducta respondendo, in primo loqui de eisdem accidentibus secundum speciem, quæ non corrumpuntur per se, quia non corrumpuntur à contrario, nam dum generatur aqua ex aëre, nullum habet contrarium à quo corrumpatur humiditas eius, nec diaphaneitas, aut transparentia; nam similia potius sunt in aqua, sed corrumpuntur per accidens ad corruptionem subiecti, nèpe aëris, ut sæpe accidit in alijs generationibus. Nec secundum testimonium habet ullam difficultatem, quia verum est alterationes præcedentes generationem versari circa materiam, non tamquam circa subiectum adæquatum, sed in adæquatum, quia est pars ligni, vel aquæ circa quam versantur tamquam circa proximum, & adæquatum subiectum.

Ad primum argumentum neganda est maior, quod ad sustentandum aliud, requiratur, & sufficiat entitas realis cum existentia, & subsistentia: licet enim hæc requirantur, non tamen sufficiunt, sed requiritur amplius quod tale existens, & subsistens sit idoneum receptiuum eius: & quia materia est idoneum receptiuum formæ substantialis, tamquam substantialis potentia, ex qua educitur, vel cui vnitur, ideo proximè sustentat formas substantiales, & proximum est earum subiectum, non est tamen idoneum susceptiuum quantitatæ, & aliorum accidentium, quia quantitas, ut probauimus, proximè oritur à substantia corporea composita ex materia, & forma, tamquam propria passio naturalis eius, cum sit proximum susceptiuum trinitatis dimensionis, & ideo habet se ad illam tamquam ad proprium, & immediatum subiectum, sicut ceteræ propriæ passionnes se habent ad res, vel essentias, à quibus emanant. Ad materiam vero habet se tamquam ad radicem, & quasi remotum, & inadæquatum subiectum.

Pro solutione secundi notandum est, primo, quantitatē, ut probauimus, sequi naturam corporis substantialis, vel substantiæ corporeæ: vnde non conuenit homini, vel leoni, ut homo, & leo sunt, sed ut corpora, homo autem, ut est corpus substantiale, componitur ex materia organizzata, & anima rationali, ut est forma corporis. Sed istæ partes duobus modis sumuntur, aut secundum se, vel omnes simul, ut vnitæ modo vnionis substantiali. Ex primo modo constat non componere totum, sed secundo modo ita componunt, ut totū non sit alia entitas realis distincta

distincta ab eisdē, vt vnitis, bene tamen à quolibet, atque etiam ab omnibus secundum se acceptis. Secundo, notandum vnum accidens completum vnum primum subiectum postulare cui primo inhæreat, & cum quantitas inhærens homini, vt corpus est, sit vnum accidens completum, vnum postulat subiectum, ita vt in multis inhæreere primo repugnet; & hoc subiectum, cui primo inhæret, est compositum ex materia, & forma corporis, & consequenter inhæret eisdem partibus, vt copulativum, & vnitæ accipiuntur, vel vt constituentes compositum omnibus quidem non tamen singulis, etiam vt copulativum sumptis, & vnitis, quia singulæ etiam, vt vnitæ alijs distinctâ entitatem realem continent ab omnibus vt vnitis, & cōsequenter à composito, quod idem est realiter cum omnibus sic acceptis, non tamen cum singulis etiam sic acceptis. Et hoc quidem compositum, atque etiam omnes partes, vt simul vnitæ ipsum constituentes recipiunt effectum formalem quantitatis, per quem sunt extensæ, ac diuisibiles in partes integrantes eodem modo ex eis compositis; sed quælibet harum partium etiam vt vnita alijs, non participat eundem effectum quantitatis, nisi capax eius sit, vel eo modo, quo capax eius est materia quidem tamquam, primum, licet inadæquatum subiectum: ex quo etiam primo tamquam ex radice educuntur omnes formæ; forma vero, si materialis sit, non tamquam subiectum, sed tamquam aliquid receptum in materia extensa, quia quantitas non est accidens consequens formam, sed materiam; ideo non potest recipi in forma tamquam in subiecto etiam partiali. Si vero non sit materialis, sed spiritualis, atq; indiuisibilis, nullo modo recipiet effectum formalem quantitatis, neque id necessarium est. Quod notissimis exemplis probatur ab authoribus primæ opinionis necessario concedendis; nam ipsi docent quantitatem primo recipi in materia, & per eam primo extendi materiam, & ratione materiæ formas substantiales in eadem materia extensa receptas, atque etiam extendi compositum, etiam si sit corpus humanum; nihilominus negât animam rationalem, etiam si recipiatur in materia extensa, & sit pars corporis humani extensi, extendi, quia non est capax extensionis; ergo non mirum est, si extenso composito, tamquam proprio subiecto quantitatis, non extendatur anima, quæ pars eius est, quia partes compositi non participant effectum formalem in eo receptum, nisi sint capaces, vel secundum capacitatem earum. Quod alio exemplo non minus euidenti probatur, nam verum est compositum ex materia, & anima rationali non esse aliam entitatem realem distinctâ ab eisdem partibus, vt simul sumptis & vnitis

& vnitis : nec est minus verum idem compositum esse substantiam corpoream, vel corpus vt quod. Et tandem verum est easdem partes, vt simul sumptas, & vnitas realiter, & vt quod, esse corpus, & substantiam corpoream. Et ex hoc non sequitur, quod anima rationalis realiter sit substantia corporea, vel corpus, etiam vt quod parziale, sicut verum est de materia. Et tota ratio huius exempli, & aliorum est, quia ea, quæ conueniunt realiter composito, atque etiam partibus copulatum sumpris, & vnitis, non conueniunt etiam realiter singulis partibus, nisi eo modo quo concurrunt ad constitutionem eiusdem compositi; & quia materia concurret tamquam primum, & radicale recipiens omnes formas, ita conueniet ei, quod sit corpus, vel substantia corporea, vt quod parziale ita etiam conuenit ei esse extensum, quod esse primo recipit compositum à quantitate, formis vero materialibus conuenit alio modo longe diuerso, nam quia de potentia materiæ vt primo recipienti educuntur, conuenit eis esse substantiam corpoream, vel corpus, non vt quod, etiam parziale, sed solum vt quo; hoc est vt rationi formali tribuenti esse materiæ, & cum ea tamquam quo formali concurrenti ad constitutionem totius: extensio vero tamquam quod eis conuenit, non vt subiectis etiam partialibus quantitatis, sed tanquam habentibus partes substantiales integrantes, quarum ratione capaces sunt extensionis per receptionem in materia extensa. Anima denique rationali non conuenit esse corpus, vel corporea substantia, tamquam quod etiam parziale, sed solum, vt quo: quia verum est constituere corpus, vel corpoream substantiam, tamquam formam eius; & ideo verum est etiam esse corpoream substantiam vt quo, quod non est aliud, quam esse formam corporis, vel id, quo aliud est formaliter corpus, vel corporea substantia. Extensio vero non potest ei conuenire tamquam subiecto, etiam partiali; cum hoc etiam repugnet formis materialibus, sed nec vt receptæ in materia extensa, quia cum non educatur de potentia materiæ, nec ab ea dependeat, materialis non est; sed spiritualis; ideo non habet partes substantiales integrantes, quarum ratione coextendatur materiæ, sed cum prorsus sit indiuisibilis, recipitur in ea absque participatione extensionis propter eius incapacitatem: solum ergo potest dici extensa vt quo, hoc est, vt principium formale tribuens materiæ gradum corporis, quem sequitur tamquam propria passio quantitas, & extensio.

200 Ex quibus ad formam argumenti neganda est minor, quod non possit quantitas recipi in homine, in quantum est corpus substantiale. Et cum dicitur quantitatem receptam in homine
necesse

necessariò attingere vnionem animæ cum materia, distinguendum est, nam primo, & per se non attingit vnionem sicut neq; formam, etiam materialem, sed quasi secundariò, in quantum modus ipse vnionis educitur de potentia materiæ, & in ea recipitur eo modo, quo de formis eductis de potentia materiæ dictum est. Vnde negandum est consequens, quod ex eo inferatur, nempe debere etiam attingere animam, quia licet attingat omnes partes copulati sumptas, & vnitas, non sequitur attingere quamlibet, etiam vt vnitam alijs, nam cõpositum eadem entitas est cum omnibus partibus, vt copulati sumptis, & vnitis, non tamen cum qualibet, etiam vt vnita alijs, sed à qualibet etiam vt vnita distinguitur realiter, vt satis notum est secundum communem sententiam de distinctione totius à partibus; ideo sicut nulla earum, nec secundum se sumpta, nec vt vnita à ijs realiter est compositum, ita nec realiter recipit necessariò effectum formalem, quem tribuit quantitas composita. Quod exemplo signi vniuersalis copulati sumpti in materia Summularum facile ostendi potest, nam omnes Apostoli copulati sumpti sunt duodecim, & tamen non sequitur, quemlibet, vel aliquem etiam, vt copulati sumptum cum alijs esse duodecim.

Ad tertium distinguenda est maior, quod agens naturale non possit agere, nisi circa materiam extensam: nam duo sunt genera actionum, quæ agens exercet circa materiam. Primum est alterationum, per quas introducit dispositiones pro expulsionem vnus formæ, & introductionem alterius; & actiones istæ, cum sint veri motus, & habeant pro termino qualitates corporeas inhærentes subiecto media quantitate, in eodem composito recipiuntur cum eisdem qualitatibus, quia vniuersaliter verum est, in eodem subiecto recipi motum, & terminum; actiones ergo istæ non versantur circa materiam, tamquam circa subiectum proximum, & adæquatum, sed remotum, & inadæquatum: circa compositum vero corrumpendum tamquam circa proximum, & adæquatum, & vtrumque extensum est, extensione quantitativa compositum quidem primo, tamquam proximum, & adæquatum subiectum quantitatis: materia vero tamquam remotum, & inadæquatum. Secundum genus actionum est, earum, per quæ non producuntur accidentia, sed forma substantialis educitur de potentia materiæ, & vnitur formæ, fitque ex vtraque compositum, & talis est generatio, quam propterea merito vocant actionem substantialem: quæ cum habeat pro termino formali substantialem formam vnitam materiæ, in eadem materia recipitur cū ea, nō quidē, vt actu quāta, vel
extensa.

extensa, sed vt subiecto disposito toto tempore proximè præcedenti per quantitatem præcedentis compositi; cæteraque accidentia per præcedentes alterationes circa illud producta. Itaque materia prima, circa quam versatur generatio substantialis, tamquam circa proprium, & adæquatum subiectum, semper est quanta, & extensa, quantitate præcedentis compositi, vel sequentis, non tamen recipit in se actionem media quantitate, vel eius ratione, sed ratione sui, atque immediatè, sicut ratione sui, & immediatè recipit substantialem formam ad quam ordinatur per se, & immediatè eadè generatio tamquam ad terminum formalem: commitanter ergo tantum se habet quantitas ad receptionem substantialis formæ, non tamquam ratio recipiendi. Quod vero dicitur generationem esse accidens extensum, etiam est distinguendum, nam si intelligatur ita esse extensum, vt media quantitate recipiatur in subiecto, sicut cætera accidentia materialia, atque extensa, falsum est; cum immediatè, & per se recipiatur in materia, sicut recipitur forma. Si vero intelligatur esse extensam, quasi à posteriori, ita vt per quantitatem consequentem compositum in eodem instanti generationis, coextendatur materiæ, sicut coextenduntur formæ materiales eductæ de potentia eiusdem materiæ per eandem generationem, verum est: habet enim generatio sicut formæ istæ suas partes integrantes entitatiuas, per quas capax est extensionis materiæ ratione quantitatis compositi, sicut formæ prædictæ. Ex quibus patet argumentum non probare, quod quantitas, & cætera accidentia sint in materia tamquam in proprio subiecto.

401

Ad quantum respondetur concessa maiori, quod non potest agens naturale introducere suam formam, nisi in materia disposita, & determinata pro tali forma; sed neganda est minor, quod nec sit disposita, nec determinata per dispositiones, quas habuit compositum corrumpendum tempore præcedente instans generationis, nam licet illæ non maneant in instanti generationis, satis est immediatè præcessisse; cum verum sit virtute earum expulsam esse formam præcedentem, & introductam sequentem; quod sic ostendo: instans generationis est primum nõ esse alterationis, & dispositionum, quas per eandem alterationem induxit agens, est etiam primum non esse formæ substantialis, quæ corrumpitur, ergo virtute earum expellitur forma, etiam si non existant in instanti generationis: euidentius est consequentia, quia si Deus suspenderet consecutionem nouæ formæ, & vellet conseruare materiam sine vlla forma, non minus sequeretur naturaliter expulsio formæ, quàm modo sequitur per intro

per introductionē nouæ: ergo sequitur sufficienter fuisse expul-
sam virtute earum. Sed probatur antecedens, quia vel cum dis-
positionibus præcedentibus tempore immediato potest natura-
liter permanere in materia forma corrumpenda in instanti ter-
minatio alterationis, vel nō potest: si potest, ergo illud instans
non erit primum non esse eius in materia, quod patet esse fal-
sum, cum supponamus contrarium, suspendente Deo consecu-
tionem alterius, & volente conseruare materiam sine forma; si
vero non potest permanere in eodem instanti terminatio alte-
rationis, sed necessario est expulsa, sequitur naturaliter esse ex-
pulsam virtute dispositionum præcedentium, quia non est aliud
medium, per quod potuerit expelli ab agente, vt per se est ma-
nifestum. Ex quo infertur primo virtute etiam dispositionum
præcedentium modo introduci nouam formam. Probatur con-
sequentia, quia expulsionem vnius formæ, sequitur naturaliter
introductio alterius. Secundo infertur virtute earundem dis-
positionum sequi introductionem talis formæ determinatæ, vt
ignis, exempli gratia, si dispositiones sint calor, siccitas, & rari-
tas. Probatur consequentia, quia impossibile est naturaliter,
quod expulsionem formæ ligni à materia virtute talium dispo-
sitionum sequatur alia forma, nisi ignis, nam tales dispositiones
eam expellentes dicunt determinatum ordinem ad eam tan-
quam ad finem, in quem ab agente naturali ordinantur, & re-
pugnat cuicumque alteri formæ. Tertio sequitur materiam sic
dispositam per tales dispositiones præcedentes sufficienter
esse determinatam ad talem formā in specie, & ad talem etiam
in indiuiduo: primum iam probatum est, quia si expulsionem
talis formæ per tales alterationes, & dispositiones non potest
sequi, nisi forma ignis, determinata erit materia ad eandem, &
non aliam suscipiendam virtute talium dispositionum. Sed pro-
batur etiam secundum, quia mediis talibus dispositionibus, &
alterationibus præcedentibus à tali agente, à tali proximo, &
tali tempore, ex quibus sequitur in tali instanti terminatio
eius expulsio talis formæ, determinatur idem agens naturale
proximum à primo ad talem formam introducendam; cum ex
se esset indifferens ad quamcumque aliam suæ speciei, & con-
sequenter manet materia ex parte sua ordinata, ac determinata
ad talem formam, & non aliam suscipiendam. Hic autem or-
do, & hæc determinatio solum fundatur in ordine naturalis
consecutionis, quem habent formæ inter sese respectu eius-
dem materiæ dispositæ talibus dispositionibus, atque etiam in
ordine naturali, quem habent dispositiones ipsæ, ex eo, quo pro-
cedunt à tali agente, & dispositiue expellunt à materia formam.

quam habet, ad formam introducendam ab eodem agente eiusdem speciei cum ipso tanquam ad finem ad quem ordinantur ab eodem agente. Quod vero naturalis hæc ordinatio sit relatio realis, intrinseca in materia fundata in actione, per quam producantur dispositiones, vel sola denominatio extrinseca ab eisdem dispositionibus, nihil refert, quia sine relatione reali potest stare naturalis consecutio formarum, & dispositionum in materia, ut patet in anima, & eadavere, atque etiam in forma vini, & aceti, nam ut docet Aristoteles acetum non potest fieri, nisi ex vino: & quod significatio appelletur in materia talis determinatio, vel non questio est de solo nomine, de qua nihil curandum est, dummodo res significata fundamentum habeat in natura rerum. Ex quibus intelligitur, materiam sufficienter esse dispositam in instanti generationis per dispositiones præcedentes, licet in ea non permaneant: satis est enim virtute earum expelli formam oppositam, & introduci novam, ut dicatur disposita, ac determinata, ut probatum est: permanentia vero, vel præsentia earum non solum non iuvat introductionem novæ, sed impedit modum unionis substantialis eius cum materia, quia si illis mediis permanentibus in eadem materia uniatur forma, accidentalis erit unio secundum modum cum mediis accidentibus prius unitis eidem materiæ fiat, quod non est admittendum, ut ergo substantialis sit, non solum secundum rem, sed etiam secundum modum necesse est, nudæ materiæ uniatur forma, hoc est, nullo accidenti medio actu in ea existente, & prius natura ei unito. Quod vero dicimus virtute dispositionum præcedentiū expelli unam formam, & introduci alteram, non ita intelligimus, ut tales dispositiones aliquid agant, in instanti, in quo non sunt, quia nec dum sunt, dicuntur aliquid efficere, sed solum in genere causæ materialis disponere materiam pro recipienda nova forma. Virtute igitur earum dispositam esse materiam, & formam antiquam expulsam, id tantum esse dicimus, quod est, per immediatam præcessionem earum in materia virtute talis agentis, & in tali tempore illo instanti terminato, nec posse formam antiquam permanere, nec aliam ab ea, quæ sequitur, introduci, quia talis est ordo præcedentiæ, & consecutionis inter formas, & dispositiones à tali agente procedentes, & in tali materia inductas, à natura constitutus, ut post dispositiones has, & hanc formam non possit alia sequi in materia.

403 Ad ultimum, in quo afferuntur experientiæ, de quantitate, organizatione, figura, cicatrice, & calore permanentibus in eadavere, negandum est antecedens, quod permaneant eadem numero,

numero, sed permanent solum eadem specie, valde tamen similia, & propter maximam similitudinem iudicant sensus esse eadem numero, quemadmodum contingeret, si vidente aliquo ouum quoddam, supponatur eo in seio loco illius alterum valde simile in eodem loco, vel distantia, ac situ, certum est iudicare esse idem numero, iudicio quidem sensus falso. Quod absque dubio contingit, quia identitas, vel diuersitas numerica non est proprium sensibile, sed commune, sicut numerus. Circa sensibile autem commune, etiam debite approximatum falli possunt sensus externi: cum non sit proprium obiectum eorum, à quo specificantur: quare corrigi debent ab intellectu, vel intellectus ipse sequens ductum sensuum corrigi debet à seipso iudicante potius secundum naturas rerum, quam secundum ea, quæ apparent sensibus. Ita ergo dicendum est in proposito, sensus decipi, vel intellectum sequentem ductum eorum, & iudicantem esse eadem accidentia numero in cadauere, quæ erant in corpore viuo, & rationem deceptionis esse maximam similitudinem eorum. Decipi vero satis probabiliter existimamus, propter rationes, quibus confirmata est nostra sententia, quibus sit valde probabilis, & ferè expressa in doctrina Aristotelis. Circa causam vero, à qua produciuntur diuersa numero accidentia, non est maior difficultas, quam circa causam, à qua produciuntur forma cadaueris, nam plures ex eis sunt dispositiones eiusdem formæ, causam vero cadaueris non minus tenetur assignare opposita sententia, quam nostra. Ad educendam igitur formam cadaueris de potentia materiæ in instanti corruptionis viuentis corporis, & productionem totius compositi, quod vocamus cadauer, omnes ferè concedunt concurrere vniuersales causas, vt Deum, & corpora cælestia. Tota autem difficultas est, an præter cau- 104
sas vniuersales habeat aliquam particularem per se concurrentem cum illis, vel à solis vniuersalibus educatur illa, & fiat hoc. Et quidam ex authoribus oppositæ opinionis, qui tenent eadem numero accidentia, quæ fuerunt in genito, permanere incorrupto, asserunt ab eisdem dispositionibus, à quibus expellitur, anima tanquam ab instrumentis vniuersalium causarum educi formam cadaueris, & generari cadauer: ita sentiunt Conimb. lib. 1. de generatione cap. 4. quest. 12. artic. 1. & quest. 18. artic. 3. Sed hæc sententia innititur duobus valde incertis. Primum est, quod eadem numero accidentia permancant in genito, & in corrupto. Secundum, quod dispositiones præcedentes in materia, non solum dispositiue, & quasi materialiter, sed effieienter cōcurrant ad educationem, & introductionem sequentis formæ, vt calor, qui produciuntur in ligno ad productionem

ignis ex eo. Et hoc secundum, non solum est incertum, sed expresse contra D. Thomam, & communem sententiam, ut inferius ostendetur. Ideo alij dicunt, non ab his dispositionibus, sed à causa particulari eas conseruante instrumentaliter produci: hanc autem causam imprimis esse corpora intrinseca ambientia, ut aërem, vel aquam iuxta temperamentum corporis: deinde partes quasdam non viuentes admixtas viuentibus, ut sunt humores, & spiritus vitales, & animales, & plura alia, quæ omnia cum non viuant, nec informentur anima, permanent mortuo corpore, & concurrere possunt ad educationem formæ cadaueris, tanquam similem animæ, cui pro materia, & instrumentis deseruiet ant. Sed hæc sententia non videtur habere fundamentum in vera Philosophia: quod sic probo. Spiritus vitales, & animales sunt propria instrumenta animæ in ordine ad vitales operationes, humores vero sunt quasi partes secundariæ eiusdem viuentis ordinatæ à natura ad nutritionem, nempe, ut in partes viuentes conuertantur, ut patet de sanguine, atque etiam ad conseruationem vitæ, ut patet de eodem sanguine, & cæteris humoribus: ergo per se ordinantur omnes ad vitam, & conseruationem eius; sed forma cadaueris est impossibilis in materia cum anima, & quodammodo ei opposita, à qua expellitur, atque etiam quasi terminus corruptionis vitæ: ergo repugnat spiritus vitales, & animales, sanguinem, & alios humores ordinari per se ad educationem formæ cadaueris, & esse instrumenta per quæ effectiue educatur, iam enim agerent ad corruptionem corporis viuentis. Dicendum igitur est de forma cadaueris idem prorsus, quod de formis animalium imperfectorum, quæ sunt ex putrefactione terræ, naturali quidem consecutione educi de potentia materiæ, in qua tales dispositiones præcesserunt, nempe talis organizatio, talis figura, tale temperamentum, & alia; nec dari causam efficientem particularem, à qua producat, sed à solis vniuersalibus, & prima eas determinante ad tales effectus cum eisque concurrente produci.

205 Quod probatur primo ex refutatione aliarum opinionum, à quibus nulla assignatur idonea causa particularis. Secundo experientia, quia repentinæ mortis iugulati nulla datur verisimilis causa particularis interna, nulla alteratio humorum, vel membrorum, à qua produci possit dispositio congrua, & per se ordinata ad educationem formæ cadaueris, sed respectu causarum particularium efficientium omnino per accidens sequitur: solum ergo potest esse talis consecutio per se ex ordinatione, & concursu naturæ vniuersalis, hoc est, vniuersalium causarum, ad quas per se pertinet educio formæ iuxta exigentiam materiæ sic

fit sic dispositæ, in qua talis forma præcessit; ita ut quemadmodum forma aceti non potest introduci in alia materia, ab ea, in qua præcessit forma viui; sic in materia in qua fuit anima, quæ est actus corporis Physici, & organici, non potest sequi naturaliter, nisi alia quodammodo similis secundum organizationem, quam necesse est vitæ quodammodo opponi. Et tota ratio huius est, quia sicut corpus mixtum compositum ex elementis, ita dissolutio, vel corruptio eius tendit in elementa, sed quia elementa sunt corpora homogenea, & ideo ex hac parte quasi per extremum dissimilia corpori organico, & non potest naturaliter aliquid transire de extremo, ad extremum, nisi per media minus dissimilia, propterea prouidit natura de his formis, quodammodo similibus; & mediis, ut per eas transiret materia ad elementa dissimilia: & ex his formis naturali necessitate materiæeductis, & introductis à causis vniuersalibus, & prima, sequuntur aliæ etiam similes dispositiones, nempe similis organizatio, figura, atque etiam quantitas accommodata præcedenti, quam habuit corpus viuum, quorum accidentium iam forma ipsa cadaueriseducta, & introducta causa efficiens est particularis, qua media vniuersales producunt similia accidentia; eadem etiam ratione sequitur similis cicatrix ei, quæ præfuit in organizatione corporis viui radicata, & similis etiam calor aliquando propter nimiam radiationem eius in corpore viuo.

Ex his, quæ dicta sunt à nobis in tota hac quæstione colligitur, quod præter incompleta accidentia, quæ soli materiæ, vel soli formæ conueniunt, quales sunt generatio, relationes partium, vel similia, nullum accidens permanet idem numero in re genita, ex his, quæ fuerunt incorrupta.

Q V Æ S T I O IX.

*An omnia accidentia proximè inhæreant substantiæ,
vel quadam non nisi medijs alijs?*

Prima opinio asserit nullum accidens recipi immediatè in substantia, sed quodcumque ei inhæretere media potentia receptiua, quæ sit accidens eiusdem prædicamenti cum ipso met accidenti recepto, ut qualitas recipitur in substantia media potentia, quæ sit qualitas, & quantitas media potentia de genere quantitatis. Ita Sonzinas 12. lib. Metaph. quæst. 26. conclusionem 2. & lauellus quæst. 8. Probât testimonio Aristotelis, &

D. Thomæ: nam Aristoteles 12. lib. Metaph. text. 26. asseruit, *Eadem esse principia omnium generum*, quæ verba exponit Comment. non de identitate vniuoca, sed analogica, ita vt sicut substantia habet tria principia, Physica nempe materiam, formam, & priuationem, sic quodlibet prædicamentum accidentis habeat hæc eadem principia eis proportionata. Et adducit exemplum Aristoteles, nam principium albi (inquit) tanquam forma est albedo, tanquam priuatio, nigredo, tanquam subiectum, vel materia, superficies, in qua recipitur. Ex quibus verbis sic expositis, hoc argumentum colligunt. In quocumque prædicamento est propria potentia receptiua formæ illius prædicamenti: ergo omnis forma accidentalis recipitur in substantia media tali potentia sui generis; quare nullum accidens recipitur immediatè in substantia. Et D. Thomas 1. parte, quæstione 77. artic. 1. ex eisdem verbis Aristotelis videtur colligere hoc principium vniuersale à multis post ipsum receptum. *Potentia & actus sunt in eodem genere*, sic enim ait: *Cum potentia, & actus diuidant ens, & quodlibet genus entis, oportet, quod ad idem genus referantur potentia, & actus: & ideo si actus non est in genere substantia potentia, que dicitur ad illum actum, non potest esse in genere substantia, &c.* Probatum etiam ratione, quia potentia specificatur ab actu: ergo si actus est accidentalis, potentia etiam ad illum ordinata debet esse accidentalis: ergo omnis potentia substantiæ ad recipiendum formam accidentalem erit accidentalis, & ideo media tali potentia eam recipiet, & non immediatè per se. Secundo, quia si substantia per se immediatè recipit formam accidentalem: ergo per se immediatè est capax talis formæ, & potens eam recipere; quod est per se immediatè habere potentiam passiuam ad eam recipiendam. De illa ergo potentia passiuâ inquiri, an sit substantialis, vel accidentalis: non potest esse substantialis, quia potentia substantialis ordinatur per se ad actum substantialem, & non ad accidentia, nam res superioris ordinis, qualis est substantia, non potest per se ordinari ad rem inferioris ordinis, qualis est accidens: erit igitur accidentalis potentia, qua media recipiet quodcumque accidens, & nullum immediatè per se.

- 207 Hæc tamen sententia falsa est. Probatum primo ex natura substantiæ, quæ in duobus consistit; primum est, vt ei debeatur subsistentia per se, & independens ab alio; secundo, vt per hanc subsistentiam per se possit substare omnibus; ideo de prima substantia in se, & per se substante asseruit Aristoteles in primo prædicamento; primo, per se, principaliter, & maximè
substare

substare, quia ratione sui substat, non solum accidentibus, sed secundis substantiis, hoc est, vniuersalibus prædicatis substantialibus: sed substare idem est; ac sustentare tamquam subiectum cætera: ergo substantia sua propria virtute, & sine adminiculo alicuius accidentis potest esse subiectum accidentis: Probatur consequentia, quia esse subiectum non est aliud, quam sustentare id quod in se recipit. Secundo probatur argumento ducente ad impossibile; nam si substantia non potest sustentare accidens, nisi media potentia, quæ sit accidens eiusdem prædicamenti, vt asserit hæc sententia, sequitur euidenter dari processum in infinitum. Probatur consequentia; nam potentia illa accidentaliter per quam sustentat quantitatem, est accidens eiusdem prædicamenti quantitatis: ergo vel immediatè inhæret substantiæ, vel media alia potentia, quæ sit accidens; si primum admittatur, iam conceditur, substantiam immediatè sustentare aliquod accidens contra eandem opinionem; si vero secundum, de illa secunda potentia per quam recipitur prima in substantia eadem est questio, an immediatè recipiatur, vel per aliam potentiam accidentalem; & sic dabitur processus in infinitum, vel concedendum erit aliquod accidens immediatè recipi in substantia tamquam in subiecto. Tercio, quia non solum debet admitti processus infinitus, sed adhuc eo admissio, probatur non minus euidenter, quod aliquod accidens recipiatur immediatè in substantia, nam admissio processu infinito, de tota illa collectione infinita accidentium verum est, quod sit in alio tamquam in subiecto: nam omnia, & singula sunt accidentia; sed illud aliud in quo debet esse tamquam in subiecto, non est accidens; cum sit extra totam illam collectionem infinitam accidentium: ergo est substantia, cui inhæret tota eadem collectio accidentium, vel aliquod saltem eorum.

Nostra igitur sententia est, quod non omne accidens recipiatur in substantia medio alio accidenti sui; vel alterius prædicamenti, sed aliquod sit immediatè in ea receptum; hoc est, nulla media potentia, quæ sit accidens reale distinctum ab ea ex natura rei. Ita Caiet. 1. p. q. 54. art. 3. Patet. Suarius. 1. tom. suæ Metaph. disp. 14. sect. 5. num. 8. & 9. & omnes recentiores. Probatur ex Aristotele cap. 5. antepædicamentorum, & pluribus aliis suæ doctrinæ locis, in quibus diuidit ens reale in substantiam & accidens: sed membra huius diuisionis debent esse immediatè opposita, & consequenter immediatè comparari inter sese; sed ratio intrinseca accidentis est esse in alio tamquam in subiecto saltem secundum aptitudinem: ergo necesse est aliquod saltem accidens à toto (vt aiunt) genere, vel vniuersaliter

immediatè comparari ad substantiam, tamquam ad subiectum, & immediatè ei inhærere. Probatur etiam testimonio D. Tho. 1. part. quæst. 77. art. 1. ad 5. ubi ita ait: *Si accidens accipitur secundum quod diuiditur contra substantiam: sic nihil potest esse medium inter substantiam, & accidens, quia diuiduntur secundum affirmationem, & negationem, scilicet secundum esse in subiecto, & non esse in subiecto, &c.* Ex quibus colligitur potentias animæ, ut intellectus, & voluntas, cum sint accidentia in secunda specie qualitatis, non esse realiter substantiam animæ, sed immediatè ei inhærere, tamquam subiecto: sentit ergo aliquod accidens immediatè inhærere in substantia sine ulla media potentia, quæ sit accidens.

Probatur deinde ratione, ex natura accidentis, nam accidens est extra rationem, & entitatem substantiæ, & conceditur ei à natura pro perfectione, & ornatu proprii esse, & ut per illud possit præstare plura, quæ per se immediatè non potest, ut operationes, & alia: ergo necessariò debet concedi in ipsamet essentia, & in ipsomet esse substantiæ capacitas naturalis respectu talis ornatus, alioqui non esset ei naturalis, nec naturaliter reciperetur in ea. Hæc autem capacitas, per quam recipitur, est potentia passiva recipiendi: ergo non potest esse res distincta ab ipsamet substantia, nec requiritur ad recipiendam omnia accidentia aptitudo, vel potentia receptiua in substantia, quæ sit accidens reale distinctum ex natura rei ab ea, sed realiter per seipsam immediatè recipiet aliquod accidens. Secundo probatur, nam substantia Angeli essentialiter est intellectualiua, & anima nostra essentialiter est rationalis: ergo utraque substantia per se immediatè capax est potentie ad intelligendum, & ratiocinandum; sed hæc potentia, ut alibi ostendetur, est accidens, superadditum substantiæ creatæ ad operandum in secunda specie qualitatis: ergo immediatè, & per se illud recipit substantia Angeli, & animæ rationalis.

- 209 Ad testimonium Aristotelis respondeo, ita esse quod eadem sunt principia omnium entium, vel omnium prædicamentorum secundum proportionem, ita ut res quæcumque tria illa principia habeat suo modo, substantia quidem verè, & propriè habet tria principia in fieri, nempe materiam, formam & priuationem; accidentia vero solum per similitudinem; nam quodlibet dum sit, habet aliquid, quod se habet tamquam materia, quod est subiectum, & aliquid, quod se habet tamquam priuatio in subiecto, videlicet earentiam sui, vel formam oppositam includentem quandam rationem priuationis eius; sed non est necessarium, quod hæc tria principia sint eiusdem generis,

generis, vel prædicamenti secundum entitatem; sed hoc solum habet verum in substantia, in qua reperiuntur propriè; in cæteris vero prædicamentis secundum aliquam saltem denominationem; ita vt subiectum, quod se habet vt materia, sit tale in potentia qualis est forma ipsa accidentalis in actu, quamvis secundum propriam entitatem sit alterius prædicamenti; vt album habet pro forma albedinem, pro priuatione nigredinem, sed pro materia substantiam, quæ licet alterius sit prædicamenti secundum entitatem, in potentia tamen est alba, quia potest recipere albedinem, & ideo vt talis reducitur ad idem prædicamentum qualitatis, in quo sunt forma, & priuatio. Quare non sequitur ex verbis Aristotelis sic explicatis, quod substantia recipiat albedinem, vt subiectum eius per aliam potentiam receptiuam, quæ sit accidens ex natura rei ab ea distinctum, sed per propriam entitatem eam recipit; quæ tamen entitas, per quandam denominationem accidentalem dicitur pertinere ad idem prædicamentum qualitatis. Vnde sequitur male intellexisse verba Aristotelis authores primæ opinionis existimantes, quodlibet prædicamentum habere principia propria eiusdem entitatis, ita vt si sit qualitas habeat præter formam, & priuationem, potentiam receptiuam, quæ secundum suam entitatem sit qualitas, hoc enim non est ex mente Aristotelis, nec in doctrina eius potest sustineri; sed verba eius in prædicto sensu debent intelligi.

Aliud verò axioma, quod ex eodem testimonio videtur colligere D. Tho. nempe actum, & potentiam esse eiusdem generis, non est ita intelligendum, vt eiusdem prædicamenti esse debeant secundum entitatem, sed saltem secundum eandem denominationem, quia licet potentia sit alterius prædicamenti secundum entitatem, suscipit tamen denominationem formæ, ita vt corpus substantiale sit album, in potentia, in quantum potest habere formam albedinis ipsum actu, & formaliter denominantem album. Et hoc idem videtur esse, quod Scotus asseruit in 2. d. 26. q. 1. potentiam esse eiusdè generis cum actu, non quidem actiuam, aut passiuam, sed obiectiuam, in quantum ab intellectu apprehenditur habere formam, vel actum in esse possibili, vt corpus in quantum apprehenditur posse habere albedinem dicitur pertinere ad prædicamentum qualitatis, & speciem albedinis, & ex hoc dicitur habere potentiam obiectiuam respectu talis actus, vel formæ, non vero potentiam passiuam realem, quæ sit accidens de prædicamento qualitatis. Nam si de potètia passiuæ, aut actiuæ reali eiusdè prædicamèti intelligatur idem axioma, apertè falsum erit: cum potentia quælibet actiuæ

realis, & accidentalis sit in secunda specie qualitatis, & actus eius in prædicamento actionis, ut patet de gravitate, risibilitate, & cæteris. Et si in substantia corporea daretur potentia passiva realis, quæ esset reale accidens, in prædicamento qualitatis deberet collocari: ubi collocantur omnes potentie naturales ad agendum, vel recipiendum, & tamen actus eius, qui est quantitas, est in alio prædicamento.

- 111 Ad primum argumentum distinguendum est antecedens, quod potentia specificetur ab actu, nam de his, quæ per se ordinantur ad actum, verum est, & in hoc sensu prolatum ab Aristot. 2. lib. de Anima, cap. 4. de his vero, quæ non per se, sed per accidens ordinantur ad aliquem actum, non potest esse verum, quia quæ sunt per accidens, non conferunt speciem; entitas vero substantiæ habet quidem capacitatem, & potentiam recipiendi accidentia, non tamen per se ordinatam ad illa, quia substantia cum sit per se, & essentialiter independens à quocumque accidenti, & etiam quodcumque accidens sit extra essentialem, & completam rationem eius, non ordinatur per se ad ea recipienda, sed per accidens: quare nec potentia passiva eius accipit speciem ab actu, seu forma accidentali recepta. Et propterea docuimus, & probauimus in ante prædicamentis ex mente Aristotelis, & D. Thomæ, ex potentia substantiæ ad recipiendum accidens, & ex ipso accidenti recepto non fieri unum per se, sed per accidens, & ideo excludendum à prædicamento, quia talis potentia non est per se ordinata ad actum accidentalem, quia repugnat re uni prædicamenti per se ordinari ad re alterius prædicamenti.

Ad secundum concedendum est primum enthimema, nempe substantiam per se immediate recipere formam accidentalem, & per se immediate esse capacem recipiendi illam, & cum deinde inquiritur, an capacitas hæc, seu potentia passiva sit substantialis, vel accidentalis, respondeo realiter, & entitatiue esse substantialem, quia non distinguitur ex natura rei à substantia, nec est aliquid reale ei superadditum, sed solum dicitur potentia, vel capacitas eadem entitas substantiæ denominatione quadam accidentali, in quantum per accidens, hoc est, propter quendam ornatum, quem ab accidentibus nata est suscipere, ad illa ordinatur quadam ordinatione accidentali; cum tamen non sit realiter accidens, sed substantia, ut dictum est. Negandum est igitur, quod sit potentia substantialis, hoc est, ordinata ad substantialem actum, sed solum potest dici entitatiue substantialis, quia entitas substantialis est, denominatiue vero accidentalis potentia vocatur ab actu, vel forma accidentali, quam per accidens suscipit, ut expositum est.

QVÆSTIO X.

An omnia accidentia inhæreant immediatè in substantia, vel quadam, non nisi medys alijs?

Prima opinio tenet accidentia esse in duplici differentia, ²¹² nam quædam sunt congenita substantiæ, qualia sunt, quæ per naturalem emanationem ex ea procedunt in eodem instanti, in quo fit, vel generatur: nam ex hoc dicuntur congenita, ut proprietates, & potentiæ naturales ad aliquem actum elicendum ordinatæ à natura; nam intellectus naturaliter procedit ab anima in instanti, quo creatur à Deo, & risibilitas ab homine in instanti, in quo generatur. Alia sunt, quæ per motum, vel mutationem, aut actionem, vel passionem acquiruntur, & tales sunt omnes actus potentiarum, ut sensationes, intellectiones, immo & motus ipsi, & mutationes. Et accidentia primi ordinis (ait) immediatè recipi in substantia; alia vero non nisi media potentia reali, & accidentali. Ita Caienus ubi supra; cuius rationem videtur posuisse 1. p. q. 77. att. 1. nam accidentia congenita substantiæ essentialiter sunt potentiæ, quia ad hoc principaliter ordinantur, ut aliquos actus eliciant, atque in se recipiant, ut intellectus intellectiones, & sensus sensationes: dicuntur autem actus substantiæ, non propriè, sed solum secundum communem rationem accidentis, reliqua vero accidentia propriè dicuntur actus. Vnde sequitur propriè postulare potentias, in quibus immediatè recipiantur; potentias vero ipsas non postulare alias potentias, in quibus recipiantur; sed absque vlla media potentia receptiua inhære in substantia; cum ipsæ sint secundum proprias rationes essentielles potentiæ, & solum quadam ratione communi, & impropria dicantur actus.

Hæc tamen sententia Caietani insufficiens est, quia licet verum sit, accidentia congenita inhære in substantia absque aliqua media potentia receptiua, quæ sit accidens reale, non est tamen vniuersaliter verum de alijs, quæ possunt acquiri per actionem, & passionem, quod indigeant potentia reali accidentali, in qua recipiantur, & qua media inhæreant substantiæ, nam quantitas imprimis vtrumque habet, nempe congenitam esse substantiæ corporeæ, & etiam acquiri per motum augmentationis, & amitti per diminutionem, & tamen non indiget potentia receptiua accidentali, sed sine illa, atque per se immediatè inhæret substantiæ: & relationes identitatis, & diuersitatis non sunt necessariò congenitæ substantiæ, sed acquiri possunt;

possunt, & amitti per actionem, & passionem, saltem secundario, & quasi per accidens, & nihilominus inhaerent substantiae sine aliqua potentia accidentali receptiua, sed immediate per se. Idemque de simplici praesentia ostendi potest, quae videtur immediate conuenire substantiae, & tamen posse acquiri, & amitti per motum: alia ergo regula sufficiens assignanda est, ut in particulari intelligi possit, quae accidentia immediate per se inhaereant substantiae, & quae non nisi media potentia reali receptiua, quae regula a nemine, quem viderim, praescribitur.

213 Nostra igitur sententia est, sufficientem regulam ex effectu formali, quem accidentia tribuunt substantiae, desumendam esse: erit autem talis. Omnia illa accidentia, quae tribuunt proprium effectum formalem substantiae absque vilo medio inhaerent ei, & absque vlla potentia receptiua reali accidentali praesupposita in ea. Ratio huius regulae manifesta est, quia vniuersaliter verum est accidens tribuere subiecto suum effectum formalem (loquimur enim de solis intrinsecis) media actuali inhaerentia in eo; ut albedo constituit corpus formaliter album media inhaerentia, sicque de ceteris; ergo eo modo, quo tribuit effectum formalem substantiae, ei inhaerebit, si per se immediate, eodem modo ei inhaerebit, si vero medio alio, non immediate, sed illo medio dicetur inhaerere. Potest etiam probari inductione in quibuscumque: nam quantitas per se immediate facit substantiam extensam extensione mollis, quia euidens est nullo indigere ad eam extendendam, & ideo absque vlla potentia receptiua reali, & accidentali: sed per se immediate ei inhaeret. Relatio etiam identitatis specificae per se immediate constituit substantiam relatiuam, & ideo absque vilo medio ei inhaeret; intellectus etiam, & voluntas idem habent, sicque de ceteris ostendi potest. Cetera vero accidentia, quae non per se immediate, sed medio alio tribuunt suos effectus formales substantiae, non dicuntur ei inhaerere per se immediate, sed media potentia receptiua reali accidentali. Sed circa hanc partem eiusdem regulae quaedam distinctio notanda est: nam dupliciter contingit accidens tribuere suum effectum formalem substantiae medio alio, nempe tamquam subiecto, vel solum tamquam conditione sine qua non. Et quotiescumque tribuitur medio alio, ut subiecto, non potest immediate per se inhaerere, sed media potentia receptiua reali accidentali. Si vero ad tribuendum effectum formalem non indigeat alio medio, ut subiecto, sed ut conditione tantum, semper inhaerebit per se immediate. Quando vero vno modo & quando alio effectum tribuat: ex eo intelligetur, quod si eidem medio tribuat proprium effectum inhaerebit
substan

substantiæ eo medio vt subiecto, & ideo non immediatè per se, sed media potentia reali accidentali. Si vero non tribuat medio effectum formalem, non inhærebit eo medio tamquam subiecto, sed solum vt conditione: & ex consequenti immediatè per se inhærebit substantiæ, & non media potentia reali accidentali: exemplis fiet res manifesta. Albedo inhæret substantiæ media superficie tribuens ei proprium effectum formalem, ideo inhæret illi media superficie vt subiecto, & non per se immediatè: risibilitas inhæret homini media quantitate, cum sit accidens extensum, sed non tribuit quantitatì proprium effectum formalem, nec enim verum est quantitatem esse risibilem, & ideo non inhæret media quantitate, vt subiecto, sed vt conditione: quare non tollit, quin inhæreat per se immediatè substantiæ hominis, & absque vlla media potentia receptiua reali accidentali: & sic de cæteris accidentibus iudicandum est, quod faciliè iudicari, & intelligi potest.

QVÆSTIO X.

An vnum accidens verè, & propriè sit subiectum alterius accidentis.

R Estat explicandum, an vnum accidens verè, & propriè sit subiectum inhæfionis alterius accidentis: Circa quod omnes conueniunt in eo, quod aliqua accidentia inhæreant substantiæ medijs alijs, vt accidentia corporea media quantitate, & actus intellectus, & voluntatis animæ, medijs potentijs intellectus, & voluntatis: supposito quod iste potentiæ sint accidentia realia superaddita substantiæ animæ: sed quod vnum accidens inhæreat substantiæ medio altero, dupliciter potest intelligi. Primo, ita vt in eo recipiatur, & verum genus causæ materialis circa illud exerceat. Secundo, non ita, vt illud in se recipiat, nec verum genus causæ materialis circa illud exerceat, sed vt sit dispositio necessariò requisita ex parte substantiæ ad illud recipiendum, vel conditio necessaria: & si primo modo vnum accidens inheret medio alio, erit in eo tamquam in subiecto immediato. Si verò solum secundo modo, non erit in eo tamquam in subiecto. Sed rursus vnum accidens esse in substantia medio alio, vt subiecto, duobus modis intelligi potest. Primo, ita vt solum sit ei ratio materialis inhærendi, & hoc solent vocare subiectum, quo. Secundo, ita vt sit etiam cui proximè inhæreat, & hoc solent vocare subiectum, quod, immediatè

immediatum. Si ergo vnum accidens sit solum ratio materialis inhaerendi alteri, & non inhaereat ei, vt subiecto, quod, proximo, omnia accidentia erunt in substantia tamquam in subiecto, quod, proximo, & nullum erit hoc modo subiectum alterius; li vero vnum accidens sit in substantia medio alio, cui inhaereat tamquam, quod, non omne accidens erit in substantia tamquam in subiecto proximo, sed illa, quae hoc modo in ea fuerint medijs alijs erunt in eis tamquam in proximo subiecto, & in substantia tamquam in primo, atque remoto.

Secundo certum est, & in quo conueniunt omnes; nullum accidens posse esse subiectum quod alterius, tamquam per se illud sustentans, quod ex extrinseca ratione substantiae, & accidentis probatur euidenter; nam sola substantia est ens per se, & ei soli debetur existentia, & subsistentia per se, ratione cuius ei soli conuenit substare ceteris, hoc est, ea in se sustentare: accidens etiam ab intrinseco habet esse ens in alio, & ideo non potest esse in rerum natura, nisi inhaerendo alteri, & ab eo sustentatum, naturali modo loquendo. Ex quibus sequitur naturaliter nullum accidens posse esse subiectum per se sustentans alterum proximè, vel remotè, sed hoc soli substantiae conuenire. Solum ergo potest esse dubium, an vnum accidens possit esse subiectum quod proximum sustentatum ab alio, & in se sustentans aliud, & hoc naturaliter, nam per miraculum nullus ferè est, qui dubitet, quin quantitas sit subiectum aliorum accidentium sustentatum à Deo per miraculum. Communis namque sententia est in schola, quod cetera accidentia specierum sacramentalium non existant per se, sed quantitati inhaereant, & ab ea sustententur, sicut prius à propria substantia.

- 215 Et circa hoc dubium sic explicatum est prima opinio asserens nullum accidens posse esse subiectum alterius villo modo, sed ad summum esse dispositionem, vel conditionem necessariam, qua media inhaeret substantiae tamquam subiecto proximo. Ita Greg. in 1. d. 12. q. 2. art. 2. & videtur esse sententia Nominalium, quos citauit pater Suarez in 3. tomo tertiae partis disp. 56. sect. 3. Probatur testimonio Aristotelis 4. Metaph. tex. 14. expresse id asserentis his verbis. *Accidens enim non est accidens accidens, nisi quia utrumque eidem accidit, dico autem veluti album est muscum, & hoc album, quoniam utrumque homini accidit, sed non ita Socrates muscus; quoniam utrumque alicui alteri accidit.* Quibus negat villo modo posse vnum accidens esse subiectum alterius. Deinde ratione, quia omne accidens est forma actuans subiectum, & tribuens ei proprium effectum formalem in genere causae formalis; ergo omne accidens est forma

forma

forma subiecti, & subiectum exercet causam materialem respectu accidentis in se recepti: ergo repugnat accidens esse subiectum accidentis. Probatur consequentia, quia si admittatur, confundentur causa formalis, & materialis.

Secunda opinio concedit vnum accidens inhzere substantiæ medio alio, non tamquam subiecto, cui inhzereat, sed solum vt ratione inhzendi substantiæ, vel quod idem est, solum vt subiecto, quod, non vt subiecto, quod. Ita sentiunt recentiores quidam, & probant hoc argumento, quia si vnum accidens est subiectum quod alterius: ergo substat illi; substat vero alteri non est aliud, quàm sustentare illud: ergo vnum accidens sustentat aliud, quod est falsum propter duo. Primum, quia nullum accidens potest sustentare se ipsum, sed necesse est ab alio sustentetur: ergo multo minus poterit sustentare aliud. Secundum, quia substat alijs est proprium substantiæ quarto modo: ergo repugnat conuenire alijs, quare nullum accidens potest substat alteri, nec ideo esse subiectum, cui alterum inhzereat, sed ad summum potest esse ratio inhzendi alteri, quod est esse subiectum, quo.

Nostra vero sententia duo asserit. Primum est, quod vnum 216 accidens inhzereat substantiæ medio altero, vt subiecto, quod proximo; substantiæ vero, non nisi tamquam subiecto remoto. Vtrumque tenet Durand in 1. d. 8. p. 2. q. 4. num. 15. Pater Suarius tomo 1. Methaph. disp. 14. sect. 4. num. 6. & recentiores serè omnes. Probatur testimonio Aristotelis 2. lib. de anima tex. 121. vbi potentias sensitiuas asserit esse susceptiuas formarum sine materia, hoc est, specierum sensibilium, quæ ab obiectis producuntur, & in eis recipiuntur, vt exponunt omnes interpretes: ergo sentit Aristoteles potentias recipere has species. Sed quod recipit aliud est subiectum, quod eius: ergo vnum accidens ex mente Aristotelis recipitur in alio tamquam in subiecto quod. Probatur consequentia, quia si tantum esset ratio recipiendi, non esset susceptiuum. De sensatione etiam, quæ est actus earundem potentiarum, asserit esse quoddam pariter; si eiusdem libri, quod non potest esse verum, nisi recipiatur in eisdem potentijs tamquam in subiectis proximis vt quod: nihil enim pateretur potentia, si solum esset ratio recipiendi actum, & non reciperet illum. Probatur etiã testimonio D. Thomæ 3. p. q. 77. ar. 2. ad primũ & secundũ, vbi docet vnum accidens non esse subiectum per se alterius, ita vt per se illud recipiat, & per se illud sustentet, quia hoc soli substantiæ cõuenit; ab alio tamen sustentatum potest esse subiectum alterius, sicut superficies ait esse subiectũ caloris, quod non potest esse verum, si solum

si solum est ratio inherendi, & propterea 1. 2. q. 7. ar. 1. ad 3. & q. 56. ar. 1. ad 3. asserit expresse vnum accidens inherere alteri, inherere vero alteri non dicitur, nisi illud, quod in eo recipitur, quod est esse subiectum, quod eius.

Probatur deinde ratione, quia vt D. Tho. in eodem loco. 3. p. & cum eo tota schola docet, in accidentibus Eucharistiæ nihil est de nouo factum per transsubstantiationem, nisi circa quantitatem, quæ cum prius inhereret substantiæ panis, desinente illa habet esse per se diuina virtute, & ideo per se sustentat reliqua accidentia, hæc vero non sunt separata ab eadem quantitate, sed ei coniuncta, sicut prius Itaque non prius separata ab ea, & postea nouo modo coniuncta, sed eodem semper modo ei coniuncta. Ex quo efficacissimum hoc argumentum colligitur pro nostra sententia: albedo, & cætera accidentia panis eodẽ modo se habent ad quantitatem eiusdem panis post transsubstantiationem, & ante illam; sed post transsubstantiationem sunt in quantitate, tamquam in subiecto, cui inhzrent; ergo ante illam erant eodem modo in ea. Solum potest esse discrimen ex parte ipsiusmet quantitatis, quod ante consecrationem erat subiectum proximum, cui inhzrebant, non à quo sustentabantur, nisi vt ab alio sustentatum, nempe à substantia panis, post consecrationem vero sunt subiectum cui inhzrent, & à quo sustentantur, in quantum quantitas ipsa diuina virtute sustentatur, vel per nouum modum perfeitatis ei cõcessum, vel per nouum concursum diuinum, quo Deus in genere causæ efficientis supplet materialem concursum substantiæ panis.

- 217 Secundo probatur de intellectu, & voluntate, & cæteris potentijs sensitiuis, de quibus verum est recipere in se intellectiõnem, & volitionem tãquam proxima principia earum, & tamquam proxima subiecta, quæ quod efficaciter colligitur ex denominatione ab eis suscepta, nam verum est, & ita ab omnibus prouuntiat, intellectus intelligit, sensus sentit, voluntas, vult: verum est etiam obiecta agere in his potentijs cognoscitiuis, & eis imprimere proprias species: quas apud se conseruat intellectus, & sensus internus: & voluntas producit in se actus, & habitus, eosque conseruat, non minus ac intellectus: ergo istæ omnes potentiæ sunt subiecta, quæ patiuntur ab eisdem obiectis, vel ab aliqua alia potentia actiua, vt intellectus possibilis ab agente, & quæ in se recipiunt species, actus, & habitus, eosque sustentatæ ab anima sustentant: & ex consequenti sunt subiecta proxima eorum, anima vero solum eos recipit tamquam subiectum remotum, in quantum potentias ipsas proximè recipit, & ideo accidentia in eis proximè recepta. Probatur consequen

consequentia, quia potentia ipsa sunt proxima subiecta passionum, per quas species, actus, & habitus recipiunt. Et eodem modo probari potest de figura, praesentia locali, de relationibus etiam aequalitatis, & similitudinis; nam illae conveniunt quantitati, istae vero qualitati, ut proximis subiectis, quibus inhaerent, & solum remotè substantiae.

Sed restat dubium, an ita sit vnum accidens subiectum proximum alterius, ut ipsum solum exerceat genus causae materialis circa illud, dum fit, & conservatur, & non substantia; sed praeter genus causae materialis, quod eadem substantia exercet circa accidens medium dum recipitur, & sustentatur ab illa, nullam aliam causalitatem materiale exerceat circa alia, quae eo mediante recipit. Gratia exempli: albedo recipitur in quantitate tanquam in proximo subiecto, dubitamus, an sola quantitas exerceat genus causae materialis circa illam, dum fit dum recipitur, & sustentatur; substantia vero nullum concursum materiale praebet circa illam, vel etiam simul cum quantitate concurrat tanquam materialis causa ad productionem, receptionem, & sustentationem eius; nam si primum dicatur, consequenter erit dicendum, cetera accidentia praeter illa, quibus mediis inhaerent substantiae, non educi de potentia eiusdem substantiae, sed de potentia solius accidentis, quo medio inhaerent; immo verè, & propriè his solis inhaerere, & non substantiae, quod videtur falsum.

Quidam distinguunt diuersa accidentia, quaedam composita, & haec aiunt componi ex duplici accidenti: ut praesentia localis videtur composita ex praesentia substantiae, & praesentia quantitatis: alia simplicia, quae non componuntur ex duplici entitate accidentali, ut albedo, calor, &c. Et de compositis dicunt adaequare esse in subiecto composito ex substantia, & accidenti, & ideo non solum accidens, quo medio inhaerent praestare concursum materiale respectu eorum, sed etiam substantiam. De simplicibus vero solum accidens, quo medio inhaerent, substantiam vero nullum praestare concursum materiale ad receptionem eorum. Alij vero de solis actibus vitalibus probabile esse dicunt, postulare concursum materiale, non solum potentiarum, quibus mediis inhaerent animae, sed etiam substantiae eiusdem animae. Et ratio horum est, quia principium efficiens immediatum actus vitalis non est sola potentia, sed etiam anima ipsa cum potentia, sed actus vitales, cum sint immanentes, debent recipi in eodem principio à quo eliciuntur; ergo non in sola potentia, sed etiā in anima debent recipi, tanquam in subiecto proximo, & ideo non sola potentia praestabit

concursum materialem ad receptionem eorum, sed substantia animæ; de cæteris vero asserunt à solo concursu materiali accidentis, quod medio inhærent dependere, substantiam vero nullum præstare.

Vtraque tamen hæc distinctio impertinens est, quia dubium hoc non habet locum, nisi ubi duo sunt subiecta accidentium, proximum, & remotum: tunc enim merito dubitatur, an utrumque concutrat tanquam materialis causa eorum, nec in accidentibus compositis (si verè dantur) nec etiam in actibus vitalibus (si principium proximum non est sola potentia, sed etiam anima) sunt duo subiecta, proximum, & remotum, sed proximum tantum ex substantia, & accidenti compositum: ergo non potest esse dubium, quin ex concursu materiali utriusque componentis proximè dependant, sicut reliqua accidentia, siue simplicia sint, siue diuersa ab actibus vitalibus; valeat ergo distinctio hæc, nihil ad rem conferens. Qua refutata, duo dicimus. Primum, quod quæcumque accidentia, quæ inhærent substantiæ mediis aliis, dependent ex concursu materiali substantiæ præsupposito non quidem per accidens, sed per se, & necessario naturali modo loquendo. Secundum, non dependere ex concursu eiusdem substantiæ attingente illa, sed solum attingente accidens illud, cui proximè inhærent. Ita Durand, ubi supra; & probatur primum, quia vnum accidens non potest esse subiectum quod alterius primo, & per se; vt ex communi consensu omnium adduximus; nam quod non habet esse per se, sed in alio, non potest sustentare aliud, nisi ipsummet ab alio sustentetur, sed nullum accidens habet esse per se, sed inhærens substantiæ: ergo non potest sustentare aliud, nec proinde esse subiectum eius, nisi ab ea sustentatum, sed ad sustentandum ipsum necessarius est concursus materialis substantiæ naturaliter loquendo: ergo cætera accidentia quæ medio illo inhærent, postulant concursum substantiæ necessario præsuppositum, ita vt si deficeret, omnia desinerent esse naturaliter. Quod vero non dependant ex concursu materiali substantiæ circa se exercito, probatur: quia accidens sustentatum à substantia immediatè recipit aliud, & hoc ei inhæret tanquam subiecto quod proximo: ergo concursus materialis eius sufficit ad illud sustentandum præsupposito concursu substantiæ, quo ipsummet sustentatur; quare superfluous erit concursus substantiæ circa illud; imo & impossibilis, nam cum non inhæreat proximè substantiæ, nec in ea proximè recipiatur, impossibile est, quod substantia exerceat suum concursum materialem circa illud. Probatur consequentia, quia concursus materialis in receptione ipsa consistit,

consistit. Et signum euidens huius veritatis est, quod ablata substantia conseruatur eadem inhærentia eorum in quantitate, absque nouo concursu primæ causæ immediatè circa illa exercito, sed solum per nouum concursum, vel modum sustentandi quantitatem, vt probauimus in accidentibus Eucharistiæ: ergo non erat necessarius concursus actualis substantiæ circa illa, sed præsuppositiuè tantum, & ideo non posset conseruari inhærentia eorum in quantitate, nisi talis concursus substantiæ præsuppositus suppleretur à Deo. Ita ergo se habet substantia in quibuscunque aliis accidentibus, medio alio sibi inhærentibus.

Ad argumentum vero pro ratione dubitandi propositū concedenda est consequentia, quod accidentia omnia, quæ inhærent medio alio tanquam subiecto, educuntur de potentia eiusdem sustentati à substantia, & non ex potentia ipsius substantiæ, vt de speciebus intelligibilibus, & sensibilibus satis est per se manifestum, quod educantur ex intellectu, & sensibus, & non ex potentia substantiæ: itaque ad educationem horum accidentium non requiritur nouus concursus substantiæ materialis, sed præsuppositus sufficit, per quem sustentatur subiectum eorum immediatum. Quod ex eisdem accidentibus Eucharistiæ probatur, nam si calefiat hostia, educitur nouus calor de potentiæ quantitatis absque nouo miraculo, sed præsupposito primo: ergo Deus non præstat nouum concursum ad talem educationem, præter generalem, quem præstat dum educitur idem calor de potentia ligni, & præter miraculosam conseruationem quantitatis præsuppositam supplendo concursum substantiæ panis: ergo nec substantia ipsa panis, si adesset, præstaret alium concursum præter eum, quo sustentaret quantitatem in genere causæ materialis; nec inhærent talia accidentia substantiæ propriè loquendo, sed remota quadam ratione, in quantum ei inhæret tanquam subiecto proximo illud accidens, quod est proximum subiectum eorum, & ab ea sustentatur. Et hoc sufficit, vt dicatur substantia primum, & per se subiectum omnium accidentium, & eorum prædicationes, & denominationes in communi modo loquendi suscipiat, potius quàm accidens, quo medio inhærent, quod constat non esse subiectum primum, quia nec est subiectum per se eorum.

Ad testimoniū Aristotelis adductum pro opinione illorum, qui omnino negant vnum accidens inhære substantiæ medio alio, vt subiecto proximo. Respondetur ex D. Thoma in commentariis eius, solum negare Aristotelem, quod vnum accidens alteri accidat, tanquam subiecto primo, & per se; nam hoc

modo soli substantiæ, accidere potest, cum non possit alteri inhærere, vel ab eo sustentari, nisi præsupposita inhærentia eiusdem primi accidentis in substantia, & virtute eius, à qua sustentatur. Benè tamen potest ei inhærere, vt subiecto proximo sustentato à primo, vt expositum est. Et secundo dici potest non solum agere ibi Aristotelem de inhærentia accidentali, sed specijlius de modo prædicandi omnino per accidens vnius accidentis de altero, vt cum musicus dicitur albus, & hunc modum prædicandi asserit non procedere ex eo, quod vnum accidens alteri accidat, sed potius ex eo, quod casu coniungantur in aliquo tertio, vt in homine: quare non omnino negat, quod vnum accidens inhærens substantiæ medio alio possit de illo prædicari, sicut prædicatur de substantia, sicut dicimus superficiem esse albam, vel calidam, intellectum intelligere, & oculum videre.

Ad argumentum vero concedendum est primum enthymema, quod accidens sit forma actiuans subiectum, & tribuens ei suum effectum formalem in genere causæ formalis. Sed neganda est posterior consequentia, quod vnum accidens non sit subiectum proximum alterius; ex quo non sequitur confundi genus causæ formalis, & materialis, quia non conueniunt eidem respectu eiusdem, sed diuersorum, vt accidenti, quo medio aliud inhæret substantiæ, conuenit esse causam formalem respectu substantiæ, cui ipsummet inhæret, & respectu alterius sibi inhærentis conuenit esse causam materialem: vt quantitas respectu substantiæ habet rationem causæ formalis, & respectu albedinis est causa materialis, in quo satis per se constat nullam esse repugnantiam, nam anima rationalis respectu corporis, quod informat, est causa formalis, & respectu intellectus, quem in se recipit, materialis.

QVÆSTIO XI.

An dispositiones præcedentes in materia efficienter concurrant ad expulsionem formæ præsentis, & introductionem sequentis, vel solum materialiter?

- 211 **V**T intelligatur quæstio, distinguendæ sunt duplices dispositiones in generatione naturali cuiuslibet rei, quædam tempore præcedunt generationem ipsam, & producuntur in composito corrumpendo, aut materia eius per alterationes præceden

præcedentes, vt disponatur pro noua forma generanda, talis est calor productus ab igne in ligno, & aliæ similes. Aliæ sunt dispositiones non præcedentes, sed simultaneæ, quæ producuntur cum forma substantiali noua, & composito in instanti generationis pro conseruatione eiusdem formæ substantialis nouæ in materia, vt calor summus, & siccitas maxima, quæ producitur cum igne in instanti generationis eius. Et de his dispositionibus simultaneis certum est apud omnes, non concurrere effectiue ad productionem formæ ignis. Cuius ratio est manifesta, quia dispositiones istæ procedunt effectiue ab eadem forma, & in eodem instanti generationis: ergo sunt effectus eius; sed quod effectus est alicuius in aliquo genere causæ, non potest esse causa eius in eodem genere: ergo repugnat tales dispositiones effectiue concurrere ad generationem ignis; vel ad eductionem formæ eius. Questio igitur solum procedit de dispositionibus tempore præcedentibus generationem, an effectiue concurrant ad productionem nouæ formæ. Supponimus autem communem sententiam scholæ, quod accidentia in virtute substantiæ, cuius accidentia sunt, possunt effectiue concurrere ad productionem substantiæ tanquam instrumenta, vt calor ad productionem ignis.

Et prima opinio asserit dispositiones præcedentes efficienter concurrere ad eductionem nouæ formæ de potentia materiæ, & productionem eius. Ita Toletus 1. lib. de gener. cap. 4. q. 7. & Conimb. ibidem q. 18. art. 3. Soto 2. lib. Phys. q. 3. & cum his iuniores quidam, qui pro eadem sententia citant D. Tho. 1. p. q. 77. & 3. p. q. etiam 77. art. 3. immerito tamen; cum his locis solum loquatur D. Tho. in cõmuni de accidentibus asserens posse attingere productionem substantiæ tanquam instrumenta; de quo non procedit questio præsens, sed id supponit tanquam verum: inquit vero in particulati de accidentibus tempore præcedentibus generationem, materiamque disponentibus pro noua forma in ea introducenda. Potest tamen adduci pro hac sententia aliud testimonium D. Thomæ 2. 2. quæst. 24. arr. 10. ubi expresse docet peccatum expellere ab anima effectiue charitatem, quia ei contrariatur: ergo ex eius sententia etiam calor, & quælibet alia dispositio producta ab agente in materia expellet aliam dispositionem contrariam in eadem materia existentem; & consequenter formam substantialem, cuius est dispositio: sed ad expulsionem formæ substantialis, sequitur introductio nouæ: ergo effectiue concurrer ad productionem eius ex mente D. Thomæ.

Sed ratione probant. Primo, quia agens non potest producere effectum in passio distante, nisi ei coniungatur per aliquam

virtutem à se emissam, vt patet de Sole, qui non potest producere effectum in his inferioribus, nisi eis coniungatur per lucem circa ea productam; & ideo talis lux est instrumentum eius, quo effectiue operatur: sed quodlibet agens coniungitur passo per virtutem suam circa illud productam: vt ignis ligno per calorem in eo productum, ita vt si illum non imprimat ligno non possit idem lignum corrumpere, nec igne ex materia eius generare: ergo agit per talem calorem ligno impressum tamquam per instrumentum ad producendam formam ignis. Et confirmari potest, quia calor ignis secundum communem sententiam effectiue concurrat ad generationem alterius ignis ex ligno, sed non potest effectiue concurrere, nisi coniungatur eidem ligno per alium calorem in eo productum: ergo non est minus verum de calore producto in ligno, quod effectiue concurret ad productionem nouæ formæ, quam de calore existente in igne.

Secundo, quia in generatione viuientis concurrat effectiue virtus seminalis existens in eodem semine ad organizandam materiam eius, ad expellendam formam, & educendam nouam ex eadem materia. Ergo eodem modo concurrent ceteræ dispositiones præcedentes in materia ad expulsionem contrariæ formæ, & generationem nouæ. Probatur cõsequentiâ, quia sicut operatur viuens per virtutem seminalem existentem in eodem semine tamquam per instrumentum, ita ignis, & alia agentia naturalia per accidentia, quæ producunt circa passum pro expellenda forma contraria, & educenda propria ex potentia materiæ eius.

- 124 Tertiò, quia contraria se expellunt effectiue ab eodem subiecto, vt in definitione eorum dicitur; sed dispositiones præcedentes in ligno sunt contrariæ dispositionibus conseruantibus idem lignum, & ratione illarum forma ignis, substantialis contrariatur formæ ligni, vt per se patet: ergo, tales dispositiones effectiue corrumpunt dispositiones alias; atque etiam formam substantialem ligni. Tunc vltra agens, à quo expellitur efficienter vna forma, producit etiam efficienter alia ei succedens: ergo sicut expelluntur dispositiones ligni, & forma substantialis eius ab eisdem dispositionibus præcedentibus, quas producit ignis in eodem ligno, ita producet efficienter noua forma ignis: nam, quod sint in eodem subiecto, non obstat, quominus possint circa illud efficienter operari, vt patet de virtute seminali circa propriam materiam operante, & de potentiis vitalibus circa seipsas.

Secunda opinio est opposita, negans, quod tales dispositiones præcedentes in materia effectiue concurrant ad expulsionem contrariarum, vel formæ substantialis corrumpendæ, atque

atque etiam ad generationem nouæ formæ, aut compositi, sed asserit solum concurrere in genere causæ materialis ad præparandam materiam pro introductione nouæ formæ. Itaque calor productus in ligno nõ expellit efficienter frigus in eo existens, sed formaliter, nec expellit formam ligni, nisi materialiter disponendo materiam pro introductione formæ ignis nouæ, à qua expellitur eadem forma ligni in genere causæ formalis, & non efficientis. Hæc est exprella sententia D. Thom. q. 8. de veritate art. 7. ad 5. argumentum ex his, quæ proposuit in contrarium: vbi ita ait: *Ad quintum dicendum, quod dispositio, non facit aliquid ad formam effectiue sed materialiter tantum, in quantum per dispositionem materie fit congrua ad receptionem formæ.* Et 1. 2. q. 85. art. 1. ad 4. vbi hæc habentur verba. *Ad quartum dicendum, quod accidens non agit effectiue in subiectum, agit tamen formaliter in ipsum, eo modo loquendo, quo dicitur, quod albedo facit album.* Ita etiam Pater Suarius tomo. 1. Metaph. disput. 28. sectione. 2. num. 29. & videtur mihi probabilior, & tenenda:

Probatur primò, quia dispositiones præcedentes nihil efficiunt circa subiectum, in quo recipiuntur toto tempore præcedente, nec etiam in instanti generationis: ergo non concurrunt effectiue ad productionem formæ. Euidens est consequentia, quia agens naturale non potest aliquid operari, nisi circa subiectum; sed probatur antecedens, quia non expellunt effectiue dispositiones contrarias, nec formam substantialem; sed neque aliquid efficiunt ad eductionem nouæ formæ de potentia materie: ergo nihil effectiue operantur. Antecedens conceditur ab aduersariis quantum ad expulsionem effectiuam dispositionum contrariarum, & formæ. Et probatur hac ratione. Agens naturale non intendit per se primo corrumpere suum contrarium, vel expellere illud, quia corruptio non potest esse per se primo intenta à natura, sed solum secundaria intentione, in quantum primo intendit producere formam, vel effectum positum, ad cuius productionem sequitur corruptio alterius: ergo expulsio dispositionum, vel formæ non potest fieri ab aliquo agente, nisi media productione alicuius effectus positiui, ad quam sequitur talis expulsio; sed dispositiones præcedentes nullum effectum positum efficiunt toto tempore alterationum; nam calor productus in ligno, non producit nouum calorem in eadem parte subiecti, alioqui seipsum intenderet, quod constat esse impossibile: ergo nullum habet effectum circa lignum præter expulsionem aliquorum graduum frigiditatis, quos constat non

expellere in genere causæ efficientis, quia repugnat solam expulsi-
 216 onem fieri ab aliquo agente, sed solum in genere causæ
 formalis, sicut vna forma expellit alteram ab eodem subiecto,
 vel materia. Sed multo minus potest habere effectum positi-
 uum in instanti generationis: primo, quia si subiectatur in
 composito, iam non est: secundo, quia etiam si subiectetur in
 materia, & ideo adhuc permaneat, non potest producere ali-
 quid caloris in eodem ligno, vt probatum est, nec etiam for-
 mam ignis, vt instrumentum; quia accidens non attingit pro-
 ductionem formæ substantialis, nisi producendo aliud acci-
 dens, vel intendendo illud, ad cuius productionem, vel inten-
 sionem sequitur forma substantialis in materia: vt calor ignis
 non attingit productionem alterius ignis, nisi producendo, vel
 intendendo calorem in subiecto, quod non potest facere calor
 existens in ligno.

Sed respondent aliqui nobiscum tenentes, quod dispositio-
 nes istæ subiectentur in composito posse eas in instanti gene-
 rationis agere, quamuis in eo non sint, quia satis est tempore
 immediate præcedente fuisse, & ratione illarum dispositam fuisse
 materiam pro introductione nouæ formæ: ex hoc enim fit, vt
 virtute illarum sequatur generatio eius in instanti, quod est
 primum non esse earum; nam agens naturale non agit per exi-
 stentiam, sed per virtutem agendi: quare non est necessarium
 actu existere, dum effectus sequitur, sed sufficit immediate exi-
 stisse virtutem eius, & immediate egisse, vt effectus, qui sequitur
 in instanti terminatio temporis, in quo existit, & agit, ei tri-
 buatur, vt causæ efficienti virtualiter agenti. Hæc tamen solu-
 tio iam est à nobis in superioribus refutata, quia licet actua-
 lis existentia efficientis causæ non sit ei ratio agendi, est tamen
 conditio adeo necessaria ad agendum, vt non sit intelligibile
 actu agere tempore, vel instanti, in quo non existit. Primo, quia
 in eo instanti datur actualis productio effectus: ergo datur
 actio realis tunc procedens ab agente, per quam effectus pro-
 ducitur; sed repugnat actionem realem procedere ab eo, quod
 non est; dum actio procedit: ergo repugnat aliquid agere, dum
 non est iu rerum natura. Secundo, quia actio realis dicit rea-
 lem, & actualem dependentiam effectus à sua causa efficiente,
 sed non est intelligibilis realis, & actualis dependentia ab eo,
 quod non habet esse reale in rerum natura: ergo nec est intelli-
 gibile actionem procedere ab eo, quod non est. Probatur con-
 sequentia, quia non est intelligibilis dependentia, nisi à princi-
 pio: ergo non est intelligibilis, realis, & actualis dependentia,
 nisi à principio reali, & actuali: constat autem in instanti gene-
 rationis

rationis non dari principium reale, nec actuale: ergo nec potest dari realis, & actualis dependentia, quam dicit actio realis, & actualis, etiam si tempore præcedenti existerit agens.

Ad testimonium D. Thomæ respondeo cum Caietano in 227 eodem articulo, peccatum duo habere, nempe quod sit actio quædam, & quod sit deformis, vel rationi contraria, (loquitur enim D. Thomas de peccato commissionis) & in quantum est quædam actio, potest expellere gratiam effectiue, sed ratione deformitatis expellit eam formaliter: dispositiones vero solum sunt formæ quædam, & non actiones, ideo non possunt expellere contrarias effectiue, sed solum formaliter, sicut una forma expellit alteram ab eodem subiecto solum in genere causæ formalis.

Ad primum argumentum concessa maiori, quod agens non attingit passum distans nisi per virtutem à se emissam, distinguenda est minor, quia virtus emissæ ab agente duplex est, quædam emissæ per medium, & in eo recepta, per quam fit contiguum passio. Illudque tangit, ut patet de luce Solis emissæ per aërem usque ad terram. Alia est virtus emissæ ab agente, hoc est producta in eodem passio. Et inter has duas virtutes hæc est differentia, quod per primam operatur agens circa passum secundam, & ideo illa est instrumentum, vel efficiens causa; quia se tenet ex parte agentis, hæc vero non nisi effectus per eam productus, quia se tenet ex parte passii, illa est principium actionis, hæc vero terminus eiusdem, per quam non dicitur operari agens tamquam per instrumentum, sed per primam, per quam tangit passum contactu virtutis, licet eum non tangat contactu quantitatis. Itaque ignis agens in lignum ei coniungitur per calorem emissum per aërem coniunctione agentis cum passio, non per calorem in eodem ligno productum, nisi coniunctione effectus, vel termini producti circa ipsum: per illum ergo calorem in se existentem, & per medium emissum agit ignis in lignum tamquam per instrumentum, non per calorem in eodem ligno productum ullo modo.

Ad confirmationem neganda est minor, quod non possit 228 ignis coniungi ligno, nisi per calorem in eo productum; coniungitur enim per calorem in se existentem, si sit contiguus cum eodem ligno; si vero sit distans ab eo, per calorem productum in aëre idem lignum tangente, & hæc est coniunctio propria agentis: coniunctio vero per calorem productum in ligno non est agentis, ut agens est, sed supponit hanc, & dicitur coniunctio per effectum, & terminum productum per actionem.

Ad secundum concessio antecedente de concursu effectiui virtutis seminalis, ad illa omnia, neganda est consequentia, quod ita concurrant ceteræ dispositiones productæ in passo; est enim manifesta differentia ex his, quæ superius diximus de modo concurrendi virtutis seminalis: non enim operatur circa materiam, vel subiectum, in quo est, immo nec posset; sed cum sit in quibusdam partibus eiusdem seminis, operatur circa alias, in quarum materia introducenda est anima; dispositiones vero præcedentes alias generationes (de quibus loquimur) sunt in eodem passo, in eademque materia, in qua introducenda est forma, circa quam nihil operantur, nec operari possunt, & ideo nec possunt effectiue expellere dispositiones contrarias, sed solum formaliter; ad expulsionem vero formæ præsentis, & educationem aduenientis solum possunt concurrere disponendo materiam pro noua forma, à qua expellenda est antiqua formaliter, talis autem modus concurrendi earum, non est efficientis causæ, sed ad materialem potius reducitur, ut per se est manifestum.

119 Ad vltimum distinguenda est maior, nam contraria duobus modis considerari possunt. Primo, in quantum se tenent ex parte agentis, & passi, ut calor ex parte ignis, & frigus ex parte aquæ, vel e contra. Secundo in quantum comparantur ad idem subiectum, in quo inhaerent tamquam formæ contrariæ; & sub vtraque consideratione se expellunt ab eodem subiecto, sed sub prima efficienter, sub secunda, non nisi formaliter, tamquam formæ naturaliter impossibiles in eodem subiecto. Et cum dispositiones præcedentes generationem in subiecto comparantur ad contrarias in eo existentes tamquam formæ impossibiles in eodem subiecto, & non ut se tenent ex parte agentis, non possunt eas expellere efficienter, sed solum in genere causæ formalis. In definitione autem contrariorum non sumitur expulsio pro efficiente tantum, nec solum pro expulsionem formali, quia repugnat se expellere efficienter, quin etiam se expellant formaliter, sed pro vtraque simul; & quia dispositiones præcedentes in subiecto solum comparantur, ut impossibiles formæ, solum potest eis conuenire formalis expulsio; effectiua verò conuenit eis sub alia consideratione, nam propria contrarietas vtramque considerationem comprehendit: supposito vero, quod non nisi formaliter expellunt dispositiones contrarias, & formam substantialem solum materialiter, ut probauimus, non possunt effectiue concurrere ad generationem nouæ formæ. Quod vero dicitur, non obstarè, quod idè non possit agere in seipsum, distinguendū est: nam actioe trans

transcunte, & vniuoca repugnat idem secundum eandem partem in seipsum agere, quia in actione transcunte necesse est agens realiter esse diuersum à passo, & in vniuoca seipsum intendere, & cum calefactio, aut quouis alia alteratio propria, qualis est illa, per quam posset excogitari dispositiones antecedentes, agere, sit actio transiens, & vniuoca, repugnat exerceri circa idem omnino subiectum, quamuis actione immanente, vel habente modum immanentis, & æquiuoca non repugnet idem in seipsum agere, de qua procedit secundum exemplum in argumento assumptum. De virtute vero seminali aliam esse rationē ostendimus, ideo nihil probant contra nostrā sententiā.

C A P V T V.

TEXTVS ARISTOTELIS.

De augmentatione autem reliquum est dicere, & quonam differat à generatione, & alteratione, &c.

Breuis expositio textus.

Explicata distinctione alterationis à generatione substantiali capite præcedenti, distinguit Aristoteles in præsentis satis diffuso augmentationem, & diminutionem ab eadem generatione, & hoc est intentum capitis. Quod ut consequatur tria proponit tractanda de augmentatione, Primum, quomodo distinguatur à generatione, & alteratione. Secundum, quonam modo fiat augmentatio, & diminutio rerum naturalium. Tertium, quibus modis differant nutritio, & augmentatio, & ideo in tres partes diuiditur caput iuxta horum trium explicationem. In duobus asserit differre augmentationem à generatione, & alteratione: nam primo differunt ex parte terminorum, in quos tendunt, nam generatio substantialis habet substantiam pro termino ad quem, alteratio qualitatem, augmentatio vero tendit ad quantitatem: & hæc est præcipua differentia, quia mutationes, & motus habent vnitatem, & distinctionem specificam à terminis ad quos, ut 5. lib. Phys. docuit Aristoteles. Secundo differunt, quia id quod generatur, vel alteratur, non necessario mutat locū: ut patet cum ex ligno fit ignis, vel cum calefit aqua permanentibus in eisdem locis: id autem, quod augetur necessario mutat locum, non quidem ita ut totaliter deferat locum, quem prius habebat, & acquirat alterum; hoc enim modo.

modo non est necessariū mutare locum, sed ita ut ad maiorem locum necessariō extendatur. Itaque necessariū est, quod novas partes loci acquirat, quas prius non habebat, non tamen quod aliquam partem prioris loci relinquat, ut patet dum arbor crescit permanens in eodem loco, sed necessariō se extendens ad minorem, quam habebat prius, & opposito modo id, quod diminuitur, necessariō mutat locum, non totaliter deserens eum, quem habebat prius, sed aliquas partes eius, reducens se ad alias, & ideo ad minorem locum. Et hæc de explicacione primi.

2. Ut explicet secundum, proponit duo dubia, & soluit: & tandem duo supponit. Primum dubium est, an id, quod augetur, augeatur per additionem alicuius habentis magnitudinem, seu quantitatem, vel carentis omni magnitudine. Et respondet necessariū esse, ut illud ex quo augetur aliquid, quod vocatur alimentum, magnitudinem habeat, quia si esset materia sine magnitudine, aut esset separata ab omni corpore, vel esset in aliquo corpore; separatam esse repugnat, quia nec esset in loco, sicut punctum, nec esset aliquid sensibile. Probatur consequentia, quia utrumque habet res qualibet per quantitatem, nempe in loco esse, & sentiri posse. esse autem insensibile, & extra locum illud, ex quo aliquid augetur, impossibile est, quia cum id, quod augetur, sit corpus naturale, & ex consequenti sensibile, & in loco, augeri non potest per additionem rei insensibilis, & sine loco. Sed non minus repugnat, quod materia ex qua aliquid augetur, careat magnitudine, & sit in aliquo corpore, nam vel esset pars eius, vel accidens, quod patet esse impossibile; quia partes, & accidentia corporis coextenduntur quantitati, vel magnitudini eius: ergo repugnat sic esse in corpore, & non habere magnitudinem. Vel esset in corpore, ita ut nec esset pars eius, nec accidens, quod non esse minus impossibile probat, quia ex hoc sequeretur tria absurda. Primum, quod generatio unius non esset corruptio alterius, sed posset aliquid generari ex alio non corrupto, sed permanente. Nam ex tali materia existente in alio corpore posset generari aliquid, ut ex alimento existente in aqua aer, sed nihil aquæ corrumpere, quia talis materia alimenti in ea existens, nec est pars aquæ, nec accidens eius: ergo potest separari ab aqua sine ulla eius corruptione. Secundo sequeretur, quod in eodem composito posset esse infinitæ materiæ alimentorum, quia si non sunt partes eius, nec accidentia, non se impediunt, nec una excludet alteram: qua ratione potest esse una, poterunt esse infinitæ. Tertio sequeretur, quod dum generatur aliquid
ex ali

ex aliquo, ut aër ex aqua, exiret ex ea, tanquam ex vase absque vlla mutatione eiusdem aquæ. Et ex eisdem argumentis asserit probari, quod ex indiuisibilibus quantitatis, ut ex punctis, & lineis magnitudine carentibus, non fiat augmentum corporis naturalis: ideo concludit necessarium esse, quod alimentum, seu materia: ex qua corpus augetur, magnitudinem habeat. Quod probat primo, quia materia non potest esse separata ab omni forma substantiali, & qualitatibus, per quas forma conseruatur in materia; sed repugnat esse vnitam formæ substantiali sine quâritate omnino necessaria ad diuersas formas substantiales recipiendas; ergo non minus repugnat esse sine magnitudine. Maiorem probat, quia quidquid generatur, fit ex aliquo habente formam substantialem, per cuius expulsionem corrumpitur, & ab agente inducente nouam formam in eadem materia: ergo repugnat materiam permanere sine vlla forma. Secundo ex propria ratione augmentationis, quæ non est generatio corporis, sed additio nouæ quantitatis ad eam, quam habebat prius: ergo necesse est quantitatem habere illud, ex quo augetur corpus.

Secundum dubium: an supposito quod augmentum debeat fieri ex alimento habente magnitudinem, vel quantitatem, & ideo duo interueniunt corpora in augmento, nempe illud, ex quo fit, quod vocatur alimentum, & illud, cui de nouo aduenit alimentum, quod est corpus viuës, quodnam horum corporum augeatur, primum vel secundum. Ut autem dubiū soluat, proponit tres condiciones necessariò seruandas in augmento, & tria inconuenientia vitanda, ut bene fiat. Prima conditio est, ut illud, quod augetur, vel diminuitur, secundum omnes suas partes augeatur, vel diminuat. Secunda, ut omnibus, & singulis partibus eius aliquid nouum addatur, vel detrahatur; repugnat enim augeri aliquid, nisi aliquam suscipiat additionem, vel minui, nisi per deductionem: ergo repugnat augeri, vel minui secundum omnes partes, nisi nouo aliquo recepto in eis, vel ex eis amisso. Tertia conditio est, ut illud, quod augetur, nec de nouo fiat, nec corrumpatur per augmentationem, sed idem numero permaneat ante, & post eam, immo sub vtroque termino eius, à quo, & ad quem, nempe sub minori quantitate, quæ est terminus à quo, & etiam sub maiori, quæ est terminus ad quem, & mutatio eius solum fiat secundum maiorem, & minorem quantitatem. In qua conditione conuenit augmentatio cum alteratione (inquit Aristoteles) quia etiam in alteratione manet idem corpus sub contrarijs qualitatibus, ut sub calore, & frigore, & ideo sub vtroque termino à quo, & ad quem,

nam ab vna mouetur ad aliam mutatione eius solum facta secundum easdem qualitates. Conueniunt etiā in alio, videlicet, quod sicut virtus augmentatiua est in eo, quod augetur, sic sæpe contingit alteratiua virtutem esse in eo, quod alteratur: quo autem modo hoc sit intelligendum in quæstionibus explicabitur. Ex tribus autem inconuenientibus vitandis in augmentatione primum est, vt intra corpus, quod augetur, non admittatur vacuum, in quo recipiatur cibus, vel alimentum, vt falso à quibusdam antiquioribus adittebatur, putantibus non posse recipi, nisi admissio vacuo. Vacuum vero non esse admittendum, probatum est in 3. lib. Phys. Secundum inconueniens vitandum est, vt non admittatur penetratio alimenti de nouo aduenientis cum corpore, quod augetur, & cui aduenire dicitur, quia penetratio corporum impossibilis est per naturam. Tertium, non debet admitti, quod augmentum fiat per additionem alicuius carentis magnitudine, sed eam habentis. Quibus enumeratis conditionibus, seruandis in augmento, & incommotis vitandis, respondet dubio proposito, in augmentatione non augeri cibum seu alimentum adueniens, sed corpus viuens, cui aduenire dicitur. Quod probat ex tertia conditione, nam ex natura augmentationis est, vt illud, quod augetur, non corrumpatur secundum substantiam, sed idem permaneant, ante & post augmentationem, mutatione solum facta circa quantitatem, sed alimentum non permanet, sed corrumpitur substantialiter, & conuertitur in substantiam corporis viuents; corpus autem viuens permanet idem ante, & post augmentum, vt docet experientia: ergo alimentum non est, quod augetur, sed corpus viuens per conuersionem eius in propriam substantiam.

- 4 Duo tandem supponit tamquam certa. Primum est per augmentationem primo augeri partes similes corporis viuents, & harum ratione partes dissimiles. Quæ sint autem partes similes, & quæ dissimiles docet Arist. ipse 1. lib. de historia animalium cap. 1. dicens, Similares esse, quæ constant ex partibus eiusdem rationis, & nominis cum toto, quod proximè componunt, vt caro, & os. Vocantur similes, quia quælibet pars carnis est caro, & caro vocatur, & etiam quælibet pars ossis est os. Partes vero dissimiles sunt, quæ ex similibus componuntur, vt pes, manus, & brachium, quia ex carne, & osse constant, nec sunt eiusdem rationis, & denominationis partes earum cum ipsis, quia pars brachij non est brachium. Secundo supponit partes corporis viuents dupliciter considerari posse, aut secundum materiam, aut secundum formam, quia materia,
- & forma

& forma suo modo constant, sicut totum; ut manus hominis constat materia partili, & anima eam informante. Augmentationem vero fieri secundum partes formales, non secundum materiales, quia id, quod augetur, debet manere idem ante, & post augmentum, sed vivens non manet idem secundum materiam, quia partes materiae fluunt, & consumuntur per continuam actionem caloris naturalis: ergo non fit secundum eas augmentum, sed potius secundum formales, quia forma videtur eadem semper manere. Quid autem per formam & materiam, & quid per partes formales, & materiales intelligat Aristoteles, difficile est, explicabitur vero in quaestionibus. Ex his omnibus asserit intelligendum esse modum, quo fiat augmentatio, fit enim accedente de nouo alimento, atque conuerso in substantiam corporis viuents, additoque omnibus, & singulis partibus corporis viuents, ita ut per augmentum omnium partium augeatur totum corpus vivens idem permanens secundum substantiam, & sola mutatione facta circa quantitatem, sed mutato substantialiter alimento, ita ut in principio augmentationis dissimile sit corpori viventi, tam secundum formam substantialem, quam secundum qualitates, ut patet de sanguine, ex quo augetur animalia, sed in fine iam fit factum simile secundum utrumque; per diuersas alterationes, & substantialem conversionem in substantiam eiusdem corporis viuents, in fine namque augmentationis iam sanguis factus est caro, atque etiam os, parsque substantialis animalis eiusdem rationis cum ceteris; & haec de explicatione secundi.

Ut autem explicet tertium, nempe discrimen inter nutritionem, & augmentationem, proponit aliud dubium; qualis naturae, vel conditionis debeat esse cibus, vel alimentum, ex quo augetur corpus vivens. Respondet vero, actu quidem diuersum esse debere, non solum secundum substantiam, sed etiam secundum accidentia ab eo, quod augetur, & ideo actu etiam ei dissimile. Probat, quia per sui corruptionem debet augere illud: ergo debet esse diuersum, ac dissimile actu, alioqui nec pati posset, nec corrumpi; cum nihil patiatur, neque corrumpatur, nisi à diuerso, & dissimili, sed potentia debet esse idem, & omnino simile, quia in idemmet corpus vivens conuertitur, & formam eius substantialem, atque accidentia suscipit. Ex quibus infert generationem quamdam substantialem necessariam esse ad augmentum, nam si alimentum substantialiter corrumpitur, necesse est generationem alicuius praesupponat, cui eadem corruptio succedat: cum semper verum sit, corruptionem unius esse generationem alterius, ut superius probatum

probatum fuit. Sed hanc generationem (inquit) ad augmentum requisitam diuersam esse à generatione, cuius natura in præcedentibus capitibus explicata fuit, nam per illam generatur totum quoddam substantiale separatum à quocunque alio, & per se consistens, vt patet in generatione hominis, vel leonis: per generationem vero ad augmentum requisitam non generatur totum substantiale, sed pars quædam substantiæ de nouo addita corpori viuenti, & ideo non vocatur generatio simpliciter, sicut illa, sed aggeneratio quædam substantialis, atque etiam nutritio.

- 1 His explicatis asserit ad augmentum viuentis duas mutationes concurrere, vnam per quam materia alimenti suscipit formam substantialem viuentis, & amittit propriam, & hæc appellatur nutritio, vel aggeneratio alteram per quam corpus viuens maiorem acquirit quantitatem, quam habebat prius, & hæc vocatur augmentatio. Has autem mutationes conuenire ait in vno, & differre in duobus. Conueniunt quidem in eo, quod vtraque sit per additionem rei quantæ, nempe alimenti conuersi in substantiam aliti. Differunt vero primo ex parte materiæ, ex qua fiunt, nempe alimenti; nam vtraq; sit ex eo diuerso modo sumpto, augmentatio quidem ex eo, vt potentia quanto, nutritio vero ex eodem, vt est potentia caro, vel os; hoc est, vt in substantiam rei viuentis, conueriti potest. Secundo differunt ex parte subiecti, quia nutritio durat toto tempore vitæ, nam verum est corpus viuens semper nutriri, quandiu viuunt; augmentatio vero non durat semper, sed augetur corpus viuens vsque ad certum tempus, quod appellatur status, & non ultra, nutritur tamen semper, & huius ratio est, quia virtus vitalis in prima vitæ ætate fortior est ad conuertendum plus alimenti in substantiam propriam, quàm sit deperditum de eadē propria substantia, per continuam actionem caloris naturalis, post vero debilitatur, ita vt non possit tantum conuertere, quantum consumptum est: & ideo non potest iam viuens augeri, sed potius diminuitur, semper tamen conuertit aliquid, & ideo semper durat nutritio, sed non durat semper augmentatio:
 & hæc est sententia totius capituli.

TRACTATUS DE

NUTRITIONE ET augmentatione.

QUESTIO I.

*An dentur nutritio, & augmentatio in rerum natura,
& quid utraque sit?*

NT à nomine ipso augmentationis incipiamus, tri- 6
bus modis accipi solet. Primo communissimè pro
qualibet mutatione, per quam aliquid crescere, vel
augeri dicitur in quocumque genere rerum, hoc est,
siue in substantia, siue in qualitate, aut quantitate; vel etiam in
sola extensione ad maiorem locum. In qua significatione dici
solet, calorem, ac ceteras qualitates augeri secundum intensio-
nem, & extensionem. Secunda acceptio minus vniuersalis est,
pro mutatione, per quam acquiritur pars aliqua integralis rei,
eique superadditur, & per additionem eius augeri dicitur. In
qua significatione ignis, aqua, & cetera elementa augentur,
dum nouæ partes eis adduntur, prius, vel simul productæ, vt
aqua augetur, dum noua portio ei additur; & ignis, dum noua
combustibilia in se conuertit. Tertio modo accipitur specia-
lius, ac proprius pro mutatione accidentali, per quam acquiri-
tur quantitas ex conuersione alimenti in substantiam aliti vi-
tali modo facta, hoc est, per virtutem intrinsecam viuentis, &
per eius additionem viuens efficitur maius secundum omnes
suas partes: & de augmentatione hoc tertio modo sumpta agit
Aristoteles capite præsentis, & secundo libro de anima à textu
42. vsque ad 50. & nos quoque de illa sic sumpta agemus in præ-
sentis tractatu. Nutritio vero duobus tantum modis sumitur.
Primo pro quacumque conuersione nutrimenti in propriam
substantiam: in qua acceptione non solum viuentibus corpori-
bus attribuitur, sed etiam non viuentibus, nam ignis nutritur
per conuersionem olei, aut etiam lignorum, vel stupæ, quæ di-
cuntur pabulum, vel nutrimentum eius. Secundo modo accipi-
tur proprius pro ea tantum conuersione nutrimenti, quæ sit
virtute vitali, atque intrinseca secundum omnes partes viu-
entis, ita vt singulis distribuatur secundum exigentiam propriæ
naturæ, & hæc sola est, quæ concurrit ad propriam augmenta-

tionem viuentium; & propterea de hac tantum agendum nobis erit cum Aristotele, & prius quàm de augmentatione, quia ex notitia eius pendet notitia augmentationis.

- 7 De qua primo inquiri quæstio, an sit in rerum natura? Et prima opinio negat. veram nutritionem dari in viuentibus, Quam tacito nomine authoris refert D. Thom. 1. par. quæst. 119. artic. 1. sed eam tenuit Magister sententiarum in 2. d. 3. duobus vltimis paragraphis, vbi asserit, viuens nunquam adquirere nouam substantiam, sed cum ea, quam accepit per primam generationem, conservari per totam vitam: cibo tamen, vel alimento indigere, non vt illud conuertat in propriam substantiam, sed vt sit pabulum, vel fomentum caloris naturalis, circa quod operatur, ne agens circa propriam substantiam viuentis eam consumat. Per operationem vero caloris naturalis circa illud (air) solum conuerti in excrementa, quæ per virtutem expulsiuam eiusdem viuentis à corpore expelluntur. Quam sententiam videtur sequi Albert. Magn. in summa de homine q. 1. art. 2. differt tamen non parum à Magistro, quia non solum veram nutritionem tollit, sed etiam veram augmentationem, asserens non augeri viuens per additionem alicuius nouæ quantitatis, sed ex ea solum, quod quantitas illa, quam in prima generatione accipit, rarefit, & ad maiorem locum se extendit. Magister vero non videtur veram augmentationem tollere per acquisitionem nouæ quantitatis.

Probat autem Magister non dari veram nutritionem testimonio Christi Domini Matth. 5. vbi sic ait: *Omne, quod in os intras, in ventrem vadit, & in secessum emittitur*, quasi dicat, nihil aliud efficere calorem naturalem circa cibos, nisi eos in excrementa conuèrtere: docet igitur nihil eorum conuerti in substantiam viuentis, & consequenter, nec ex eis fieri veram nutritionem. Quod potest etiam probari hoc argumento: si fieret vera nutritio per conuersionem alimenti in substantiam aliti, necessarium esset, quod anima vniretur materiæ eiusdem alimenti virtute caloris naturalis, vel nutritiue potentiæ, cuius instrumentum est; sed impossibile est nutritiuam virtutem attingere vnionem animæ cum materia alimenti: ergo impossibilis est naturaliter nutritio. Euidens est consequentia cum maiori, quia si datur vera nutritio, debet esse operatio vitalis procedens à virtute vitali tanquam à principio intrinseco efficiente. Sed probatur minor in homine; quia impossibile est aliquid attingere vnionem extremorum, nisi attingendo extrema ipsa; sed virtus nutritiua, cum sit potentia corporea, non potest attingere substantiam animæ rationalis, quæ est spi

est spiritualis: ergo neque vnionem eius cum materia. Nec solum anima rationalis spiritualis est, sed etiam vnio eius cum materia; nam vnio debet esse in re vnita tanquam in subiecto: ergo vnio animæ cum materia erit in anima, & ideo spiritualis, sicut anima ipsa; si enim esset corporea, non posset esse vinculum rei spiritualis: ergo nullo modo attingi potest à virtute nutritiua corporea, quare nec nutritio erit possibilibis.

Hæc tamen sententia falsa est, & principiis Aristotelis expressè contraria. Probatur hoc secundum, quia principium Aristotelis est capite præsentis expressum, atque etiam 2. lib. de anima text. 46. quod alimentum, ex quo fit nutritio, in principio est dissimile viuenti; sed in fine eiusdem nutritionis omnino simile, quia per conuersionem in substantiam aliti suscipit eandem formam, nempe animam, & verè animatum, & viuens per eam constituitur, & ita dicitur nutrire corpus: ponit igitur Aristoteles veram nutritionem, quam negat Magister. Sed probatur primum, quod sit contra rationem; nam euidenti experientia constat hominem, & cætera animalia non solum partem sanguinis, sed substantiæ, in qua geniti sunt deperdere per continuam actionem caloris naturalis; quod præcipuè ostenditur dum grauem aliquem patiuntur morbum: necesse est ergo sanguinem deperditum, atque etiam deperditam substantiam aliquo medio reparari, vel cito consumi corpus: nullum est autem medium excogitabile, quo possint reparari naturaliter præter conuersionem alimenti in sanguinem, & substantiam aliti, quæ verè, & propriè est nutritio: ergo necessariò admittenda est. Et eam tanquam necessariam admittunt omnes interpretes Aristotelis tam antiqui, quàm recentiores duobus locis citatis: & præter eos D. Augustin. in lib. de vera religione, qui habetur in 1. tom. cap. 40. in principio his verbis. *Alimenta carnis corrupta, id est, amittentia formam suam in membrorum fabricam migrant.* Et D. Tho. 1. p. q. 119. artic. 1. non solum id asserit, sed contrariam sententiam irrationabilem esse affirmat. Falsa est etiam sententia Alberti Magni, quod non detur vera augmentatio, quæ sit acquisitio nouæ quantitatis, sed solum per rarefactionem primæ, quam in generatione acceperunt, dicantur crescere animalia: quod sic probo. Euidenti experientia constat maioris virtutis, ac roboris esse animalia post incrementum, quam ante illud, siue fiat vno modo, siue alio, & homines in ætate virili, quàm in puerili; sed per rarefactionem non solum non crescunt vires, sed necessariò debilitantur: ergo falsum est, quod augmentatio sit sola rarefactio.

Probatur minor, quia virtus vnita fortior est se ipsa dispersa; sed per rarefactionem magis est dispersa, vt constat: ergo debilior, quàm prius. Secundo, quia eadem experientia docet membra corporis densiora, atque solidiora esse in viris, quàm in pueris: ergo euidentis signum est non crescere per rarefactionem, sed per acquisitionem nouæ quantitatis, quam necesse est acquirere supposita acquisitione nouæ partis substantiæ per nutritionem. Tanquam certum igitur tenendum est, veram nutritionem, & veram augmentationem dari in rebus naturalibus.

- 2 Ad testimonium ex Euangelio respondet D. Thomas 1. p. 1. 119. artic. 1. ad primum, sensum illius propositionis non esse, quod omnes cibi, & secundum omnes suas partes in ventrem vadant, & in secessum emittantur; sed quod ex cibo quocumque aliquid emittatur, nempe terrestre illud, atque impurum, quod relinquitur ex ciborum concoctione, atque expurgatione in stomacho facta. Itaque vniuersalis est propositio ex parte ciborum, & subiectum eius distributum pro omnibus, & singulis cibis, sed in ordine ad partes eorum indefinita. Et est legitima expositio verborum, si contextum capituli inspiciamus, quia cum Pharisei pro delicto opposuissent discipulis, quod illotis manibus manducarent, Christus respondit nullum in hoc peccatum inesse, quia cibus assumptus operibus naturalibus deseruit, hoc est nutritioni, & augmento corporis, & quod residuum est in ventrem vadit, & in secessum emittitur: in his autem operibus cum naturales sint, nihil peccati reperiri, & ideo nec in sumptione cibi, ex eo quod illotis, vel ablutis manibus sumatur, ea vero, quæ de ore exeunt, cum procedant à corde, hoc est, à voluntate libera peccata esse posse, & ideo hæc, & non illa inquinare animam: ad hoc autem institutum nihil refert, quod totus cibus assumptus, vel partes eius per hanc, aut illam viam emittantur: quare sufficienter declaratur intentum Christi, & verba eius per explicatum sensum.

Ad argumentum concedunt iuniores quidam, vniionem animæ rationalis ad corpus esse spirituales, & ideo non attingi per virtutem corpoream. Hoc tamen falsum esse censeo. Primo, quia isti solum ponunt vnicam vniionem inter animam, & corpus eum communi sententia, & hanc dicunt educi de potentia materiæ: ex quo sequitur attingi à virtute corporea agentis naturalis. Secundo, quia si non attingeretur: ergo neque verum esset, quod homo generaret hominem, neque quod efficienter se nutriret, quod est falsum. Probatur consequentia, quia homo non attingit animam à solo Deo creatam, nequa-

neque attingit unionem eius cum corpore : ergo nec attingit hominem, vel substantiam factam per generationem, & nutritionem ; quia homo nihil est realiter distinctum à corpore, & anima ; ut vultis. Probatum tandem, quia homo generans hominem producit modum unionis, vel falsum est eum generare, cum nihil ad eum pertinens producat : sed non producit modum unionis ex nihilo per creationem : ergo ex præsupposita materia, quare necesse est illum educere de potentia eius, sed quicquid educitur de potentia materiæ, est materiale, & corporeum : ergo repugnat modum unionis esse spirituales, & ideo repugnat esse in anima rationali, tanquam in subiecto. Sed respondent educi quidem de potentia materiæ, sed transire ad animam, & non permanere in materia : hoc tamen aperte falsum est ; & argumento non satisfacit. Probatum esse falsum, quia repugnat aliquid educi de potentia materiæ, & in ea non permanere : primo, quia educi de potentia materiæ est fieri in materia : ergo necesse est simul fieri, & materiæ inesse, atque adeo in ea esse tanquam in subiecto. Secundo educi de potentia materiæ est dependere ex materiali concursu eius, & subiecti præsuppositi : ergo est in ea fieri tanquam in subiecto, & proinde in ea permanere, vel de subiecto in subiectum migrare. Quod vero non fiat satis argumento, evidens est, nam si semel concedatur educi de potentia materiæ, ut convincit argumentum, & conceditur ab his, materialis debet esse, & ideo non poterit in anima rationali recipi tanquam in subiecto. Negandum igitur est, quod unio sit spiritualis, sed verè corporea est, ut suo loco ostendetur. Quod vero dicitur esse in anima, ut in subiecto ; falsum est, sed solum adhæret ei tanquam modus eam coniungens materiæ, vel corpori, quod non repugnat rei corporeæ : & ita dicimus, agens naturalem eandem unionem attingere per virtutem corpoream tanquam per instrumentum in generatione, & nutritione : & ex hoc verum est quod homo generat hominem, & efficienter se nutrit.

Quid sit nutritio, & quid augmentatio?

VT intelligatur in quam actione consistat nutritio, & in qua augmentatio, notandum est nutritionem vitentium plures alterationes alimenti præcedere ; & prima fit in ore, ubi non solum conferuntur cibi ; sed verè alterantur per admissionem salivæ, quæ magnam habet virtutem alterandi, & resoluendi, ut testatur Galenus 1. lib. de simplicibus capit. 6. & colligitur ex colore, odore, & sapore, quos mutasse constat

cibos post attritionem; ab ore deferuntur cibi in ventriculū, vel stomachum, ut docet idem Galenus 4. lib. de usu partium capit. 5. vbi fit secunda alteratio quæ est prima concoctio, vel digestio eorum, & per quam magna pars excrementorum ab eis extrahitur, & in inferiorem partem intestinorum reijcitur; sicque permanent cibi magna ex parte expurgati sub forma cuiusdam substantiæ liquidæ, & colore albæ, quam chylum vocant. Ex ventriculo vero trahitur ad iecur per veras mesaraias, vbi fit tertia alteratio & secunda digestio, vel concoctio, maioremque expurgationem cibis accipit; nam terrestriores chyli partes ibi subsident, & leuiiores aliæ quasi spuma supernant; aliæ denique sunt mediæ. Et terrestriores quidem sunt naturæ atræ bilis, seu melancolicæ, descenduntque à iecore ad lién, ut ex eis magis ab eo expurgatis nutriatur; leuiiores vero sunt naturæ cholericæ, seu flauæ bilis ascenduntque ad folliculū, seu vesicam fellis. Denique partes mediæ colorem rubeum ibi acquirunt similem colori iecoris, habentque naturam sanguinis. Circa sanguinem vero in iecore factum diuerso modo opinantur Medici ex vna parte, & Aristoteles ex alia; nam Aristoteles 2. lib. de partibus animalium cap. 4. & lib. 3. de historia animalium cap. 19. asserit officinam sanguinis esse cor, non iecur; sed à iecore dimitti, & in corde recipi, ut ibi vltimam expurgationem recipiat, & ad singulas partes corporis per venas deriuetur. Medici vero præsertim Galenus 6. lib. de placitis capit. 17. ex opposito affirmant officinam sanguinis esse iecur, à quo deriuatur per venas ad cor, & cæteras partes corporis, ut in eis vltimam expurgationem accipiens conuertatur in substantiam aliti, & præcipuè in corde summam recipiat expurgationem, & purissimus euadat, ita ut in spiritus vitales conuerti possit, quos certum est apud omnes in corde fieri ex purissimo sanguine, quia certum est in corde residere virtutem seu facultatem vitalem tanquam in fonte totius vitæ. Vnde & in eodem residet pulsatrix virtus, ut ostendit continua agitatio, & motus eius, & ab eodem etiam deriuatur per arterias, & ita sentitur in brachiis, & aliis partibus corporis, in quibus ostenditur, & morborum signum est. Et videntur hanc sententiam desumpsisse Medici ex Platone in Thimæo, ex Philone Iudæo in libro de victimis, quos sequuti sunt D. Greg. Nissenus in lib. de creatione hominis cap. vltimo D. Nemesis in lib. de natura hominis capit. 23. D. Theodor. sermone 3. de prouidentia. Lactan. in lib. de Opificio Dei capit. 14. Richar. in 2. d. 3. qu. 2. ad 5. Maior ibidem quæst. 5. Et eodem ferè modo differunt quantum ad spiritus animales, nam Aristoteles 1. lib. de gene

de gene

de generatione animalium cap. 4. & lib. 2. de partibus animalium cap. 7. putat in corde etiam esse principium sensitiuæ virtutis, & ideo in eodem fieri spiritus animales ex purissimo sanguine, & suo motu per arterias discurrere partim ad cerebrum, partim ad reliquas partes corporis. Ceteri vero, & cum eis medici omnes principium virtutis sensitiuæ primò in cerebro potius collocant pro internis sensibus, & in reliquis sensoriis eiusdem capitis pro externis, unde spiritus animales non in corde, sed in cerebro fieri docent, ita ut à corde quidem deriuetur pars quædam spirituum vitalium, & per quasdam obli-
 quas, atque angustas vias perueniant ad cerebrum, ubi per virtutem eiusdem cerebri magis attenuantur, & ex vitalibus fiunt animales absque corruptione substantiali per solam attenuationem, nam opera animalis præsertim sensationes internæ omnium aliarum perfectissimæ, quibus deseruiunt spiritus animales perfectiores sunt vitalibus, & ideo, perfectioribus, ac tenuioribus spiritibus indigent; hi ergo spiritus animales à cerebro deriuantur per neruos ad reliquas partes, per quas exercentur operationes animæ sensitiuæ; quales sunt sensationes, & motus progressiui. Itaque ut breui sermone hæc explicentur, spiritus non est aliud, quàm substantia quædam tenuissima facta ex purissimo sanguine ad modum vaporis ex eodem sanguine extracti: nam quemadmodum Sol in mundo magno sua virtute calefactiua extrahit ab aqua vapores, qui sunt tenuissimæ quædam substantiæ quasi de natura aëris, ita in mundo paruo, hoc est, in corpore animali, vel humano; se habet cor, & sua virtute caloris vitalis extrahit ex purissimo sanguine in se recepto, & nimis expurgato quasi vapores quosdam, qui sunt substantiæ quædam subtilissimæ, quasi de natura aëris, & ideo vocantur spiritus, & vapores isti subtilissimi, & ideo leuissimi per virtutem vitalem, quam in se habent, moueri possunt, & suo motu facile discurrent per arterias, & alias vias corporis. Distinguntur autem in vitales, & animales, quia operationibus vitales, ut nutritioni, & augmentationi deseruiunt, atque etiam operationibus animalibus, hoc est, animæ sensitiuæ, ut sensationibus, & motibus localibus eiusdem animalis: necessarij autem sunt imprimis ad replendas vias corporis, per quas, si plena omnino essent alimèto, non posset idem alimentum omnino deriuari: necesse est ergo aliquam partem earum vacuam esse, sed spiritibus plenâ, ne detur vacuum; & cum spiritus facile cedant, facile etiam decurrit alimentum, & ad partes corporis defertur. Deseruiunt præterea ad motum eiusdem alimenti vitales, in quantum sunt instrumenta

quædam vitalis virtutis, & animales deseruiunt sensationibus, & motibus localibus, in quantum sunt instrumenta virtutis motiue vitalis: nec tamen differunt substantialiter, sed solum accidentaliter, quia animales subtiliores sunt, & magis artemperati, & ideo ex vitalibus transeunt in animales per alterationem, vt explicatum est. Et hæc de spiritibus adnotare placuit, vt quadam saltem imperfecta ratione cognoscatur natura, & officium eorum in corpore, & ex ea melius intelligatur modus, quo fiunt nutritio, & augmentatio. Postquam ergo sanguis per venas, siue à corde, siue à iecore procedentes derivatur ad reliquas partes corporis, in eis consequitur vltimam expurgationem, maiorem, vel minorem, secundum maiorem, vel minorem perfectionem cuiuslibet partis ex eo nutriendæ. Expurgatur autem, & perficitur per virtutem vitalem in singulis partibus participatam ab anima, & sic expurgatus, & perfectus sanguis dicitur vltimum alimentum, quia nondum est conuersum in substantiam alicui, immo nec mutatum substantialiter, sed accidentaliter tantum per varias alterationes explicatas. Sequitur deinde conuersio eius substantialis in carnem, ossa, & nervos, aliâque corporis partes, quæ conuersio non est aliud, quàm corruptio eiusdem sanguinis, in cuius materia introducitur anima, & vnitur substantialiter, & per talem vniionem generantur in toto corpore diuersæ partes substantiæ, & vniuntur præexistentibus, & cum non possit produci substantia corporea naturaliter sine quantitate, quæ est propria passio eius, simul ac produciuntur nouæ partes substantiæ, acquiruntur etiam cum eis nouæ partes quantitatis, siue de nouo producantur, sicut produciuntur partes substantiæ, siue de nouo aduenientes, cum materia alimenti iuxta diuersas opiniones de subiecto accidentium superius explicatas. Et partes istæ quantitatis de nouo aduenientes vniuntur quantitati præexistenti eiusdem corporis viuientis, & ideo per eas sic vnitas dicitur viuens proprie augeri, & maius fieri.

- 14 Ex quibus iam intelligitur in quam actione consistat nutritio, atque etiam augmentatio, & quid vtraque sit: nutritio quidē consistit non in aliqua alteratione præcedenti, per quam cibis præparatur in ore, aut ventriculo, nec etiam in ea alteratione, per quam fit sanguis in iecore, vel corde, nec etiam expurgatione, quam acquirit in singulis partibus, ad quas per venas, & arterias peruenit, sed in conuersione substantiali, per quam definit esse sanguis in singulis partibus, & materiæ eius vnitur substantialiter anima. Erir igitur nutritio, *Mutatio substantialis, per quam materia alimenti mutatur ex priuatione formæ viuientis*

viuentis ad formam ipsam. Vel erit, *Productio partialis substantiæ viuentis ex conuersione substantiali alimenti*. Et in vtraque definitione intelligitur unio substantialis partialis substantiæ productæ cum substantia ipsius viuentis simul facta cum conuersione, vel ordine naturæ ei præsupposita secundum diuersas opiniones inferius explicandas. *Augmentatio* vero consistit in actione per quam acquiritur maior quantitas, vel de nouo producta, & unita quantitati viuentis, vel præexistens in materia alimenti, & unita eidem quantitati viuentis secundum diuersas opiniones. Sic igitur poterit definiri: *Augmentatio est acquisitio maioris quantitatis ex substantiali conuersione alimenti*. Et ecce iam explicata duo illa proposita in titulo quæstionis, an sint in rerum natura nutritio, & augmentatio, & quid vtraque sit.

QVÆSTIO II.

An nutritio, & augmentatio sint mutationes distinctæ realiter.

Sequitur secundo disputandum, an nutritio, & augmentatio sint mutationes distinctæ realiter, vel vna & eadem secundum diuersas rationes formales, aut consideraciones distinctæ. Et prima opinio iuniorum tenet non esse mutationem distinctam, sed eandem realiter; distinctam vero ratione, quia conuersio alimenti in substantiam, in quantum dicit productionem partialis substantiæ ex vnione animæ ad materiam alimenti, est nutritio, ex vi autem nutritionis præcisè absque vlla noua actione quantitas alimenti sit propria viuentis, & per illam dicitur augeri, & ideo augmentatio non est actio distincta à nutritione, sed eadem nutritio, vt per eam acquirit viuens nouam quantitatem. Hanc sequuntur plures, sed non omnes eodem modo illam defendunt, sed antiquiores quidam ideo dicunt facta nutritione, sine alia noua actione adquirere viuens maiorem quantitatem, quia quantitas est propria passio substantiæ corporeæ, propria autem passio non sit noua, aut distincta actione ab ea, per quam producitur eius subiectum, sed naturali quadam resultantia sequitur, vt risibilitas non sit alia actione distincta ab ea, per quam fit homo, sed ex eadem resultat naturaliter. Ita Pererius lib. 8. suæ Philosophiæ cap. 13. ad quartum, Marsilius 1. lib. de generatione q. 10. Albertus Saxonæ ibidem quæst. 9. Venetus. cap. 6. eiusdem

- libri, Valles §. Phyl. cap. 2. & controuer. 29. ad Tyrones. Alij vero recentiores ad defendendam eandem sententiam tria supponunt. Primum dari motum per se ad quantitatem, vt docet expresse Aristoteles §. lib. Phyl. cap. 2. quod tamen præsuppositum, licet sit apud Aristotelem certum, negatur tamen ab alijs omnibus citatis. Secundo supponunt, per augmentationem non produci quantitatem aliquam, sed eandem, quam habet alimentum transire ad corpus viuens cum materia eius,
- 16 in qua est tamquam in proprio subiecto. Secundo supponunt, prius saltem natura, quam alimentum conuertatur in substantiam viuentem, vbi materiam eius materiam eiusdem viuentis; & quantitatem quantitati per actiones proprias, atque distinctas, sed in his vnionibus non consistere nutritionem, nec augmentationem, sed supponi ad conuersionem alimenti per modum approximationis eius ad corpus viuens, quod in idem alimentum agit per virtutem nutritiuam, & calorem naturalem, atque adeo ad nutritionem, & augmentationem in eadem conuersione consistentem, qua facta, & adquisita partiali substantia eo ipso absque noua actione incipit viuens habere in se quantitatem alimenti, per quam augetur, & fit maius. Itaque conuersio substantialis alimenti, quæ est productio partialis substantiæ viuentis, duplicem terminum habet, intrinsecum, & primum, nempe substantiam partialem per eam productam, & ab hoc termino habet, quod sit nutritio: alium vero non factum per ipsam, neque vnitum, sed acquisitum supposita vnione, & production partialis substantiæ, & ideo extrinsecum, & secundarium, à quo denominatur augmentatio extrinseca tantum denominatione, & exemplum afferunt in motu locali duos terminos habente, nempe, vbi, vel præsentiam localem, quam in se acquirit mobile; & iste est primarius; atque intrinsecus, à quo habet speciem: extrinsecum, & secundarium, nempe locum circumscribentem, & iste est secundarius, & extrinsecus, quia locus non est formaliter in corpore locato. Et quemadmodum acquisito, vbi, per motum, absque noua alia actione, vel motu sequitur acquisitio loci, pari ratione acquisita partiali substantia, absque noua actione, vel motu, sequitur maior quantitas in viuente, & ideo augmentatio non est noua alia mutatio, sed eadem sub quadam alia denominatione extrinseca considerata.
- 17 Hanc sententiam ita explicatam probant testimonio Aristotelis capite præsentis, vbi ita ait: *Etenim sic differunt nutrimentum, & augmentatio ratione.* Et statim in translatione Vatabli sequuntur hæc verba. *Nutritio idem, quod accrescio existit, ratio*

tamen

tamen est diuersa. In translatione vero antiqua eodem ferè modo dicitur. *Et nutrimentum augmentatione idem est quidem, esse autem aliud.* Probât deinde ratione, primo, quia supposita vnione materiæ alimenti cum materia viuētis, atque etiam vnione quantitatis alimenti cum quantitate viuētis; & tandem vnione substantiali animæ cum materia eiusdem alimenti, absque vlla noua actione verum est quantitâtē alimenti esse eandem numero cum quantitate viuētis, & eidem viuēti propriam, sicut materia eiusdem alimenti facta est ei propria: ergo sine vlla noua actione verum est, viues acquisisse nouam, atque maiorem quantitatem, per quam factum est maius, & ex consequenti augmentum suscepisse; sed augmentum suscipitur per augmentationem: ergo augmentatio non est noua, vel distincta actio realiter à nutritione, sed sola ratione.

Secundo probant à sufficiente diuisione, quia augmentatio non consistit in productione nouæ quantitatis, sed in additione eius, quam secum affert materia alimenti, vt supponitur: neque in vnione quantitatis alimenti cum quantitate viuētis, quia talis vnio præsupponitur augmentationi: ergo solum potest consistere in mutatione, per quam materia alimenti recipit formam viuētis. Probatur consequentia, quia nulla alia interuenit mutatio in augmento viuētis, sed receptio formæ viuētis in materia alimenti est ipsa nutritio, vt ex præcedenti quæstione est manifestum: ergo augmentatio non est mutatio distincta realiter à nutritione.

Secunda opinio asserit, nutritionem & augmentationem esse actiones, & mutationes realiter distinctas. Hæc est communis omnium interpretum Aristotelis hoc loco 5. lib. Phys. cap. 2. & 2. lib. de anima textu 42. vsque ad 50. tam antiquorum, quam recentiorum (paucis illis exceptis, quos pro alia opinione citauimus, ideo nullum nominare oportet.) Sed diuerso etiam modo eam defendunt, qui opinantur subiectum quantitatis, & aliorum accidentium esse compositum: & alij, qui putant esse materiam primam; nam illi ideo dicunt augmentationem esse distinctam actionem, vel mutationem à nutritione, quia per eam producitur maior quantitas, quæ cum sit accidens distinctum realiter à substantia partiali producta per nutritionem, petit distinctam actionem, per quam producatur. Alij vero quamuis non admittât, per augmentationem produci quantitatem, sed eam, quam secum affert materia alimenti, asserant vniri quantitati viuētis, dicunt tamen augmentationem consistere in hac vnione quantitatis cum quantitate, quæ cum fiat per modum vnionis realis de nouo productæ, necesse est, fiat

fiat quoque per nouam actionem, & distinctam realiter à nutritione, quia nouus, & realis terminus nouam, & realem actionem postulat. Et nos hanc sententiam tanquam probabiliorē, & valde consonam principiis Aristotelis sequimur, primo tamen modo eam intelligimus. Sed nunc solum probanda est aduersus primam, ut à iunioribus defenditur admittētibz cum Aristotele, dari morum per se ad quantitatem, qui sit augmentatio; nam aduersus antiquiores alios, hanc speciem motus non admittentes, sed exco negantes distinctionem realem inter nutritionem, & augmentationem, quia negant omnino dari per se morū ad quantitatem duas tantum ponentes, species motus, nempe alterationem, & lationem cum Platone, & Galeno, inferius agemus disputantes de augmentatione, an sit per se motus ad quantitatem.

- 19 Præsupposito ergo ex doctrina Aristotelis 1. libr. Phys. cap. 2. quod augmentatio sit per se motus ad quantitatem distinctus ab alteratione, & latione; & admissio à recentioribus illis, probatur contra eosdem esse distinctam realiter à nutritione adiuncto alio testimonio eiusdem Aristotelis ex 3. libr. Phys. tex. 16. ubi sic definit motum. *Motus est actus mobilis prout mobile est.* ex quibus probo augmentationem addere supra nutritionem entitatem realem atque intrinsecam formaliter denominantem subiectum proprium, nempe viuens, quod augetur, & non solam denominationem extrinsecam, & ideo distingui realiter ab eadem nutritione hoc modo, augmentatio est motus per se ad quantitatem ex priori testimonio: ergo est actus mobilis prout mobile est ex altero: quate ex utroque colligitur esse actum viuentis, quod augetur tamquam subiecti existentis in potentia ad illum; sed actus alicuius, ut subiecti debet esse in eo formaliter, & non per solam denominationem extrinsecam, ut paret in dexteritate denominante extrinsecā columnam, quæ ideo non est actus eius, sed animalis, in quo reperitur formaliter: ergo augmentatio ut motus est, formaliter reperitur in subiecto, quod denominat formaliter mobile, & aliquid reale ponit in eo formaliter, per quod necesse est distingui realiter à nutritione, & non tamquam denominatio extrinseca. Probatur consequentia, quia distinguitur ab ea sub ratione motus reali, & positiva, atque intrinseca, & inherens mobili.

- 20 Probatur secundo ex separatione, quia ea, quæ possunt inter se separari per diuinam potentiam, distinguuntur realiter: sed augmentatio potest separari realiter à nutritione: ergo distinguitur ab ea realiter. Probatur minor, quia nutritio est productio partialis substantiæ unitæ viuenti ex conuersione alimentī: sed

sed facta conuersione alimenti, & producta partiali substantia, arque vnita viuenti, poreſt Deus deſtruere quantiratem alimenti, atque ſuſpendere augmentationem viuentis, ita vt nutriatur, & non augeatur: ergo dabitur nutritio ſine reali augmentatione. Reſpondent poſſibile hoc eſſe, & dari tunc nutritionem ſine augmentatione, ſed adhuc nihil reale intrinſecum ſeparari à nutritione, nec proinde aliquam actionem, vel mutationem, ſed ſolam denominationem extrinſecam, ex qua habebat nutritio rationem augmentationis, & ideo non probari ex tali ſeparatione, quod ſint actiones, vel mutationes realiter diſtinctæ. Hanc tamen ſolutionem eſſe falſam ſic probo, in caſu illo ſeparationis euident eſt ſeparari augmentationem à nutritione, cum ſit euident permanere nutritionem ſine augmentatione, ſed augmentatio realiter, & formaliter eſt motus, & nutritio realiter, & formaliter eſt mutatio, ergo ſeparatur motus realis à mutatione reali; deinde motus realis, vt motus realis eſt, & vt diſtinguitur à mutatione, non eſt ſola denominatio extrinſeca, ſed aliquid intrinſecum formaliter afficiens mobile: cum ſit actus eius, vt ſubiecti, & vt exiſtentis in potentia; ergo ſeparatur à nutritione tamquam entitas realis poſitiua, & intrinſeca mobilis, & ideo diſtinguitur ab ea realiter vt talis entitas realis poſitiua, arque intrinſeca mobilis. Probatuſ tandem, quia nutritio formaliter eſt mutatio ſubſtantialis, & augmentatio formaliter eſt motus; ſed rationes formales mutationis, & motus ſunt poſitiuæ, & formaliter denominantes ſubiectum, ergo diſtinguuntur tamquam duæ rationes formales, poſitiuæ, arque intrinſecæ, & vt tales ſunt ſeparabiles; ergo falſum eſt, quod augmentatio ſolum diſtinguatur à nutritione tamquam denominatio extrinſeca, falſum quoque, quod ſolum addat ſupra illam extrinſecam denominationem; & falſum tandem, quod ſi ſuſpendatur adeo augmentatio permanente nutritione, ſolum ſeparetur ab eadem nutritione quædam denominatio extrinſeca.

Testimonium Ariſtoteſis, quod iuniores pro ſe adducunt, 21
difficile viſum eſt verba ſolum conſiderantibus, & non contextum litteræ, quod conſiderans D. Thomas in Commentarijs eius egregie illud expoſuit, & expoſitio eius difficultatem prorsus tollit. Notandum eſt ergo nutritionem, & augmentationem tribus modis diſſerre apud Ariſtotelem, & omnes. Primo ex parte materiæ, ſeu ſubiecti, vel obiecti, circa quod verſantur, quod eſt alimentum, circa quod operatur virtus, ſeu potentia vitalis; alimentum vero duo habet; primum, eſſe ſubſtantiam viuentem in potentia, & ita conſideratum eſt obiectum nutritionis;

tionis, secundum habet esse quantum, & ut quantum est materia, seu subiectum augmentationis, quia non potest (inquit Aristoteles) viuens augeri, nisi ex alimēto quanto, & diuisibili: habent ergo idem subiectum, vel materiam diuerso modo consideratam, & ideo ex hac parte sunt idem subiecto, & differunt ratione: hæc tamen differentia rationis, cum se teneat ex parte materiæ, circa quam versantur, materialis est, non formalis, sed formali, atque specificæ necessariò præsupposita. Alia est differentia formalis, & essentialis, quæ sumitur ex parte terminorum, in quos per se tendunt, nam terminus nutritionis est partialis substantia producta ex conuersione alimenti: terminus vero augmentationis maior quantitas acquisita. Tertia differentia realis erit, quia sunt duæ mutationes reales, & separabiles inter sese, & ideo realiter distinctæ, ut probauimus, licet hoc non admittat contraria opinio, nos vero necessarium esse censemus in doctrina Aristotelis, & secundum veritatem Philosophicam, Aristoteles ergo loquitur de obiecto, vel materia nutritionis (inquit D. Thomas) quod est nutrimentum, & consequenter de nutritione ipsa, & augmentatione, in quantum circa illud veriantur, & ideo asserit idem esse subiectum, seu materiam vtriusque, diuerso modo consideratum, & consequenter ex parte eiusdem subiecti, vel materiæ sola ratione distingui easdem actiones, vel mutationes, quia diuersa ratione versantur circa illud, & hanc distinctionem voluit præ alijs explicare Aristoteles, ut ex ea solueret aliam quæstionem à multis suo tempore agitatam, an nutrimentum sit simile nutritio, vel dissimile; & an viuens nutriatur ex suo simili, vel ex dissimili. De alijs autem differentijs specifica, & reali, quæ aliunde sumuntur, non loquitur in præallegato testimonio: & ex hoc patet nihil contra nostram sententiam probare, quæ distinctionem realem ponit aliunde sumptam.

- 22 Ad primum argumentum neganda sunt omnia, quæ in antecedenti assumuntur tamquam falsa, quia quantitas alimenti non vnitur quantitati corporis viuentis, sed corrupto alimento corrumpitur, & cum ea cætera accidentia, & noua quantitas partialis producitur cum partiali substantia; & hæc est, quæ per se terminat motum augmentationis, quæ cum realiter distinguatur ab eadem substantia partiali terminante nutritionem, realiter etiam distinguuntur nutritio, & augmentatio.

Ad secundum negandum est etiam antecedens, ex ea parte, qua dicit augmentationem non consistere in productione maioris quantitatis, sed in additione eius, quam secum adducit materia

materia alimenti, nullam enim quantitatem adducit materia alimenti, sed ea, quam habebat idem alimentum, corrumpitur eo corrupto, atque conuerso in substantiam aliti, quia cum esset proprium subiectum eiusdem quantitatis, necesse est corrumpi ad corruptionem eius, & materiam relinqui nudam omni forma tam substantiali, quam accidentali pro recipienda anima, vt capit. 4. huius libri diximus contingere semper in generatioe substantiali, in qua fit resolutio vsque ad materiam primam. Vel secundo responderi potest, quod licet non produceretur noua quantitas per augmentationem, sed solum vni-
retur quantitas alimenti quantitati viuientis, distincta actio ad talem unionem requiritur, quæ actio proprie est augmentatio, nam aperte falsum est, & contra Aristotelem; quod augmentationi præsupponatur unio eiusdem quantitatis alimenti cum quantitate viuientis, sed per eam fit, vt inferius probatur.

QVÆSTIO III.

An nutritio sit mutatio successiua, vel instantanea?

Quamuis nutritio, & augmentatio simul tempore, vel in eodem instanti fiant, nutritio tamen prior natura est augmentatione, sicut substantia partialis per eam producta prior est quantitate acquisita per augmentationem: ideo prius de illa agendum est in particulari, deinde de augmentatione. Quædam etiam prius de nutritione disputanda sunt cum augmentatione communia, & propterea de vtraque disputata censentur. Querimus ergo, an nutritio fiat successiue, & in tempore, vel simul, aut in instanti.

Et prima opinio asserit simul, aut in instanti fieri, ita vt tempore aliquo disponatur materia alimenti per alterationem successiuam à calore naturali, & in instanti terminatio illius temporis illa pars alimenti, quæ fuerit perfecte disposita, conuertatur in substantiam aliti, tempore vero sequenti disponatur alia pars, & in instanti terminatio eius conuertatur, & quia anima postulat determinatam quantitatem in materia, vt introduci possit, ita vt in minori non possit, vt 1. lib. Physic. definitum est, & materia sub illa determinata quantitate appellatur minimum, quod sic, ideo istæ partes alimenti, quæ in instantibus terminantibus tempus alterationis conuertuntur,

tuntur, dicuntur minima, & ex hoc dicitur fieri nutritio in instantibus per minima: *Et propterea non successiue sed simul* *quoniam* in alio sensu possit vocari successiua in quantum vnum instans, in quo fit conuersio vnius minimi, succedit alteri priori, in quo facta fuit conuersio alterius, non quidem successione immediata, sed post certum tempus, ideo non proprie successiua vocatur, sed proprie simultanea, aut instantanea, quia in solis instantibus fit. Ita Toletus 1. lib. de Generatione, quæst. 11. pro se referens Auerroem, Albertum Magnum, & D. Thomam, de quo inferius ostendemus oppositum expressè sentire; Pomponatius lib. de nutritione, & augmentatione, cap. 19. & 8. Metaphys. disp. 7. cap. 4. qui etiam citat pro se Themistium, Simplicium, & D. Thomam.

- 24 Probat ratione, supposita ex 1. lib. Phys. communi opinione, quod viuentia terminantur termino intrinseco paruitatis, quod vocatur minimum, quod sic, ita vt certam quantitatem postulent in materia ad introductionem animæ, & sub minori non possit naturaliter introduci. Ex quo ita arguit. Id, quod producit per nutritionem, est partialis substantia viuens per introductionem animæ in materia alimenti; ergo petit determinatam quantitatem, ita vt sub minori non possit introduci; sed materia sub tali quantitate minima simul, & in instanti debet esse completè disposita, & non vna pars eius prius alia, nam si ita fieret, cum non possit introduci anima in parte illius minimi, daretur vltima dispositio in materia, in qua non esset introducta forma, quod naturaliter est impossibile: sequitur ergo dari necessariò minimum alimenti, quod simul, & in instanti sit completè dispositum pro introductione animæ, & non prius vna pars eius, quam altera; sed vltimam dispositionem sequitur naturaliter forma in eodem instanti: ergo concedendum est, simul, & in instanti introduci animam in illa minima materia alimenti; & ita in instanti semper fieri conuersionem, & nutritionem in ea consistentem.

- 25 Huic autem argumento, aliud addere possumus longè efficacius, quia si nutritio sit successiue: ergo incipit per vltimum non esse, ita vt sit verum dicere, nunc non est, & immediatè post hoc erit: quo supposito inquiri, an in illo instanti, quod est vltimum non esse conuersionis alimenti, completa sit dispositio eiusdem alimenti, vel alicuius partis eius, aut non sit completa: si completa sit, necessariò debet fieri conuersio in eodem instanti, vel dabitur vltima dispositio formæ in materia, sine tali forma; immo cum opposita, & consequenter fiet nutritio simul, & non successiue, aut in tempore: si vero dicatur in illo instanti nullam

nullam partem alimenti esse completè dispositam, & ideo non posse fieri in eo nutritionē, sequitur neq; in tempore sequenti posse fieri. Probatur consequentia, quia si in illo instanti non fuit completa dispositio, non potest compleri in tempore immediatè sequenti, in quo si verum est conuersionem eius fieri, necessarium quoque erit alimentum secundum eam partem desinere esse, secundum quam fit conuersio eius in substantiam aliti, quod sic definit: ergo nullum dabitur subiectum in quo recipiatur vltima dispositio pro conuersione illius partis. Quod præsertim necessarium est secundum communem sententiam, quam defendimus de subiecto accidentium, quod sit compositum, & non sola materia; nam compositum, quod est alimentum secundum illam partem tempore sequenti completè disponendam, & conuertendam non manet; cum sit iam conuersa: ergo non potest recipere vltimum complementum dispositionum, quod deficiet ei ad conuersionem; sed sine vltima dispositione recepta in eodem alimento pro dispositione materiae eius, non potest fieri conuersio, nec nutritio: ergo repugnat fieri successiue, & in tempore, & necessarium erit fieri simul, vel in instanti. Nec minorem vim habet aduersus eos, qui tenent accidentia esse in materia prima tanquam in subiecto, quod sic probō, vel in illo instanti, quod est vltimum non esse nutritionis, completa est dispositio, vel non si completa sit: ergo in eodem introduceretur forma viuens in materia alimenti, & fiet nutritio in instanti; si vero non est completa: ergo compleri debet tempore immediatè sequenti, & ideo successiue, ex quo sequitur non posse eodem tempore immediato introduci forma substantialis. Probatur consequentia, quia si tempore immediato completur dispositio, ergo non est completa, quia dum res mouetur, non est verum iam esse motam, sed in instanti sequente, & terminante tempus, in quo mouetur, & si immediatè post non est completa: ergo immediatè post manet alimentum conuertendum: & ideo non est conuersum, nec nutritio poterit eodem tempore fieri, sed in instanti terminatiuo eius, in quo verum erit tunc primo esse dispositionem completam, & immediatè ante non fuisse completam, & consequenter tunc esse nutritionem, & immediatè ante non fuisse, & ita non per vltimum non esse incipiet; nec successua erit, sed per primum sui esse, & erit instantanea.

Secundum argumentum, & tertium in ordine pro eadem sententia præsupponit ex lib. 6. Physic. res materiales, atque corporeas non posse desinere per vltimum esse naturaliter, quia ex tali modo desinendi sequitur aut dari duo instantia inue-

diat, aut materiam sine vlla forma pro aliquo tempore; sed si nutritio sit successiua, & nutritum alimentum definere per vltimum sui esse: ergo non erit admittendum. Minorem sic probō, si nutritio est successiua: ergo incipit per vltimum non esse, sicut reliqua successiua; & ita verum erit dicere, nunc non est nutritio, & immediate post erit; sed quamdiu non est nutritio, permanet alimentum: ergo verum erit dicere in vltimo non esse nutritionis alimentum esse, & immediate post non esse: quia immediate post datur nutritio, quæbū sit conuersio eiusdem alimenti in substantiam alii, repugnat simul cum ea permanere alimentum; quare verum erit de eo; quod nunc sit, & immediate post non sit futurum, quod est definere per vltimum esse.

Secunda opinio tenet nutritionem fere semper fieri successiue, quia cum alimentum sit diuisibile, & non ita æque approximatum secundum omnes suas partes partibus vicinis; in qua residet calor naturalis, sed quædam partes eius sunt proximiores eis, aliæ vero magis distantes, & agens naturale prius, atque perfectius operetur in partem sibi proximam, quam in remotam, prius etiam disponi per actionem caloris naturalis partes proximatas alimenti, quam remotas; & ideo successiue omnes, atque vltimæ successiue conuerterentur in substantiam alii; & ita nutritio nem successiue fieri, non tamen semper, siquidam nulla naturaliter potest contingere aliquam particulam sanguinis in venis, aut in poris, quæ approximata esse secundum omnes suas partes carni, in qua residet calor naturalis: quo supposito, simul, & æque perfecte disponentur omnes, & ex consequenti simul fiet conuersio omnium, & non successiue, sed in instanti terminatio temporis mensurantis alterationem; in quo verum erit totam illam particulam sanguinis conuerter, & partialem substantiam ex tali conuersione produci in instanti, & per primum sui esse; & ita nutritionem in casu isto, & similibus fieri in instanti; quamuis fere semper fiat successiue. Ita sentiunt iuniores quidam.

- 37 Sed tertia opinio asserit semper, & necessario fieri nutritionem successiue, ita vt naturaliter repugnet fieri in instanti. Ita D. Thomas docet expresse, & probat 3. parte, quæst. 33. artic. 1. in corpore, & ad 4. Marf. 1. lib. de Generatione, quæst. 14. Albertus Saxonæ, quæst. 13. Venetus in summa de Generatione, cap. 7. Sotus 1. lib. Phys. quæst. 4. artic. 3. §. contra secundam conclusionem. Pererius lib. 14. suæ Philosophiæ, cap. 2. ad 7. Iandanus 8. lib. Physic. quæst. 7. & est communis inter recentiores, & vera. Quam, vt probemus primo aduersus primam opi-

nam opinionem, duo sunt præsupponenda ab omnibus ferè recepta, & efficaciter confirmata. Primum est, quod agens naturale approximatum passo diuisibili; & sibi contrario fortius agit in partes eius sibi propinquiores, quàm in remotiores, vt ignis approximatus ligno fortius agit in partes superficiales eius, quàm in profundiores, quia proximiores sibi sunt illæ, quàm istæ; & illis mediis calefacit has. Et præsuppositum hoc euidenti experientia notum est in his, qui ad ignem accedunt, quorum propinquiores partes citius, & fortius calefiunt ab eo, quàm remotiores, ideo non est necessarium illud probare. Secundum præsupponendum est, quod licet viuentia, quantum ad primam sui generationem postulent minimum materiæ, in quo introducatur anima, ita vt in minori, vel immediate, aut parte eius non possit adæquatè introduci, & propterea simul, & in instanti debeat introduci in toto: in nutritione vero non postulant tale minimum, immo nec materiam sic determinatam, quin in quacumque minori, & immediate cuiuslibet minimæ introduci possit anima. Et ratio manifesta est, quia anima in prima generatione postulat determinatam materiam ad sui introductionem, quia cum sit actus corporis Physiæ, & organici, in quo diuersas debet operationes exercere, determinata membra, certæque magnitudinis postulat; per quæ tanquam per instrumenta eas exerceat, nam adeo minima esse possunt, vt inepta prorsus sint ad exercendas operationes, vt per se est manifestum; sed nutritio supponit iam animam introductam in corpore sub debita quantitate, & proportionem omnium membrorum eius, & operantem per eadem membra; & est quædam extensio eiusdem animæ ad nouam materiam pro consecutione perfecti status naturalis in ea: ergo non postulat determinatam materiam, quin in qualibet minima, atque in eius medietate introduci possit, quia quamlibet minimam, & minorem minimam potest disponere calor naturalis, & in ea introduci anima, & quodlibet minimum alimentum, & minus minimo conuertere in substantiam aliti, & quodlibet minimo conuerso efficere corpus maius; quod euidenti experientia constat in igne, de quo nemo sanæ mentis dicet adeo minimum esse posse lignum, vt non possit illud in se conuertere, si sibi sit approximatum: quare neque vllus sanæ mentis dicere potest, adeo minimum esse alimentum vt conuenienter approximatum calori naturali non possit ab eo conuerteri in substantiam aliti.

His duobus præsuppositis probatur cõmunis sententia, quam sequimur testimonio Aristotelis 5. lib. Physic. cap. 2. vbi docet

augmentatorem esse motum per se ad quantitatem. Ex quo ita arguo. Nutritio, & augmentatio apud omnes sunt simul, hoc est in eadem duratione, quia eo ipso, quod producta est partialis substantia per nutritionem, consequitur naturaliter quantitas maior, per quam vivens augetur, sed de augmentatione docet expressè Aristoteles, quod sit verè, & propriè motus, & ideo quod sit successiva: ergo idem sentit de nutritione.

Probatur deinde ratione ex duobus illis principiis, quia calor naturalis est naturale instrumentum animæ & agit in alimentum sibi in principio dissimile, & contrarium, ut docuit expressè Aristoteles cap. præsentis: ergo prius, & fortius agit in partes eius proximiores carni, & ubi alijsve partibus viventis, in quibus residet, quia fortior est virtus eius ad minorem distantiam, quam ad maiorem: unde sequitur citius, & perfectius disponere proximas, quam remotas, & ideo prius in illas, quam in has inducere ultimam dispositionem pro introductione animæ; sed introductio animæ in materia alimenti sequitur ultimam dispositionem: ergo prius introducitur anima in proximiores, & prius illæ convertuntur in substantiam aliti. Probatur consequentia ex alio principio, quod anima ad quancumque minimam materiam dispositam informandam potest se extendere, postquam semel introducta est per primam generationem, & ad quamlibet minorem minimam, iuc ad primam medietatem eius, ut probauimus; sed ubi datur prius, & posterius, datur etiam successio temporis: ergo nutritio ex modo naturali agendi animæ circa alimentum per calorem naturalem non potest simul fieri, sed successive, & in tempore.

29. Secundo probatur ratione à posteriori, quæ usus est D. Thomas ubi supra, quia augmentatio fit cum motu locali, per quem corpus vivens eo ipso, quod acquirit maiorem quantitatem, se extendit ad maiorem locum occupandum, & acquirit per se maiorem præsentiam localem, quæ est terminus motus localis, sed motus localis fit successivè, & in tempore ex propria natura: ergo etiam augmentatio; & hæc fit simul cum nutritione, ut probauimus: ergo de primo ad ultimum nutritio fit successivè, & in tempore, contra primam opinionem.

Ut autem probemus semper, & necessariò fieri successivè, ita ut naturaliter repugnet fieri in instanti in aliquo casu contra secundam opinionem iuniorum. Duo alia principia præsupponenda sunt, non minus vera, & necessaria, quam duæ alia præsupposita aduersus primam sententiam. Primum autem tale est, omne corpus habet trinam dimensionem longitudinis, latitudinis, & profunditatis: & secundum has tres dimensiones habet

partes

partes, in quas diuidi potest, ita ut diuisibile sit, non solum secundum longitudinem, & latitudinem; sed etiam secundum profunditatem. Secundum præsuppositum est, alimentum quodcumque quantumvis exiguum esse verum corpus, & ideo eisdem modis diuisibile. Ex quibus probo semper, & necessario fieri nutritionem successiue, quia agens naturale fortius agit in passum sibi contrarium, quo magis est ei approximatum; sed alimentum non potest naturaliter æquè approximari secundum omnes partes, sed necessario debet esse magis approximatum secundum aliquas, quam secundum alias; ergo repugnat calorem naturalem vniformiter, & non difformiter agere circa omnes, & consequenter simul omnes disponere, atque conuertere in substantiam aliti; sed necesse est magis approximatas prius disponere, & prius conuertere. Probatur minor, nam cetera per se patent. Quodcumque alimentum, siue quicumque sanguis, quantumlibet paruum, in angustissimis venis, vel poris existens, est corpus naturale habens trinam dimensionem: ergo est diuisibile secundum profunditatem. Vnde sequitur, quod etiam si secundum superficies extremas omni ex parte tangat extremas partes venæ, vel pori, repugnet esse æquè eis approximatum secundum profunditatem, nam cum hæc sit diuisibilis versus omnem partem, necesse est partes eius minus profundiores esse etiam proximiores extremis superficiebus, quibus terminantur, atque etiam extremis superficiebus cuiuslibet venæ, & pori, & partes profundiores esse remotiores; & ex consequenti repugnat calorem naturalem in venis, aut poris residentem vniformiter, aut secundum eandem efficaciter agere in omnes, sed necesse est in proximiores citius, & fortius agere, & prius in eas ultimam dispositionem inducere, & animam ipsam, quod est prius has, quam illas conuertere, & ideo successiue omnes. Et hæc ratio non est minus efficax aduersus hanc secundam sententiam, quam illa, quæ facta est contra primam. Quare miror profecto deceptionem adeo manifestam horum iuniorum, qui cum putauerint rationem illam conuincere aduersus primam sententiam, crediderunt nihilominus, non probare, quod semper, & necessario fiat successiue nutritio, sed dari casum naturalem, in quo fiat simul, & in instanti. Et causa deceptionis fuit, quod sibi persuaserint posse naturaliter paruum corpus æquè approximatum esse agenti secundum omnes partes, quod naturalem continet repugnantiam; nam licet per extremas superficies tangere posset unde quaque superficies etiam venæ, aut pori, impossibile est, quod secundum partes profunditatis sit æquè approximatum, ut

31 probauimus. Quod euidenti experientia conuinci potest. Nam si lignum in medio alieuius ignis proieceris, ita ut per proprias superficies extremas attingat vnde quaque ignem, nullus sane mentis dicere audebit æquè approximatas esse igni omnes partes profunditatis eius, quia euident est, non æquè distare à superficiebus propriis extremis, quibus tangit ignem: ergo euident est non æquè distare ab igne; etiam si illud vnde quaque attingat per eandem extremas superficies. Quod verò paruum sit lignum, vel magnum nihil refert; cum vtrumque sit eodem modo diuisibile secundum profunditatem. Vnde sicut magnum successiue conuerter in se ignis, ita & paruum, sed hoc in minori tempore. Nec minus euident est exemplum loci, nam si corpus sit in aëre calidissimo tanquam in loco omni ex parte eum circumdante: quamuis vnde quaque attingeretur ab eo secundum superficiem extremam, per quam se tangunt, non tamen esset æquè approximatum loco secundum partes profunditatis inter sese comparatas: quia licet centrum huius corporis æqualiter distaret ab omni parte circumferentiæ; partes tamen profunditatis proximiores centro versus partem vnam remotiores essent à circumferentia, facta comparatione per eandem lineam, quàm alia magis distantes ab eodem centro, ut facile potest quisque intelligere; quare repugnat æquè approximatas esse in ordine ad actionem, & passionem, nisi per penetrationem naturaliter impossibilem. Parem autem esse rationem de alimento, vel sanguine approximato naturali calori per venas, vel poros, quis non videat, & eandem esse rationem de paruo, & magno, quantum ad successiuam conuersionem.

32 Sed licet argumentum factum non adeò efficaçiter probaret falsitatem eiusdem secundæ opinionis, posset à posteriori probari hoc modo. Certum est apud Aristotelem, augmentationem esse verè, & propriè motum, & admissum ab authoribus eiusdem opinionis: certum quoque est, motum propriè sumptum ex natura sua esse successiuum apud ipsum, atque etiam ab eisdem concessum: ergo certum est semper fieri successiue, & in nullo casu posse fieri naturaliter in instanti. Sed certum est etiam ab eisdem concessum, simul fieri nutritionem, & augmentationem; hoc est, in eadem duratione, ex quibus necessario sequitur, quod sicut in nullo casu naturali potest fieri augmentatio in instanti, cum sit motus; nec fieri poterit naturaliter nutritio in instanti in casu aliquo naturali; vel si fieri possit, non erit motus, qui per se est successiuus. Et tandem probò, quia eo ipso, quod corpus acquirit maiorem substantiam per nutritionem; necesse est etiam acquirat maiorem quantitatem per aug

per augmentationem; sed eo ipso quod acquirit maiorem quantitatem, necesse est moueri localiter per extensionem ad maiorem locum, & acquirere maiorem presentiam localem: nuptum autem localem repugnat saltem naturaliter simul, vel instanti fieri, sed semper, & necessario fit successiue, & in tempore: ergo de primo ad vltimum, semper, & necessario debet fieri successiue, & in tempore nutritio.

Ad primum argumentum primæ opinionis distinguendum est fundamentum, quod ex 1. lib. Phys. præsupponit, nempe, quod viuientia postulent terminum intrinsecum paruitatis: nam via generationis verum est, vt ibidem probauimus; in nutritione veto aperte falsum: nam cum iam præsupponatur anima esse introducta in materia debitæ magnitudinis, & substantia genita cum suis omnibus membris sub magnitudine proportionata in ordine ad opera vitæ exercenda, indifferenter nutriri, & augeri possunt secundum quamlibet partem infinitam substantiæ, & quantitatis, & sub minori minima, & sub medietate minimæ, vt probauimus; & ideo successiue, & in tempore nutriuntur, & augentur, & non simul, vel per minima in instantibus terminatiuis partium temporis.

Secundum argumentum difficillimum est in hac materia, & a quibusdam putatur solui non posse ab his, qui tenent, dispositiones cum cæteris accidentibus corporeis esse in composito tamquam in subiecto adæquato, & non in sola materia: nam hoc supposito, videtur repugnare, quod nutritio fiat successiue, quia repugnat incipere per vltimum sui non esse, vt cætera successiua incipiunt. Mihi tamen videtur, non minorem difficultatem habere aduersus eos, qui tenent accidentia esse in materia tamquam in subiecto. Quod vt ostendam, placeat afferre, & impugnare duas solutiones, quæ adhibentur ab his: Prima asserit in illo instanti, quod est vltimum non esse nutritionis, non esse completam dispositionem secundum intentionem in aliqua parte alimenti, sed deficere ei aliquem gradum complendum tempore immediate sequenti. Et hæc infertur non posse eodem tempore immediate compleri dispositionem, & introduci formam viuientis in materia alimenti, negare consequentiam, quia sicut in actionibus instantaneis in eodem instanti, in quo est vltima dispositio; introducit forma, ita in successiuis potest in eodem tempore produci vltima dispositio in materia, & introduci forma. Hæc tamen solutio falsa est, quod sic probo. Si nutritio successiua est, & incipit per vltimum non esse, verum erit dicere, in hoc instanti non est nutritio, & tempore immediate sequenti

erit: ergo verum quoque erit dicere, nunc est alimentum, & tempore immediato non erit. Ex quo euidenter sequitur, quod tempore immediato non possit compleri dispositio. Probatur consequentia; quia si verum est tempore immediatè sequenti non esse alimentum: ergo verum quoque erit formam eius esse expulsam, & formam viuents esse introductam in materia eius; sed forma alimenti expellenda erat, & forma viuents introducenda per complementum dispositionum; nam ideo non fuit illa expulsa, neque ista introducta in instanti præcedenti, quod fuit vltimum non esse nutritionis, quia non fuit tunc completa dispositio; ergo repugnat, quod eo tempore compleatur, in quo verum est, vnam esse expulsam, & aliam introductam, nam ex hoc sequitur euidenter introductam esse formam sine sufficienti dispositione, & aliam expulsam sine dispositione sufficiente ad eam expellendam, & vtrumque patet esse absurdum. Secundo probatur esse falsam, quia si in eo instanti, quod est vltimum non esse nutritionis, non est completa dispositio secundum intensionem: ergo non potest esse verum, quod immediatè post sit nutritio, & ideo, nec poterit esse successiua. Probatur consequentia, quia si verum est tunc non esse completam dispositionem quoad intensionem: ergo deest illi aliqua pars gradualis intensionis, quam certum est esse diuisibilem; & si diuisibilis est, prius producetur medietas eius quàm tota, & successiue quidem, cum sit producenda per motum alterationis: ergo producetur prius tempore, quàm tota, & eo tempore, quo producitur, non est completa dispositio, cum non compleatur per primam medietatem, sed per vtramque: ergo euidentè est, quod in aliqua parte priori immediati temporis non erit completa dispositio, & ex consequenti nec introducta forma: quare nec verum erit in eadem parte temporis prioris, & immediata esse nutritionem, ex quo sequitur euidenter falsum esse, quod incipiat per vltimum non esse, cum falsum sit immediatè post hoc esse, ideo non poterit hæc solutio defendere, quod nutritio sit successiua. Et si dicatur, non esse completam dispositionem in illo instanti, quod est vltimum non esse nutritionis, sed deesse illi aliquid intensionis indeterminatum, ita vt verum sit, in illo instanti non introduci formam alimenti cum tanta intensione dispositionis, bene tamè cum qualibet maiori, & ideo immediatè post introduci, quia significatur tempus indeterminatum, & simul tempore introduci formam viuents, licet prius natura in genere causæ materialis introducatur dispositio sufficiens. Probatur hoc impossibile, quia impossibile est formam substantiale introduci, quousque verum sit completam esse

esse dispositionem: sed immediate post non est verum: ergo nec introduci poterit nec nutritione dari. Minore sic probō, immediate post completur dispositio successiue: ergo immediate post non est verum, quod sit completa. Probatur consequentia, quia repugnat fieri, & factum esse mutationis successiue omnino esse in eadē duratione, vt patet in motu quocumque: sed in tempore est mutatio ipsa, & in instanti terminante idem tempus mutatum esse, quod est terminus eius, & factum esse, vel completum esse termini: repugnat ergo immediate post esse alterationem successiuam, per quam producit complementum intensiōis indeterminatum, & in eodem tempore esse productum, vel esse completam dispositionem, sed in instanti terminatiuo temporis primo verum est esse productum, ac dispositionem completam, & non ante illud; quare nec ante illud introduci potest forma, nec dare nutritionem, & consequenter, nec immediate post illud instans, quod supponitur esse vltimum non esse nutritionis, sed necesse erit dari nutritionem in instanti, in quo primo verum est completam esse dispositionem, nec poterit cum hac solutione defendi successio eius.

Secunda solutio aliorum est, in illo instanti, quod est vltimum non esse nutritionis, completam esse dispositionem quoad intensiōem, sed deficere ei aliquid diuisibile quoad extensionem; quia dispositio (exempli gratia) intensa vt sex, quæ est sufficiens ad introductionem formæ viuētis, & datur in illo instanti, debet produci in partibus materiæ alimenti, vt in eis introducatur forma: producit autem in partibus materiæ immediate post, & simul introducitur forma viuētis in eisdē partibus, successiue tamen sit vtrumq; quia prius producit vltima dispositio in partibus propinquioribus, & prius etiam introducitur in eisdem forma, quam in remotioribus; cum illa producat, & hæc introducatur simul tēpore, & ideo successiue potest nutritio fieri. Sed non est minus falsa hæc solutio, quam prima, quod sic probō. Si in vltimo non esse nutritionis completa est dispositio secundum intensiōem, ergo in illo instanti verū est dicere, quod dispositio sit in materia alimenti, quia in ea producta est per alterationem præcedentem, sed materia alimenti, in qua est talis dispositio completa quoad intensiōem est capax formæ viuētis: ergo in eodem instanti introducetur in ea. Probatur consequentia, quia subiectum est capax, & sufficienter dispositum, & agens approximatum: ergo nihil deest ad introductionem formæ. Quare aperte falsum est, & sine vllō fundamento confictum, dicere expectandam esse extensionem eiusdem dispositionis ad partes materiæ, vt forma introducatur.

Probatum tandem, quia vel sufficiens dispositio quoad intensi-
 onem ad introductionem formæ viuentis consistit in indiui-
 sibili, nempe in quinto, vel sexto gradu, & ideo completur in
 instanti; vel consistit in intensiōe aliqua diuisibili: si hoc se-
 cundum dicatur, falsum est, quod in eo instanti, quod est vlti-
 mum non esse nutritionis, sit primo completa, & immediate
 ante non fuerit, sed ante illud instans potuit esse completa, &
 introduci forma. Si vero dicatur in vltimo nō esse primo com-
 pleti, quia consistit in indiuisibili dispositio completa, tunc in-
 quiro, an talis dispositio completa sit in aliquo indiuisibili ma-
 teriæ alimenti tamquam in subiecto, vel in aliqua parte eius.
 Et si dicas esse in parte, sequitur primo in eodem instanti intro-
 duci in ea parte formam viuentis: Probatum consequentia, quia
 est capax eiusdem formæ, & sufficienter disposita pto illa. Secun-
 do sequitur, prius fuisse productam in medietate illius partis, &
 ideo in ea fuisse iam introductam formam viuentis; quare illud
 instans, in quo dicitur esse completa, non erit vltimum non esse
 nutritionis, cum ante illud fuerit eadē nutritio. Si vero dicatur
 esse in solo indiuisibili materiæ; vel illud est primū indiuisibile
 initiarium alimenti, vel terminarium, aut continuariū ali-
 cuius partis eius. Si hoc secundum dicatur, sequitur prius fuisse
 productam talem dispositionem in alio indiuisibili proximio-
 ri, & consequenter prius in parte media inter vtrumque indi-
 uisibile, & consequenter iam erit introducta forma viuentis in
 eadem parte priori per nutritionē. Probatum consequentia, quia
 agens naturale prius, & fortius agit in proximum, quam in re-
 motum. Si vero dicatur illud indiuisibile materiæ alimenti, in
 quo est sufficiens dispositio quoad intensiōem, esse primum
 initiarium eiusdem materiæ, & ideo non fuisse prius introdu-
 ctam in alio indiuisibili, vel parte eius; sequitur prius, atque in
 instanti introduci formam viuentis in illo indiuisibili materiæ;
 quam in parte; sed introductio formæ viuentis est nutritio, ergo
 dabitur nutritio in eo instanti; & ideo falsum erit, quod sit vlti-
 mum non esse nutritionis. Probatum prima consequentia, quia
 illud indiuisibile est capax vltimæ dispositionis: ergo est capax
 formæ. Secundo, sequitur non posse introduci illud indiuisibile
 complens dispositionem immediate post in parte materiæ ter-
 minata ab eodem indiuisibili materiæ, in quo dicitur primò re-
 cipi tamquam in subiecto; & ideo non posse introduci formam
 viuentis in eadem parte, nec dari nutritionem immediate post.
 Probatum prima consequentia, quia vel illud indiuisibile dispo-
 sitionis introducitur in parte materiæ cū resistentia, & expul-
 sione contrarij, vel sine illa, si hoc secundo modo introducitur:

ergo

ergo in instanti, sicut lux, & ideo non immediate post, quia immediate post dicitur tempus. Deinde, si in instanti producit: ergo in instanti fit nutritio, quia ultimam dispositionem in subiecto capaci formę productā naturaliter, & in eadem duratione sequitur introductio formę. Si vero indiuisibile producit in parte complens dispositionem sufficientem cum resistentia, & expulsiōe contrarij: ergo successiue, & in tempore immediato; sed producit per actionem circā partem alimēti, ut per se est manifestum: ergo immediate post permanet alimenrū in parte materię terminata per primū indiuisibile, & consequenter non erit forma uiuentis in ea, nec erit substantia partialis producta per nutritionem ex alimento; & tandē non erit nutritio immediate post. Probat̃ur prima cōsequentia, quia repugnat in eodem tempore esse formā alimenti, & animā in eadē parte materię.

His duabus solutionibus refutatis eorum, qui tenent acci- 36
dentia esse in materia tamquam in subiecto; sequitur solutio aliorum, qui ponunt ea in composito. Qui asserunt in instanti, quod est ultimum non esse nutritionis, non esse completam dispositionem sufficientem ad expellendam formam alimenri, & introducendam animam, neque à dispositionibus tunc existentibus in materia alimenti expelli vnā, & introduci alteram, sed à dispositionibus, quas secum adducit forma uiuentis, quę licet in genere causę efficientis sint posteriores eadem forma uiuentis, sed in genere causę materialis, hoc est, ut se tenent ex parte materię, priores sunt receptione eiusdem formę in materia, quia prius est ex parte materię expulsio formę oppositę, quam receptio nouę: prius est materiam emundari ab illa forma, quā recipere nouam. Prius denique materiam disponi, quā formam recipere, quia non recipitur forma noua, nisi à materia noua emundata, atque disposita: ergo sufficienter expellitur forma alimēti à dispositionibus simul introductis cum forma uiuentis in materia eiusdem alimenti; sufficienterque disponitur eadem materia per illas ad eam recipiendam. Quare licet illę dispositiones, quę sunt in materia alimenti in ultimo non esse nutritionis, desinant esse immediate post, expelli potest forma eiusdem alimenti ab alijs aduenientibus cū forma uiuentis, eamque præcedentibus in genere causę materialis, & ab eisdem disponi eadem materia; licet à præcedentibus non fuerit sufficienter disposita, nec alia expulsa. Huic solutioni fauet D. Tho. 2.8. q. de veritate art. 8. ubi hunc ordinē præcedendi in materia ponit ex parte dispositionum, non solum in formis supernaturalibus, qualis est gratia iustificationis, sed etiam in naturalibus; & 1.2. q. 113. art. 8. in formis supernaturalibus.

Hæc

37 Hæc tamen solutio licet probabilis sit quantum ad modum præcedendi dispositionum ex parte materiæ, præsertim in formis supernaturalibus: sed hæc sola præcedentia non soluit argumentum propositum, quod sic probo: Primo, quia illæ dispositiones præcedentes in materia alimenti in ultimo non esse nutritionis non sunt completæ, nec sufficiētes ad expellendam formam eiusdem alimenti, & disponendam materiam pro introductione formæ viuentis, vt conceditur, sed immediatè post non possunt compleri, nec sufficientes fieri: ergo nec potest expelli forma alimenti, nec introduci anima. Minor evidens est, quia immediatè post, nec est iam alimentum, nec sunt tales dispositiones in materia; sed desinunt esse cum eodem alimento, in quo erant tamquam in subiecto, vt supponunt sic opinantes: ergo immediatè post non agit calor naturalis circa illam partem alimenti iam non existentem, quare nec potest complere dispositiones illas, nec sufficientes efficere: & ex hoc sequitur immediatè post non introduci formam viuentis in materia, nec expelli formam alimenti, nec fieri nutritionem. Probatur consequentia, quia non est magis disposita, quàm fuit in instanti præcedenti; sed tunc non potuit expelli vna, & introduci altera: ergo nec immediatè post; vel si potest immediatè post, potuit etiam in instanti præcedenti, quia idem in quantū idem & eodem modo se habens semper eodem modo operatur, & semper facit idem.

Secundò, quia calor naturalis non corrumpit alimentum in instanti, quod est vltimum non esse nutritionis: ergo neque in tempore immediatè sequenti; sed non potest introduci anima in materia eiusdem alimenti, nec proinde dari nutritio immediatè post, nisi corrupto simul tempore alimento: ergo non erit verum quod nutritio sit immediatè post, & ex consequenti, nec incipiet per vltimum non esse, nec erit successiua. Probatur prima consequentia, quia calor naturalis nō corrumpit sua actione alimentum toto tempore alterationis præcedentis, nec in instanti terminatiuo eiusdem temporis, quod est vltimum non esse nutritionis, quia adhuc permanet in illo instanti, sed immediatè post non agit in alimentum, quia supponitur iam non esse: ergo illud non corrumpit, nec proinde dabitur immediatè post nutritio. Et si dicas corrumpere alimentum, non per actionem quā habeat immediatè post circa illud, sed virtute actionis præcedentis, quam habuit toto tempore alterationis, & in instanti terminatiuo eius; probatur hoc esse falsum, quia actio præterita non fuit sufficiens ad corrumpendum alimentum, dum erat præsens, nec dispositio producta per illam potuit præsens

præsens expellere dispositionem propriam alimenti, cum qua tunc conseruata est in materia; & consequenter nec potuit expellere formam eiusdem alimenti: ergo multo minus erūt sufficientes actio præterita, & præterita dispositio, vt earum virtute expellatur forma alimenti, & corrumperetur alimentum ipsum immediatè post; & consequenter, nec vt forma viuētis introducat in materiā, & sit nutritio. His suppositis, duabus assertionibus explicanda est summa difficultas huius rei. Et prima assertio sit, nutritionem necessario incipere per vltimum sui non esse, ita vt naturaliter non possit incipere per primum esse, & ita successiue; atque in tempore fieri, & non in instanti, quam probo hæc euidenti ratione. Duo tantum sunt modi incipiendi omnium rerum, nempe primum esse & vltimum non esse, sed nutritio non potest incipere per primum sui esse: ergo necesse est, incipiat per vltimum sui non esse. Minorem sic probo; per nutritionem extenditur anima ad informandam materiā alimenti, sed ad hanc informationem non postulat certam; aut determinatam quantitatem, sicut postulat in prima generatione viuētis, sed ad quantilibet exiguam materiā informandam extendi potest, cum iam habeat ex prima generatione materiā sufficientis magnitudinis ad exercendas proprias operationes: ergo signata qualibet parte alimenti, verum est posse ad medietatem eius informandam prius extendi, & prius ad medietatem huius medietatis, & ita in infinitum: sed qualibet pars alimenti disponitur per alterationem à calore naturali agente vniiformiter difformiter, sicut cætera agentia naturalia, & ideo successiue; ita vt prius sit medietas eius sufficienter disposita, quam tota: & prius medietas huius medietatis, & sic in infinitum: ergo necesse est successiue, & non simul informari ab anima: & talis informatio est nutritio, cum sit conuersio alimenti in substantiam aliti: ergo necesse est nutritionem non esse totam simul, nec in instanti, sed vnam partem eius post alteram, & ita successiuam, atque in tempore, & consequenter non posse incipere per primum sui esse, sed per vltimum non esse, quod proprius modus est incipiendi successiuorum. Assertio posterior, in illo instanti, quod est vltimum non esse nutritionis, datur quidem vltima dispositio in materia alimenti pro introductione animæ, sed non datur prima pars eiusdem materiæ primo disposita per eam, quæ sit minimum quod sic materiæ sufficienter disposita, in qua possit anima simul, atque in eodem instanti introduci. Probatur, atque explicatur ratione, & exemplis, ratione quidem, quia dispositio materiæ pro introductione animæ producit a calore naturali operante vniiformiter, difor-

miter, & ideo per alterationē, quæ est motus per se successivus sed neque in illo instanti, nec in tempore illo successivi motus datur certus gradus dispositionis in prima parte subiecti, quæ sit minimū primo dispositū per illum: ergo nec datur in materia alimenti ultimus gradus dispositionis in prima parte eiusdem materiæ, quæ sit primo disposita per illum tamquam minimum, in quo primo productus sit talis gradus, & ex consequenti in quo primo introduci possit anima simultanea introductione, & ideo in instanti, sed solum datur ultimus gradus eiusdem dispositionis in parte eiusdem materiæ indeterminata, quare non potest habere primum esse in materia, sed per ultimum non esse necessariō introducenda est.

39. Exemplum autem primum sit calefactionis, per quam producit calor ab igne in ligno, in qua alteratione accipere possumus instans determinatum, in quo verum sit dicere primo productum esse calorem ut unum in ligno, non tamen erit verum in eodem instanti, quod talis gradus sit primo productus in aliqua parte determinata eiusdem ligni, quæ sit minimum extensionis eius, sed solum potest esse verum, quod in eodem instanti sit primo productus talis gradus in aliqua parte eiusdem ligni indeterminata. Et huius ratio est manifesta, quia calor non habet minimum quod sit extensionis in subiecto, in quo sit primo productus, etiam secundum gradum indivisibilem intensiōis, sed signata qualibet parte subiecti verum est primo fuisse productum in minori, sicut nec habet minimum intensiōis in eadem parte subiecti: cum data qualibet parva intensiōe verum est prius fuisse productum sub minori. Et si supponamus calorem ut sex esse sufficientem dispositionem pro forma ignis, verum erit, quod in instanti aliquo determinato sit primo productus calor, ut sex in ligno, sed non primo in parte aliqua, quæ sit minimum extensionis eiusdem caloris, quia non est dabile tale minimum, quare nec poterit in eodem instanti introduci forma ignis, quia non datur prima pars sufficienter disposita, quæ sit minimum, in quo possit simul, vel in instanti introduci: unde nec dabitur primum esse eiusdem formæ in materia, sed necesse est, quod idemmet instans sit ultimum non esse sue introductionis. Pati ergo ratione in illo instanti, quod est ultimum non esse nutritionis, datur quidem alimentum ultimo dispositum pro introductione animæ, sed non datur alimentum primo dispositum, quod sit minimum, in quo primo possit introduci anima, nec proinde simul, aut in instanti, quod est dai
ultimam

ultimam dispositionem in parte alimenti indeterminata. Et ratio est eadem, quia talis dispositio non habet minimum extensionis in subiecto, sicut nec habet minimum intensionis in eadem parte eius, & propterea non habet primum esse in eo, sed ultimum non esse suæ extensionis, & eadem est ratio de introductione animæ: cum debeat fieri secundum exigentiam, & modum dispositionis materiæ, cuius non datur minimum quod sic primo dispositum sufficienter, in quo simul, & in instanti introduci possit. Datur vero in prima generatione eiusdem viventis, quod nutritur, ut probauimus in 1. lib. Phys. & hæc est tota ratio propter quam anima in prima generatione viventis habet primum esse in materia, & generatio ipsa viventis fit in instanti, & ex opposito, quia non datur minimum in prima generatione non viventium, nec forma habet primum esse in materia, nec talis generatio fit in instanti, sed in répotē, nec generatio ipsa, nec res genita incipit per primum, sui esse, sed utraq; per ultimum non esse, & hoc est secundum exemplum, ex quo satis aperta sit doctrina tradita, nam anima in nutritione non postulat minimum quod sic materiæ alimenti pro sui introductione: cum iam habeat materiæ sufficientis magnitudinis ad exercendas proprias operationes ex prima generatione viventis, & ideo in nullo instanti, nec in tempore ullo nutritionis verum est dari ultimam dispositionem in aliqua parte determinata, aut minima materiæ alimenti, quæ sit primo disposita sufficienter pro introductione animæ, in qua simul, aut in instanti introducatur, sed solum potest dari ultima dispositio in materia indeterminata, in qua non potest simul introduci anima, sed successiue, & ideo nec datur instans, quod sit primum esse suæ introductionis, sed solum potest dari ultimum non esse, ita ut immediate post introducatur, quod est in tempore indeterminato introduci, sicut materia ipsa sufficienter disposita indeterminata est.

Et ex hac doctrina constat solutum esse argumentum illud difficile, nam ad formam eiusdem quaerit, an in illo instanti, quod est ultimum non esse nutritionis, materia alimenti sit sufficienter disposita pro introductione animæ, distinguendum est; nam sufficiens dispositio in eo instanti datur, sed non datur minimum eiusdem materiæ primo dispositum per illam, sed solum datur dispositio sufficiens, vel ultima in parte eiusdem materiæ, nec minima, nec prima, sed indeterminata, in qua non potest anima simul introduci, nec proinde in eodem instanti, sed in tempore immediato, quod indeterminatum est, & ideo per ultimum non esse, & non per primum. Et si dicatur ex hoc sequi, dari aliquando ultimam dispositionem in materia

fine

sine introductione formæ, ad quam ordinatur, quod videtur absurdum: respondeo, dari quidem, non tamen in mensura adæquata introductioni naturali eius, sed in mensura inadæquata, in qua repugnat naturaliter introduci, sicut repugnat introduci simul, & illud quidem absurdum esset, hoc vero absurdum non est, sed necessarium.

- 41 Ad ultimum argumentum solet responderi, alimentum desinere per ultimum sui esse, non absolutè, sed sub determinata quantitate, vel quod alijs verbis dici solet, alimentum desinere per ultimum sui esse, non absolutè, sed ut tantum; hoc est, ut digitale, vel quid simile, quia non est verum quod immediatè post, non sit, nisi in ea quantitate, in quam conuersum erit in substantiam alicui. Sub determinata vero quantitate desinere, est quasi desinere sub modo indiuisibili, quia alimentum esse, vel non esse ut tantum, modum indiuisibilem extensionis dicit; sicut calorem esse tantum, vel sub tali gradu dicit modum indiuisibilem intensiõis eius: indiuisibilia vero, vel ea, quæ habent modum indiuisibilem ut talia, per ultimum esse desinunt; ut patet de indiuisibilibus motus, & temporis ex 6. lib. *Phyf.* Hæc tamen doctrina videtur mihi falsa, & minus necessaria ad solutionem argumenti. Probatur esse falsam, quia nutritio incipit per ultimum non esse: ergo verum est, nunc non esse, & immediatè post esse; sed immediatè post non dicit instans temporis, sed tempus; nec dicit determinatum tempus, sed quasi tempus singulare sub indiuiduo vago. Cuius ratio est manifesta, quia non datur prima pars tēporis post hoc instans, neque primum tempus: eum tempus quodlibet sit diuisibile in infinitum, sed in tempore indeterminato non producit nisi aliquid etiam indeterminatum: ergo repugnat, quod immediatè post producat determinatam partem substantiæ viuētis, in qua sit alimentum conuersum: & consequenter repugnat alimentum desinere immediatè post sub quantitate determinata, sed solum potest desinere sub quadam ratione indeterminata, sicut incipit substantia viuētis, in quam conuertitur. Quare falsum est etiam, quod desinat sub modo indiuisibili, quin potius necessariò debet desinere sub modo diuisibili, quia non datur prima pars desinens, sed quacumque data, datur alia prius desinens: ergo nec datur primum alimentum desinens, sicut nec datur prima substantia viuens. Quorum ratio est, quia nec datur primum tempus, in quo incipiat vnum, & desinat alterum, nec prima pars nutritionis, per quam producatur prima pars viuētis, & consequenter nec prima pars corruptionis alimenti.

Probatur

Probatur secundum, quod prædicta doctrina non sit necessaria ad solutionem argumenti, quia bene potest sine illa solui, concedendo, quod alimentum absolute definit per vltimum sui esse; ex quo nullum sequitur inconueniens; nam solum posset sequi vnum è duobus, vt 6. Phys. vidimus, nempe quod dentur duo instantia immediata, vel materia sine forma pro aliquo tempore; sed inconuenientia hæc solum sequuntur ex eo, quod res materialis definat per vltimum esse, dum ea ad cuius productionem sequitur definitio eius, incipit per primum sui esse, non vero si incipiat per vltimum non esse: quod hoc argumento probari potest. Nam cum primum esse rei sit instans, in quo primo est, vel hoc instans erit immediatum alteri instanti, quod est vltimum esse definitionis rei, quæ corrumpitur, vel mediatum, si immediatum, dabuntur duo instantia immediata, quod repugnat; si vero sit mediatum, cum sit primum esse formæ incipientis in materia; sequitur tempore immediate præcedenti, quod intercedit inter vtrumque instans, non fuisse in materia; sed nec fuit eodem tempore in materia forma rei, quæ corrumpitur, quia idem tempus est post vltimum instans, in quo fuit, & ideo in eodem tempore verum est iam non esse, & consequenter formam eius non esse in materia; sed materiam in tali tempore esse sine vtraque forma. Quod verò nihil horum sequatur, si res ad cuius productionem definit, incipiat per vltimum sui non esse; euidenter potest probari, quia dum res ad cuius inceptionem definit, incipit per vltimum sui non esse, non datur instans, in quo primo sit, sed incipit esse tempore sequenti, cum verum sit, nunc non esse, & immediate post esse; nam immediate post non dicit instans temporis, sed tempus immediate futurum: ergo non dabuntur duo instantia immediata, nec etiam materia sine forma, quia toto tempore immediato, in quo verum est dicere non esse illud, quod definit per vltimum sui esse, & consequenter non esse formam eius in materia, verum est etiam, quod in eadem materia sit forma eiusdem rei ad cuius inceptionem definit. Et vt in eadem nutritione assignemus exemplum, sicut verum est nunc esse alimentum, & immediate post non esse, & ex consequenti non esse formam eius in materia, verum est etiam eodem tempore immediato esse substantiam viuentem per nutritionem productam, cum incipiat per vltimum non esse, & ideo animam tunc informare materiam alimenti, à qua fuit expulsa eius forma; & ita soluitur argumentum sine illa distinctione refutata, & sine vilo incommodo, quia vniuersaliter verum est, rem quamlibet materialem, siue sit substantia, vel accidens, absolute, & sine

addito desinere per ultimum sui esse, quotiescumque res alia, ad cuius inceptionem, vel productionem desinit, producitur, vel incipit per ultimum sui non esse. Doctrina autem illa ex 6. lib. Phys. ab Aristotele, & ab omnibus approbata, quod res materiales, ac diuisibiles non possunt naturaliter desinere per ultimum sui esse, sed necessario per primum non esse, intelligi debet cum hac limitatione; nempe, quando res alia, ad quarum productionem, vel inceptionem desinunt, producantur, vel incipiunt per primum sui esse; nam si non intelligatur sine tali limitatione, magna ex parte erit falsa, ut probauimus.

QVÆSTIO IIII.

An nutritio sit continua?

- 43 **D**Vplicem sensum habere potest id, quod quaerimus, an nutritio sit continua? Prior est, an à principio vitæ usque ad finem incessanter fiat, & absque vlla interruptione, quemadmodum motus cœli à principio, quo cœlum factum est, usque ad diem iudicii, sic est continuus, ut numquam interrumpatur. Secundus sensus est, an licet interrumpatur aliquando, sicut interrumpitur alteratio, & motus localis inferiorum corporum, dum tamen sit, tempore continuo fiat sicut alteratio, & motus localis, vel non fiat in tempore continuo, sed solum in quibusdam instantibus terminantibus tempus alterationis, per quam disponitur alimentum; ita ut hoc tempore disponatur aliqua pars, & in instanti terminante illud conuertatur, & fiat nutritio, & tempore sequente disponatur pars alia, & in instanti terminatio eius conuertatur; sicque de reliquis; si enim hoc modo fiat, non erit continua, sicut neque instantia temporis in quo fit, sunt continua. Et quaestio præcipue procedit, & primo disputabitur in hoc secundo sensu; deinde aliquid etiam de primo sensu dicemus; & sicut procedit de nutritione, sic etiam de augmentatione, cum notum sit eodem modo fieri.

Prima opinio asserit, nutritionem non esse continuam in primo, nec in secundo sensu, quia non fit in tempore, sed in instantibus discontinuis per minima, ut explicatum est. Ita Toletus, & Pomponarius, qui utrumque asserunt, videlicet nec nutritionem esse successiuam, ut retulimus quaestione præcedente, nec esse continuam, sed fieri in instantibus discretis per minima, & non in tempore, & citant pro se plures alios, ut vidimus. Probant testimonio Aristotelis 8. lib. Physic. textu 23, ubi de

vbi de diminutione docet non fieri continuè ; & probat exemplo guttarum cadentium supra lapidem , & eam excauantium , non quidem continuè , ita vt si particula extracta sit aliquo tempore , dimidium eius extractum sit in dimidio eiusdem temporis , vel saltem aliqua pars eius , sed sic fieri extractionem , vt per tempus aliquod nihil extrahant guttæ cadentes , sed solum disponant ad extractionem , & alia gutta superueniens integram particulam simul , & quasi vno ictu extrahat ; & eodem modo ait fieri diminutionem viuientis corporis , vt tempore aliquo disponatur aliqua pars corporis viuientis , & in fine illius temporis corrumpatur , vel à corpore extrahatur , fiatque diminutio , quod est simul , & in instantibus fieri per minimas partes dispositas tempore præcedente , in quo asserit nihil extrahi , sed partem extrahendam in fine illius temporis disponi , vt extrahi possit. Et cum eadem sit ratio de diminutione , & augmentatione , atque etiam de nutritione , quia eodem modo fiunt omnes , videtur expressè tenere Aristoteles , quod non fiant in tempore , nec successiue , sed simul , & in instantibus terminantibus tempus alterationis , per quam disponitur alimentum , & consequenter non continuè , sicut instantia non sunt continua , sed quodammodo discretæ. Probari etiam potest tribus illis argumentis , quibus probatum est quæstione præcedenti nutritionem non esse successiuam , quia si successiuà non est , euidenter sequitur non esse continuam. Sed probatur hac ratione particulari , quia nutritio est conuersio alimenti in substantiam aliti virtute caloris naturalis facta , sed prius quam conuertatur alimentum , debet disponi per alterationem factam circa ipsum ab eodem calore naturali ; toto autem tempore , quo disponitur , non conuertitur , immo nec conuertere potest , quia calor naturalis occupatus in disponendo , non potest simul occupari in conuersione alimenti , nec illud conuertere , quousque sit dispositum : ergo non fit vlla conuersio vsque ad finem temporis terminantis alterationem ; nec vlla nutritio , quare nec fieri potest continuè , cum interrumpatur toto tempore alterationis.

Secunda opinio asserit nutritionem esse continuam in secundo sensu , quia non fit in instantibus temporis , sed in tempore aliquo continuo , sicut alteratio , & motus localis. Hæc est communis , & vera , quam tenet D. Thom. 3. par. quæst. 33. artic. 1. Marsil. 1. lib. de Generatione quæst. 14. Albertus Saxoniz , ibidem quæst. 13. Venetus in summa de Generatione cap. 17. Sorus 1. lib. Physic. quæst. 4. Pererius lib. 14. suæ Philosophiæ cap. 2. Iandun. 8. lib. Phys. quæst. 7. & moderni ferè omnes.

Et probatur ex doctrina Aristotelis 5. lib. *Physic. capit. 2.* ubi docet augmentationem, & diminutionem esse motus propriæ, & per se ad maiorem, & minorem quantitatem; sed motus propriæ sumptus est continuus, ut testatur ipse 3. lib. *Physic. in principio*: ergo augmentatio, & diminutio sunt motus continui; sed eodem prorsus tempore, quo fiunt motus isti, fit nutritio, quæ est quasi fundamentum augmentationis: ergo est mutatio in tempore continuo facta, quod est esse continuam. Probatur deinde ratione. Nutritio sequitur alterationem; & dispositionem alimenti, quia eo ipso, quo dispositum est, conuertitur in substantiam aliti, sed alteratio, atque etiam dispositio alimenti est continua; ergo continua erit conuersio eius, in qua consistit nutritio. Probatur minor; quia calor naturalis disponens alimentum per alterationem, est agens naturale; sed agens naturale agit in passum sibi approximatum uniformiter difformiter, hoc est in totum simul, quod sibi est approximatum, non tamen æqualiter in omnes partes eius, sed prius, & fortius, ac perfectius in proximiores, quam in magis distantes: ergo calor naturalis hoc modo agit in alimentum, & singulas partes eius, quod est motu continuo agere, & motu continuo eas disponere; conuersio autem alimenti in substantiam aliti fit secundum modum dispositionis eius: ergo sicut alteratio fit continuè per partes alimenti, ita ut proximiores disponantur prius, atque perfectius, & posterius magis distantes; ita conuersio eiusdem alimenti secundum suas partes fiet successivè. Quod etiam probari potest exemplo flammæ, quæ continuè nutritur per conuersionem olei in propriam substantiam, nam eodem modo fit nutritio viuientis corporis ex alimento, virtutis caloris naturalis conuerso in propriam substantiam.

- 46 Ad testimonium Aristotelis responderetur eodem modo loqui eo loco de augmentatione, ac de cæteris duobus motibus, nempe alteratione, & latione; de quibus probat non esse continuos, sed solam lationem circularem inter omnes motus continuam esse posse, hoc est perpetuam sine initio, & sine; & nunquam interruptam; in hoc enim sensu de motu continuo loquitur, non in eo in quo nos quæstionem agimus de continuatione nutritionis, concedimus ergo non esse continuam in eo sensu, in quo loquitur Aristoteles, sicut nec alteratio, aut motus localis rectus; sed negamus non esse continuam, ita ut tempore aliquo continuo fiat, & non in solis instantibus per minima. Ita enim esse continuam augmentationem, & consequenter nutritionem docuit expressè Aristoteles 3. & 5. lib.

Physicor.

Physicor. locis superius citatis. Similitudo verò excauationis lapidis à guttulis cadentibus, quam eodem loco tradit Aristoteles, optima est, in eo tenens, quòd sicut extractio alicuius particulæ non fit, quousque fuerit disposita per guttas præcedentes quodammodo mollificantes lapidem; nec fit æqualiter in toto tempore, & singulis partibus eius, ita vt si in aliquo tempore extrahitur aliqua particula, in dimidio illius temporis extrahatur medietas eius; sed tempore aliquo extrahitur tota, & in parte illius temporis nihil, quod est quodammodo simul extrahi; ita conuersio alimenti fit quidem in tempore, sed non æqualiter, aut vniformiter, ita vt si in aliquo tempore aliqua pars conuertatur, in medietate eiusdem temporis conuertatur medietas, sed vniformiter difformiter secundum modum dispositionis, ita vt plus conuertatur in aliqua parte temporis, quam in alia. Itaque conuersio partis alimenti non fit, quousque fuerit disposita per actionem caloris naturalis. Ex quo non sequitur in instanti fieri, sicut nec fit in instanti extractio particulæ ex lapide, sed in tempore, cum sit motus localis: ita ergo fit nutritio simul quidem per omnes partes viuientis corporis, vt inferius ostendetur, sed successiue, & continuè in quacumque, quia prius conuertuntur partes proximiores alimenti in singulis partibus viuientis, quam magis distantes; vt ex modo, quo fit nutritio in 1. quest. huius tractus explicato, facile intelligitur.

Argumenta verò contra successionem nutritionis iam sunt 47 soluta questione præcedenti, & eisdem modis soluenda sunt, in quantum procedunt contra continuationem eius: si enim non probant in instanti fieri, nec probant quòd non fiat continuè; quia ex successione euidenter sequitur continuitas. Ad aliud verò nunc additum distinguenda est minor, quod per totum tempus, quo disponitur alimentum, non possit conuertere, nam si de eadem parte, quæ disponitur, intelligatur, vera est; sed quamuis illa non conuertatur, conuertere poterit proximior iam disposita, & sicut disposita est per motum continuum, ita per continuam conuersionem transmutatur in substantiam aliti. Quòd vero dicitur calorem naturalem non posse eodem tempore disponere alimentum, & conuertere illud, eadem distinctione soluitur; nam de eadem parte verum est, de diuersis falsum: quare non probatur continuam esse non posse conuersionem alimenti, nec nutritionem ex ea factam.

Dubium de secundo sensu questionis, an semper fiat nutritio?

48 **R** Estat aliquid dicamus de secundo sensu quæstionis, vide-
 licet, an necesse sit viuens nutriri toto tempore vitæ abs-
 que vlla prorsus interruptione per conuersionē alimenti num-
 quam interruptam, vel dari possit tempus aliquod, in quo nulla
 fiat conuersio alimentj, nec nutriatur corpus. Et videtur num-
 quam interrumpi nutritionem; quod sic probo. Quia num-
 quam cessat actio caloris naturalis, per quam disponitur ali-
 mentum; neque vñquam deest alimentum, quod disponatur;
 ergo absque vlla interruptione fit dispositio, ita vt prius, atque
 perfectius disponantur partes proximiores eius, deinde remo-
 tiores; omnes tamen motu successiuo, atque continuo vniformi-
 ter difformiter, vt patet in flamma continuè agens circa
 oleum; & ideo continuè illud conuertens; ergo necesse est sem-
 per fieri nutritionem, quæ sequitur naturaliter dispositionem
 alimenti. Antecedens probatur, quantum ad eam partem, quæ
 asserit numquam deficere alimentum, quia vltimum alimen-
 tum disponendum, & conuertendum est sanguis; sed numquam
 deficit sanguis, quamdiu animal viuit; ergo numquam defi-
 ciet actio caloris naturalis circa illum: quare numquam defi-
 cit dispositio, numquam deficit conuersio, atque nutritio.
 Pro solutione huius dubij tria dicenda sunt. Primum est, con-
 uersionem alimenti in substantiam aliti, & consequenter nu-
 tritionem non esse operationem sic præcise necessariam ad
 vitam, vt eo ipso, quod pro aliquo tempore cesset, necesse sit vi-
 uens perire, sed posse naturaliter pro aliquo tempore in vita
 conseruari sine vlla conuersione, vel nutritione. Hoc est ita cer-
 tum, vt probari possit euidenti ratione: quia euident est homi-
 nem in primo instanti, in quo generatur, nutriri non posse, quia
 nondum sumpsit alimentum, nec etiam si haberet approxima-
 tum, posset illud in instanti alterare, atque disponere, quia alte-
 ratio fit successiuè, & in tempore; ergo indiget tempore sequen-
 te ad sumendum cibum, eumque alterandum, ac disponen-
 dum; quo tempore etiam est euident non dari vllam conuer-
 sionem, & ideo necesse est concedere, quòd sine operatione nu-
 tritionis conseruetur; quare non est præcise necessaria ad vi-
 tam conseruandam. Secundo, dicimus, valdè probabile esse,
 quòd non semper fiat conuersio alimenti, nec semper nutriat-
 ur viuens, sed pro aliquo tempore interrumpatur nutritio: ita
 videtur sentire D. Thomas 2. 2. quæst. 24. artic. 7. his verbis
Augmentum corporale in animalibus, & plantis non est motus con-
tinuus, ita scilicet, quod si aliquid tantum augetur in tanto tem-
pore, necesse sit, quòd proportionaliter in qualibet parte illius tem-
poris aliquid augetur; sicut contingit in motu locali: sed per aliquod
tempus

tempus natura operatur disponens ad augmentum, & nihil augent actu, & postmodum producit in effectum id, ad quod disposuerat augendo ipsum animal, vel plantam in actu, &c. Quibus licet de sola augmentatione loquatur expresse, docet tamen, aliquo tempore eiusdem augmenti, naturam solum disponere alimentum, & post ea illud conuertere. Ita etiam videtur sentire Aristoteles 8. libro Physicor. text. 33. ubi docet ita fieri diminutionem viuentis, vt non necesse sit quolibet tempore aliquam partem substantiæ amittere, sicut non est necesse quolibet tempore aliquam partem lapidis extrahere guttas aquæ cadentes; sed constat eodem modo fieri diminutionem, augmentationem, & nutritionem: ergo de omnibus sentit Aristoteles, aliquibus temporibus interrumpi.

Probaturn etiam ratione, quia ad conuersionem duo requiruntur, nempe calorem naturalem, esse bene dispositum ad agendum circa alimentum, atque etiam alimentum aptum ad conuersionem ei approximatum; sed vtrumque potest deficere naturaliter: ergo naturaliter potest nutritio interrumpi pro aliquo tempore. Probaturn minor; quia calor naturalis non minus subditur morbis, quam cætera membra, & partes corporis: ergo sicut membrum quodcumque potest tali morbo affici, vt motus eius omnino impediatur, ita calor naturalis potest morbo aliquo debilitari, vel alio modo impediri à sua operatione; ita vt per aliquod tempus agere non possit, vel adeo remissè, atque imperfectè, vt non possit alimentum perfectè disponere, neque illud conuertere. Nec minus est certum contingere posse, quod calor naturalis per magnam ciborum assumptorum congeriem impediatur, & penè obruatur, & per aliquod tempus non possit dare operam conuersioni, nec dispositioni alimenti, & in vtroque casu cessabit prorsus nutritio. Ex parte etiam eiusdem alimenti potest impediri conuersio, si ineptum sit ad conuersionem, vel certè difficile possit disponi, & conuerti; nam tunc necesse est pro aliquo tempore cessare conuersionem. Aliquando etiam potest cibus omnino deficere, vel non posse villo modo sumi ab infirmo, & etiam tunc cessabit nutritio ob defectum alimenti.

Secundò probatur, quia licet calor naturalis continua operatione, & numquam interrupta ageret circa alimentum, non est tamen naturaliter possibile, alimenta omnia, neque partes omnes eiusdem alimenti adeo vniiformes esse, vt æquali tempore disponantur; sed quædam citius, aliæ tardius disponuntur, etiam si omnes æqualem habeant approximationem successiuam, ita vt vna sit post aliā eodē modo approximata: ergo non

sequitur statim post conuersionem vnius partis magis accommodatæ ad conuersionem conuerti alteram, ei proximam minus aptam, sed necesse erit per aliquod tempus expectare, vt completa sit dispositio eius, & pro hoc medio tempore cessabunt conuersio, & nutritio, vt Aristoteles, & D. Thomas docent.

Ad argumentum negandum est antecedens, quod numquam deficiat alimentum. Et cum dicitur, sanguinem esse vltimum alimentum, distinguendum est; quia non quicumque sanguis est conueniens alimentum, sed ille, qui ex cibo assumpto præparatur, præter quem datur alius, qui pro consistentia, & conseruatione humorum, & spirituum vitalium, ac totius corporis in venis, & arteriis, atque etiam in poris residet, & iste non est conueniens alimentum corporis, nec conuersioni, aut nutritioni deseruit. Quod ex eo probari potest à posteriori, quia dū per multum tempus viuens non assumit cibum, consumuntur actione caloris naturalis partes propriæ corporis viuentis remanente adhuc sanguine in arteriis, venis, & poris, quia experientia constat posse adhuc ab eo extrahi per venas: ergo signum est calorem naturalem circa hunc sanguinem non agere. Nam si circa illum ageret, facilius, atque etiam prius illum prorsus consumeret, quam carnem. Ex quibus sequitur non semper fieri conuersionem, nec semper adesse alimentum, licet semper adsit sanguis.

Q V Æ S T I O V.

An materia alimenti prius uniatur materia corporis viuentis, quàm fiat conuersio, vel nutritio; aut simul ac sit, uniatur?

51 **Q**uæstio hæc à solis iunioribus tractatur, & prima opinio eorum tenet materiam sanguinis prius vniri materiæ corporis viuentis, quàm fiat conuersio eius in substantiam aliti, non quidem prius duratione temporis, sed in instanti, ita vt in instanti initiatiuo conuersionis, vel nutritionis, quod est vltimum non esse eiusdem nutritionis, fiat vnio, vel continuatio vnius materiæ cum altera. Probant hoc argumento. Vnio materiæ alimenti est quasi approximatio eius, vt possit virtus naturalis eiusdem agentis educere formam de potentia eius, vel propriam extendere ad eam informandam; sed approximatio agentis ad passum debet præsupponi actioni eius: ergo prius debet continuari materia sanguinis cum corpore viuenti, quam recipiat

incipiat formam: continuatio autem fit medio quodam indiuisibili producto: ergo debet fieri in instanti. Probatur cōsequenter; quia productio indiuisibilis non habentis partes simul debet fieri, & proinde in instanti. Conuersio denique, aut nutritio incipit tempore sequenti: quare necesse est, quod in instanti præcedenti idem tempus, quod est vltimum nō esse eiusdē conuersionis, fiat continuatio materiæ. Secundo potest probari, quia non potest naturaliter vna forma informare duas materias diversas, aut discontinuas, sed eo ipso, quod manus, vel brachium paratur ab homine, definit informari ab anima: ergo non potest materia sanguinis informari ab anima, vt fiat conuersio eiusdem sanguinis in substantiam aliti, nisi prius continuetur cum materia corporis viuentis; continuatio vero simul fit, vt probauimus: ergo in aliquo instanti præcedente tempus conuersionis fieri debet.

Secunda opinio asserit non prius duratione temporis, nec in instanti fieri continuationem materiæ sanguinis cū corpore viuente, sed simul duratione, prius tamen natura. Itaq; eodē prorsus tempore, quo fit conuersio, vel nutritio incipiens per vltimum nō esse, fit etiā cōtinuatio materiæ, & eodē modo incipit, sed prius natura, quia vnio, vel approximatio agentis ad passū ordinis naturæ præsupponitur actioni eius, tāquā causa sine qua nō. Sed hæc sententia duabus viis defenditur à diuersis; quidam enim ideo reputāt impossibile, quod prius tempore, vel instanti fiat continuatio materiæ sanguinis cum corpore viuente quia cum sanguis non informetur anima, vel certe non informetur secundum gradum specificum, sed specie distinguatur à corpore viuente, non potest continuari cum materia eiusdem corporis viuentis, priusquam informetur eadem anima, & fiat eiusdem speciei, quia ea, quæ distinguuntur specie, continuari non possunt, non solum secundū formas specie differentes, sed etiam secundum materias, ita vt eadem numero materia secundum diversas partes informetur diuersis formis secundum speciem. Sorus 5. lib. Phys. q. 3. ad 8. Fonseca 5. Metaph. c. 4. q. 3. & alij iunioribus. Probant testimonio Arist. 5. lib. Phys. text. 39. vbi dicit expressè, quod ea, quæ differunt specie, non possunt conuari. Probant deinde ratione, quia si cōtinuatur sanguis cum corpore viuente, priusquam informetur anima: ergo datur vnum indiuisibile commune vtriq; materiæ, nam continua sunt, quoniam vltima sunt vnū, sed hoc repugnat: ergo repugnabit etiam istis continuatio. Probat minor quia indiuisibile illud materia, quo continuantur, aliqua forma debet informari, ne detur materia, etiā indiuisibilis sine vlla forma: sed nō est maior ratio

ob quam informetur anima, quam forma sanguinis: ergo à neutra, vel ab vtraque simul informatur, & vtrumque patet esse impossibile, quare impossibilis quoque erit talis continuatio.

- 53 Alij vero ex iunioribus falsum reputant hunc modum defendendi hanc sententiam, quia existimant non repugnare naturaliter, quod continentur ea, quæ sunt diuersæ speciei, nisi in quantum diuersæ speciei sunt; & cum diuersitatem specificam non efficiant materia, neque quantitas, sed formæ substantiales, asserunt continuari posse secundum materiam, & quantitatem, licet non possint continuari secundum formas substantiales, quæ cum sint diuersæ speciei, repugnat vltima earum esse vnum; vnde cum sanguis non distinguatur specie à corpore viuente ratione materiæ, vel quantitatis, sed solum ratione formæ substantialis, dicunt non repugnare, quod per materiam, & quantitatem continentur; & ideo ex hac parte posse fieri continuationem prius tempore, vel instanti, quam fiat conuersio, vt affirmat prima opinio. Ita sentiunt de continuatione eorum, quæ distinguuntur specie. Albertus Saxonix §. lib. Phys. quæst. 5. ad 2. Vallesius controuersia 31. ad Tyrones, Toletus §. Phys. quæst. 3. ad 3. & cum his nonnulli ex recentioribus, quibus videtur fauere D. Tho. 3. p. quæst. 77. art. 8. ad 2. vbi docet, quod si vino consecrato admisceatur alius liquor diuersus, poterit nihilominus ex vtroque fieri vna dimensio secundum continuationem quantitatis, licet non fiat vna, secundum modum essendi, quia vna pars illius dimensionis erit sine subiecto, alia vero erit in subiecto. Et addit: *Quod si aliquod corpus fiat ex duobus metallis, erit, vnum corpus secundum rationem quantitatis, non tamen vnum secundum speciem naturæ.* Quibus verbis concedit ea, quæ differunt specie posse continuari saltem secundum quantitatem.

- 54 Sed probant primo experientia, quia non est intelligibile, quod pars sicca eiusdem rami sit discontinuata à parte viridi, quia si discontinuata esset, eadem ratione esset diuisa, ac separata ab ea, atque adeo distincta numero; sed est eadem numero: ergo continua. Euidens est consequentia, quia vnum continuum, & vnum numero idem sunt. Sed probatur minor, quia mouentur eodem numero motu, vt patet; ergo sunt idem numero saltem secundum quantitatem per continuationem. Experientia etiam constat pedes hominis, & quasdam alias partes eius extremas prius tempore vita destitui; & tamen nemo dicit tunc esse separatas à corpore, sed vere continuari cum alijs partibus: ergo non repugnat continuari secundum quantitatem ea, quæ specie differunt. Sed quod non repugnet continuari

continuari secundum materiam, probant exemplo: quia non repugnat duas formas accidentales specie diuersas informare idem numero subiectum, etiam secundum easdem partes, ut patet de calore, & albedine; ergo nec repugnabit duas formas substantiales specie diuersas, quales sunt forma sanguinis, & anima, informare eandem materiam continuam secundum partes diuersas.

Refutato verò hoc modo defendendi duo asserunt. Primum, non fieri continuationem materiam prius duratione, sed solum prius natura. Et prima ratio, qua id probant, præsupponit duo. Primum est, materiam, & formam diuisibilem habere proprias partes integrantes substantiales, & propria etiam indiuisibilia substantialia. Secundum, quod dum diuiditur continuum in duas partes, corrumpitur continuatum, non solum quantitatis, sed etiam materiam, & formam, quo continuabantur, & producuntur de nouo duo indiuisibilia terminatiua vtriusque materiam, & formam: dum verò duo continua prius inter diuisa continuantur, ex opposito corrumpuntur duo terminatiua vtriusque materiam, & formam, & producitur vnum indiuisibile continuatum vtriusque materiam, & aliud continuatum vtriusque formam. Quibus suppositis sic procedit ratio. 55
 Si prius tempore, vel instanti vniatur materia alimenti materiam viuientis per continuationem, sequitur in tali vnione corrumpi indiuisibile terminatum formam viuientis, sine productione continuatiui eiusdem formam; immo simul cum productione alterius terminatiui eiusdem formam omnino similis corrupto, quod experientia constat in nulla alia continuatione diuersarum rerum contingere. Probatur consequentia, quia non possunt continuari materia alimenti, & materia corporis viuientis, nisi corruptis terminatiuis vtriusque, & producto indiuisibiliis continuante: sed corruptis terminatiuis vtriusque materiam, necesse est corrumpi indiuisibilia terminatiua formarum, à quibus informabantur: (loquimur enim de formis corruptibilibus, ac diuisibilibus dependentibus à materia) ergo necesse est corrumpi indiuisibile terminatum formam viuientis, & sine productione continuatiui: quia forma alimenti, & viuientis non essent in eodem tempore continuationis materiam continuari; cum permaneant specie distinctæ: ergo corrumpitur indiuisibile terminatum formam viuientis, sine productione continuatiui eiusdem formam. Et necesse est etiam produci aliud indiuisibile terminatiuum eiusdem formam omnino simile; quod et probatur: quia indiuisibile continuatum vtriusque materiam producit per continuationem: ergo necesse est produci indiuisibile formam, quo informetur: vel manebit indiuisibile materiam

materiæ sine vlla forma. Illud autem indiuisibile formæ necessariò producendum est terminatiuum formæ viuientis, à qua potius, quàm à forma alimenti informatur, vt statim dicemus.

- 56 Secundò dicunt, continuationem hanc materiæ sanguinis cum materia viuientis prius tantum natura factam, semel tantum fieri, nempe dum viuens incipit nutriri post primam generationem, & per continuationem tunc factam permanere totum sanguinem continuatum cum corpore viuente secundum materiam, & quantitatem, quamuis discontinuatum secundum formam. Itaque non est necessarium, quod semper ac sit nutritio, & conuersio alicuius partis proportionalis alimenti, vel sanguinis in substantiam viuientis, fiat noua continuatio illius partis alimenti, vel sanguinis, quæ conuertitur cum substantia viuientis, sed per illam continuationem in principio nutritionis factam iam totum sanguinem, & omnes eius partes permanere continuas. Probant primò, quia si quælibet pars sanguinis, quæ conuertitur, non erat continuata cum corpore viuente, sed de nouo continuatur: ergo discontinuata erat ab eo; quare non potest de nouo continuari cum eodem viuente, nisi simul discontinuetur à reliquis partibus eiusdem sanguinis: sed partes proportionales sanguinis, quæ conuertuntur per quamlibet partem nutritionis sunt actu infinitæ: ergo debent fieri infinitæ continuationes, & discontinuationes in qualibet nutritione; quòd videtur incredibile, & non necessarium, & ideo nullo modo admittendum, cum sufficiat prima continuatio absque vlla discontinuatione. Secundò, quia si tales discontinuationes partium admittantur, sequitur continuum diuidi in omnem partem, quod repugnat. Probatur consequentia, quia per quamlibet partem nutritionis conuertitur aliqua pars sanguinis: ergo conuertuntur omnes partes proportionales eius actu infinitæ, & quælibet discontinuatur ab alia per conuersionem; ergo quælibet diuiditur, ac separatur realiter ab alijs, & dantur separationes actu infinitæ: ergo sequitur, sanguinem in infinitum esse diuisum, atque adeò in omnem partem.

- 57 Nostra sententia valdè diuersa est ab his, & explicatur tribus affectionibus. Prima est, sanguis non est continuus cum carne, & alijs partibus corporis viuientis, sed quamdiu manet sub forma sanguinis discontinuus est ab eis, etià secundum materiam, & quantitatem. Hæc est contra vltimam sententiam iuniorum, & quæ non est probanda à nobis ex communi repugnantia continuationis secundum quantitatem rerum diuersæ speciei, vt probarunt Sorus, & Fonseca, quia valde probabile est vniuersaliter

uersaliter loquendo id non repugnare, sed ex repugnantia speciali continuationis sanguinis cum partibus viuentis, vt cum carne, ossibus, & alijs, de qua forma nostra assertio expressa est apud Aristotelem 2. lib. de partibus animalium capit. 3. ad finem his verbis: *Non enim, anguis continuus carni, neque cognatus est, sed in corde, ac venis, quasi vasis continetur.* Quibus non docet esse discontinuum propter diuersitatem formæ specificæ, sed propter modum essendi corporis liquidi contenti in solido tamquam aqua in vase, cui repugnat continuatio secundum materiam, & quantitatem, quia talis continentia extrinseca vnius corporis in altero dicit discretionem, ac separationem vnius corporis ab altero, sicut continentia loci, & locati, quibus repugnat continuatio secundum materiam, & quantitatem. Sed probatur duplici ratione. Prima colligitur ex his, quæ docet idem Aristoteles de sanguine, non solum verbis relatis, sed 2. lib. de historia animalium capit. 19. vbi sic loquitur. *Palpiat intra venas sanguis omnium animalium, pulsusque simul undique mouetur, solumque omnium humorum sparsus per totum corpus animalium est. Et semper quandiu vita seruatur, sanguis animatur, & feruet.* Duo itaque asserit de sanguine Aristoteles his locis; primum in corde, atque in venis contineri, sicut aqua aut vinum in vasis; secundum, moueri semper in venis, & poris, & quasi in eisdem feruere. Ex quibus ita arguo; vinum, & aqua non continuantur cum partibus vasis, sed discontinua sunt ab eis etiam secundum materiam, & quantitatem; & ideo immotis partibus vasis mouetur aqua feruens in eo, sed eodem modo continetur sanguis in venis: & eodem modo mouetur in eis: ergo non potest continuari cum eis etiam secundum materiam, & quantitatem; & consequenter neque cum carne, & alijs partibus, per quas venæ ducuntur.

Secundo probatur: quia naturaliter repugnat corpus solidum, & liquidum continuari, cum hoc moueatur motu fluxus, atque refluxus quiescente omnino corpore solido, & hac de causa naturaliter est impossibile continuari aquam cum terra, & non solum propter differentiam specificam: sed sanguis est corpus liquidum, vt probat euidentis experientia: caro verò, & cæteræ partes viuentis sunt solidæ; ergo non potest sanguis naturaliter continuari cum eis etiam secundum materiam, & quantitatem. Et si dicatur non continuari in venis, sed in suo principio, vbi generatur, contra hoc sic arguo. Principium, & quasi fons totius sanguinis, vbi generatur, & à quo deriuatur per totum corpus, est cor, vt docet expresse Aristoteles locis citatis, in corde vero asserit esse tamquam aqua in vase: ergo neque in eo potest conti

continuari. Et ex hoc primo colligitur euidenter, quod quælibet pars sanguinis, quæ conuertitur in substantiam aliti, discontinuatur à reliquo sanguine. Probat̃ur hac ratione. Sanguis non est continuus cum corpore viuente, vel partibus eius, sed quælibet pars sanguinis per conuersionem fit pars uiuens: ergo non potest permanere continua cum reliquo sanguine, sed necessariò discontinuatur, quotiescumque conuertitur.

Secunda assertio, continuatio sanguinis cum corpore viuente non fit prius tempore, aut instanti, quàm conuertatur in substantiam aliti. Hæc etiam sequitur ex prima. Probat̃ur hac ratione, quia si prius tempore, vel instanti, quàm sanguis conuertatur, continuaretur cum corpore viuente; cum adhuc permaneat tempore illo, vel in eo instanti sub forma, atque specie sanguinis, sequeretur sanguinem esse continuum cum eodem corpore viuente, quod probatum est impossibile per primam conclusionem. Secundo probatur, quia tempore, vel instanti præcedente conuersionem sanguinis in substantiam, nihil agitur circa illud, nisi virtute caloris naturalis, sed calor naturalis non agit tunc, nisi alterando passum, ac disponendo pro suscipienda anima; alteratio vero nec est continuatio eius cum corpore, nec petit continuationem, sed vt alteretur, sufficit esse contiguum, vt patet in cæteris corporibus alterantibus, & alteratis: ergo non continuatur prius tempore, vel instanti, quàm conuertatur.

- 59 Tertia assertio, continuatio sanguinis secundum materiam cum corpore viuente fit per conuersionem eius in substantiam aliti, quæ non est alia actio, vel mutatio à nutritione ipsa, sed eadem; & ideo nec prius tempore, nec prius natura continuatur hoc modo (continuatio vero secundum quantitatem fit per motum augmentationis, per quem producitur quantitas maior, vel per motum ad quantitatem, licet non sit augmentatio) quàm conuertatur, sed simul. Probo primum ex prima, & secunda conclusione, quia quamdiu sanguis manet sub forma, & specie sanguinis, non potest continuari cum corpore viuente; nam sub forma sanguinis permanens est corpus liquidum, quod non potest continuari cum solido, sed est intra ipsum, sicut aqua in vase; continuatur vero eo ipso, quòd fit solidum, sed fit corpus solidum per conuersionem in substantiam aliti, nempe caro, neruus, vel os, & non per aliam actionem distinctam, vt per se est manifestum: ergo per eandem conuersionem continuatur, quare non prius tempore, nec natura, sed simul. Secundo, quia si per aliam actionem distinctam à conuersione, & ea priorem fieret continuatio substantialis,

tialis sanguinis, propterea esset, quia necesse est prius continuari, quam informari anima, alioqui informaretur discontinuus, vel diuisus à reliquis partibus viuents, quod est impossibile; sed talis prioritas continuationis non est necessaria, vt informetur, sed potest simul ac informatur, continuari: ergo per eandem conuersionem, per quam informatur anima, continuari potest. Probatum minor, quia potentia nutritiua, & calor naturalis, qui est quasi instrumentum eius, habent virtutem ab anima conuertendi alimentum in substantiam alitij, sed hæc virtus simul est conuersiua: & vnitua eiusdem substantiæ factæ per conuersionem cum cæteris partibus viuents: ergo simul ac alimentum conuertunt in substantiam, vniunt illud cum cæteris partibus viuents. Probatum minor, quia illud conuertunt, vt efficiat idem cum viuente, quod nutritur, sed per conuersionem vnitua efficiunt illud idem cum viuente, quia efficiunt illud viuens continuatum, & per continuationem est idem numero: ergo per eandem actionem realem conuersiuam continuatur. Nec sequitur animam informare materiam discontinuam, vel diuisam, sed continuam, non ita, vt præsupponatur continuatio informationi, sed vt simul cum ea fiat: ita vt simul sit verum, materiam alimenti informari ab anima, & vnit corpori viuenti ab eadem informato.

Probatum tandem, quia non sunt multiplicandæ actiones 60 reales sine vrgenti causa: sed non datur causa vrgens multiplicandi aliam actionem præcedentem, per quam continuetur materia alimenti cum corpore viuente, sed per eandem actionem, per quam conuertitur, potest continuari, vt probauimus: ergo non debet poni alia actio pro continuatione alimenti cum corpore viuente distincta à conuersione, sed per eandem conuersionem conuertitur simul, & continuatur: & simul tempore, atque natura conuertitur, & continuatur, & non prius. Probatum consequentia, quia eadem actio realis non potest esse prior natura se ipsa: ergo continuatio non est prior natura conuersione, sed simul fit cum ea.

Ad primum argumentum primæ opinionis neganda est maior, quod continuatio materiæ alimenti cum corpore viuente sit approximatio passî ad agēs, sed vt sufficienter sit approximatum, satis est esse contiguum, quod habet sanguis in venis, & poris existens, in quibus suscipere potest actionem caloris naturalis, per quam disponitur ad conuersionem, & simul atque conuertitur in substantiam, vnitur, vel continuatur cum corpore viuente, quia virtus caloris naturalis simul est conuersiua, & vnitua, & ideo per eandem actionem, per quam
conuertit

conuertit alimentum in substantiam aliti, vnit illud, vel continuat cum reliquis partibus corporis viuentis.

Ad secundum concesso antecedente, quod non potest anima informare partes materiæ separatas, neganda est consequentia, quod prius tempore, vel natura debeat continuari materia sanguinis cum corpore viuente, sed satis est, quod simul ac informatur anima, & conuertitur in substantiam aliti, continue- tur; nam eadem actio diuerso modo considerata simul est conuersiua, & vnitua, vel continuatiua, ita vt in quantum per eam extenditur anima ad informandam materiam sanguinis, vel si anima sit diuisibilis, educitur noua pars eius de potentia eiusdem materiæ, atque informat illam; dicitur conuersio, & in quantum per eandem vnitur, vel continuatur pars substantiæ resultans ex informatione cum cæteris partibus viuentis dicitur continuatio: & tandem in quantum per eam acquirit corpus viuens nouam partem substantiæ, dicitur nutritio, quare non est necessaria alia actio à conuersione distincta, vt continuetur sanguis cum corpore, & ideo non prius duratione, nec natura continuatur quam conuertatur, sed simul.

Primum argumentum secundæ opinionis probat quidem fieri infinitas discontinuationes, atque etiam infinitas continuationes partium proportionalium sanguinis cōuersi in substantiam aliti, sed hoc non est inconueniens, quia sūt per mutationem quamdam continuam, & successiuam habentem quoque infinitas partes proportionales, nempe per nutritionem, quæ est conuersio sanguinis habens adiunctam corruptionem eius, quod suo modo contingit in omni motu successiuo; vt in calefactione, quæ sicut habet infinitas partes proportionales, ita dici potest, quod sint in ea infinitæ productiones caloris proportionales, atque etiam infinitæ corruptiones proportionales frigoris; atque etiam infinitæ partes caloris productæ, & infinitæ partes frigoris corruptæ.

- 62 Ad secundum distinguendum est consequens, quod continuum, nempe sanguis, qui successiuè conuertitur, sit diuisum in omnem partem, quia diuidi in omnem partem dupliciter sumi potest. Primò ita, vt omnes partes proportionales continui separentur ab eo, atque etiam inter sese, & hoc est impossibile, quia iam essent indiuisibiles, & ideo non essent partes continui. Secundo modo ita, vt ab eo quidem separentur, & per separationem corrumpatur ipsum alimentum, sed partes ipsæ non separentur inrer sese, sed eodem motu continuo, quo separantur ab illo, vniantur, vel continuentur inter se, atque efficiant aliud continuum, ex quo nullum sequitur inconueniens, immo per motum,

per motum, vel mutationem finitam, sed habentem partes proportionales infinitas, suo modo fit semper: nec talis separatio fit per solas partes proportionales, sed etiam per partes aliquotas, vel æquales, in quibus proportionales continentur, & ideo tempore finito fit tota separatio, vt bene Aristoteles docuit 6. lib. Phys. respondens cuidam argumento Zenonis, qui putabat impossibilem esse motum per spatium, quod cum habeat partes proportionales actu infinitas, non poterit pertransiri, nam infinitum impertransibile est. Per nutritionem igitur continuam discontinuantur omnes partes proportionales sanguinis ab aliis; sicut verum est, omnes corrumpi corruptione continua; sed simul vniuntur etiam per eandem nutritionem, per quam conuertuntur in substantiam corporis viuientis, & continuantur cum partibus eius, atque etiam inter sese.

QVÆSTIO VI.

An augmentatio sit per se motus ad quantitatem?

Hanc quæstionem tractant plures ex nouis interpretibus 63 Aristotelis 5. lib. Physic. sed immerito, cum hic sit locus proprius eius; vbi Aristoteles ex professo agit de natura nutritionis, & augmentationis, & ideo plura hic necessario repetunt ex his, quæ in 5. illo lib. scripserunt. Et hac de causa nos in hunc eam remisimus.

Vt autem melius intelligantur opiniones diuersæ, quæ versantur circa illam, notandum est, diuerso modo de augmentatione loqui eos, qui tenent quantitatem cum reliquis accidentibus coporeis subiectari in materia nuda, vel in composito. Nam illi consequenter asserunt per augmentationem non produci quantitatem nouam, sed eam, quam adducit secum materia alimenti vniri, atque continuari cum quantitate viuientis, & per hanc vnionem augeri corpus viuens, quia per illam facit sibi propriam quantitatem alimenti, & ea addita fit maius. Qui verò subiectum quantitatis efficiunt compositum, consequenter asserunt quantitatem alimenti corrumpi eo corrupto, & ideo non posse viuens augeri, nisi noua pars quantitatis producat simul cum noua parte substantiæ.

Quo supposito, prima opinio tenet, non dari per se motum ad quantitatem, sed adquiri sine noua mutatione corporis viuientis; sicut in prima generatione hominis; in qua producitur quantitas virtute generationis substantialis in eodem instanti.

quo res generatur: quemadmodum alia propriae passionis produ-
cuntur sine nouis mutationibus in eodem instanti, quo res
generatur: vel etiam si per distinctam mutationem acquiratur,
non successiuam, sed instantaneam, sicut nutritio ipsa instanta-
nea est, non successiua. Ita Plato in Parmenide; ubi duos tantum
motus posuit, sic inquit: *Quod mouetur, vel fertur, vel alteratur;*
hi quippe soli sunt motus. Et in Theeteto idem repetit dicens,
duas tantum esse species motus, alterationem, & lationem. Ita
etiam Galen. 1. Method. c. 6. ubi ait, dupliciter tantum fieri mo-
tum, nempe secundum qualitatem, & locum. Valesius etiam con-
trouerfia. 29. ad Tyrones, & lib. 2. controuerfiarum medicarum
cap. 27. Ita etiam sentiunt, qui negant nutritionem esse conti-
nuam, putantes fieri in solis instantibus temporis per minimas;
nam cum simul acquirantur substantia partialis per nutritio-
nem, & partialis quantitatis, quae eam consequitur per augmen-
tationem; si nutritio non est mutatio continua, & successiua, sed
instantanea: nec augmentatio erit motus per se successiuus, at-
que continuus, sed ad summum mutatio instantanea, si à nutri-
tione distincta est. Sic Tolet. 1. lib. de gener. q. 11. qui pro se ci-
tat Auerroem & Albertum Magnum.

- 64 Probatur hæc sententia testimonio Arist. 8. lib. Phys. text. 23.
ubi vniuersaliter docet impossibile esse aliquid augere, vel mi-
nui continuè: ergo censet non augeri per motum, & ideo aug-
mentationem non esse motum, quia motus apud ipsum de ge-
nere continuorum est. Deinde ratione; primò, quia sicut quan-
titas totalis est propria substantiæ corporeæ, vel materiæ pri-
mæ, & eam consequitur naturaliter, ideoque in eodem instanti
producitur cum ea virtute generationis substantialis sine alia
noua mutatione; ita quantitas partialis sequitur naturaliter
substantiam partialem, vel partialem materiam: ergo acquiritur
simul cum ea, & non per aliam mutationem, vel motum distin-
ctum; sed quasi per naturalem resultantiam, vel emanationem:
& ideo non datur motus per se ad quantitatem.

Secundò, quia prima generatio viuientis est instantanea: ergo
aggeneratio eiusdè, quæ est productio substantiæ partialis, & vo-
catur nutritio, erit mutatio instātanea, & nō motus successiuus.
Probatur consequentia, quia eiusdem rationis sunt totalis sub-
stantia corporis viuētis, & partialis: ergo debent produci eodem
modo: quare si totalis producitur in instanti per primā genera-
tionē; partialis debet produci in instāti per nutritionē. Sed iam,
quòd partialis produceretur successiuè per nutritionē, non po-
tèst nutritio esse per se successiua, & continua, sed per accidens
ratione alterationis præcedentis, nā ex eo alimentū non dispo-
nitur

nitur simul, sed successiue quia dispositiones eius contrarię sunt his, quas requirit forma viuientis ad sui introductionem in materia; vnũ autẽ contrariũ, cum sit virtutis finitę, non expellit aliud simul, aut in instãti, sed successiue, & in rēpore propter resistentiã eius. Et hac sola de causa cōuersio alimenti, quę est nutritio successiue, fit: ergo hac etiã sola de causa augmentatio fit successiue, & in tēpore, & nõ per se. Probatur consequẽtia, quia quãtitas ex se nõ habet contrariũ: ergo ex se nõ postulat acquiri successiue, sed in instãti. Et si dicatur, habere ex se extensionẽ, & distantiam partium, & propterea non posse partes eius simul acquiri, sed vnã post aliam, sicut partes spatij non possunt simul pertransiri à corpore in motu localij, sed necessariò vna post alteram. Contra hoc est, quòd non sufficit extensio partiũ sine contrarietate ad successionem, vt patet in illum in ratione; nam aẽt in quo producitur lumen, partes habet extensas, quę tamen non sufficiunt, vt illuminatio sit per se successiua, sed potius est per se instantanea, quia lux non habet contrarium; ergo nec sufficiet extensio partium in quantitate, vt per se debeat produci successiue, cum contrarietate careat, sed augmentatio solum erit successiua, & continua per accidens, sicut illuminatio; & non dicetur motus per se ad quantitatem.

Sed hæc opinio expressẽ contraria est doctrinę Aristotelis 66
5. lib. Phys. text. 18. vbi docet, & probat tres esse species motus, nempe alterationem quę terminatur per se ad qualitatem; latitudo, quę terminatur per se ad vbi; & augmentatio, quę terminatur per se ad maiorem quãtitatẽ. Quod probat hoc argumẽto, quia hæc est differentia inter mutationem instantaneam, & successiuam, quę est propriẽ motus, quod illa versatur inter terminos priuatiue oppositos, vt generatio substantialis inter priuationem formę substantialis in materia existentem, & formam ipsam substantialem: motus verò inter terminos positiuos habentes latitudinem cum contrarietate, saltem pro impossibilitate sumpta, vt patet in motu locali, qui versatur inter hoc, & illud vbi; inter quę est latitudo cum impossibilitate, quia naturaliter repugnat simul esse mobile sub vtroque, & necessarium est, vt ad vnum accidens, recedat ab alio, & e conuerso recedens ab vno, accedat ad aliud; sed latitudo hæc cum contrarietate sic sumpta non minus reperitur in quantitate, quàm in qualitate, & vbi: ergo non minus dabitur per se motus successiuius, & continuus ad quantitatem, quàm ad qualitatem, & vbi. Minorem sic probat: sicut inter hanc, & illam præsentiam in spatio datur latitudo, quia præsentia in toto spatio habet suas partes in ordine ad diuersas partes spatij veri.

vel imaginarij: datur etiam contrarietas impossibilitatis, quia naturaliter est impossibile idem corpus habere vtramque presentiam: sed necesse est, vt acquirens vnā discedat ab alia; pari ratione inter maiorem & minorem quantitatem datur latitudo extensionis partium, vt per se est manifestum, atque etiam contrarietas pro impossibilitate, quia repugnat simul esse corpus sub vtraque, & necessarium, quod accedens ad maiorem desinat esse sub minori, non ita, vt corrumpatur quantitas, quæ erāt minor adueniente maiori, sed ita vt desinat esse minor; & repugnet idem corpus esse in se maius, & minus, sicut repugnat esse simul magnum, & paruum: ergo ita est per se motus augmentatio, sicut latitudo. Et certè in hoc valde probabilior; & magis veræ Philosophiæ consona est sententia Aristotelis, quàm Platonis, & Galeni, quia efficaciter probat argumentum Aristotelis, vel non dari per se motum ad vbi, vt ipsi dari concedunt, vel etiam dari ad quantitatem.

- 67 Secunda opinio asserit augmentationem esse per se motum ad quantitatem, non ita, vt per eum producatuur noua quantitas, sed solum indiuisibile quoddam, nempe lineâ, vel superficies, per quam vnitur quantitas alimenti permanens in materia post corruptionem eius, & ratione huius vnionis fit propria eiusdem viuētis, & per eam augetur, & fit maius. Itaque secundum hanc opinionem augmentatio est per se motus, non productiuus nouæ quantitatis, sed vnitiuus vnus quantitatis cum altera, non per quem producatuur quantitas, sed per quem acquiratur. Ita sentiunt ferè omnes, qui ponunt nudam materiam esse subiectum quantitatis, & aliorum accidentium sensibilium, quos in questione de subiecto accidentium citauimus: nam si in materia subieciatur quantitas, & cœna est ei, numquam ab ea separabitur: quare dum vnitur materia alimenti cum materia viuētis, etiam vnitur quantitas, eamque acquirit viuens. Quo supposito non potest produci noua in eo, nisi detur penetratio naturaliter impossibilis.

Sed diuerso modo defenditur à diuersis, nam quidam asserunt hanc actionem vnitiuam vnus quantitatis cum alia non esse realiter distinctam à nutritione, sed eandem; ita tamen, vt per se, & ab intrinseco sit productiua partialis substantiæ, quædam verò ratione extrinseca terminetur ad quantitatem, in quantum ex vi productionis substantiæ partialis, & absque vlla noua actione, vel mutatione quantitas alimenti fit propria viuētis; itaque non est necessaria noua actio pro quantitate acquirenda, sed ex vi nutritionis, vt nutritio est, sequitur quantitatem alimenti fieri propriam viuētis, & per illam augetur quare

quare augmentatio formaliter sumpta non dicit actionem, vel mutationem, sed solum extrinsecam terminationem nutritionem nutritionis ad illam. Vnde inferunt, quod si suspenderet Deus consecutionem quantitatis, nulla actio, vel mutatio deficeret, sed solum extrinseca terminatio nutritionis.

Alij verò ex opposito oppinantur augmentationem esse actionem realiter distinctam à nutritione, & in eò differre ab ea, quòd nutritio per se est actio, & mutatio productiua substantiæ partialis: augmentatio verò actio, vel mutatio vniuiua quantitatis alimenti cum quantitate viuientis: per quam vnionem sit ei propria, & dicitur illud augere. Conueniunt itaque, & differunt duo isti modi, nam vterque negat augmentationem esse actionem, vel mutationem productiuam quantitatis, & solum asserit esse acquisitiuam: sed primus modus negat etiam esse vniuiuam, quia ponit quãtitatem alimenti per aliam actionem priorem, atque distinctam à nutritione, & augmentatione continuari, vel vniri cum quantitate viuientis. Asserit verò augmentationem esse eandem actionem realem cum nutritione, & solum addere supra illam. quãdam denominationem extrinsecam, in quantum ex vi eiusdem mutationis, quæ nutritio est, sequitur absque alia actione acquisitio quantitatis. Secundus verò concedit esse vniuiuam, & ideo terminari ad quantitatem in quantum producit indiuisibile quoddam; quod est modus vnionis vtriusque quantitatis: sicut generatio hominis est productio eius, non ex eo quod per eam producatur materia, vel forma; sed solum ex eo quòd producitur modus vnionis, qui est quasi vinculum vtriusque patris. Tercius autem modus negat quidem produci quantitatem, negat etiam produci indiuisibile quantitatis, quod sit punctum, linea, vel superficies: asserit vero produci modum quemdam vnionis diuersum ab his, quia putat præter hæc indiuisibilia dati in quantitate continua alium modum vnionis, quo pars quælibet proportionalis quantitatis inter quælibet duo proximiora puncta existens in se continuatur. Quæ continuatio magis est intrinseca quantitati, quam continuatio per alia indiuisibilia. Hunc verò modum vnionis diuisibilem esse asserit; & ideo posse successiue produci, & partes successiue vniri; & ita augmentationem successiuam esse; quàm successionem non potest habere, si solum producatur indiuisibile continuatiuum.

Sed hæc etiam opinio siue vno, vel alio modo defendatur, contraria est doctrinæ eiusdem Aristotelis, & falsa. Et quòd primus modus defendendi illam sit contra Aristotelem probò, quia 5. lib. Phys. loco citato docet expressè ad substantiam non

terminari motum per se, sed mutationem tantum; ad quantitatem verò terminari per se: ergo sentit augmentationem distinctam à mutatione, quæ versatur circa substantiam, & vt sic ab ea distinctum esse motum per se ad quantitatem; sed motus quilibet est vera, & realis mutatio, vera, & realis actio: ergo augmentatio ex mente eius, etiam vt distincta à nutritione realiter, vel formaliter, est actio realis successiua, & non sola denominatio extrinseca. Quod vero sit contra rationem, sic probò: primo, motus, vt definit Aristoteles 3. lib. Phys. in principio est: *Actus mobilis prout mobile est*. Sed augmentatio est motus, vt distincta à nutritione: ergo vt distincta à nutritione est, actus mobilis prout mobile est; sed esse actum mobilis, est esse aliquid intrinsecum, & formaliter ei inhærens: ergo repugnat augmentationem, vt à nutritione distinctam, esse solam denominationem extrinsecam. Probatur consequentia, quia denominatio extrinseca alicuius non est actus eius, sed alterius tantum, in quo est formaliter, vt dexteritas non est actus columnæ, sed animalis. Secundo, motus est actus mobilis, vt in potentia passiva, agentis vero, vt actus potentia: actiue ab ea procedens: ergo respicit mobile; vt actus in eo receptus, vt in subiecto; sed actus receptus in aliquo, vt in subiecto, non potest esse denominatio extrinseca, sed aliquid reale intrinsecum: ergo augmentatio, vt distincta à nutritione debet esse actus realis receptus in subiecto, & non sola denominatio extrinseca, & dicitur mutationem; & actionem distinctam, quæ sit motus per se distinctus à nutritione, quæ versatur circa substantiam.

Probatur deinde falsitas eiusdem modi duplici argumento ad hominem, ex duobus, quæ asserunt de nutritione desumpto. Primum, quod non semper, nec necessario sit successiua, sed aliquando (etiam naturaliter) possit fieri in instanti: ergo idem tenentur concedere de augmentatione. Euidens est consequentia, quia euidens est nutritionem, & augmentationem simul, & in eadem duratione fieri, sed ex hoc sequitur, augmentationem non esse motum per se: ergo non possunt defendere istud, quod sit per se motus ad quantitatem. Probatur consequentia, quia motus per se, & propriè sumptus, vt distinguitur à mutatione instantanea, diuiditurque in tres illas species alterationem, lationem, & augmentationem, est per se successiuius; sed augmentatio iuxta hanc sententiam non est per se successiua: ergo non est motus per se. Probatur minor, quia quod alicui conuenit per se, semper debet ei conuenire, & numquam oppositum; sed augmentationi non semper conuenit esse successiuam, sed aliquando potest fieri in instanti, sicut nutritio, cum qua

tum qua identificatur: ergo non est successiua per se, nec motus per se. Secundum, quod asserunt, est prius saltem natura vniri quantitatem alimenti cum quantitate viuents, quam conuertatur in substantiam aliti: ex quo ita arguo. Impossibile est aliquid esse terminum per se alicuius mutationis, vel motus, nisi per illam producatur secundum substantiam, vel saltem secundum vnionem partium. Nam si neutro modo per eam producitur, non attingetur realiter ab ea, nec proinde eam terminabit realiter sed apud hos authores neutro modo attingitur quantitas ab augmentatione, immo nec à nutritione: ergo nec potest eam realiter terminare. Probatur minor; nam imprimis non attingit quantitatem producendo illam secundum entitatem suam, quia cum teneant quantitatem alimenti subiectati in nuda materia, consequenter asserunt permanere eandem in viuente, & per eam augeri absque productione nouæ quantitatis: sed nec producitur vnio quantitatis eiusdem alimenti cum quantitate viuents: nam secundo asserunt prius saltem natura vniri eandem quantitatem alimenti cum quantitate viuents; quàm fiat conuersio eius in substantiam aliti, vt vidimus quæstione præcedenti ergo prius natura, quàm fiat nutritio, & consequenter prius, quàm fiat augmentatio; ex quo sequitur euidenter, quod per nutritionem, & augmentationem non producetur vnio vtriusque quantitatis, & ideo neque vllò modo attingetur quantitas, nec poterit esse terminus nutritionis, nec augmentationis.

Secundus modus dicendi, quod augmentatio est per se motus ad quantitatem, non quia per eam producatur, sed quia producitur indiuisibile quoddam, nempe linea, & superficies: quibus mediis vnitur quantitas alimenti quantitati viuents; imprimis est sibi contrarius, nam qui cum defendunt asserunt quantitatem esse in materia nuda tamquam in proprio subiecto, & esse ei coæuam, & proinde ingenerabilem, & incorruptibilem sicut materiam ipsam, & ex alia parte dicit cotrumpi superficiem, & de nouo generari, de quibus euidenter est, esse veras species quantitatis, cum sint diuisibiles in partes longitudinis, & latitudinis: ergo falsum est primum, quod quantitas sit ingenerabilis, & incorruptibilis.

Probatur deinde esse contra Aristotelem, & falsum, quia ex eo sequitur augmentationem non esse motum per se ad quantitatem, vt docet expressè Aristoteles, & ipsi concedunt. Probo consequentiam, quia de ratione motus propriè sumpti duo sunt, nempe continuum esse, atque successiuum, sed neutrum potest habere augmentatio secundum hanc sententiã: ergo nec esse

motum per se ad quantitatem. Probatur minor, quia vt supra adduximus ex Aristotele, & omnibus, nihil potest terminare motum per se, nisi habeat latitudinem cum contrarietate incompossibilitatis; sed indiuisibile quantitatis per se sumptum nullam habet latitudinem: ergo non potest per se produci successiue, nec per se terminare motum. Probatur minor, quia latitudo aut est extensionis, aut intensiōis, sed neutra habet, quia nec habet partes extensionis, cum non sit quantitas, nec intensiōis, cum non sit qualitas: ergo nullam habet latitudinem secundum se, vt per se possit produci successiue. Quod vero non possit produci continuè, non minus est euident, quia indiuisibilia quantitatis secundum se, nec sunt, nec esse possunt continua; immo nec immediata in eodem corpore, sed inter quaelibet duo mediat pars: ergo nec secundum se possunt produci motu continuo; quare non erit motus per se augmentatio, si solum producit per eam indiuisibile quantitatis. Sed respondent lineam, & superficiem non esse purè indiuisibiles, quia licet secundum latitudinem indiuisibilis sit linea; & superficies secundum profunditatem, vtraque tamen est diuisibilis secundum proprias partes extensionis; linea quidem secundum partes longitudinis, & superficies secundum partes latitudinis, & ideo possunt acquiri successiue, & continuè. Contra hoc tamen sic arguo. Ideo augmentatio est motus per se ad quantitatem, quia licet eam non producat, producit tamen superficiem, quæ est modus vnionis, quo vnitur, atque continuatur quantitas alimenti cum quantitate viuētis, sed superficies non est modus vnionis duorum corporum, nec ea continuatur in quantum est diuisibilis secundum longitudinem, sed præcisè, & formaliter in quantum est indiuisibilis, secundum profunditatem, vt per se est manifestum: ergo nec terminat motum augmentationis, nisi in quantum indiuisibilis; nam quòd partes habeat longitudinis, & latitudinis per accidens est ad vniendum, vel continuandum corpora. Vnde sequitur non posse terminare per se motum successiuum, & continuum. Probatur consequentia, quia latitudo, & continuitas motui propriæ repugnant superficiei, vt indiuisibili; ergo repugnat ei terminare per se motum augmentationis.

71. Tertius verò modus ponens præter indiuisibilia quantitatis continuæ, quæ sunt lineæ, superficies, & corpus, alios modos vnionis diuisibiles, quibus continentur partes. Imprimis numquam fuit auditus in scholis, neque Aristoteles, vel alius Philosophus posuit aliud continuatiuum partium lineæ præter puncta; vel partium superficiei præter lineas; vel partium

partium corporis præter superficies: ergo sine fundamento additur alter modus vnionis, & hoc sufficeret, vt reiceretur. Sed probo eundem esse falsum. Primò, quia siue sumantur partes corporis, vel alterius quantitatis aliquotæ, siue proportionales, non possumus designare duo aliqua puncta sibi proximiora inter quæ contineatur talis modus vnionis: sed necesse est infinita alia inter illa esse, quibus continuantur infinitæ partes proportionales; ergo non est intelligibilis talis modus vnionis, quem ponit modus iste in parte contenta inter quælibet duo puncta sibi proximiora. Secundò, modus iste vnionis ponitur diuisibilis: ergo non potest esse immediatum continuatiuum partium quantitatis. Probatur consequentia, quia si diuisibilis est; ergo habet infinitas partes proportionales medias inter quascunque partes quantitatis, quas continuare debet. Vnde sequitur non posse per talem modum immediatè vniri, vel continuari. Et tandem, quia si diuisibilis est, habebit infinitos alios modos vnionis, quibus continentur infinitæ partes eius. De quibus inquiri, an diuisibiles sint, vel indiuisibiles? Et si diuisibiles, dabitur processus in infinitum, quia partes eius habebunt alios modos diuisibiles, quibus vniantur, & sic in infinitum: si verò sint indiuisibiles, & sufficienter continuant partes, sequitur indiuisibilia quantitatis, vt puncta, sufficienter continuare, nec esse necessarium alios modos vnionis multiplicare ad continuandas partes; & certè non est excogitabilis alius modus continuationis partium quantitatis magis intrinsecus præter eum, quem habent per puncta, lineas, & superficies; cum necesse sit, quemcumque alium modum vnionis esse distinctum realiter à partibus, quas vnit, vel continuat, & esse extra rationem earum, sicut sunt puncta, lineæ, & superficies: ergo frustra, & sine fundamento ponitur quicumque alius modus vnionis.

His omnibus opinionibus refutatis nostra sententia est, augmentationem esse per se motum ad maiorem quantitatem de nouo producendam. Quam tenet expressè Aristoteles 5. lib. Physic. cap. 2. text. 18. D. Thomas ibidem lectione 4. & omnes eius interpretes, qui asserunt, quantitatem, & reliqua accidentia corporea esse in composito tamquam in subiecto; & nutritionem esse mutationem successiuam, & continuam. Ex his enim duobus principiis euidenter sequitur, quod per augmentationem producatu motu successiuo maior quãtitas; quia euidentia est in quantitate reperiri latitudinem cõtrarietatis requisitam, & sufficientem ad motum per se terminandum, vt probauimus refutantes primam opinionem. Et eandem sequuntur omnes

illi authores, qui tenent quantitatem subiectari in materia, vt informata forma substantiali: nam isti etiam negant quantitatem, quæ erat in alimento permanere eo corrupto, & conuerso in substantiam aliti, & ideo necessarium esse putant simul cum substantia partiali producta per nutritionem produci partialem quantitatem, per quam viuens augeatur. Probatur hæc sententia ex refutatione aliarum, quia supposito, quod sint tres species motus, vt docet expressè Aristoteles vbi supra, & cum eo omnes ferè eius interpretes, & probauimus contra primam opinionem; & refutatis cæteris omnibus modis defendèdi opinionem secundam, qui contendunt posse dari per se motum ad quantitatem, etiam si per ipsum non producat, nō restat alius modus probabilis, quo defendi possit augmentationem esse motum per se ad quantitatem, nisi producendo illam.

- 74 Ad testimonium Aristotells pro primâ opinione adductum respondeo, augmentationem esse continuam, duobus modis intelligi posse: primò, ita vt numquàm intetrumptatur, sed perpetuam durationem habeat: alio modo, ita vt saltem pro tempore, quo durat, continuè fiat, & non per morulas discretas, vel instantia. Et in primo sensu negat Aristoteles eo loco augmentationem esse continuam, sicut alterationem, & motum localem rectum: contendens probare, quod solus motus circularis continuus sit in hoc sensu, hoc est, perpetuus, & nunquam interruptus. De secundo verò modo continuationis non agit ibi, & ideo nec illum denegat augmentationi, vel aliis motibus.

Ad primum argumentum concedendum est antecederes, quod quantitas consequatur naturaliter substantiam corpoream, & partialem substantiam partialis quantitas: atque etiam quod in prima generatione quantitas consequatur sine noua mutatione: sed neganda est consequentia, quod etiam in augmentatione consequatur partialis substantia sine noua mutatione. Et ratio differentię est, quia in prima generatione non datur subiectum præsuppositum, quod mutari possit de non quanto ad quantum; sicut non datur subiectum, quod mutari possit ad risibilitatem, & alias passiones: sed in eodem instanti, quo genita est res, consequuntur quantitas & reliquæ passiones. Licet autem non detur noua mutatio ad quantitatem, datur tamen noua actio, quæ est quasi emanatio quædam naturalis; nam cum quantitas sit entitas realis distincta à substantia, distinctam dependentiam habet ab agente, & ideo per distinctam actionem producit; sed quæ vocatur emanatio, quia virtute generationis consequitur. In nutritione verò datur subiectum præsuppositum, quod mutari possit, nempe viuens, quod augeatur; & cum dari

dari debeat distincta actio, datur ex consequenti distincta mutatio, quæ verè, & propriè motus est, vt vidimus.

Ad secundum concedendum est etiam antecedens, quòd prima generatio viuents sit instantanea; & neganda est consequentia; quòd aggeneratio, quæ est nutritio, debeat etiam in instanti fieri. Et ratio differentia est, quia licet eiusdem rationis sit substantia partialis cum totali; petit tamen modum productionis diuersum; nam substantia in prima sua generatione postulat quantitatem determinatam, quæ vocatur minimum, quod sic, propter rationes à nobis traditas 1. lib. Phys. in nutritione verò nō est necessaria talis determinata quantitas, sed ad quamcumque minorem in infinitum extendi potest forma, quia dum viuens nutritur, iam præsupponitur habere sufficientem quantitatem ad proprias operationes exercendas. Vnde sequitur, quòd cum successiue disponatur alimentum, & quodlibet minimum possit disponi, & conuerti, prius disponatur, & conuertatur proximior pars, quàm remotior, & prius medietas eius, quam tota; & sic in infinitum, ideòq; successiue, hoc est, pars post partem, & non tota simul, nec in instanti. Et cum simul ac producit substantia per modum naturalis cōsecutionis producat quantitas, necesse est augmentationem quoq; esse successiuam.

Sed illud, quod additur in eodem argumento, nempe nutritionem esse successiuam, solum ratione alterationis præcedentis, per quam successiue disponitur materia, & ideo non esse successiuam per se, sed per accidens: & ideo augmentationem solum esse successiuam per accidens, & non esse motum per se ad quantitatem, maximam habet difficultatem in hac re. Cui respondet concedendo antecedens, quod nutritio solum sit successiua per accidens, sed negando, quod augmentatio quoque sit successiua per accidens. Et ratio huius est, quia quantitas ex propria sua ratione habet latitudinem contrarietatis requisitam, & sufficientem ad terminandum motum: hæc autem latitudo consistit in extensione partium, sicut latitudo qualitatis consistit in intensiōe graduāli: contrarietas verò quantitatis consistit in impossibilitate extremorum saltem naturali, quia naturaliter repugnat corpus simul esse sub minori, & maiori quantitate, vel simul vtramque acquirere: sed prius debet habere minorem, & prius medietatem eius, quàm totam. Itaque negandum est, quod augmentatio sit successiua ratione nutritionis, vel alterationis præcedentis, sed sua natura petit successionem, quia in se, & ex se habet latitudinem, & contrarietatem requisitam, & sufficientem ad motum, quæ caret substantia, modum potius indiuisibilem ex se habens: quare non potest
per se

per se terminare mutationem successiuam, sed solum per accidens. Verum quidem est non posse naturaliter produci quantitatem, nisi ad productionem substantiæ; & ideo si substantia producat in instanti, necesse est quantitatem eam consequentem in instanti produci; & propterea si nutritio esset instantanea, non esset augmentatio motus successius, sed etiam mutatio instantanea, petit autem natura quantitatis, per quam augetur viuens, successiuè produci, quia petit produci simul cum partiali substantia, sed propter latitudinem cōtrarietatis, quam habet sufficientem ad terminandum motum, per se petit produci successiuè, & terminat motum per se. Itaque vtraque petit naturaliter successionem, sed non vtraque natura sua, sed sola quantitas, propter latitudinem, quam habet in sua natura, substantia vero non natura sua, sed propter naturam successiuè alterationis cui naturaliter coniungitur, & ideo productio partialis substantiæ naturaliter est successiua, sed per accidens, productio vero partialis quantitatis est successiua naturaliter per se, quia sua natura habet latitudinem, substantia vero non habet eam natura sua, & ideo solum fit successiuè per accidens propter latitudinem dispositionum, quibus naturaliter coniungitur, sed quantitas per se propter latitudinem quam ex se habet, unde non produceretur, ut petit propria natura, si consequeretur nutritionem instantaneam, quin potius eam successionem quam habet nutritio ratione alterationis præcedentis, habet etiam ratione quantitatis, quia non disponderetur, neque conuerteretur successiuè alimentum in substantiam aliti, nisi haberet extensionem partium, ratione cuius vna pars propinquior est agenti, quàm alia, & agens agit in omnes partes alimenti vniformiter difformiter, ac propterea actione successiua. Quod etiam colligitur ex motu locali naturaliter consequente augmentationem: nam simul ac augetur corpus, extenditur ad maiorem locum, & acquirit maiorem præsentiam; & talis extensio localis ex propria natura est successiua: ex quo sequitur augmentationem, quam consequitur, & à qua habet successionem, per se, & ab intrinseco esse successiuam, & motum per se ad maiorem quantitatem.

Q V Æ S T I O VII.

*An augmentatio fiat secundum omnes partes viuentis,
sicut dum augetur viuens, qualibet pars
eius augeatur?*

Vt intel

VT intelligatur questio, explicandæ sunt diuersæ partes viuentis, nam quædam sunt essentielles, vt materia, & forma, siue corpus, & anima. Aliæ verò integrantes, quæ licet sint substantiales, vel entitatiuæ, non tamen essentielles, quia sine vna, aut altera earum, aut etiam sine pluribus, immo sine vlla earum saluatur integra essentia rei; quamuis non existens actus: tales sunt manus, pes, brachium, & caput, nam sine tribus prioribus potest permanere homo: cum tamen sine aliqua essentiali non possit. Questio autem non procedit de partibus essentialibus, quia certum est in multis viuentibus, nec augeri, nec augeri posse præcipuam partem essentialem, quæ est forma, vt in homine, cuius forma est incorporea: & in cæteris animalibus perfectis, quorum animas esse indiuisibiles, non caret probabilitate. Solum ergo procedit de partibus integrantibus; quæ adhuc sunt in duplici differentia, nam quædam sunt homogeneæ, aut similes, vt caro, neruus, & os: aliæ eterogeneæ, aut dissimilates, vt manus, pes, caput: & istæ componuntur ex illis: vt manus, & brachium componuntur ex carne, & osse. Sed adhuc tertio diuiduntur partes integrantes in æquales, vel aliquotas, quæ sunt certæ magnitudinis: & quælibet est extra aliam: & in proportionales, quæ includuntur in eisdem æqualibus, vt pars carnis certæ magnitudinis includit duas medietates, & quælibet harum medietatum duas alias, & sic in infinitum: & istæ dicuntur proportionales. Procedit autem questio tam de homogeneis, quam de eterogeneis: an necesse sit omnes augeri, quotiescumque augetur viuens?

In qua questione duo sunt certa, quia expresse dicuntur ab Aristotele, recipiuntur ab omnibus, & probantur euidenti ratione. Primum est, quod in communi loquendo de partibus, augmentatio fit secundum omnes partes: ita vt omnes augeantur. Ita Aristoteles in hoc 5. cap. textu 32. his verbis: *Videtur itaque eius, quod augetur, quacumque pars aucta esse: similiter autem & in diminutione minor generata esse.* Et ratio est manifesta, nam quælibet pars nutritur, dum nutritur totum corpus: ergo quælibet etiam augetur, dum augetur totum: euidentis est consequentia, quia augmentatio sequitur naturaliter nutritionem. Sed probatur antecedens, quia nutritio est propria operatio vitæ, vnde hæc sola reperitur in plantis, in quibus solus etiam est gradus substantialis vitæ: ergo necesse est quamlibet partem viuentis nutriri, & ex consequenti augeri. Secundo, calor naturalis reperitur in toto corpore, & in quacumque parte eius, vt docet euidentis experientia: sed calor naturalis per propriam operationem consumit aliquid substantiæ eiusdem

eiufdem corporis viuētis, quod non poteft reparari, niſi per nutritionem: ergo quælibet pars nutritur: vnde ſequitur quamlibet etiam partem augeri, dum augetur totum. Hoc autem intelligendum eſt per ſe, & ex natura augmentationis, & corporis viuētis, ac partium eius; nam per accidens contingere poteſt, vt partes aliquæ ſint ab extrinſeco impeditæ, ne augeantur; vt conſtat de partibus aridis, nō quidem omnino mortuis, ſed ab officijs vitæ impeditis, quamuis non deſunt, qui aſſerant aliquātulum augeri, quia non videtur naturaliter poſſibile vitam participare, & nullam habere operationem vitalem.

- 79 Secundum, in quō omnes conueniunt eſt, ſic augeri omnes partes viuētis, vt primò augeantur homogeneæ, & ratione harum, & quaſi ſecundariò eterogeneæ: ita Ariſtoteles capit, præſenti text. 35. his verbis: *Ea, quæ ſunt diſſimilium partium augentur, quia ea, quæ ſunt conſimilium partium, augentur: componitur enim ex his vnumquodque*. In quibus continetur ratio ſatis manifeſta: nam partes eterogeneæ, aut diſſimilares componuntur ex homogeneis, vel ſimilaribus, vt manus, & brachium ex carne, oſſe, & neruis: ergo non poſſunt augeri, niſi his auctis: quare iſtæ ſunt, quæ primo augentur; illæ verò ratione harum, nam ideo manus maior fit, & ſimiliter brachium, quia plus carnis, & oſſis acquirit.

His ſuppoſitis, duo tantum ſunt dubia circa hanc quaſtionem. Primum eſt, an omnes partes ſimilares tam aliquotæ, quam proportionales augeātur immediatè, & per ſe; vel ſolum aliquotæ: proportionales verò mediatè tantum ratione earum. Secundum, quonam modo fiat augmentatio ſecundum omnes partes, ſine penetratione alimenti cum corpore viuente.

Circa primum eſt prima opinio quorundam recentiorum aſſerentium, augmentationem non fieri per ſe primo ſecundum omnes partes ſimilares, ſed ſolum ſecundum partes aliquotas, vel certæ magnitudinis: proportionales verò non augeri per ſe immediatè, ſed mediatè, & ratione æqualium. Probant teſtimonio Ariſtotelis cap. præſenti textu. 35. vbi ait: *Adhuc autem quodcumque ſignum ſenſibile, aut maius, aut minus factum eſſe, & non vacuum eſſe corpus, neque duas magnitudines in eodem loco, &c.* Quibus verbis videtur declarare id, quod dixerat, nempe augmentationem fieri ſecundum omnes partes, ita eſſe intelligendum, vt fiat ſecundum ſigna ſenſibilia: hoc eſt, ſecundum partes ſenſibiles, & designabiles per ſenſum, quæ ſolum ſunt partes certæ magnitudinis, nam proportionales in infinitam procedunt, & ideo non ſunt omnes per ſenſum designabiles.

Probant

Probant deinde ratione, quia si partes proportionales au-
gentur immediatè per se: ergo quælibet suscipit alimentum, &
illud cōuertit immediatè per se: sed non potest suscipere illud,
nisi per poros, vel per penetrationem, & penetratio est natura-
liter impossibilis: ergo non nisi per poros illud suscipiant. Ex
quo sequitur omnes esse diuisas per poros, & ideo corpus vi-
uens esse diuisum in omnes partes proportionales, quod re-
pugnat: quare necessariò dicendum est, partes proportionales
non augeri per se immediatè, sed per partes aliquotas, in qui-
bus continentur, & quæ per se immediatè suscipiunt alimen-
tum: & illud in se conuertunt. Secundo, quia si partes propor-
tionales per se immediatè augerentur, quælibet per se fieret
maior, ergo quotiescunque augetur corpus, fieret duplo maius
quod est contra experientiam.

Hæc tamen sententia contraria est doctrinæ Aristotelis, &
falsa. Probo primum ex text. 33. huius capituli, ubi ita ait Ari-
storeles: *Hæc autem sunt tria, quorum vnum quidem est, quam-
cumque partem maiorem fieri eius, quæ augetur magnitudinis, ut sc
caro, cornis.* Quibus verbis expressè, atque vniuersaliter docet
carnem sic augeri, vt quælibet pars eius augeatur: sed partes
proportionales eodem modo significantur nomine partis, si-
cut aliquotæ: ergo vniuersaliter, & sine distinctione loquens,
de omnibus eodem modo intelligit: nam dum asseruit quam-
libet partem corporis augeri, quia partes dissimilares non au-
gentur per se immediatè, sed quia augentur similes, ex qui-
bus componuntur, distinctione proposita de his partibus ex-
plicuit diuersum modum, quo augentur, quem, si intelligeret
in partibus similibus reperiri, quantum ad æquales: & pro-
portionales, eadem distinctione illum explicaret: quare vni-
uersaliter, & sine distinctione loquens, non intellexit diuerso
modo augeri has, & illas, sed eodem.

Sed probatur ratione falsitas eiusdem sententiæ, quia quæ-
libet pars aliquota continet infinitas proportionales eiusdem
rationis, hoc est similes sicut ipsa: ergo impossibile est augeri
per se immediatè, quin simul, & eodem modo augeantur pro-
portionales in ea contentæ. Probatur consequentia, quia non
habet aliam entitatem, quæ augeatur per se immediatè præ-
ter easdem partes proportionales, à quibus solum differt per
hoc, quod est extra aliam esse, vel in alia contineri: ergo re-
pugnat augeri alio modo. Secundo, quia immediatè per se
suscipere alimentum, & immediatè per se augeri duobus
modis intelligi potest. Primo, ita vt immediatè, & per se ei
applicetur alimentum, eique uniatur pars conuersa, & non
per

per suas extremitates : & hoc modo nulla pars aliquota auge-
tur per se immediatè; cum evidens sit non suscipere alimentū,
nec partem conuersam ei vniri, nisi per suas extremitates ; sed
solum in hoc rigore loquendo per se augeatur illa pars propor-
tionalis extrema, cui adharet vltimum indiuisibile terminans,
iuxta quod immediatè est porus continens alimentum , inde-
terminata quidem , quia nulla datur determinata indiuisibili
terminanti immediata, vt per se est manifestum; & huius ratio
est, quia solum huic parti proportionali indeterminatæ appli-
catur proximè alimentum , & solum ei proximè vnitur pars
eiusdem alimenti conuersa. Secūdo modo potest sumi id, quod
est per se immediatè augeri , ita vt non per aliud à se extra-
neum, vel separatum , sed per aliquid pertinens ad propriam
substantiam, & in hoc genere sibi intrinsecum, augeatur: per se
immediatè augentur partes aliquotæ , quia per extremitates
proprietas suscipiunt alimentum , & illud sibi vniunt , sed non
minus per se immediatè augentur proportionales. Quod pri-
mò probo , quia extremitates illæ sunt partes proportionales
indeterminatæ. Secūdo , quia sicut sunt extremitates partis
æqualis, sic sunt extremitates proportionalium, quæ in ea con-
tinentur; nam ideo sunt extrema illius, quia sunt vltimum quid
sub ea contentum, vltra quod non est aliud, sed in eodem sensu
sunt vltima pars proportionalium licet indeterminata : ergo
etiam sunt extrema earum. Præterea, cum partes proportiona-
les contineantur immediatè in parte æquali , & pertineant ad
substantiam eius, eo ipso quod sunt extremitates partis æqua-
lis, æquè immediatè sunt extremitates earum, ideo non minus
istæ augentur per se immediatè, quàm æquales.

82. Nostra igitur sententia est, quod non solum omnes augean-
tur per se immediatè, sed potiori ratione proportionales, quia
secundum vtrumque sensum aliquo modo eis conuenit; ali-
quorū verò secundum postremum tantum, vt probatum est.

Ad testimonium Aristotelis respondeo per signum sensibile
intelligere omnem partem designabilem per sensum, quæ neq;
omnes æquales, neque omnes proportionales, sed plures æqua-
les, & plures proportionales comprehendit, nam tam minimas
æquales possumus per intellectum apprehendere , quæ non
sint designabiles per sensum , & plures proportionales possu-
mus designare per sensum, vt patet in vna, cuius primæ medie-
tates sunt æquales, primi palmi , & primi digiti, sed medietates
harum omnium iam sunt proportionales : quamuis etiam alia
ratione sint æquales , & omnes sunt designabiles per sensum:
Aristoteles ergo non voluit excludere ab augmento per se
immediatè

immediatè partes non perceptibiles per sensum, quia si hoc vellet, plures partes excluderet æquales, sicut plures proportionales, sed solum docere, quod cum augmentatio sit motus Physicus corporis viuentis, ex partibus sensibilibus debent considerari; atque à nobis cognosci conditiones eius.

Primum argumentum concedendum est, in quantum probat partes proportionales suscipere alimentum per poros; negandum tamen, quod ex eo infertur, nempe omnes has partes esse diuisas per poros, nam licet pori sint dispersi per totum corpus, non sunt inter sese immediati, vt statim ostendetur: sed inter quoslibet poros mediant partes æquales, & infinitæ proportionales quibus appropinquatur alimentum per extremitates, & per easdem eis vniuntur partes alimenti conuersæ, quod sufficit, vt omnes augeantur propriè, & vt augmentum fiat secundum omnes partes; nec potest alio modo augeri corpus, viuens, vt euidenter probauimus: Patet ergo non esse necessarium, quod omnes partes proportionales sint diuisæ inter sese per poros.

Ad secundum, concesso antecedenti, quod omnes, & singulæ partes proportionales augeantur per se immediate; distinguendum est primum consequens, quod quælibet fiat maior; nam si intelligatur fieri maiorem secundum quantitatem, vel excessum determinatum, falsum est, si vero secundum proportionalem, verum; & necessarium. Quod hoc modo intelligendum est, vt sicut partes proportionales ita se habent, vt vna sit minor alia in infinitum; & sub qualibet comprehendantur infinitæ ea minores, & ideo ex omnibus non resultet nisi finita, ac determinata magnitudo; ita etiam considerandum est, quod licet pars quælibet alimenti conuersa, per cuius additionem fit augmentum, sit finita, & aliquando maior, aliquando minor, semper habet infinitas partes proportionales maiores, vel minores, & ideo distribui potest per infinitas partes proportionales corporis; ita vt cuiq; tribuatur aliquid proportionale iuxta magnitudinem eius, non quidem separatim ab eadem parte, sed in ea inclusum. Ex qua proportionem intelligitur, posse omnes, & singulas crescere per quodlibet augmentum finitum, sicut etiam omnes (licet actu infinitæ) non nisi finitam entitatem efficiunt, & nimis aliquando exiguam. Et hæc de primo dubio.

Explicatur modus, quo fit augmentatio.

Secundum dubium est circa modum, quo fit augmentatio. Et videtur nullo modo fieri posse propter hoc argumentum; quia vel sit per intus sumptionem, vel per iuxta positionem;

sed primum est impossibile, & secundum falsum: ergo non est naturaliter possibilis. Maior est certa, cum euidens sit non esse alium modum possibilem, quo augeatur corpus præter duos illos. Sed probatur minor, quia si sit per intus sumptionem: ergo alimentum ingreditur partes corporis, ut intra illas conuertatur in substantiam, quod non potest fieri nisi per penetrationem alimenti cum eis, vel per diuisionem earum; sed experientia constat non diuidi, quia diuisio causat dolorem, quem non sentimus: ergo sit ingressus alimenti per penetrationem naturaliter impossibilem. Et si dicatur alimentum per venas, & poros transire ad omnes partes corporis, quia omnes sunt venis, & poris plenæ; hoc non tollit difficultatem, quia venæ, & pori finitæ sunt, & intret quasiibet venas, & poros mediat pars solida, quæ augeatur: vel ergo alimentum penetrat illam partem, vel permanens in venis, & poris conuertitur in substantiam, & iam conuersum multò minus poterit penetrare carnem, vel ossa; cum sit iam factum caro, & os; unde sequitur non posse augere alias partes iuxta venas, & poros existentes, nisi quia eis iuxta ponitur, & vnitur per continuationem, quod est augmentum viuentium, per iuxta positionem fieri: hoc autem aperte falsum est; nam iam non differret ab augmento non viuentium impropriissimo, ut ignis, & aquæ, quod sit per iuxta positionem lignarum, vel alterius corporis conuersi in substantiam elementi, & ei additi, ac iuxta positi.

- 95 Pro solutione huius dubij tanquam certum supponendum est, quodlibet corpus viuens plenum esse venis, & poris, quæ sunt concauitates quædam, & quasi aquæ ductus, per quos sanguis, qui est vltimum, atque proximum alimentum corporis, fluit, & ad omnes partes corporis defertur. Quod non est sic intelligendum, ut asseruit Commentator. i. libro de generatione commento 38. putans quamlibet partem minimam corporis habere suum porum; nam si ita esset, non essent magis porosæ aliquæ partes corporis, quam cæteræ omnes; neque vnum corpus magis porosum, quam aliud, quod experientia patet esse falsum, & propterea falsum est, dari in corpore partes minimas, cum constet omnes esse diuisibiles in infinitum, & ideo qualibet data etiam minima, dari aliam minorem. Sed ita debet intelligi, ut quælibet pars corporis sit circumdata poris versus quamlibet partem, magis tamen, aut minus distantem inter se secundum naturam cuiuslibet partis. Est autem differentia inter venas, & poros, quod venæ sunt longè maiores, & capaciores; pori vero angustissimi: unde per poros non tam fluit sanguis, quam sugitur ab eisdem venis, pori vero ideo fiunt à natura, quia cum cor

cum corpus sit solidum, impossibile erat per venas ad omnes partes corporis deferri alimentum, esset enim tunc omni ex parte perforatum, & quasi spongia, & non posset convenientes operationes exercere, ad quas exercendas requiruntur solida membra, atque instrumenta. Necesse ergo fuit per angustissimos aquæductus deferri alimentum non omnino pugnantes cum soliditate corporis requisita. Eiusmodi autem pori, licet multi sint per omnes partes corporis dispersi, non tamen sunt infiniti, sicut indiuisibilia corporis, nec immediati, nam hoc pugnaret cum prædicta soliditate corporis, sed inter quoslibet poros quantumlibet parum inter se distantes mediant partes, quibus, per eosdem poros approximatur alimentum. Neque omnes sunt æquales, sed alij maiores aliis, non solum in eodem corpore secundum diuersas partes eius, sed etiam in diuersis, immo in eodem etiam secundum diuersas ætates; nam in ætate iuuenili maiores, & capaciores habet poros corpus, quam in senectute, quia plus alimenti indiget; & per maiorem dilatationem partium in illa ætate ex maiori conuersione alimenti causata, sicut partes corporis magis dilatantur, ita pori sunt maiores. Has vero partes nec potest alimentum 86 penetrare, & multo minus pars substantiæ per conuersionem alimenti producta, per quam augeri debent, quia quælibet penetratio corporum est naturaliter impossibilis, nec potest alio modo ad illas deferri; sed in eisdem poris debet fieri conuersio eius, & pars substantiæ producta per conuersionem vniri cum eisdem partibus, non quidem per se immediatè cum omnibus, sed per extremam illam partem poro immediatam, & tangentem alimentum in eo existens, quæ pars non est determinata, nec proinde aliquota, aut certæ magnitudinis, sed proportionalis indeterminata, nam euident est partem illam, cui immediatè adhæret indiuisibile terminans esse indeterminatam, quia cum sit diuisibilis, ante quamlibet designatam datur alia, & alia in infinitum vsque ad indiuisibile terminans. Et ecce quo pacto nulla pars aliquota potest per se immediatè augeri, sed per extremam partem indeterminatam, cui vnitur indiuisibile terminans, quod necesse est corrumpi, dum vnitur pars alimenti conuersa, & loco indiuisibilis terminantis produci aliud indiuisibile continuatum, per quod fiat vnio, seu continuatio, & quia pars conuersa vnitur parti proportionali indeterminata, cui adhæret indiuisibile terminans, & post vnionem nouum indiuisibile continuans, dicitur vniri parti aliquotæ, cuius extremum est, & etiam omnibus partibus proportionalibus in

ea contentis, & ideo per eandem vnionem dicuntur istæ, & illa augeri. Ex hac doctrina colligo primo, quomodo sit intelligenda propositio Aristotelis ab omnibus recepta, quod augmentatio viuētis sit secundum omnes partes, cuius sensus est, quod dum augetur viuens, augentur omnes partes eius tam homogeneæ, quam eterogeneæ, tam aliquotæ, quam proportionales, sed tam istæ, quam illæ iuxta propriam naturam: eterogeneæ quidem, vel dissimilares non per se immediate, sed quia augentur similes, ex quibus componuntur; similes vero aliquotæ, & proportionales in eis cōtēntæ per se immediate, in quantum per extrema tangunt alimentum, & illud disponunt, atque conuertunt in substantiam; eisdemque per eadem extrema vntur, & continuatur pars alimenti conuersa, & ideo in se, & per se maiores fiunt; per se autem immediate, ita vt immediate, & per se tangat alimentum, & pars conuersa ei immediate vnatur, & cum ea immediate continuetur, & non per suum extremum, quod solum habet illa pars proportionalis indeterminata, cui immediate adhæret indiuisibile terminatiuum ante conuersionem, & post conuersionem indiuisibile continuatiuum productum, quo medio ei vnitur pars conuersa, hæc enim pars proportionalis indeterminata est extremum partis aliquotæ, & proportionalium, quas continet.

87 Secundo colligo, augmentum viuētium fieri per iuxta positionem alimenti ad partes viuētis, non tamen per iuxta positionem partis substantialis conuersa, sed per additionem, quæ sit media vnione, & continuatione iam explicata. Probatur primum de iuxta positione alimenti, quia repugnat alimentum penetrare partes viuētis: ergo solum potest ad illas deferri per poros; sed per poros non potest ad eas peruenire, nisi in quantum iuxta illas ponitur, & ab eis tangitur: ergo fit per iuxta positionem alimenti. Probatur secundum, quod non fiat per iuxta positionem partis substantialis conuersæ, quia id quod alteri iuxta ponitur, solum est illi contiguum, hoc enim est iuxta illud poni; sed pars alimenti conuersa non ponitur iuxta partes corporis, nec illis est contingua, sed eis vnitur, & continuatur, & per vnionem, & continuationem fit vnum numero cum eis: ergo non fit augmentum per iuxta positionem partis conuersæ, sed per additionem eius media vnione, & continuatione facta.

88 Secundo notandum est hos poros, per quos defertur alimentum, numquam esse vacuos, sed semper plenos alimento, vaporibus, & excrementis quibusdam, vt ex sudore exeunte est manifestum; dum vero fit conuersio partis alimenti, pars conuersa,

arque

atque vnita parti corporis proximæ occupat partem concauitatis eiusdē porī, sed non ideo porī deficiunt, quia idem calor naturalis, cuius virtute concoquitur alimentum, aliquas partes eius in ipsa concoctione resoluit in vaporem, & vapor iste quasi impellens partes viuētis versus externum locum eas dilatat, & per talem dilatationem, & nouum efficit porum, & easdem partes efficit occupare maiorem locum; & ita per augmentationem dilatatur corpus, & simul mouetur localiter per extensioriem ad maiorem locum, vt adnotauit Aristoteles cap. præsentī.

Notandum tertio, partes corporis viuētis esse in duplici differentia, nam quædam sunt duriores, quæ appellantur spermaticæ, vt ossa, aliæ sunt molliores, quæ appellantur nutritiales, vt caro: & istæ quidem certo tempore augentur, & vltius diminuiuntur, vt patet in infirmitate, & postquam diminutæ sunt, iterum augentur, & reparantur per conuersionem alimenti, quod deperditum ex eis fuit: quod in ossibus non ita contingit, non enim per infirmitatem diminuiuntur, vel certe parum. Præterea tam istæ, quàm illæ partes augentur secundum omnem dimensionem, sed non tantum augentur secundum vnā dimensionem, quantum secundum alias; sed proportionabiliter, vt postulat natura corporis, quod non tam latum, nec tam profundum esse debet, quàm longum, vt commodius possit moueri ab anima, & aptum possit esse instrumentum ad exercendas operationes vitales; ideo magis crescit versus longitudinem, quàm versus alias dimensiones, & ideo ossa, quæ sunt partes magis consistentes, magis crescunt secundum longitudinem, quàm secundum latitudinem, & profunditatem; caro vero, & aliæ partes magis crescunt aliquando secundum alias dimensiones, & secundum longitudinem parum possunt ossa superare, vt experientia est manifestum.

Ex his tandem colligitur solutio argumenti propositi pro ratione dubitandi, nam ad maiorem respondeo, augmentationem fieri vtroque modo, videlicet per intus sumptionem, atque etiam per iuxta positionem alimenti ad partes corporis, & per additionem partis conuersæ media vnione, & continuatione facta. Sed neganda est minor, quod alimentum non possit deferri ad partes, nisi per penetrationem, defertur namque per poros sine illa. Et cum dicitur inter quoslibet poros medias esse partes, concedendum est, sed nec illas penetrat alimentum, sed eis iuxta ponitur, & in poris conuertitur in substantiam, vniturque per continuationē. Et dum tandem ex hoc infertur, augmentum fieri per iuxta positionem, sicut dum aqua additur

aquæ; neganda est similitudo, sed fit per iuxta positionem alimenti, & conuerſionem eius, atque vnionem cum cæteris partibus, quod non reperitur in augmento aquæ, non ramen fit per iuxta positionem partis ſubſtantialis per conuerſionem alimenti productam, ſed per additionem eius continuatioue factam. Differt autem augmentatio viuentium ab augmentatioue non viuentium in tribus. Primò, quia illa fit per intuſumptionem; hæc vero per externam tantum iuxta positionem pabuli, vt patet in igne. Secundò, illa fit ſecundum omnes partes viuentis, quia omnibus approximatut alimentum ex proprio, & naturali modo; hæc verò ſolum ſecundum illam partem fit, per quam pabulum iuxta ponitur, & licet poſſit per omnes partes iuxta poni; hoc non petit natura corporis viuentis, ſed per accidens contingit; petit vero natura corporis viuentis, vt omnibus partibus approximetur alimentum; & tandem illa fit ſecundum partes formales, hæc vero potius ſecundum materiales, & propterea in infinitum abire poteſt; cum tamen illa certum habeat terminum à natura conſtitutum.

QVÆSTIO VIII.

An augmentatio duret toto tempore vitæ?

- 90 **D**iuerſa quæſtio eſt hæc, ac alia, quam in hoc tractatu agitauiſus de continuatioue nutritionis, & augmentatiouis; non enim quærimus modo, an augmentatio ſit continua toto tempore vitæ, vel eo ſaltem tempore, quo fit, aut diſcreta; ita vt per minima fiat in ſolis inſtantibus temporis; quantum ad hoc enim eadem prorsus ratio eſt de ipſa, ac de nutritione; vnde quod ſuperius probauiſus de nutritione, non ſic eſſe continuam, vt per totam vitam nullo tempore interrumpatur: eſſe tamen continuam eo tempore, quo fit, & non per minima fieri in ſolis inſtantibus, ſed per partes in partibus etiam temporis continui, eodem modo intelligendum eſt de augmentatioue. Quod igitur nunc quærimus, eſt, an ſicut nutritio prædicto modo facta durat uſque ad finem vitæ, ſic etiam duret augmentatio? Et videtur probari his argumentis, quod uſque ad finem vitæ augeatur homo, ſicut nutritur. Primò, quia ſicut quantitas naturaliter conſequitur ſubſtantiam, ſic motus ad quantitatem naturaliter ſequitur mutationem in ſubſtantiam, quæ eſt nutritio, & eodem tempore ſit cum ea; ſed motus ad quantitatem eſt augmentatio:

tatio: ergo durare debet usque ad finem vitæ, sicut durat nutritio. Et si dicatur, durare quidem motum ad quantitatem, non tamen augmentationem, quia non omnis motus ad quantitatem est augmentatio, sed solus ille, per quem acquiritur maior quantitas, quam deperdita fuit: constat verò non semper maiorem adquiri, sed certo quodam tempore; post illud verò æqualem tantum, vel minorem; & ideo non semper durare augmentationem. Contra hoc est, quia terminus ad quem motus dicit ordinem ad terminum à quo, & respectu illius talis dicitur, ut patet in alteratione, per quam si magis perficitur calor in termino ad quem, quam erat perfectus in termino à quo; dicitur intendi, & alteratio per quam perficitur, vocatur intensio: (licet non adquiratur per eam perfectior calor, quam habuit aliquando subiectum) ergo ut motus ad quantitatem sit augmentatio, non requiritur, quod per eum adquiratur maior quantitas, quam habuit aliquando subiectum, sed satis est, quod adquiratur maior ea, quam habebat in termino à quo, sed impossibile est corpus moveri ad quantitatem, quin acquirat maiorem, quam habuit in termino à quo, nam alioqui nullam de nouo acquireret: ergo cum motus ad quantitatem duret toto tempore vitæ, durabit etiam augmentatio.

Secundò, quia augmentatio procedit ab anima tamquam à causa principali, & à potentia nutritiva, & calore naturali tamquam ab instrumentis eius naturaliter operantibus, atque ex determinatione ad vnum: sed virtus naturalis horum non diminuitur procedente tempore, neque per continuam actionem circa alimentum hebetatur, quin potius calor naturalis augeatur: ergo si maius alimentum ei iuxta ponatur, maiorem producet substantiam in qualibet ætate, & consequenter maiorem quantitatem, per quam augebitur corpus usque ad finem vitæ. Probatum minor, quia eadem est ratio de calore naturali corporis viuientis, ac de calore elementari ignis; sed calor iste crescit, quo plura ligna conuertit in ignem: nam cum eisdem lignis conuersis aduenit ei nouus calor: ergo calor etiam naturalis crescit per aduentum caloris naturalis cum qualibet parte alimenti conuersi in substantiam. Et ideo plus alimenti semper potest conuertere, & plus quantitatis producere.

Probarur tandem experientia, nam videmus plures post quadagesimum annum suæ ætatis pinguiore fieri, & ideo maiorem quantitatem acquirere: ergo adhuc in ea ætate crescunt, quod non potest fieri, nisi per veram augmentationem adhuc durantem: falsum est ergo, quod dici solet, hominem non crescere,

nec augmentationem durare post eam ætatem, quam status, & non augmenti vocant.

- 93 Pro solutione huius quæstionis notandum est primò ex doctrina Aristotelis. 3. lib. de anima tex. 59. corpora viuètia quantum ad nutritiuam virtutem triplicem habere statum, nempe augmenti, status, ac decrementi, seu diminutionis. Tempus autem augmenti solet designari à principio vitæ vsque ad tertium septennium, aut vigesimumprimum annum ætatis, vt docet Diuus Thomas. 2. 2. quæst. 147. artic. 4. ad secundum, quia vsque ad id tempus fortior est potentia nutritiua, & calor naturalis robustior ad conuertendum alimentum in substantiam aliti, ideo plus conuertere potest alimenti, quam de propria substantia consumere. Tempus verò status solet designari à vigesimoprimo anno, vsque ad trigessimumquintum, in quo minorem iam vim habet calor naturalis, tantumque alimenti conuertere potest, quantum substantiæ propriæ cōsumere: quare neque augetur corpus in ætate ista, nec diminuitur, sed statum habere dicitur. Ab hac autem ætate vsque ad vltimam senectutem numeratur tempus decrementi, vel diminutionis, quia calor naturalis debilitatus non tantum potest alimenti conuertere, quantum de propria substantia consumit, ideo decrescit corpus, ac tandem consumitur. Ratio vniuersalis horum statuum sumitur ex propria natura ipsius hominis, & eiusdem caloris naturalis; virtus enim vtriusque limitata est, & ideo tantum temporis durare potest homo, vt vita eius non possit vltius procedere, & virtus caloris naturalis, cum sit potentia actiua, limitata est per intrinsecum terminum, vt de omni potentia actiua docet Aristoteles 1. libro de cælo & mundo cap. 4. Tantum ergo potest augere corpus, vt non possit vltius in augmento procedere, sed sistere debeat; & tempus illud augmenti vocatur, hoc vero status. Et tandem cum natura corporis viuèntis paulatim deficiat, & extenuetur, necesse est idem corpus diminui. Ratio vero particularis sumitur ex tribus, quæ docent Aristoteles in libello de longitudine, & breuitate vitæ non longe à principio, & sectione 3. Problematum, Problemate. 14. & Diuus Thomas in 2. distinct. 3. q. 1. art. 1. ad quintum. Quorum primum est, vitam naturalem corporis, quæ certum temperamentum requirit, consistere in calido, & humido, quod temperamentum perfecte habet corpus in prima generatione; sed ab eodem deficit in senectute, de qua docet experientia esse siccam, propter nimiam consumptionem humidi; deficiente autem humido, & calore coniuncto cum sicco plus dissipat alimenti, quam conuertat in substantiam, quia

quia virtus eius maximè dependet ex coniunctione cum humido, quo deficiente valdè debilitatur; quare non potest iam in eo statu viuens augeri. Secunda ratio diui Thomæ est, quia substantia producta per nutritionem ex conuersione alimenti non est ita connaturalis viuenti, sicut prima, quam accèpit per generationem, sed quodammodo extranea, cum ex materia, & corpore extraneo contrarias dispositiones, & qualitates habente producta sit; ideo non continet calidum, & humidum adeo connaturale; & ex alia parte prima substantia idem temperamentum perfectè continens incipit consumi à calore naturali; & ita procedente tempore substantia corporis viuentis ex connaturali, & extranea permixta minoris virtutis fit, & calor naturalis in ea existens eodem modo permixtus quasi retunditur, & hebetatur, ita vt non possit tātum conuertere, quantum de propria substantia corporis consumit; vel certe non plus, & tunc non potest augeri corpus, nec vltius procedere motus augmentationis. Quod exemplo vini, cui permiscetur aqua, explicuit Aristoteles, cuius virtus eo magis debilitatur, quo plus aquæ ei admiscetur. Tertia ratio Diui Thomæ est, 95 quia anima, quæ est forma corporis limitaram habet virtutem informandi materiam, & agendi in corpore: vnde quo plus diffunditur, vel extenditur ad informandam ampliorem materiam superuenientis alimenti, eo minor est virtus eius ad agendum per potentias, & instrumenta corporea propter illud vniuersale principium: Virtus vnita fortior est se ipsa dispersa: sed quo plus augetur homo vsque ad statum, eo magis extenditur anima ad nouam materiam informandam: ergo minor est virtus eius ad agendum per potentiam nutritiuam, & calorem naturalem; minúsque alimenti conuertere potest, quàm prius; & tandem eo perueniet, vt non plus possit conuertere, quàm consumitur; & tunc dicetur corpus peruenisse ad statum, ac tandem ob maiorem permixtionem extraneæ substantiæ minus adhuc conuertere poterit, & dicetur corpus peruenisse ad statum decrementi, vel diminutionis.

His suppositis duabus conclusionibus responderetur quæstioni. Prior sit, motus ad quantitatem durat toto tempore vitæ. Hanc probat primum argumentum in principio positum, quia nutritio durat vsque ad finem vitæ: quia vsque ad illum sumitur alimentum, & conuertitur aliquid eius in substantiam; ergo durat semper nutritio, sed partialem substantiam consequitur naturaliter quantitas partialis terminans motum per se: ergo durat etiam motus ad quantitatem vsque ad finem vitæ.

Posterior conclusio. Motus augmentationis solum durat vsque ad statum: Probatur ex doctrina tradita, quia motus augmentationis tendit per se ad maiorem quantitatem corporis, ea, quam habebat prius; sed hæc maior quantitas adquiritur tantum vsque ad statum, vt probatum est: ergo solum vsque ad statum durat motus augmentationis, & non vsque ad finem vitæ.

Ad primum argumentum concessa maiori, quod motus ad quantitatem durat per totam vitam, neganda est minor, quod omnis motus ad quantitatem sit augmentatio: nam Aristotel. 5. lib. Phys. tex. 18. docuit, motum ad quantitatem sub hac ratione quasi communi innominatum esse, sub specialibus vero vocari augmentationem, & diminutionem. Et cum dicitur omnem motum ad quantitatem esse ad quantitatem maiorem ea, quam habebat corpus in termino à quo; negandum est, quia licet aliquid quantitatis acquiratur per omnem motum, sed plus deperdi solet per actionem eiusdem caloris naturalis eodem tempore, quo fit motus: & ideo non est necessarium, quod motus ad quantitatem terminetur ad maiorem respectu termini à quo; nam adhuc respectu illius minorem habet corpus in termino ad quem talis motus, vt per se patet.

- 97 Ad secundum, neganda est etiam minor, quod virtus animæ, & caloris naturalis non diminuatur procedente tempore; nam virtus animæ minor est dispersa, vel diffusa ad maiorem materiam informandam, & calor naturalis valde debilitatur in senectute deficiente humido, ex cuius societate fortior erat in iuuentute, atque per coniunctionem cum sicco, vt ostendimus, & propterea non potest plus alimenti, immo nec tantum conuertere, quantum de substantia corporis dissipatum est; & ideo non potest toto tempore vitæ augeri corpus.

Ad vltimum respondeo, non augeri simpliciter corpus, nisi secundum longitudinem fiat maius: quod vero versus alias dimensiones crescat ultra tempus augmenti, solum est maius fieri secundum quid; & hoc quidem aliquando contingit: quod vero maius fiat secundum longitudinem, numquam. Et ratio vtriusque est, quia ossa duriora sunt, & sicco temperamento constant, atque ex difficiliore alimento nutriuntur, nempe ex medulla facta ex sanguine, ideo difficilius augentur, & propterea virtus caloris naturalis extra statum augmenti non est iam sufficiens ad ea augenda, bene tamen aliquando ad augendam carnem molliorem, ac magis humidam, atque ex faciliore alimento nutriendam, propter peculiarem dispositionem corporis.

QVÆSTIO IX.

*An corpus vivens toto tempore vitæ, quo nutritur,
permaneant idem numero, saltem secundum
aliquas partes, vel secundum
omnes varietur?*

VT intelligatur quæstio, tamquam certum est præsuppo- 98
nendum, quod ante, & post nutritionem, & augmentatio-
nem permanet corpus, quod augetur idem numero, quod Ari-
stoteles non solum asserit capit. præsentis, sed sæpe repetit, ut
textu 25. 31. 33. & 35. asserens unam ex conditionibus neces-
sariis ad veram augmentationem esse, quod res, quæ nutritur,
& augetur, permaneat eadem numero ante, & post nutritio-
nem, & augmentationem. Quod probatur evidenti ratione,
quia si non permaneat corpus idem numero ante, & post nutri-
tionem, sequitur nutritionem non distingui à generatione, &
corruptione. Probatur consequentia, quia si non manet idem
numero: nec manet idem secundum substantiam; sed corrumpi-
tur substantialiter corpus, quod erat ante nutritionem, & gene-
ratur aliud: erit ergo nutritio generatio, & corruptio substan-
tialis: quod est falsum.

Hoc supposito iam intelligitur difficultas quæstionis in eo 99
consistens, nam actione caloris naturalis duo fiunt, consumi-
tur ex una parte substantia propria corporis, & resoluta in va-
pores, & excrementa diminuitur corpus: ex alia vero parte
conuertitur alimentum in substantiam eiusdem corporis, ut
reparetur id, quod deperditum est: & si maior sit pars alimen-
ti conuersa, quam deperdita ex corpore, augetur corpus. Ex
quo sequitur corpus semper mutari, recedentibus partibus,
quas habebat, & accedentibus aliis distinctis saltem ex parte
materiæ, & aliquando ex parte formæ, si anima sit diuisibi-
lis; tunc enim necessario videtur corrumpi pars formæ cum
parte materiæ, quam informabat, & novam quoque partem
formæ produci ad informandam materiam eiusdem alimenti
conuersi. Et cum transmutationes istæ fiant per totam vitam,
sicut fit nutritio, non videtur ad finem vitæ permansere vlla
pars earum, quæ habuit corpus, dum primò fuit genitum.
Mutatis autem partibus substantialibus, tam ex parte for-
mæ, quam ex parte materiæ, mutatur entitas, & substantia
rei: ergo merito dubitatur, an maneat idem corpus numero
ante, & post nutritionem, & augmentationem toto tempore
vitæ,

vitz, vt voluit Aristoteles, & probatur ex differentia inter generationem, & nutritionem.

100

Sed certum est secundo, idem numero manere corpus, cuius anima est indiuisibilis, saltem ex parte formæ, vt in hominibus, atque etiam in animalibus perfectis, quorum animæ non sine probabilitate ponuntur à multis indiuisibiles. Et huius ratio est manifesta, quia cum anima careat partibus, sequitur per diminutionem corporis nullam partem earum deperdi posse; sed solum deperditur pars materiæ, quam informabat anima indiuisibilis: tota verò ipsa anima, quæ illam inadæquatè informabat, definit eam informare permanens tota in reliquis partibus: vnde sequitur permanere eandem numero formam in nutritione horum corporum per totam vitam; & cum identitas numericæ rei præcipuè sumatur à forma, permanebit idem numero corpus ex principaliori saltem parte. Solum ergo habet locum difficultas questionis in videntibus, quorum animæ sunt diuisibiles secundum sententiâ Aristotelis, & communem Scholæ, vt in plantis, & imperfectis animalibus, qualia censentur reptilia.

Et prima opinio asserit in nutritione, & augmentatione horum idem numero corpus permanere toto tempore vitæ, quia licet deperdantur partes materiæ, & aliæ diuersæ acquirantur per conuersionem alimenti, & ideo ex parte materiæ non omnino permaneat idem numero corpus, nulla tamen pars formæ deperditur, quia illa pars formæ, quæ informabat partem materiæ deperditæ, quasi retrahitur ad aliam partem proximam ex his, quas informabat prius, & ita manet eadem numero forma, à qua præcipuè sumitur identitas numericæ corporis: & ita eadem anima numero, & secundum omnes partes permanet semper. Ita albertus Magnus opusc. de nutritione titulo primo, capit. 3. & titulo 2. capit. 1. Philop. 1. lib. de Generatione, capit. 5. Nimphus ibid. tex. 210. & Albertus Saxoniz quæst. 12. Burleus tractat. de intentione, & remissione formatum. cap. 3.

101

Probant testimonio Aristotelis textu 36. & 37. huius capituli asserentis augmentum fieri secundum partes formales corporis, non secundum materiales; & reddit rationem, quia cum in augmento debeat permanere illud, quod augetur, & forma rei permaneat semper, vt forma carnis, & ossis; materia verò ex parte recedat, & ex parte adueniat de nouo per conuersionem alimenti, necesse est secundum formam fieri augmentum, & non secundum materiam. Hæc autem ratio nihil valeret, si forma rei variaretur secundum partes aduenientes, & recedentes,

dentem, nam tunc non magis augmentatio fieret secundum formam, quàm secundum materiam. Probat deinde ratione, quia si cum parte materiæ deperditur etiam pars formæ, & cum noua parte materiæ aduenientis ex conuersione alimenti aduenit etiam noua pars formæeductæ de potentia eius, sequitur aliquando contingere, ut nulla pars materiæ, neque formæ, ex his, quæ habuit corpus, dum primo fuit genitum, permaneat in senectute, aut in fine vitæ, & ideo nec permanere idem numero corpus, sed esse aliud numero diuersum: quod patet esse contra rationem nutritionis, & augmentationis. Probatur consequentia, quia motu quodam continuo desinunt partes, & adueniunt aliæ; ergo per totam vitam variantur omnes. Sed omnibus variatis, necesse est variari totum, quod non habet aliam entitatem præter entitatem partium: ergo non manebit idem corpus numero.

Hæc tamen sententia falsa est; quod probo ex natura animæ diuisibilis, quæ ita dependet à materia, sicut nata est eam informare, nempe tota forma totam materiam, & pars partem: ergo dependet quælibet pars formæ à sua parte materiæ, & cum educatur talis forma de potentia materiæ, quælibet pars eius determinata educetur de parte determinata materiæ, à qua nata est dependere: ergo consumpta hac parte substantiæ viventis per actionem caloris naturalis desinit hæc pars formæ, à qua informabatur hæc pars materiæ, eam informare: & non potest naturaliter permanere separata à materia propter naturalem dependentiam ab illa: ergo peribit. Probatur consequentia, quia naturaliter repugnat informare aliam partem materiæ eiusdem corporis, cum quælibet sit informata sua parte formæ, & non possit naturaliter eadem pars materiæ informari duplici parte formæ sicut materia totalis non potest informari duplici totali forma. Ex quibus sequitur necessarium esse, quod consumpta naturaliter quælibet parte corporis, & recedente materia, pereat etiam pars formæ. Et eadem ratione probatur, 102 quod nouæ partes formæ adueniant cum nouis partibus materiæ alimenti, nam partes materiæ, quæ adueniunt, non possunt informari à partibus animæ præexistentibus in corpore, quia quælibet pars formæ dependet à quælibet parte materiæ determinatæ, sicut tota forma à tota materia; ergo sicut hæc non potest naturaliter simul informare duas totales materias, ita non potest eadem pars formæ simul informare duas partes materiæ: quare necesse est, educi nouas partes animæ de nouis partibus materiæ aduenientis à quibus informantur.

Ideo secunda opinio concedit, quod consumpta quælibet parte

parte substantiæ viuientis corporis, sicut recedit pars materiæ, ita perit pars formæ à qua informabatur, & sicut adueniunt nouæ partes materiæ ex conuersione alimenti, ita adueniunt cum eis nouæ partes harum animarum eductæ de potentia earum. Negat tamen, quod omnes partes materiæ, & formæ variantur, quia distinguit duplices partes integrantes in quolibet corpore viuente, quasdam, quasi fluentes, ex quibus consumuntur aliquæ per continuam actionem caloris naturalis, & loco earum succedunt aliæ, & ita per continuam corruptionem earum, & aduentum aliarum, in fine vitæ omnino variatæ censetur, tam secundum formam, quàm secundum materiam: & secundum has partes non manet idem numero corpus per totam vitam. Sed aliæ sunt partes integrantes permanentes, quas numquam consumit calor naturalis, neque aliquid detrahit ab eis, sed saluæ, & integræ permanent à principio vsq; ad finem vitæ: vade licet augeantur, non tamen diminuuntur, & ideo eadem numero permanent, & ratione earum permanet semper corpus idem numero, licet ratione aliarum quodam modo varietur. Ita Magister sententiarum in 1. distincti, 30. & ibidem Ricardus, Albertus in summa de homine quæst. 1. de potentia generatiua, art. 2. & quæst. de nutritione, & nutritio; Alexand. & Philop. text. 35. huius capituli, Nimphus etiam quæstion. 5. huius libri, eandem opinionem tamquam probabilem defendit.

- 203 Sed in assignandis his partibus inuariabilibus diuisi sunt auctores istam quidam eorum distinguunt duplices partes integrantes in corpore viuente, quasdam spermaticas, quæ immediate generantur ex semine, & sunt omnes illæ ex quibus componitur substantia primò producta per generationem. Alię sunt nutritimentales, quæ quidem producuntur per nutritionem ex conuersione alimenti, & adduntur primis; de quibus asserunt nullo modo, neque vlllo tempore consumi, aut variari, sed omnino integras, & quasi intactas permanere à principio vsque ad finem vitæ; nutritimentales verò passim consumi, & alias loco earum succedere. Probant isti primo, quia si omnes partes integrantes corporis variantur, & non dantur aliquæ semper manentes, sequitur nec permanere corpus idem numero vsque ad finem vitæ, sed tunc iam esse aliam numero arborem, & aliud numero animal, immo & alium hominem, quod est falsum. Probatur consequentia, quia totum corpus non habet aliam entitatem, vel substantiam præter entitatem, & substantiam partium integrantium: ergo si omnes istæ successiuæ variantur, & non manent aliquæ eadem numero, non manebit idem numero corpus. Secundo, quia si omnes partes variantur,
- ergo

ergo semper renouatur corpus per nutritionem, & nunquam senescet, nec senio conficietur, quia nulla pars eius permanet toto tempore vitæ, sed novas semper habet, quod experientia probatur falsum. Ita sentiunt Alexand. Albert. Nimphus, quos sequitur Toletus.

Alij vero, ut Philoponus, quem sequuntur aliqui ex nouioribus, alio modo distinguunt partes corporis viuentis, siue spermaticæ, vel nutrituales, nam quasdam esse aiunt duriores, & solidiores, ut ossa, nervi, & cartilaginee, quæ semper manent eadem numero, quia non possunt consumi à calore naturali. Aliæ verò sunt molliores, ut caro, & istæ semper consumuntur, & aliæ loco earum succedunt per conuersionem alimentis: itaque duriores, & solidiores augentur, sed non diminuuntur, & ideo nec variantur, sed permanent secundum identitatem numericam, licet augmentum suscipiant, molliores verò augentur, atque diminuuntur, & propterea variantur semper: corpus igitur permanet idem numero à principio usque ad finem vitæ, propter numericam identitatem illarum, quamuis aliquo modo varietur propter variationem harum. 104

Probat primo experientia, quia videmus hominem ob grauem infirmitatem perdere totam ferè carnem; inimo & omnes alias partes subtiliores, & molliores: ossa vero, nervos, immo, & cutem cum cæteris partibus durioribus integras permanere absque vlla diminutione: ergo euident signum est, quod nunquam istæ partes consumuntur, vel diminuuntur. Probat consequentia, quia nulla potest dari fortior causa diminutionis. Probat secundo ratione, quia calor naturalis non habet summam intensiorem, quam habet calor ignis, sed valde temperatus est: & præcipue residet in partibus mollioribus, ut in carne, ut probat experientia: ergo quamuis possit molliores partes consumere parum resistentes, non poterit consumere duriores, ac solidiores; in quibus inuenit resistetiam maximam: unde sequitur integras permanere semper.

Sed hæc opinio quantum ad vtrumque modum eam defendendi, contraria est doctrinæ Arist. & falsa. Probo primum aduersus vtrumque modum, quia Aristoteles, eisdem verbis asserit, quod dum augetur viuens, quælibet pars eius augetur, & dum diminuitur, quælibet pars eius diminuitur; sed per augmentationem augentur omnes partes, siue spermaticæ sint, vel nutrituales, siue duriores sint, vel molliores: ergo omnes etiam diminuuntur. Euidens est Syllogismus, & maior non solum in se est certa, sed conceditur ab authoribus vtriusque modi. Probat autem minor ex textu 32. huius capituli, ubi ita ait Aristoteles 107

*Aristoteles: Videtur itaque eius, quod augetur, quacumque pars au-
gela esse. Similiter autem, & in diminutione minor generata esse, &c.
& text. 35. Adhuc autem quodcumque signum, aut maius, aut mi-
nus factum esse, &c.*

Primus autem modus dicendi est etiam expressè contra
Diuum Thomam 1.p.q.119. art.1.ad 2. Et probatur, quòd sit
falsus; primo, ratione eiusdem Diui Thomæ, quia partes nu-
triméntales eiusdem rationis sùnt cum spermaticis, & ideo cor-
ruptibiles sicut illæ vt os, & caro, quæ de nouo adueniunt per
nutritionem eiusdem rationis sùnt cum osse, & carne produ-
ctis per primam generationem, & corrumpi possunt sicut illa,
& calor naturalis, à quo corrumpi possunt est idem, & debite
approximatus omnibus: ergo sicut hæc potest corrumpere, sic
illa: & est agens naturale: ergo agit circa omnia in quantum
potest, & omnia corrumpit: falsum est ergo, quòd illæ partes si-
ne corruptione permaneant per totam vitam. Secundo, quia si
106 prima substantia, in qua generatur homo; non potest corrup-
pi, sequitur pueros postquam primò geniti sùnt, non indigere
alimento ad reparandum id, quod per actionem caloris, natu-
ralis deperditum est, sed solum vt augeantur: sed consequens
est falsum, & contra experientiam: ergo falsum est etiam, quòd
nihil corrumpatur de prima illa substantia. Probatur minor,
quia euidenter est, quod si paruulus statim postquam natus est,
non alatur: deficit atque consumitur: quod non potest ex alia
causa prouenire, nisi quia calor naturalis incipit statim agere
in illam substantiam, eamque consumere, & ideo indiget ali-
mento primo ad reparandum id, quod consumptum est, dein-
de ad augmentum. Probatur deinde falsum esse secundum
modum de partibus durioribus, & solidioribus numquam cor-
rumpendis: primo quia partes istæ nutriuntur per totam vitam,
sicut molliores, vt fatentur, qui eum defendunt: & probatur eui-
denter ex illo principio Aristotelis ab omnibus recepto, quòd
nutritio sit secundum omnes partes, sicut augmentatio: ergo
107 per totam vitam additur illis aliquid substantiæ nouum: & ni-
hil ab eis detrahitur: ergo sùnt semper maiores, & longiores
etiam post statum, & tempore decrementi: & consequenter to-
tus ipse homo procerioris fiet statura: immo consequenter se-
quitur per totam vitam augeri has partes, & nullum habere
statum, nec augmentationem intrinsecum terminum. Probatur
consequentia, quia si nihil substantiæ ab eis detrahitur per totam
vitam: ergo nihil etiam detrahatur quantitatis. Et si semper
additur eis noua substantia: ergo etiam noua quantitas, & ita
semper fierent maiores, quia nec potest detrahi, nec addi sub-
stantia,

stantia, nisi addita, vel detracta quantitate. Secundò, quia de his partibus durioribus, ac solidioribus duo sunt certa; primum, quòd corrumpi possint, cum consent materia sublunari; deinde, quòd in eis sit calor naturalis, quamuis non tantum in eis vigeat, quantum in mollioribus. Ex quibus probatur, quòd corrumpi possint, quia calor naturalis est agens debitè approximatum respectu earum, sicut respectu aliarum: ergo sicut potest illas corrumpere, ita & has, quamuis difficilioribus, & tardius propter maiorem resistantiam earum. Quemadmodum guttæ aquæ cadentes super lapidem durum, & mollem; utrumque quidem excavare possunt, & excavant, quamuis citius mollem; & durum tardius, etiamsi sit durissimus, propter continuationem: ergo cum sit continua actio caloris naturalis, aliquid semper poterit ab his partibus quantumlibet durissimis extrahere.

His opinionibus refutatis, nostra sententia explicatur tribus 107
assertionibus, quarum prima est, in nutritione viventium imperfectorum, quorum animæ sunt divisibiles, simul cum nova parte materiæ advenit nova pars animæeductæ de potentia eiusdem partis materiæ. Ita Scotus in 4. distinct. 44. quæst. 1. artic. 1. Egidius in 1. distinct. 5. artic. 2. quæst. 3. Marsil. 1. lib. de Generatione, quæst. 11. & 12. Petrus de Mantua tractatu de primo, & ultimo instanti. Palat. 2. lib. de Anima. Toletus quæst. 9. huius capituli, & iuniores multi. Quàm efficaciter probant argumenta facta contra primam opinionem.

Secunda assertio, sicut omnes partes viventis augentur, ita omnes diminuuntur; in viventibus quidem imperfectis, tam secundum formam, quàm secundum materiam; in viventibus vero perfectis, secundum materiam, & secundum extensionem animæ ad eam informandam. Hæc est expressa apud Aristotelem loco, & verbis citatis contra secundam opinionem; & eam tenent Auerroes 1. lib. de Generatione, comm. 38. Dives Thomas in hoc libro lect. 14. ad finem, & lect. 15. in principio, & 1. p. quæst. 119. artic. 1. ad 2. & ibidem Caietanus, Conimbr. 1. lib. Physic. cap. 9. quæst. 5. artic. 2. in fine, & omnes ferè noviores. Et probatur etiam efficaciter argumentis factis contra eandem opinionem secundam.

Assertio tertia, non est necessarium ita diminui omnes partes viventis, saltem duriores, & solidiores, ut ossa, & nervi secundum materiam, aut secundum formam, vel extensionem eius, ut nulla earum, quas habuit à principio suæ generationis, permaneat eadem numero in fine vitæ, sed multæ permanent innatae magnæ ex parte. Hæc est contra iuniores quosdam necessarium putantes, quòd omnes partes varientur. Et proba-

tus hoc argumento, nam partes istæ ex propria natura resistunt maxime actioni caloris naturalis, & ex alia parte calor ipse non ita viger in eis, neque ita intensus est: quare licet agat in eas semper, remississima absque dubio actione, & ferè nihil contumpente; ut probat experientia in infirmitatibus, in quibus licet caro, & aliæ partes molliores multum diminuuntur, duriores vero, & solidiores ferè nihil: ergo talis actio caloris in has partes; licet continua sit, non est tamen sufficiens, ut eas totaliter corrumpat. Probatur etiam exemplo guttarum cadentium super durissimum lapidem, quæ licet motu continuo cadant, & per totam vitam, non possunt totum lapidem corrumpere propter maximam resistantiam eius: ergo licet continua sit actio caloris naturalis, numquam corrumpet totaliter duriores, ac solidiores partes viventis, propter maximam resistantiam earum.

- 108 Ad testimonium Aristotelis pro prima opinione adductum respondeo, quod dum asserit, augmentationem non fieri secundum partes materiales, sed secundum partes formales; per partes formales non intelligit formam substantialem Physicam, ut Philoponus, & Albertus Magnus affirmant; sed nec partes porosas, hoc est, concavitates illas, quas vocamus poros, ut dicunt Matfil. & Albertus Saxonix. Nec etiam partes habentes aliquam operationem in corpore, ut sunt membra eius, ut voluerunt alij. Nec demum partes spermaticas, ut docuit Alexander. Sed ex ipsis verbis Aristotelis duplex expositio vera, & tenenda colligitur: prior est, quod per formam partis intelligatur natura, & species eius, ut caro secundum formam significat carnem secundum speciem, & naturam carnis, per partem verò secundum materiam intelligatur hæc pars, & illa secundum rationem individualement huius partis, ut caro hæc, aut illa, quæ modo producit per nutritionem; vel deperditur per diminutionem: nam ratio specifica cuiusque rei formalis vocatur, sed individualis quasi materialis; & quia necessaria conditio ad proprium augmentum est, quod permaneat semper idem, quod augetur: & natura, atque species carnis, vel ossis semper manet. hæc verò, aut illa pars carnis, vel ossis deperditur, ac variatur: ideo dixit Aristoteles augmentum fieri secundum formam, aut secundum partes formales, & non secundum materiam, vel partes materiales. Secunda expositio est, quod per formam partis intelligat Aristoteles, non substantialem, sed illam, quæ constituit quartam speciem qualitatis; & vocatur etiam figura; ut figura manus, brachij, capitis, aut pedis; de qua evidens est, quod permaneat semper eadem

eadem in partibus corporis: per materiam vero, vel materialem partem, hanc vel illam partem manus, vel brachij, quæ accedit, & recedit per nutritionem, vel diminutionem; de quibus constat non semper manere, ideo secundum formam, vel figuram semper manentem dicuntur augeri partes, non secundum hanc, vel illam entitatem materialem passim recedentem, vel de nouo aduenientem. Verba autem Aristotelis, ex quibus utraque hæc expositio satis apertè colligitur, hæc sunt: *Oportet enim intelligere, quemadmodum si quis mensurabit eadem mensura aquam, semper enim alia, & alia, sic utique augmentatur materia carnis, & non cuiusque partium aliquid adijcitur, sed hoc quidem defluit, hoc autem aduenit, figura autem, & forma cuiusque particula. In his autem, quæ sunt dissimilium partium, hoc magis manifestum; ut manus, quod proportionaliter aucta est, materia enim altera existens manifesta est magis ipsa forma sui, quam in carne, & his, quæ similium partium, ideo & mortui magis videbitur esse adhuc caro, & os, quam manus, & brachium, &c.* Priorem vero expositionem tenet Diuus Thomas 1. par. quæst. 119. artic. 1. ad secundum, & cum eo Toletus quæst. 9. huius capituli, quam sequuntur ferè omnes recentiores. Posteriores verò sequuntur alij. Testimonium autem sic expositum iuxta mentem Aristotelis nihil probat contra nostram sententiam.

Ad argumentum eiusdem opinionis respondet Diuus Thomas 109 in eodem articulo ad quintum, duobus modis contingere, quod varientur partes integrantes alicuius corporis, simul quidem omnes, ita ut loco earum aliæ simul succedant numero diuersæ, vel successiue paulatim definentes una post aliam, & succedentibus etiam successiue aliis loco earum; & si primo modo varientur, certum est, non posse manere eandem rem numero, sed dicetur potius definere esse, & conueri in aliam, cuius forma succedit in eadem materia. Si verò varientur secundo modo, manebit quidem eadem res numero, licet varientur omnes partes materiales eius. Et hoc modo variantur partes viuentis in augmentatione, & diminutione; nam per actionem caloris naturalis quædam consumuntur, & aliæ succedunt ex conuersione alimenti, & uniuntur eidem corpori viuenti per realem, ac Physicam continuationem, & ideo efficiunt vnum numero, quia vnum continuum, & vnum numero idem sunt, ut docet Aristoteles 5. lib. Physicae licet concedamus in viuentibus imperfectis, variari totam materiam, & totam formam, quam habuit à principio; ita ut nulla pars materiæ, vel formæ permaneat, ex his, quæ in principio generationis habuit.

negandum est, quod non sit idem corpus numero in fine vitæ cum eo, quod genitum fuit in principio: & ratio huius est, quia solum variantur partes materialiter, non formaliter; hoc est, solum variantur, vt sunt entitates incompletæ realiter distinctæ, non vt efficiunt vnum numero completum; nam quantum ad constitutionem vnius completi, idem, atque eodem modo illud constituunt superuenientes, ac illud constituebant recedentes, quia continuatio realis efficit eandem rem numero, licet ex diuersis partibus entitatiue distinctis; quod in motu, & tempore satis manifestum est; nam licet partes præcedentes desinant esse, & subsequentes incipiant, & ideo semper sint diuersæ partes secundum entitatem, ex quibus constituuntur successiua hæc; realis tamen continuatio efficit, vt semper sint eadem numero, nisi realiter interrumpantur; nam tunc cessante continuatione cessat identitas numerica.

- 110 Et si dicatur ex hoc sequi, non alio modo esse vnum numero corpus viuens à principio vitæ vsque ad finem, ac dicitur vnus populus, vel fluuius à principio vsque ad finem, quamuis in fine, immo post paucos annos nullus homo permaneat ex his, quos habebat prius. Respondeo aliquam esse similitudinem in exemplo populi, ac fluminis: sed maximam differentiam, quia populus non est vnus numero identitate Physica, sed morali, in quantum diuersi homines succedentes subordinantur eisdem legibus; corpus vero est idem numero identitate Physica propter Physicam continuationem partium succedentium cum præcedentibus, & præexistentibus, & quamuis flumen sit idem numero identitate Physica ratione realis continuationis aquæ, maiorem longe habet identitatem Physicam corpus, quod augetur, quia fluuius nullam habet partem aquæ eandem numero, cum ea, quam habebat prius, sed omnes fluunt, & ideo solum possunt idem numero flumen efficere per continuationem, sed non omnes partes viuentes fluunt, etiam per totam vitam, quin potius solidæ, ac præcipue omni ferè ex parte permanent, vt probauimus, quare longe perfectius est idem numero in fine vitæ, quam flumen, cum sit idem non solum per realem continuationem omnium partium, sed per realem, ac materialem plurius, ac præcipuarum. Hæc autem vera sunt, etiam si admitteremus omnes partes integrantes materiæ, & formæ variari; sed cum permaneant duriores, & solidiores magna ex parte, quæ sunt quasi fundamentum cæterarum, maiori ratione dicitur permanere idem corpus numero, etiam in viuentibus, quorum animæ sunt diuisibiles; & si contingat nullas habere partes duriores, vt videtur contingere in quibusdam reptilibus imperfectis,

fectis, adhuc in his dicimus non variari omnes partes, quia quamvis molliores sint, calor tamen naturalis in eis est debilissimus, unde nunquam eas consumeret omni ex parte.

Ad primum argumentum primi modi defendendi secundam opinionem respondeo primo, negando antecedens, quod omnes partes corporis varientur, nam licet forte varientur molliores totaliter, de durioribus probatum a nobis est non variari totaliter; & ideo ex parte illarum non sequitur totum variari. Secundo, respondeo, quod etiam si concedamus variari omnes, neganda est consequentia: quod non permaneat idem numero corpus in fine vitæ. Et cum dicitur totum non habere aliam entitatem præter entitatem partium, si intelligatur simul unitarum, concedendum est: minor vero, quod entitas partium sit diuersa, distingui debet; nam duobus modis considerari possunt omnes partes per totum vitæ tempus fluentes, primo secundum entitatem materiale, per quam inter sese distinguuntur realiter; & hoc modo diuersam entitatem habent: si vero considerentur ut unitæ per continuationem realem, & Physicam, quamvis successiuam, efficiunt eandem entitatem completam vnam numero; & hoc modo acceptæ non habent aliam entitatem præter entitatem totius, nec totum aliam entitatem præter entitatem earum, sed cum per totam vitam continuentur, efficiunt compositum vnum numero permanens per totam vitam.

Ad secundum neganda est consequentia, quod corpus per totam vitam sic renouetur, ut nunquam senescat; nam licet renouetur in quantum nouæ partes semper ei adueniunt; deficit vero ex parte virtutis conuersiue, quæ est calor naturalis; hic enim repetitur semper ab alimento habente contrarias qualitates, & ideo quasi hebetatur, & impotentior fit ad conuertendum alimentum, & dum non tantum potest conuertere, quantum consumpsit de substantia corporis, diminuitur corpus, & debilius redditur, atque consenescit: & quo plus debilitatur calor, magis, ac tandem moritur. Itaque materialiter, hoc est ratione partium aduenientium renouatur, sed formaliter, hoc est ex parte virtutis deficit, atque consenescit.

Sed aduersus hanc doctrinam sic arguo: calor naturalis, quo plus procedit, magis debilitatur, & ideo tempore diminutionis minorem partem alimenti potest conuertere: ergo eadem ratione minorem quoque partem substantiæ consumer, quare nunquam diminuetur corpus. Probatur consequentia, quia omnis actio est inter contraria: ergo sicut repetitur a contrario in cōuersione alimenti, & ideo debiliior fit virtus eius ad talem cōuersionem, repetietur etiam agendo circa partes corporis,

& eas consumendo, & debilior efficitur virtus eius ad calidam consumendas, & minores poterit consumere. Respondet, concedendo, quod repatiatur in vtraque actione, qua agit circa alimentum, & circa partes corporis, sed multo minus in illa actione, quam in hac, quia alimentum magis dissimile est, & maiorem habet contrarietatem cum calore naturali, ex parte qualitatuum, ac dispositionum, quibus afficitur, quam partes corporis, ut per se est manifestum: & ideo longe difficilior est conuersio eius in substantiam, quam conuersio partium in vapores, & excrementa & plus repatitur calor in vna conuersione, quam in alia: quare licet debilioretur in ordine ad vtramque efficiendam, & quo plus procedit, minorem efficiat vtramque: sed multo magis debilitatur in ordine ad conersionem alimenti longe difficiliorē, & propterea minus potest de alimento conuertere in statu diminutionis, quam de substantia corporis consumere; & hæc est causa propter quam, quo plus procedit vita hominis magis diminuitur, & tandem moritur.

Sed arguo secundo, aduersus eandem solutionem, quia ex ea sequitur nullo tempore posse augeri viuens, quod est falsum. Et consequentiam probō, quia si aliquo tempore augeri posset, maxime à prima sui generatione vsque ad statum; sed hoc tempore non potest: ergo numquam. Probatur minor, quia si hoc tempore potest augeri, ideo erit; quia calor naturalis fortior est, & ideo potest plus alimenti conuertere, quam de substantia corporis consumere: sed hoc est impossibile. Probatur ex solutione precedenti; nam si alimentum magis contrarium est, quam substantia corporis viuētis, ut dicebamus: & consequenter fortius resistit; & propterea difficilius conuertitur, & magis debilitatur calor ex actione circa illud, quia magis ab eo repatitur: ergo minus conuertere poterit de alimento, etiam tempore augmenti, & plus consumere de substantia corporis minus resistenti: minusque proinde debilitante eundem calorem: & ita neque hoc tempore augebitur corpus. Respondet diuersam esse rationem de tempore augmenti ac de statu, & 114 tempore diminutionis. Et differentia consistit in duobus, quarum primum se tenet ex parte corporis viuētis, & aliud ex parte alimenti: nam dum corpus primò genitum est, duo possunt in eo considerari, primum est, quod purissimam habeat substantiam ex materia seminis immediate genitam, & ideo nullam habentem admixtionem alicuius aduentitiæ substantiæ, vel qualitatis, aut dispositionis extraneæ, ex parte cuius maioris virtutis est resistendum calori, & minori resistentia indiget quia quo purior est, magis est ei cōnaturalis calor, & minorem habet

habet cum eo contrarietatem, & ex consequenti remissius aget calor in eam : quod adeò verum est, vt plures censcant nura- quam pati, neque consumi ab eo, vt vidimus, & refutauimus. Aliud est, quod in eadem substantia primò producta considerari debet, nempe paruitas materiæ, & quantitatis : defectu cuius tenera, atque imbecilliora sunt membra eius ad exercendas operationes : & licet ratione primi, minus consumatur per actionem caloris ; sed ratione secundi, parua consumptio debiliorem eam efficit. Et propterea, nisi breui ei succurratur subministrato alimento, breui etiam peribit. Secundum verò, in quo consistit differentia vtriusque status, tenet se ex parte alimenti, quod in ætate illa subministrari debet proportionatum quidem tenetudini, ac imbecillitati corporis, quam habet in parua illa quantitate geniti, & ideo talis conditionis, vt facile possit conuerteri in substantiam. Et ex vtraque differentia sic explicata intelligitur corpus viuens in prima ætate plus alimenti conuertere, quam de propria substantia consumatur, sed quo magis augetur, minoris virtutis efficitur eius substantia ; quia substantia ei adueniens ex conuersione alimenti aduentitia est, atque extranea ; neque ita conaturalis calori naturali propter maiorem admixtionem extraneæ qualitatis : per admixtionem igitur huius aduentitiæ substantiæ puritatem illam antitrit prima, eum qua genita est, & debilior efficitur ad resistendum ; & maiorem contrarietatem acquirit cū calore naturali, & ideo magis ab eo consumitur : sed ex alia parte crescente quantitate eius magis roboratur ad agendum circa alimentum, quod valde necessarium est, quia alimentum postulat magis solidū, & ideo difficilius conuertendū. Quibus ex vtraque parte consideratis intelligitur toto tempore primæ ætatis plus alimenti posse conuertere calorē, quam sit substantia corporis ab eo consumpta, & ideo toto illo tempore crescere posse.

Ad primum argumentum secundi modi defendendi eandem opinionem, negandum est antecedens, quod tempore infirmitatis non diminuuntur partes duriores corporis, semper enim diminuuntur, & semper reparatur aliquid, vel etiam totum, quod de substantia earum consumptum est, vt probauimus refutantes hunc modum dicendi. Sed quod ex his partibus diminuitur, siue tempore infirmitatis, siue quouis alio paucissimū est, & imperceptibile per sensum, & hoc propter maximam resistantiā earum, & remissam valde actionem caloris naturalis : & ideo nō iudicat sensus, quod aliquid sit detractum ab eis, sed iudicat intellectus propter efficaces rationes à nobis adductas, per quas sensus debet corrigi, vt sepe in rebus aliis contingit.

Ad secundum concessio antecedente, quod calor naturalis minus vigeat in partibus solidioribus, & ideo remissius agat circa illas, & magis ipsæ resistent, quàm molliores, neganda est consequentia, quod nihil earum consumatur per actionem eius, sed consumitur quidem paucissimum, & quod sensu non potest percipi, vt iam probauimus.

QVÆSTIO X.

An augmentatio, & diminutio distinguantur specie?

- 116 **D**Vo sunt circa hanc quæstionem disputanda; primum est, an augmentatio, & diminutio distinguantur tamquam duo motus positiui? Secundum, an distinctio earum sit specifica, vel solum accidentalis? Et ideo in duas partes diuidenda est quæstio claritatis gratia. Et circa primum asserit prima opinio aliquorum; augmentationem, & diminutionem esse duos motus positiuos. Probant testimonio Aristotelis 3. lib. Phys. text. 18. vbi postquam separauit motus positiuos & propriè sumptos, qui versantur inter terminos positiue contrarios, à mutationibus, quæ versantur inter terminos priuatiue solum oppositos, qualis est generatio; numerat motus positiuos, & asserit esse tres, nempe motum circa quantitatem, circa qualitatem, & circa vbi: deinde motum circa quantitatem in communi consideratum asserit, non habere proprium nomen, benè tamen in speciali, quia diuiditur in eum, qui tendit ad maiorem quantitatem, & vocatur augmentatio; & in eum qui tendit ad minorem, & vocatur diminutio: ergo numerat augmentationem & diminutionem inter proprios motus, & vt tales eos distinguit per terminos positiuos. Probant idem ratione, quia motum esse positiuum, vel negatiuum, cognosci debet ex termino ad quem, à quo accipit quilibet motus suam speciem, sed non minus tendit diminutio in terminum ad quem positiuum, quàm augmentatio; ergo non minus est motus positiuus, quàm illa. Probat minor, quia dum viuens conuertit plus alimenti, quàm amisit de propria substantia per actionem caloris naturalis, dicitur augeri, quia acquirit maiorem quantitatem, quàm habebat, & ideo augmentatio dicitur motus positiuus, quia terminatur ad maiorem quantitatem: si verò minus conuertat de alimento, quàm amisit de propria substantia, dicitur diminui, quia non tantam acquirit quantitatem, quantum habebat prius, sed minorem; minor verò quantitas est terminus positiuus: ergo non minus habet terminum positiuum

tium diminutio, quam augmentatio; & ideo non minus erit motus positivus.

Secundò, quia diminutio non est sola deperditio quantitatis, alioqui non distingueretur à corruptione; sed tunc dicitur aliquid diminui, quando deperdit aliquid ex quantitate, quam habebat prius, & aliquid etiam retinet, & ideo minorem habet: ergo diminutio tendit per se in minorem quantitatem per deperditionem alicuius, sed minor quantitas est terminus positivus: ergo diminutio motus positivus est; licet negationem etiam quantitatis deperditæ includat.

Secunda opinio tenet augmentationem, & diminutionem non differre tanquam duos motus positivos, sed tanquam motum positivum, & negativum: ita ut augmentatio sit motus positivus, diminutio vero negativus eo fere modo, quo differunt sub genere mutationis generatio, & corruptio. Ita Fonseca §. Metaph. c. 13. q. 9. section. 4. Conimb. 4. lib. Phys. q. 2. ar. 2. & omnes fere recentiores: & hæc est probabilior, & tenenda.

Sed, ut eam probemus: tanquam certum supponendum est, diminutionem per se includere deperditionem alicuius quantitatis, quæ verè est corruptio eius. quod sic probò: Non est intelligibile aliquid diminui, nisi deperdat aliquid ex quantitate, quam habebat prius, & per hoc diminuitur, quia aliquid deperdit: ergo diminutio per se includit deperditionem, vel corruptionem alicuius quantitatis. Antecedens probò, quia diminui est minus esse, quam erat prius: sed non est minus, nisi per deperditionem alicuius, quod habebat prius: ergo diminutio per se dicit deperditionem, vel corruptionem alicuius quantitatis præhabita. Secundò supponendum est, quod diminutio præter deperditionem non includit acquisitionem alicuius quantitatis: quod non minus efficaciter probat hoc argumentum. Tota ratio diminutionis in eo completur, quod aliquis quantitatis præhabita deperdat, & aliquid eiusdem permaneat: ex his enim solis intelligitur corpus diminutum; ut per se patet: sed quantitas permanens non est de novo acquisita, sed præhabita ante diminutionem simul cum deperdita: ergo per diminutionem nulla quantitas acquiritur. Tertio supponendum est, quod præter deperditionem alicuius quantitatis præhabita, & permanentiam alterius, duo solum positiva possunt intelligi in diminutione: unum est relatio quantitatis permanentis ad totam illam, quam habebat corpus prius, quam diminueretur, vel ad aliam æqualem alterius corporis: dicitur enim quantitas permanens post diminutionem minor, vel inæqualis respectu totius quantitatis præhabita, vel respectu alterius quantitatis æqualis præhabita. Et ratio minoris, vel

inæqualis, relatio quædã est; & ideo entitas positiua. Aliud verò, quod acquirit de nouo quantitas permanens post diminutionem, est modus essendi completus: nam cum esset pars totius quantitatis præhabite aut diminutionem, post eam habet modum totius eo modo, quo vna pars aquæ diuisa ab alia acquirit nouum modum essendi completum, cū sit iam totū per se subsistens. Sed neutrum horum potest terminare motum positium per se: non relatio, quia ad relationem non datur motus per se, nec modus essendi completus, quia non indiget motu, sed sine illo acquiritur, & per accidens omnino sequitur respectu diuisionis, vt patet in exemplo diuisionis aquæ: quia diuisio solū est motus localis, per quē nō potest per se acquiri, nisi localis præsentia, vel vbi. Eadem autē ratione sequitur modus ille essendi completus quantitatis permanentis deperditionem quantitatis præhabite, quia nō indiget motu aliquo, per quē producatur, & respectu deperditionis per accidens sequitur: nā cum deperditio sit corruptio quædam, nō potest per se producere, vel per se terminari ad modum illum positium: ergo non terminat motum aliquem per se. Probatur consequentia, quia à nullo agente particulari per se producitur: nō enim à calore naturali corruptente quantitatem deperditam, qui solum poterat per se intendere productionem alterius corporis in quod resoluitur substantia deperdita: & non est aliud agens particulare, à quo possit produci per motum, ergo nec potest per se terminare motū positium.

219 Ex his tribus suppositis, & probatis colligitur hoc argumentum efficaciter probans diminutionem non esse motum positium, sed solam deperditionem, vel corruptionem alicuius quantitatis præhabite. Per diminutionem non acquiritur per se aliquis terminus positius, sed solum non esse quantitatis partialis: ergo non est motus positius, sed negatiuus. Euidens est consequentia: & antecedens probatum est efficaciter ex tribus suppositis. Licet autem non terminetur per se diminutio ad minorem quantitatem permanentem, sed ad non esse deperditæ, connotat tamen ordinē ad illā, ratione cuius dicitur quasi partialis corruptio distincta à totali: si enim nulla permaneret quantitas, esset totalis corruptio eius, & non diminutio. Itaque non distinguitur diminutio quantitatis à corruptione eius, nisi tamquam partialis à totali; & hanc distinctionem cognoscimus ex connotato, nempe ex ordine ad quantitatem permanentē. Nam si aliquid eius permanet, non est totaliter corrupta.

Ad testimonium Aristotelis respondeo diminutionem inter motus positiuos enumerasse, quia licet essentialiter solum terminetur ad non esse quantitatis partialis, consequenter connotat

connotat minorem quantitatem permanentem, vel ordinem ad illam quæ ratio quædam positiua est, per quam distinguitur aliquo modo à corruptione totali, & cæteris mutationibus in terminum pure negatiuum tendentibus.

Ad primum argumentum neganda est minor, quod diminutio tendat per se in terminum positiuum, nempe in minorem quantitatem, sed solum tendit per se in non esse quantitatis, quæ deperditur. Et dum dicitur motum illum consequentem conuersionem minorem alimenti, per quam producit minor quantitas, quam fuerat deperdita, esse diminutionem; negandum est, quia repugnat rem diminui, nisi ratione alicuius deperditionis. Per illum verò motum nihil quantitatis deperditur: ergo non potest esse diminutio, sed per se loquendo est motus ad quantitatem, quam sequitur per accidens relatio minoris respectu totius quantitatis præhabita: diminutio verò in sola deperditione consistit, connotans quantitatem permanentem.

Ad secundum negandum est antecedens, quod diminutio non consistat in sola deperditione quantitatis. Et cum dicitur non distingui à corruptione, respondeo non distingui tamquam motum positiuum ab eadem, sed tamquam negatiuum partialem à totali; quam distinctionem cognoscimus per connotationem quantitatis permanentis, & non censemus esse specificam, vel essentialem, sed accidentalem tantum, quia sicut totum, & pars eius non distinguuntur specie, ita neque corruptio totius, & partis. Propter hanc vero distinctionem accidentalem explicatam per connotatum diminutionis, sortiuntur distincta nomina, & numerantur pro diuersis motibus, vel pro motu, & mutatione, nam corruptio inter mutationes, diminutio vero inter motus, quia per se est successiua, sicut augmentatio, licet non sit positiuus motus, sed negatiuus. Et dum dicitur, illud diminui, quod aliquid quantitatis deperdit, & aliquid retinet, distinguendum est, nam licet utramque contineat diminutio, non tamen per se, sed solam deperditionem: retinere verò aliquid quantitatis, non per se, sed ex connotato dicit, ut expositum est.

Dubium secundum de modo distinguendi augmentationem, & diminutionem.

Sequitur secunda pars quæstionis, an augmentatio, & diminutio distinguantur specie, vel solum accidentaliter? Circa 111
quam prima opinio aliquorum ex his, qui putant diminutionem esse motum positiuum, tenet distingui specie tamquam duos motus positiuos. Probât primò, motus positiui per se tendentes in terminos per extremum oppositos, sunt oppositi, & ideo
specie.

specie distincti, quia opposita sunt specie distincta; sed augmentatio, & diminutio tendunt per se in maximam, & minimam quantitatem, quæ sunt extrema opposita quantitatis corporis viuentis: ergo sunt motus positui per extremum oppositi, atque specie distincti. Probatur minor, quia viuens per se postulat maximam quantitatem, ultra quam non potest crescere; & etiam minimam, ultra quam non potest diminui, & quælibet augmentatio tendit per se in maximam, & quælibet diminutio in minimam: ergo per extremum opponuntur. Secundo probant, quia per diminutionem acquirit quantitas præhabita nouum modum posituum essendi formaliter distinctum ab eo, quem habebat prius, nempe modum totius completi, cum prius haberet modum partitis: ergo habet terminum ad quem formaliter distinctum ab augmentatione; sed motus distinguuntur specie per diuersos terminos formales: ergo augmentatio, & diminutio distinguuntur specie tãquam motus positui.

Secunda opinio aliorum, qui etiam tenent esse motus posituios, negat omnino distingui specie propter hoc argumentum. Quia distinctio specifica motuum sumitur ex terminis ad quos; sed termini in quos per se tendunt augmentatio, & diminutio, solum distinguuntur accidentaliter: ergo motus ipsi non possunt distingui specie. Probatur minor, quia terminus per se augmentationis est maior, vel maxima quantitas; diminutionis verò minor, aut minima; sed maior, & minor quantitas sunt eiusdem specie, vt per se patet; cum maius, vel minus in quantitate non variet speciem, sicut non variat eam magis, & minus in qualitate: ergo solum sunt termini accidentaliter diuersi.

- 112 Vt nostram sententiam explicemus, hæc distinctio præsupponenda est: distingui aliqua specie, vel genere dupliciter contingit, positiuè, & negatiuè. Illa distinguuntur specie positua, quæ sunt entitates posituæ essentialiter diuersæ, vt albedo, & nigredo. Illa veto distinguuntur specie negatiua, quorū vtrumque importat rationem negatiuam formaliter diuersam; vel vnum rationem negatiuam, & aliud posituam. Et hoc modo distinguuntur genere, vel specie generatio, & corruptio, vt in principio huius libri ostendimus.

Hoc supposito, nostra sententia duo esserit: primum est, augmentationem, & diminutionem non distingui distinctione specifica positua tamquam duo motus positui, vt distinguuntur calefactio, & infrigidatio contra primam opinionem. Secundum est, distingui distinctione specifica negatiua eo modo, quo distinguuntur generatio, & corruptio contra secundam.

Proba

Probatur primum ex dictis in præcedenti dubio, in quo probauimus diminutionem solum per se consistere in deperditione alicuius quantitatis; augmentationem vero in productione quantitatis positivæ maioris: & ideo non distingui tamquam duo motus positivos, sed tamquam motum positivum, & negativum. Ex quo sequitur non posse distingui specie positiva, quia distinctio positiva non potest reperiri, nisi inter extrema positiva. Probatur secundum, quod distinguuntur specie negativa, quia motus distinguuntur specie per terminos, in quos tendunt; sed augmentatio, & diminutio tendunt ad terminos distinctos specie negativa: ergo distinguuntur specie negativa. Minorem probo quia terminus ad quem augmentationis est quantitas maior: diminutionis vero non esse eiusdem: ergo distinguuntur tamquam species positiva, & negatio eius quæ vocatur species negativa.

Ad primum argumentum primæ opinionis neganda est minor ex ea parte, quæ dicit diminutionem per se tendere in minorem quantitatem, sed solum tendit per se in non esse maioris cōnotando permanentiā minoris, ut probavi in primo dubio.

Ad secundum distinguendum est antecedens, quod per diminutionem acquirat quantitas præhabita novum modum essendi: nam per se loquendo, neque quantitas minor, neque modus essendi eius acquiritur per diminutionem: cum diminutio per se solum sit corruptio alicuius quantitatis præhabitæ: per accidens vero sequitur talis modus essendi quantitatis permanentis, sicut ex diuisione alicuius corporis sequitur per accidens modus essendi completus utriusque partis. Et ex hoc intelligitur talem modum essendi, vel quantitatem sub eo, non esse per se terminū diminutionis, sed ad summum per accidens, & ideo non distingui specie positiva, sed solum negativa, quia distinctio specifica solum sumitur ex termino per se. 123

Ad argumentum secundæ opinionis neganda est minor ex ea parte, quæ asserit diminutionem per se rendere in minorem quantitatem, non enim tendit per se, nisi ad non esse quantitatis maioris, ut probauimus, & ideo non distinguitur accidentaliter ab augmentatione, sed essentialiter, quia esse, & non esse eiusdem rei essentialiter suo modo distinguuntur, ut per se est manifestum. Quæ autem de distinctione augmentationis, & diminutionis dicta sunt, eodem modo debent intelligi de distinctione intensionis, & remissionis sub alteratione, & propterea hanc quætionem non disputauimus in tractatu de alteratione, sed in præsentem de augmentatione remisimus.

De rarefactione, & condensatione.

124 **R**arefactio, & condensatio magnam habent similitudinem, & affinitatem cum augmentatione, & diminutione, vt ex rationibus earum constabit, & ideo proprius locus agendi de illis est post explicationem augmentationis, & diminutionis: tria vero explicanda sunt de vtraque. Primum, an per eas acquiratur noua quantitas, vel deperdatur antiqua: secundum, an terminentur per se ad qualitatem, vel ad quantitatem, aut ad vbi, vel localem presentiam, tertium, an corpus paruum, cui nihil additur, possit fieri magnum sine rarefactione per diuinam potentiam. Ad hæc vero explicanda, præsupponendum est, quid nominibus ipsis rarefactionis, & condensationis significetur. Rarefactio apud omnes Philosophos antiquiores, ac recentiores significat mutationem corporis, per quam partes eius magis distantes fiunt inter sese, & maiorem extensionem acquirunt, maioremque locum occupant, vel occupare possunt, vt varias opiniones circa quidditatem eius comprehendamus. Densitas vero mutationem corporis, per quam partes eius minus inter sese distantes fiunt, & quasi ad minorem extensionem se recipiunt, minoremque locum occupant, vel occupare aptæ sunt.

Intellecta autem nominum significatione, facile intelligitur, rarefactionem, & condensationem esse in rerum natura, quod certum fuit semper apud omnes Philosophos: deinde euidens experientia id nobis ostendit: nam videmus rarefieri aquam, & vapores condensari, dum illa maiorem extensionem acquirit, quam prius habebat, & vapores minorem, dum in nubem transeunt. Quid autem utraque sit, ex tribus quaestionibus propositis constabit, quarum prima est.

QVÆSTIO I.

*An per rarefactionem acquiratur noua quantitas,
& per condensationem deperdatur?*

125 **V**T perueniamus statim ad difficultatem huius quæstio-
nis, tamquam certum præsupponendum est illud, in quo
omnes conueniunt, videlicet per rarefactionem non acquiri
nouam

nouam substantiam, aut nouam aliquam materiam, nec per condensationem deperdi. Cuius ratio est manifesta, quia corpus, quod rarefit, vel condensatur, solum mutatur accidentaliter per nouam aliquam extensionem, vel quid simile: ergo permanet integrum secundum substantiam: quare nullam substantiam, vel materiam acquirit, vel deperdit. Euidens est consequentia, & antecedens probatur: nam si mutaretur substantialiter, vel desineret tota eius substantia; & conuerteretur in alteram, vel aliqua pars eius. Non primum, quia iam rarefactio esset generatio substantialis; sed nec secundum, quia esset idem quod nutritio: & utrumque est falsum, & contra omnes, qui tamquam certum præsupponunt, rarefactionem distingui à generatione, & nutritione, ut probat euidens experientia; cum videamus aquam condensari, & postmodum rarefieri, & tandem perseuerare post utramque mutationem: aërem etiam in vitro inclusum per facilem compressionem digito factam condensari, & per dilatationem rarefieri: absurdum verò esset affirmare, quod per contactum ita facilem corrumperetur tota eius substantia, vel aliqua pars, & in aliam conuerteretur. Solum ergo potest dubitari, an mutetur corpus, dum rarefit circa quantitatem: ita ut maiorem acquirat, quam habebat prius: & dum condensatur aliquam deperdat, & ad minorem reducat, & de hoc est quæstio præsens.

Circa quam prima opinio tenet, per rarefactionem corporis 126
corrumpi totam quantitatem, quam habebat prius, & produci nouam aliam maiorem, & per condensationem produci minorem corrupta maiori. Ita Gotifredus, quem citat Scot. in 4. d. 22. q. 4. Hispalensis in 2. d. 18. Pomponacius 1. lib. de Generat. q. 10. Probatur, quia si non produceretur aliqua quantitas diuersa per rarefactionem, nec per condensationem corrumpetur præexistens, & produceretur alia minor: sequeretur totam ipsam quantitatem, vel aliquas partes eius simul esse in diuersis locis, vel se penetrare in eodem: sed utrumque est falsum: ergo falsum est, quod sine productione alterius quantitatis, & corruptione præexistentis fiant rarefactio, & condensation. Probatur consequentia, quia corpus per rarefactionem extenditur ad maiorem locum, & per condensationem reducit, ut ad minorem: ergo si eadem permanet quantitas, occupabit illa eadem antiquum locum, & etiam nouum, ad quem extenditur: & si per condensationem eadem permanet, occupabit minorem, quod non videtur intelligibile, nisi quædam partes reducantur ad locum aliatum, quod patet non esse possibile, nisi se recipiant ad eundem locum, quod est se penetrare. Secunda opinio non concedit

concedit produci nouam quantitatem totalem, nec antiquam totalem corrumpi per rarefactionem, sed sine corruptione aliqua totius quantitatis, vel alicuius partis eius asserit posse fieri, non tamen sine productione nouæ partis: neque etiam condensationem, quin aliqua pars quantitatis præexistentis corrumpatur. Ita Scotus ubi supra, Marsil. 1. lib. de Gener. q. 15. Herueus quodlib. 2. q. 15. Buridan. 4. lib. Phys. ad textum 84. Toletus ibidem q. 11. & ex recentioribus nonnulli. Probant primò, quia
 127 extensio partium in ordine ad locum est propria passio quantitatis: ergo repugnat ex alia causa provenire, quam ex eadem quantitate, sicut repugnat, risibilitatem ex alia causa procedere, quam ex natura rationali; sed corpus per rarefactionem acquirit maiorem extensionem in ordine ad locum, & natum est occupare maiorem locum: ergo acquirit maiorem quantitatem. Probatur consequentia, quia sicut extensio non potest procedere, nisi à quantitate, ita maior extensio non potest procedere, nisi à maiore quantitate. Et confirmari potest, quia causa efficiens, vel formalis inuariata non potest habere perfectiorem effectum; sed extensio partium in ordine ad locum procedit à quantitate, & ab ea sola, tamquam à causa efficienti, vel formali: ergo repugnat, corpus habere maiorem, vel perfectiorem extensionem, inuariata quantitate eius; sed corpus per rarefactionem acquirit maiorem extensionem: ergo variatur quantitas eius, & de minori fit maior, quod non est intelligibile, nisi adueniente noua quantitate.

Secundò, quia sic se habet extensio ad quantitatem, sicut intensio ad qualitatem; sed non potest qualitas intendi sine acquisitione nouæ partis qualitatis: ergo nec potest extēdi quantitas sine additione nouæ partis: constat verò per rarefactionem extendi: ergo acquirit nouam partem quantitatis.

Tertiò, quia cum aqua in vase rarefit, acquirit noua puncta: ergo nouas partes. Euidens est consequentia, & antecedens probatur: nam si vas solum sit vsq; ad medietatem repletum, puncta aquæ solum correspondent punctis medietatis vasis; post rarefactionem verò cum plenum sit vas, correspondent omnibus punctis totius vasis: ergo acquisiuit aqua per rarefactionem infinita alia puncta, per quæ correspondet infinitis punctis vasis, quibus non correspondebat prius. Probatur consequentia, quia repugnat, quòd eadem puncta correspondeam pluribus, & paucioribus.

128 Tertia opinio negat contra duas priores per rarefactionem produci aliquam quantitatem totalem, vel partialem, aut per condensationem, corrumpi; sed rarefactionem fieri docet per exten

extensionem eiusdem quantitatis præexistentis ad maiorem locum, condensationem verò per reductionem, vel contractionem eiusdem ad minorem. Ita D. Thom. expressè 4. lib. Physic. lectione 14. his verbis: *Ideo rarum & densum non sunt per additionem partium subintrantium, vel per subtractionem earundem, sed per hoc, quòd una est materia rari, & densi, & 12. quæst. 52. artic. 1. ad 1. vbi ait: Alio modo contingit augmentum per solam intensio nem absque omni additione, sicut est in his, qua rarefiunt, ut dicitur in 4. Physic. Durand. in 1. distinct. 17. quæst. 7. nu. 22. & in 2. dist. 18. q. 1. Capreol. in 4. dist. 12. art. 3. ad 4. Sonzinas 8. lib. Metaph. quæst. 27. §. dico igitur, Nimphus 1. lib. de Generat. comm. 120. & q. 7. Sot. cap. de quantitate in Longica q. 2. & recentiores ferè omnes & hæc est probabilior, & tenenda. Probatur testimonio Arist. 4. lib. Physic. text. 84. in fine, vbi inquit: *Magnitudo, & paruitas sensibilis mollis, non insuper accipiente aliquid materia extenditur, sed quia potentia est in materia utriusque, &c.* Quibus verbis excludit quamcumque additionem, totalem, aut partialem in rarefactione.*

Sed ratione probatur, primò quòd per rarefactionem non corrumpatur tota quantitas præexistens, & tota alia producit de nouo, contra primam opinionem, quia quantitas est propria passio materiæ, eique coarua, vel composita; sed passio non potest corrumpi naturaliter, nec de nouo generari, nisi corrupto, vel de nouo genito composito: ergo si tota quantitas corrumpitur, & alia noua generatur, corrumpentur materia, vel compositum per rarefactionem, & aliud de nouo generabitur, & ita non distinguetur rarefactio à generatione, & corruptione substantiali, quod constat esse falsum.

Secundò, quia omnia accidentia sensibilia inhaerent composito, vel materiæ media quantitate, & omnino dependenter ab illa: ergo corrupta quantitate corrumpentur omnia; sed euidentis experientia docet, in cera rarefacta, aut etiam in aqua condensata eadem permanere accidentia sensibilia, ut idem calor in cera, eadem frigiditas in aqua: ergo falsum est, quòd quantitas corrumpatur, & generetur alia.

Probatur deinde, quod non producat per rarefactionem pars quantitatis, nec per condensationem corrumpatur, contra secundam opinionem, ex illo principio ab omnibus admissio, quod per rarefactionem non producit aliqua pars substantiæ, neque aduenit noua pars materiæ. Ex quo ita arguo. Si per rarefactionem producit pars quantitatis, vnum ex duobus sequitur, nempe dari accidens sine subiecto, vel penetrationem corporum, sed vtrumque est naturaliter impossibile: ergo etiam

erit impossibile, quod producat per rarefactionem pars quantitatis. Probatur consequentia, quia non adueniente noua parte substantiæ, vel materiæ inquirendum est, in quonam subiecto inhæreat pars illa quantitatis de nouo producta: & si dicas in aliqua parte materiæ, vel substantiæ præexistentis, sequitur dari penetrationem. Probatur consequentia, quia qualibet pars materiæ, vel substantiæ, habet suam partem quantitatis: ergo non potest nouam partem quantitatis productam in se recipere, quin habeat duas quantitates, & dabitur penetratio earum: si verò dicas non recipi in aliqua parte materiæ, vel substantiæ præexistentis: sequitur non habere subiectum, quia nulla pars de nouo aduenit, in qua recipi possit.

130. Tertiò probatur ex mysterio Eucharistiæ, quia experientia constat, species sacramentales vini consecrati condensari posse, & condensari aliquando, postea verò rarefieri, & post rarefactionem continere sanguinem Christi, non minus quàm ante illam: si ergo acquiritur noua pars quantitatis in rarefactione, tria sequuntur inconuenientia. Primum, quod per creationem producat, & concurrente ad illam causa naturali, tamquam agente proprio. Probo vtrumque sequi, quia nullum est ibi subiectum, de cuius potentia educatur: ergo fit ex nihilo per creationem: & si fortè dixeris educi de potentia quantitatis præexistentis in speciebus, quia cum sit sine subiecto, & ideo per se, habet vicem substantiæ, à qua sustentantur cætera accidentia. Probo esse falsum, quia si de potentia quantitatis educitur: ergo in eadem recipitur tamquam in subiecto, & ita fiet, quod duplici quantitati extensæ correspondeat idem locus, vel spatium, dabiturque penetratio vtriusque. Deinde certum est, non minus propriè concurrere aërem infrigidantem ad condensationem specierum, quàm ad condensationem alterius vini non consecrati: nam vtraque condensatio naturaliter fit: ergo si per eam producat quantitas, sequitur produci ab eadem causa condensante species, tamquam ab efficiente proximo, & producat ex nihilo per creationem: ergo concurrat causa naturalis condensationis ad creationem eius, quod patet esse impossibile. Secundum inconueniens est, quod producat, & in nullo subiecto inhæreat, sed sine illo sit, quia nulla est ibi substantia, in qua inhæreat. Tertium, quod detur quantitas sine subiecto, sub qua non contineatur Christus, contra communem modum sentiendi totius scholæ. Probatur consequentia, quia Christus non continetur, nisi sub speciebus consecratis: sed pars illa quantitatis de nouo creata non fuit consecrata: ergo sub ea non continetur Christus: & ideo non potest dari sine subiecto, quia

quia accidentia panis, solum manent sine subiecto ex vi transubstantiationis, per quam desinit esse substantia panis conuersa in corpus Christi, in qua inharebant; sed pars illa quantitatis non fuit unquam in substantia panis desinente, tamquam in subiecto; ergo ex vi definitionis eius non potest permanere sine subiecto. Ex quibus sequitur, quod species sacramentales non possunt naturaliter rarefieri, neque condensari, contra communem modum sentiendi omnium scholasticorum, & contra veritatem ipsam, quia certum est, posse ab agente naturali calefieri; ergo etiam condensari & rarefieri.

Probatum tandem, quia si per rarefactionem acquiratur pars quantitatis, & per condensationem deperditur, idem erunt cum augmentatione, & diminutione; quia per se terminabuntur ad maiorem & minorem quantitatem: consequens autem est contra Aristotelem, & omnes; nam Aristoteles semper loquitur de his mutationibus tamquam de diuersis.

Ad argumentum primæ opinionis neganda est consequentia; & cum dicitur, quantitatem per rarefactionem occupare maiorem locum, concedendum est, sed negandum, quod ex eo inferitur, nempe singulas partes quantitatis occupare duplicem locum, videlicet antiquum, & nouum, ad quem se extendunt; hoc enim sequeretur, si rarefactio fieret sine ulla mutatione loci, ita ut quælibet pars corporis immutata prius occuparet nouam partem, & antiquam loci; non tamen ita sit, sed quælibet extenditur ad nouam partem loci deferendo antiquam; maiorem tamen partem loci acquirit, quam habebat, sicut maiorem extensionem ad locum, & ex hoc acquirit totum corpus maiorem locum. Quo autem modo hoc fiat, explicabitur in solutione argumentorum secundæ opinionis, & eo explicato, constabit ex rarefactione non sequi, quod partes corporis sint in diuersis locis simul, vel se penetrent in eodem.

Ad primum argumentum secundæ opinionis concedendum est, extensionem partium in ordine ad locum esse propriam passionem quantitatis, vel certe actum propriæ passionis eius: nam aptitudo formalis occupandi locum est propria passio, ut in prædicamento quantitatis explicando proprietates eius adnotauimus. De hac igitur extensione actuali in ordine ad locum etiam est concedendum, quod non possit prouenire ab alia causa, nisi à quantitate secundum diuersos modos, vel dispositiones, quibus potest se habere in ordine ad locum, vel spatium loci; & ideo secundum eos potest correspondere maiori, vel minori spatio: itaque quantitas ex se habet for-

malem aptitudinem, ut sit actū extensa in loco, & etiam habet aptitudinem, ut sic, vel aliter afficiatur in ordine ad locum, & secundum diuersum modum, quo afficitur; diuerso etiam modo se habet ad locum: per raritatem verò ita afficitur, ut partes eius magis sint inter se distantes; & ideo maiorem habeant extensionem in ordine ad locum, & in maiori loco corrépondeant; & per condensationem ex opposito sic afficitur, ut partes eius magis sint inter se conimctæ, & minus distantes; & ideo minori loco, vel spatio corrépondeant. Ex quo intelligitur, non tenere argum. dum sic arguitur. Actualis extensio in loco, vel spatio procedit à quantitate, & à sola quantitate: ergo maior extensio à maiori; nam consequens distinguendum est, ita ut maior extensio procedat à maiori quantitate, vel ab eadem melius affecta in ordine ad locum, quia sicut quantitas est apta ad occupandum locum, ita eadem quantitas est apta, ut diuersis modis afficiatur, & ut diuerso modo se habeat in actuali extensione ad locum, maiorem, vel minorem habens: cum enim actualis extensio in loco sit accidens quantitatis, ex diuersis etiam modis accidentalibus potest variari; hinc variatione eius secundum entitatem.

- 133 Confirmatio verò concedenda est, nempe quod immutata, vel inuariata quantitas non possit habere maiorem, vel minorem extensionem ad locum, sed dupliciter variari potest, secundum additionem partium, vel secundum diuersum modum se habendi secundum easdem partes; & ita potest utroque modo, vel ex utroque capite variari actualis extensio eius in ordine ad locum, siue procedat ab ea tamquam à causa efficiente, siue tamquam effectus formalis secundarius, utroque enim modo se habens accidentaliter effectus eius est; & ita potest ex aliquo accidenti variari, modum enim accidentis habet, respectu quantitatis habere plures, vel pauciores partes, quamvis partes pertineant ad entitatem, vel substantiam eius; & etiam habet modum accidentis, habere easdem partes magis, vel minus distantes inter se, & illud consequitur per augmentationem, aut diminutionem, hoc verò per rarefactionem, vel condensationem; itaque maior, vel minor extensio actualis in ordine ad locum, non minus potest prouenire ex eadem quantitate accidentaliter variata per rarefactionem, quam per augmentationem, quamvis extensio partium ut sic, proueniat ex quantitate secundum se considerata, hoc est, abstrahente ab his accidentibus sibi naturalibus, & proportionatis. Et exemplum esse potest in calore secundum probabilem opinionem eorum, qui dicunt, perfectiorem posse effectum producere, si sit in materia densa, quam

quàm in materia rara, quamvis eundem habeat gradum intensi-
onis in vtraque. Quo supposito, non sequitur, calefacere pro-
uenit à calore secundum se: ergo perfectius calefacere, provenit
à perfectiori calore, nisi forte sumas calorem perfectiorem, pro
perfectiori accidentaliter, & quasi extensivè, & tunc eodem mo-
do se habet quantitas eadem rarefacta; est enim maior acciden-
taliter per maiorem distantiam partium inter sese, quam habet
per rarefactionem. Et ita possumus ad formam argumenti sic
respondere; cum dicitur. Extensio in ordine ad locum provenit
à quantitate: ergo maior extensio à maiori quantitate. Disting-
uo consequens, à maiori substantialiter, aut entitativè, vel à
maiore extensivè, & accidentaliter: & in primo sensu non est
necessariò verum, bene tamen in primo, vel secundo; & quia ea-
dem quantitas per rarefactionem fit quodammodo extensivè
maior propter maiorem distantiam partium ratione raritatis,
quàm erat secundum entitatem, hoc sufficit, ut possit habere
perfectiorem effectum accidentaliter, hoc est, maiorem exten-
sionem actualem in ordine ad spatium.

Ad secundum, concesso antecedente, quod per intensiorem
qualitatis acquiratur nova pars gradualis intensiōis; neganda
est consequentia, quod per extensionem quantitatis producat
necessariò nova quantitas. Et ratio differentię consistit in di-
versa natura quantitatis, & qualitatis; nam illa non potest in-
tendi, nisi in ordine ad eandem partem subiecti per novam
eductionem de potentia eius; nova autem educio est nova pro-
ductio partis gradualis, ut per se patet; quantitas verò perficitur
per ordinem ad extrinsecum, nempe ad locum, vel spatium, in
quo extenditur; & quia in ordine ad spatium potest ex duplici
capite extendi magis; videlicet per additionem novae partis, at-
que etiam per maiorem dilatationem eandem, quam acqui-
runt per raritatem, à qua habent magis inter sese distare: ideo
potest acquirere quantitas maiorem extensionem in spatio sine
nova parte acquisita, quod contingit in rarefactione, ut supe-
rius expositum est; licet non possit qualitas acquirere novam
intensionem, nisi per additionem novae partis.

Ad tertium negandum est antecedens; quod per rarefactio-
nem producantur nova puncta; & cum dicitur, ante rarefa-
ctionem aquae singula puncta eius correspondere singulis pun-
ctis medietatis vasis, post rarefactionem verò correspondere
etiam infinitis aliis in alia medietate vasis contentis; distin-
guendum est; nam si intelligatur utrisque simul corresponde-
re, videlicet his, quibus correspondebant prius, & aliis, qui-
bus correspondent postea, negandum est; si verò successivè;

concedendum est, ita vt aliis quidem post rarefactionem correspondant, & non his, quibus correspondebant prius, quod possibile esse intelligitur: quia per rarefactionem eadem quantitas dilatatur, & acquirit maiorem extensionem in loco, & ex consequenti minor quantitas correspondet maiori spatio, quod necessario debet fieri per mutationem presentiam, ita vt totum se extendens ad maiorem locum amittat presentiam, quam habebat prius, & acquirat aliam, & singulæ etiam partes, & indiuisibilia amittant partialem, aut indiuisibilem presentiam, quam habebant, & acquirant aliam, & ex consequenti aliis partibus, & indiuisibilibus spatij correspondant, & non prioribus, quibus ante rarefactionem correspondebant, alioquin permanerent omnino inmotæ, quod pugnat cum dilatatione.

- 136 • Sed contra hoc est argumentum difficile, quia ex hac solutione sequitur, nouas partes, & puncta produci per rarefactionem, vel tot partes; & indiuisibilia habere corpus paruum, ac habet magnum, quod non est intelligibile. Probatur consequentia: nam aqua illa ante rarefactionem duplo maior erat vase, post rarefactionem vero adæquatur illi: ergo omnibus, & singulis partibus, & punctis vasis correspondent partes, & puncta aquæ: quare tot partes, & puncta habet post rarefactionem, ac habet vas: ergo etiam ante illam, vel nouas acquisiuit per rarefactionem.

Huic argumento respondent Conimbri. qui nostram sententiam sequuntur c. 5. huius lib. quæst. 17. artic. 4. concedendo, quod tot habeat puncta, & partes paruum corpus, ac magnum, cum vtrumque habeat actu infinita, & vnum infinitum non sit maius altero. Quod probant hoc argumento: si dentur duo circuli concentrici, hoc est, habentes idem centrum, quorum vnus includat in se alterum, tunc omnes lineæ ductæ à centro ad circumferentiam maioris circuli intersecabunt circulum maiorem in puncto, hoc est, tangent in suo transitu punctum aliquod eius: ergo tot erunt puncta in minori, ac in maiori, & consequenter tot partes. Probatur consequentia, quia ad omnia puncta maioris circuli ducuntur lineæ, & per omnia puncta minoris transeunt: ergo non habet maior circulus plura puncta, quam minor, & consequenter nec plures partes; nec ideo vnum infinitum erit maius altero. Nec soluitur argumentum, si dicatur, non posse duci lineas ad omnia puncta maioris circuli per punctum minoris, vel non nisi per penetrationem, ita vt multæ lineæ transeant per idem punctum minoris circuli; quia euident est in Mathematicis, quod à quolibet puncto, in quod

in quodlibet punctum potest duci linea recta: ergo nullum est punctum in minori circulo, per quod non possit linea recta duci, & ideo sine penetratione; nam alioqui aliqua linea posset duci à centro ad circumferentiam maioris circuli, quæ non inueniret punctum, quod tangeret in circumferentia circuli minoris: quod patet esse absurdum.

Hæc tamen solutio supponit falsum, & ideo non potest esse 137
vera; supponit quidem falsum, nempe, quod tot habeat partes, & indiuisibilia corpus patuum, ac habet magnum, quod falsum esse ostendimus 3. lib. Phyl. agentes de infinito, atque efficaciter probantes, quod licet vnum infinitum sub ratione formali infiniti non sit maius altero, quia ratio formalis infiniti consistit in negatione, aut priuatione, vel per illam saltem explicatur, & intelligitur, priuatio autem, vel negatio in facto esse, qualis est hæc, consistit in indiuisibili, & ideo non suscipit magis & minus, sub ratione tamen materiali pro entitate consurgente ex partibus infinitis euidentis est, vnum infinitum esse maius altero, hoc est alias partes continere præter omnes partes alterius. Quod sic ostendo in eodem exemplo maioris & minoris circuli, qui si extendantur in modum lineæ rectæ, euidentis est efficere duas lineas rectas, quarum vna sit. longior alia. Quo supposito ita arguo: linea maior resultans ex maiori circulo habet totam longitudinem minoris, & plus: ergo habet aliquam longitudinem non contentam in ea, & ex consequenti aliquam entitatem realem præter entitatem eius. Ex quo euidenter sequitur plures partes habere, quia habet tot, quot habet linea minor, & alias præter illas, nempe eas omnes, ex quibus constar longitudo, per quam eam excedit, & consequenter sequitur esse maiorem materialiter, hoc est plus entitatis continentem: quia eo ipso, quod in eodem puncto concurrerent, non essent lineæ rectæ. Quod argumentum, nisi euidentis esset, non posset probari, quod totum esset maius sua parte: nam eodem argumento, & non alio probatur sic procedente. Quidquid continet totum, quod continet aliud, & aliquid præter illud, maius est illo: sed totum continet quidquid continet quælibet pars eius, & aliquid aliud, nempe cæteras partes: ergo est maius quælibet parte.

Et si dicatur, argumentum hoc convincere in corporibus, 138
vel quantatibus finitis, non verò in infinitis, quia eo ipso, quod corpus sit actu infinitum secundum magnitudinem, vel multitudinem, repugnat excedi ab alio. Hæc solutio imprimis est manifesta petitio principij, quia pro ratione reddit illud, de quo est controuersia: nam de hoc contendimus, an vnum

infinitum excedere possit aliud, aut esse maius illo. Deinde est contra rationem, quia vna quantitas finita est maior alia, quia continet quiddam illa habet, & aliquid aliud non contentum ab illa: sed hoc idem habet vnum infinitum comparatum alteri, vt per se patet: ergo est maius illo. Et si rursus dicas, non satis esse, quod aliquid contineat vnum, quod non continet aliud, vt sit maius illo, sed requiritur, vt id habeat tamquam finita quantitas: & ideo non satis esse, quod idem habeat quantitas infinita, quia habet tamquam infinita: aperte petis principium, nam de hoc est controuersia, an infinitum hoc habens sit maius, sicut ex hoc est maius corpus finitum.

Ad argumentum de maiori & minori circulo concedendum est antecedens, quod à centro ad circumferentiam maioris circuli possunt duci lineæ terminatæ ad omnia, & singula puncta eius per puncta minoris circuli, ita vt plures non concurrant in eodem puncto eius: sed neganda est consequentia, quod tot habeat puncta minor circulus, ac maior, sed habet pauciora in infinitum; per illa tamen possunt duci lineæ ad omnia puncta maioris: quia ratione dispositionis circularis pauciora puncta possunt correspondere pluribus: quod probatur euidenter exemplo quadrati hoc modo, si ducatur linea inter angulos magis distantes quadrati, quæ vocatur diametralis, euidenter est in Mathematicis posse duci lineas rectas ab omnibus punctis vnus costæ, ad omnia puncta alterius costæ oppositæ per puncta diametri, ita vt non concurrant multæ in eodem puncto eius, sed singulæ pertranscant per singula puncta. Deinde non est minus euidenter, quod si eadem linea diametralis ponatur iuxta alteram costam, erit duplo longior illa, vel saltem eam excedet longitudine aliqua minori determinata. Et tandem euidenter est, quod omnes lineæ rectæ, quæ duci possunt à punctis eiusdem costæ ad puncta eiusdem diametri, non possunt terminari ad omnia puncta eius, sed tantum ad illa, quæ continentur in longitudine æquali; quia secundum hanc tantum longitudinem possunt se correspondere per lineas rectas, vt
 139 per se est manifestum. Ex quibus euidenter sequitur, quod omnia puncta costæ, & omnes lineæ rectæ ductæ ab eis, non ducuntur, nec duci possunt ad omnia puncta diametri, cum non ducantur ad puncta illius longitudinis, per quam exceditur costa ab eodem diametro sic disposito; nec proinde his punctis diametri correspondent in hac dispositione, sed punctis tantum illius longitudinis, secundum quam censentur æquales, & puncta costæ non sunt tot, quot puncta diametri: ergo eadem puncta costæ, & eadem lineæ rectæ ab eis ductæ,
 non

non correspondent tot punctis diametri in hac dispositione positi, ac correspondebant in priori dispositione. Probatur consequentia; quia in priori dispositione correspondebant omnibus punctis eiusdem diametri, & in posteriori non correspondent omnibus, sed solum punctis certæ longitudinis eius, ultra quos restant puncta alterius longitudinis, per quam diameter in tali dispositione excedit costam, quibus non correspondent. Et ex hoc satis apertè colligitur, quòd variata dispositione possunt pauciora puncta correspondere pluribus. Quod eodem modo probatur in eisdem circulis maiori, & minori: nam si protendantur in duas lineas rectas, evidens est, lineam rectam maioris circuli longiorem esse: sit ergo in duplo longior, & tunc si quælibet ponatur iuxta aliam, medietas lineæ maioris circuli erit æqualis integræ lineæ minoris, & duci poterunt lineæ rectæ ab omnibus punctis huius integræ lineæ, ad omnia puncta medietatis lineæ maioris ei correspondentis, non verò ad puncta alterius medietatis (per quam exceditur) sibi non correspondentis: vnde sequitur, quòd in prima dispositione circularis figuræ pluribus punctis correspondebant puncta circuli minoris: in secunda verò dispositione lineæ rectæ correspondent paucioribus.

Et ex tota hac doctrina clarè deducitur solutio argumenti principalis à nobis propositi de aqua rarefacta correspondente toti quantitati vasis, cum ante rarefactionem solum medietati illius corresponderet, quòd consequenter habent partes, & puncta eius; correspondent enim omnibus partibus, & punctis eiusdem vasis, sed non sequitur, novas partes, vel puncta acquisisse; quia possibile est, immo & necessarium, ut probauimus, quòd pauciores partes, & puncta secundum diuersitatem dispositionem respondeant pluribus, adquirunt vero diuersam dispositionem partes, & puncta aquæ per rarefactionem; cum magis distent inter sese, & maiorem extensionem habeant ad locum, ad quem ex consequenti mouentur, dum rarefiunt. 140

QVÆSTIO II.

An rarefactio, & condensatio per se primò terminentur ad quantitatem, vel ad qualitatem, aut ad ubi, seu localem præsentiam.

VT intelligatur quæstio, annoto, quantitatem dupliciter sumi posse. Primò pro ea, quæ est subiectum, quo medio 141

inhærent substantiæ cætera accidentia corporea. Secundò sumitur pro extensione ad locum eiusdè quantitatis, vel alterius rei per ipsam, quæ extensione carere potest eadem quantitas, & cætera omnia, quæ eam participant ab eadem quantitate, vt patet in corpore Christi, cuius quantitas non habet extensionem localem, nec dicitur esse in loco, nisi fortè per accidens ratione specierum sacramentalium; & ex hoc infero, extensionem hanc esse modum quantitatis distinctum ex natura rei ab eadem quantitate. Hoc supposito, dum quaerit titulus quaestionis, an rarefactio sit motus per se primò terminatus ad quantitatem, non intelligitur de quantitate primo modo sumpta, quia ex præcedenti quaestione constat, per rarefactionem, non acquiri nouam quantitatem, sed de quantitate pro extensione ad locum.

Secundò certum est, per rarefactionem acquiri nouam extensionem ad locum; atque ex consequenti nouam præsentiam localem, vt docet expressè Arist. 4. lib. Physic. text. 86. & probat euident ratio, nam corpus per rarefactionem maiorem locum occupat, quam ante illam; ergo maiorem habet extensionem ad locum, & maiori spatio præsens est; sed nec potest habere maiorem extensionem ad locum, nec maiorem præsentiam localem, nisi destructis minoribus; cum constet maiorem extensionem ad locum, & maiorem præsentiam, esse nouum, atque diuersum modum se habendi in ordine ad locum, vel spatium, incompossibilem cum minori: ergo necesse est, corpus per rarefactionem nouam, atque distinctam extensionem acquirere, nouamque præsentiam localem: an verò res sint distinctæ, vel saltem modi realis diuersi ex natura rei, attingemus postea. Quærit ergo titulus quaestionis, an extensio localis, vel localis præsentia, vel vtræque simul, (si eadem entitas realis sit) per se primò terminent motum rarefactionis, & ita non sit alteratio, sed motus localis, vel motus ad quantitatem pro extensione ad locum, aut hos duos motus includat, vel potius sit per se primò alteratio terminata ad raritatem, quæ sit qualitas; consequenter vero, & quasi secundariò terminetur ad extensionem, vel localem præsentiam.

- 142 Et prima opinio asserit, rarefactionem per se terminari ad maiorem distantiam partium inter sese, condensationem verò ad minorem hoc modo factas, vt cum corpus sit poris quibusdam plenum, quæ sunt concauitates quædam, quasi partibus eius insertæ, aliquando partes ipsæ comprimuntur, & per compressionem quasi occludunt eosdem poros, minoresque efficiunt, quò magis ad se inuicem accedunt, & ex hoc fiunt minus distantes

distantes inter sese, & quasi contrahuntur, & hæc contractio corporis est densitas, & acquisitio eius condensatio; aliquando verò dilatantur partes corporis, & maiores fiunt pori & magis separantur partes corporis inter sese; & hæc separatio est raritas, eiusque acquisitio est rarefactio; & cum maior, vel minor separatio, vel coniunctio partium pertineat ad extensionem in loco, vel ad præsentiam localem, asserit hæc sententia rarefactionem, & condensationem esse motus locales compressionis, vel dilatationis. Ita senserunt antiquiores quidam Philosophi, quos citat, & impugnatur Arist. 4. lib. Phys. c. 6. ita etiam sensit Vallesius 4. lib. Phys. tex. 84. & controuersia 27. ad Tyrones, in eo solum differens ab eis, quod illi ponebant poros vacuos omni corpore, Vallesius verò ponit eos corpore aliquo subtili, ut vaporibus repletos, & dum comprimuntur partes corporis, cedere eis corpus illud subtile, non tamen relinqui poros vacuos, sed plenos adhuc subtiliori alio corpore loco prioris ingrediente, vel eos replente, sed per compressionem partium, & per maiorem coniunctionem inter sese minores fiunt pori, & partes ipsæ minus distantes, & per dilatationem magis, quod est condensari, & rarefieri.

Argumentum huius sententiæ vnicum est, quia impossibile est condensari corpus, vel rarefieri, nisi partes eius comprimantur, vel dilarentur, & magis vel minus distantes inter sese fiant, sed etiam impossibile est, magis, vel minus distantes fieri partes solidas, nisi per penetrationem, si non ponatur interuallum aliquod inter eas, vel vacuum omni corpore, vel plenum subtili, quod facile cedere possit: ergo admittendum est hoc necessarium, vel impossibilis censenda rarefactio, vel condensatio, quod admissio, magis vel minus distantes fieri partes contingit per motum localem, quo magis ad se accedunt, vel magis a se recedunt: ergo motus iste localis accessus, aut recessus est rarefactio, aut condensatio.

Hæc tamen sententia falsa est, & experientie repugnat. Et 143 quantum ad primam partem eius ponentem poros vacuos intra corpora, sufficienter impugnata est ab Aristotele eodem loco; deinde quantum ad utrumque sensum, probatur esse falsam multis experientiis: nam in corporibus cælestibus dantur partes quædam densiores aliis, & tamen intra illas non sunt pori, & multo minus esse possunt subtiliora corpora, cum & ipsa sint subtilissima, atque perfectissima, quæ nullum patiuntur aliud corpus intra se consistere. Præterea ignis, & aer sunt corpora rarissima, intra quæ repugnat dari alia subtiliora corpora intra poros eorum consistentia: & de igne evidens est, quod tale corpus intra se non pateretur, sed illud consumeret,

atque

atque etiam aer nullum pati posset præter ignem subtiliorem se; quod verò ignem intra se non habeat, probat evidens experientia: quia per visum, atque etiam per tactum sentiretur: constat vero non sentiri. Alia denique experientia probari potest falsitas huius sententiæ: quia si aqua calidissima concludatur intra vas vndeque opertum, dum se reducit ad antiquam frigiditatem, simul condensatur, & cum se etiam reducat ad minus spatium vasis occupandum, disrumpitur vas, ne detur vacuum in illa concavitate vasis, quam deserit, quod non esset necessarium, si poros, intra se haberet aliquo corpore repletos: nam tale corpus ab eo egressum illam concavitatem vasis replere posset.

144

Secunda opinio tenet, raritatem non esse maiorem distantiam partium inter sese, nec densitatem minorem, nec etiam rarefactionem fieri per dilatationem partium, vel condensationem, aut per compressionem, ita ut vel poros vacuos partes compressæ replant, vel subtiliore alio corpore repletos patiantur: nec raritatem, aut densitatem esse qualitates aliquas, nec rarefactionem, & condensationem alterationes ad illas terminatas, sed raritatem non esse aliud, quam maiorem extensionem corporis in ordine ad locum, vel (quod idem est) maiorem præsentiam localis, & rarefactio, non aliud, quam acquisitio huius præsentiae maioris: densitas verò minor præsentia, minorque extensio in ordine ad spatium, & condensatio acquisitio eius, & cum præsentia localis sit idem, quod ubi ad quod per se terminatur motus localis, consequenter asserit hæc opinio, rarefactionem, & condensationem esse motus locales per se terminatos ad præsentiam localem, vel ubi, sicut cæteros, seu ad maiorem, vel minorem præsentiam, maiorem, vel minorem extensionem in spatio, quæ idem est cum maiori, vel minori præsentia: quare dum rarefit corpus, non movetur pluribus motibus, sed unico motu locali sic explicato. Ita recentiores non pauci, ex quibus nonnulli asserunt moveri duplici motu, quia extensionem distinguunt ex natura rei à præsentia locali, & ideo dicunt primò, & per se moveri ad extensionem, & hunc motum esse rarefactionem, vel condensationem propriè, ac per se, quam consequitur motus localis ad maiorem præsentiam: & quia extensio localis est aliquid quantitatis, vel proprius effectus eius, & per se divisibilis sicut ipsa, asserunt constituere speciem aliam distinctam quantitatis continuæ à tribus, nempe, linea, superficie, & corpore: & ideo rarefactionem, & condensationem per se terminari ad hanc speciem quantitatis, & esse motus per se ad maiorem, vel minorem quantitatem, non quidem ad maiorem,

maïorem, vel minorem quantitatem, prout est subiectum, quo medio inhaerent substantiæ accidentia corporea (quo pacto augmentatio & diminutio terminantur ad quantitatem) quia nulla talis quantitas acquiritur, vel deperditur per rarefactionem, & condensationem, vt præcedenti quæstione probatum est; sed sunt motus per se ad maiorem, vel minorem quantitatem sumptam pro sola extensione maiori, vel minori ad locum.

Probatur hæc sententia. Primò, quia raritas, & densitas non sunt qualitates, sed solum dicunt positiones partium in ordine ad locum pertinentes ad extensionem localem, vel localem præsentiam: ergo rarefactio & condensatio non sunt alterationes, sed motus locales per se terminati ad maiorem præsentiam localem. Euidens est consequentia: quia motus omnes desumunt specie à terminò ad quem: antecedens verò expressum in primis est apud Aristot. in prædicamento qualitaris his verbis: *Rarum vero, & spissum, & asperum, & lenè putabuntur quidem qualequid significare: sed aliena huiusmodi putatur esse à diuisione, qua circa quale est: quamdam enim positionem magis videntur partium utrumque monstrare, &c.* Deinde apud D. Thom. 2. lib. de gener. lect. 2. ubi ita ait: *Rarum autem, & densum, vt in 4. Phys. dicitur, non sunt qualitates Physicæ: sed positio partium materia secundum propinquum in denso, vel secundum remotum in raro.*

Secundò, quia non sunt multiplicandæ entitates, & multò minus motus sine vrgenti necessitate: sed nulla viget necessitas ponendi qualitatem, quæ sit raritas, præter maiorem præsentiam localem, nec alterationem per se terminatam ad illam, quæ sit rarefactio: sed sufficit pro raritate maior præsentia localis, & minor pro densitate, & pro rarefactione, & condensatione sufficientiunt motus locales per se terminati ad illas: ergo non est ponenda qualitas, neque alteratio, pro raritate, & rarefactione. Minor sic probatur, si aliqua esset vrgens necessitas ponendi qualitatem præter localem præsentiam, maxime vt modus, quo sunt raritas, & densitas, facilius intelligatur, vel vt assignetur causa proxima, & quasi effectiua maioris extensionis, vel præsentia localis, sed vtraque ratio, vel causa est insufficiens: ergo non est multiplicanda propter illam, Probatur minor de causa priori, quia tota difficultas intelligendi modum, quo fiat rarefactio, in eo consistit, quod idem numero corpus per rarefactionem possit occupare maiorem locum, vel habere maiorem præsentiam in eo absque aliqua noua causa, per quã alio modo afficiatur eadem quantitas, cum idem, in quãtum idem, semper sit natù facere idem, hoc est, non maius, neque minus, secundum int. phys.

intensionem, vel extensionem vt possit occupare maiorem locum, vel correspondere maiori spatio, quam correspondebat prius, sed ad tollendam hanc difficultatem sufficit assignare pro causa maioris extētionis primas qualitates corporis, nempe calorem, frigiditatem, humiditatem, & siccitatem tali modo attemperatas: ergo prima causa non est sufficiens; sed nec secunda de causa proxima effectiua maioris extensionis, vel præsentiæ, nempe qualitate, quæ sit raritas: quia talis qualitas aliquam debet habere causam proximam suæ productionis in corpore; & hanc sufficeret assignare pro causa maioris extensionis, vel præsentiæ, absque qualitate media, nempe tale temperamentum corporis, vel diuersum, secundum primas qualitates, à quo poterit sufficienter prouenire, vt maiorem, vel minorem præsentiā habeat successiue in loco.

- 147 : Probant tandem experientia: quia per solam compressionem digito factam condensatur aër in vtre inclusus; sed non est possibile, quòd per actionem tam facilem producatu noua qualitas in eodem aëre, quæ sit densitas: ergo non est ponenda, & consequenter nec motus, per quem producatu, quæ sit condensatio, sed sufficit motus localis eiusdem aëris, quem facile intelligimus digito posse fieri.

Præterea, eadem condensatio aëris fit per impulsu digito impressu, sed impulsus non est productiuus alterius qualitatis, sed solius motus localis, & localis præsentiæ, vt per se est manifestu: ergo densitas producta in aëre non est aliud, quàm minor præsentiā localis, neque condensatio erit aliud, quàm motus localis, per quem per se primò producitur. Tertia opinio negat, raritatem, & densitatem esse maiorem, aut minorem extensionem localem, maiorem aut minorem præsentiā: asserit verò esse qualitatem quamdam distinctam realiter ab his, & priorem natura eis, tamquam causam vtriusque, ita vt per eam disponatur corpus ad maiorem extensionem, & maiorem præsentiā localem habendam, vel acquirendam: rarefactionem verò, & condensationem esse motus alterationis per se primò tendentes ad has qualitates, sicut calefactio ad calorem; maiorem verò extensionem in loco, & maiorem præsentiā, consequi naturaliter rarefactionem. Hæc est communis apud antiquos Philosophos, & interpretes Aristotelis: immo eam tenet ex sanctis Patribus Augustinus capit. 12. Cathegoriarum in 1. tomo, Damasc. capit. 12. suæ Physicæ, Boecius, & Albert. Mag. in prædicamen. quantitatis, autor sex principiorum capit. de situ, comm. 4. lib. Phys. text. 84. & ibidem Barleus, Capreol. in 2. dist. 19. quæst. 1. art. 3. Argen. in 2. d. 18. quæst.

quest. unica art. 4. Durand. ibid. q. 1. atque etiam Hispalen. Son-
zinas 8. Metaph. q. 27. Caietan. 3. p. q. 77. attic. 5. etiam si simul
asserat, rarefactionem fieri cum additione nouæ partis quan-
titalis: & ex recentioribus multi, & videtur mihi longè proba-
bilior, & tenenda.

Nam in primis eam absque dubio tenet expressè Arist. 7. lib. 148
Phy. cap. 2. text. 11. & 2. lib. de partibus animalium, c. 1. quibus
locis enumerat qualitates tangibiles, & inter eas raritatem, &
& densitatem: unde non potest, vel apparens expositio adhiberi
his testimonijs ab authoribus secunda opinionis: testimonium
verò ex prædicamento qualitatis adductum ab eis, optimè à
nobis exponetur suo loco, sed clarius adhuc loquitur Arist. 4.
lib. Phyl. text. 86. his verbis: *Densum enim, & rarum secundum
hanc contrarietatem lationis faciunt, secundum autem ipsam
durum, & molle, passionis, & impassibilitatis, & non lationis, sed
alterationis magis.* Quibus densum, & rarum causam esse do-
cet duplicis contrarietatis qualitatum, nempe gravitatis, &
leuitatis: atque etiam dicitici, & mollitudinis, & in quantum
sunt causa primæ contrarietatis, asserit esse causam effectiuam
motus localis ab ea effectiue procedentis. Ex quo euidentis ar-
gumentum desumo aduersus secundam opinionem hoc modo;
Rarum & densum sunt causa efficiens motus localis media
gravitate & leuitate: ergo sunt causa efficiens extensionis
localis, & localis præsentia, quæ sunt terminus per se motus
localis. Ex quo euidenter sequitur, raritatem, & densitatem,
non consistere in extensione locali, vel præsentia locali, sed
esse his priora secundum naturam, cum sint causæ efficientes
harum. De raro autem & denso loquitur propriissime Arist.
eo loco, ubi agebat aduersus antiquos Philosophos, qui po-
nebant dari vacuum intra corpora rara: nam cum videantur
partes eorum esse separatas, videtur esse intra illas vacuum:
sed arguit Arist. quia vacuum non potest esse causa motus
localis, cum eum potius impediat, sed rarum, & densum sunt
causa efficiens motus localis, media gravitate & leuitate, quas
causant: ergo non potest vacuum consistere in raro. Quod ar-
gumentum nullius momenti esset, nisi de raro & denso pro-
priè loqueretur. Idè D. Tho. expressissimè. 1. lib. de gen. lect. 14.
his verbis: *si aër rarefiat, vel condensetur, dicendum est, quòd talis
transmutatio non potest propriè dici augmentum, sed alteratio, sit
enim secundum transmutationem possibilem qualitatum, scilicet
rari, & densi, &c.* & 3. p. q. 77. art. 2. ad 3. ubi ita ait, *Rarum, &
densum sunt quadam qualitates conuequites corpora ex hoc, quòd
habent multum, vel parum de materia sub dimensionibus.*

Deinde

Deinde probari potest efficacioribus argumentis, & sit primum: impossibile est eadem quantitatem prorsus immutatam habere, vel acquirere maiorē extensionē ad locū, aut maiorem præsentiam: ergo assignari debet, aliqua mutatio in quantitate prior natura, quā maior extensio, vel maior præsentia, à qua hæc procedat, tãquam à causa proxima; sed non est alia assignabilis præter raritatem: ergo prior natura est hæc maiori extensione, maioriq; præsentia: quare nulla harum potest esse raritas, neque acquisitio eius rarefactio. Probatum minor, quia calor, vel frigus, aut temperamentum, quod assignatur ab authoribus secundæ opinionis pro causa maioris extensionis, vel præsentia, non potest esse proxima, sed solū remota: ergo necesse est aliam qualitatem assignare pro causa proxima, & hæc erit raritas. Probo iterum minorem, quia rarefactio est motus localis, per quem corpus mouetur ad maiorem extensionē, & præsentiam localem: ergo illa erit causa proxima maioris extensionis, & maioris præsentia; quæ fuerit causa motus localis, per quem producitur: sed primæ qualitates, & tale temperamentum earum sunt causa remotissima motus localis: ergo etiam maioris extensionis, & præsentia. Probatum minor. Primò, quia proxima causa motus localis, sunt grauitas, & leuitas corporis, & causa proxima harum raritas, & densitas, vt docet expressè Arist. loco proximè citato: & causa raritatis & densitatis proxima est tale temperamentum primarum qualitatum, vt docet expressè idem Aristot. 2. lib. de partibus animalium capit. 1. in princip. his verbis: *Humiditas enim, & siccitas, & caliditas, & frigiditas materia corporum sunt compositorum, cætera autem differentia eas sequuntur, vt densitas, raritas, grauitas, leuitas, asperitas, lenitas, & reliqua id genus affectiones.* Ergo de primo ad vltimum remotissima causa eiusdem maioris extensionis, maiorisq; præsentia localis erit tale temperamentum primarum qualitatum. Proximior verò raritas, & densitas media grauitate & leuitate, quæ ex eis sequuntur. Secundò probatur eadem minor, quia per primas

150 *qualitates, vel per tale temperamentum earum, non disponitur corpus immediatè ad occupandum locum, vel ad maiorem præsentiam in spatio; ergo non possunt esse causæ, per quas quantitas eis affecta occupet maiorem locum, sed alia erit necessariò assignanda, quæ non potest esse, nisi raritas. Probatum antecedens, quia bene sequitur. Per tale temperamentum non disponitur immediatè corpus ad motū localem, sed per grauitatem, & leuitatem: ergo neque ad terminū eius, quæ est maior extensio, vel præsentia, quæ sunt terminus per se illius: solum ergo potest esse remota dispositio. Quod verò non sit alia proxima*

proxima præter raritatem, & densitatem: probatur, quia corpus rarefieri, est partes eius magis separari inter sese, & condensari, magis vniri, atque coniungi; sed hæc est proxima dispositio ad maiorem, vel minorem extensionem, & præsentiam, quæ statim sequitur ex maiori distantia partium inter sese: ergo raritas & densitas afficientes corpus sunt immediata causa, ratione cuius quantitas eius extenditur ad maiorem locum, & acquirit maiorem præsentiam in eo, & ex consequenti maior præsentia, atque extensio non possunt esse raritas, & densitas, sed effectus harum.

Secundò sic probatur. Raritas, & densitas possunt separari 151 ab extensione, & præsentia locali corporis: ergo non possunt in his consistere, sed distingui debent ab eis ex natura rei. Euidens est consequentia, & probatur antecedens in mysterio Eucharistiæ: nam quædam partes corporis Christi sunt densiores aliis, aliæ aliis rariore, vt ossa densiora sunt carne, & humores rariore carne, & ossibus, & tamen constat non habere extensionem in ordine ad locum, neque præsentiam localem, sicut nec eam habet ipsum corpus: ergo raritas & densitas reperiuntur sine maiori extensione, ac maiori præsentia locali, & ideo non possunt in his consistere: & idem potest probari de quocumque corpore raro & denso, vt de aëre, & terra; quia sicut potest Deus conuertere panem in corpus Christi, ita potest conuertere aërem in terram, quamuis requiratur contrarietas ad conuersionem: nam aër, & terra contraria sunt: facta autem tali conuersione esset terra sub accidentibus aëris nullam habens extensionem ad locum, nec localem præsentiam, sicut neutram habet corpus Christi sub accidentibus panis existens; & tamen haberet naturalem suam densitatem, sicut cætera accidentia naturalia frigoris & siccitatis: ergo raritas, & densitas non consistunt in maiori extensione, aut maiori præsentia locali.

Huic argumento respondent autores secundæ opinionis negando, quod partes Christi in Eucharistia existentes habeant raritatem, vel densitatem, sed dicunt esse dispositas, vt raritatem, & densitatem inducant, si suæ naturæ relinquuntur: ideo autem videtur nobis raras esse, vel densas: quia apprehendimus eas secundum modum, quem habent in cælo, aut in cæteris corporibus humanis, & eodem modo negabunt, terram habere densitatem, si esset sub accidentibus aëris in eam conuersa. Hæc tamen solutio falsa est, quia rarum & densum sic definiuntur, vt docet D. Thom. 1. p. q. 92. art. 3. ad 1. in 2. d. 30. q. 2. art. 1. & 3. p. q. 77. art. 2. ad 3. colligens definitiones eorum ex Aristot. 4. Phys. text. 84. & lib. 7. text. 15. rarum est. Quod parum habet materia

sub magnis dimensionibus; densum verò, quod multum habet materia sub parvis dimensionibus. Sed definitiones istæ conueniunt partibus Christi in Eucharistia existentis: ergo ibi habent veram, & formale raritatem, & densitatem. Probatur minor, quia euident est, ossa eius plus materiæ habere, quàm carnem, & iecur plus quàm sanguinem, & reliquas partes, & hoc ex proprio, ac naturali temperamento, quod in Eucharistia habere, non potest negari, cum habeant suum esse naturale partes istæ; habent etiam sub minoribus dimensionibus. Quod sic probo. Partes istæ sic existentes sunt occupatiuæ minoris loci, & minorem occupant in cælo, ubi habent localem extensionem: ergo minores habent dimensiones, Probatur consequentia; quia dimensiones per se primò sunt maiores, vel minores, non per actualem occupationem maioris loci, sed per aptitudinem, quam euident est non amittere, etiamsi actuali ordine ad locum careant, ex quibus sequitur, densiores esse alias, alias verò rariores, quia maioris loci sunt occupatiuæ.

153

Probatur tandè, quia cum æquali extensione locali, & etiam cum æquali præsentia stat, vnum corpus esse magis densum, vel rarum, quàm aliud: ergo raritas, & densitas non consistunt in maiori, vel minori extensione, aut præsentia locali: euident est consequentia. Antecedens sic probo. Ponamus duo vasa eiusdem mensuræ, quorum vnum sit plenum aqua, aliud verò non plenum, sed quod minus aquæ eiusdem prorsus conditionis habeat, quæ calefacta ab igne rarefiat, & sic rarefacta vas ipsum non minus, quàm alia adimpleat. Quo supposito, sic arguo. Istæ duæ aquæ habent eandem prorsus extensionem localem, eandemque præsentiam, ita vt neutra habeat maiorem extensionem, quàm alia, nec maiorem præsentiam; & euident est, posteriorem habere multo minorem densitatem: ergo densitas non consistit in minori extensione, vel in minori præsentia. Et idem argumentum effici potest de raritate, si ponamus medietatem eius plenam aqua, & aliam medietatem plenam aëre, tunc enim æqualem habent extensionem localem, æqualemque præsentiam, & aqua est densa, aër verò rarus: ergo non consistunt raritas, & densitas in maiori extensione, vel maiori præsentia locali.

154

Vt autem veritas nostræ sententiæ melius intelligatur, & argumenta aliarum facilius soluantur, explicandum est, quæ sit ratio essentialis raritatis, & densitatis, vel in quo consistant qualitates istæ, & qui sint effectus formales, ac primarij earum; ex his enim intelligitur quidnam sit rarefactio, & condensatio. Notandum igitur est primo, raritatem, & densitatem quatuor præstare corpori. Primum est, quod partes eius magis
sint se

sint separatæ, vel disiunctæ inter se, aut magis coniunctæ, vel minus separatæ sine discontinuatione; illud enim habent per raritatem, hoc per densitatem. Secundum, quod præstat corpori, est, quod minorem habeat multitudinem materiæ, ac partium quantitatis sub maioribus dimensionibus, vel maiorem multitudinem sub minoribus; illud enim habet corpus raram, vel rarefactum, hoc verò corpus densum, vel condensatum. Tertium est, quod maiorem, vel minorem habeat extensionem localem corpus ipsum, & partes eius, maiorem quidem per raritatem, vel rarefactionem, & minorem per densitatem, vel condensationem. Sed in nullo horum trium consistit effectus formalis primarius raritatis, sed duo priora quasi materialia sunt respectu primarij, ac formalis effectus, & ideo ab eo connotantur, quare non potest sine utroque intelligi. Tertius verò effectus secundarius est, formalis quidem, vel certè in genere causæ efficientis ab ea procedens, secundum diuersos modos loquendi authorum nihil ad præsens institutum referentes: nam cum extra primarium effectum sit, parum refert, vocare talem effectum formalem, vel secundarium efficientis causæ. Vltimum igitur, quod raritas, & densitas præstant corpori, est, quod maiores dimensiones, aut maiorem molem, vel magnitudinem habeat, vel suscipiat, sine additione nouæ materiæ, aut nouæ quantitatis: & hoc est primarius effectus eius, qui non debet sic intelligi, vt maiores ipsæ dimensiones, aut maior magnitudo sint effectus primarius, & formalis raritatis, vel densitatis; nam maior, aut minor magnitudo corporis, vel maior moles, seu maior dimensio, à quantitate prouenit, non tamen nudè accepta, sed affecta raritate, vel densitate: ergo non potest esse effectus formalis raritatis, aut densitatis, quæ sunt qualitates quædam, sed effectus formalis primarius earum est, constituere corpus raram formalitèr, hoc est, ita illud afficere, vt sic affectus maiorem magnitudinem, & molem, maioresque dimensiones habeat, eadem eius materia, & eadem eius quantitas.

Quatuor ergo modis possunt definiri raritas, & densitas, secundum hos quatuor effectus, vt sigillatim explicentur, & testimoniis Aristot. & D. Thom. confirmantur. Primo possunt definiri hoc modo: *Rarum est, quod habet partes distantes à se inuicem*; densum verò, *Cuius partes sibi ipsis propinqua sunt*, & per has definitiones explicantur secundum primum effectum per rationem intrinsecam eorum connotatum, quas tradit Arist. in prædicamento qualitatis. Secundò definiuntur sic. *Rarum est, quod parum habet materia sub magnis dimensionibus*; & densum, *quod multum habet materia sub paruis*; & his definitionibus

definiuntur per multitudinem partium etiam connotatam in ratione earum intrinseca; quas definitiones tradidit D. Thom. 3. part. question. 77. artic. 2. ad 9 ex Aristot. collectas 4. lib. Physicor. text. 84. & 85. Tertio modo possunt definiri per maiorem, vel minorem extensionem localem, aut localem presentiam, tamquam per effectum remotum, in hunc modum. Rarum est, *quod sub eadem materia, & quantitate, maiorem habet extensionem localem, aut maiorem presentiam, & densum, quod minorem;* & has definitiones non inuenio apud Aristot. vel D. Thom. nam dum Aristot. cap. de qualitate asserit, rarum, & densum magis monstrare quamdam positionem partium, quam rationem qualitatis, non de positione partium in ordine ad locum intelligit, sed de positione partium inter sese, ut definitiones ab eo ibidem assignatæ euidenter ostendunt. Ultimo definiri possunt hæ ratione. Raritas est *qualitas apta sic afficere corpus, ut ex eius affectione maiorem magnitudinem, vel dimensiones habeat sub eadem materia, & quantitate.* Densitas verò *qualitas apta sic afficere corpus, ut ex affectione eius maiorem habeat magnitudinem, vel minores dimensiones sub eadem materia, & quantitate.* Quas definitiones deductas ex Aristot. 4. Phys. text. 84. & 85. attulit D. Thom. 1. p. q. 91. art. 3. ad 1. his verbis comprehensas: *Hoc autem est rarefieri scilicet, materiam eandem accipere maiores dimensiones; & censeari debent essentialis; quia assignantur per verum genus raritatis, quod est qualitas, & per ordinem ad effectum formalem, atque primum eius, ut si definiamus albedinem dicentes: Albedo est qualitas apta facere corpus album.*

- 356 Secundo notandum est, quod cum essentia quantitatis consistat in extensione partium, secundum molem, vel magnitudinem, ita ut una sit extra aliam, & cuilibet debeat distincta pars loci, perfici potest quantitas in subiecto accidentaliter secundum hanc extensionem, sicut qualitas perficitur accidentaliter secundum intensionem, quamuis diuerso modo; quia qualitas perficitur per additionem partium gradualium pertinentium ad entitatem eius, quantitas verò perficitur secundum extensionem sine additione nouæ partis pertinentis ad entitatem eius; sed ex eo quod afficitur qualitatibus procedentibus ex tali temperamento subiecti, quæ sunt raritas & densitas, quarum ratione accidentaliter crescit extensio, vel magnitudo eius. Et ratio huius differentię sumitur ex diuersa natura quantitatis, & qualitatis; nam cum essentia quantitatis consistat in extensione partium, apta est magis dilatari, vel contrahi, secundum partes, quas iam habet actu per aduentum alicuius extrin

extrinseci, ratione cuius maiorem extensionem acquirunt, quod non habet qualitas; non enim perfici nata est, nisi per partes de nouo educendas de potentia subiecti, ut per se est manifestum. Et ex his intelligitur sensus quorundam verborum D. Tho. 12. q. 52. art. 2. ad 1. quibus asserit, quantitatem augeri in his, quæ rarefiunt, per intensionem, absque noua additione, quod difficile visum est multis eius interpretibus, ex eo quod quantitas non suscipit magis & minus, id est, intensionem, & remissionem, ut docet Aristoteles in prædicamento quantitatis: ergo non potest esse verum, quod augeatur per intensionem in rarefactione. Sensus tamen D. Thom. non caret veritate, & proprietate, iuxta hanc nostram doctrinam; nam cum extensio quantitatis augeatur media raritate, quæ est qualitas habens gradus intensionis in subiecto, verè, & propriè dicitur augeri per intensionem, non propriam, sed raritatis eam afficientis, & augmentis eius extensionem.

Ex hac doctrina manet explicatus effectus formalis primarius raritatis & densitatis, qui non est aliud, quam constituere corpus rarum, vel densum; hoc est, sic cum afficere, ut ex tali esse formali maiorem, vel minorem habeat extensionem accidentalem partium inter sese, quæ non est aliud, quam maior, vel minor magnitudo, aut molles, seu maior dimensio sub eadem materia & quantitate. Deinde colligitur id, in quo decepti sunt authores secundæ opinionis, nempe in eo, quod vltimum, atque remotum effectum raritatis posuerunt pro essentia eius, nempe maiorem extensionem localem, vel maiorem præsentiam. Quod à priori potest probari esse falsum hoc argumento ex eadem doctrina deducto. Prius intelligitur quantitatem habere maiorem extensionem partium inter sese, maioremque magnitudinem, & mollem, quam intelligatur habere maiorem extensionem in ordine ad locum, maioremque præsentiam; nam hæc ex illa oritur tamquam effectus ex causa: ergo prius intelligitur; sed eo ipso, quod habet maiorem magnitudinem, sine additione nouæ partis, intelligitur rarefacta, quia non potest intelligi habere maiorem magnitudinem in se seclusa additione partis, nisi per rarefactionem: ergo raritas non consistit in maiori extensione locali, sed in alio priori.

Tertio colligitur; quidnam sint rarefactio & condensatio, vel in quo consistat essentialis ratio earum. Est enim rarefactio *motus alterationis per se tendens in raritatem*; & condensatio *motus alterationis per se tendens in densitatem*; cætera enim, quæ per rarefactionem & condensationem fiunt, non pertinent ad essentiam earum, sed vel materialia sunt, & ideo con-

notantur per illas, vt dilatatio partium, disiunctio, vel coniunctio maior earum, maior etiam multitudo partium eiusdem materiae, & quantitatis sub minori magnitudine, remotos quosdam effectus continent ex eadem quantitate his qualitatibus affecta prouenientes. Vt maiorem extensionem localem, vel maiorem praesentiam.

Vltimo colligitur, raritatem, & densitatem posse esse in corpore non extenso in ordine ad locum per potentiam Dei absolutam; quia extensio maior in ordine ad locum est effectus quantitatis rarefactae, & distinctus ab ea ex natura rei; ideo potest ab ea separari, & verè separatur in corpore Christi in Eucharistia existenti, cum sua raritate & densitate naturali, & sine vlla extensione ad locum. Ad argumentum primae opinionis neganda est minor, quòd partes corporis non possint fieri magis & minus distantes inter sese, nisi per penetrationem, nam per rarefactionem, & condensationem possunt, quia sic afficiuntur ab his qualitatibus, vt maiores, vel minores dimensiones recipiant, maiorem, vel minorem magnitudinem, vel molem habeant, & sub ea maiorem, vel minorem multitudinem partium, & tandem maiorem, vel minorem extensionem in loco. Quae omnia constant in aëre & aqua, quibus si duo vasa aequalis mensurae eis repleantur, constat maiorem multitudinem partium habere aquam, magisque inter sese coniunctas, quam aër sine penetratione.

- 159 Ad primum argumentum secundae opinionis negandum est antecedens, quòd raritas & densitas non sint qualitates, etiam ex mente Aristot. qui tam expressè eas connumerat inter secundas qualitates duobus illis locis citatis, sed quoniam multa operantur in subiecto, ideo de illis loquitur diuersis in locis secundum diuersa, ex quibus illud est magis ad sensum manifestum, quòd partes corporis magis, vel minus disiunctas, vel coniunctas efficiant inter sese, quod est talem positionem incontinuo illis conferre, vel diuersam, & ratione huius effectus materialis non pertinentis ad earum essentiam, nisi tamquam connotatum, sicut pertinet subiectum ad rationem accidentis in concreto significati, loquitur de illis in praedicamento qualitatis; in aliis verò locis eas considerat sub propriis rationibus, & effectibus formalibus, atque primariis; & ideo inter qualitates sensibiles eas connumerat. Et in eodem sensu intelligi debet testimonium D. Thom. cum in aliis à nobis citatis de illis loquens sub propriis rationibus expressius doceat esse qualitates.

- 160 Ad primum argumentum concessa maiori, quòd non sunt multiplicandae entitates sine vrgenti necessitate, neganda est minor, quòd

quòd nulla vrgeat necessitas ponendi qualitatem, quæ sit raritas, vel densitas, præter maiorem extensionem localem corporis, aut maiorem præsentiam: quia non est intelligibile, quòd corpus immutata prorsus quantitate habeat maiorem extensionem localem: quare necessaria est qualitas aliqua præcedens, per quam sic afficiatur, vt maiores dimensiones acquirat, maioremque magnitudinem, à qua procedat maior extensio localis, & maior præsentia: hæc autem qualitas non potest esse prima nec temperamentum primarium, quia istæ remotum tantum fundamentum esse possunt maiorum dimensionum: cum per eas, vel earum temperamentum, non ordinetur proximè corpus ad illas, & multò minus ad extensionem localem, sicut nec ordinantur proximè ad motum localem, per quem producit localis præsentia.

Ad vltimum concedenda est etiam maior, quòd per compressionem digito factam condensetur aer in vtre inclusum: sed minor neganda, quod per tam leuem actionem producat qualitas: quia si levis est actio, leue est etiam corpus aeris, & facile comprimitur, parua est etiam raritas, quæ producit, sicut solet in subiecto nimis disposito, vt in stupa leuissima quædam scintilla calorem & flammam producere. Et quod tandem de impulsu obiicitur, quòd non sit productius alterius qualitatis, sed solius motus localis, difficultate caret: quia impulsus non producit raritatem per se, sed per accidens, medio motu locali, cuius est principium per se, sicut etiam solet producere calorem per accidens, in quantum motus localis est causa per accidens caloris in corporibus calidis.

Q V Æ S T I O III.

An corpus paruum, cui nihil materia, nec quantitatis additur, possit fieri magnum sine rarefactione per potentiam Dei absolutam.

Prima opinio concedit esse possibile. Ita Magister sententiarum in 2. d. 18. cap. 5. Durand. ibidem. q. 1. Argentina art. 4. Henric. quodlib. 7. q. 9. Altfiodor. lib. 4. summæ q. de veritate humanæ naturæ, Ægid. quodlib. 2. q. 11. pro qua referuntur etiam nonnulli expositores sacre Scripturæ, vt Nissen. oratione 3. de resurrectione, Hugo de sancto Victore lib. 1. de sacramentis p. 6. c. vlt. Nicolaus de Lyra in cap. 2. Genes. Probat Durand. primò, quia si corpus paruum, cui non additur materia, neque

quantitas, non posset fieri magnum sine rarefactione, ideo esset, quia non posset tale corpus maiores dimensiones accipere, nisi per rarefactionem; sed hoc est falsum: ergo nulla reperitur implicatio contradictionis. Probatur minor, quia maiores, vel minores dimensiones acquirere corpus, provenit à quantitate, & ad illam pertinet; sed rarefactio tendit ad qualitatem, quæ est raritas: ergo sunt mutationes realiter diuersæ, sicut quantitas, & qualitas realiter distinguuntur, & ideo poterunt separari per diuinam potentiam, & corpus fieri ex paruo magnum per productionem maiorū dimensionum, nulla existente rarefactione.

Secundò, quia Deus potest facere, quidquid potest materia recipere, siue per potentiam naturalem, vel obedientialem; sed magnum, & paruum sunt in potentia naturali materiæ respectu agentis naturalis, & in potentia obedientiali respectu agentis supernaturalis: ergo potest Deus constituere materiam, vel corpus, cui nihil addatur sub quibuscumque magnis dimensionibus absque rarefactione. Probatur consequentia, quia magnæ dimensiones non minus sunt in potentia eius obedientiali, quàm quantitas, à qua procedunt.

- 162 Tertiò, quia corpus, cui nihil additur, potest acquirere maiores dimensiones ex eo, quòd partes eius separentur inter sese, & ponantur in diuerso situ, & positione; sed Deus potest partes corporis sic separare sine rarefactione: ergo poterit tribuere tali corpori maiores dimensiones sine illa. Probatur minor, quia difficilius est, corpus existens in vno loco ponere in altero, non relicto priore, quam separare illud ab alio corpore, cui erat loco coniunctum, sed valde probabile est, non repugnare primum; ergo nec repugnabit secundum; quare poterit Deus partes corporis situ & positione inter se coniunctas separare sine ulla rarefactione: præsertim cum talis separatio non sit effectus raritatis, sed quantitatis: per separationem verò partium acquirit corpus rarefactum maiorem magnitudinem, & maiores dimensiones, sitque ex paruo magnum; ergo poterit fieri magnum sine rarefactione per potentiam Dei absolutam.

Secunda opinio tenet, contradictionem implicare, quòd paruum corpus, cui nihil materiæ, vel quantitatis additur, fiat magnum sine rarefactione. Ita D. Tho. in 2. d. 18. q. 1. art. 1. & 1. p. q. 92. art. 3. ad 1. & ibidem Caiet. Capr. in 2. d. 19. q. 1. art. 1. Greg. d. 18. q. vnica, Basol. q. etiam vnica, art. 4. Maior, Mayronius, & Dionys. in eadem dist. Sonzin. 8. Metaph. q. 4. quam sequuntur Conimb. licet ex parte videantur etiam sequi oppositam. Et hæc videtur nobis probabilior, & tenenda.

Probatur testimonio expresso D. Aug. 10. lib. de Genes. ad
literam.

literam cap. ult. ubi agens contra Tertullianum, qui putabat animam nostram crescere, & maiorem fieri, sed numquam posse diminui, ita ait: *Quid autem absurdius, quam putare, vllum esse corpus, manente natura sua quantitate, quod undique crescat, nisi rarefiat?* Nec loquitur hic Sanctus, ut aliquis putare posset, secundum communem ordinem rerum, sed de impossibilitate talis effectus per quamlibet potentiam; quia si sic non loqueretur, nihil probaret contra Tertullianum, qui dicere posset, per diuinam potentiam crescere animam, etiam si nihil ei addatur, nec rarefiat.

Probatur etiam ratione D. Tho. in posteriori loco citato, 163 quæ talis est. Magnum, & paruum non pertinent ad essentiam materiæ, vel corporis secundum substantiam considerati, sed extra illam sunt; ita tamen, ut in potentia sit ad vtrumque: ergo implicat contradictionem crescere, vel maius fieri, nisi mutatis dimensionibus de minoribus in maiores: mutatio verò circa dimensiones duobus tantum modis fieri potest, videlicet per additionem quantitatis ad quantitatem, aut quia eadem materia, vel corpus sub eadem prorsus quantitate manens suscipit maiores dimensiones; additio verò quantitatis nulla fit, ut supponimus: ergo solum potest fieri mutatio circa dimensiones, ita ut maiores suscipiat idem corpus sine vlla additione, hoc autem est impossibile sine rarefactione: ergo repugnat tale corpus fieri maius sine illa. Probatur minor, quia proprius, atque formalis effectus raritatis est, rarum corpus efficere, sicut albedinis, efficere illud album; sed rarum corpus definitur ab Aristotele, *Quod maiores dimensiones suscipiat sub eadē materia & quantitate*, lib. Phys. text. 84. ergo repugnat maiores dimensiones suscipere, nisi per rarefactionem, & ex consequenti maius fieri sine illa.

Pro solutione argumentorum notandum est, quod tota difficultas huius questionis consistit in hoc an per solam raritatem, vel densitatem, aut per solam rarefactionem, aut condensationem fieri possit, ut partes corporis sine discontinuatione magis separentur inter sese, & ut idem corpus sub eisdem dimensionibus maiorem habeat, vel minorem multitudinem partium, vel etiam possit fieri sine his qualitatibus: nā si solum per has qualitates fieri possit, contradictionem implicabit, quod corpus paruum, cui nihil additur, vel detrahitur, fiat magnum, vel magnum paruum, nisi per rarefactionem, vel condensationem. Probatur euidenter consequentia, quia corpus paruum, cui nihil additur, non potest habere maiores dimensiones, vel minores, nec esse occupatiuum maioris, vel minoris loci, nisi partes eius magis inter se separentur, vel coniungantur, & sub eisdem

dimensionibus maior, vel minor multitudo earum contineatur ergo nec potest fieri ex paruo magnum, vel ex magno paruum sine his. Si verò possint magis separari partes, vel coniungi, & maior multitudo earum, aut minor sub eisdem dimensionibus contineri sine his qualitatibus, etiam poterit sine eis fieri magnum, vel paruum per potentiam Dei absolutam. Et prima opinio tenet, sine his qualitatibus fieri posse, nostra verò omnino negat; quia licet non sit effectus formalis raritatis maior separatio partium, vel minor multitudo earum sub eisdem dimensionibus; sed effectus formalis sit, sic esse affectum corpus, ut maiores dimensiones suscipiat sub eadem materia, & quantitate; simul tamen, ac necessario connotantur illa & ideo nec esse, nec intelligi potest sine illis, sicut effectus formalis albedinis non potest intelligi sine corpore. Ideò omnino negandum est, quòd possint partes separari inter sese sine discontinuatione; vel minor multitudo earum sub eisdem dimensionibus contineri nisi media raritate, & consequenter quòd possit corpus paruum, cui nihil additur, fieri magnum sine rarefactione per potentiam Dei absolutam.

- 165 Ad primum argumentum Durandi, concessa maiori, distinguenda est minor, quòd maiores dimensiones accipere corpus necessario sit effectus quantitatis; nam vel est effectus maioris quantitatis, ut patet in corpore, quòd augetur, vel eiusdem tali modo dispositæ, videlicet per raritatem, cuius proprius effectus formalis est, sic disponere corpus, ut per eandem quantitatem maiores dimensiones habeat; quid sit autem habere, vel accipere maiores dimensiones, profectò non est aliud, quàm esse occupatum maioris loci, vel ei deberi maiorem extensionem in ordine ad spatium, & maiorem præsentiam localem: Et quòd dicitur, rarefactionem terminari ad qualitatem distinctam realiter à maioribus dimensionibus, etiam est concedendum, sed negandum id, quòd infertur, nempe posse separari per potentiam Dei absolutam has duas mutationes, videlicet rarefactionem, & acquisitionem maiorum dimensionum: quia licet maiores dimensiones distinguantur à rarefactione realiter, non tamen sicut una res ab alia, sed sicut modus à re: & ideo distinctione reali modali, quam solent vocare ex natura rei; nam maiores dimensiones sunt modi eiusdem quantitatis rarefactæ, & propterea comparantur, sicut ad quantitatem, sic etiam ad raritatem (ratione cuius, ut formæ sic efficientis quantitatem ei conveniunt, vel eam sequuntur) tamquam modis; repugnat verò modum separari à re, quam modificat; cum intrinseca ratio eius sit actu modificare. Et exemplum adducere possumus

possumus in materia valde simili : nam maiorem quantitatem acquisitam per nutritionem sequitur extensio corporis ad maiorem locum , & motus localis extensionis sequitur motum augmentationis , & etiam extensio ipsa ad maiorem locum distinguitur realiter à maiori quantitate , arque etiam motus localis , per quem acquiritur , à motu augmentationis ; & tamen repugnat prorsus dari in rerum natura ralem extensionem , & talem motum localem , sine maiori quantitate , & sine augmentatione , quam sequitur , quia maior illa extensio modus est maioris quantitatis , & talis motus ad maiorem extensionem localem modus augmentationis , qui non possunt dari in rerum natura , etiam per potentiam Dei absolutam sine maiori illa quantitate , & motu illo , vel mutatione augmentationis , per quam acquiri debet.

Itaque in rarefactione quatuor reperiuntur. Primum est, alteratio ipsa per se primò terminata ad raritatem , & hæc est rarefactio ; secundum , maior moles , aut magnitudo , vel maiores dimensiones corporis , quas raritate affectum acquirit ; & hæc explicantur , & intelliguntur per hoc , quòd eadem quantitas raritate affecta est occupariua maioris loci , vel spatij . Tertium , maior separatio partium inter sese sine discontinuatione , & simul minor multitudo partium , vel materiæ sub maioribus dimensionibus ; & hoc tertium , tamquam materiale necessariò concurrens ad secundū connotatur per illud , sicut corpus connotatur per hoc nomen album . Postremum , maior extensio actualis ad locū , vel maior præsentia localis : & ex his quatuor , primum non potest vllò modo separari à secundo ; quia rarefactio non potest dari sine suo termino per se , qui est raritas , nec raritas potest intelligi in corpore sine ordine ad maiores dimensiones eius , nec maiores dimensiones in corpore , cui nulla sit additio sine ordine ad raritatem se afficientem : nec etiā duo hæc possunt separari à tertio : quia licet materiale sit respectu corporis rarefacti , quòd partes eius magis separatæ sint inter se , atq; etiam quòd corpus ipsum rarefactum minorem habeat multitudinem partium sub eisdem dimensionibus : connotantur tamen nomine concreto rarefacti , sicut corpus connotatur nomine albi , quod satis est , vr repugnet esse sine illo . Tria verò priora non implicat contradictionē separari à quarto : quia non solum sunt res distinctæ , atque etiam natura priores , vr statim explicabitur , sed nec habent essentialē dependentiam ab eo .

An verò pro his quatuor ponendi sint quatuor motus realiter distincti , non est certum inter authores , sed quidam ex his , qui dicunt , rarefactionē non esse aliud , quàm motum localem ,

per

per quem acquiritur maior præsentia localis, vnum tantum motum ponunt in tota rarefactione, putantes extensionem localem, & præsentiam localem non distingui, & ideo non terminare diuersos motus, nec dari præter has qualitatē, vel quid aliud acquisitum. Alij verò eas distinguunt, & ideo duplicem motum ponunt; primum terminatum ad quantitatem, quia putant extensionem esse aliam speciem quantitatis distinctam ab his, quæ enumerauit Aristoteles, quamuis sub eis contēram, nec dari raritatem, quæ sit qualitas, vel quid aliud acquisitum. Conimbricenses verò tres motus distinguunt in rarefactione, primum terminatum per se ad raritatem, quæ est qualitas, & hunc vocant alterationem: secundum terminatum per se ad maiorem extensionem partium inter sese, quam vocant maiorem magnitudinem, aut maiorem molem; & iste est motus per se terminatus ad quantitatem præexistentem sub nouo modo. Tertium, terminatum per se ad maiorem extensionem localem, vel maiorem præsentiam, quæ idem sunt, & hunc vocant motum localem.

- 168 Nostra verò sententia tria asserit. Primum est, rarefactionem solum supponere pro alteratione per se terminata ad qualitatem, quæ est raritas iam explicata: & ideo impertinens esse, quòd præter illam ponantur alij motus, vel non. Secundum, præter alterationem ponendum esse motum localem maioris extensionis eam naturaliter consequentem, & omnino similem ei, qui consequitur augmentationem, & hunc motum per se terminari ad vbi, nec esse distinctum pro extensione locali, & pro locali præsentia; sed eundem. Quod probò hac ratione. Motus localis terminatur per se ad prædicamentum vbi, vt docet expressè Arist. 5. lib. Phys. cap. 2. sed vbi non dicit nudum respectum præsentia ad spatium, alioqui non posset per se terminare motum: nam ad relationem non datur per se motus. Præterea non distingueretur prædicamentum vbi, à prædicamento relationis: ergo præter respectum dicit aliquam entitatem realem absolutam, videlicet talem modum se habendi in spatio vero, aut imaginario; sed modus iste absolutus corporis in spatio non potest esse aliud, quàm extensio eiusdem corporis in eo, quia non est excogitabilis alia entitas realis absoluta: ergo integra, & completa ratio prædicamenti, vbi, motum per se terminantis ex utroque integratur, atque completur, nempe ex modo extensionis localis, & respectu præsentia ad spatium: quæ rationes licet aliquo modo distinctæ sint, tãquam absoluta & respectiua, hæc tamen intrinseca est illi, & in ea includitur, quia non est intelligibilis extensio corporis in spatio
fine

sine respectu præsentiæ ad illud, non ergo distinguuntur duæ istæ rationes ex æquo, sed solum distinctione includentis, & inclusi, & ideo respectus præsentiæ inclusus intrinsicè in extensione complet rationem prædicamenti ubi, terminantis per se motum localem. Sed nec benè procedūt alij, qui sic distinguūt 169 extensionem localem à præsentiā, ut velint posse separari inter se, quia dicunt, corpus per totum spatium motum semper habere eandem extensionem localem, quia semper est eadē quantitas eius, ratione cuius dicitur præsens spatio; sed non semper habere eandem præsentiā, sed diuersā, secundum diuersas partes spatij, quibus præsens efficitur per motum. Hoc tamen efficaciter probatur falsum in motu locali consequente rarefactionem, de quo loquimur, immo etiā in motu locali consequente augmentationem: nam sicut corpus rarefit, & augetur successiue, ita acquirit successiue maiorem extensionem localem, cum qua euidēs est, non posse permanere minorem, quam habebat prius, alioqui adderetur quasi fragmentum extensionis pro nouā magnitudine, vel quantitate acquisita, & noua pars loci, vel spatij, quæ falsa sunt; nam sicut corpus rarefactū, & auctū, nouum, atque distinctum locum totalem occupat, destructo priori, ita nouam, atque distinctam acquirit extensionem sibi adæquatam, sicut nouam, & adæquatam præsentiā, corruptis prioribus; licet vtraque sit partialis comparata ad eā, quam successiue acquirit corpus in toto spatio, cum necesse sit, terminum motus localis completum, à quo specificatur, diuisibilem esse in infinitas partes proportionales, & in partes aliquotas finitas, sicut motum ipsum; & in motu locali propter specialem eius rationem necesse est singulas partes termini definere aduenientibus nouis, sicut delinunt singulæ partes motus.

Tertium, quod asserit nostra sententia, est probabile esse, 170 quod in rarefactione præter alterationem, & motum localem maioris extensionis eam consequentem ponendus sit alius, qui per se terminetur ad maiores dimensiones, vel maiorem extensionem accidentalem partium corporis inter se, quam vocamus maiorem magnitudinem, aut molem accidentalem. Ita sentiunt Coniabricenses, & probatur hac ratione. Maior hæc extensio, vel maior magnitudo accidentalis, quam acquirit corpus per rarefactionem, est modus realis eiusdem quantitatis rarefactæ nouus, atque distinctus ex natura rei ab ea, cum acquiri possit, & amitti illa permanente, est etiā distinctus ex natura rei à raritate terminante rarefactionem: ergo petit distinctum fieri, & per se successiuum, cum habeat propriam, & positivam

positiuam latitudinem sicut quantitas rarefacta, quam sequitur: ergo petit distinctum motum. Probatur consequentia, quia fieri per se successiuum, motus est. Ad secundum argumentum eiusdem opinionis cōcedenda est maior, quod possit Deus producere in materia, quidquid est in potentia naturali, vel obediēciali eius, sed minor distinguenda, quod recipere maiores dimensiones sit in potentia materiæ; non est enim in potentia eius immediatē, sed media quantitate, à qua proximē proueniunt extensio, magnitudo, maior extensio, & maior magnitudo, vel maiores dimensiones, à quantitate verò ita proueniunt, ut vel à maiori, vel ab eadem rarefacta: & ita solum per hæc media possunt à Deo produci ex potentia totius substantiæ corporeæ, in qua recipitur quantitas, tamquam in proximo subiecto, & ex potentia materiæ tamquam ex radice, & non immediatē in eo sensu, in quo existimat produci posse prima sententia, sicut nec esse album potest Deus producere in corpore, nisi media albedine, ut iam fuit expositum.

- 171 Ad tertium neganda est etiam minor, quod partes corporis non rarefacti possint sine discontinuatione magis separari inter sese: & dum dicitur, posse vnum corpus per diuinam potentiam separari ab vno loco, & poni in altero, non relicto primo, sed ita ut simul sit in vtroque concedendum est, sed negandum, quod infertur, videlicet, posse vnam partem eiusdem corporis non rarefacti sine discontinuatione magis separari ab alia, ac prius erat; quia maior separatio partium corporis inter se includitur in esse rari, vel rarefacti (quod est effectus formalis raritatis) tamquam materiale cōnotatum per illum, sicut corpus includitur in esse albi, quod est effectus formalis albedinis; unde sicut implicat contradictionē, dari corpus ut materiale cōnotatum per concretum albi, quin afficiatur albedine, ita repugnat dari corpus habens partes magis separatas inter sese, quin afficiatur raritate. Quod probare possumus experientia, si accipiamus corpus densum, & excogitemus partes eius magis inter sese disiungi, vel separari: nam vel separantur permanentes in eadem densitate, vel amittentes illam; & prior separatio non est intelligibilis sine discontinuatione, nec secunda sine raritate: quia necesse est, ut corpus habens partes ita disiectas minorem multitudinem partium contineat sub maioribus dimensionibus, quod est rariū esse, vel rarefactum, ut superius probauimus; & ideo repugnat, talem separationem partium fieri sine discontinuatione, nisi per rarefactionem.

CAPVT VI.

TEXTVS ARISTOTELIS.

*Quoniam autem oportet primum de materia, & de
vocalis elementis dicere, &c.*

Textus Expositio.

Intentum Aristot. in hoc cap. 6. est explicare, an necessarius sit contactus inter agens, & passum. Diuiditur autem in duas partes, in priori proponit necessitatem agendi de contactu corporum, in posteriori explicat tres modos, quibus possunt corpora se tangere; & docet, quo ex his modis summatur im-
præsentiarum contactus.

Ad primam partem capituli accedens, Arist. ait, agendum sibi esse in sequentibus de elementis, & natura eorum, atque etiam de modo, quo inter sese admiscantur ad componendum mixta: & cum certum sit, per mutuam actionem, & passionem admisceri, agendum sibi esse de mutua actione, & passione, quam inter sese exercent. Et tandem, cum ad hanc mutuam actionem, & passionem exercendam necessarius sit contactus, de contactu agendum esse, prius quàm ad alia explicanda procedatur. Tri-
bus modis sumitur cōtactus: primo modo illa dicuntur se tan-
gere, quæ cum diuersas magnitudines habeant, atque diuersum situm, eorum extrema simul sunt. Exemplum assignare possu-
mus in quibuscumque corporibus, inter quæ nō mediat aliud; & talis contactus non est propriè Physicus, sed etiam conuenit corporibus Mathematico modo consideratis, & propterea po-
test vocari Mathematicus, vt si consideremus duas quantitates immediatas, non consideratis substantijs, in quibus sunt; dice-
mus se tangere, quia conuenit eis esse in loco, & habere distin-
ctum situm, atque etiā extrema sunt simul, & hoc modo sum-
pit Aristot. contactum 3. lib. Physic.

Secundo modo dicuntur aliqua se tangere, quæ cum distin-
cta loca naturalia habeant, & mutuo sint actiua, & passiuā, co-
rum extrema simul sunt, vt aër, & aqua, vel etiam alia corpora
naturalia in eis existentia, & contactus iste conuenit corpo-
ribus sub consideratione Physica acceptis, & ideò non est com-
munis Mathematicis, nec Mathematicus vocatur, sed propriè
Physicus. Quod ex conditionibus, per quas explicatur, mani-
festum est: uam prima asserit, ea, quæ se tangunt, habere distin-
cta loca naturalia, locus autem naturalis, & Mathematicus
distin

distinguuntur, quia iste solum dicit vltimam superficiem circumscribentem: naturalis verò præter hanc addit qualitatem conseruatiuam locati, vt locus aquæ frigiditatem, aut humiditatem. Secunda verò dicit esse mutuo actiua, & passiuæ, Mathematica autem corpora, vt talia nihil de actione, & passione dicunt. Tertiò modo sumitur contractus communissimè, & ideo improprie, prout conuenit cuicumque mouenti, quod vt explicet Aristoteles, duo adnotat. Primum, quòd sicut ea, quæ mouent alia, quædam ita mouent, vt non moueantur (& ita se habent intelligentiæ mouentes corpora cælestia, à quibus non mouentur) alia mouent simul, & mouentur ab alijs, vt primum mobile mouet corpora cælestia inferiora, & simul mouetur à sua intelligentia. Ita se habent agentia, nam quædam ita agunt, vt simul patiuntur ab his, circa quæ agunt, vt ignis agens in aqua repatitur ab ea: alia verò agunt, sed non patiuntur, vt corpora cælestia circa hæc inferiora, à quibus non patiuntur.

3. Secundum, quod adnotat, est, agens, & mouens se habere tamquam superius, & inferius, nam quidquid agit, mouere dicitur, non tamen omne, quod mouet, dicitur agere: nam sicut pari propriissimè acceptum non dicitur de quocumque recipiente, sed solum de eo, quod per receptionem disponitur ad corruptionem; ita agere propriissimè acceptum non significat quomodocumque mouere, sed per impressionem qualitatis disponentis ad corruptionem, quod est mouere alterando; sic autem speciali, & propriissimo modo sumitur agere in hac parte, quia consideratur in ordine ad mixtionem elementorum, & ita sumptum cõstat minus vniuersale esse, quàm mouere, quia hoc demouente localiter, & quouis alio genere motus dicitur. His suppositis asserit, tertiam acceptionem contactus communissimam esse, & ideo nimis impropriam, secundum quam omne mouens dicitur tãgere motum, quomodocumque illud moueat, vt is, qui dolore nos afficit, dicitur nos tangere, licet nos eum non tangamus, & corpora cælestia dum inferiora mouent, ea dicuntur tangere, licet ab his non tangantur. Vnde fit, tactum secundum primas duas acceptiones Mathematicæ, & Physicæ, reciprocum semper esse, ita vt quod tangit aliud, necessario etiam sit ab eo tangi. Secundum vltimam verò non necessario est reciprocus, sed potest se tenere ex parte vnius tantum, & ideo valde improprie est. In præsentì autem capite solum sumitur in secunda acceptione, atque propriissima, quæ respectu aliarum inferior est, & ideo vtramque includit, sed à neurra includitur. Quinro autem lib. Phys. desumitur ab Aristotele in secunda acceptione simpliciter propria.

QVÆSTIO I.

*Utrum agens naturale possit agere in passum distans
nihil agendo in medium.*

NON quærimus modò, an agens naturale possit agere in rem absentem, vel distantem à se, vel solum in præsentem; iam enim hoc disputauimus 7. lib. Phys. c. 2. non solum secundum potentiam naturalem, sed etiam secundum absolutam Deis sed solum quærimus, an possit agere in rem præsentem, hoc est contentam intra propriam spheram actiuitatis sine contactu, vel necesse sit eam tangere, ut docet Arist. c. præsentem. Ut autem intelligatur quæstio, distingui debet duplex contactus, formalis, & virtualis. Formalis dicitur ille, quo se tangunt duo corpora contigua, quorum vltima sunt simul, de quo egit Arist. 5. lib. Phys. Contactus iste reperitur inter aërem, & aquam in suis spheris existentes. Alter est contactus virtualis, quo vnum tangit alterum, non per se, sed per suam virtutem; ita ut inter passum, & virtutem agentis nullum detur medium; & contactus iste non solum reperitur inter agentia spiritalia, & corporea, ut inter Angelum, & corpus, quod mouet, sed etiam inter corpora ipsa: nam Sol agens in hæc inferiora corpora, dicitur ea tangere, non quidem tactu formali; cum non sit corpus eis contiguum, sed valde distans, tangit verò ea per virtutem à se diffusam ab eis non distantem: sed in contactu isto virtuali inter corpora reperto etiam reperitur formalis, non eiusdem corporis, cui conuenit primus, sed alterius, per quod eandem virtutem diffundit, ut in eodem exemplo patet: nam Sol agens in aquam dicitur eam tangere media luce diffusa per aërem vsque ad aquam ipsam, sed non posset eam hoc modo tangere, nisi aër ipse, in quo recipitur virtus, & per quem exercetur actio, eam tangeret contactu formali. Querimus ergo, an necesse sit agens naturale vno, vel alio modo tangere passum intra spheram suæ actiuitatis constitutum, ut in illud agat, vel agere possit nullo modo illud tangendo; loquimur autem de agente immediato, quod per se operatur, & non de remoto, de quo nulla potest esse difficultas, & si contactus sit necessarius, non poterit agens naturale agere in distans, non agendo in medium; si verò possit agere sine vilo contactu, poterit etiam operari in extremum, non agendo in medium. Potest autem quæstio hæc in duplici sensu agitari, naturaliter, & secundum potentiam Dei absolutam,

Et primo disputabitur a nobis in primo sensu, deinde aliquid dicemus de secundo.

- ¶ His suppositis, certum est primò, contactum non requiri tamquam rationem formalem agendi, quia agentia naturalia per virtutes in se existentes operantur, tamquam per rationes formales agendi, ut ignis per calorem: contactus verò quicumque non est virtus, vel forma agentis, sed solum in similitudine agentis, & passii consistit: ergo non potest esse ratio agendi, sed solum potest esse conditio: inquirimus verò, an sit conditio necessaria, sine qua agens non possit agere.

Secundò, certum est, per contactum non solum intelligi immediationem duorum corporum discontinuorum: quia evidens est, unam partem eiusdem corporis agere in alteram sibi continuam non habentem eandem formam, sed habere potentem, vel non habentem in eodem gradu, ut si una pars ligni calefacta calefaciat aliam sibi continuam frigidam, sed intelligitur quicumque immediatio, vel propinquitas agentis, & passii, siue continua sint, vel contigua.

- ¶ Tertiò etiam videtur certum de agente partiali, quòd possit agere in distans, nihil agendo in medium, si medium tam perfectam habeat formam, ac habet agens ipsum. Constat hoc in igne agente in lignum, cuius partes profundæ non tangunt lignum, sed superficiales tantum, & nihilominus immediatè agunt omnes circa illud. Non est enim verum, quòd quidam excogitant, videlicet remotiores partes in isto casu non agere immediatè, sed per partes proximas, quibus suam virtutem imprimunt, & per illas transmittunt ad passum: nam cum omnes partes ignis habeant summum calorem, impossibile est, proximiores recipere calorem ab aliis, vel has eis imprimere eundem calorem. Sed nec verum est, immo planè ridiculum, quòd voluerunt alij, nempe solum agere extrema corporis, vel partem indeterminatam, cui proximè adhærent extremæ superficies eius, reliquum verò corpus sicut per se non tangit passum, ita per se non agere, hoc enim contrarium est evidenti experientiæ, quia si solum ageret ignis per extremas superficies, solum posset imprimere indivisibilem caloris; & si solum ageret per quandam partem indeterminatam minorem, atque maiorem in infinitum, non posset habere tantam vim agendi, quantam habere experimur: præterquam, quòd cum passum sit determinatum corpus, & effectum quoque determinatum recipiat ab agente, determinatum quoque esse debet agens, & non sola quædam indeterminata pars. Veritas igitur est, corpus per omnes partes immediatè agere, & partes omnes
æque

æquè etiam immediatè operari, quia virtus operatiua completa, atque totalis eius, per quam operatur, vna est ex omnibus partibus æquè immediatè composita, & ideo sicut omnes concurrunt immediatè ad illam componendam, ita concurrunt immediatè ad operandum ea operante, quamvis per extrema indiuisibilia fiat contactus. Euidens est ergo, de agente partiali posse agere in distans aliquando, nihil agendo in medium; propterea solum procedit quæstio de agente totali, & immediato, an possit agere in distans, nihil operando in medium.

Et prima opinio tenet, posse aliquando naturaliter hoc fieri, & ideo nullum contactum esse semper necessarium. Ita Auicenna. in lib. de anima sect. 4. capit. 4. cum Hypocrate, quem refert Alexandr. 1. lib. Metaph. comm. 18. Gab. in 1. distinct. 37. quæst. 1. artic. 3. Ocham. Basolius, Mayronius, & Liqueus ibidem, & Priscianus Lidius apud Thophilum 2. lib. de anima text. 37. Pro hac etiam sententia citatur Scotus in 1. distinct. 37. quæst. vnica, quo loco agit de præsentia agentis necessariò requisita ad agendum, sed de agentibus naturalibus, & corporeis, expressè tenet, non posse naturaliter agere in distans, nisi agendo in medium, præsertim in solut. ad argum. quamvis de agentibus superioris ordinis dicat non implicare contradictionem, quod operentur vbi non existunt per se, nec per propriam virtutem.

Probatur hæc sententia multis experienciis, vt de magnete attrahente ad se ferrum distans, nihil agendo in aëre, vel in aliis corporibus in eo existentibus: de pisce stupore quodam afficiente brachium piscatoris, nihil in arundine media operante, de animalibus, quæ solo intuitu oculorum nociuam qualitatem aliis imprimunt, & non in medio, de papyro, vel charta, super quam si oleum infuderis, calefit, immo feruescit oleum, integra perseverante charta: & de lebetes pleno aqua, & super ignem posito, cuius fundus friget aqua feruescente; atque etiam de phantasia, vel imaginatione mouente appetitum sensitium, à quo valde distat, cum sit in cerebro, appetitus verò in corde, & nihil agendo in intermediis partes corporis, & pluribus aliis, quas libenter omitto, quia eadem est difficultas in omnibus; nam eiusmodi agentia, & similia agunt circa corpus distans nihil operando in medium, vel si aliquid operantur, non necessarium, sed omnino impertinens respectu operationis in distans: quare non minus possent circa illud operari, etiamsi nihil operarentur circa medium; ex quibus sequitur, posse agens naturale operari in distans, nihil prorsus operando circa medium.

- 8 Secundò probatur in quibuscumque agentibus naturalibus, in quibus assignatur determinata sphaera actiuitatis, intra quam operari possunt, & non extra illam. Quo supposito sic arguunt: ignis operatur intra totam suam sphaeram actiuitatis: ergo vel operatur per se immediatè, tam in remotas, quàm in proximas partes, vel solum in has operatur immediatè, in remotas verò mediatè, hoc est, medio effectu producto circa proximas; & si primum dicatur, sequitur operari in distans, quod non tangit. Probatur consequentia, quia vltima superficies ignis non se extendit ad totam sphaeram: ergo nec potest eam per se tangere, cum tamen per se immediatè operetur in totam: si verò dicatur secundum, sequitur posse agere vltra suam sphaeram. Probatur consequentia, quia sicut potest agere in secundam medietatem eius per calorem productum circa primam medietatem sibi proximior, eadem ratione poterit agere per effectum productum circa secundam medietatem in aliam tertiam, & per effectum productum in hac poterit agere circa quartam, & sic in infinitum: quare non habebit determinatam sphaeram, sed infinitam. Vnde sequitur, quod vel agens naturale possit agere in distans: non agendo in medium, vel quod non habet sphaeram actiuitatis determinatam, sed actio eius ad infinitam distantiam possit se extendere. Tertiò, quia agentia spiritualia possunt naturaliter operari in remotum, nihil operando in medium, vt Angelus potest mouere corpus à se remotum, & vnus alloquitur alterum quomodocumque à se distans, sicut nos alloquimur eos in cælo existentes: ergo concedendum est, idem posse agentia naturalia corporea, quorum virtus ad aliquam distantiam potest se extendere. Secunda opinio negat, agens naturale posse agere in distans, quin agat in medium aliqua actione reali, vt in principio quæstionis explicatum est, & ideo necessarium omnino esse, quod tangat passum tactu formali, vel virtuali per virtutem diffusam per medium. Ita expresse Aristot. cap. præsentis, & 7. libro Physic. cap. 2. D. Thom. 1. part. quæst. 8. art. 1. & ibidem Caiet. 3. contra gent. cap. 68. & ibidem Ferra. comment. 7. lib. Phys. comment. 2. Albert. Mag. 7. lib. Phys. tract. 1. cap. 4. Ægid. ibid. cap. 2. & Sotus quæst. 1. Capreol. in 1. dist. 37. q. vnica, Durand. & Argent. q. 1. & cum his omnes recentiores. Quæ sententia non solum est probabilior, sed vera, & tenenda. Quam probat Arist. in 1. loco experimentalis inductione in omni genere motus, tam augmentationis, quam alterationis: nam in omnibus experimur agentia naturalia non agere in passum, nisi tangendo illud, & ideo nec in distans, nisi agendo in medium.

medium. Sed potest aliquis respondere, experientiam hanc solum esse veram in effectibus sensibilibus frequenter productis, præter quos sunt particulares alij, & quasi extraordinarij, qui referuntur in secundo argumento primæ opinionis, & producuntur in passum distans sine actione in medio, in quibus non probatur efficaciter per talem inductionem, quod semper sit necessarium agens tangere passum, licet probetur necessarium esse frequenter: ideo vniuersaliter probandum est, ita esse necessarium, ut numquam contingat oppositum.

Sed non bene probatur à quibuldam ex eo, quod sicut corpus non potest transire de extremo ad extremum, nisi per locum medium, ita neque actio eius: quare necesse est, ut per totum medium diffundatur vsque ad extremum corpus, cui imprimenda est. Hæc, inquam, ratio non est sufficiens, quia diuersa est consideratio de transitu corporis, & actionis; nam idem numero corpus transit de extremo ad extremum per medium; sed non eadem actio numero: cum non possit idem numero accidens de vno subiecto transire ad aliud: ergo non bene infertur ex actione, quod non possit ad extremum peruenire, nisi per medium, cum nec per medium peruenire possit.

Minus etiam bene probatur ab alijs ex limitatione agentis, 10 vel virtutis eius, ex qua colligunt indigere contactu, vel approximatione ad passum, sine qua non potest agere in illud: & quod si possit agere ad aliquam distantiam, non agendo in medium, posset ad quamlibet, etiam infinitam: quod est absurdum. Nam primò ex hac limitatione agentis solum videtur colligi, quod limitatam spheram actiuitatis habeat, ita ut ad tantam distantiam, & non ad maiorem possit actionem suam extendere: quod verò ad quamlibet possit, non probatur, quia maior virtus requiritur ad agendum ad maiorem distantiam, quam ad minorem, non certè propter actionem in medium, ita ut invincenda resistantia medij videatur laborare virtus agentis, & ideo magis, si maior sit distantia medij: nam hoc euidenter probatur falsum in agentibus non habentibus contrarium, ut in luminoso, quod patet non laborare in vincenda resistantia medij (quæ nulla est) & nihilominus habet limitatam spheram, ad quam potest propriam actionem extendere, & non ultra: & ideo non sequitur, quod possit agere ad quamcumque distantiam: eadem ergo ratione non sequitur, quod si agens possit agere in distans, non agendo in medium, possit agere ad quamlibet distantiam. Probatur consequentia, quia seclusa resistantia, vel difficultate medij, sola distantia determinat virtutem agendi, ita ut ad tantam distantiam, ne-

cessaria sit tanta virtus, & minor non sufficiat, quare si finita sit, non poterit extendere actionem ad infinitam distantiam, etiam non agendo in medium: nam per actionem in medium nec hebetatur, nec defatigatur virtus agentis: ergo impertinens est, quòd agat in medium, vel non ad extendendā propriam actionem ad maiorem, vel minorem distantiam, sed hoc solum prouenit ex maiori, vel minori limitatione virtutis, ex qua solum poterit probari, quòd magis, vel minus limitatam spheram habeat & consequenter ex eo, quòd sit limitata, solum probabitur, quòd ad tantam distantiam agere possit, siue in medium agat, vel non: & nullo modo, quòd non possit agere in distans, non agendo in medium.

11. Secundo, quia ut inferius ostenderetur, non solum de agente finito probatur, quòd agere non possit in distans non agendo in medium, sed etiam de agente infinito: ergo quòd non possit agens finitum sic agere, sed necessario debeat tangere passum, non bene probatur ex eius limitatione. Sed nec tandem probatur efficaciter ex modo agendi corporei agentis vniformiter difformiter: hoc est, prius, & fortius in partem propinquiorem passu, quàm in remotiorem, ex hoc enim ira arguunt nonnulli. Agens naturale fortius agit in proximiorē partem passu, quàm in remotiorem: ergo signum est, quòd non possit agere, nisi approximatum passo. Probatur consequentia, quia si non requirit approximationem, eodem modo aget in rem, vel partem magis, vel minus distantem. Hoc autem argumentum non probat sufficienter intentum, quia cum maior virtus requiratur ad agendum ad maiorem distantiam, quàm ad minorem, siue in medium agatur, vel non, ut probauimus, etiam si agens non operetur in medium, fortius aget in proximiorē partem passu, quàm in remotiorem, propter minorem distantiam, quam habet respectu illius. Alia igitur via probanda est communis sententia, quam sequimur.

12. Probatur autem primò hoc argumento, vna ex potissimis rationibus, propter quam natura non permittit vacuum inter vnum, & alterum elementum, ex quibus componitur mundus, eo est, ne impediatur influxus, quem inferiora recipiunt à superioribus, quia per medium vacuum non potest naturaliter deriuari, ut docet expressè Arist. 1. lib. Meteororū in princ. illis verbis. *Est autem ex necessitate continuus quodammodo iste superioribus lationibus, ut omnis ipsius virtus inde gubernetur.* Et cum eo tota schola Philosophica. Ex quo duo sequuntur euidenter. Primum, quòd agens naturale non posset agere in distans, si medium esset vacuum, cuius tota ratio est, quia virtus agentis

agentis non potest per medium vacuum naturaliter deriuari ad passum propter incapacitatem medijs vacui. Secundò sequitur, non posse naturaliter agens agere in passum distans, nisi eius virtus deriuetur ad illud per medium. Probatur consequentia, quia si hoc non esset necessarium; nec vacuum inter medium impediret actionem superiorum corporum in inferiora, vt per se est manifestum; sed non potest naturaliter deriuari per medium, nisi media actione eiusdem agentis in ipsum; ergo nec poterit agens operari in distans, non operando in medium.

Secundò, quia euidenti experientia notum est, quòd si inter ¹³ agens & passum ponatur corpus incapax virtutis, quam agens debet imprimere in passum, impeditur omnino actio eiusdem agentis circa ipsum, vt si inter luminosum, & aërem ponatur corpus opacum, impeditur illuminatio eius; sed non impederetur, si non esset necessarium deriuari virtutem per medium, vt perueniret ad extremum, sed posset agens operari in distans, non operando in medium: ergo omnino necessarium est, & ex consequenti naturaliter impossibile, quòd agens operetur in distans, non operando in medium. Vt autem hæc veritas melius intelligatur, & facilius solui possint argumenta opposita, explicandum est, quo pacto deriuari debeat virtus agentis per medium ad extremum, vt circa illud agere possit. Dicimus autem necessarium esse, vt eadem virtus, per quam agens operatur, deriuetur per totum medium, & omnes partes eius, non quidem secundum eundem effectum, nec secundum eandem actionem numericam, vel specificam, sed secundum eundem, vel diuersum effectum iuxta capacitatem, & dispositionem diuersarum partium eiusdem medijs; ita vt si totum medium capax sit eiusdem virtutis, eiusdemque effectus eius, eadem virtus, & per eandem actionem, & secundum eundem effectum deriuari debeat vsque ad passum; si autem non sit capax eiusdem virtutis, sed alicuius effectus eius, satis erit secundum eundem effectum deriuari. Quod hoc exemplo sit ¹⁴ manifestum. Agit Sol in hæc inferiora corpora per lucem, cuius capacia sunt corpora cœlestia intermedia, non tamen sunt capacia alicuius effectus eius: elementa verò vsque ad terram, non solum lucem recipere possunt, sed etiam calorem, & alias qualitates, immo & in eis, atque ex eis possunt generari mixta virtute eiusdem Solis, concurrentibus alijs causis; terra verò propter nimiam densitatem, & opacitatem non est capax lucis secundum profunditatem, sed solum secundum superficiem externam, est tamen capax caloris, quem mediâ luce attingentē superficiem terræ diffundit Sol vsque ad centrum eius, & per

calore sic diffusum producit in inferioribus partibus eiusdem elementi mineralia, nempe aurum, & argentum, concurrentibus ad eisdem effectus simul cum calore Solis cæteris influentiis cælorum, & aëtorum, & sic tangit Sol tactu Physico, ac virtuali quæcunque corpora, circa quæ operatur, per eandem quidem virtutem secundum diuersos effectus, & actiones ab ea procedentes, & in toto medio receptas, iuxta capacitatem, & dispositionem diuersarum partium eius, quod requisitum est; & sufficiens, ut circa totam hanc spheram suæ actiuitatis vsque ad extrema eius agere possit.

Ex quibus sequitur non sufficere, ut agens operetur in extremam partem, vel corpus suæ spheræ, à se distantem, quod agat in medio per aliam virtutem distinctam ab ea, per quam acturum est in extremum, ut Scotus existimat ubi supra, sed requiritur, ut per eandem virtutem operetur in toto medio, quamuis non secundum eandem actionem, vel effectum, sed iuxta
 15 capacitatem, aut dispositionem medij, ut explicatum est. Gratia exempli. Non sufficit, ut ignis possit calefacere partem, vel corpus distans, quod agat in medio per siccitatem, quamuis siccitas esset dispositio requisita ad agendum per calorem, sed necesse est, operetur aliquo modo per calorem. Cuius ratio est, quia agens per aliam qualitatem distinctam non est idem agens, sed diuersum, licet materialiter ratione identitatis subiecti sit vnum: ergo etiam si per vnam qualitatem operetur per medium, non dicitur virtus alterius qualitatis deriuari ad passum, cum nullo modo diffundatur per medium: quare non poterit per illam agere in distans, licet per aliam distinctam operetur in medium: nam ex hoc non operabitur idem agens in medium, sed diuersum: & ita se habebit talis operatio respectu agentis per aliam qualitatem, ac si non esset: & ideo si ignis calefaceret terram, non calefaciendo aërem, licet in hunc ageret per siccitatem, eodem modo diceretur agere in distans, nihil operando in medium, ac si non haberet siccitatem, nec per illam in medium ageret; requiritur ergo, ut per eundem calorem agat in medium secundum se, vel secundum aliquem eius effectum.

16 Et ex his facile respondetur ad primum argumentum sumptum ex diuersis experienciis; de quibus egimus 7. lib. Phys. & ideo non est necessarium nunc ea repetere, quæ eodem loco adnotata sunt, sed vniuersaliter negandum est, aliquando contingere, quod agens operetur in distans, non operando in medium, & etiam negandum est, quod circa illud operetur nihil agendo in medium. Sed piscis ille stupore afficit brachium piscatoris,

piscatoris, effundendo aliam qualitatem per arundinē, & chor-
dam vsque ad brachium, cuius capaces sunt, & à qua stupor pro-
cedit, quamuis in illis non habeat eundem effectum stuporis
propter eorum incapacitatem illum recipiendi, quemadmo-
dum lux solis effusa per inferiora corpora cœlestia non habet
effectum caloris, quem habet circa aërem, & aquam. Et eodem
modo operantur animalia per qualitatem ab oculis eorum de-
ruiatam, vel ab alia parte corporis per oculos; eam enim per
medium effundunt quamuis non habeat eundem effectum in
medio corpore, quem habet in extremo, propter diuersam capa-
citatē, aut dispositionem vtriusque. Eodem etiam modo ope-
ratur magnes attrahendo ad se ferrum. Et pari ratione de le-
bere, & aliis philosophandum est.

Sed aliam experientiam de aqua calefacta in vase adducit
Arist. sect. 24. proble. quart. 5. & ubi fundum lebetis in princi-
pio nimis calidum esse docet, post verò feruescente aqua, non
frigidum, sed minus calidum, vel temperatum, eo modo, quo
balneæ in hyeme calidiores sunt, quàm in ætate.

Ex quo deduci potest, quòd ignis agat in aquam nihil agen- 17
do in medium, nempe in fundo lebetis, vel (quod idem est)
intensius aliquando circa extremū agere, nempe circa aquam,
non intendendo medium. Rationem autem huius reddit, quia
in principio calefactionis, dum aqua frigida est, totus calor,
quem producit ignis, concluditur in fundo vasis, neque ascen-
dere permittitur impeditus ab eadem frigiditate aquæ, sed
dum aqua per alias partes vasis magis calefit, quasi permitti-
tur respirare calor in fundo, velut erentus, & ascendere, ma-
gisque calefacere aquam, & per ascēsum eius relinquitur idem-
met fundum lebetis minus calidum, vel magis temperatum,
quàm prius. Hoc verò sic est explicandum, & intelligendum,
vt verum esse possit, non quidem ita, vt idem numero calor in
fundo existens ascendat, & fundum deferat, nam hoc impossi-
bile est, cum nō possit idem numero accidens transire ab vno sub-
iecto in aliud, sed per calorem inclusum, atque detentum in
fundo vasis intelligit Aristoteles vapores, & exhalationes cali-
das ab igne excitatas, & in poris eiusdem fundi inclusas, quæ
non permittuntur ascendere propter maximam densitatem,
quam habet aqua in principio frigida, & idcò in fundo perma-
nentes magis calidum ipsum efficiunt; sed aqua iam calefacta
per partes alias lebetis, & simul etiā rarefacta, ascendere possunt
calidæ illæ exhalationes fundi, quæ cum leues sint, sua naturali
inclinatione sursum tendunt; ascendentes verò magis calefa-
ciunt aquam, & deferentis fundū, magis temperatum redditur.

Accedit etiam alia causa, ob quam magis remperatur fundus lebetis: nam partes aquæ frigidiores ratione suæ densitatis, & grauitatis, descendunt ad fundum lebetis, & succedunt calidis exhalationibus poros eiusdem lebetis deferentibus, cōsque adimplentes minus calidum efficiunt fundum. Accedit etiam, quod dum iam aqua intensius calefit prope fundum vasis, propter raritatem, & leuitatem, quam acquirit simul cum calore intensiori, ascendit sursum; quia naturale est, vt grauiora sint sub leuioribus, & partes aquæ superiores, sicut frigidiores sunt: quia magis distant ab igne, ita sunt grauiore, ideo naturali inclinatione descendunt ad fundum lebetis, sicut calidiores ascendunt, & ex hac parte magis infigidatur: & ita numquam contingit, aquam fundum vasis tangentem eo esse calidiorem.

18 Nec sequitur, vt contendebar argumentum, ignem agere in distans non agendo in medium, vel fortius agere in remotum, quam in proximum, vt facile constabit intelligenti doctrinam traditam. Quamuis aliquando admitti posset, quod inrensio-rem effectum producat agens in partem remotiorem: hoc tamen per accidens contingit propter maiorem dispositionem illius partis. Et hoc modo contingit aliquando aquam citius conuerti in aërem, vel exhalationes calidas, propter nimiam humiditatem eius, in qua assimilatur aëri, & iuuare etiam solet aër circumstans nimis calidus. Et eodem prorsus modo respondendum est ad aliam experientiam de oleo feruescente super papyrum, vel chartam, & similes, quas breuitatis causa omittimus. Vltima verò de phantasia mouente appetitum sensitiuum à se distantem, difficultate caret, iuxta communem, & veram sententiam tenentem, apprehensionem finis, per quam sensus mouet appetitum sensitiuum, vel etiam intellectus voluntatem non concurrere per modum efficientis causæ ad actus harum potentiaram, sed per modum finis, in quantum sunt conditiones, per quas finalis causa propriam causalitatem exercet circa illas, & ideo non est necessarius contactus, vel approx- imatio eius, sed satis est, quod vtraque potentia sit radicata in eadem anima, vt per naturalem sympathiam possit eam mouere, aut excitare ad operandum, ita vt dum per vnā potentiam anima percipit obiectum, per aliam illud appetat. Et in poten- tiis sensitiuis & intellectiua sufficit naturalis subordinatio exter- narum cum internis, & omnium sensitiuarum cum intelle- ctu, vt eadem anima per inferiores operetur circa superiores, & per vtrasque circa obiecta, quamuis actio externorum sensuum in internos, in qua videtur propria efficiētia Physica intreruenire, per mediū fiat hoc modo, vt ab oculo, vel alio sensu ducantur species

species sensibiles per neruum vsque ad sensum internum, & ita in eo imprimant alias similes eiusdem obiecti, per quas internus sensus operetur.

Ad secundum argumentum concedendum est illud, quod 19 præsupponit, videlicet agentia naturalia determinatam habere spheram suæ actiuitatis: illud verò, quod deinde inquiri, an intra spheram operetur agens immediatè per se in omnes partes, vel in proximas per se, & in remotas per proximas. Respondemus per se operari in omnes, diuersa tamen ratione: nam in proximas, quas per se tangit tactu formali per se imprimendo eis effectum, in remotas verò per effectum, seu virtutem diffusam in proximas, nō quidem ita vt sola hæc virtus diffusa operetur, sed etiam agens ipsum, quia virtus hæc depēdet ex actuali concursu agentis, quod ex eo fit manifestum: quia si operaretur virtus illa in partibus existens sine tali concursu, & quasi separata omnino ab agente parum posset efficere, videmus autem fortioiorem habere actionem, & longè perfectiorem effectū, ac si ageret separata: talis ergo virtus vel effectus medium est, per quod in distantiores partes operatur agens, sed cum sint omnes intra propriam spheram, absque dubio operatur cum omnibus, & virtus eius ad quamlibet deriuata operatur, vt actu coniuncta agenti, sicut riuulus decurrit semper, quia tota aqua & quælibet eius pars coniungitur fonti per quamdam continuationem. Et ideo neganda est vtraque consequentia. Prima quidem quòd si agens operatur in medietate in omnes partes; ergo operabitur in remotiores sine cōtactu, cum nō possit eas per se tangere, hæc inquam consequentia neganda est, vel distinguendum consequens de tactu formali, aut virtuali; & licet primo contactu eas non tangat, tangit secundo per virtutem diffusam à se per medium, & etiam interuenit contactus formalis partis medijs proximè attingētis vltimam partē eiusdem medijs, & agentis circa illā simul cum agēte præcipuo actu concurrente cum sua virtute, per quam pars illa operatur, vt expositum est. Secunda etiam consequentia neganda est, videlicet, quòd si agens operetur in partes remotiores per proximas, sequatur, quod non sit determinata sphaera virtutis eius, sed possit extendi in infinitum: nā cum semper operetur actu agens cum omnibus partibus intra suam spheram contentis, per quas effundit propriā virtutem, & effectū, & cum idē agēs sit finitum, non potest suā virtutē effundere hoc modo, nec per illam operari ad quamlibet distantiam, sed ad certam, & limitatā. Argumentū verò probaret aliquid, si in partes magis distātes operaretur proximiores omnino separatæ à cōcursu actuali agentis.

Ad

Ad vltimum, negandum est antecedens, quòd agentia spiritalia, vt Angeli possint agere in distans, non agendo in medium. Ad aliud verò, quod de locutione eorum dicitur, respondeo, vnum Angelum non alloqui alterū per productionem alicuius speciei, vel conceptus in intellectu eius, sed per voluntariam ordinationem sui conceptus ad alterum: quo pacto certissimum est, nos alloqui Angelos, & ideo non est necessarium, quòd Angelus, qui loquitur, præsens sit alteri, quem alloquitur, sed ad quamlibet distantiam potest fieri talis locutio, sicut nostra cum eis. Ita D. Tho. 1. p. q. 107. art. 4. Si verò dicatur, Angelum loquentem imprimere speciem aliquam, vel effectum realem in intellectu audientis, consequenter erit necessariò concedendum, quod non possit alloqui vnus Angelus, nisi alterum sibi præsente: quia virtus, vel locutio, non potest diffundi per medium, sicut nec potest vnus Angelus dimouere alterum à proprio loco, nisi præsens sit illi, neque aliquid aliud circa eum agere, nisi agendo in medium. Qui verò dicunt locutionem Angelorum eo modo fieri, vt Angelus, qui loquitur, producat in se aliqua signa, vel in cœlo, aut in aëre per quæ audiatur, vel intelligatur ab alio, non tenentur cōcedere quod agat actione Physica in distans, quia impressiones istæ semper fierent circa corpus præsens, vt per se patet.

QVÆSTIO II.

*An agens naturale, vel creatum possit agere in distans
nihil operando in medium per potentiam
Dei absolutam.*

- 21 **Q**uestio hæc à nemine agitur: nam licet de instrumentis disputent plures ex recentioribus interpretibus Arist. 7. lib. Phys. cap. 2. an de potentia Dei absoluta possint eleuari ad agendum in rem distantem, vbi nec sunt præsentia per se, nec per suam virtutem, sed de secundis causis, an licet non possint naturaliter intra spheram suæ actiuitatis agere in remotum, nisi agendo in medium, per quod suam virtutem diffundant vsque ad idem passum remotum, possint tamen virtute diuina ita agere, vt Sol in hæc inferiora corpora, nihil prorsus agendo in intermedios cœlos, vel in visceribus terræ possit producere aurum nihil agendo in aërem: hoc enim specialem habet difficultatem, atque maiorem, quam de instrumentis: quia nemo dubitat,

dubitat, quin causæ secundæ agere debeant per propriam formam, & virtutem, vt Sol per lucem, & ignis per calorem; instrumenta verò non agunt per propriam virtutem, sed per eleuationem à principali agente: & licet D. Tho. & qui eum sequuntur, teneant, necessarium esse, quòd aliquid efficiant propria virtute, per quod disponantur ad eleuationem, & alio modo non posse eleuari. Plures tamen alij negant id esse necessarium, putantes sufficere potentiam obedientialem, quam habet quælibet creatura, vt assumatur à Deo tanquam instrumentum, vt eleuari possit, & assumi ad quemcumque effectum producendum, licet nihil ex propria virtute efficiat; & ideo facilius defendunt isti, quòd instrumenta possint eleuari à Deo ad agendum in remotum, vbi nec præsentia sunt per se, nec per propriam virtutem, quam causæ secundæ, de quibus euident est, quòd per proprias formas, & virtutes agere debeant, & ideo quòd effectus non excedant virtutes earum, quantum ad substantiam, vel speciem, in quibus notum est, distingui ab instrumentis.

Prima opinio asserit, quòd licet naturaliter sit impossibile, 22
agens naturale agere in distans, nihil agendo in medium, non tamen implicat contradictionem, & ideo fieri posse per potentiam Dei absolutam. Ita Scot. in 1. d. 37. q. vnic. Palud. in 4. d. 1. q. 1. Vega lib. 7. In Conc. Trid. cap. 14. Caiet. 3. p. q. 13. ar. 2. Suarez ibidem disput. 31. sect. 6. Cardi. Bellarm. lib. 1. de sacram. in genere cap. 11. & videtur idem sentire D. Tho. 3. p. q. 13. ar. 2. & q. 56. ar. 1. ad 3. quibus locis asserit, humanitatem Christi fuisse instrumentum diuinitatis ad omnes effectus ordinatos ad nostram sanctificationem, & hoc non solum præsentis tempore, & loco, sed secundum quamlibet distantiam locorum, & temporum. Sed omnes isti auctoritates, præter Scotum, videntur loqui de solis instrumentis, de quibus egimus 7. lib. Phys. & non de causis secundis, de quibus nunc agimus; esse autem diuersam rationem de vtrisque ostendimus, & ideo Scotus tantum pro hac sententia referri debet, & recentiores, qui eam sequuntur, Vt autem eam probet Scotus, supponit hoc fundamentum. Ex duplici capite prouenit, quòd agens naturale non possit naturaliter agere in distans, quin aliquid operetur in medium. Primum caput est, quia solet coniungi in eo duplex virtus, vel potentia agendi, quarum vna habet pro passio sibi proportionato corpus distans, & non medium, alia verò corpus mediū, & non distans, & ideo non potest agere per vnā virtutem in distans, quin agat per alteram in medium, cuius exemplum assignat in Sole, in quo concurrat forma substantialis, & lux, & per illam operatur in distans, nempe in visceribus terræ, aliquē effectum
substan

substantialem, vt aurum, ad quos effectus non potest lux concurrere, quia accidentia non possunt arringere productionem substantiæ, sed per lucem operatur in medio alios effectus accidentales, vt lumen, vel calorem.

- 23 Secundum caput est, imperfectio ipsius agentis, cuius virtus actiua principalis imperfecta est, & ideo non potest naturaliter agere per illam, nisi prius agat per aliam imperfectiorem, cuius effectus sit quasi dispositio respectu effectus principalis virtutis, vt ignis non potest agere in passum per formam substantialem, quin prius agat per calorem illud alterando: vnde prouenit, quod non possit agere per formam substantialem in distans, quin prius agat per calorem in medium. Ex hoc fundamento sic arguit. Illud, quod necessarium est, vt agens operetur, si necessarium sit per se, non poterit villo modo sine eo agere, si verò ex accidenti aliquo, licet semper concurrente, non implicabit contradictionem sine illo agere, saltem per diuinam potentiam: sed duo illa non sunt per se necessaria, vt agens naturale operetur, nempe concursus duarum formarum, aut potentiarum in eo, vel imperfectio formæ principalis, ratione cuius indiget alia virtute inferiori ad disponendum passum: ergo poterunt tolli, vel suppleri à Deo, ita vt suspendat actionem vnius virtutis, aut potentie, & suppleat imperfectiorem præcipue formæ per suum concursum, & ita illa agat in distans, non agendo in proximum, & hæc agat in passum etiam remotum, non disponendo in medium. Probatur minor, quia cum duæ illæ virtutes, vel potentie in eodem agente concurrentes diuersæ conditionis sint, nempe vna substantialis, & alia accidentalis, non possunt ita per se coniungi in eodem agente, quin possit operari sine cōiunctione earum: imperfectio verò præcipue formæ eiusdem agentis non potest per se concurrere ad agendum, quia imperfectio non ponit aliquid in agente, sed potius tollit. Potebit igitur Deus tollere lucem à Sole, vel certe suspendere actionem lucis in medio; & ita producet Sol in visceribus terræ substantiales effectus agens per solam formam substantialem nihil agendo in medium, & non minus poterit suspendere actionem caloris, & producet ignis formam substantialem in lignum distans, non disponendo in medium per calefactionem, & ideo nihil agendo in illud.

- 24 Secundò potest probari hæc sententia, quia approximatio, vel cōtractus quicunque agentis, & passi, non requiritur tãquã ratio, vel virtus agendi, sed solū tãquã conditio naturaliter necessaria, & adhuc non semper apud multos, sed conditio non potest esse ita intrinseca, vt implicet contradictionem sine illa agere: ergo poterit suppleri à Deo, ita vt agens operetur in distans, quod

quod nec per se, nec per suam virtutem tangit. Probatur consequentia, quia secluso contactu formali, & virtuali agentis particularis, permanent agens, virtus eius substantialis, & passum, atque etiam concursus primi agentis per se requisita, & sufficientia ad agendum: ergo poterit agens naturale intra suam spheram agere in remotum, nihil agendo in medium. Et confirmari potest, quia nihil potest esse magis extrinsecum respectu actionis in extremum, quam actio in medium, cum sæpe sint actiones realiter distinctæ, ac diuersæ speciei, vt illuminatio, & calefactio: ergo poterunt separari à Deo, ita vt permanente actione in distans, suspendatur actio in medium. Probatur consequentia, quia ea, quæ distinguuntur realiter, & non habent intrinsecam dependentiam inter sese, possunt per diuinam potentiam separari: sed illuminatio, & calefactio Solis, quæ sunt actiones in extremum, & medium, non habent dependentiam intrinsecam inter sese, vt per se patet: ergo poterit hæc suspendi permanente illa, & ita operabitur Sol in hæc inferiora corpora, nihil agendo in intermedios cælos.

Probatur tandem, quia licet naturaliter non possit agens 25 creatum agere in vltimum corpus existens intra spheram suæ actionis per medium vacuum, nemo dubitat, quin agere possit per potentiam Dei absolutam, quia vacuum solum potest impedire naturaliter actionem: sed per vacuum non potest virtus agentis diffundi, vt sic diffusa perueniat vsq; ad passum: ergo poterit medio existente vacuo agere in distans, nihil agendo in medium. Probatur minor, quia vacuum nihil est: ergo non potest esse subiectum, vel passum, circa quod agens operetur; sed non potest agens suam virtutem effundere per medium, nisi per actionem: ergo non poterit eam effundere per medium vacuum. Et quod de medio vacuo probat argumentum, probat etiam de medio pleno incapaci virtuti agentis, Vnde si sol ageret, non per lucem, sed per calorem, vt ignis, non videtur dubitandum, quin posset agere in hæc inferiora corpora calefaciendo, & nihil agendo in intermedios cælos. Et confirmari potest, quia non est certum, magnetem attrahentem ad se ferrum distans, & alia agentia similia, quæ operantur per virtutem occultam, eam effundere per arduinem, vel chordam, aut aliud medium; sed probabiliter negari potest, sicut probabilis est opinio eorum, qui dicunt, hæc agere naturaliter in distans non agendo in mediū: ergo non debet negari, quod per potentiam Dei absolutam non possit agēs creatū tali modo agere.

Secunda opinio affirmat implicare contradictionem, quod 16 agēs operetur in distans, nihil operando in mediū, & consequenter,

ter, quin tangat passum per se, vel per suam virtutem diffusam, vel deductam per medium: diffusam dicimus, vel deductam, quia nec non posset agens diffundere propriam virtutem, nisi per medium capax recipiendi illam, sed virtute diuina deferri posset per quodcumque medium vacuum, vel plenum usque ad passum. Ita Molina: .p.q.8.art.1.in fine secundæ disputationis, & alij recentiores, & videtur mihi probabilior, & sequenda. Probatur primò, quia impossibile est agens proprium, vel causam secundam per propriam virtutem agentem, operari circa passum, nisi illud aliquo modo attingat, hoc est, per se, vel per propriam virtutem: sed implicat contradictionem, agens tangere passum distans per se, aut per propriam virtutem, nisi vel præsens sit ei per se, vel per propriam virtutem: per se autem supponitur absens, & per propriam virtutem nõ potest fieri illi præsens, nisi virtus ipsa diffundatur per medium, vel usque ad ipsum alio modo deferatur: ergo nisi hoc fiat, implicabit contradictionem operari in distans. Probatur minor, quia quamdiu agens distans est, & virtus eius non effunditur, vel defertur ad passum, intra ipsum detinetur, vel ab eo non egreditur; sed repugnat, quòd ab eo non egressa attingat passum, à quo distat, vt per se est manifestum; ergo repugnabit illud attingere, & ideo in illud agere. Et si dicatur sufficere contactum diuinæ virtutis ubique præsentis, à qua eleuatur causa secunda ad operandum in distans; hoc est aperte falsum; quia licet hoc sufficiat, vt diuina virtus operetur, non tamen vt operetur secunda causam cum contactus sit omninò necessarius ad agendum, 27 quælibet virtus agens debet tangere passum. Et confirmari potest, quia causa secunda non potest agere circa passum, nisi illud, atque effectum attingat per realem influxum propriæ virtutis; tunc ergo vel virtutem propriam eleuari, vt influat in passum distans, est illuc usque differri, vt præsens influat, vel procul permanentem illuc usque influere. Primum patet non esse operari in distans, nihil operando in medium, per quod euident est, aliquo modo debere deferri; secundum verò est impossibile: ergo impossibile erit sic operari. Probatur maior, quod procul permanentem non possit in passum distans influere, quia virtutem agentis Physicè influere in effectum non est aliud, quam effectum ab ea Physicè emanare, & Physica emanatio nõ aliud, quam Physica, & realis cõtinuatio eiusdem effectus cum sua causa, sicut emanatio riuus à fonte; sed repugnat, Physicè, & realiter continuari ea, quæ sunt separata secundum locum, & secundum virtutem; ergo repugnabit effectum emanare à causa, & hanc cum producere circa passum distans nihil agentem in medio.

in medio. Minore vero, quod Physica emanatio sit continuatio realis effectus cum sua causa, ostendit ad oculum exemplum Solis, à quo radij lucis tandiu censentur emanare, quamdiu vsque ad ipsum continuantur, si verò discontinuantur, aut diuidantur ab eo in medio, cessabit statim emanatio: sed virtus agentis non diffusa, nec delata vsque ad passum, in quo produci debet effectus, sed procul permanens seiuncta est, atque separata à passo ipso, atque effectu: ergo repugnat effectum continuari cum ea, & consequenter ab ea emanare, vel procedere.

Secundò, implicat contradictionem agens operari circa passum per propriam virtutem, ac postulat ratio causæ principalis, nisi ei vnatur, aut coniungatur per se, vel per propriam virtutem; sed repugnat vniri per se passo absenti, vel distant; repugnat etiam vniri per propriam virtutem: ergo repugnabit in ipsum agere. Probatur minor, quia per se non potest vniri ratione distantiae, & separationis localis ab illo, sed non minus separata est virtus eius, nec minus distans à passo quam ipsum: ergo non minus repugnabit ei vniri per propriam virtutem.

Ad argum. Scoti neganda est minor, quod concursus duarum virtutum in agente creato, nempe formæ substantialis, & potentiae accidentalis ei superadditæ ad operandum sit per accidens ad operandum: non est enim nisi per se, & ita necessarius, vt implicet contradictionem, quod substantia creata sine vtraque operetur. Ex necessitate præcisa formæ substantialis euidens est, & admissa ab ipso Scoto, quia cum det esse intrinsecum rei, impossibile est agens esse sine forma substantiali, & impossibile est etiam operari, si non sit. De potentia verò operatiua superaddita, licet non sit euidens, quia contrarium opinatur idem Scotus, & qui eum sequuntur, videlicet potentias, per quas operantur substantiæ creatæ, non esse accidentia eis superaddita, nec entitates ab eis distinctas: communis tamen est sententia D. Thom. in contrarium, quod sint accidentia eis superaddita, & realiter ab eis distincta, sine quibus implicat contradictionem operari, quia sola substantia diuina immediatè per se operatur, creata verò ex sua limitatione, & imperfectiōe intrinseca habet, vt non sit immediatè per se operatiua; sed solum per accidentia sibi superaddita possit attingere effectum; vnde nec Sol posset villo modo operari in præsens, vel in distans, nisi media luce, vel alia virtute, aut accidenti superaddito; nec etiam ignis sine calore, vel alia qualitate, vel potentia. Falsum igitur est, & omnino negandum, quod sol operetur per suam formam substantialem in visceribus terræ, & non per lucem, vel calorem quoscumque effectus: & non minus falsum, quod ignis ramquam causa

propria producat, vel producere vilo modo possit alterū ignem, nisi medio calore, vel alia potentia, aut virtute ei superaddita. Et denique negandum est, quod per potentiam Dei absolutam possint omnino separari ab eodem agente forma substantialis, & accidentalis virtus, ita vt possit agere sine coniunctione vtriusque, vt explicatum est.

- 29 Ad secundum concessa maiori, quod contactus solum requiratur ad agendum tamquam conditio, neganda est minor, quod conditio non possit ita esse necessaria, vt sine illa non possit agens operari vilo modo, quia existentia actualis in rerum natura solum est conditio requisita ad agendum, & implicat contradictionem, efficientem causam non existentem agere. Eodem igitur modo censendum est, aliquem contractum formalem, vel virtualem, ita esse necessarium, vt sine illo implicet contradictionem, agens operari circa passum.

Ad confirmationem vero concedendum est antecedens, quod actio circa passum, & circa medium sint distinctæ realiter distinctione totali, vel partiali, & aliquando specifica; & ideo quælibet est intrinseca respectu alterius: sed distinguendum consequens, quod possint separari per diuinam virtutem: nam inter sese possunt quidem hoc modo separari, vt actio in medium reperiatur sine actione in extremum; quia bene potest agens in medium agere, non agendo in extremum; sed è conuerso repugnat separari actionem in extremum ab omni actione in medium, & hæc repugnantia separationis non prouenit ab ipsis actionibus, inter quas non reperitur dependentia essentialis, nam extrinseca est vna respectu alterius: sed prouenit ex modo ipso agendi, qui ex sua ratione intrinseca postulat actionem in medium, vt possit versari eadem, vel diuersa actio circa extremum, vt superius ostendimus.

- 30 Ad vltimum concedenda est maior, quod per potentiam Dei absolutam possit agens operari in distans per medium vacuum, sed minor distinguenda, quod per vacuum non possit diffundi virtus agentis; nam sic diffundi, vt in vacuo recipiatur, tamquam in subiecto posituè eam recipiente, nullo modo potest; sed bene posset deferri à Deo per vacuum diuina virtute eam sustentante, ac deferente vsque ad passum: quia sicut potest alia accidentia sustentare sine subiecto, sic potest virtutem productiuam effusam ab agente per vacuum. Et eodem modo posset fieri virtute diuina, vt virtus agentis diffunderetur per medium natura sua incapax eius, vt si per impossibile ageret Sol per calorem, diffundere illum posset per intermedios cælos, quia non implicat contradictionem calorem in cælo recipi, licet re

cet repugnet ei naturaliter. Negandum igitur est, quod in tali casu agere posset Sol in hæc inferiora corpora per calorem, nihil operando in corpora cælestia intermedia, sed vel nullo modo posset operari, vel si in extrema operaretur, necessarium esset, quod eundem calorem effunderet per intermedia corpora.

Ad confirmationem concedendum est antecedens, quod non sit certum, agentia illa per occultam virtutem, vel aliquem eius effectum diffundi per intermedia corpora, sed quia valde probabile est, id esse omnino necessarium, & oppositum non est ferè intelligibile, & ideo parum probabile, satis est, ut probabilius etiam sit implicare contradictionem, quod alio modo operentur, ut efficaciter satis probant argumenta à nobis facta; non est enim necessarium, ut probabiliter teneamus, quod hoc, vel illud fieri non possit per potentiam Dei absolutam, euidenter probare, quod implicet contradictionem, sed satis est, quod efficacioribus argumentis probari videatur.

CAPUT VII.

TEXTVS ARISTOTELIS.

*De ipso autem facere, & pati, dicendum
consequenter, &c.*

Breuis expositio textus.

Intentum Aristotelis in hoc septimo c. est, explicare naturam, 31
& conditiones agentis, & passi. Diuiditur autem in tres partes. In prima propositis antiquorum Philosophorum sententiis de natura, & conditione agentis, & passi, cum fundamentis eorum, atque refutatis, ex propria sententia docet, quæ sit natura, & conditio vtriusque. In secunda proponit dubium, an agens simul dum agit, patiatur ab eodem passo, circa quod agit, & illud soluit. In tertia docet, & probat, ad quod genus causæ pertineant agens, & passum.

Ad primam igitur partem accedens Aristot. asserit duas opiniones extitisse suo tempore circa naturam, & conditionem agentis, & passi. Prior fuit eorum, qui dixerunt, debere esse dissimilia, ita ut nihil pati possit, nisi ab agente dissimili, quorum argum. erat, quia si simile à suo simili pateretur, non esset maior ratio, ob quam hoc potius in illud ageret, vel ab illo pateretur, quam ab alio, & ideo non essent determinata agens, & passum. Quod si aliquando contingit, minorem ignem à maiori parti, ab eoque consumi, respondebāt ideo esse, quia magnam

& patiūm sunt contraria, & ex hac parte dissimilia, & propterea vnum potest agere in alterum, vel ab eo pati.

Secunda opinio opposita erat, asserens, agens & passum similia esse debere, & hæc fuit Democriti, quam inductione probabat hoc modo. Album non agit in dulce, neque hoc in graue, aut leue, & sic de cæteris huius conditionis, propterea quod dissimiles, & quasi dispartatas habent naturas, & ideo nullam similitudinem inter se: ergo agens & passum similia esse debent. Quod si accidat aliquando dissimilia inter sese agere & pati, vt calidum à frigido, vel à sicco humidum, non ideo agunt, & patiuntur, quia dissimilia sunt, sed quia aliquo modo conueniunt, nempe sub eodem genere substantiæ, vel qualitatis, & ideo aliquam habent similitudinem.

- 32 Sed vtramque opinionem diminutam esse asserit Arist. quia quædam vera, alia falsa docet, sed quæ simul in veritate stare etiam possunt, sicut propositiones subcontrariæ, & deceptionem horum Philosophorum ex eo processisse ait, quia vnam vel alteram tantum conditionem agentis, & passi considerarunt, ex parte cuius similia sunt, sed ex parte alterius dissimilia: agens enim, & passum & formæ habent, & subiectum, circa quod se expellunt, & ex parte formarum dissimilia esse debent, vt calidum, & frigidum; habent etiam subiectum commune, à quo vnum expellit alterum, ex parte cuius aliqualem habent similitudinem. Quod verò vtrique falsa, probat; & primò, quod agens & passum non possint esse omnino similia, quia non esset maior, ratio, ob quam vnum potius quàm aliud patèretur. Secundo, quia sequeretur, quamlibet rem posse in seipsam agere. Probatur consequentia, quia si ratio agendi vnius in alterum est similitudo, nihil est adeò simile alteri, quàm idem sibi: ergo poterit in seipsum agere, ex quo sequitur, inquit, aliud absurdum, quod etiam posset corrumpere seipsum: quia actio agentis in passum sua natura ordinatur ad corruptionem eius, & ideo nullum esset in rerum natura corpus incorruptibile, quod patet esse falsum, cum corpora cælestia incorruptibilia sint. Quod verò non possint esse omnino dissimilia, vt dicebat prima opinio, probat exemplis, & ratione: exemplis quidem, quia quantitas, & calor, & his similia sunt penitus diuersa, & non agunt, nec patiuntur inter se: ergo ratio agendi, & patiendi non est dissimilitudo. Ratione vero, quia agens, & passum debent esse contraria, sed contraria continentur sub eodem genere, & ideo in eo conueniunt: ergo saltem ex hac parte debent aliquo modo esse similia.

- 33 His sententiis refutatis, proponit propriam dicens: Agens, & passum,

passum, nec omnino similia esse debere, nec omnino dissimilia, sed secundum genus, & secundum commune subiectum, circa quod se expellunt, similia, & secundum formas specificas, dissimilia, ut calidum & frigidum ostendunt. Et ex hac veritate cōslegerunt Philosophi vulgatum illud sæpe in schola repetitum: omne agens iurendit assimilare sibi passum: quod non esset verum, si ante actionem esset ei omnino simile.

In secunda parte proponit hoc dubium, an agens, dum agit, simul patiatur ab eodem passo, circa quod agit, quod vocant repati ab illo. Ut autem respondeat, præsupponit duas diuisiones mouentis, & agentis. Prior est, mouens, aliud est primum, aliud vltimum. Primum mouens est illud, à quo primo procedit motus, ita ut non procedat ab alio priori, ut prima causa, à qua mouentur omnia, dicitur primum mouens, nempe Deus: vltimum verò est illud, ultra quod non est aliud mouens, sed immediatum est mobili, ut baculus, quo Petrus mouet lapidem, est vltimum mouens. Alia diuisio est agentis, vel alterantis (nam agens pro alterante sumitur, ut vidimus cap. precedenti) etiam in primum, & vltimum. Alterans primum est, quod sic alterat, ut non alteretur ab alio, ut Medicus, qui alterat corpus sanandum, sed ipse non alteratur ab alio sanante: alterans verò vltimum est, ultra quod non est aliud alterans, sed per seipsum attingit passum, ut medicamentum in eadem sanatione. Conuenit autem primum mouens cum primo alterante, & differt ab eo: conuenit quidem in eo, quod sicut primum mouens, si sit primum simpliciter, non mouetur ab alio; ita primum alterans, si sit primum simpliciter in ordine alterantium, non alteratur ab alio, ut cælum non alteratur ab alio: sed differunt etiam, quia primum mouens nihil accipit ab alio, ut Deus: primum verò alterans, licet non alteretur ab alio, sed accipit motum ab alio, ut cælum ab intelligentia. Conuenit etiam vltimum mouens cum vltimo alterante in eo, quod sicut mouens mouetur ab alio, ut baculus, ita alterans alteratur ab alio, ut medicamentum alteratur à stomacho.

His diuisionibus suppositis, respondet dubio proposito hoc modo. Quodlibet agens habens formam in materia, hoc est, in materia communi, & eiusdem rationis cum materia passi, agendo potest repati, quæ verò non habent formam in materia, hoc est, in materia communi, & eiusdem rationis, sed diuersæ speciei, non repatiuntur: & quia omnia agentia sublunaria habent formam in materia eiusdem rationis, agendo repatiuntur: corpora verò cælestia habent formam in materia diuersæ rationis, ideò non repatiuntur agendo: & vniuersa-

liter loquendo inquit ; Primum agens non reparitur , sed vltimum. Docet tandem in vltima parte , ad quod genus causæ pertineant agens , & passum ; & primo de agente ait , pertinere ad genus causæ efficientis. Probat primo, quia causa efficiens est, à qua incipit motus , sed agens est , à quo incipit alteratio: ergo est causa efficiens. Secundo probat à sufficiente diuisione, hoc modo ; Agens non pertinet ad tria alia causarum genera, nempe ad formalem, finalem, aut materialem , & est vera causa : ergo pertinet ad efficientem. Maiorem sic probat ; causa finalis non mouet propriè , sed quadam motione Metaphorica ; sed agens mouet propriè , quia alteratio ab eo procedens est propriè motus: ergo agens non pertinet ad causam finalem. Probat secundo, quod nec sit finis, nec forma, quia agens tunc est actu agens , quando ab eo egreditur actio ; sed quando ab eo egreditur actio , nondum sunt finis, nec forma : nam dum sunt, cessat potius actio , & agens iam non est actu agens : ergo agens non est finis , nec forma. Quod verò agens non sit materia , per se notum esse ait , quia materia nihil agit , sed passiva tantum est ; sed proprium est agentis agere : ergo agens non est causa materialis , sed passum est , quod ad eam pertinet , vt per se est manifestum.

C A P V T V I I I.

Quomodo autem possit hoc accidere , rursus dicamus.

Breuis expositio textus.

- 35 **N**ihil nouum ad doctrinam pertinens affert Arist. in hoc cap. sed prolixè sagis refert, & reijcit opiniones antiquorum Philosophorum circa modum agendi , & patiendi corporum naturalium inter se, & in ordine ad generationem, corruptionem, atque mixtionem, & hoc est intentum capitis, quod in duas partes diuidi potest. In prima referuntur duæ opiniones, & in secunda refutantur.

Prima opinio fuit Empedoclis asserentis, corpora non posse agere, nec pati, nisi intra illa ponantur pori quidam, aut concauitates, per quas vnum possit subintrare alterum, & quasi penetrare illud , & circa illud agere : & quidem si æquales sint pori vtriusque, atque commenturabiles , vicissim se penetrabunt, & talis penetratio erit mixtio vtriusque, quo pacto se habent aqua & vinum, & quæuis alia corpora liquida : si verò pori vtriusque non

non sint commensurabiles, sed inæquales, tunc ingreditur quidem alterum, quod subtilius est, per poros crassiores, ut ignis per poros ligni, sed non est conuersio: & ideo inter talia corpora non poterit mixtio fieri, sed solum generatio, & corruptio, aut alia operatio, sicut per poros aeris, & cuiuslibet alterius medij fit visio, & quæcumque sensatio alterius sensus.

Secunda opinio fuit Democriti, & Leucippi, ponentium quidem eosdem poros, sed diuersa ratione; nam Empedocles ponebat eos vacuos: isti verò plenos corpusculis quibusdam indiuisibilibus, quæ appellabant athomos, ita tamen ut non omnino eos repleret, sed cum iidem athomi essent discontinui, vacuum inter eos relinqui, & per vacuum ipsum inquebantur, & quasi volitabant: per congregationem verò, seu unionem horum athomorum res generari, & per separationem corrumpi res dicebant. Itaque ut ex contextu huius capituli colligitur, duæ istæ opiniones ex parte conueniunt, & ex parte differunt: conueniunt quidem in eo, quod utraque ponebat vacuum in poris omnium corporum, sed posterior in hoc vacuo semper degere athomos, in eoque congregati, vel uniti ad aliquid generandum assentit: prior verò docet, in eisdem potius vacuis non esse à principio athomos, sed à corpore subintrante per illos deriuari, & quasi produci in eisdem poris, ut per productionem eorum agere possit in corpus idem. Ideo Arist. asserit has duas opiniones parum differre, quantum ad modum agendi corporum per hos poros, & per athomos in eis existentes, vel à corpore subintrante immissos.

Sed utramque impugnat, tamquam falsam, & veræ Philosophiæ contrariam in 2. part. capituli. Primam quidem Empedoclis hac ratione; quia si vnum corpus agit in alterum, quia per poros eius subintrat, ut asserit, vel corpus iam ingressum agit per contactum, vel non; si per contactum agit, eundem habere posset absque ingressu, ut per se patet: ergo sine poris vacuis posset esset actio & passio. Si verò non agit per contactum: ergo quamuis agens subintret, & per ingressum tangat partes corporis, non aget; quia ingredi non est agere, sed approximari ad agendum; nec potest excogitari per aliquid aliud agere subintrans, per quod non posset agere extra corpus existens, & passum tangens: frustra ergo ponuntur tales pori vacui.

Secundam verò opinionem sic impugnat; vel athomi, quibus pleni sunt pori, agunt inter sese, & patiuntur, vel corpus subintrans per poros, cui athomi cedunt. Primum non possunt sine aperta contradictione concedere; nam ipsi dicunt, non dari actionem, & passionem, nisi per vacuum, sed athomi ipsi non habent intra se vacuum, sed sunt solidi: ergo non possunt inter sese

agere, & pati. Si verò secundum concedant, frustra ponunt tales athomos intra poros, quia sicut athomi cedunt corpori subintranti, ita partes corporis possunt cedere alteri, præsertim si fluida sint, & ita æquè facile poterunt agere & pati corpora sine poris vacuis, aut athomis plenius, ac si non darentur, & propterea frustra ponuntur. Et si dixerint non esse necessarium dari vacuum intra quemlibet athomum, sed satis esse si detur inter vnum, & alterum; eadem ratione probatur, non esse necessarium dari poros vacuos, nec athomos intra illos, ut vnum corpus agat, & alterum patiatur, sed sine illis posse agere, sicut pori ipsi inter sese agunt; & pariuntur sine his per solum contactum.

CAPUT IX.

TEXTVS - ARISTOTELIS.

*Quo autem modo insit generare entibus, & facere,
& pati, dicamus, &c.*

Brevis expositio textus.

- 38 **I**ntentum Arist. in hoc 9. cap. est, ex propria sententia docere, quonam modo corpora agant, & patiantur, postquam sententias aliorum refutauit. Diuiditur autem caput in duas partes. In prima enumerat quatuor condiciones, quas habere debet agens, & passum; & reiecit quintam ab aliis additam, tamquam falsam. In secunda verò parte docet, opinionem Democriti ponentis indiuisibiles athomos in poris corporis ad agendum, & patiendum necessarios, non solum generationem corporum tollere, sed etiam alterationem, & augmentationem.

Prima conditio agentis, & passi est, ut agens in quantum tale sit in actu, & passum in potentia, ut ignis agit in quantum est calidum, & lignum patitur, in quantum est in potentia ad recipiendum actum eius, nempe calorem.

Secunda conditio est ut agens, & passum se rangant, proxime quidem, si agens proximum sit, vel vltimum, inter quod & passum non sit aliud agens; vel remote, si non sit agens vltimum, sed primum, vel intermedium, ut Sol tangit aquam medio aëte, sed aër, quod est agens vltimum immediate per se, vel etiam tactu formali, aut virtuali, ut capit. 6. explicatum est à nobis. Ex quibus sequitur, non esse necessarium, quod corpus secundum quasdam partes tantum patiatur, nempe secundum porosas, &

non

non secundum alias, nempe solidas; sed secundum omnes pati potest. Cuius ratio, inquit, est, nam ideo potest corpus agere secundum omnes partes, quia secundum omnes est in actu sed etiam secundum omnes est in potentia ad actum recipiendum: ergo secundum omnes potest pati. Probatur minor, quia omnes partes sunt eiusdem naturæ propter eandem formam: ergo eodem modo se habent omnes, sicut ad agendum, sic ad patiendum.

Tertia conditio est, quod agens, & passum non sint continua, quod non est intelligendum de continuatione materiali, aut quantitativa: nam evidens experientia docet, partem calidam corporis agere in partem frigidam sibi continuam, sed de continuatione secundum eandem formam agendi, & eundem gradum eius, ita ut si duo sint continua, & eandem formam, in eodemque gradu participant, non possit unum agere in alterum, quod patet in partibus ignis, vel ferri æque calidis: si enim calor remissior esset in una, quam in alia sibi proxima, posset absque dubio intensior in remissiore agere.

Quarta conditio est, ut agens & passum sint in debita distantia, hoc est, ut passum sit intra spheram ætuitatis agentis: cum enim agentia naturalia, immo & creata omnia finita sint, & limitata, non possunt actionem suam extendere ad quamcumque distantiam, sed ad certam, & limitatam, ita ut ultra illam agere non possint, & ideo nisi passum intra talem distantiam contineatur, non poterit agens circa illud agere, neque aliquid ab eo patieretur passum.

Aliqui addiderunt quintam conditionem, nempe quod passum non secundum omnem partem patiatur, sed secundum unam, & non secundum aliam. Quam probat esse falsam, & ideo non necessariam: quia si verum esset, inquit, corpus naturale componi ex atomis indivisibilibus, ut docuit capit. præcedenti Democritus, vel ex superficiebus indivisibilibus, ut docebat Plato, non posset pati secundum quamlibet partem, immo secundum nullam, quia nulla pars eius esset divisibilis, nec extensa, immo nec esset corpus, quæ omnia necessaria sunt ad patiendum, immo nec totum corpus ita compositum esset continuum, vel extensum; quia nec indivisibilia possunt continuari, nec aliquid extensum efficere. Dicendum igitur est, posse totum corpus pari ab alio, & secundum quamlibet partem, nec ad hoc esse necessarium, ut partes eius actu sint divisæ, sed satis est, quod sit divisibile secundum omnes, & singulas.

In secunda tandem parte capitis docet, opinionem Democriti ponentis indivisibiles atomos intra poros corporis ad actio-

dimensiones, ne eundem locum ingrediatur. Si verò non loquatur eadem sententia vniuersaliter de resistentia, hoc est de omni, sed tantum de aliqua, insufficiens est, quia aliqua tantum resistentia explicata, & non omnis, insufficienter explicabitur, quid sit resistentia.

- 44 Nostra igitur sententia est, quod præter resistentiam purè negatiuam, quæ non est aliud, quàm omnimoda incapacitas subiecti respectu talis actionis, ac formæ per eam imprimendæ, distinguenda sit duplex resistentia positiaua, vna actiua, alia passiua, aut formalis. Ita tenet omnes recētiotes, & ideò solum oportet explicare, quid sit resistentia in communi, & quonam modo in hæc membra positina diuidatur, quid etiam sit quælibet earum in particulari, ex quorum explicatione censebitur nostra sententia sufficienter probata. Resistere alteri vniuersaliter loquendo est impedire, vel retardare actionē, vel effectum eius, ne fiat, vel ne fiat tam cito, vel tanta intensiōe, aut perfectione. Exempli gratia; dum ignis calefacit aquā, sua actione debilitat virtutem eius, impeditque, ne agat in se, aut si agere permittitur, non tanta velocitate, aut tanta intensiōe, ac ageret, si non impediretur: frigiditas etiam aquæ informās aquam eo ipso impedit actionē calidi, & ingressum caloris in eam, & impedimentū hoc præstare, dicitur propriè ei resistere. Resistentia verò sic in communi sumpta, & explicata duplex est, actiua, & formalis: actiua est actio agentis, in quantum impedit contrarium, ne in idemmet agens, à quo ipsa egreditur, agat, aut ne tanta velocitate, aut intensiōe, vt actio ignis, per quam debilitatur frigiditas aquæ, dicitur resistentia actiua eiusdem ignis: resistentia verò formalis, licet dicatur respectu actionis, vel actiue virtutis, non est actio aliqua, sed solum informatio eiusdem formæ impossibilis cum forma agentis, in quantum impedit, ne actio agentis contrarij in subiecto, quod informat, recipiatur, vt resistentia formalis aquæ respectu ignis est informatio frigiditatis impossibilis in aqua cum calore; itaque frigiditas per solam informationem impediens ingressum caloris, dicitur resistere aquæ formaliter. Et denique illa omnia, quæ probauimus resistere alijs nihil agendo aduersus primam opinionem, resistunt resistentia formali.

- 45 Nunc autem probandum est primò, vtrumque membrum huius diuisionis dari. Probatur autē ex definitione communi resistentiæ: nam resistere contratio est impedire actionē eius, & introductionem suæ formæ in eodem subiecto: sed vtroque modo contingit sic impedire actionem, & effectum contrarij, actiue, & passiue, aut formaliter: ergo datur duplex resistentia.

Probatur

Probatur minor, nam ignis agendo in aquam, & debilitando frigiditatem eius per impressionem caloris impedit, ne in ipsam agat, vel non tam cito, aut tanta intensione, quod est retardare actionem eius. Præterea calor ignis per suam informationem impedit, ne aqua agat in ipsum, aut propriam frigiditatem ei imprimat, vel non simul, aut non tanta intensione, aut velocitate: ergo resistit formaliter, quia id, quod forma præstat per suam informationem, dicitur præstare in genere causæ formalis. Probatur secundo, quod eadem diuisio sit adæquata, quia non datur resistentia aliqua, nec dari potest, vel excogitari, quæ non fiat per actionem, vel informationem, ut euidenti inductione discurrunt per singulas resistentias facile constare potest: ergo non est excogitabilis alia resistentia præter actiuam & formalem.

Sed aduersus singula membra huius diuisionis propono singula argumenta, ut ex eorum solutionibus magis explicetur diuisio, & melius intelligatur. Et primo aduersus resistentiam formalem probō non dari: nam forma informans subiectum non impedit actionem agentis, per quam introducenda est opposita ratione suæ informationis, sed per actionem, qua cōseruatur ab agente, ut calor ignis impedit actionem frigiditatis, & introductionem eius in eodem igne, in quantum cōseruatur per actionem primæ causæ, atque etiā suo modo virtute formæ substantialis eiusdem ignis, quæ sicut effectiue, cōcurrit ad emanationem caloris à se, ita ad cōseruationem eius, quæ non est aliud, quā continuatio eiusdem emanationis: ergo hæc resistentia formæ quæ appellatur à nobis formalis, potius est actiua pertinens ad primum membrum: quare nulla dabitur resistentia formalis. Probatur cōsequenter, quia actio agentis, & substantialis formæ, per quas cōseruatur, non pertinet ad genus causæ formalis, sed efficientis: ergo nec resistentia ipsa. Quod hac ratione potest confirmari: nam si forma ratione suæ informationis resistit agenti, vel resistit in eodem instanti, in quo agens agit ad introducendam oppositam, vel antequam agat. Primum est impossibile, quia in instanti, in quo agit, si actio eius sit instantanea, iam est introducta forma opposita, ut patet in generatione substantiali viuientium: ergo iam non est forma expulsa: sed quod non est, non potest resistere sicut nec potest agere: ergo in illo instanti non datur resistentia formalis; & eodem modo, si agens agit actione successiua non potest forma eius resistere, dum agit: quia tempore, quo agit, introductus est aliquis gradus formæ oppositæ: ergo etiam est expulsa eadem forma præexistens, quantum ad illum gradum, ratione cuius resistere non poterit; neque ratione aliorum permanentium, quia adhuc non agit circa illos contrariū. Quod verò

non resistat forma agētis per suam informationem, antequam agat, euidens est, quia non dicitur vnum resistere alteri, antequam ab illo impugnetur, vt docet experientia.

- 47 Propōno secūdum argumētū aduersus resistētiam actiuam hoc modo: si detur talis præsētia, quæ sit realiter eadem actio agentis, sequitur, nullā qualitatem esse magis actiuā, quā resistiuā, vel e conuerso, sed omnes esse æqualiter actiuas, & resistiuas, & consequenter nullum elementū esse magis actiuum, quā resistiuum. Probatur consequentia, quia qualibet qualitas dicitur actiua in ordine ad actionem, cuius principium est; sed per eandem actionē est resistiua, in quantum per eam debilitans virtutem contrarij impedit actionem eius: ergo æqualiter erit resistiua, & actiua. Consequens autē est contra communem modum loquendi, & sentiendi omnium ferē Philosophorum, & expressē contra Aristotelem 2. lib. de Generat. text. 3. & 4. lib. Metaph. cap. 1. expressē asserentem, calorem, & frigiditatem esse qualitates actiuas, humiditatem, & siccitatem passiuas. Pro solutione primi argumēti adnotandū est, quod actio, per quam conseruatur forma in subiecto, ordine naturæ præsupponitur ad agendum vel resistendum. Quod sic probo. Existētia actualis rei extra causas præsupponitur actioni, & passioni, & ex consequenti præsupponitur resistentiæ actuali, quæ in agendo, & patiēdo interuenit; sed conseruatio rei nō est aliud, quā continuatio existentiæ eius extra causas, sicut prima productio eius est incipere esse extra causas: ergo conseruatio formæ: & consequenter actio ipsa, per quam conseruatur, præsupponitur actioni, per quam agit, & resistentiæ, per quā resistit agenti. Vnde sequitur, talem actionem conseruatiuam non esse resistentiā actiuā, neque formalem eiusdem rei, quæ conseruatur, sed conditionem necessariam ei præsuppositam, quia sicut non potest agere res, nisi actu existat, ita non potest resistere: actio verò, atque resistentia quid aliud consequens, atque natura posterius esse debet, nēpe actio eiusdem rei, vel repugnātia formalis, per quā formaliter resistit contrario: negari tamen non potest, conditionem hanc præsuppositā iuuare ad resistendum, quia quo à fortiori causa conseruatur forma, difficilius expellitur à subiecto, & si à multis, atque diuersis, longē difficilius: ergo magis resistit actioni agentis contrarij contendentis
- 48 eam expellere. Gratia exempli, Calor productus in aqua, quo à pluribus agentibus conseruatur, magis resistit resistentia formali actiuitati eiusdem aquæ, per quam intendit, atque conatur eum expellere, vt se reducat ad naturalem frigiditatem. Sed quod intendimus est, has actiones conseruantes non esse resistentiam

stentiam actiuam, neque formalem eiusdem rei conseruatæ, sed vtrique præsupponi, & vtramque iuuare. Et ex his soluitur primum argumentum: nam ad formam eius negandum est antecedens, quòd forma non resistat actioni agentis per suam informationem, sed talem resistantiam potius fieri per actionem conseruantis; quia licet actio conseruantis sit conditio necessariò præsupposita, vt forma possit resistere, quemadmodum præsupponitur necessariò actualis existentia eiusdem formæ, forma tamen ipsa conseruata in esse, per suam informationem impossibilem cum forma contrarij, absque aliqua actione impedit actionem contrarij modo iam explicato, sic autè eam impedire, est resistere formaliter. Vel secundo responderi potest concedendo: quòd actio conseruantis formam sit quædam resistantia actiua, non quidem procedens à forma passi, circa quod operatur contrarium, sed ab eodem conseruante eandem formam, præter quam resistantiam forma ipsa per suam informationem, & ideo in genere causæ formalis propriam habet, atque distinctam, quæ vocatur formalis, immo & propriam actiuam per actionem à se procedentem. Itaque licet resistantia actiua, & quasi remota conseruantis, coniungatur semper cum formali, tamquam ei necessariò præsupposita, hoc non tollit distinctionem vtriusque, quia vna est actio, & alia informatio.

Pro solutione confirmationis notandum est, quòd sicut forma substantialis, non est per se immediatè actiua, sed per suam virtutem accidentalem superadditam, ita non est per se immediatè resistiua, non solum resistantia actiua: quia cum hæc sit realiter ipsa actio, si forma non est actiua per se immediatè, nec erit resistiua hæc resistantia, sed nec resistantia formali, quia non impedit per se immediatè actionem agentis, sed per suam virtutem accidentalem contrariam virtuti agentis, per quam agit. Exempli gratia. Aqua immediatè per suam substantiam, sicut non agit ita nec resistit resistantia actiua, sed per frigiditatè vel humiditatem vtrumque præstat, & eodem modo non resistit actioni agentis contrarij resistantia formali, nisi per easdem virtutes, quia si illas non haberet, nec esset formaliter contraria igni, nec resisteret actioni eius resistantia formali, sed in eodem momento posset ignis suum calorem ei imprimere. Supposito ergo, quòd per suam virtutem resistit resistantia formali, quærebat argumentū, an resistat agenti antequàm agat, vel dum iam agit. Cui respondent iuniores quidā nō resistere priusquàm operetur, sed dum iā operari: & licet tunc iā non sit forma secundum illū gradum iam expulsum, sufficit immediatè existisse, vt resistere dicatur per eum; quia cum resistantia formalis non sit

& paruum sunt contraria, & ex hac parte dissimilia, & propterea vnum potest agere in alterum, vel ab eo pati.

Secunda opinio opposita erat, asserens, agens & passum similia esse debere, & hæc fuit Democriti, quam inductione probabat hoc modo. Album non agit in dulce, neque hoc in graue, aut leue, & sic de cæteris huius conditionis, propterea quod dissimiles, & quasi dispartatas habent naturas, & ideo nullam similitudinem inter se: ergo agens & passum similia esse debent. Quod si accidat aliquando dissimilia inter sese agere & pati, vt calidum à frigido, vel à sicco humidum, non ideo agunt, & patiuntur, quia dissimilia sunt, sed quia aliquo modo conueniunt, nempe sub eodem genere substantiæ, vel qualitatis, & ideo aliquam habent similitudinem.

- 32 Sed vtramque opinionem diminutam esse asserit Arist. quia quædam vera, alia falsa docet, sed quæ simul in veritate stare etiam possunt, sicut propositiones subcontrariæ, & deceptionem horum Philosophorum ex eo processisse ait, quia vnam vel alteram tantum conditionem agentis, & passi considerarunt, ex parte cuius similia sunt, sed ex parte alterius dissimilia: agens enim, & passum & formas habent, & subiectum, circa quod se expellunt, & ex parte formarum dissimilia esse debent, vt calidum, & frigidum; habent etiam subiectum commune, à quo vnum expellit alterum, ex parte cuius aliqualem habent similitudinem. Quod verò vtrique falsa, probat; & primo, quod agens & passum non possint esse omnino similia, quia non esset maior, ratio, ob quam vnum potius quam aliud pateretur. Sequendo, quia sequeretur, quamlibet rem posse in seipsam agere. Probatur consequentia, quia si ratio agendi vnius in alterum est similitudo, nihil est adeo simile alteri, quam idem sibi: ergo poterit in seipsum agere, ex quo sequitur, inquit, aliud absurdum, quod etiam posset corrumpere seipsum: quia actio agentis in passum sua natura ordinatur ad corruptionem eius, & ideo nullum esset in rerum natura corpus incorruptibile, quod patet esse falsum, cum corpora cælestia incorruptibilia sint. Quod verò non possint esse omnino dissimilia, vt dicebat prima opinio, probat exemplis, & ratione: exemplis quidem, quia quantitas, & calor, & his similia sunt penitus diuersa, & non agunt, nec patiuntur inter se: ergo ratio agendi, & patiendi non est dissimilitudo. Ratione vero, quia agens, & passum debent esse contraria, sed contraria continentur sub eodem genere, & ideo in eo conueniunt: ergo saltem ex hac parte debent aliquo modo esse similia.

- 33 His sententiis refutatis, proponit propriam dicens: Agens, & passum,

passum, nec omnino similia esse debere, nec omnino dissimilia, sed secundum genus, & secundum commune subiectum, circa quod se expellunt, similia, & secundum formas specificas, dissimilia, ut calidum & frigidum ostendunt. Et ex hac veritate cōslegerunt Philosophi vulgatum illud sæpe in schola repetitum: omne agens iurendit assimilare sibi passum, quod non esset verum, si ante actionem esset ei omnino simile.

In secunda parte proponitur hoc dubium, an agens, dum agit, simul patiatur ab eodem passo, circa quod agit, quod vocant repati ab illo. Ut autem respondeat, præsupponit duas diuisiones mouentis, & agentis. Prior est, mouens, aliud est primum, aliud vltimum. Primum mouens est illud, à quo primo procedit motus, ita ut non procedat ab alio priori, ut prima causa, à qua mouentur omnia, dicitur prima mouens, nempe Deus: vltimum verò est illud, ultra quod non est aliud mouens, sed immediatum est mobili, ut baculus, quo Petrus mouet lapidem, est vltimum mouens. Alia diuisio est agentis, vel alterantis (nam agens pro alterante sumitur, ut vidimus cap. precedenti) etiam in primum, & vltimum. Alterans primum est, quod sic alterat, ut non alteretur ab alio, ut Medicus, qui alterat corpus sanandum, sed ipse non alteratur ab alio sanante: alterans verò vltimum est, ultra quod non est aliud alterans, sed per seipsum attingit passum, ut medicamentum in eadem sanatione. Conuenit autem primum mouens cum primo alterante, & differt ab eo: conuenit quidem in eo, quod sicut primum mouens, si sit primum simpliciter, non mouetur ab alio; ita primum alterans, si sit primum simpliciter in ordine alterantium, non alteratur ab alio, ut cælum non alteratur ab alio: sed differunt etiam, quia primum mouens nihil accipit ab alio, ut Deus: primum verò alterans, licet non alteretur ab alio, sed accipit motum ab alio, ut cælum ab intelligentia. Conuenit etiam vltimum mouens cum vltimo alterante in eo, quod sicut mouens mouetur ab alio, ut baculus, ita alterans alteratur ab alio, ut medicamentum alteratur à stomacho.

His diuisionibus suppositis, respondet dubio proposito hoc modo. Quodlibet agens habens formam in materia, hoc est, in materia communi, & eiusdem rationis cui materia passi, agendo potest repati, quæ verò non habent formam in materia, hoc est, in materia communi, & eiusdem rationis, sed diuersæ speciei, non repatiuntur: & quia omnia agentia sublu-
naria habent formam in materia eiusdem rationis, agendo repatiuntur: corpora verò cælestia habent formam in materia diuersæ rationis, ideo non repatiuntur agendo: & varieta-

liter loquendo inquit ; Primum agens non repatitur , sed vltimum. Docet tandem in vltima parte , ad quod genus causæ pertineant agens , & passum ; & primo de agente ait , pertinere ad genus causæ efficientis. Probat primo, quia causa efficiens est, à qua incipit motus , sed agens est , à quo incipit alteratio: ergo est causa efficiens. Secundo probat à sufficiente diuisione, hoc modo ; Agens non pertinet ad tria alia causarum genera, nempe ad formalem, finalem, aut materialem , & est vera causa : ergo pertinet ad efficientem. Maiorem sic probat ; causa finalis non mouet propriè , sed quadam motione Metaphorica ; sed agens mouet propriè , quia alteratio ab eo procedens est propriè motus: ergo agens non pertinet ad causam finalem. Probat secundo, quòd nec sit finis, nec forma, quia agens tunc est actu agens , quando ab eo egreditur actio ; sed quando ab eo egreditur actio , nondum sunt finis , nec forma : nam dum sunt, cessat potius actio , & agens iam non est actu agens : ergo agens non est finis , nec forma. Quod verò agens non sit materia , per se notum esse ait , quia materia nihil agit , sed passiva tantum est ; sed proprium est agentis agere : ergo agens non est causa materialis , sed passum est , quod ad eam pertinet , vt per se est manifestum.

CAPVT VIII.

Quomodo autem possit hoc accidere , rursum dicamus.

Breuis expositio textus.

35 **N**ihil nouum ad doctrinam pertinens affert Arist. in hoc cap. sed prolixè satis refert, & rejicit opiniones antiquorum Philosophorum circa modum agendi , & patiendi corporum naturalium inter se, & in ordine ad generationem, corruptionem, atque mixtionem, & hoc est intentum capituli, quòd in duas partes diuidi potest. In prima referuntur duæ opiniones, & in secunda refutantur.

Prima opinio fuit Empedoclis asserentis, corpora non posse agere, nec pati, nisi intra illa ponantur pori quidam, aut concavitates, per quas vnum possit subintrare alterum, & quasi penetrare illud , & circa illud agere : & quidem si æquales sint pori vtriusque, atque commensurabiles , vicissim se penetrabunt, & talis penetratio erit mixtio vtriusque, quo pacto se habent aqua & vinum, & quæuis alia corpora liquida : si verò pori vtriusque
non

non sint commensurabiles, sed inæquales, tunc ingreditur quidem alterum, quod subtilius est, per poros crassiores, ut ignis per poros ligni, sed non est conuersio: & ideo inter talia corpora non poterit mixtio fieri, sed solum generatio, & corruptio, aut alia operatio, sicut per poros aeris, & cuiuslibet alterius medij fit visio, & quæcumque sensatio alterius sensus.

Secunda opinio fuit Democriti, & Leucippi, ponentium quidem eosdem poros, sed diuersa ratione; nam Empedocles ponebat eos vacuos: isti verò plenos corpusculis quibusdam indiuisibilibus, quæ appellabant athomos, ita tamen ut non omnino eos repleret, sed cum iidem athomi essent discontinui, vacuum inter eos relinqui, & per vacuum ipsum inquebantur, & quasi volitabant: per congregationem verò, seu unionem horum athomorum res generari, & per separationem corrumpi res dicebant. Itaque ut ex contextu huius capitis colligitur, duæ istæ opiniones ex parte conueniunt, & ex parte differunt: conueniunt quidem in eo, quod utraque ponebat vacuum in poris omnium corporum, sed posterior in hoc vacuo semper degere athomos, in eoque congregati, vel uniti ad aliquid generandum assentit: prior verò docet, in eisdem poris vacuis non esse à principio athomos, sed à corpore subintrante per illos deriuari, & quasi produci in eisdem poris, ut per productionem eorum agere possit in corpus idem. Ideo Arist. asserit has duas opiniones parum differre, quantum ad modum agendi corporum per hos poros, & per athomos in eis existentes, vel à corpore subintrante immissos.

Sed utramque impugnat, tamquam falsam, & veræ Philosophiæ contrariam in 2. part. capitis. Primam quidem Empedoclis hac ratione; quia si vnum corpus agit in alterum, quia per poros eius subintrat, ut asserit, vel corpus iam ingressum agit per contactum, vel non; si per contactum agit, eundem habere posset absque ingressu, ut per se patet: ergo sine poris vacuis posset esset actio & passio. Si verò non agit per contactum: ergo quamuis agens subintret, & per ingressum tangat partes corporis, non aget; quia ingredi non est agere, sed approximari ad agendum; nec potest excogitari per aliquid aliud agere subintrans, per quod non posset agere extra corpus existens, & passum tangens: frustra ergo ponuntur tales pori vacui.

Secundam verò opinionem sic impugnat; vel athomi, quibus pleni sunt pori, agunt inter sese, & patiuntur, vel corpus subintrans per poros, cui athomi cedunt. Primum non possunt sine aperta contradictione concedere: nam ipsi dicunt, non dari actionem, & passionem, nisi per vacuum, sed athomi ipsi non habent intra se vacuum, sed sunt solidi: ergo non possunt inter sese

agere, & pati. Si verò secundum concedant, frustra ponunt tales athomos intra poros, quia sicut athomi cedunt corpori subintranti, ita partes corporis possunt cedere alteri, præsertim si fluidæ sint; & ita æquè facile poterunt agere & pati corpora sine poris vacuis, aut athomis plenīs, ac si non darentur, & propterea frustra ponuntur. Et si dixerint non esse necessarium dari vacuum intra quemlibet athomum, sed satis esse si detur inter vnum, & alterum; eadem ratione probatur, non esse necessarium dari poros vacuos, nec athomos intra illos, ut vnum corpus agat, & alterum patiatur, sed sine illis posse agere, sicut pori ipsi inter sese agunt; & patiuntur sine his per solum contactum.

CAPVT IX.

TEXTVS ARISTOTELIS.

*Quo autem modo insit generare entibus, & facere,
& pati, dicamus, &c.*

Brevis expositio textus.

38 **I**ntentum Arist. in hoc 9. cap. est, ex propria sententia docere, quonam modo corpora agant, & patiantur, postquam sententias aliorum refutauit. Diuiditur autem capit. in duas partes. In prima enumerat quatuor conditiones, quas habere debet agens, & passum; & reiecit quintam ab aliis additam, tamquam falsam. In secunda verò parte docet, opinionem Democriti ponentis inditissibiles athomos in poris corporis ad agendum, & patiendum necessarios, non solum generationem corporum tollere, sed etiam alterationem, & augmentationem.

Prima conditio agentis, & passi est, ut agens in quantum tale sit in actu, & passum in potentia, ut ignis agit in quantum est calidum, & lignum patitur, in quantum est in potentia ad recipiendum actum eius, nempe calorem.

Secunda conditio est ut agens, & passum se tangerent, proxime quidem, si agens proximum sit, vel vltimum, inter quod & passum nō sit aliud agens; vel remotè, si non sit agens vltimum, sed primum, vel intermedium, ut Sol tangit aquam medio aëre, sed aër, quod est agens vltimum immèdiatè per se, vel etiam tactu formali, aut virtuali, ut capit. 6. explicatum est à nobis. Ex quibus sequitur, non esse necessarium, quod corpus secundum quasdam partes tantum patiatur, nempe secundum porosas, &

non

non secundum alias, nempe solidas; sed secundum omnes pati potest. Cuius ratio, inquit, est, nam ideo potest corpus agere secundum omnes partes, quia secundum omnes est in actu sed etiam secundum omnes est in potentia ad actum recipiendum: ergo secundum omnes potest pati. Probatur minor, quia omnes partes sunt eiusdem naturæ propter eandem formam: ergo eodem modo se habent omnes, sicut ad agendum, sic ad patiendum.

Tertia conditio est, quod agens, & passum non sint continua, quod non est intelligendum de continuatione materiali, aut quantitativa: nam evidens experientia docet, partem calidam corporis agere in partem frigidam sibi continuam, sed de continuatione secundum eandem formam agendi, & eundem gradum eius, ita ut si duo sint continua, & eandem formam, in eodemque gradu participant, non possit unum agere in alterum, quod patet in partibus ignis, vel ferri æque calidis: si enim calor remissior esset in una, quam in alia sibi proxima, posset absque dubio intensior in remissiore agere.

Quarta conditio est, ut agens & passum sint in debita distantia, hoc est, ut passum sit intra spheram actiuitatis agentis: cum enim agentia naturalia, immo & creata omnia finita sint, & limitata, non possint actionem suam extendere ad quamcumque distantiam, sed ad certam, & limitatam, ita ut ultra illam agere non possint, & ideo nisi passum intra talem distantiam contineatur, non poterit agens circa illud agere, neque aliquid ab eo patietur passum.

Aliqui addiderunt quintam conditionem, nempe quod passum non secundum omnem partem patiatur, sed secundum unam, & non secundum aliam. Quam probat esse falsam, & ideo non necessariam: quia si verum esset, inquit, corpus naturale componi ex atomis indivisibilibus, ut docuit capit. præcedenti Democritus, vel ex superficiebus indivisibilibus, ut docebat Plato, non posset pati secundum quamlibet partem, immo secundum nullam, quia nulla pars eius esset divisibilis, nec extensa, immo nec esset corpus, quæ omnia necessaria sunt ad patiendum, immo nec totum corpus ita compositum esset continuum, vel extensum; quia nec indivisibilia possunt continuari, nec aliquid extensum efficere. Dicendum igitur est, posse totum corpus pati ab alio, & secundum quamlibet partem, nec ad hoc esse necessarium, ut partes eius actu sint divisæ, sed satis est, quod sit divisibile secundum omnes, & singulas.

In secunda tandem parte capituli docet, opinionem Democriti ponentis indivisibiles atomos intra poros corporis ad actio-

nem, & passionem necessarios, non solum frustra eos ponere, ut capite præcedenti probauit, sed tollere alterationē, & augmentationem: alterationem quidem, nam experientia constat, totum corpus calefieri, vel infrigidari sine vlla diuisione suarum partium: quod tamen impossibile esset in sententia eius, qui dicebat athomos illos per quorum vnionem generantur corpora, discontinuos esse debere, situmque, & positionem mutare pro generatione, & corruptione vnus, & alterius corporis, & ex consequenti pro alteratione: augmentationem verò, quia vna ex conditionibus augmentationis propriæ sumptæ est, quod quælibet pars corporis augeatur: si verò augmentatio per ingressum athomorum in poris existentium fieret, nō posset quælibet pars augeti, immo neque vlla, quia indiuisibiles athomi augeri non possunt, sed solum fieret positio quædam vnus iuxta alterum, quam constar veram augmentationem non esse.

XXXXXXXXXXXXXXXXXXXXXXXXXXXXXXXXXXXX

TRACTATVS DE ACTIONE

& reactione corporum naturalium, &
de his, quæ ad eam pertinent.

QVÆSTIO I.

Quid, & quotuplex sit resistentia?

- 41 **A**cturus Arist. de mixtione elementorum, ex qua resultat compositio corporū naturalium, quæ appellantur mixta, agit prius de actione, & passione, quibus mediis admiscuntur elementa ad componendū mixtum, & consequenter de his, quæ ad agendū, & patiendum requiruntur, & cum actio, & passio sint inter contraria, quæ ab eodem subiecto mutuo se expellunt per contrarias qualitates, ut patet in igne, & aqua, in aëre, & terra, necessario agendū fuit de similitudine, de dissimilitudine, atque etiā de distinctione inter agens & passum requisitas, & tandem, quia agens, & passum mutuo se expellunt ab eodē subiecto per mutuā actionem, & passionē vnus in alterum, & vnus ab altero, quæ quasi pugna, aut bellū vocari potest, & Philosophico vocabulo vocatur actio, & reactio vnus in alterum. Agit etiam de hac actione, & reactione, de qua nos tractatū nostrum institui-
mus, tamquam de principaliori, ac difficiliori, & ad quā requiruntur & ordinantur prædicta omnia. Sed quia actio, & reactio inter contraria fit per actiuitatē, & resistentiā, quia sicut quodlibet

libet contrarium agit in aliud, ita resistit actioni alterius, & expulsiōi propriæ à subiecto; resistentia verò, sicut actio sit mediis qualitatibus cōtrariis, propterea agendum est de resistentia in primo loco, explicandūq; quid sit, & quōduplex, & quonam modo conueniat qualitatibus contrariorū corporum, præsertim primis, per quas agūt, & pariuntur elemēta, ex his enim maximè dependet notitia aliorū, de quibus in hoc tractatu agendum est.

Primum igitur, quod quærit titulus quæstionis est, quidnam sit resistentia. Et prima opinio asserit, resistentiam realiter esse actionem ipsam, per quam vnum contrarium agit in aliud, ratione tamen ab ea distingui, vt resistentiam ignis nō esse aliam rem à calefactione, vel exiccatione, per quas agit in frigidum, aut siccum, quia eadem actione, per quam ignis agit in aquam eam calefaciendo, defendit se ab illa, ne cum infrigidet, ratione tamen distinguimus in calefactione, seu in calore, qui est virtus actiua, actiuitatem, & resistentiam, seu potentiam actiuam, & resistiuam; nam in quantum ab eo procedit effectus, dicitur virtus, vel potentia actiua, & medium, quo procedit, dicitur actio; sed in quantum per eandem virtutem se defendit à frigiditate aquæ, vocatur virtus, vel potētia resistiua, & actio ipsa, in quantum est medium se defendendi, dicitur resistentia: & hæc distinctio sufficit, vt dicatur vna qualitas magis actiua, quàm resistiua, vel è contra, vnum elementum magis actiuum, quàm resistiuum. Probat exemplo intellectus, qui cum sit eadē potentia realis, distinguimus in eo rationem intellectus, & memoriæ, & dicimus, vnum hominem habere perfectiorē intellectum, & memoriā minus perfectam, atq; etiā è contrario: ergo licet eadem res sint virtus actiua, & resistiua, sufficit distinctio rationis, vt verū esse possit, vnā qualitatē esse magis actiuam, quàm resistiuā, vel esse magis resistiuā, quàm aliā. Ita Sōzinas y. Meraph. q. 6.

Hæc tamen sententia, aut falsa est, aut insufficiens, falsa quidem, si loquitur vniuersaliter de resistentia. Quod sic probo. In multis corporibus datur resistentia, quæ nec sit actio, nec fiat per virtutem actiuam: ergo non potest esse vniuersaliter verum, quod resistentia non sit aliud re ipsa, quàm actio, vel resistere, quam agere. Probatur antecedens, quia albedo, & nigredo, raritas, & densitas, atque etiam grauitas, immo & quantitas, resistunt nihil prorsus agentes; albedo quidem in subiecto, in quo est, resistit nigredini, impediendo introductionem eius in eodem subiecto, & densitas etiam impediens introductionem raritatis, vel alterius qualitatis: corpus etiam graue suo pondere resistit volenti illud mouere, & vna quantitas in suo loco existens suo modo resistit alteri per proprias

dimensiones.

dimensiones, ne eundem locum ingrediatur. Si verò non loquatur eadem sententia vniuersaliter de resistentia, hoc est de omni, sed tantum de aliqua, insufficiens est, quia aliqua tantum resistentia explicata, & non omnis, insufficienter explicabitur, quid sit resistentia.

- 44 Nostra igitur sententia est, quod præter resistentiam purè negatiuam, quæ non est aliud, quàm omnimoda incapacitas subiecti respectu talis actionis, ac formæ per eam imprimendæ, distinguenda sit duplex resistentia positiua, vna actiua, alia passiuæ, aut formalis. Ita tenet omnes recetiores, & ideo solum oportet explicare, quid sit resistentia in communi, & quonam modo in hæc membra positiua diuidatur, quid etiam sit quælibet earum in particulari, ex quorum explicatione censebitur nostra sententia sufficienter probata. Resistere alteri vniuersaliter loquendo est impedire, vel retardare actionem, vel effectum eius, ne fiat, vel ne fiat tam cito, vel tanta intensione, aut perfectione. Exempli gratia; dum ignis calefacit aquam, sua actione debilitat virtutem eius, impeditque, ne agat in se, aut si agere permittitur, non tanta velocitate, aut tanta intensione, ac ageret, si non impediretur: frigiditas etiam aquæ informas aquam eo ipso impedit actionem calidi, & ingressum caloris in eam, & impedimentum hoc præstare, dicitur propriè ei resistere. Resistentia verò sic in communi sumpta, & explicata duplex est, actiua, & formalis: actiua est actio agentis, in quantum impedit contrarium, ne in idemmet agens, à quo ipsa egreditur, agat, aut ne tanta velocitate, aut intensione, vt actio ignis, per quam debilitatur frigiditas aquæ, dicitur resistentia actiua eiusdem ignis: resistentia verò formalis, licet dicatur respectu actionis, vel actiue virtutis, non est actio aliqua, sed solum informatio eiusdem formæ impossibilis cum forma agentis, in quantum impedit, ne actio agentis contrarij in subiecto, quod informat, recipiatur, vt resistentia formalis aquæ respectu ignis est informatio frigiditatis impossibilis in aqua cum calore; itaque frigiditas per solam informationem impediens ingressum caloris, dicitur resistere aquæ formaliter. Et denique illa omnia, quæ probauimus resistere alijs nihil agendo aduersus primam opinionem, resistunt resistentia formali.

- 45 Nunc autem probandum est primò, vtrumque membrum huius diuisionis dari. Probatur autem ex definitione communi resistentiæ: nam resistere contrario est impedire actionem eius, & introductionem sue formæ in eodem subiecto: sed vtroque modo contingit sic impedire actionem, & effectum contrarij, actiue, & passiuè, aut formaliter: ergo datur duplex resistentia.

Probatur

Probatut minor ,nam ignis agendo in aquam , & debilitando frigiditatē eius per impressionem caloris impedit, ne in ipsum agat,vel non tam cito,aut tanta intensione, quod est retardare actionem eius. Præterea calor ignis per suam informationē in impedit,ne aqua agat in ipsum,aut propriam frigiditate ei imprimat,vel non simul,aut non tanta intensione, aut velocitate: ergo resistit formaliter , quia id,quod forma præstat per suam informationē,dicitur præstare in genere causæ formalis. Probatur secūdo,quod eadem diuisio sit adequata, quia non datur resistantia aliqua,nec dari potest , vel excogitari , quæ non fiat per actionem,vel informationem , vt euidenti inductione discurrenti per singulas resistantias faciliè constare potest : ergo non est excogitabilis alia resistētia præter actiuā & formalem.

Sed aduersus singula membra huius diuisionis propono singula argumenta , vt ex eorum solutionibus magis explicetur diuisio,& melius intelligatur. Et primò aduersus resistantiam formalem probō non dari:nam forma informans subiectum non impedit actionem agentis,per quam introducenda est opposita ratione suæ informationis, sed per actionē, qua cōseruatur ab agente,vt calor ignis impedit actionē frigiditatis,& introductionē eius in eodē igne, in quantū cōseruatur per actionē primæ causæ, atque etiā suo modo virtute formæ substantialis eiusdē ignis,quæ sicut effectiue,cōcurrit ad emanationē caloris à se,ita ad cōseruationē eius,quæ non est aliud, quā continuatio eiusdē emanationis:ergo hæc resistantia formæ quæ appellatur à nobis formalis , potius est actiua pertinens ad primum mēbrū:quare nulla dabitur resistantia formalis. Probatur cōsequētia,quia actio agentis,& substantialis formæ, per quas cōseruatur,non pertinet ad genus causæ formalis , sed efficientis: ergo nec resistantia ipsa. Quod hac ratione potest confirmari: nā si forma ratione suæ informationis resistit agenti , vel resistit in eodē instanti,in quo agens agit ad introducendā oppositam,vel antequā agat.Primū est impossibile , quia in instanti,in quo agit,si actio eius sit instātea , iam est introducta forma opposita,vt patet in generatione substantiali viuētiū:ergo iam nō est forma expulsa:sed quod non est, non potest resistere sicut nec potest agere:ergo in illo instanti non datur resistantia formalis:& eodem modo , si agens agit actione successiua non potest forma eius resistere , dum agit:quia tempore , quo agit,introductus est aliquis gradus formæ oppositæ:ergo etiam est expulsa eadē forma præexistens,quātum ad illū gradum,ratione cuius resistere non poterit ; neque ratione aliorū permanentium,quia adhuc non agit circa illos contrariū.Quod verò non

non resistat forma agētis per suam informationem, antequam agat, euidens est, quia non dicitur vnum resistere alteri, antequam ab illo impugnetur, vt docet experientia.

- 47 Propono secundum argumentū aduersus resistētiam actiuam hoc modo: si detur talis præsētia, quæ sit realiter eadem actio agentis, sequitur, nullā qualitatem esse magis actiuā, quā resistiuā, vel e conuerso, sed omnes esse æqualiter actiuas, & resistiuas, & consequenter nullum elementū esse magis actiuum, quā resistiuum. Probatur consequentia, quia quælibet qualitas dicitur actiua in ordine ad actionem, cuius principium est; sed per eandem actionē est resistiua, in quantum per eam debilitans virtutem contrarij impedit actionem eius: ergo æqualiter erit resistiua, & actiua. Consequens autē est contra communem modum loquendi, & sentiendi omnium ferē Philosophorum, & expressē contra Aristotelem 2. lib. de Generat. text. 3. & 4. lib. Metaph. cap. 1. expressē asserentem, calorem, & frigiditatem esse qualitates actiuas, humiditatem, & siccitatem passiuas. Pro solutione primi argumēti adnotandū est, quod actio, per quam conseruatur forma in subiecto, ordine naturæ præsupponitur ad agendum vel resistendum. Quod sic probo. Existētia actualis rei extra causas præsupponitur actioni, & passioni, & ex consequenti præsupponitur resistentiæ actuali, quæ in agendo, & patiēdo interuenit; sed conseruatio rei nō est aliud, quā continuatio existentie eius extra causas, sicut prima productio eius est incipere esse extra causas: ergo conseruatio formæ: & consequenter actio ipsa, per quam conseruatur, præsupponitur actioni, per quam agit, & resistentiæ, per quā resistit agenti. Vnde sequitur, talem actionem conseruatiuam non esse resistentiā actiuā, neque formalem eiusdem rei, quæ conseruatur, sed conditionem necessariam ei præsuppositam, quia sicut non potest agere res, nisi actu existat, ita non potest resistere: actio verò, atque resistētia quid aliud consequens, atque natura posterius esse debet, nēpe actio eiusdem rei, vel repugnātia formalis, per quā formaliter resistit contrario: negari tamen non potest, conditionem hanc præsuppositā iuuare ad resistendum, quia quo à fortiori causa conseruatur forma, difficilius expellitur à subiecto, & si à multis, atque diuersis, longē difficilius: ergo magis resistit actioni agentis contrarij contententis
- 48 eam expellere. Gratia exempli, Calor productus in aqua, quo à pluribus agentibus conseruatur, magis resistit resistētia formali actiuitati eiusdem aquæ, per quam intendit, atque conatur eum expellere, vt se reducat ad naturalem frigiditatem. Sed quod intendimus est, has actiones conseruantes non esse resistētiā

stentiam actiuam, neque formalem eiusdem rei conseruatæ, sed vtrique præsupponi, & vtramque iuuare. Et ex his soluitur primum argumentum: nam ad formam eius negandum est antecedens, quod forma non resistat actioni agentis per suam informationem, sed talem resistantiam potius fieri per actionem conseruantis; quia licet actio conseruantis sit conditio necessariò præsupposita, vt forma possit resistere, quemadmodum præsupponitur necessariò actualis existentia eiusdem formæ, forma tamen ipsa conseruata in esse, per suam informationem impossibilem cum forma contrarij, absque aliqua actione impedit actionem contrarij modo iam explicato, sic autem eam impedire, est resistere formaliter. Vel secundo responderi potest concedendo: quod actio conseruantis formam sit quædam resistantia actiua, non quidem procedens à forma passi, circa quod operatur coactatum, sed ab eodem conseruante eandem formam, præter quam resistantiam forma ipsa per suam informationem, & ideo in genere causæ formalis propriam habet, atque distinctam, quæ vocatur formalis, immo & propriam actiuam per actionem à se procedentem. Itaque licet resistantia actiua, & quasi remota conseruantis, coniungatur semper cum formali, tamquam ei necessariò præsupposita, hoc non tollit distinctionem vtriusque, quia vna est actio, & alia informatio.

Pro solutione confirmationis notandum est, quod sicut forma substantialis, non est per se immediatè actiua, sed per suam virtutem accidentalem superadditam, ita non est per se immediatè resistiua, non solum resistantia actiua: quia cum hæc sit realiter ipsa actio, si forma non est actiua per se immediatè, nec erit resistiua hæc resistantia, sed nec resistantia formali, quia non impedit per se immediatè actionem agentis, sed per suam virtutem accidentalem contrariam virtuti agentis, per quam agit. Exempli gratia. Aqua immediatè per suam substantiam, sicut non agit ita nec resistit resistantia actiua, sed per frigiditatem vel humiditatem vtrumque præstat, & eodem modo non resistit actioni agentis contrarij resistantia formali, nisi per easdem virtutes, quia si illas non haberet, nec esset formaliter contraria igni, nec resisteret actioni eius resistantia formali, sed in eodem momento posset ignis suum calorem ei imprimere. Supposito ergo, quod per suam virtutem resistit resistantia formali, quærebat argumentū, an resistat agenti antequam agat, vel dum iam agit. Cui respondent iuniores quidā nō resistere priusquam operetur, sed dum iā operari: & licet tunc iā non sit forma secundum illū gradum iam expulsum, sufficit immediatè existisse, vt resistere dicatur per eam; quia cum resistantia formalis non sit

non sit actio aliqua, per quam producatúr aliquis effectus, non necessariò postulat actualem existentiam formæ resistentis. Hæc tamen sententia falsa est, quia licet resistere formaliter non sit agere, est tamen impedire introductionem alterius formæ; sed dum agens agit, verum est, aliquam partem gradualis formæ esse introductam, & aliam expulsam; ergo verum est, formam secundum hanc partem non informare, non impedire, & consequenter, non resistere.

- 50 Vt ergo explicemus veram solutionem argumenti, adnotandum est, quòd nunc præcipuè loquimur de resistentia, tam actiua, quam formali in ordine ad actionem, & passiuem Phisicam, & realem, quæ non reperitur, nisi inter propriè contraria, de quibus certum est, successiuè, & non in instanti se expellere ab eodem subiecto. Vnde sequitur, vnâ formam contrariam resistere alteri resistentia formali non esse aliud, quàm impedire actionem agentis contrarij, ita vt vel non agat, vel nò simul, quidquid potest, sed successiuè, & cum mora temporis, vt frigiditatem aquæ resistere actioni ignis est per suam informationem impedire, nec introducatúr calor, vel ne simul secundum totam intensiõnem, sed successiuè, & cum mora temporis, qui tamen in momento, & sine vlla mora introduceretur, nisi contraria frigiditas adesset. Quo supposito, respondeo ad formam argum. dum dicitur, vel resistere frigiditas è antequàm ignis agat; vel dum iâ agit, dico non resistere, dum iam agit, nec prius tẽpore, quàm agat, sed in instanti, in quo agere incipit, quod est vltimum non esse actionis successiuæ, per quam agit. Primam partem probat argum. quæ refutauimus alium modum dicendi, quia illa pars gradualis eodem tempore, quo agēs operatur expulsa, nò potest resistere, cum eodẽ tempore iam non sit, & tunc per illam tantũ posset resistere passum. Secundam vero partem, quòd non resistat prius tempore, quàm operetur, sic probò. Prius tempore quàm agens operetur, non aggreditur passum, neq; illud oppugnat, vel impetitur, immo nec omnino attingit; sed quod nò oppugnat, nec aggreditur à suo contrario, nec attingitur, nò dicitur ei resistere: ergo nihil resistit prius tempore, quam in ipsum operetur agens. Restat igitur, vt dũ agens approximatum passo incipit in illud agere, tũc primo passum dicatur actu resistere. Probatúr hac ratione, si frigiditas (gratia exempli) nò informaret aquam in eo instanti, in quo primò verũ est, igne esse illi approximatu, introduceret idẽ ignis simul totã latitudinem caloris in eã, & hac sola de causa, non simul, aut in instanti eam introducit, sed successiuè, & cum mora tẽporis ac per partes proportionales: ergo in eo instãri impedit frigiditas per suã informationem

mationem introductionem formæ contrariæ, sed hoc est resistere formaliter: ergo in eo instanti, in quo agens incipit agere, resistit illi contrarium resistentia formali. Secundo, bene sequitur, passum resistit agenti resistentia formali, ut superius probauimus, sed non resistit actu, dum agit, nec prius tempore, quam agat: ergo dum incipit agere. Euidens est consequentia, quia non datur aliud instans, vel tempus, in quo resistat actu præter tria hæc; sed probatur minor: nam dum agens actu agit, non est iam pars illa formæ, per quam posset passum resistere, sed expulsa est: ergo non resistit actu per illam. Quod vero non resistat prius tempore, quam agens agat, probatur, quia resistere formaliter non est aliud, quam formam per suam informationem impedire, ne agens introducat formam contrariam in eodem subiecto, vel non tanta velocitate, aut inrensione; sed nihil horum impedit forma prius tempore, quam operetur agens circa subiectum, quod informat: ergo non est verum, tunc resistere. Probatur minor, quia etiam si tempore illo non informaret subiectum, non introduceret agens in ipsum propriam formam: ergo non est verum, quod tempore illo impediat introductionem eius, & ex consequenti, quod actu resistat. Quod etiam probari posset ab inconuenienti: nam si prius tempore actu resisteret, dum nullum est ei approximatum agens, sequeretur, quod etiam si nullum haberet contrarium existens in rerum natura, diceretur semper ei actu resistere. Probatur consequentia, quia dum agens non est ei approximatum, non magis illud respicit, quam si in natura rerum non existeret: si ergo illi diceretur actu resistere, actu etiam resisteret agenti contrario non existenti, quod est absurdum.

Et si aliquis dicat, eisdem rationibus probari, quod nec in instanti, in quo agens incipit agere, dicatur passum ei resistere resistentia formali; quia non resistit passum actu, nisi contrario actu agenti in ipsum; sed in illo instanti non est verum, quod agens actu operetur: ergo nec verum erit, quod passum ei actu resistat. Probatur minor, quia vnum contrarium non agit in alterum, nisi actione successiua; sed actio successiua non est in instanti, sed in tempore: ergo nec verum est, quod in eo instanti actu operetur agens, sed in tempore statim sequenti: & ideo tunc dicitur passum ei resistere, & non prius. Respondeo, quod licet aliqui teneant in eo instanti actu operari agens actione instantanea, per quam producit primum indiuisibile terminum; hoc tamen non est certum, nec adeo consentaneum principiis Arist. qui 6. lib. Physic. expressè negat, motum habere primum indiuisibile, sed solū terminari ait indiuisibili quodam extrin-

seco. Hac igitur doctrina nunc prætermissa; ad formam argumenti neganda est maior, quod non resistat passum, nisi agenti actu operanti in ipsum; sed verum est, resistere agenti, dum non agit, sed agere incipit. Quod sic probo, resistere est impedire actionem agentis, vel oblatre, ut non agat; sed hoc non potest præstare passum, dum iam agens actu operatur circa ipsum, nec prius tempore, quam operetur, sed in instanti, in quo incipit agere: ergo verè, & propriè tunc dicitur actu resistere passum, dum incipit agens circa ipsum agere, & non ante, nec post. Probatur minor, quia in eo instanti introduceret suam formam, nisi oblatret forma opposita per suam informationem. Quod etiam probatur à priori, quia in illo instanti primo verum est, quod agens sit illi approximatum, & ideò tunc primò respicit illud respectu immediatæ præsentia, vel contactus, quem contactum sequeretur actio eius, & introductio suæ formæ, nisi oblatret opposita per suam informationem: ergo tunc primò verum est, ei actu resistere resistentia formali.

QVÆSTIO II.

Quo ordine, & modo conueniant primis qualitatibus actiuitas, & resistentia?

- 93 **C**irca solutionem secundi argumenti insurgit secunda quæstio de modo, & ordine quo conueniant qualitatibus contrariis, præsertim primis elementorum actiuitas, & resistentia. Et de actiuitate certum est omnibus cōuenire, ita ut omnes sint actiuæ, & productiuæ sibi similia: Ita D. Th. 4. lib. Metaph. lect. 1. Nymphus 2. lib. de Gen. comm. 14. Tolet. ibidem q. 3. & ceteri omnes: & de frigiditate, & calore non indiget probatione, quia euidenter experientia satis per se notū omnibus id facit; sed de humiditate, & siccitate non est adeò euidenter, colligitur tamen euidenter ex doctrina Arist. 2. lib. de Gen. text. 25. ubi docet, elementa simbola, hoc est, ea quæ conueniunt in vna qualitate, facilius transmutari ad inuicem, quàm dissimbola, hoc est, quam ea, quæ in vtraque contrariantur; sed elementa simbola, ut ignis, & aer, non possunt se corrumpere, vel trāsmutare, nisi agendo per humiditatem, & siccitatem, cum in calore conueniant, & pari ratione aqua, & terra non possunt in se inuicem agere, nisi per humiditatem, & siccitatem, quia in frigiditate conueniunt; ergo qualitates istæ actiuæ sunt. Et licet hoc argumentum non videatur efficaciter probare; quia posset aliquis negare, hæc elementa non agere per eam qualitatem, in qua conueniunt: nam cum hæc sit in vno intensior, quàm in altero, ut in 2. lib. videbimus, bene

mus, bene poterit vnum agere in alterum per illam, intendendo eam in altero vsque ad summum, & ita illud in se conuertere, licet non agat per alteram, in qua differunt, vt ignis poterit aërem in se conuertere, licet non agat in ipsum per siccitatem, sed per calorem, intendendo calorem aëris vsq; ad octauum gradum, & ita eum sibi perfecte assimilando, & in se conuertendo. Hoc tamen non tollit efficaciam argum. quia statim subdit Arist. quod ex igne potest effici aër, si vincatur siccitas ignis ab humiditate aëris, & ex aqua potest effici terra, si humiditas aquæ superetur à siccitate terræ. Et probatur experientia, quia videmus rem in loco minus humido positam humectari, & tandem putrescere, & corrumpi, quod non posset fieri, nisi per actionem humiditatis, vt per se est manifestum, & eadem experientia docet propter nimiam siccitatem ex loco sicco contractam rem corrumpi. Testimonia verò Arist. in argum. adducta, in quibus solum calorem, & frigiditatem vocat actiuas qualitates, humiditatem verò, & siccitatem passiuas. Duobus modis explicari solet. Primò, ita vt non sit absoluta locutio, sed comparatiua, cuius sensus sit, duas postremas qualitates comparatione primarum passiuas potius, aut resistentias vocari posse, quàm actiuas, quia multo minus actiuæ sunt, vt statim dicemus. In quo sensu qualitates quasdam naturales vocauit idem Aristot. impotentias in secundo genere predicamenti qualitatibus, quia parum actiuæ, aut parum resistentiæ sunt, & ideo respectu aliarum magis perfectarum, in utroque genere non dicuntur potentia, sed impotentia potius, quamuis absoluta consideratione potentia sint, cum sint principia alicuius actionis, vel passionis. Pro hac expositione refert Toletus Albertum Saxoniam, & quamuis sibi non placeat, satis probabilis est.

Secunda expositio asserit, duas priores qualitates vocari actiuas, duas verò posteriores passiuas, quia in mixtione elementorum, ad quam præcipue ordinantur, actiue se habent illæ, & passiuæ istæ: nam calor congregat partes materiæ humidæ, & siccas, hoc est, quasi in vnum colligit, frigiditas verò eandem quasi coagulat, & consistentiam eis tribuit, & vtrumque horum fit per actionem, & ideo dicuntur actiue se habere duæ istæ qualitates: partes verò humidæ, & siccae potius dicuntur congregatæ, & quasi coagulatæ ratione humiditatis, & siccitatis, & cum hoc potius sit pati, quàm agere, dicuntur qualitates istæ passiuæ se habere, quamuis in tota mixtione veram quoque actionem habeant omnino necessariam, vt ad mediocritatem reducantur omnes, hoc est, ad gradus intensiōis temperatos. Hanc expositionem sequitur Toletus ex Philopono, quem ipse

citatur, atque etiam Nimphus, & videtur esse D. Tho. loco nuper citato. Fundamentum autem utriusque expositionis est testimonium eiusdem Arist. à nobis adductum, in quo expressè asserit, mutuam transmutationem elementorum similium fieri per mutuam actionem humiditatis, & siccitatis: ergo evidens est, non esse ex mente eius, quòd qualitates istæ sint purè passivæ: & ideo necesse est illa testimonia, quibus vocat eas passivas, uno, vel alio modo explicare, iuxta contextum literarum. Et utraque expositio nobis placet. Circa modum vero, & ordinem, quo eis convenit actiuitas, diuersas opiniones refert Toletus 1. lib. de gen. quest. 15. sed res est facilis, & ideo satis est, communem, & veram explicare, & probare, quæ sic ordinat actiuitatem earum, ut primum locum teneat calor, secundum frigiditas, tertium humiditas, & postremum siccitas. Ita Albert. Saxoniæ q. 6. huius libri, Marf. q. 19. Venetus cap. 15. summæ, Caiet. Tienen. tit. de reactione, & Tolet. ubi supra, Conimbr. cap. 9. huius libri q. 3. art. 3. ad finem, & omnes ferè recentiores. Probatur ratione, & experientia.

- 56 Ratione quidem, quia illud agens censetur maioris actiuitatis, quòd ad maiorem distantiam potest extendere suam actionem, atque effectum; sed ad maiorem distantiam extendit suam actionem, & effectum calor, & post calorem frigiditas, post frigiditatem siccitas: ergo eodem ordine convenit eis actiuitas. Probatur minor, quia ad maiorem distantiam sentitur effectus earum ordine prædicto, ut experimur: ergo ad maiorem distantiam extenditur actio, & effectus earum secundum eundem ordinem. Probatur secundò experientia, quia minus detineri potest manus intra ignem, quàm intra aquam; minus intra aquam frigidissimam, quàm intra humidissimum corpus etiam summæ densitatis, minus intra hoc, quàm intra corpus quantumlibet siccum, ac densum: ergo citius, atque vehementius operantur qualitates istæ secundum eundem ordinem, & consequenter maioris sunt actiuitatis. Probatur consequentia, quia velocior motus, atque vehementior evidens signum est maioris virtutis actiue, maiorisque actiuitatis.

- 57 Difficilius longè est, constituere modum, & ordinem, quibus convenit resistentia eisdem qualitatibus. Et prima opinio asserit, ordine omnino opposito convenire eis resistentiam ei, quòd dictum est, convenire eis actiuitatem, ita ut quo qualitas est magis activa, eo sit minus resistiva: quare siccitas tenet primum locum in resistentia, sicut ultimum in actiuitate: secundum humiditas, tertium frigiditas, & ultimum calor. Ita Sonzín. 9. Metaph. qu. 6. ad 2. Altudillo 1. lib. de gen. quest. 22. Vega lib. 1.

lib. 1. de arte medendi cap. 1. Vañez 1. lib. de gen. cap. 7. q. 3. Tolet. ibid. q. 15. ad 1. & Conimb. vbi supra. Probant testimonio Arist. qui in prædicamento qualitatis agens de secundo genere distinguit sub eo potentias actiuas à passiuis, sed resistentia pertinet ad potentiam passiuam: ergo non est desumendus ordo, aut modus; quò conuenit qualitatibus ex potentia agendi, aut ex actiuitate, sed ex opposita radice; quæ est potentia passiuæ: quare oppositus esse debet ordini constituto in actiuitate, ita vt quo qualitas magis actiua est, eò sit minus resistentia. Probant deinde ratione ab experientia desumpta: nam videmus aquam facilius calefieri, quàm exiccari: ergo facilius amittit frigiditatem, quàm humiditatem, quod non potest provenire nisi ex eo, quòd hæc fortius resistat, quàm frigiditas, cum tamen frigiditas sit magis actiua. Et eodem argumento potest probari de cæteris.

Secunda opinio contraria prorsus est, affirmans eodem ordine conuenire his qualitatibus resistentiam, & actiuitatem; ita vt quo magis actiua est qualibet, eo sit magis resistentia. Ita Nimphus 1. lib. de gen. comm. 195. q. 3. concl. 1. dub. 1. Vallesius controu. 1. ad tyrones, atque etiam 1. lib. controu. Med. cap. 5. Petrus Martinez 1. lib. de gen. c. 9. q. 3. Quam sententiam explicant, & sequuntur iuniores quidam de resistentia actiua; de formali verò, seu passiuæ asserunt omnino æqualiter conuenire his qualitatibus, ita vt nulla earum sit magis, aut minus resistentia, quam aliæ. Ex quo inferunt, in nullo sensu verum esse; quòd aliqua qualitas ex his sit magis actiua, quàm resistentia, vt asserit prima sententia. Itaque hæc sententia sic intellecta tria asserit. Primum, resistentiam actiuam eodem ordine; & modo conuenire his qualitatibus, ac actiuitatem. Secundum, resistentiam formalem, seu passiuam, omnibus æqualiter. Tertium in nullo sensu verum esse, quòd aliqua qualitas sit magis actiua, quàm resistentia, vel è conuerso magis resistentia, quàm actiua. Primum probant, quia resistentia actiua non est aliud, quàm actio agentis, in quantum per eam debilitatur virtus contrarij, & impeditur ne agat, vel ne agat tanta velocitate, aut intensione, sed repugnat eandem actionem, quæ est resistentia actiua) esse maiorem, vel minorem se: ergo etiam repugnabit, resistentiam actiuam maiorem esse, vel minorem; actiuitate eiusdem agentis. Secundum verò, quòd resistentia formalis, vel passiuæ sit æqualis in omnibus, probant hac ratione: qualitates istæ resistunt formaliter actioni agentis per suam informationem, in quantum informantes subiectum impediunt, vel retardant actionem agentis, & introductionem

propriz formæ in eo; sed omnes istæ qualitates eodem prorsus modo se habent quantum ad informationem subiecti, & impedimentum præstandum actioni agentis: ergo æquales sunt in resistentia formali.

- 59 Probatur minor, quia æqualiter informant subiectum, & non magis vna, quam altera: nec enim vna habet maiorem, vel minorem virtutem informatiuam, quam alia, nec dissimilem modum oppositionis cum ea, nec minus ineptum est subiectum huius ad recipiendum simul, vel in instanti totam latitudinem alterius, quam subiectum alterius ad recipiendum simul totam latitudinem huius, in quo consistit ratio formalis resistentiæ, vt vidimus, quæ ideo æqualis erit in omnibus. Tertium verò, quod nullo modo sit verum, aliquam ex his qualitatibus esse magis actiuam, quam resistiuam, vel è contra. Probant ratione, & experientia; ratione quidem, quia non datur alia resistentia præter actiuam, & formalem, sed de nulla earum potest esse verum: ergo in nullo sensu verificatur. Probatur minor, quia non de actiua, cum hæc sit idem realiter cum actiuitate, nec de formali, cum conueniat omnibus æqualiter, vt probatum est. Experientia verò probant, quia applicatis duobus agentibus eiusdem magnitudinis, & intensiōis, vt ignis, & aqua, velocius expellitur frigus ab aqua, quam calor ab igne, vt per se est manifestum: ergo falsum est, quod calor sit minus resistiuus, quam frigus. Nec minus efficaciter probari potest de humiditate, & siccitate, alia simili experientia, atque etiam hac ratione, quia si resistentia humiditatis est maior, quam actiuitas eiusdem: ergo resistentia siccitatis (quæ maior est resistentia humiditatis) maior erit actiuitate eiusdem humiditatis: vnde sequitur, summè humidum non posse agere in summè siccum, quod est absurdum. Probatur consequentia, quia non potest dari actio, nisi agens superet resistentiam passi, vt inferius ostendetur.

- 60 Nostra verò sententia tria etiam asserit. Primum est, resistentiam actiuam eodem ordine, & modo conuenire qualitatibus, quo dictum est, conuenire eis actiuitatem, vt asseruit, & probauit efficaciter secunda opinio. Et quantum ad hoc primum falsam reputo primam sententiam asserentem, ordine opposito conuenire eis resistentiam, & actiuitatem, ita vt quo magis actiua est quælibet earum, eo sit minus resistiua resistentia actiua, & quo magis resistiua est, eo sit minus actiua. Quod probatur falsum de resistentia actiua: nam resistentia actiua non est aliud, quam actio ipsius agentis, in quantum per eam debilitatur virtus contrarij, & ex hoc impeditur actio eius, vel
retarda

retardatur: & quo fortius agit calidam in frigidum, eo imprimi-
mit ei intensiorem calorem, & consequenter magis remittit
frigiditatem eius, per quam acturum est in idem calidum: sed
virtus remissa debiliior est ad agendum: ergo debiliorem reddit
virtutem eius ad agendum in se, quò fortius in ipsum agit, & ex
consequenti magis resistit resistentia actiua. Vnde sequitur,
falsum esse de hac resistentia, quòd eadem qualitas possit esse
magis actiua, & minus resistentia.

Secundum, quod asserit nostra sententia est, resistentiam for- 61
male, vel passiuam, non conuenire æqualiter omnibus quali-
tatibus, sed quasdam esse magis, quasdam minus resistentias,
quàm alias. Hoc secundum est contra secundam opinionem,
præsertim vt à recentioribus explicatam, & ex parte saltem
conuenit cum prima, in quantum vniuersaliter ait diuerso
modo, & ordine conuenire qualitatibus. Et probatur effica-
citer duobus testimoniis Aristotelis. Primum habetur in præ-
dicamento qualitatis, vbi docet Arist. secundum genus qua-
litatis esse naturalem potentiam, & impotentiam, & sub
eis non solum actiuas, sed etiam passiuas potentias contineri.
nec solum actiuas qualitates, sed etiam resistentias, & vtrasque
tam sub potentia, quàm sub impotentia; quia impotentia
nomine non puram negationem agendi, vel patiendi, seu re-
sistendi, sed positiuam qualitatem, debilem tamen, & imper-
fectam, ad vnum, vel alterum præstandum intelligit. Verba
autem eius sunt. *Non enim, quoniam sunt dispositi aliquo mo-
do, unumquodque huiusmodi dicitur, sed quod habent natura-
lem potentiam, vel impotentiam facile aliquid facere, vel ni-
hil pati, vt pugilatores, vel cursores dicuntur, non quòd sint di-
positi aliquo modo, sed quod habeant potentiam naturalem, vel
impotentiam aliquid facile faciendi: salubres autem dicuntur,
eo quod habeant potentiam naturalem, vt nihil à quibuscumque ac-
cidentibus facile patiantur, in salubres verò, quod impoten-
tiam habeant naturalem nihil facile à quibuscumque acciden-
tibus patiendi. Similiter autem his. durum, & molle se ha-
bent: durum enim dicitur, quod habeat potentiam non facile
secari, molle verò, quod eiusdem ipsius habet impotentiam. &c.*
Quibus duplicem potentiam distinguit in qualitatibus, nem- 62
pe agendi, & patiendi, & duplicem quoque impotentiam
ad vtrumque, hoc est, debilem, atque infirmam virtutem
agendi, & etiam patiendi aliquid ab agente. Exemplum
verò vtriusque potentia, & impotentia ad patiendum as-
signat in hominibus, aut in animalibus, ex quibus quæ-
dam ex suo proprio temperamento habent, vt facile

possint resistere contrariis, & hanc vocat naturalem potentiam ad non patiendum ab illis, quod alio vocabulo dicitur impati-
 bilitas; sed non pati à contrario, idem est, ac passivè resistere illi,
 nam quod iam patitur, actionem eius recipit, atque effectum
 productum per eam; & ideo ut sic recipiens iam non resistit, saltem
 quantum ad talem receptionem, solum ergo dicitur resistere,
 quamdiu actionem, vel effectum contrarij non recipit, aut non
 tam cito, vel non cum tanta intensione: unde sequitur apud
 Arist. naturalem potentiam nihil patiendi, aut non facile pa-
 tiendi à contrario, quæ vocari potest impatiabilitas, esse natura-
 lem potentiam resistendi illi passivè, quam vocamus resistentiam
 passivam, seu formalem, quia eam dicitur habere qualitas
 per suam informationem, per quam impedit, vel retardat actionem
 contrarij, & obstat, ne statim imprimat contrariam, quali-
 tatem in subiecto, vel saltem non in momento, sed cum mora
 temporis. Naturalem verò impotentiam vocat aptitudinem
 aliarum qualitarum in subiecto ad facile patiendum, quæ potest
 vocari patibilitas, quia natura sua facile cedunt: facile autem
 cedere idem est, ac facile recipere actionem, aut impressionem
 ab agente contrario, & hoc idem prorsus, quod agere, aut diffi-
 cile, vel parum resistere, & propterea vocatur impotentia passiva
 resistendi, quasi debilis, & infirma ad resistendum, aut (quod
 63 idem est) parum resistiva. Ex quibus hoc argumentum satis ef-
 ficax desumitur ad probandum, quod resistentia passiva, aut
 formalis apud Arist. non conveniat æqualiter omnibus quali-
 tatibus, sed quædam sint magis resistivæ, quædam minus; quia
 naturalis potentia ad nihil patiendum est qualitas talis naturæ,
 ut per eam facile possit subiectum nihil pati, vel non tam cito,
 aut tantum pati à contrario: naturalis verò impotentia ad nihil
 patiendum est qualitas, per quam subiectum difficile potest ni-
 hil pati à contrario, hoc est, per quam facile cedit, aut facile
 recipit actionem atque impressionem eius: sed naturalis poten-
 tia ad nihil patiendum, vel non tam cito, aut non cum tanta
 intensione, est naturalis potentia ad resistendum contrario pas-
 sivè, aut formaliter, & naturalis impotentia nihil patiendi est
 naturalis potentia facile cedens contrario, hoc est, debilis, & in-
 firma ad resistendum passivè, aut formaliter, quod esse parum
 resistivam, ut per se patet: ergo evidens est, dari apud Arist.
 quasdam qualitates fortiores ad resistendum formaliter, alias
 vero debiles, atque infirmas, quod est dari quasdam magis,
 quasdam minus resistivas resistentia passiva, aut formali. Un-
 de sequitur, in doctrina eius defendi non posse, quod omnes sint
 64 æqualiter resistivæ resistentia passiva, & formali. Quod etiam
 probat

probat efficaciter aliud exemplum duri, & mollis ibidem adductum ab Arist. nam durum (aut) dicitur, quod habet potentiam non facile secari, molle verò, quod eiusdem ipsius habeat impotentiam, quod est, durum habere maiorem potentiam ad resistendum sectioni, molle vero minorem: intelligit autem de potentia passiva: nam secari, vel non secari, passiva potentia est; sed potentia passiva duri, ut non secetur, vel ut non statim, est resistentia passiva, aut formalis, ut probauimus: ergo sentit Aristot. durum esse magis resistentium, quam molle resistentia passiva, & formali, & consequenter non æqualiter convenire hanc resistentiam omnibus qualitatibus. Et licet verum sit, durum, & molle aliqualem resistentiam actiuam habere adiunctam passivæ, aut formali resistentiæ, quia durities ipsa hebetat instrumentum, à quo diuiditur, & magis quam molle, & ab hac resistentia actiua iuvare passivam, aut formalem, non tamen est verum, quod solum ratione illius sit maior resistentia duri, quam mollis, sed etiam ut passiva, & formalis est. Probatur euidenter, quia utraque resistentia vocatur ab Arist. naturalis potentia, & impotentia ad nihil patiendum, & potentiam dicit esse maiorem impotentia: ergo sentit vnā esse maiorem altera, ut potentiam passivam ad non patiendum quod est esse maiorem, ut resistentiam passivam, aut formalem, cum potentia naturalis ad non patiendum sit resistentia passiva, ut probauimus.

Secundum testimonium habetur 4. lib. Phys. cap. 8. text. 71. 65 ubi docet Arist. medium magis densum, quia magis resistit divisioni magis retardare mobile, quam rarum minus resistens, & ideo velociorem fieri motum per rarum, quam per densum, etiam si cætera sint paria respectu virtutis motiue, ut per aërem, velociorem fieri, quam per aquam; sed resistentia medij non est actiua, sed passiva, & formalis, ut per se est manifestum: ergo euidenter est in doctrina Arist. formalem resistentiam non esse æqualem in omnibus qualitatibus, sed quasdam esse magis, quasdam minus resistentias.

Deinde probari potest multis experienciis, illis præsertim, quibus usus est Arist. duobus locis citatis, & illis addi possunt duæ aliæ. Sit autem prima, quia videmus ingens saxum ita resistere mouenti, ut non possit illud à suo loco dimouere, aliud verò non ita magnum minus resistere, sed resistentia hæc non est actiua, quia lapis immotus nihil agit in illum, qui conatur eum mouere: ergo est resistentia passiva, aut formalis, quam præstat pondus per suam informationem, & ex duabus vna est maior altera: ergo falsum est, quod æqualiter

conueniat qualitatibus. Secunda experientia est de magnete detinente ferrum per qualitatem ei impressam (non enim potest alio modo circa illud agere) cuius tanta solet esse resistentia, vt non possit ferrum facile moueri ab alio corpore; & idem est de paruo illo pisciculo detinente nauim, etiam per qualitatem ei impressam ita fortiter resistentem, vt nec magna ventorum vis possit eam mouere: sed resistentiæ istæ sunt formales, cum nihil operentur qualitates impressæ, per quam resistunt mouentibus eiusmodi corpora, & vna est maior alia: ergo suscipit magis, & minus resistentia formalis.

- 66 Tertium, quod asserimus est resistentiam formalem opposito modo, & ordine cōuenire qualitatibus, ac cōuenire diximus actiuitatem, & resistentiam actiuam, ita vt quo magis actiua est qualitas, & magis etiam resistiua resistentia actiua, eò sit minus resistiua resistentia formali, & passiuæ, & è conuerso; quo minus est resistiua, eò sit magis actiua. Hæc est contra secundam opinionem, vt à iunioribus intellectam & explicatam, & aliquo modo in fauorem primæ. Quam imprimis colligo ex communi modo loquendi, & sentiendi Philosophorū, qui vniuersaliter dicunt, elementa, & qualitates eorum, quæ magis sunt actiua, eò esse minus resistiua: sed hoc non potest esse verum de resistentia actiua, quam semper esse æqualem probauimus cum actiuitate: ergo verum erit de resistentia formali. Probatur deinde ratione, primò ex ordine, & constitutione naturali vniuersi, quod constat esse compositum ex elementis contrariis, ex quibus generantur etiam mixta contraria, & ita fere omnia corpora sunt in perpetua pugna, & quasi contrariis circumsepta; sed quædam illorum sunt magis actiua: ergo necesse est, alia esse magis resistiua, vt possint se defendere à contrariis, & ita conseruentur: nam si maior actiuitas agentium non compensetur per maiorem resistentiam eorum, quæ patiuntur; consumerentur absque dubio ab eis, dispositio vniuersi non poterit esse stabilis, ac firma. Secundò probatur: nam densitas corporis multum iuuat ad resistendum contrario, quia per densitatem magis vniuntur partes inter se, & ideò non ita facile potest agens in eas sic vnitas agere, ac si essent separatæ, vel magis inter se distantes, & ex consequenti raritas minus iuuabit: ergo corpora ex natura sua magis densa magis resistiua sunt cæteris paribus ex parte aliorum: sed ex elementis terra est densior, & post eam aqua: ergo sunt magis resistiua aëre, & igne, è quibus ignis minus resistiuus erit, cum sit rarior, ex hoc autem ordine corporum quantum ad resistentiam satis probabiliter colligi potest, eundem habere qualitates ipsas hoc

hoc modo. Euidens est, summam densitatem terræ emanare à summa siccitate eius, & prope summa frigiditate, & prope summam densitatem aquæ emanare à summa frigiditate, & prope summa humiditate eiusdem: ergo siccitas, & densitas sunt causa summæ, & prope summæ densitatis. Euidens etiam est, summum calorem ignis esse radicem summæ raritatis eius, & etiam si in aëre non sit summus, est etiam causa raritatis aliquantulum minoris, quam nō impedit summa humiditas eiusdem aëris: quia coniuncta cum calore non potest causare densitatem, sicut neque in igne; quam tamen causat cum frigiditate in aqua: ergo calor ex propria natura radix est, & origo raritatis in vno, & altero elemento. Ex quibus sequitur, siccitatem esse magis resistiuam, quam aliàs, & calorem minus, quam omnes, & sic de duabus aliis: & ita eodem ordine convenire eis resistentiam, atque elementis ipsis, & omnino opposito ei, quo convenit eis actiuitas. Probatur consequentia, quia à maiori densitate maior resistentia formalis provenit cæteris paribus ex parte aliorum, & consequenter à qualitatibus, quæ sunt causa eius. Et fundamentum huius discursus est, quia densitas ex propria natura fortius vnitur, atque tenacius inhæret subiecto coniungens partes eius, & raritas eas separans minus efficaciter, aut fortiter: & consequenter primæ qualitates, quæ sunt causa densitatis, fortius vniuntur, tenaciusque inhærebunt: calor verò, qui est causa raritatis, minus efficaciter; sed qualitates istæ dicuntur resistere formaliter per informationem, in quantum impediunt, vel retardant actionem contrarij, & difficilius ab eo expelluntur: ergo quo efficacius vniuntur per eandem informationem, & tenacius inhærent subiecto, eo difficilius expelli possunt à contrario, & ideo magis impediunt, ac retardabunt actionem eius, quod est esse magis resistiuas. Quod verò dicimus firmius vniri, atque inhære subiecto, non habent solum ex intensione, quemuis per intensiōem magis radicetur qualitas in subiecto: & ideo fortius ei inhæreat, sed cæteris paribus ex parte intensiōis ex alio capite, nempe ex modo spec. i, quo vniuntur subiecto coniungendo partes eius formaliter aut virtualiter, probamus fortius ei inhære, & tenacius coniungi, & ideo difficilius ab eo expelli, quod est magis resistiuas esse resistentia formali, aut passiva. Quod tandem probatur experientia, quia videmus terram maximè resistere igni, & cuilibet alteri agenti contrario, ita vt ferè numquam possit ab eis corrumpi, quod nō habet ignis, quæ cito solet consumere aqua. Videmus etiam humiditatem in aqua magis resistere, quam frigiditatem, quia aqua intensissime calida adhuc retinet fere

fere totam suam humiditatē : ergo euidens experientia docet, siccitatem, & humiditatē esse magis resistiuas, quàm calorem.

Ex quibus colligitur falsum esse illud, quod asserit secunda opinio, nempe in nullo sensu verum esse posse, quòd eadem qualitas sit magis actiua, quam resistiua, vel è contrariis licet verum hoc sit de resistentia actiua, falsum tamen de passiuā, de qua probauimus maiorem esse in qualitatibus minus actiuis, vt in siccitate, & humiditate, & ideo has esse magis resistiuas, quàm actiuas, & consequenter calorem, & frigiditatem magis actiuas, quàm resistiuas.

Argumenta primæ opinionis probant quidem intentum de resistentia passiuā aut formali, quam concedimus inæqualiter conuenire primis qualitatibus : nihilominus de resistentia actiua verum est, eodem modo, & ordine eis conuenire, ac conuenit actiuitas, cum sit idem realiter cum actiuitate. Quod verò dicitur in primo argumento, resistentiam pertinere ad potentiam passiuā, distinguendum est : nam de actiua resistentia non est verum, sed hæc ad actiuam potentiam potius pertinet, quia per eandem potentiam actiuā, quæ agens agit, dicitur actiue resistere, de resistentia vero formali concedendum est, ideo hæc solum potest diuerso modo conuenire qualitatibus, ac actiuitas eis conuenit, quod concedit nostra sententia. Secundum argumentum non indiget solutione, cum pro nostra sententia potius probet de solā resistentia passiuā, & formali, maiorem esse in vna qualitate, quàm in altera.

Ad primum argumentum secundæ opinionis neganda est minor, quod omnes istæ qualitates eodem modo se habeant quantū ad informationem subiecti : nam licet informatio quantū ad substantiā non sit maior in vna, quàm in altera, sed quātum ad modū efficacior est in minus actiuis, quia firmitus inhaerent subiecto cæteris paribus ex parte intensiōis ; cum partes eius magis coniungant inter sese, & ideo fortiores efficiant ad resistendum contrario, vt probauimus, quod est magis resistiuas esse resistentia formali.

- 69 Ad secundum neganda est minor, quod non sit vera hæc, vnam qualitatem esse magis resistiuā, quàm actiuā, vel è contrariis ; & cum dicitur non esse verum de resistentia actiua, concedendum est, negandum tamen, quod non sit verum de resistentia formali. Experientia verò, quæ probatur, citius expelli frigiditatem ab aqua, quàm calorem ab igne, neganda est, si applicentur secundum proportionem quantitatis intensiōis, actiuitatis, & resistentiæ, & cæterorum, quæ requiruntur ad agendum, hæc autem proportio talis esse debet, vt comparentur in eo gradu inten-

intensionis, in quo sint æqualis actiuitatis, & efficacix ad agendum; quod non potest fieri, nisi sumatur secundum gradus inæquales intensionis: nam cum actiuior longè sit calor, semper erit superior frigiditate, si applicantur secundum eandem intensionem cæteris paribus ex parte aliorum; debent ergo comparari, vel applicari, ita vt quanto actiuior est calor frigiditate, tanto sit remissior ea, & hæc, quæ minus est actiua, applicetur in gradu intensiori, ita vt maior actiuitas vnus compensetur per maiorem intensionem alterius, & talis comparatio, vel applicatio iusta, atque debita erit. Si igitur talis fiat, & cætera sint paria ex parte aliarum conditionum, quæ requiruntur ad agendum, negandum est, quod calor citius expellat frigiditatem ab aqua, quàm aqua calorem ab igne, immo potius experientia ipsa docet contrarium. Quod adeò verum est, vt etiam si applicentur secundum eandem intensionem, & vincatur frigiditas propter magnum excessum actiuitatis eiusdem caloris, post magnam tamen moram temporis consequatur ignis victoriam, quam citius longè consequeretur aqua, si in tali proportionem applicarentur, vt habita ratione actiuitatis, & intensionis, multum excederet aqua, tunc enim velocius consumeretur ignis ab aqua, vt docet experientia, non alia de causa, nisi propter maiorem resistentiam formalem frigiditatis.

Ad vltimum argumentum concedendum est antecedens, quod eadem qualitas sit magis actiua; quàm resistiua, resistentia formali, aut è conuerso magis resistiua eadem resistentia, quàm sit actiua: sed neganda est consequentia, quod nõ possit agere summè humidum in summè siccum: nam licet ex hac parte, hoc est comparata resistentia formali huius cum actiuitate illius sit excessus, potest tamen compensari ex aliis, nempe ex maiori quantitate, & densitate agentis, aliisque conditionibus requisitis ad agendum. Ex quibus constat posse actiuitatem summè humidi superare resistentiam formalem summè sicci, quamuis hæc sit maior illa nudè cõsiderata vtraque, & ita intelligitur agere posse illud in hoc, si applicatio fiat secundum debitam proportionem.

QVÆSTIO III.

An necesse sit actionem semper procedere à proportionem maioris inæqualitatis.

VT intelligatur quæstio, explicandum est quid sit proportio maioris inæqualitatis, & quid proportio minoris, atque etiam quid sit, actionem procedere à proportionem maioris, aut

aur minoris inæqualitatis. Manifestū est, actionē versari inter agens, & passum debitè approximata, & illud agere per virtutem actiuam, hoc verò pati per potentiam passiuam, & cum sint contraria, non minus est certum, vnum resistere alteri, hoc est, se defendere ab illo, impediendo quantum potest actionem eius in se, & prohibendo, ne per illam imprimat sibi propriam formam, vt approximatis igne, & aqua, ignis intendit aquę imprimere suum calorem, & consequenter remittere frigiditatem eius, quod est eam debilitare, ne possit circa se agere vel non tam cito, & introductio caloris est agere: debilitare verò virtutem eius est resistere resistentia actiua; & aqua intendit imprimere igni suam frigiditatem, & consequenter debilitare calorem eius, ne agat in se, aut non tam cito, vel tanta intensiōe, quod est resistere ei resistentia actiua: calor etiā eo ipso, quod informat substantiam ignis ratione impossibilitatis, & contrarietatis formalis, quam habet cum frigore, impedit, ne statim introducatur in igne, aut saltem ne tota latitudo eius simul introducatur, & hoc modo impedire actionem, & introductionem eius, est ei resistere resistentia passiuā, aut formali; simili etiā modo resistit frigus calori, impediendo per suam informationem, actionem, & introductionem eius in aquam. Vt autem vnum agat circa aliud, & imprimat propriam formam necesse est ipsum aliquo modo superare; quia actio, & impressio proprię formę est victoria quædam naturalis, cum notum sit, illud vicisse suum contrarium, quod ipsum omnino expellit à proprio loco, & in eum sese introducitur. Ad intelligendum verò modum, quo necesse sit, vnum superare aliud, vt in illud agat, necesse est comparare vtrumque inter sese secundum proprias

71 virtutes agendi, & patiendi. Quatuor autem modis comparari possunt agentia contraria inter sese, secundum virtutes actiuas, vt si comparemus ignem cum aqua, vel aquam cum igne, secundum virtutes actiuas caloris, & frigoris, & in comparatione ista euidens est, ignem superare aquam cum sit magis actiuus. Secundo possunt comparari secundum resistentias actiuas, in qua etiā comparatione superius euadit ignis, cum resistentia actiua sit eadem eius actio, vel virtus actiua diuerso modo considerata, & eadem est ratio, si cōparetur actiuitas vnus cum resistentia actiua alterius, vt per se patet. Tertia comparatio esse potest secundum resistentias passiuas: & hoc modo superior erit aqua, cum sit elementum magis resistentiuum, quàm ignis, vt probauimus: & comparationes istę insufficientes sunt, quia actio, & passio non versantur inter cōtraria, nisi in quantum vnum est agens, & aliud passum: ergo solum debent comparari

parari secundum actiuitatem vnius, & resistentiam passiuam, aut formalem alterius, & hoc modo cōparata, vel æqualia sunt, ita vt tanta sit resistentia passiuā vnius, quanta est actiuitas alterius, & tunc nulla sequetur actio, quia neutrum superabit alterum, & ideo nec vincere illud poterit, & ex consequenti nec imprimere ei propriam actionem, & effectum, sed mutuo se impediunt; inæqualia igitur esse oportet, vt sequatur actio, per quam vnum vincat alterū. Sed duobus modis possunt esse inæqualia. Primo, ita vt actiuitas vnius sit maior, quā resistentia alterius, & hæc comparatio vocatur proportio maioris inæqualitatis. Secundo, ita vt ex opposito, minor sit actiuitas vnius, quā resistentia alterius; & comparatio hæc vocatur minoris inæqualitatis. Quarit ergo titulus quæstionis, an necessaria sit proportio maioris inæqualitatis ad actionem, hoc est, an vt vnum contrarium agat in alterum, necesse sit, actiuitatem eius maiorem esse resistentia formali alterius, quod pati debet, vel etiam à proportionē minoris inæqualitatis, hoc est, etiam si minor sit actiuitas agentis, quā resistentia formalis passi, possit illud in hoc agere. Prima opinio negat, hoc semper esse necessarium, sed sæpe ait, actionem dari à proportionē minoris inæqualitatis. Itā Burleus 3. lib. Phys. ad textum 16. quem refert, & sequitur Toletus 1. lib. de gen. q. 13. post secundam conclus. & quæst. 15. ad 1. Vallēs. controu. 44. ad Tyron. Probant ratione, & experientia. Ratione quidem, quia omne agens communicans in materia cum passo, potest repati ab illo, vt docet expressè Arist. cap. præsentis. Sed impossibilis esset reactio, & repassio si repugnaret sequi actionem à proportionē minoris inæqualitatis: ergo concedendum est, dari posse. Probatur minor, quia id, quod patitur ab alio, superatur ab eo: ergo passum semper est inferius; sed debet teagere in idemmet agens superior: ergo non potest agere, nisi tamquam inferius, hoc est tamquam id, cuius actiua virtus minor est resistentia agentis, vt se habet tamquam passum in reactione, quod est agere à proportionē minoris inæqualitatis. Probatur consequentia, quia proportio minoris inæqualitatis dicitur ea secundum quam virtus actiua agentis minor est resistentia passi, vt explicatum est, & superatur ab eo: ergo passum semper est inferius, & actiuitas eius minor resistentia agentis: ergo non potest in illud agere, nisi à proportionē minoris inæqualitatis: quare vel impossibilis erit reactio, vel possibilis erit actio à proportionē minoris.

Secundo, experientia, quia parua guttula aquæ cadens super lapidem excauat illū, quantumuis durissimum, cuius resistentia absque

absque dubio est maior actiuitate guttulæ, & formica sæpè mota super durissimum lapidem aliquid tandem extrahit ab eo, cuius resistentiam maiorem esse actiuitate formicæ euidens est: ergo contra experientiam erit negare, quòd aliquando detur actio à proportionè minoris inæqualitatis.

Hanc opinionem explicant alij hac distinctione. Actio duplex est, vna, per quam agens totaliter vincit passum, & illud in se conuertit: & hæc dicitur actio victoriosa, per quam agens perfectam victoriam consequitur de suo contrario. Alia est, per quam agens non vincit passum simpliciter, neque illud in se conuertit, sed aliqualem gradum suæ formæ ei imprimit, vel in aliqua tantum parte eius agit: & ideo non vocatur actio victoriosa. Quando ergo dicit prædicta sententia, actionem non semper, aut necessatio dari à proportionè maioris inæqualitatis, sed sæpè, dari etiam à proportionè minoris, non intelligit de actione victoriosa, quia repugnat agens, cuius virtus minor est resistentia passi, idem passum vincere, atque in se conuertere, sed non repugnat aliquem gradum suæ formæ ei imprimere, vel in aliqua eius parte aliqualem effectum producere, quod est aliquam dari actionem remissam, vel imperfectam à proportionè minoris inæqualitatis.

- 72 Secunda opinio asserit, quamcumque actionem vnus contrarij in alterum, semper, & necessariò debere esse à proportionè maioris inæqualitatis, ita vt repugnet, dari aliquam à proportionè minoris. Ita Nimphus 1. lib. de Gener. comm. 195. q. 3. Astudillo q. 22. & omnes ferè recentiores, & est communis sententia, quæ videtur mihi non solum probabilior, sed vera. Probatur primò, quia dum resistentia passi æqualis est actiuitati agentis, non potest sequi actio: ergo multò minus potest sequi, dum resistentia passi fuerit maior actiuitate agentis, quæ est proportio minoris inæqualitatis, vt nuper ostēdimus. Consequentia est euidens, quia si æqualis resistentia passi impedit actionem agentis æqualis actiuitatis, multò magis impedit maior resistentia eiusdem passi actionem agentis minoris actiuitatis. Antecedens verò sic probatur; si tantum resistit passum, quantum agens agit, non superabitur vllò modo ab eo, hoc est, nec totaliter, nec partialiter: ergo nec poterit in ipsū quidquam agere. Probatur consequentia, quia cō ipso quod passum aliquam impressionem suscipiat ab agente, quamuis minimam, subditur illi, & ideo fit inferius, & verum est, non tantum ei resistere, quantum in ipsum agit, sed minus.

Secundò, quia tunc dicitur maior virtus agentis resistentia passi, quando ab hac non potest illa impediri, quin agat in passum;

sum; tunc enim evidens est esse superiorem, sed quotiescumque agens agit, non potest resistentia passi impedire actiuitatem eius, sed ea non obstante, vel impediante, sequitur actio: ergo 71 repugnat dari actionem, quin virtus actiua agentis sit maior resistentia passi, quod est, actionem quamcumque semper, & necessario debere esse à proportionem maioris inæqualitatis. Vtraque autem hæc ratio vim habet in hoc principio, nempe, intentum agentis in sua actione est imprimere propriam formam passo, passum verò introductioni resistit per qualitatem contrariam: ex quo sequitur quod quamdiu æqualis, vel maior est resistentia passi conatu agentis, impeditur omnino introductio propriæ formæ; sed quotiescumque actio sequitur, introducit agens propriam formam: ergo tunc non est maior, nec æqualis actiuitati, vel conatui eius resistentia passi, sed minor. Vnde sequitur, actionem semper, & necessario esse à proportionem maioris inæqualitatis, & rationes istæ efficaciter probant de quacumque actione, immo probant quamcumque actionem esse simpliciter victoriosam, siue parum, siue multum de forma agentis introducat, atque etiam siue sit actio, siue reactio, & ideo friuolam esse distinctionem illam de actione victoriosa. Quod hoc argumento probo aduersus eos, qui illa vtuntur ad explicandam secundam opinionem, dum agens incipit agere in passum, nullum gradum proptia formæ, nullam partem, quantumuis minimam eius potest ei imprimere, neque vllum effectum circa illud producere, nisi per propriam virtutem actiuam aliquo modo superet resistentiam eius: ergo nec circa ipsum agere, sed passum per reactionem in agens imprimit ei aliquem gradum, vel partem suæ formæ: ergo non est possibilis reactio (quam vocant actionem non victoriosam) nisi maior sit actiuitas passi reagentis resistentia formali agentis, quod ab eo reparitur, & consequenter neque vlla actio, quamuis minima, quod est nec reactionem, nec vllam parua actionem dari posse à proportionem minoris. 73 Quo argumento probatur efficaciter, nullam actionem quantumlibet paruam, neque vllam reactionem dari posse, quæ non sit victoriosa (vt loquuntur isti) quia quotiescumque agens agit, victoriam ex passo reportat, vel consequitur, & sine tali victoria impossibile est dari actionem: ergo nec dari actionem, quæ non sit victoriosa.

Ad argumentum verò primæ opinionis, concessa maiori, neganda est minor, quod impossibilis esset reactio, si repugnaret dari actionem à proportionem minoris, & dum dicitur, actiuitatem passi reagentis semper esse minorem resistentia agentis principalis, circa quod est reactio, negandum est, immo di-

cendum semper esse maiorem, quia agens principale non resistit passio reagenti secundum omnes suas partes, vel secundum omnes gradus intentionis suæ formæ, sed solum secundum illam partem, vel gradum, qui expellitur per reactionem. Et ratio est manifesta, quia resistentia passiva, seu formalis consistit in eo, quod forma contraria per suam informationem impediatur actionem agentis, & introductionem formæ contrariæ, seu gradus eius, cum quibus est impossibilis; sed dum reagit passum circa agens, solus ille gradus, qui expellitur, vel sola illa pars, circa quam versatur reactio, impediatur actionem, & introductionem formæ contrariæ, quia eam tantum conabatur tunc passum expellere per reactionem, vel solū circa illam partem tunc conabatur propriam formam introducere: ergo solus ille gradus, vel pars resistebat actioni eius, & isti vincuntur, cum vel ille expellatur, vel circa hanc sequatur actio: ergo minor erat resistentia eorum actiuitate passio reagentis: nam in eo, quod aliquis vincitur ab alio, ei subditur, & ab eo superatur, maiorque illo censetur. Ex quo intelligitur primo, quamlibet reactionem, quantumvis minimam, fieri à proportionem maioris inæqualitatis, & à proportionem minoris non posse fieri. Secundo intelligitur deceptio oppositæ opinionis in eo consistens, quod credit agens secundum se totum, & omnes suas partes, vel secundum omnes gradus suæ formæ resistere reactioni passio in ipsum, quod non est verum, quia solum resistit formaliter, in quantum per repugnantiam, & impossibilitatem suæ formæ, cum forma contrarij impedit actionem eius circa seipsum, & introductionem suæ formæ in se, sed solum tunc impedit introductionem illius gradus, quem conatur passum reagens introducere; vel in ea parte, circa quam reagit passum: talis autem resistentia minor est, cum ab ea vincatur, actiuitate reagentis, ut ostendit expulsio talis gradus, vel passio talis partis: unde semper actio quæcumque procedit à proportionem maioris. Sed contra hanc doctrinam sic arguo. Passum reagens non reagit secundum vnum gradum suæ formæ, aut secundum vnā partem integram, sed secundum omnes partes, & gradus, qui per modum vnius agentis vniuntur ad reagentum, & idem contingit in quocumque alio agente, quod non solū operatur per partem, qua tangit passum, vel per vnum, aut alterum gradum formæ, quem introducit, sed per omnes simul unitos ad agendum: ergo nec agens, in quantum ab eo repatitur solum resistit secundum illum gradum, quem ab eo expellitur passum, vel secundum illam partem, circa quam aliquid suæ formæ introducit, sed secundum omnes partes, & gradus suæ formæ

formæ unitos per modum vnus resistentis integri, atque completi. Falsum igitur est, quod dicitur solum resistere secundum eum gradum, qui expellitur, vel secundum eam partem, circa quam aliquid impressit passum, per reactionem. Probatur consequentia, quia non est maior ratio, ob quam omnes partes agentis vniantur ad agendum per modum vnus agentis, quam omnes partes passi vniantur ad resistendum per modum vnus resistentis integri, atque completi. Vnde falsum quoque erit, quod in reactione maior sit actiuitas passi reagentis, quam resistentia agentis, quod ab eo repatitur. Respondeo concedendo antecedens, quod omnes partes agentis per modum vnus concurrant ad agendum; & ideo quod agens per omnes suas partes, & gradus agat semper; sed negando consequentiam, quod ita se habeant ad resistendum resistentia formali; & ratio differentiarum est, quia diuersa est ratio agendi, à ratione resistentiarum formalis: nam omnes partes agentis, & omnes gradus formæ, eius æquè immediatè se habent ad actionem, & effectum producendum, & non ita, vt quædam partes, vel gradus agant mediis aliis; quia actio, & effectus æquè immediatè dependent ab omnibus, in quantum constituunt vnum agens completum, cui immediatè attribuitur actio, & à quo immediatè producitur effectus. Ad resistendum verò formaliter non se habent æquè immediatè partes, vel gradus, quia non immediatè impediunt omnes actionem agentis contrarij, & introductionem formæ eius, sed ille tantum, quem immediatè intendit expellere agens media introductione proprij, reliquæ vero partes, vel gradus non per se, nec actu impediunt actionem contrarij reagentis. Quod ex effectu probatur, quia nec proximè intendit eos tunc expellere agens, nec circa alias partes passi suam formam introducere, sed illum tantum gradum, vel gradualem partem intensificationis, aut circa hanc determinatam partem agere, non circa alias.

Sed contra hoc est argumentum, quia ex eo sequitur posse 77 passum reagens destruere totam virtutem agentis, etiam si sit maior propria. Probatur consequentia, quia actiuitas passi semper erit maior resistentia formali agentis: ergo semper poterit aliquid intensificationis formæ propriæ ei imprimere, & aliquid formæ eius expellere, & tandem eam omnino corrumpere, præsertim quia, quo maior intensio formæ propriæ imprimit ei passum per reactionem, eo magis debilitat, atque remittit formam eius, per quam resistit resistentia actiua, & ideo minor erit hæc resistentia eius, & facilius corrumpetur. Respondetur tamen negando consequentiam, quia quo plus procedit actio, eo magis debilitatur virtus passi ad reagendum, & multo magis, quam

virtus resistiva agentis, non solum actiua, sed formalis; cum longe maiorem intensionem suæ formæ imprimat ei agens, quàm ipsum imprimat illi per reactionem: & ideo potius, ac citius corrumpetur passum ab agente, quam agens ab eodem passio reagentem, ut per se est manifestum.

- 78 Ad primam vero experientiam de guttis aquæ cadentibus. Respondeo, non omnes excavare lapidem, sed priores disponere tantum ad excavationem, aliquantulum molificando lapidem, postquam verò dispositus est, illa, quæ accedit, extrahit aliquam particulam; & quidem si de singulis guttis loquamur respectu illius parvæ molificationis, quam efficit, absque dubio agit à proportionem maioris inæqualitatis, quia maior est actiuitas eius, quàm resistentia passiva illius parvæ siccitatis, quam expellit introducendo aliquantulum humiditatis, non enim resistit totus lapis cuilibet guttæ, immo neque omnibus, sed illa tantum particula, super quam cadit, & hæc non secundum omnes gradus siccitatis, sed secundum particulam gradualem, quæ expellitur, respectu cuius maior est actiuitas guttæ, cum eam expellat, sed dicitur ei resistere, quia impedit, ne simul introducatetur tota latitudo humiditatis, nec expellatur ipsa secundum totam latitudinem, quam habet, sed successivè & cum mora temporis: vltima verò gutta extrahens particulam iam molificatam, etiam agit à proportionem maioris, quia maior est actiuitas, seu vis eius ad extrahendum, quàm resistentia eiusdem particulæ, ut sic iam dispositæ. Quod probatur evidenter ab effectu: nam si extrahit illam, vincit resistentiam eius, quod repugnaret, nisi maior foret actiuitas.

- 79 Secunda verò experientia de formica super lapidem motu sæpius repetito deambulante, eodem ferè modo explicanda est; nam licet non extrahat prius molificando, vel humectando particulam lapidis, sua tamè (licet parva) vi, ac pondere, quasi paulatim concutit eam, & quasi diuellere aliquantulum incipit ab illa, cui continuatur, & tandem omnino eam separat ab illa, atque extrahit; & respectu effectus, quem semel efficit, superat sua actiuitate resistentiam particulæ, etiam dum eam extrahit, quia ut sic disposita minus resistit, quàm agat formica; & hoc est in singulis actionibus agere à proportionem maioris inæqualitatis, quia comparatur actiuitas eius, non cum tota firmitate adhesionis, sed cum illa tantum parte, quæ tollitur, quasi per debilitationem factam, (ut ita loquamur) & tandem multum iam debilitata minus resistit vltimæ actioni, per quam extrahitur, quàm forma extrahens agat.

QVÆSTIO IIII.

*An sit necessarium ad agendum, quod actiuitas agentis
excedat resistantiam passi excessu determinato,
vel indeterminatus sufficiat?*

SVpposito dubio præcedente, necessarium esse ad actionem, 80
quod actiuitas agentis excedat resistantiam passi, meritò
dubitatur à recentioribus, an sufficiat qualiscumque excessus,
vel necessariò requiratur determinatus, ita vt licet actiuitas
agentis sit maior resistantia passi, non sequatur actio, nisi certo
quodam excessu eam excedat. Et prima opinio negat, determi-
natum requiri, sed sufficere ait quemcumque, quantumlibet mi-
nimum, & indeterminatum. Probatur primò, quia sicut à pro-
portione minoris inæqualitatis numquam sequitur actio, ita à
proportionem maioris semper sequitur; quia eo ipso, quod maior
est actiuitas, quàm resistantia, potest agens vincere passum, &
ex consequenti in ipsum agere; sed quicumque excessus con-
stituit proportionem maioris inæqualitatis: ergo sufficit ad
actionem, & determinatus non requiritur. Probatur minor,
quia proportio maioris inæqualitatis dicitur, quando actiuitas
maior est resistantia; sed quicumque excessus efficit eam maio-
rem, vt per se est manifestum: ergo quicumque excessus consti-
tuit proportionem maioris inæqualitatis. Secundò, quia acti-
uitas agentis non potest vincere æqualem resistantiam passi,
benè tamen quamlibet minorem; nam vbi tantum resistit vnum,
quantum aliud agit, nulla sequitur actio, & vbi plus agit vnum,
quàm resistat aliud, necessariò sequitur, sed quicumque excessus,
etiam indeterminatus, sufficit, vt agens dicatur plus agere,
quàm resistat passum: ergo quicumque excessus sufficiet ad
actionem. Probatur tandem, quia si necessarius sit determina- 81
tus excessus, sequitur, lapidem sursum proiectum, etiam per spa-
tium vacuum, necessariò debere per tempus quiescere in pun-
cto reflexionis, & non tantum per instans, quod videtur aperte
falsum, & à pluribus negatur; quia in eo instanti, in quo verum
est dicere, impulsus non excedere gravitatem lapidis, sed esse
illi æqualem, verum est etiam, non moueri lapidem, sed nec
moueri potest tempore immediate sequenti: ergo debet per
tempus quiescere. Minorem probo, quia tempus, quod proximè
sequitur, indeterminatum est, cum non detur primum, sed quo-
cumque dato aliud sit prius: ergo tempore illo indeterminato,
non potest impulsus decrescere determinato decremento, sed

indeterminato tantum: si ergo excessus indeterminatus non sufficit ad motum, non mouebitur lapis tempore proximè sequente, sed quiescet quiete temporanea.

- 81 Nostra tamen sententia opposita est, quod non sufficiat excessus quicumque, sed determinatus requiratur necessariò ad agendum. Quam hac distinctione imprimis explico. Determinatio excessus dupliciter intelligi potest. Primò, ita vt ad agendum sit necessarium, quod actiuitas agentis excedat resistantiam passì vno gradu, vel dimidio, aut tertia parte, seu alio simili. Et in hoc sensu nõ debet esse determinatus excessus, quia tam minimus posset esse, vt non sufficeret, quod statim ostendamus; & tam magnus poterit determinari, quod non sit necessarius, sed minor sufficiat: ergo non quilibet determinatus sufficiet, nec etiam quilibet determinatus erit necessarius. Secundo modo potest intelligi, excessum determinatum requiri ad agendum, sicut dicimus quantitatem determinatam requiri ad introductionem formæ in generatione naturali substantiarum, nempe termino intrinseco, ita vt tantus excessus sit necessarius ad agendũ, vt minor quicumque non sufficiat, vel extrinseco, ita vt tantus non sufficiat, sed benè maior quicumque. Et in hoc sensu intelligimus necessariò requiri ad agendũ determinatũ excessum virtutis actiue supra resistantiam passiuam, aut formalem.

Probat autem nostra sententia sic explicata testimonio D. Tho. 1.2. q. 5. att. 6. ad 2. vbi sic ait: *Neque etiam omnia quæ sunt illuminata, aut calefacta: possunt alia calefacere, & illuminare sic enim illuminatio, & calefactio essent vsque ad infinitum, &c.*

- 83 Ex quibus hoc argumentum colligo. Demus ignem tantæ magnitudinis agere, de quo certum est, determinatam habere sphaeram suæ actiuitatis, vltra quam non potest actionem extendere; & hæc sphaera sit decem vlnarum, extra quam immediatè sit positum aliquod corpus capax caloris, sed vel nullum habens, vel longè minorem, quam sit calor corporis terminantis sphaeram ignis, & tunc sic procedo. Vltimum corpus intra hanc sphaeram contentum calefit ab igne, vt per se est manifestum: aut ergo potest calefacere aliud sibi contiguũ extra sphaeram positum, vel non: si posse dixeris, sequitur, quod corpus calefactum ab eo possit calefacere aliud sibi contiguũ, & ita procedere poterit calefactio in infinitum, nec erit iam sphaera ignis determinata, vt supponimus: si verò dicas non posse, sequitur, non sufficere quemlibet excessum ad agendum. Probat consequentia, quia vltimum corpus calefactum per suum calorem, excedit aliud sibi proximum nullum habens calorem, vel longè minorem, & tamen cum isto excessu non potest in illud agere,

agere, cuius nulla potest assignari ratio, nisi quia non pertingit
 mensuram excessus requisiti ad agendum: ergo sequitur, deter-
 minatum esse necessarium ad agendum.

Probatum etiam ratione à priori, quia maxima perfectio est, 84
 posse communicare aliis proprium esse, si non individuale (nam
 hoc est summa) saltem specificum, quod est posse ea sibi assimi-
 lare, vel sibi similia facere: ergo maior perfectio requiritur ad
 producendum sibi simile, quam solum ad essendum, sed vnum
 contrarium agit in aliud, ut illud efficiat sibi simile: ergo maior
 virtus requiritur ad agendum, quam ad essendum. Et maior
 quidem determinata, probatur, quia tam exigua potest esse vir-
 tus, ut non sit sufficiens ad operandum circa aliud, sed agens non
 agit, nisi ratione excessus actiuitatis supra resistantiam passi: er-
 go requiritur determinatus excessus ad agendum. Vim huius
 argum. explico exemplo corporum viuientium, de quibus eui-
 dens est, quod non eo ipso quod sint, possunt agere ad genera-
 dum sibi simile, sed necesse est, virtutem eorum crescere usque
 ad determinatum gradum: ergo eodem modo nec reliqua cor-
 pora actiua, & passiua possunt agere ad assimilandum sibi passum,
 nisi virtus actiua eorum aliquem gradum pertingat, ut constet
 experientia in ultimo corpore existente intra spheram actiuitatis
 ignis, quod licet calcietur ab igne, non potest alterum sibi conti-
 guum calefacere propter exiguam virtutem, & tam parua potest
 esse scintilla ignis, ut non possit aliquid agere, vel aliquid calo-
 ris imprimere in aliud corpus: necessarius ergo est aliquis ex-
 cessus determinatus virtutis actiue supra resistantiam passi, ut
 circa illud agere possit.

Probatum tandem à posteriori in ascensu ac descensu lapidis 85
 sursum proiecti, hoc modo in ultimo instanti temporis, quo
 mouetur sursum, producit impulsus contra conatum grauitatis
 presentiam quandam adæquatam lapidi, & superiorem qua-
 cumque alia prius producta, per quam vitimo terminatur mo-
 tus sursum, & in qua desinit: ergo necesse est, quod in eo instanti
 actiuitas impulsus excedat resistantiam grauitatis excessu de-
 terminato intrinseco, cum sit minimus excessus, cum quo agere
 potest, & cum minori quocumque non possit. Vterius, impul-
 sus sic excedens grauitatem diminuitur successiue tempore se-
 quenti: ergo non potest sic diminui, ut fiat minor grauitate,
 quin prius fiat æqualis; sed non potest fieri æqualis tempore im-
 mediato sequenti, quia æqualitas consistit in indiuisibili; ad quod
 in casu isto non peruenitur, nisi in instanti: ergo necesse est im-
 pulsus esse æqualē in aliquo instanti tempotis sequentis; in quo
 verū erit dicere, nunc est æqualis, & immediate non erat æqualis,

sed maior; & inter instans, in quo est æqualis, & instans, in quo produxit vltimam præsentiam terminantem motum, datur tempus: ergo in toto hoc tempore medio fuit maior excessu indeterminato, & tamen non poterat mouere lapidem sursum; cum motus sursum supponatur vltimo terminatus per illam indiuisibilem præsentiam ab eodem impulsu productam. Excessus igitur indeterminatus non sufficit ad agendum. Et licet daremus fieri æqualem in tempore immediato; idem sequitur inconueniens, quia cum tempus immediatum sit diuisibile, sequitur, quod etiam si in parte eius fiat æqualis, in prima medietate eiusdem partis non sit æqualis; sed maior, & tamen non sufficebat ad mouendum, vt ex suppositis est manifestum: ergo non quicumque excessus sufficit ad agendum, sed determinatus aliquo modo requiritur.

- 86 Ad primum argumentum oppositæ opinionis distinguendum est antecedens ex ea parte, qua asserit, à proportionem maioris inæqualitatis semper dari actionem; nam si proportio maioris sit per excessum determinatum actiuitatis supra resistantiam passi, verum est; si verò per indeterminatum, falsum: quia sicut non quælibet virtus agentis quantumlibet parua sufficit ad agendum, sed tanta requiritur, ita vt si sit minor, non sit sufficiens, vel cum tanta non potest agere, bene tamen cum maiori. Ita requiritur determinatus excessus actiuitatis vnus supra resistantiam alterius, quia ratione illius actiuitatis, per quam non excedit agens resistantiam passi, non dicitur agere, licet per totam simul actiuitatem operetur.

Ad secundum concessa maiori, neganda est minor, quod quicumque excessus sufficiat, vt dicatur agens plus agere, quam resistat passum; nam cum excessus indeterminatus non sufficiat ad agendum (vt probauimus) non dicitur propter illum agens plus agere, quam resistat passum: immo neque ratione illius aliquo modo agere, quousque fuerit determinatus, hoc est tantus, vt habeat sufficientem vim ad agendum, quam non habet si sit minor. Ad vltimum concedendum est euidenter sequi ex nostra sententia, quod motus sursum, & deorsum lapidis factus per vacuum necessario interrumpi debeat per tempus in puncto reflexionis; ex quo nullum sequitur inconueniens; immò est expressa sententia

Aristotelis 8. lib. Phys. vt ibidem ostendimus.

Cuius ratio non minus probat de eodem motu facto per plenum, quam per vacuum.

*An excessus actiuitatis supra resistenciam requisitus ad
agendum debeat esse determinatus termino
intrinsicco, vel solum extrinsicco.*

Supposito, quod excessus requisitus ad agendum debet esse 87
determinatus, quærimus, an debeat esse determinatus per
intrinsicum terminum, quem vocant minimum, quod sic, ita vt
tantus requiratur, & quicumque minor non sufficiat; vel suffi-
ciat determinari termino extrinsicco (quem vocant maximum,
quod non), ita vt tantus non sufficiat, sed bene maior quicum-
que: hoc est enim talem excessum esse maximum, cum quo non
potest dari actio: sed cum maiori quocumque dari possit. Et vi-
detur quod terminari debeat minimo (quod sic) quod proba-
tur in eodem exemplo motus sursum, & deorsum hoc modo. Dum
lapis mouetur sursum per impulsu proiicientis, necessarium
est talem motum terminari per vltimam præsentiam, vel vlti-
mum ubi indiuisibile, sicut quilibet alius motus rectus: ergo
verum erit in instanti, in quo lapis peruenit ad punctum reflex-
ionis, impulsu excedere resistenciam grauitatis. Probatur
consequencia, quia si non excederet, non posset agere: sed agit
tunc, cum producat præsentiam indiuisibilem, & adæquatam
vltimo terminantem motum sursum; ergo excedit resistan-
tiam grauitatis, & excessu quidem determinato per minimum
intrinsicum, quia verum est dicere tunc agere, & immédia-
tè post agere non posse: cum non possit mouere, sed finitus
sit iam motus sursum: ergo excessus cum quo agit in vltimo
illo instanti producendo vltimam præsentiam est minimus,
cum quo agere potest, ita vt cum minori, quem habebit im-
mediate post, non possit agere, vt supra probauimus. Vnde se-
quitur excessum requisitum ad agendum esse determinatum
termino intrinsicco.

Huc dubio respondeo hac distinctione, nam agere duobus
modis sumitur. Primo vniuersaliter pro actione quacumque
abstrahente à successiua, & instantanea, vel ab ea, quæ est mo-
tus, vel indiuisibile eiusdem motus, quod vocari solet muta-
tum esse. Secundo sumitur magis in particulari pro eo, quod
est mouere motu successiuo, qui propriè dicitur motus. Et si
agere sumatur hoc secundo modo, postulat necessariò ex-
cessum determinatum extrinsicè per maximum, quod non;
ita vt cum excessu determinato per minimum, quod sic, non
possit agens mouere, aut producere motum, vel mutationem
termini diuisibilis. Si verò accipiatur primo modo, requirit

excessum determinatum minimo quod sic. Probatum primum in agentibus contrariis, quæ operantur successiue; nam si excessus ad mouendum requisitus debet esse determinatus per minimum quod sic; demus minimum excessum, quo agens potest mouere esse vnum gradum, ita vt cum minori excessu mouere non possit; & tunc sic arguo. Minor excessus, quàm gradus sufficit ad agendum: ergo non habet terminum intrinsecum talis excessus requisitus. Probatum antecedens; quia omne agens habens contrarium, mouet successiue: ergo verum est dicere, quod excedens excessu vnius gradus, nunc non mouet, & immediatè post mouebit; sed immediatè post excessus erit minor: ergo vel non poterit omnino agere, vel necesse est agere cum minori excessu, & vtrumque probat falsum esse, quod requiratur determinatus excessus per minimum, quod sic; nam si immediatè post non mouet: ergo non sufficit talis excessus ad mouendum, & si mouet, cum minori mouebit, quia immediatè post producet aliquid formæ in passo: ergo minor erit excessus. Probatum secundò in agentibus carentibus contrario, & ideo introducentibus formam indiuisibilem in instanti, vt in luminoso, nam si cum excessu vnius gradus agit, & non cum minori, sequitur etiam, vel cum tali excessu determinato non agere; vel sine illo agere. Probatum consequentia; nam si luminosum excedit vno gradu, vel in eodem instanti producit totum excessum, & hoc repugnat propter defectum approximationis, vel producit partem determinatam, ita vt minorem non possit producere; quod probatur falsum, quia ex eo sequitur qualitates habere minimum intrinsecum in sua productione, quod ostendimus esse falsum 1. lib. Physic. Probatum secundum membrum, quod ad productionem indiuisibilis requiratur determinatus excessus per minimum, quod sic, quia effectus, qui producitur, est indiuisibilis, & determinatus intrinsecè, vt patet: ergo requirit excessum eodem modo determinatum ex parte agentis. Probatum secundo in motu sursum, quia in vltimo instanti cum terminante producit impulsus vltimam, & adæquatam præsentiam, vltimo terminantem motum, & cum minori excessu non potest aliam producere, immo neque villo modo operari: ergo ad talem mutationem instantaneam efficiendam determinatus excessus per minimum intrinsecum requiritur.

Et argumentum in contrarium propositum
hoc tantum probat, & ideo non
indiget solutione.

QVÆSTIO V.

An simile possit agere in omnino simile.

Hanc questionem tetigit Aristoteles cap. 7. huius libri, 88
iam à nobis explicatum : vt autem intelligatur , duo isti
termini declarandi sunt, nempe simile, & omnino simile. Simi-
lia vocantur ea, quæ participant eandem naturam specificam,
presertim sub genere qualitatis, in quo solum reperitur propria
similitudo, vt docet Aristoteles in eo prædicamento , vt duo:
alba dicuntur propriè similia; sed si participant eandem qua-
litatē, & nō secundū eundē gradum vt si vnū sit album vt duo,
aliud vt sex, non dicuntur omnino similia, & propterea additur
in titulo quæstionis, omnino simile: sunt ergo omnino similia,
ea quæ non solū conueniunt in eadem natura specifica quali-
tatis, sed in eodem gradu intensiōis, & talia sunt duo alba, vel
duo calida vt quatuor. Hoc supposito querimus, an habēs eadē
qualitatē specificā cum alio, & in eodem gradu possit agere in
illud intendendo qualitātē eius, vt calidū vt quatuor, in aliud
calidū vt quatuor intendendo calorem eius, & ideo producen-
do effectum se ipso intensiorem. Certū est autem sermonē esse
de agente vniuerso, nam agens æquiucum non producit sibi
simile formalit̃er, vt per se est manifestum.

Prima opinio affirmat simile posse agere in aliud eiusdem 89
qualitatis, & gradus: non semper, sed in casu aliquo, nēpe si plus
materiæ habeat ratione densitatis, vel ratione maioris quanti-
tatis; vt si duo corpora sint calida vt quatuor, vnum tamen sit
multo maius altero; vel si duo corpora æquē calida inter se
coniungantur, poterunt agere in corpus aliud æquē calidum,
sed minus, utroque intendendo calorem eius, quod est simile
agere in aliud omnino simile, producendo effectum seipso inten-
siori. Ita Sotus 2. lib. Phys. q. 4. concl. vltima, Nimphus 1. lib.
de generat. comm. 195. quæst. 2. Marsil. ibidē q. 18. & Toletus. q.
3. Probant ratione, & experientia: ratione quidem desumpta ex
natura densitatis, quæ talis est (vt capite. 5. ostendimus) vt par-
tes eiusdem corporis magis, ac fortius vniat inter sese: sed vir-
tus vnita fortior est seipsa dispersa: ergo calor eiusdem inten-
sionis in materia densa existens fortior est ad agendum, quàm
si esset in alio corpore densitate carente: potest ergo produ-
cere effectum maioris intensiōis, & ideo intendere calidum
eiusdem intensiōis producendo effectum se ipso inten-
siori, & quod densitas facit in casu isto, efficiet maior
quantitas

quantitas corporis, vel coniunctio duorum: ad agendum in tertium utroque minus.

- 90 Secundo, probant multis experientijs, sed his præcipue, quæ videntur notiores. Prima est de ferro candenti agente in stupâ, & conuertente eam in ignem, sed non potest conuertere in ignem, nisi habeat summum calorem: ergo producit calor existens in ferro minoris longe intensiōis calorem, summum; melius ergo poterit intendere calorem alterius calidi sibi omnino similis minoris densitatis, ratione cuius produxit in stupâ maiorem intensiōem caloris ea, quam habet in se. Secunda experientia est de lumine, nam radij Solares per speculum transeuntes solent generare ignem in corpus extra speculum positum: ergo producant effectum perfectiorem se, & ideo poterunt intendere calorem alterius omnino similis. Tertia, de pondere, quod maius est in corpore denso, quam in raro, ut in plumbo vel auro; & ideo perfectiorem longè effectum impulsioni producere poterit: ergo eadem erit ratio de qualitatibus actiuis se expellentibus ab eodem subiecto, ex quibus illa poterit producere effectum maioris intensiōis, quæ fuerit in densiori, vel maiori corpore, licet æqualis sint intensiōis in se. Et tandem plures homines simul cōcurrentes plus pōderis portare possunt, quam portarent, si quilibet eorum per se separatus ab altero operaretur: ergo eodem modo plures partes corporis, quod magis vnitæ sunt, perfectiorem producent effectum: sed ita se habent in corpore magnæ densitatis: ergo producere poterunt effectum maioris intensiōis, ea, quam idemmet corpus habet in se, & consequenter intendere eandem qualitatē, & in eodem gradu existentem in corpore simili.

Secunda opinio negat simile posse agere in omnino simile per eandem formam, in qua assimilantur, etiam si maioris sit densitatis, vel magnitudinis, ut calidum ut quatuor centumlibet densum, vel magnum agere posse in calidum ut quatuor minoris magnitudinis, vel densitatis. Ita Auicēna. 7. Metha. cap. 3. Gregor. in 1. distin. 17. q. 4. art. 2. Venetus in summa de gener. cap. 3. Alber. Saxoniz 1. lib. de generat. q. 19. Astudillo q. 21. Victoria in relectione de augmento charitatis. Vallesius controu. 14. ad tyrones ad finem, & omnes ferè recentiores. Et videtur mihi certa in doctrina Aristotelis, & longe probabilior. Et quod certa sit in doctrina Aristotelis probatur ex cap. 7. huius lib. textu 50. vbi docet expresse agens & passum dissimilia esse debere, atque contraria, his verbis: *Sed quoniam non quodcumque natum est pati, & facere, sed quacumque aut contraria sunt, aut contrarietatem habent, necesse est ut patiens, & faciens genere quidem*

quidem simile esse, & idem: specie autem dissimile, & contrarium. Et paucis interpositis reddit rationem huius dissimilitudinis sic loquens: Huius autem causa est, quod contraria in eodem genere sunt omnia: faciunt autem, & patiuntur contraria ab inuicem quapropter necesse est aliquo quidem modo eadem esse & faciens, & patiens: aliquo autem modo altera, & dissimilia ab inuicem, &c. Sed ea, quæ sunt eiusdem speciei, & in eodem gradu participant eadem qualitatē, nec dissimilia sunt, nec contraria; sed omnino similia: quamuis vnum sit maius altero, vel maiorem densitatem habeat: ergo pugnat cum verbis Aristotelis, quod possit vnum agere in aliud per eandem formam, vel ab eo pati. Et si dicas dissimilia esse ratione magnitudinis, vel maioris densitatis; probatur esse falsum, quia maior magnitudo, vel maior densitas non facit dissimilitudinem, sed inæqualitatem: cum multitudo partium, ratione cuius corpus magis densum posset fortius agere, ad quantitatem potius, quam ad qualitatem pertineat.

Probatum etiam ratione primo, quia repugnat causam efficientem producere effectum, quem non continet in se formaliter, vel eminenter: alioqui daret, quod nullo modo habet, quod est impossibile: sed omnino simile, quantumlibet magnum, vel densum non continet formaliter, aut eminenter gradum intensioris formæ: ergo nec posset illud producere in aliud omnino simile. Exempli gratia, calidum ut quatuor maioris magnitudinis, vel densitatis non continet ullo modo gradum ut quinque: ergo non potest illud producere intendendo aliud calidum, ut quatuor minoris magnitudinis, vel densitatis. Probatum minor, quia solum habet calorem intensum ut quatuor: ergo non continet formaliter quintum gradum intensioris; sed neque eminenter, quia effectus non potest contineri eminenter in causa eiusdem rationis, & speciei, sed diuersi gradus caloris sunt eiusdem rationis, & speciei: ergo repugnat vnum continere alterum eminenter, alioqui non esset causa vniuoca eius, sed æquiuoca, cum sit diuersæ rationis ab effectu. Et si dicas quintum gradum intensioris esse eiusdem speciei, sed diuersæ rationis, & perfectionis secundum rationem indiuidualem. Ex hoc probatur euidentius non contineri eminenter sub gradu intensioris, ut quatuor, quia res inferioris ordinis, & perfectionis non potest continere eminenter rem superiorem: sed quintus gradus per se est perfectior indiuidualiter calore ut quatuor: ergo non potest sub eo contineri eminenter. Et si rursus dixeris quatuor gradus caloris in subiecto densiori, vel maioris magnitudinis perfectiores esse quinto gradu indiui

indiuidualiter, non ratione intensionis, sed propter maiorem multitudinem partium; & ideo continere illum eminenter precipue in ordine ad illum producendum, probo hoc esse falsum; quia causa efficiens debet continere effectum formaliter, vel eminenter secundum rationem formalem efficientis causæ, hoc est ratione suæ formæ, per quam agit; sed multitudo partium nec est forma agentis, nec formalis ratio agendi, sed solum conditio, vel dispositio aliqua: ergo impossibile est, quod eius ratione contineatur quintus gradus sub calore ut quatuor, & consequenter repugnat ab eo produci in aliud calidum, ut quatuor minoris magnitudinis, vel densitatis.

Secundo probatur ex fine agentis, nam cessante fine, cessat actio agentis; sed respectu alterius omnino similis non potest dari finis agendi: ergo nec poterit dari actio. Probatur minor, quia finis, quem intendit agens sua actione est assimilare sibi passum: sed nihil restat in quo assimiletur per talem formam res omnino similis in ea, ut per se est manifestum: ergo repugnat etiam circa illam agere. Et si dicas non esse similem in magnitudine, vel densitate, aut partium multitudine; & ideo ex hac parte adhuc permanere finem actionis. Hoc est aperte falsum, quia agens non intendit assimilare sibi passum secundum conditionem, vel dispositionem ad agendum concurrentem: sed secundum formam, per quam agit: ut calidum secundum formam caloris intendit assimilare sibi passum circa quod agit, non secundum magnitudinem, vel densitatem, quæ non pertinent per se ad alterationem tamquam rationes agendi, sed solum sunt conditiones, ut quantitas: vel dispositiones materiales, ut maior densitas: ergo cessante assimilatione in calore, cessat penitus finis calefaciendi, & consequenter calefactio ipsa.

DVBIVM AGITANDVM PRO solutione argumentorum.

*An maior magnitudo, vel maior densitas corporis
iuvet ad agendum, & quo modo.*

Authores primæ opinionis contendunt maiorem magnitudinem agentis, aut maiorem densitatem eius iuvare ad agendum, non tamquam rationem formalem agendi quia certum est, nec extensionem, aut multitudinem partium, nec densitatem corporis esse virtutem actiuam, & ideo nec formam, per quam operatur agens; ut maior densitas ferri, vel maior magnitu

gnitudo eius non est ei ratio formalis agendi, sed calor, ita tamen iuuare, ut ratio formalis agendi in multitudine partium eiusdem corporis existens, vel in densiori materia fortior sit, & maioris virtutis ad agendum, quam sit intensio eius, quia magis vnita; & ideo posse producere effectum se intensiorem, & intendere formam passi æqualem se in gradibus intensificationis. Quod probant duobus illis argumentis, pro quorum solutione propositum est hoc dubium.

Nos vero iuxta communem opinionem, quam sequimur, duo dicimus: primum, maiorem magnitudinem agentis, vel maiorem densitatem eius, nec esse rationem formalem, vel virtutem agendi: nec ex parte eius sic iuuare ad agendum, ut possit eius ratione agens producere in passo effectum se intensiorem. Probatur primum, quia agens intendit assimilare sibi passum secundum formam, per quam agit in ipsum, ut calidum intendit assimilare sibi passum in calore, qui est sibi ratio formalis agendi: ergo magnitudo corporis, vel densitas eius non potest esse ratio agendi. Probatur consequentia, quia in his non intendit per se assimilationem, sed in calore tantum, vel alia qualitate, per quam agit. Probatur secundum, quia magnitudo corporis, vel densitas eius nullam continent virtutem actiuam: ergo non possunt tribuere eam formæ, quæ est ratio agendi ad producendam maiorem intensificationem in passo, quam ipsa habeat in se, & consequenter nec ad agendum in aliud omnino simile. Probatur secundo, quod nullo ex prædictis modis iuuare possint formam agentis ad producendam maiorem intensificationem, quam in se habeat, quia sequeretur agens, & passum mutuo se posse intendere usque ad summum gradum, quod est absurdum. Probatur consequentia, quia si magnitudo agentis, vel densitas eius sit forma agendi, vel iuuet formam agendi ad agendum in passum omnino simile, demus calidum ut quatuor maioris magnitudinis, vel densitatis intendere posse aliud calidum ut quatuor, usque ad quintum gradum: & tunc passum factum calidum ut quinque poterit agere in idem agens calidum maioris magnitudinis, vel densitatis, quia cum illud excedat in gradu integro intensificationis, euidentius est posse in illud agere, & calorem eius intendere, nec minus est euidentius maiorem magnitudinem, vel densitatem non impedire talem actionem. Et hoc rursus per calorem iam intensum poterit ratione maioris densitatis, vel magnitudinis agere in aliud intendendo calorem eius, & sic se possunt vicissim intendere usque ad calorem ut octo.

Secundo dicimus multitudine partium, aut maiorem densitatem, vel maiorem magnitudinem corporis posse iuuare formam agentis ad pro-

ad producendum suum effectum ad maiorem distantiam, & maiori velocitate; atque etiam ad producendum secundum maiorem intensiorem, quam produceret sine illis, sed nullo modo ad producendum effectum intensiorem se. Et hoc ultimum probatum est iam in confirmationem communis sententiae. Sed probo alia hoc argumento; maior magnitudo, seu maior densitas agentis, aut maior multitudo materiae, licet non sint rationes formales agendi, sunt tamen conditiones, & dispositiones ad agendum, per quas eadem virtus agendi melius disponitur in ordine ad actionem, & effectum producendum, quia virtus unita per densitatem fortior est seipsa dispersa (ut aiunt) & in pluribus partibus existens, vel in maiori magnitudine corporis servata eadem intensiōe, atque eadem densitate fortior fit: ergo maior est ei tribuenda sphaera actiuitatis, per quam possit extendere suum effectum, & intra eandem sphaeram intensior effectus, quam tribueretur, si his conditionibus caret, vel haberet oppositas.

Probat ut secundo euidenti experientia, quia aequalis intensio caloris in ferro, aut corpore alio densiori citius, atque intensius calefacit manum, quam in aëre, vel corpore alio minus denso, & aqua citius, atque intensius humectat manum, quam aër, quamvis intensiorem habeat iste humiditas. Ignis etiam magnus ad maiorem distantiam calefacit, quam parvus, & intra sphaeram minoris intentiorem calorem producit, quam minor ipse. Et tādē videmus duo luminosa aequalis intensiōis maiorem partem medij illuminare, quam illuminaret quodlibet per se, & in eadem parte medij ab utroque illuminata intensius lumen produci, quā si ab vno solo illuminaretur. Quod ex duobus probatur euidenter: ex primo quidem, quia experimur in eadem parte medij ab utroque illuminata scripturam aliquam legi posse, quae non posset legi, si ab vno tantum illuminaretur. Ex secundo verò, quia si corpus opacum ponatur medium inter utrumque luminosum, duplex efficietur umbra, una versus unum, & altera versus alterum. Ex quo efficaciter colligitur, quod praeter lumen à quolibet productum in parte proximiori, aliquid etiam luminis producitur ab altero in eadem; quod sic probo. Umbra causatur ex impedimento corporis opaci, ratione cuius minus lumen producitur in parte impedita, quam in alijs non impeditis: sed pars illa aëris, in qua fit umbra, non est impedita ab effectu proximioris luminosi, ut per se est manifestum: ergo impeditur ab effectu alterius: sed non impeditur totaliter, alioqui nulla causaretur umbra, sed causatur, quia ex parte solū impeditur: ergo habet ex parte effectum, quod

quod est aliquid luminis producere, præter illud, quod producit luminosum magis proximum. Et ex hoc euidenter sequitur intensius lumen produci ab utroque agente circa eandem partem medijs, quàm produceretur à quolibet per se, propter maiorem magnitudinem, maioremque multitudinem partiũ vtriusque, sed in nullo casu horum producit forma, vel effectus in maiori intensione ea, quàm habet in causâ totali, vel partiali: nam calor productus ab igne maioris magnitudinis non excedit intensiorem, quàm habet calor in qualibet eius parte, nec totum lumen productum in medio ab utroque luminoso excedit intensiorem, quàm habet idem lumen in singulis per se sumptis.

Ex quibus colligitur agens minoris intensiõis ratione maioris densitatis, vel magnitudinis producere posse intensiorem effectum, quàm aliud, maioris quidem intensiõis, sed minoris densitatis, vel magnitudinis; numquam tamen posse producere effectum intensiorem se.

His suppositis restat respondere argumentis primæ opinionis: Erad primum eorum concedendum est primum enthymema, quòd virtus in densiori corpore existens magis est vnita, & ideo fortior seipsa dispersa, hoc est fortior, quàm si esset in corpore minus denso, & ideo intensiorem effectum posse producere, quàm posset cum minori densitate, quia ratione densitatis melius est disposita ad agendum, quàm esset sine illa: sed neganda est alia consequentia, quòd possit producere effectum intensiorem se, quia talem intensiõem maiorem nullo modo continet forma, quæ est ratio agendi, nec secundum se, cum tantum sit intensa vt quatuor, nec ratione densitatis, quæ nullam potest virtutem agendi ei conferre; sed melius tantum disponere subiectum, vt citius, vel ad maiorem distantiam, vel cum maiori intensiõis non excedente propriam producat proprium effectum.

In secundo argumento afferebantur plures experientiæ ad probandum agentia ratione densitatis, vel magnitudinis, aut multitudinis partium posse producere effectum maioris intensiõis, aut perfectionis ea, quàm habet forma, per quam operantur; & omnes experientiæ præter primam pertinent ad causas æquiuecas, de quibus non procedit quæstio, vt in principio adnotauimus; nihilominus vno verbo eis respondebitur statim. Ad primam igitur de productione ignis in stupa à ferro candenti, duobus modis respondeo; primo concedendo, quòd in ferro illo non sit forma ignis neque summus calor, sed infra octauum gradum; concedendo etiam, quòd in

stupa producat ignem, sed negando quod producat calorem ut octo, se producit minus intentum, quam in se habet, & ille sufficit ad introducendam formam ignis in tali materia habente ceteras dispositiones siccitatis, raritatis, & leuitatis requisitas; quibus quia caret ferrum, non sufficit in eo calor maioris intensiōis, quem habet ad introductionem eiusdem formę ignis, sed cum propria conseruatur. Quod exemplo aëris probari potest, qui in media regione infrigidat nubes, quibus propterea frigidior est, nec tamen conuertitur in aquam, sicut conuertuntur nubes, quia deficiunt ei ceterę dispositiones aquę connaturalales, quas nubes habent, ut densitas, grauitas, & alię huiusmodi. Itaque nec necessarius est summus calor ad introductionem formę ignis in materia sic disposita, immo nec tam intensus; quam ille, qui est in ferro, sed nec iste sufficit, ut in ferro introducatur forma ignis. Vnde non sequitur, ferrum candens producit ignem in stupa, ergo intensiorem calorem eo, quem in se habet. Secundò respondeo, quòd in ferro est forma ignis secundum probabilem sententiam multorum, quam tenent Scaliger exercitatione 10. contra Cardanum numer. 1. Alexander Aphrodisæus opus. de mixtione, quod colligunt ex fulgore eius, quia, ut asseruit Plato in Timæo, nihil potest fulgere, sine igne. Nec difficile est id intelligere, quia cum sit adeo vehemens calor ferri, facile creditur est, quòd aërem in poris existentem, & valde dispositum pro forma ignis in ignem conuertat; ab hoc igitur igne in poris ferri existente producit ignis alter in stupa, & non à solo calore ferri.

Ad aliàs vero experientias de causis equiuocis vno verbo respondeo, admittendo illas, sed negando quod in aliqua earum producatur effectus maioris perfectionis, quàm causa, immò cum equiuoca sit hæc, & ideo alterius speciei, & ordinis, quàm effectus à se productus, impossibile est hunc attingere per se perfectionem causę, sed semper manet inferior; & ita censendum est de effectū causę vniuocę, qui numquam poterit intensiōem formę agentis superare, quantumcumque crescat ratione densitatis, aut cuiusuis maioris magnitudinis agentis, aut multitudinis partium.

QVÆSTIO VI.

*An agens possit producere effectum sibi omnino
equalem, aut similem in perfectione,
vel gradu intensiōis?*

Ut in

VT intelligatur questio, notare oportet, non procedere de effectū simili, vel equali secundum perfectionem essentialē, nam certum est, quodlibet agens vniuo- cum producere per generationem substantialem effectū sibi æqualem in perfectione essentiali, vt homo hominem, & leo leonem: sed solum procedit de effectū simili, vel æquali in modo, ac perfectione accidentali, hoc est in gradu intensionis, & ideo, nec procedit de agente æqui-uoco, quod cum habeat formam specie diuersam, nō potest assimilare sibi passum similitudine formalis; nec etiam in formali intensione, vt per se patet: sed de solo agente vni-uoco producente formam eiusdem speciei, & eodem modo capacem intensionis, ac est capax forma, per quam ipsummet operatur. Querimus ergo an calidum vt quatuor possit producere in passio, vt in ligno, aut ferro calorem eiusdem intensionis; ita vt totam virtutem intensionis, quam habet, possit refundere in passum; & facere illud æquē calidum, & omnino sibi simile, vel solum possit producere inferiores gradus caloris.

Et prima opinio asserit posse calidum intensionis, vt quatuor producere quatuor alios gradus caloris in passio; & etiam luminosum posse producere lumen eiusdem intensionis, quam habet in se. Ita authores illi, quos questione præcedente citauimus pro sententia; quæ asserit simile posse agere in omnino simile intendendo qualitatem eius; nam consequenter dicere tenentur posse producere totam intensionem, quam in se habet; quia si calidum vt quatuor potest intendere calorem vt quatuor existentem in ligno, vel aëre, demus illum intendere vsque ad quintum gradum; ex quo sequitur, quod possit producere quinque gradus caloris in alio subiecto nullum calorem habente, vt in aqua, vel terra. Probatur autem hæc sententia ratione, & experientia. Ratione quidem, quia calor existens in aliquo subiecto secundum omnes gradus intensionis, quos in se habet, est qualitas actiua; ergo secundum omnes gradus est productiua alterius sibi similis; quare in subiecto capaci poterit producere omnes gradus intensionis, quos in se habet, quod est posse producere aliud sibi omnino simile. Probatur etiam experientia: nam euidentis est vnum ignem posse producere alterum; ergo potest producere calorem vt octo. Probatur consequentia, quia calor vt octo est dispositio ad formā ignis; quare non potest negari, quod possit agens producere effectū tantæ intensionis, quantam habet forma, per quam agit. Immo nec negari potest, quod actu producat, quia non producit ignis sine calore vt octo. Et ex hac experientia deduci potest hoc argumentum. Si calidum vt octo, quale est ignis, non

7^o posset producere calorem vt octo, sed minorem; sequitur octauum gradum caloris non esse qualitatem actiuam; quod est falsum; cum omnes gradus sint eiusdem rationis: sed probatur consequentia, quia numquam potest illum gradum imprimere subiecto: ergo nec per illum potest agere, quod est non esse actiuum.

93^o Secunda opinio est quorundam recentiorum asserentium, quod licet non possit corpus habens formam tantæ intensiōis, producere aliam eiusdem intensiōis in alio corpore, nisi fortè cum eo esset penetratum: in superficie tamen eius, per quam cum eo se penetrat superficies propria, producere potest totam intensiōem, quam in se habet, quod hoc exemplo potest declarari. Demus calidum vt quatuor approximatum ligno, vel alteri corpori non habenti calorem, tunc asserunt, ratione distantie inter agens, & partes profunditatis passii non posse in eas producere totam intensiōem, quam habet, sed minorem; sed in superficie eius, per quam se tangunt posse producere indiuisibile intensiōis vt quatuor: quod probant hoc argumento. Si calidum vt quatuor se penetraret cum passio; nihil obstaret, quin posset producere in eo calorem eiusdem intensiōis, quia sola distantia impedit modo productionem totius intensiōis; sed per vltimam superficiem se penetrat cum vltima superficie passii: ergo poterit circa illam producere indiuisibile intensiōis vt quatuor. Probatur minor, quod se penetret, quia duo corpora se penetrare, non est aliud, quàm vtrumque correspondere eidem spatio; sed duæ illæ superficies agentis, & passii correspondent eidem superfici ei indiuisibili spatij, vt per se est manifestum. Et probatur in baculo existenti in aqua, & aëre, cuius superfici ei correspondent vltimæ superficies aëris, & aquæ: ergo se penetrant.

94^o Nostra sententia quatuor asserit, primum est, corpus magnitudinis, ac densitatis proportionatæ suæ naturæ, & suæ intensiōi posse producere effectum sibi omnino similem, hoc est, eiusdem intensiōis circa passum eiusdem magnitudinis, ac densitatis, si sit cum eo penetratum; quod licet non possit naturaliter contingere, quia penetratio corporum non est possibilis naturaliter; si tamen per diuinam potentiam se penetraret, produceret talem effectum. Probatur efficaciter hoc argumento. Virtus agentis secundum totam intensiōem, quam habet, est actiua, & productiua alterius sibi similis, & per penetrationem agentis, & passii & perfectissime approximata, ita vt nulla sit distantia inter agens, & passum; neque aliquid aliud, per quod aliquo modo impediri, vel retardari possit à perfecta productione sui effectus;

effectus; & ex alia parte agit naturaliter, & in quantum potest: ergo producit effectum sibi omnino æqualem in gradu intensi-
onis. Probatur consequentia, quia agens naturale nullo modo
impeditum perfectè operatur, & ideo perfectè assimilatur sibi
passum; sed perfectè assimilatio in his formis dicitur similitu-
dinem non solum in natura specifica, sed etiam in eodem gra-
du intensi-
onis: ergo producit effectum sibi omnino similem
in gradu intensi-
onis, vel totam intensi-
onem, quam habet, im-
primit passo.

Secundo asserit, agens eiusdem virtutis, & eodem modo pro-
portionatum passo secundum densitatem, & magnitudinem
non penetratum cum eo, sed ei contiguum, non posse produ-
cere effectum circa ipsum æqualis intensi-
onis, sed minoris tan-
tum. Quod hac ratione probatur; approximat-
io agentis ad pas-
sum est conditio necessariò requisita ad agendum, & ideo pro-
pter maiorem, vel minorem distantiam diuersarum partium
eiusdem passi respectu agentis asserunt omnes vniformiter dif-
formiter circa illas agere, hoc est, simul imprimendo eandem
formam omnibus, perfectius tamen, vel intensius proximiori-
bus: sed agens, & passum non sunt perfectè approximata, etiam
si sint contigua, nisi se penetrent: ergo non poterit agens per-
fectè agere in passum, nec perfectè illud sibi assimilare, nisi suo-
rit cum eo penetratum, & ex consequenti nec producere in eo
totam intensi-
onem, quam habet. Probatur minor, quia ea, quæ
non sunt simul, aliquo modo distant: ergo non sunt perfectè ap-
proximata; sed ea, quæ non se penetrant, non sunt simul, licet
sint contigua: ergo non sunt perfectè approximata. Probatur
iterum minor, quia se penetrare duo corpora idem est, ac esse
simul loco, vel spatio, ita vt eisdem partibus spatij correspon-
deant partes vtriusque corporis; quod pater non habere corpo-
ra contigua, sed diuersis spatiis correspondere, & ideo aliquo
modo distare inter se saltem negatiuè, licet nullum sit corpus
medium inter vtrumque; & propterea non esse perfectè ap-
proximata, vt requiritur ad perfectè agendum, & patiendum.

Tertium, quod asserimus contra secundam opinionem est,
agens non posse producere in sola vltima superficie passi, per
quam tangitur ab eo totam intensi-
onem, quam habet, immo
nec maiorem, quam in partibus profunditatis. Probatur primo
ex parte subiecti, nempe eiusdem superficiei, in qua recipi debet
talis effectus, quia non potest effectum maioris intensi-
onis re-
cipere, quam partes profunditatis, quas terminat, nisi in quan-
tum est terminus earum: ergo præcisè in quantum indiuisibi-
lis; sed indiuisibile non potest esse per se alterabile, quia qui-

cumque motus alterationis est accidens corporeum diuisibile postulans subiectum; vt probauimus 6. lib. Physicor. ergo repugnat dari motum alterationis in sola indiuisibili superficie terminante corpus; & consequenter repugnabit aliquam intensiorem caloris recipere præter illam; quam recipiunt partes profunditatis terminata. Probatur vltima consequentia, quia non potest talem calorem recipere, nisi per motum; quia successiue illum recipit.

Secundo, quia vel indiuisibilia continuatiua, & terminatiua qualitatum sunt modi, vel res. Si dicis esse modos, euidenter sequitur nec de potentia Dei absoluta, posse separari ab ipsa qualitate, quam continuant, vel terminant; & etiam si velis esse res, naturaliter repugnat separari à continuo, vt fatentur omnes. Nemo enim vnaquam dicit, quod punctum possit separari naturaliter à linea. vel superficies à corpore: neque villo modo existere per se separatum in rerum natura; quia etiam si sit res, imperfectissima tamen, & naturaliter dependens à re ipsa, quam continuat, vel terminat tamquam aliquid eius; propter quam, & non propter se fit à natura; sed si superficies vltima passi intensiorem recipit calorem, quam partes profunditatis corporis, quas terminat, sequitur euidenter dari indiuisibile qualitatis realiter separatum à qualitate: ergo impossibile censendum est. Probatur minor, quia in partibus solum recipitur calor, vt tria (exempli gratia) in superficie verò recipitur indiuisibile caloris intensum, vt quatuor; quod euidenter est nullas partes intensiorem terminare; cum non possit terminare; nisi calorem intensum, vt quatuor, & talis non datur, vt supponimus, nec proinde potest eis adherere, quia indiuisibile non adheret partibus, nisi eas terminet, vel continet: ergo est separatum ab eis realiter, & per se separatum ab omni alia re est in rerum natura.

97. Probatur tandem, quia vel illa maior intensio caloris, quam recipit sola superficies terminans; producit per motum, vel per mutationem instantaneam; vtrumque est impossibile: ergo repugnat superficiem recipere effectum maioris intensiorem, quam partes. Probatur minor; quod non per mutationem, quia euidenter est; & recentiores, qui sequuntur illam sententiam, id concedunt, intensiorem illam successiue produci; cum habeat contrarium in subiecto: ergo non per mutationem, sed per motum producit. Quod verò hoc sit impossibile probatur, nam vel motus iste est idem numero cum motu totius corporis: & hoc non, cum sit in subiecto realiter distincto, & habeat terminum realiter distinctum. Nec etiam potest distin-
- gni na

gui numero, cum nec subiecta sint distincta numero; nam indiuisibilia quantitatis, vel substantiæ non distinguuntur numero ab ipsa quantitate; & substantia, ut per se est manifestum: ergo repugnat produci permutationem, vel motum. Et si dicas produci per motum distinctum numero à motu partium, non quidem numero totali, & completo, sed partiali. Hoc probatur falsum, quia terminus productus per talem motum non est pars termini motus earundem partium, cum nec componat cum illis eamdem numero qualitatem, nec vilo modo eis adhareat, ut probaui, quia nec eas continuat, nec terminat: ergo nec motus per quem producit talis maior intensio potest componere vnum motum numero cum motu partium, cum nullo modo ad eum pertineat, sed numero debet distinguī ab eo, & ita necesse est concedere, quod idem corpus mouetur simul duobus motibus calefactionis solo numero distinctis, quod patet esse falsum. Et probari etiam posset talis distinctio numerica motuum ex eo, quod motus partium est diuisibilis secundum extensionem, motus verò superficiē indiuisibilis hoc modo: ergo repugnat esse eundem numero motum. Probatur consequentia, quia repugnat eandē entitatem esse diuisibilem, & indiuisibilem eodem modo diuisibilitatis: impossibilis est ergo productio talis intensiois maioris in sola superficie.

Et si pro eadem sententia dicatur, dari quædam accidentia, quæ solum inhaerent in superficie corporis, & non in profunditate, ut figura & color, quem ideo defuit Aristoteles in lib. de sensu, & sensili, dicens: *color est extremum perspicui in corpore terminato*. Atque etiam de lumine, quod videtur inhaerere in sola superficie parietis, & ideo non esse reputandum impossibile, quod maior illa intensio caloris recipiatur in sola superficie passi. Respondeo, nullum ex his exemplis vim habere ad id probandum, nam de figura, & colore manifestum est esse accidentia corporis, ut corpus est, & ideo secundum trinam dimensionem longitudinis, latitudinis, & profunditatis ei inhaerere, quamuis solum appareant in superficie. Et ideo Aristoteles videtur colorem definisse sub ratione visibilis, & non sub ratione secundæ qualitatris ex mixtione primatum procedentis. Et de lumine probabile est in solo corpore diaphano inhaerere tamquam in subiecto; opacum vero solum extrinsecè illuminare. Probabile est etiam oppositum, quod in corpore opaco recipiatur, & non in sola superficie eius, de quibus suis propriis locis disputabimus. De qualitatibus vero actiuis, & passiuīs, & præsertim de primis, quæ sunt materia præsentis disputatio- nis, euident est, quod in profunditate corporis per se inhaerant,

& non in sola superficie terminante : quare dispar est ratio de cæteris, & ideo nihil ex eis probatur aduersus traditam doctrinam de qualitate tangibili non imprimenda in sola superficie, quia specialem continet repugnantiam iam à nobis probatam, quæ non est in cæteris, etiam si fortè aliqua earum in sola superficie inhæreat.

- 99 Ultimum, quod asserit nostra sententia est ; agens ratione maioris magnitudinis, aut densitatis posse aliquando producere effectum eiusdem intensiõis, & ideo ex hac parte omnino similem. Ad hoc probandum præsuppono ea, quæ in præcedenti quæstione dicta sunt, videlicet, quod quamuis densitas corporis, vel magnitudo eius non sit ei ratio agendi, & ideo non possint hæc iuuare ipsum ad producendum effectum maioris intensiõis ea, quam habet in se ; posse tamen iuuare ad producendum maiorem intensiõem effectus ea, quam produceret sine illis. Gratia exempli, si calor vt quinque in aëre existens potest producere calorem vt tria in manu ; idemmet calor vt quinque in aqua existens poterit producere calorem vt quatuor in eadem manu, & existens in ferro intensiorem. Ex quo ita arguo : crescente densitate, & aliis dispositionibus comitantibus potentior est virtus agentis ad producendum intensiorem effectum ; ergo per aliquam densitatem, & magnitudinem recompensatur aliqua ex parte defectus approximationis, quem habet agens contiguum passo respectu approximationis perfectæ, quam haberet idem agens penetratum cum eodem passo ; ergo crescente magis eadem magnitudine, ac densitate intensior effectus produceretur, & plus recompensabitur ex eodem defectu approximationis. Vnde sequitur tantum posse illas crescere, vt totaliter recompensetur idem defectus approximationis, & agens contiguum passo producat effectum æqualis intensiõis, ac si esset perfectè approximatum per penetrationem, quod est totam intensiõem, quam in se habet, posse producere non minus, quàm si foret penetratum. Huic tamen argumento respondere imprimis conantur oppositum opinantes vtentes communi illa distinctione proportionis Geometricæ, & Arithmeticæ. Asserentésque non crescere intensiõem effectus in casu secundum proportionem Arithmeticam, sed secundum Geometricam crescente magnitudine, & densitate agentis, & ideo numquam posse eo peruenire agens, vt possit producere totam intensiõem, quam habet, sed minorem semper, quantumcumque densitas, & magnitudo crescant. Hæc tamen distinctio proportionum, licet in aliis casibus locum habere possit, (quod modo nec definitio, nec disputo) in præsent

presenti tamen locum non habet, quod sic probō. Agens imperfectè approximatum non potest producere, nisi tantam intensiōem effectus, & si perfectius approximetur, produceret maiorem, ac tandem omnino perfectè per penetrationem produceret æqualem; ergo crescit intensiō effectus crescente approximatione secundum eandem proportionem vsque ad æqualitatem intensiōis; sed per densitatem, & magnitudinem agentis suppletur defectus approximationis; ergo sic possunt crescere, vt omnino suppleatur; & consequenter, vt æqualis intensiō effectus producat sine illa, ac produceretur cum illa. Quod alio simili argumento probō; nam ratione maioris densitatis, & magnitudinis potest agens ad maiorem distantiam producere eandem intensiōem effectus, quam produceret sine illis in passu sibi contiguo; & his crescentibus potest ad multo maiorem: & tunc sic arguo, agens naturale fortius agit in proximum, quàm in remotum intra spheram suæ actiuitatis; demus ergo tale agens ita magnum, ac densum, calidumque vt quatuor, posse producere ad tantam distantiam tres gradus caloris cum dimidio, & tunc euident est, intensiorem producere in partibus, quo sibi proximiores sunt, ac tandem sequitur producere totam intensiōem quam habet in partibus passu sibi contiguis.

Sed contra hoc ita arguunt, si ratione densitatis, & magnitudinis potest agens producere totam intensiōem effectus, quam in se habet, sequitur, non esse vniuersaliter verum illud idem principium mox à nobis assumptum, nempe, agens naturale prius, & fortius agit in proximum, quàm in remotum intra spheram suæ actiuitatis, quod est vniuersaliter difformiter agere. Probatur consequentia, quia si in passum sibi contiguum potest producere totam intensiōem effectus, quam in se habet; ergo si verum est idem principium, prius eam produceret in medietate eiusdem passu sibi proximiorē, in qua non poterit deinceps aliquid producere, sed solum in medietatem sequentem. Toto igitur tempore, quo in eam operatur, nihil operabitur in partem proximiorē contentam intra spheram propriæ actiuitatis, & propterea non erit verum, quod fortius agit in partem proximam, quàm in remotam suæ spheræ; immo agit in remotam, nihil agendo in proximam. Hoc tamen argumentum parū difficultatis habet, si modus agendi in eodem casu rectè intelligatur; nam toto tempore, quo agens producit in medietatem passu sibi contiguum totam intensiōem, quam habet, & minorem in medietatem remotiorē, vtraque habet rationem passu, vt per se est manifestum, & ideo verum semper

est, fortius operati agens in proximam, quàm in remotam, & in totum passum utramque constans vniformiter difformiter. Sed postquam in eandem partem proximiorē produxit totam intensiōem, quam habet, iam illa desinit esse passum, & incipit esse agens, quia cum tota sua intensiōe qualitatis vnitur agenti, & per modum vnus agentis operantur circa aliam partem, in qua euident est vniformiter difformiter agere, quousque totam intensiōem effectus ei. imprimant, & tunc cessabit penitus actio, & difficultas argumenti. Et quod de partibus passi aliquoties dicimus, eodem modo intelligi debet de medietatibus eius in infinitum, quæ sunt partes proportionales in eis inclusæ, sed placet eandem solutionem explicare hoc

101 exemplo. Si in medio igne proiciatur lignum; certum est posse in totum illud producere totam intensiōem caloris requisitam, & sufficientem ad introductionem propriæ formæ, & consequenter formam ipsam. Certum est etiam totum hoc præstare agendo in illud vniformiter difformiter, quia non omnes partes profunditatis eius sunt æquæ approximatae; ergo prius producet vtrumque effectum dispositionum, & formæ in partes proximiores, quàm in remotas, & postquam produxit in proximas, nihil circa illas agit, quia iam eas sibi perfectè assimilauit, sed desinunt esse passum, & incipiunt habere rationem vnus agentis cum igne iam in eum conuersæ in partes remotiores, & ita nunquam desinit ignis agere in passum vniformiter difformiter, vt per se est manifestum; ergo neque in casu argumenti, cum sit per omnia simile; nam, quod non conuertatur secundum substantiam passum in agens, sed solum secundum formam eiusdem intensiōis, patet nihil ad rem pertinere, neque ideo vllam dissimilitudinem asserre.

- 102 Ad argum. primæ opinionis concessio primo enthymemate, quod calor sit qualitas actiua secundum omnes gradus intensiōis, quos habet, atque etiam, quod secundum omnes gradus sit productiua sibi omnino similis, neganda est vltima consequentia, quod producat omnes in subiecto capaci: nam ad agendum, præter formam, quæ est ratio agendi, requiritur approximatio agentis ad passum, tamquam conditio necessaria: & ideo secundum modum approximationis, perfectius, vel minus perfectè operatur agens naturale, & cum non sit perfectè approximatum, nisi per penetrationem, non potest perfectè imprimere suam virtutem passo, quamuis ex parte eiusdem formæ, quæ est ratio agendi posset totam imprimere.

- 103 Ad experientiam vero de igne concedendum est antecedens, quod producat alterum ignem, sed distinguendum consequens, quod

quod producat calorem, ut octo, nam immediate per se, hoc est, circa passum nondum corruptum, nec in ignem conuersum, non est verum, quia forma passi non potest permanere cum calore ut octo, sed cum multo minori expellitur, & introducitur forma ignis, quam consequitur calor ut octo. Hunc vero producit quidem ignis, non iam agendo in passum iam corruptum, nec agendo per calorem proprium, sed media forma substantiali iam a se introducta per naturalem emanationem ab ea, quare itumquam est verum, quod ignis agens per se immediate circa passum producat totam intensionem caloris, quam in se habet.

An alius vero arg. ex eadem experientia deductum, neganda est consequentia, quod octauus gradus caloris non sit forma actiua. Et cum dicatur non posse illum per se immediate introducere in passum, negandum est, quia quantum est ex parte sua, potest, sed casu non introducit propter extrinsecum impedimentum eiusdem passi, non potentis cum recipere, ex eo quod prius corripitur cum minori. Sed potest quis aduersus hanc solutionem sic arguere, etiam si calor ut octo esset dispositio precedens necessariis requisita ad introductionem forme ignis, quod faciendum esset si passum non corrumperetur cum minori tunc necessariis dicendum esset, ignem posse per se immediate agens circa passum, et imprimere totam intensionem sui caloris, vel negandum, quod posset introducere propriam formam substantialem, & producere alium ignem sibi similem, quod est absurdum, & totum hoc verum esset, etiam si non se penetraret cum passo, sed imperfecte tantum esset approximatum, sicut est modo per contactum: ergo, quod agens non producat in passum totam intensionem forme, quam habet, non prouenit ex impedimento, vel defectu perfectæ approximationis, ut dicimus, & cum non possit excogitari aliud, quia forma ipsa ex se est sufficiens ad producendum totam intensionem, non est negandum id posse fieri. Respondeo non esse naturaliter possibile, quod summus calor prærequiratur in materia ad introductionem forme ignis, quia non est possibile formam passi cum eo conseruari, & ideo naturalis est ordo rerum, ut una possit corrumpere alteram, & in materia eius introducere propriam formam cum minori intensione dispositionis, quam postulat ad sui conseruationem in bona dispositione naturali, quod si absqueris hunc ordinem, & aduiferis necessario prærequiri summam dispositionem in materia, tollis etiam ordinem naturalem generationis rerum, quare non mirum est, si in tali casu concedatur, quod non posset ignis producere alterum ignem sibi similem, ut verè est concedendum, nam quod

possit,

possit, verum est, seruatō modo naturali agendi, & non aliter, quare numquam est verum, quod agens imperfectē approximationem passo possit producere circa idem passum totam intensionem, quam habet.

- 104 Ad argumentum secundæ opinionis concessa maior, quod si corpus agens se penetraret cum corpore patienti, posset ei imprimere totam intensionem formæ, per quam agit. Neganda est minor, quod superficies agentis & passi, per quas se tangunt, penetratæ sint, quia penetratio solis quantitativis ratione suæ extensionis convenire potest, non indivisibilibus, ut in prædicamento quantitatis ostendimus. Cuius ratio est manifestam ad essentiam quantitatis pertinet extensio partium, quæ est radix impenetrabilitatis: ergo impenetrabilitas propria passio quantitatis est, sicut divisibilitas sed indivisibili, ut tali repugnat extensio partium: ergo etiam repugnabit impenetrabilitas. Sed cui repugnat impenetrabilitas, non potest convenire penetratio, quia opposita sunt circa idem: ergo, penetratio non potest convenire indivisibili ut tali, & ideo superficies ultimæ agentis & passi non possunt se penetrare. Quod verò corresponsdeant eidem indivisibili spatio, non sufficit, quia penetratio corporum non consistit in hac sola corresponsdentia, sed petit præ fundamentum occupationem eiusdem spatij, vel extensionem in eo, à quo nata sunt se excludere corpora per suam intrinsecam extensionem, aliqui duo angeli mouentes simul idem corpus dicerentur se penetrare, cum eis corresponsdeat idem spatium suo modo, nepe corpus ipsum ab utroque simul motum, quod est falsum. Deficiente igitur hoc fundamento in indivisibilibus non potest dari in eis penetratio: sed quia negativè saltem dicuntur non distare duæ illæ superficies, quod ad intentum argumenti videtur sufficere; nam ex hoc videntur habere tam perfectam approximationem, quam habent corpora per penetrationem: necesse est alio modo solvere argumentum. Ideo ad formam eius neganda est eadem minor, quia licet perfectè sint approximata illæ superficies, non sequitur maiorem intensionem effectus produci in superficie passi, quàm in partibus profunditatis. Quod autem dicitur agens naturale per qualitatem contrariam agere in passum uniformiter difformiter, concedendum est: & quod rursus ex hoc infertur, intensiorem effectum producere in magis propinquum, quàm in minus, distinguendum: nam si capax sit maioris effectus, verum est; si vero sit incapax, falsum. Superficies autem ultima non est capax recipiendi effectum maioris intensionis, quàm recipiunt partes profunditatis, quas terminat: quia per se
 nec agit.

Cap. IX. Tract. de actione, et react. Quest. VII. 413
nec agit, nec patitur: sed solum hæc conueniunt illi quasi per participationem corporis, quod terminat, ideo solum potest recipere effectum eiusdem intensiōis, & nō maioris: nam ex eo, quod maiorem intensiōem reciperet, darentur indiuisibilia intensiōis formæ separata à forma ipsa intensa realiter, vt probauimus: & hoc verum est, siue indiuisibile sit modus, siue res: quāuis magis euidens sit, supposito quod sit modus.

Q V Æ S T I O VII.

An idem possit agere in seipsum actione vniuoca?

VT intelligatur questio, duplex actio distinguenda est, 105
quædam vniuoca, per quam producit forma eiusdem speciei cum ea, per quam operatur agens, vt calefactio, infrigidatio, generatio cuiuslibet similis agēti in natura specifica. Alia est actio æquiuoca, quæ procedit à forma diuersæ speciei; vel rationis formalis ab effectu per eam producto, quales sunt omnes illæ, per quas producuntur effectus omnes sublunares ab influentijs celestibus; omnes etiam actiones immanentes, vt sensationes, & intellectiōes, augmētationes, & motus locales. Hoc supposito, de sola actione vniuoca querit titulus questio-
nis, an possit ab eodem in seipsum procedere, præsertim illa, quæ circa qualitates contrarias actiuas, & passiuas versatur, de quarum mutua actione, & reactione ordinata ad mixtionem præcipue agit Aristoteles, & nos, qui commētatores eius agimus, & quia de actione æquiuoca egimus 8. lib. Phys. disputantes cum eodem Aristotele, an vniuersaliter verum sit ab alio moueri, quidquid mouetur, vel posse moueri à seipso. Questio itaque proponitur, an calidum possit seipsum calefacere? aut frigidum se infrigidare? Nec loquimur de calefactione, aut infrigidatione, quæ est naturalis emanatio caloris, vel frigiditatis à substantia ignis, vel aquæ, per quam ignis aliquantulum infrigidatus reducit se ad suum pristinum calorem expellendo frigiditatem sibi impressam à contrario, vel aqua ad frigiditatem antiquam expellendo calorem ei impressum ab igne. De hac, inquam, non loquimur, quia vel non est actio (vt quibusdam placet) sed quædam naturalis consequentia; vel si actio est (quod videtur probabilius) non est vniuoca, sed æquiuoca, cum principium eius non sit frigiditas eiusdem aquæ, sed substantia eius, aut substantialis forma: & etiam si vniuoca actio esset, probabilius est, quod non sit tribuenda eidem aquæ, vt 106
principali agenti, sed generanti, vt 8. lib. Physic. probauimus.
Vnde

Vnde in tali actione non dicitur aqua mouere se ipsam, vel in seipsam agere, sed moueri potius ab alio, nempe a generante. Solum ergo loquimur de calefactione, vel infrigidatione procedente à calore, vel frigiditate eiusdem calidi, vel frigidi. Vnde idem est querere, an idem possit agere in seipsum actione vniuoca, ac si queramus, an eadem qualitas possit seipsam intendere; vt an calor vt quatuor existens in ferro, vel ligno possit intendere seipsum, ita vt etiam si nullum aliud calidum agat in ipsum, possit per propriū calorem fieri calidum vt quinque, vel sex. Hoc autē si possibile est, duobus tantum modis fieri potest secundum communē cōsensum omnium interpretū Aristotelis, aut per antiparistasim; aut per reflexionem; ideo de vtraque separatim agēdū est, primò de antiparistasī, deinde de reflexione.

*An qualitas per antiparistasim intendatur,
& quonam modo?*

107. **D**Vo querimus, primum, an verē intendatur eadem qualitas per antiparistasim? secundum, quonammodo, vel à qua causa fiat talis intentio? Vt autem vtrumque intelligatur; explicanda est significatio ipsius nominis (antiparistasī). Est autem antiparistasī Græca vox, idem significans, quòd Latine circumobstentia debilioris contrarij ab alio fortiori; vt si calidum vt duo omni ex parte circumdatum sit à frigido vt sex obstistente actioni eius, atque impediēte ne vterius transeat, vel extendatur. Eiusmodi obstentia, vel impedimentum fortioris contrarij vocatur antiparistasī, quia contrarium hoc sua præsentia obstat, seu impedit, ne vterius extendat aliud propriam actionem. Contrarium verò infirmum sic circumdatum à potentiore quasi supra ipsum reflectitur, & veluti vires suas in se colligit, & per talem reflexionem propriæ virtutis videtur eam roborare, & quasi ad pugnandum cum suo contrario circumobstente præparare; eiusmodi autem roboratio propriæ virtutis non videtur aliud esse posse præter intensionem eius. Gratia exempli: aquæ pureales æstiuo tempore frigidiores sunt quā hiemali, quod non videtur prouenire posse, nisi ex eo, quod circumdatæ sunt à calore vchementi aëris; & per hanc circumobstentiā videtur frigiditas earū quasi reflecti supra seipsam, & se intra seipsam quasi colligere, & per talē collectionem reflexam se roborare, quod est se intendere. Ipsa igitur circumobstentia, vel circumscriptio debilioris contrarij à fortiori vocatur antiparistasī; roboratio vero, vel intentio qualitatis eiusdem cōtrarij debilioris dicitur antiparistica actio. De qua duo querimus; primum, an detur & per eam verē intēdatur qualitas debilio

debilioris contrarij ad præsentiam contrarij fortioris: Secundū, an procedat à contrario circum obliuente, vel ab eadem qualitate, quæ ideo dicatur seipsam intendere, vel ab aliqua alia causa.

Prima opinio tenet in antiparistasi nullā dari actionem, per 108
quā vnu contrariū intendatur ad præsentiam alterius, sed solum secundum appariētiā sensus magis intensam videri propter diuersam dispositionē corporis, à quo tangitur. Grātia exemplis: Aquæ puteales re vera non sunt frigidiores in æstate, quam in hieme, sed frigidiores apparent sensu in æstate ex eo, quod manibus calidis tanguntur: in hieme vero calidiores, quia contrectantur manibus frigidis. Ita Galenus lib. 3. de simplicium medicamentorum facultatibus cap. 7. & videtur confirmari alia simili experientia, quia quocūque tēpore id fiat, videmus tangenti manibus valde frigidis aquā tepidā apparere calidā, quæ si tangatur manibus valde calidis, videbitur frigida: ergo quidquid de antiparistasi dicitur, potius in appariētia consistit, quā in vera intensione qualitatis. Hæc tamen sententia experientię contraria est, quod sic probo. Nam etiā si eisdē manibus eodem modo dispositis in æstate contrectentur aliæ aquæ non puteales, non apparēt frigidiores: ergo quod frigidiores iudicentur puteales, non efficit sola dispositio organi (quæ eadem est) in eisdē manibus vtrāque contrectantibus; sed frigiditas intensior per antiparistasicā actionem producta. Secundō, quia si manibus eodē modo calefactis contrectemus putealem aquam in hieme, atque in æstate: euidenter est frigidiorē hoc tempore, quam illo iudicari: ergo non id efficit sola dispositio organi, sed maior frigiditas aquæ: neque hoc videtur negasse omnino Galenus, ut constabit ex Cōmentarijs in Hipp. section. 1. Problem. 15. sed solum in aliquo casu,

Secunda opinio non multum à prima diuersa negat in antiparistasi dari actionem aliquam, quæ sit vera intentio debilioris 109
contrarij, sed condensationem tantum eius, per quam magis vniuntur partes, & fortiores fiunt ad agendum, quia virtus unita fortior est seipsa dispersa, & ideo aquæ puteales frigidiores sentiuntur in æstate, quia tunc condensantur: calidiores verò in hieme, quia rarefiunt, vel saltem minus frigidæ, & calidiores in hieme, quia licet non habeant intensiorem frigidatē, vel calidorem, habent tamen melius dispositū per densitatem; & ideo diuerso modo se habent ad sensum. Quare non propter solam dispositionē organi diuersam videntur calidiores, vel frigidiores hoc, aut illo tempore; sed propter realē qualitātē. Ita Hugo Senensis 1. lib. de generat. c. 7. Sed hæc etiam sententia insufficiens imprimis probatur, quia nō reddit causam talis densitatis in aqua

aqua productæ, & multo minus raritatis productæ in æstate. Secundo, quia nullam causam reddit caloris, quem sentimus tangentes aquam in hieme: nam cum aqua ex se nullum calorem habeat, repugnat calidam iudicari per sensum, nisi ab extrinseco imprimatur ei calor, quantumcumque rarefieret, quia sola raritas non potest causare calorem in organo sensus, ut experimur causare aquam in æstate. Deinde experientia probatur falsa, quia præter puteales aquas dantur aliæ eiusdem densitatis, aut raritatis, & aliquando maioris, quæ tamen nec in æstate iudicantur frigidiores, nec in hieme calidiores: ergo sola densitas, vel raritas non est sufficiens causa, ut calidiores, vel frigidiores sentiantur. Probo consequentiam, quia eadem, vel maior densitas aliarum eundem effectum imprimeret: ergo eodem modo sentirentur calidiores, aut frigidiores, quod est contrarium experientiæ.


- 110 His sententiis refutatis, in vno conveniunt cæteri omnes auctores, qui de antiparistasi loquuntur, & in alio differunt. Conveniunt quidem in eo, quod per antiparistasm vera, & realis fiat intensio qualitatum aquæ, & similium corporum, & ita tenendum est, quia evidenter probatur his experientiis. Nam putei, & specus subterranei frigidiores sunt in æstate, quo tempore in superioribus terræ partibus nimium viget calor; unde & puteales aquæ frigidiores extrahuntur; quod per obfistentiam contrarij, nempe caloris circumstantis fieri, evidens est: & ob eandem causam venter animalium in æstate frigidior est, & ideo non bene concoquitur cibus; cum tamen ex opposito in hieme calidior sit, meliusque cibum concoquit, ut docent Hippocrates Aphorismo 15. & cum eo Galenus in commentariis eiusdem Aphorismi. Quod etiam natantes experiuntur. Aquæ etiam puteales in hieme calidiores sunt propter obfistentiam contrarij, nempe frigoris undeque circumstantis loca subterranea. In æstate etiam media regio aëris frigidior est propter obfistentiam contrarij, nempe caloris undique eam circumdantis, qui eo tempore viget in infima regione eiusdem aëris, in suprema verò semper propter spheram ignis. Et tandem aqua noctu infrigidata in æstate, & manè exposita modico tempore radiis solaribus infrigidatur magis propter calorem circumstantem; propter has igitur, & alias experientias non minus evidentes negari non potest, quod per antiparistasm fiant reales effectus in corporibus, & reales intensiones qualitatum.

- 111 Quo supposito tamquam certo tota difficultas huius dubij consistit in inveniendâ causa huius intensiōis realis. Et ratio difficultatis maximâ est, quia antiparistasis est obfistentia contrarij

contrarij fortioris, à quo repugnat roborari contrarium minus forte : ergo repugnat qualitatem eius à contrario circumobstante intendi. Probatur consequentia, quia contrarium agit per qualitatem sibi propriam ad destruendum aliud contrarium; ut ignis per calorem ad destruendam aquam; sed repugnat calorem esse principium frigiditatis: ergo repugnat eamdem frigiditatem intendere, & sic de cæteris contrariis. Unde sequitur actionem antiparistitam, per quam intenditur qualitas debilioris contrarij, non posse procedere à fortiori contrario circumobstante; alia ergo causa talis intensiois querenda est, quam cum difficile sit inuenire, tot serè sunt sententiæ authorum, quot capita.

Prima opinio tenet, non solum condensari aquam, vel aërem rarefieri per antiparistitiam, sed calorem, aut frigiditatem eorum intendi per eandem condensationem, vel rarefactionem, & ita puteales aquas in æstate frigidiores iudicari per sensum, quia per condensationem subiecti intenditur in eis calor: in hieme vero calidiores sentiuntur, quia rarefactione subiecti magis calefiunt; quæ eadem ratione in aëre contingunt. Causa autem radicalis, & prima intensioris caloris est substantia eorumdem corporum, à qua procedunt qualitates ipsæ: nam substantia condensata virtutem habet infrigidandi se; rarefacta verò virtutem habet calefaciendi se, & ideo calidior, vel frigidior sentitur, non propter solam densitatem, vel raritatem, sed propter intensiorem calorem, vel frigiditatem, quam in se producit media densitate, vel raritate. Ita sentiunt recentiores quidam: probantque primum, quòd frigiditas intendatur in eodem subiecto, per condensationem duplici experientia. Prima, quia aër à pulmone apertiori ore emissus calidus egreditur, angusto vero oris motu diffusus egreditur frigidus: cuius non potest esse alia ratio; nisi quia hoc posteriori modo emissus condensatur: ergo densitas intendit frigiditatem eius. Estque alia experientia similis; nam in æstate experimur aërem flabello ventilatum refrigerare faciem, quia aër ille per commotionem condensatur, & per condensationem intenditur frigiditas eius. Secundum vero, quod raritate intendatur calor eiusdem subiecti, probant experientia mutæ collisionis ferri, & silicis: per quam ignis excutitur; causa verò generationis eius non potest esse alia, quàm intensio raritatis in aëre, per quam facile in scintillas flammæ conuertitur.

Hæc tamen sententia insufficiens est, & falsa: insufficientiam eius probo ex duobus, ex primo quidem, quia experientia constat aquas puteales in æstate frigidiores esse; sed nulla potest



excogitari causa, à qua tunc condensentur: ergo non redditur causa sufficiens per cōdensationem intensioris frigiditatis eius. Ex secundo vero, quia impossibile est in elementum nullum habente in se principium alicuius qualitatis, produci talem qualitatem à propria substantia condensata; vt supposito, quòd aqua non habet principium caloris in se, repugnat per cōdensationem produci, vel intendi calorem in ea. Et supposito quòd aër non habet in se principium frigoris; non poterit frigidior fieri per cōdensationem. Probatur hoc ex fundamento eiusdem sententiæ, quæ duo ait concurrere ad intensiōem caloris, vel frigoris; nempe substantiam corporis, & densitatem, aut raritatem; & ita substantiam condensatam, vel rarefactam esse sufficientem causam talis intensiōis; sed substantia aquæ non potest per se concurrere effectiue ad calorem; nec substantia aëris ad frigiditatem, cum nullum sit principium in eis harum qualitatum: ergo quantumuis illa condensetur, vel iste rarefiat, non poterunt in se causare talem intensiōem qualitatis contrariæ. Falsitatem verò eiusdem sententiæ sic probò: raritas, & densitas non continent yllō modo calorem, vel frigiditatem; ergo non possunt intensiōem earum producere. Evidens est consequentia, quia causa alicuius effectus debet illum aliquo modo in se continere: alioqui dabit id quod nullo modo habet. Antecedens probatur: primò, quia raritas, & densitas non sunt qualitates actiue, sed solum tribuunt corpori maiores dimensiones, vt superius probauimus. Secundo, quia qualitates istæ solum habent disponere partes subiecti, eas magis coniungendo ad perfectius, vel imperfectius agendum per qualitates actiue: ergo non possunt esse rationes agendi, nec proinde causæ effectiue intensiōis earum.

- 113 Nec experientiæ ab eadem opinione adductæ aliquid probant. Nam ad primam respondeo, aërem aquæ calidum immediate exire semper à pulmone, siue aperto ore, siue compressis labiis emittatur, quod experietur quisque si manum ori applicet, si tamen manus ab ore distet, in frigidatur quidem non immediate ab aëre emissō, sed ab eo, quo corpus foris ambitur ab eodem emissō aëre aliquando commoto.

Ad aliam verò experientiam de ventilatione flabelli negamus aërem ventilatum per cōdensationem refrigerare nos; sed causa refrigerationis est, quia aër ambiens nos, contactu nostro calidior efficitur; per agitationem vero ille expellitur, & ci succedit alter minus calidus à quo refrigeramur.

Secunda opinio asserit hanc intensiōem provenire ab eadem

dem qualitate, ita ut dum aqua circumdata est à calore maximo; ut putealis in æstate seipsam intendat ex eo, quod impedita, & quasi circumuallata, aut coarctata à contrario calore vigente in aëre reflectitur supra seipsam, & quasi colligit se supra se, & per hanc reflexionem magis roboratur, & quasi se præparat ad pugnandum cum suo contrario calido: roboratio autem hæc non est aliud, quam intensio propriæ virtutis. Ita sentiunt Aristod. 1. lib. de gener. q. 21. & Pompona tit. de actione, & reactione art. 3. Tolet. 1. lib. de gener. q. 14. Hæc tamen opinio falsa est, & in doctrina Aristotelis non potest defendi. Probatur hoc secundum ex c. 7. huius libri; ubi docet expresse, quod simile non possit agere in omnino simile; & probat primo, quia agens & passum debent esse contraria, sed simile non est contrarium alteri omnino simili: ergo non potest in illud agere. Secundo, quia si ageret simile in aliud sibi omnino simile, posset agere in seipsum actione uniuoca; quod repugnat, quia agens, & passum debent esse distincta. Sed hæc sententia utrumque destruit: ergo non potest defendi in doctrina Aristotelis. Probatur minor, quia si eadem qualitas per antiparistasim intendit se ipsam: ergo simile agit in omnino simile, & idem in se ipsum. Probatur consequentia, quia frigidum ut quatuor omnino simile sibi est, & se intendit, idem est etiam sibi ipsi: ergo agit in se ipsum.

Probatur deinde, quod sit falsa hac ratione. Impossibile est 114 effectum aliquem produci ab aliquo agente, nisi in virtute eius, per quam agit, contineatur formaliter, vel eminenter; quia nemo potest dare alteri id, quod nullo modo in se habet; sed calidum ut quatuor quantumcumque se colligat supra se, vel reflectatur, non continet quintum gradum caloris formaliter, nec eminenter: ergo non potest eum sibi imprimere, nec proinde se intendere. Minor evidens est de continentia formali, quia calidum ut quatuor non habet formaliter plus intensiōis, quam ut quatuor. Sed probatur, quod nec maiorem intensiōem contineat eminenter, quia repugnat perfectum eminenter contineri in imperfectiori, ut per se est manifestum.

Tertia opinio negat qualitatem seipsam immediatè intendere per antiparistasim, mediatè vero se intendere affirmat, emittendo ex se species quasdam intensiōales, sicut color solet eas emittere ad oculum: eiusmodi autem species sic emissæ à corpore frigido impediuntur à calido potentiori circumobstante, ne ulterius procedant; sic autem impeditæ retrocedunt, vel migrantes de subiecto in subiectū, vel seipsas multiplicando ab uno in aliud subiectū: sicut species coloris productæ ab eodē

colore in aëre multiplicant se usque ad visum; sic igitur reflexæ intendunt eandem qualitatem, à qua fuerunt emissæ, & ideo dicitur de primo ad ultimum eadem qualitas se intendere mediâtè, quia producit effectum intentionalem, eam per reflexionem intendentem. Ita sentiunt Nymphus 1. lib. de generatione Comm. 195. q. 2. dub. 1. Marsilius quæst. 17. & 18. Albertus Saxoniæ quæst. 15. Caiet. Thienensis titulo de reactione cap. 14. Iacobus de Forlibio sect. 15. Aphorismorum Hipp. ad aphorismum 15. Venetus in summa cap. 23. Hæc tamen opinio non est minus falsa, quam præcedens, quod sic probo. Species intentionales habent esse diminutum, & propterea, nec subiectum alterant, nec illud denominant, nec sentiuntur per sensum: ergo sunt imperfectiores qualitate eas producente: quare non possunt eam intendere. Secundò, qualitas habens quatuor gradus non potest seipsam immediâtè intendere: ergo nec medio aliquo effectû à se producto tamquam à causa principali. Probatæ consequentia, quia talis effectus non potest esse ea perfectior, & ideo nec maioris virtutis: ergo si non habet qualitas sufficientem virtutem ad se intendendum immediâtè, nec etiam poterit habere eius effectus: quare species illæ non poterunt intendere qualitatem à qua emittuntur.

- 115 : Quarta opinio negat qualitatem à seipsa posse intendi immediâtè, ut docuit secunda, aut mediis speciebus, ut docuit tertia; sed aliam causam extrinsecam quærendam esse. Hanc vero existimant in aquis putealibus, in stomacho, & aliis huiusmodi, quæ vigente frigore in partibus extrinsecis, ut in aëte circumdante magis calefiunt, esse exhalationes siccæ, & calidas virtute solis à terra eleuatas æstiuo tempore, quæ adueniente hieme, & aëre nimium frigefcente, ab eoque circumdatæ fugiunt per meatus, & poros terræ ad internas, seu subterraneas partes eius, easque calefaciunt; atque adeò aquam in eis existentem; & hæc est causa propter quam eodẽ hiemali tempore calidæ extrahuntur: in æstate vero vigente iam calore aëris circumdantis facile ascendunt eadem exhalationes ad superiores partes eius, cum leuioris naturæ sint; & internas terræ partes, aquasque in eis existentes dimittunt; sic autem dimissæ, cum sint ex propria natura frigidæ, facile expellunt à se calorem illum ex consortio earundem exhalationum contractum, & sese reducant ad pristinam atque naturalem frigiditatem, & propterea valde consentaneum est naturæ aquarum putealium frigidiores esse
- 116 in æstate, quamvis in hieme sint calidiores. Itaque iuxta hanc sententiã causa per se intensiõis caloris aquarum putealium in hieme extrinseca est, nempe exhalationes calidæ, & siccæ; quæ fugiunt

fugientes suum contrarium, nempe frigiditatem nimiam aëris circumstantis, sese coniungunt eisdem aquis; & per talem coniunctionem eas calefaciunt: & ita intelligi debent aliæ experientiz similes. Causa verò per se intensiōis frigoris earumdem aquarum, & aliarum rerum similium in ætate intrinseca potius est; nempe natura earum, quæ ab exhalationibus contrariis expedita facile reducitur ad naturalem frigiditatem expulso calore ab extrinseco recepto. Ita sentiūt plures recēiores; & ita explicant antiparistemicam actionem, & effectum eius; cuius causam per accidens esse aiunt contrarium circumobstans, in quantum impedit exitum illarum exhalationum; & exhalationes ipsæ etiam sunt causæ per accidens infrigidationis aquarum, in quantum suo abscessu, vel fuga remouent impedimentum, quo remoto se reducunt ad naturalem frigiditatem.

Hæc tamen sententia propter hoc tantum displicet, quod sine causa, vel fundamento tribuit exhalationibus, vel aliis corporibus virtutem motiuam, per quam fugiunt contrarium, & aliquando motu contrario propriæ naturæ: quod sic probô. Nam exhalationes calidæ, & siccæ leuioris naturæ sunt, vt ipsi etiam authores fatentur: ergo non possunt moueri deorsum per virtutem naturalem, atque intrinsecam. Probatur consequentia, quia iam habent virtutem, & inclinationem naturalem ad motus contrarios, nempe sursum, & deorsum: nec possunt moueri motu violento, cum non sit à quo impellantur, nam contraria qualitas, quam fugiunt, non potest impellere ad motum localem, cum solum sit principium alterationis, & non motus localis. Et si dicatur etiam habere corpora omnia virtutem naturalem iuxta probabilem sententiam multorum, vt se moueant ad replendum vacuum versus omnem differentiam loci, & ideo ad motus cōtrarios; cum habeant quoq; naturalem ac determinatam ad motum deorsum, si grauias sint, vel ad motum sursum, si leuia. Hoc non tollit difficultatē argumenti, quia cum virtus hæc ordinetur ad bonum commune totius vniuersi; vel ad impediendum malum ei oppositum, nempe vacuum, solum potest cōuenire corporibus, in quantum sunt partes totius vniuersi; & ideo nō videtur esse aliud, quàm natura propria eorum, per quam componunt vniuersum; nec est ad motū contrarium, aut violentum, sed præter naturā, cum fiat à natura ipsa vniuersali, vel vniuersalibus causis, quarū respectu obedientialē quamdam videntur habere potentiā inferiora corpora, vt versus omnem differentiam loci ab eis moueantur in ordine ad bonū commune. Sic enim explicant probabilem hanc sententiam omnes, qui eā amplectuntur. Ex qua explicatione intelligitur diuersam

valde esse rationem de motu exhalationū ad fugiendum contrarium, qui cum non ordinetur ad bonum eōdē commune totius vniuersi, nec fiat à natura vniuersali, vel vniuersalibus causis, necessariò fieri debet ab aliqua causa particulari extrinseca impellente talia corpora ad motum eōtrarium suæ naturæ, & ex consequenti verè, & propriè violentum : talem autem causam impellentem dari repugnat, vt probauimus, & ideo impossibilis reputanda est talis fuga exhalationum; & solum conficta ad effugiendam difficultatem argumenti. Et si dicatur secundò, experientia constare, quòd quædam corpora moueantur ad fugiendum suum contrarium, vt si papyrus oleo perfusa, igni applicetur, statim ac comburi incipit, mouetur oleum ad præsentiam ignis, quasi flammam eius fugiens. Er si viride lignum appropinquetur igni, videmus humorem quemdam à partibus internis eius effluere quasi vim combustiuam ignis fugiens. Et tandem gutta aquæ cadens supra tabulam, vel aliam rem siccam, siccitatem fugiens reducit se in figuram globuli per motum localem suarum partium : & hanc fugam arripiunt corpora grauiora, quæ difficilius mouentur : ergo facilius potest intelligi, quòd exhalationes sua natura leuissimæ, & quæ facile moueri possunt versus omnem differentiam loci moueantur ad præsentiam fortioris contrarij præsertim, vt propriam corruptionem effugiant. Respondeo his experientiis non probari, quod vnum corpus possit moueri ad præsentiam contrarij, vt effugiat propriam corruptionem, nam si semel hoc admittatur, euidenter sequitur quodlibet corpus habens contrarium ad præsentiam eius moueri, vt corruptionem eius fugiat. Probatur consequentia, quia si præsentia contrarij fortioris est sufficiens causa fugæ per motum localem quotiescumque fuerit fortius contrarium præsens mouebitur ipsum fugiens : quod constat esse falsum, cum aqua non moueatur, etiam si ab igne sit circumscripta, & nimis calefacta. Sed dicunt authores isti virtutem hanc se mouendi ad fugiendum contrarium, non esse in quibuscumque corporibus, sed in quibusdam tantum leuioris naturæ, quæ ideo facile mouentur versus hanc, vel illam partem, & tales esse exhalationes, aut vapores; & propterea eis conceditur talis virtus. Hæc tamen solutio ex argumento eorum euidenter probatur falsa, nam oleum ad præsentiam ignis mouetur, vt ipsi obijciunt, quod constat graue corpus, ac densum esse, & magis densum, quàm aqua, quæ tamen non mouetur ad præsentiam ignis : ergo falsum est, quòd hæc virtus se mouendi ad præsentiam contrarij tribuenda sit solis corporibus leuioris naturæ; sed vel omnibus, vel nullis tribui debet, cum

cum

cum obfistentia contrarij fortioris eiusdem rationis, & efficaciz fit respectu omnium. Et ita neganda omnino est talis virtus motiua omnibus corporibus, quia re vera nullum est, siue leuioris, siue grauioris naturæ, quod contrarium fugere possit, vel propter eius obfistentiam moueri. Ad experientias vetò adductas in argumento respondeo; oleum non moueri ad fingendum contrarium; sed quia rarefit per actionem eius; & ideo partes eius dilatantur, ac se extendunt ad maiorem locum, præsertim versus illam partem papyri nondum combustam, per quam facile elabuntur: nam versus ignem non possunt se extendere, quia illa pars papyri combusta est, & cum ea aliquæ etiam partes olei. Humor vero ligni ad externas partes eius confugit, & ipse etiam rarefit ab igne, & ideo partes eius dilatantur, & per poros eiusdem ligni elabuntur, quos etiam dilatat ignis, & ideo maiorem locum tribuunt humoti, vt rarefactus possit vsque ad partes externas se extendere, & per eas decurrere. Vltima vero experientia de gutta aquæ facilius explicatur; nam aqua sua natura est corpus sphericum, cuius partes naturali inclinatione mouentur ad proprium centrum, vt saltem quantum fieri possit, propinquiores ei fiant, & propter vtrumque cadens supra tabulam præsertim siccam, quæ ratione siccitatis resistit dilapsui aquæ supra se, reducit se ad figuram sphericam.

Nostra igitur sententia duo asserit primum est actionem antiparisticam, per quam intenditur qualitas infirmioris contrarij ad præsentiam fortioris circumobfistentis non esse tribuendam eidem contrario fortiori tamquam causæ per se, sed solum tamquam causæ per accidens; hoc est, tamquam remouenti impedimenta, vt talis intensio qualitatis producat ab aliqua causa per se, vel tamquam melius disponenti, vel applicanti causam per se ad productionem eius. Primum probat euidenter argumentum illud pro ratione dubitandi propositum, quia repugnat vnum contrarium habere virtutem productiuam alterius; cum potius habeat destructiuam: ergo repugnat quod sit causa per se intendendi formam eius, quod est eam perficere. Secundum verò statim explicabitur. Quo supposito querenda est causa per se talis intensio.

Ideo secundo asserit nostra sententia, causam per se talis intensio formæ debilioris contrarij aliquando esse intrinsicam, videlicet propriam naturam, vel substantiam eius expeditam ab extrinsecis impediens: si qualitas quæ intenditur, sit ei naturalis; aliquando extrinsecam, si qualitas, quæ ei imprimitur, vel in eo intenditur, sit contraria naturæ eius. Vtrumque explicabitur simul cum modo, quo id fiat eisdem experientiis

de aquis putealibus, & similibus. Nam aquæ puteales calidiores sunt in hieme, & cum calor non sit naturalis aquæ, sed contrarius suæ naturæ, non potest habere causam intrinsicam ex parte eiusdem aquæ, sed extrinseca querenda est, & sic invenienda. Nam Sol sua virtute maxime vigente in æstate, maximam quoque calidarum, atque siccarum exhalationum copiam extrahit ex partibus terræ subterraneis; sed non omnes potuit usque ad externas partes aeris eleuare, quia aduentante hieme, & eodem Sole valde à terra elongato, aerque proinde frigescente, & circumobstante easdem partes terræ subterraneas, pori eiusdem terræ, qui sunt quasi viæ, per quas exhalationes illæ sursum mouentur, atque eleuantur, nimia frigiditate aeris constringuntur, & ita nullus patet exeundi aditus eisdem exhalationibus, sed coguntur non quidem fugere, neque talis fuga, (etiam si possibilis foret) necessaria est; sed in eisdem locis permanere, & cum sua natura sint calidæ, per se producant calorem in eisdem partibus subterraneis, quibus coniunguntur, atque in aquis in eis existentibus. Et eodem modo assignanda est causa maioris caloris in stomacho residentis hiemali tempore, ratione cuius citius, & melius præstat concoctionem ciborum. Nam à frigore circumobstante magis comprimuntur partes corporis, & impeditur exitus, vel resolutio spirituum vitalium calidorum, & ideo calor naturalis, cui coniunguntur, magis viget in stomacho. Ex opposito vero eadem aquæ puteales frigidiores sunt æstiuo tempore, quia vigente calore Solis in aëre externo circumobstante exsiccantur, & rarefiunt, ac dilatantur eadem partes, & pori terræ; & quasi via aperitur exhalationibus, ut exire possint, & motu naturali sursum tendere; & ita relinquuntur subterraneæ partes, & aquæ in eis degentes, quasi expeditæ ab extrinsecis contrariis; & cum sint ex propria natura frigidæ, facile se reducant in naturalem frigiditatem, expellentes à se calorem ex consortio earundem exhalationum contractum. Et ita assignatur causa per se intrinseca intensiōis frigoris, quæ est propria naturæ aquæ, à qua naturaliter emanat. Et eodem modo redditur causa, ob quam stomachus in æstate frigidior est, & non ita cito, nec ita benè præstat ciborum concoctionem, quia nimio calore aeris circumobstantis dilatantur partes, & pori viuētis corporis, & via aperitur spiritibus vitalibus exeundi, per maioremque resolutionem eorum permanet frigidior stomachus. Similis est etiam ratio propter quam modica aqua à fabris ferrariis supra prunas fornacis iniecta magis eas incendit, & supra partes calcis eas magis calefacit, & in vapores calidos resoluunt;

solvit; nam aqua sua gravitate deprimit, ac detrudit partes subtiliores, & calidiores prunarum, & calcis; illisque impedit exitum; ibidemque sic depressæ condensantur, & fortiores fiunt ad intendendum maiorem calorem aliarum partium solidarum, atque etiam ad resoluendum maxima ex parte calcem in vapores calidos. Et tandem ex eadem doctrina redditur causa per se, propter quam aqua noctu infrigidata tempore æstivo, & parvo tempore mane exposita radiis Solaribus magis infrigidatur; nam aer eam circumstans calore Solis rarefit, & se extendens versus vas aquæ inducit vapores frigidos circumobstantes partes aquæ: à quibus frigiditas eius per se intenditur. Et ex eadem doctrina solui possunt plura alia problemata, hac sola distinctione considerata, nam vel subiectum, cuius qualitas intenditur per antiparistasim, vel obfistentiam contrarij habet principium radicale in se, à quo dimanare possit talis qualitas, sed impeditum ab extrinsecis contrariis; & tunc à remouente impedimenta illa procedit intensio tamquam à causa per accidens: à natura vero eiusdem corporis se reducens ad intensionem eiusdem qualitatis naturalis tamquam à causa per se: atque etiam ab aliqua alia causa coadiuvante eiusdem naturæ, si vero qualitas producenda, vel intendenda non sit naturalis corpori, vel non sit naturalis in tali gradu intensionis, tunc procedit intensio eiusdem qualitatis, vel prima eius productio tamquam à causa per accidens ab eodem contrario, cuius occasione detinetur, approximatur, rarefit, aut condensatur, vel melius disponitur aliqua alia extrinseca causa habente virtutem producendi, vel intendendi talem qualitatem, & ab hac procedit intensio tamquam à causa per se, nam in his effectibus semper est querenda aliqua causa particularis, & per se, nec recurrendum ad primam quantum fieri possit.

Q V Æ S T I O . V I I I .

An qualitas in medio existens intendatur per reflexionem, & à qua causa?

Reflexio in rebus Physicis, atque corporeis solis corporibus convenit, ex eo quod ab aliis impediuntur, ne in suo motu ulterius procedant: sic autem impedita coguntur retrocedere eadem vi, qua motu directo in suum terminum tendebant: quod patet in pila, aut lapide proiectis: nam si corpus aliud obfistens eis occurrat eadem vi, qua ulterius procederent in

suo motu directo, reuertuntur, & motus iste reuersionis vocatur reflexio, quæ per quamdam translationem, vel similitudinem tribuitur qualitibus, dum virtute agentis producerentur in tota sphaera suæ actiuitatis: sed in ipsomet extensionis motu solet eis occurrere corpus impediens directum earum progressum, & à tali corpore, quasi repereussæ retrocedunt, vel reuertuntur, non quidem migrando de subiecto in subiectum, quia hoc repugnat accidentibus, sed ita vt in partibus medijs, in quibus per motum directum productæ fuerunt, intendantur: & huius reflexionis habemus exemplum in lumine productum in aëre quasi per motum directum procedentem ab aliquo luminoso, vt à Sole: cuius virtute extenditur lumen per aërem: sed dum sic extenditur motu directo illuminationis occurrere solet corpus opacum, vt speculum, à quo impeditur transitus eius ad vteriores partes aëris, ad quas transiret per eundem motum directum: lumen vero sic impeditum, quasi retrocedit, ac reuertitur, vel reflectitur supra se; hoc est, ad partes medijs aëris; in quibus iam fuerat productum per motum directum, non tamen ita reflectitur, vt eadem pars luminis, quæ pertingit parietem, aut speculum recedat ab illa parte subiecti, in qua inhæret, sed retrocedere dicitur, quia ratione corporis opaci, à quo impeditur, ne vterius transeat, vel ne producat in vterioribus partibus medijs eum tanta intensione, videtur se intendere in prioribus partibus eiusdem medijs aëris, in quibus fuit iam productum per directam illuminationem; de hac igitur reflexione duo quærimus: Primum, an verè, & realiter intendatur per illam qualitas in partibus anterioribus medijs, in quibus producta iam fuerat per directam illuminationem. Secundum, supposito, quod realiter intendatur, an à se ipsa, vel ab alia causa procedat talis intensio, & quæ sit causa illa. Loquemur autem maioris claritatis gratia de reflexione lucis tamquam de notiori, intelligētes de cæteris qualitibus secundum proportionem omnia, quæ de eius reflexione dicentur. Vt autem reflexio lucis si non sufficit interpositio cuiuslibet corporis, sed requiritur, vt sit corpus opacum, densum, ac tersum: & quo perfectius has conditiones habuerit, eo maior in eo fiet reflexio lucis, cæteris paribus ex parte luminosi, quod non debet esse adeo exiguum: vt vires ei deficiant ad reflexionem: sed alicuius virtutis notabilis. Aër igitur defectu vtriusque conditionis non est causa reflexionis, sed aqua ratione densitatis alicuius reflexionis causa esse potest, & maioris terræ; sed ea corpora sunt ad reflexionem aptissima, quæ non solum opaca, tersa, ac densa sunt, sed etiam per-
 lucida,

lucida, vt vitrum, crystallum, & maxime omnium metalla expollita; quibus expositis:

Dux sunt extremæ opiniones de hac re. Prima eorum, qui ¹²⁶ negant qualitatem intendi per reflexionem; sed lumen productum in superficie corporis opaci intensius apparere aiunt ob densitatem, & tersitatem eiusdem corporis; ratione cuius producit quosdam effectus æquiuocos maioris perfectionis, quàm possit producere lumen existens in medio, quamuis vtrumque sit eiusdem intensiois, vt lumen, quod producit in speculo, producit per reflexionem radiorum calorem magis intensum, quàm producere possit lumen medij; & aliquando contingit, vt tot radij concurrant, quod eorum virtute producat ignis, vt experientia compertum est: ideo ratione eiusdem densitatis, & tersitatis speculi lumen in eo productum fortius mouet vilum per species intentionales à se emissas, quam moueat lumen medij, & hæc est causa propter quam apparet intensus, licet verè non sit intensus in superficie corporis opaci, aut in partibus medij proximioribus, quàm in reliquis. Hæc tamen sententia falsa probatur; primò, experientia, quia sensu percipimus perfectius esse lumen in partibus proximioribus speculi, quàm in remotioribus, aut quàm in cæteris partibus aëris; sed hoc nõ potest procedere ex maiori densitate corporis, quia aër non habet maiorem densitatem in his partibus, quàm in reliquis, nec potest lumen videri perfectius in eis propter densitatem, aut tersitatem corporis opaci, quia densitas ratione sui non est per se visibilis: ergo nec potest esse causa, vt lumen, quod est per se sensibile, perfectius appareat. Vnde cum perfectius iudicetur per sensum, necesse est maiorem perfectionem, vel intensionem in se habere. ¹²⁷ Probat deinde ratione; quia lumen, & aliz qualitates, in quibus reflexio esse potest, habent virtutem producendi effectum ad tantam distantiam, quam vocamus propriam spheram actiuitatis earum: ergo si impediuntur, & reflecti possunt: sequitur non minus posse effectum producere per actionem reflexam, quam possent per directam. Quare sicut possent producere aliquem gradum in vltioribus partibus, si nõ impedirentur: necesse est eundem posse producere in anterioribus: & ex consequenti intendere lumen productum per actionem directam in eis. Et si dicatur diuersam esse rationem, quia in vltioribus non erat productum lumen, & ideo poterant illud in eis producere: in anterioribus verò iam erat productum per illuminationem directam: nõ soluitur argumentum, quia lumen iam productum in partibus anterioribus intendi potest, non minus quàm potest in vltioribus primò

primò produci: ergo non impedit, quin possit per reflexionem produci, & per productionem intendi; nam virtus agentis potens est lumen medij intendere, & medium ipsum imperfectè illuminatum capax est intensioris luminis, à virtute verò agentis, & capacitate passivi sublati impedimentis naturaliter procedit effectus in idemmet passum.

- 128 Secunda opinio extrema asserit per reflexionem non solum intendi lumen in medio, sed etiam in agente principali, à quo procedit; si tale agens non habeat summam intensiorem; sed determinatam, & quæ crescere potest. Gratia exempli: si luminosum à quo procedit lumen reflexum, sit Sol habens summam intensiorem lucis, solum potest lumen intendi in aëre medio per reflexionem radiorum eiusdem Solis à speculo. Si vero luminosum sit imperfectum, & capax intensiorem, ut lucerna; non solum intendetur lumen medij per reflexionem radiorum eius in speculo factam: sed etiam lumen eiusdem lucernæ. Ita sentiunt Conimbricenses 1. lib. de Generatione, cap. 9. quæst. 1. artic. 1. & probant hoc argumento. Si lumen agentis principalis non posset seipsum intendere per reflexionem, ideo esset, quia luminosum maius non potest intendi à minori, & ideo nec lucerna ab aëre à se illuminato, in quo constat minorem lucem esse: vel quia reflexio radiorum facta in speculo, aut radij ipsi reflexi non possent peruenire vsque ad agens principale: sed neutrum obstat: ergo concedendum est posse intendi lumen agentis. Probatur minor, quia si primum obstaret, sequeretur, nec vnam partem aëris magis illuminatam posse illuminari per reflexionem ab alia parte aëris minus illuminata, quod patet esse falsum. Quod verò non obstat secundum, probant, quia si reflexio lucis à speculo extendatur vsque ad decem palmos, & intra illos ponatur lucerna, quæ est principale agens: euident est vsque ad illam peruenire radios reflexos, illamque perungere: ergo intendere possunt lumen eius.

Sed hæc etiam sententia falsa est, & contraria doctrinæ Aristotelis. Probo hoc secundum ex cap. 7. huius libri, ubi docet, & probat simile non posse agere in omnino simile, quia ex eo sequeretur idem posse agere in seipsum actione vniuoca: sed utrumque sequitur ex hac sententia: ergo est contra Aristotelem. Probatur minor, quia radij lucis reflexæ procedunt ab ipsa lucerna tamquam à causa principali, ut fatentur expresse Patres ipsi Conimbricæ, atque etiam totum ipsum lumen productum in medio per directam, & reflexam illuminationem: ergo si intendunt lumen eiusdem lucernæ, eadem lucerna intendet proprium lumen, quod est agere in seipsam, & simile agere in omni-

nino simile, quod fieri posse negat Aristoteles. Et si dicatur Aristotelem solum negare, quod simile possit agere in omnino simile, & idem in seipsum actione directa, non vero reflexa, friuola erit interpretatio, quia simile posse agere in omnino simile, ideo negauit Aristoteles: quia inter omnino similia cessat finis proprius actionis naturalis, qui est agens assimilare sibi passum: nec minus cessat respectu actionis reflexa, quam directæ, vt per se est manifestum: ergo vtroque modo id reputauit impossibile. Idem etiam posse agere in seipsum, ideo negauit, quia agens principale, & passum apud ipsum debent esse realiter distincta, vt patet ex octauo libro Phys. præsertim in actione vniuoca: sed non erunt minus indistincta in actione reflexa, quam in actione directa, cum idem agens principale sit passum: ergo in vtraque id reputauit impossibile. Quod enim pars æris, in qua subiectantur radij reflexi, sit distincta à lucerna, non sufficit, quia illa non agit, nisi in quantum illuminatur ab eadem lucerna per directos radios, atque reflexos.

Quod vero eadem sententia sit falsa, probatur primò, quia repugnat causam producere aliquem effectum, quem non contineat formaliter, vel eminenter: sed lucerna non continet maiorem illam intensionem, quam dicunt suscipere per reflexos radios: nec datur alia causa eam producens, in qua contineatur ergo repugnat lucernam intendi per talē reflexionem. Probatur minor, quia illuminatio siue directa, siue reflexa est actio vniuoca: ergo effectus per eam productus eiusdem speciei est cum forma, per quā operatur agens: quare non potest eum continere eminenter: quia causa eminenter continens effectū alterius speciei debet esse. Quod vero non sit vlla causa à qua contineatur formaliter, non est minus euidens: quia lucerna non continet maiorem illā intensionē, quam suscipit: nam si eam contineret formaliter, non posset eam suscipere. De corpore verò opaco, in quo sit reflexio, atque etiam de medio ipso illuminato constat eam non continere, quia totam intensionem luminis habent mendicantem à lucerna: ergo non possunt habere maiorem.

Secundo probatur, quia si lucerna posset se intendere per reflexionem, sequeretur se intendere vsque ad summum gradum, quod est absurdum, cum non sit capax tantæ intensionis. Sed probatur consequentia, nam si se intendit: supponamus suscipere vnum gradum intensionis: quo supposito ita arguo. Lumen lucernæ intensum vt quatuor potuit per reflexionē producere in se quinque gradum: ergo sic intensum vt quinque fortius est ad illuminandum: quare fortiores poterit emittere radios ad specu

ad speculum, à quo necesse est fortiores etiam vsque ad eandem lucernam reuertantur, & lumen eius intendant, & ita vsque ad summum gradum.

Ad argumentum oppositæ sententiæ concedenda est maior, quod propter primam causam non possit intendi lumen agentis principalis per reflexionem; nempe, quia luminosum minus non potest maius intendere: & cum ex hoc infertur, non posse partem medij minus illuminatâ intendere per reflexionem partem sibi proximam magis illuminatam: distinguendum est: nam per se ipsam non potest, hoc est, in quantum minus illuminata, sed in quantum maius lumen per reflexionem forte accipit, quia proximior est corpori, in quo fit reflexio, vel in quantum per modum vnius agentis vnitur luminoso principali magis intenso. Ex hoc tamen non sequitur posse idem luminosum principale intendere etiam per reflexionem: cuius ratio est manifesta, quia cum totum lumen productum in corpore opaco, atque etiam in medio tam per directâ illuminationem, quàm per reflexam, procedat à luminoso principali tamquam à causa vniuoca, & ideo non habeat maiorem intensiorem illud, quâ hæc, repugnat ab eo, vel ab aliqua eius parte, etiâ per reflexionem intēdi, quia nihil potest agere ultra suam perfectionem.

Tertia denique sententia quorundam recentiorum asserit produci quidem lumen in solo medio per reflexionem, non tamen intendi; sed esse aliud numero distinctum ab eo, quod producit per directam illuminationem. Hæc tamen sententia clarius probatur falsa, quia duo accidentia extensa, & purè absoluta eiusdem speciei in eadem parte subiecti recepta necessario continuantur, & fiunt idem numero per continuationem, vt patet in calore producto in aqua à diuersis agentibus, immo & diuerso tēpore: sed duo illa lumina producta per directâ illuminationem, atque reflexâ sunt extensa accidentia, & recipiuntur in eadē parte medij: ergo fiunt idē numero per cōtinationem.

*A quam causa procedat maior intensio luminis
producta in medio per reflexionem?*

- 131 **S**Vpposito, quòd qualitas intendatur in medio per reflexionem in corpore resistente factam; quærimus à quam causa procedit per se talis intensio? Et vt disputationis exemplum in eadem illuminatione constituamus, triplex potest excogitari causa, nempe lumen ipsum in medio productum per directam illuminationem, quod se ipsum intenderet per reflexionem à corpore opaco, aut luminosum, à quo mediū illuminatur directè, & lumen producit in corpore opaco: vel tandē lumen hoc in corpore

corpore opaco, in quo fit reflexio productū Et de primo cōueniunt omnes, quod non fit causa suæ intensiōis per reflexionē factā, quia idē numero agens non potest se intendere: cum talē intensiōe non contineat formaliter, neque eminenter, vt probauimus: ergo repugnat lumē in medio productū esse causā suæ intensiōis. Quæstio ergo de duobus alijs procedit: nempe de principali luminoso, vel de corpore opaco per lumen in se receptū.

Et prima opinio asserit causam intensiōis in medio factā per reflexionem non esse luminosum principalem, sed corpus opacū ab eo illuminatum. Ita sentiunt ex recentioribus plures. Quod vt probent, præsupponunt, intensius lumen produci in aliqua saltē parte corporis opaci, vt in aliqua parte speculi, quā producat in partibus medijs. Cuius causam esse putant, quia licet densitas, & tersitas speculi potius illuminationi resistat, atq; impediunt, ne ulterius progrediatur: ex alia vero parte disponunt idem subiectum ad maiorem intensiōem luminis recipiendam in ea parte, in qua illuminatur. Neque obstat vniuersale illud principium ab omnibus receptum, quod agens naturale fortius agit in propinquum, quam in remotum. Ex quo videretur sequi maiorem intensiōem luminis produci à luminoso in partibus medijs sibi propinquioribus, quam in corpore opaco remotiori. Nam principium hoc intelligi debet (vt sit vniuersaliter verū) si proximum, & remotum sint æquē disposita ad recipiendum effectum ab agente: si vero remotum melius dispositum sit, perfectiorem effectū recipiet, quia per meliorem dispositionem recompensatur maior distantia. Vnde cum melius sit disposita aliqua pars speculi ratione densitatis, & tersitatis intensiorem effectum recipere poterit, etiam si remotior sit. Sed hoc fundamentum ita explicatū probant exemplo Lunæ à Sole illuminatæ: cuius aliqua pars magis illuminat hæc inferiora, quàm reliquum corpus eius: ex eo, quod maius lumen recipit à Sole: cuius non potest reddi alia causa, nisi quia astrum Lunæ ratione suæ densitatis, & tersitatis melius disponitur, vt secundum aliquam sui partem intensius illuminetur à Sole. Ita ergo in cæteris reflexionibus minorum corporum cōringere debet, vt corpus opacum, nempe speculum ratione suæ densitatis, & tersitatis melius dispositum sit ad suscipiendum lumen in aliqua sui parte, per quam intensiorem potest producere lumen in partibus medijs, ad quas reflectuntur radij eius: alioqui concedendum esset lumen productum in his inferioribus à Luna, non ab ea, sed à Sole produci.

Hoc supposito, probat quod maior intensio luminis in medio nō procedat à principali lumine, vt à Sole, vel lucerna: primo, quia

quia effectus luminosi principalis, à quo directè illuminatur medium, impeditur à corpore opaco, ne ulterius transeat: sed per tale impedimentum sibi superueniens, non augetur virtus eiusdè luminosi; & ideo nec redditur fortius ad agendum: ergo non potest intensiorem effectum producere in partibus mediij per reflexionem, quā produxit in eisdem per directam illuminationem. Probatur consequentia, quia idem in quātum idem, hoc est per virtutem eiusdem intensiois agens, & circa passum eodem modo dispositum semper facit eundem effectum,

- 133 & non maiorem. Secundò quia, si luminosum intensiois ut quatuor solū potest producere in reliquis partibus suæ spheræ lumen ut duo (exempli gratia) ergo ex tali productione repugnat, quod in partibus eiusdè spheræ propinquieribus corpori opaco, & à se remotioribus, sequatur maior intensio luminis. Probatur consequentia, quia agens naturale fortius agit in propinquum, quàm in remotum æqualiter dispositum; sed partes mediij propinquoiores corpori opaco, in quibus lumen intenditur per reflexionem, remotiores sunt respectu eiusdè luminosi; & eodem modo dispositæ, ac reliquæ partes eiusdè mediij: ergo repugnat fortius circa eas agere, quàm circa propinquoiores: & ex consequenti repugnabit, quod intensius lumen in eis productum per reflexionem procedat ab eodem luminoso, & necessarium est procedere ab intensiori lumine recepto in corpore opaco, cui sunt propinquoiores. Probatur hæc vltima consequentia, quia non est excogitabile aliud agens à quo possit procedere.

- 134 Nostra sententia omnino est opposita, & explicatur duabus conclusionibus. Prima est, intensio luminis producta in medio per reflexionem, non producitur à corpore opaco per lumen in se receptum, sed à principali luminoso, à quo corpus ipsum opacum illuminatur. Probatur testimonio Aristotelis 8. lib. Phys. text. 32. ubi docet reflexionem localem corporis non fieri à corpore impediēte, vel obistente, sed à proijciente idem corpus, quod reflectitur, his verbis: *Sicut reflexa sphaera non à pariete mota est, sed à proijciente.* Quæ verba præter quàm, quòd expressa sunt; ita intelliguntur ab omnibus interpretibus tam antiquis, quàm novis: præsertim à D. Thoma, Soto, Toletico, & Conimb. in commentarijs eorum. Ex hoc igitur sic arguo: Pila ideo reflectitur in pariete impediēte, quia impulsus ei impressus à proijciente eam ulterius deduxisset, nisi paries extensionem sui motus impediret: eo vero impediēte non priuatur impulsus suo effectū ulterius dilatandi motum, sed quasi permutatur vltior motus directus in reflexum eiusdè intensio

intensionis; ita ut si per decem passus extensus erat ulterio-
rem motum directum, per totidem extendat reflexum: & ab ea-
dem causa à qua extenderetur directus, fit reflexus; ut docet ex-
presse Aristoteles, & cum eo omnes interpretes, nempe à proij-
ciente, quod est principale agens, & non à pariete, qui est cor-
pus obfistens, in quo fit reflexio; sed eodem modo fit reflexio
luminis, vel alterius qualitatis: ergo motus reflexus illumi-
nationis ab eodem luminoso principali fit, & non à corpore
opaco ab eo illuminato, in quo fit reflexio; & consequenter
intensio luminis per eum producta tamquam proprius termi-
nus. Probatur minor, quia virtus luminosi principalis exten-
deret illuminationem directam per decem passus, nisi obfisteret
corpus opacum: ergo illo obfistente, & facta in eo reflexione non
priuatur luminosum suo effectu, hoc est extensione illa sui mo-
tus, sed quasi commutatur directa in reflexam. Vnde sequitur
eodem modo procedere alterationem reflexam à principali lu-
minoso, quo procederet directa quantum ad ulteriorem exten-
sionem, nisi impediretur à corpore opaco; sed ab eodem agente
procedunt motus, & terminus per se eius: ergo ab eodem lumi-
noso principali procedit terminus per se eiusdem alterationis
reflexæ: sed terminus illuminationis reflexæ est lumen produ-
ctum in medio cadens supra lumen productum per illumina-
tionem directam in eisdem partibus, per quas reflectuntur ra-
dij: ergo intenditur lumen medij ab eodem agente in eisdem
partibus, & non à corpore opaco impediente. Probatur conse-
quentia, quia intensio qualitatis non est aliud, quam noua pro-
ductio eius circa eandem partem subiecti. Et si dicatur non
bene probari ex motu locali reflexo intensionem luminis in
medio ab eodem luminoso factam; nam per motum localem
reflexum nullum effectum in medio productum per motum
directum intendit, aut perficit mobile, sed eandem præsen-
tiam producit, quam produceret, vel produxit per motum di-
rectum: ergo non bene probatur ex locali reflexione intensio
luminis facta in medio ab eodem agente, à quo fit directa. Res-
pondeo probari quidem efficaciter, quia ex eo non perficitur in
medio per motum reflexum effectus per directum, quia non
manet, nec manere potest, sed transit sicut motus: si vero per-
maneret, absque dubio perficeretur quadam ratione extensiuâ,
non vero intensiuâ, quia præsentia localis non est capax inten-
sionis; perficeretur vero, quia duplicaretur in eodem corpo-
re, & in ordine ad idem spatium. Effectus autem illumina-
tionis directæ permanet in medio; propterea necessarium est, ut
cadat supra illum effectus productus per illuminationem dire-

Etiam in eisdem partibus medij, in quibus cadunt radij reflexi. Sed vnus gradus luminis cadens supra alium in eadem parte subiecti facit intensiorem: ergo intenditur lumen in his partibus medij ab eodem agente.

- Probatur etiam ratione eadem conclusio; primò, quia tota ratio propter quam opposita sententia asserit reflexionem fieri à corpore opaco tamquam à causa per se est, quia ratione densitatis, & tersitatis magis est dispositum, vt saltem secundum aliquam partem intensius lumen recipiat, quàm medium; quod non est ita densum. Sed hoc fundamentum est falsum: ergo opinio ipsa in eo fundata erit falsa. Probatur minor, quia opacitas corporis impedit porius receptionem luminis, quàm iuuat ad eam recipiendam; sed tersitas, ac densitas corporis pertinent ad opacitatem: ergo potius impediunt, quàm iuuent, vel disponant
 136 ad receptionem intensioris luminis; falsum est ergo quòd corpus opacum propter maiorem densitatem, & tersitatem sit magis dispositum, vt in aliqua eius parte intensius lumen recipiatur, quàm in partibus medij. Maior videtur mihi euident, quia euident est corpus opacum ratione opacitatis impedire transitum luminis: ergo repugnat opacitatem facere illud capax maioris luminis. Probatur consequentia, quia si magis capax esset, impedire nõ posset. Præterea diaphaneitas corporis est propria, atque germana dispositio ad recipiendū lumen: sed opacitas opponitur diaphaneitati, aut transparentie: ergo repugnat efficere corpus capax maioris luminis. Et eadē ratione probatur minor de densitate, ac tersitate; quia quo corpus magis densum, & tersum est, minus est diaphanū, vt per se est manifestū: ergo minus est dispositum ad recipiendam lucem, & ideo non potest intensiorem recipere si sit æquē, vel minus approximatum luminoso.
 137 His addo, densitatem in nullo corpore esse dispositionem ad recipiendum maiorem intensiorem alicuius qualitatis, vt euidenti inductione probari potest, licet sit dispositio, ad magis retinendam intensiorem receptam, & ad fortius agendum cum eadem, vel maiori intensione.

Secundo probatur ex reflexione aliorum accidentium intentionalium, nam sicut lux est qualitas intentionalis, ita species visibiles sunt accidentia intentionalia; & sicut reflectitur lux in speculo, ita reflectuntur species: sed species reflexa in speculo causatur ab eodem obiecto visibili, à quo causatur directa, & non à speculo: ergo reflexio lucis, & intensio per eam producta, non à speculo, sed à luminoso causatur. Minorem admittunt aduersarij, & probabitur efficaciter 2. lib. de anima c. de visu, quia species est aliqualis similitudo obiecti visibilis, & ideo ab eo debet pro

bet procedere; sed quod videtur per reflexionem specierum in speculo factam non est species, vel similitudo obiecti, sed obiectum ipsum, ut ibidem probatur efficaciter, ergo ab eo procedit species reflexa, & non à speculo, & cōsequenter à luminoso procedit reflexio luminis, & intēsio eius producta in medio, & non à speculo illuminato. Fundamentum vero oppositæ sententiæ negandum est, quia iam probauimus ratione terstitatis, & densitatis non posse corpus opacum esse maioris lucis capax, sed minus & minorem recipere, quàm partes mediij, & ideo non posse ab eo procedere intensius lumen in medio. Quod autem dicitur 138 de illuminatione Lunæ, simile quidem est, & ideo concedimus maximam partem luminis nocturno tempore producti per similem reflexionem in eodem astro Lunæ factam, produci, à Sole quidem tamquam à principali, & proxima causa: iuuare tamen lumē in eadem Luna receptum, quæ sic à Sole illuminata, quasi per modum vnius agentis vnitur eidem Soli eam illuminanti, & ab utroque procedit nocturna illuminatio mūdi. Quod dicimus supposita opinione, quæ asserit totum lumen; quod habet Luna, recipere à Sole; nam alij de ea, ac de quibusdam aliis astris existimant aliquam eius partem à se habere: de quo statim agemus in libris de cœlo, & mundo: vbi & modum huius reflexæ illuminationis Solis, & Lunæ copiosius explicabimus. Eiusmodi autem reflexio lucis in Luna facta à Sole non percipitur sensu, sicut percipiuntur aliæ longè minores in his inferioribus factæ, propter maximam distantiam inter Lunam, & Solem, & corpora ingentis molis inter vtrumq; astrū media; nam reflexio ista fit eo tempore, quo Sol est in vno emispherio, & Luna in altero; & cum primis mediat inter vtrumq; magna pars profunditatis quarti cœli; deinde profunditas tertij, secūdi, & primi, & tandem sphaera integra quatuor elementorū. De reliquis verò minoribus reflexionibus in his corporibus inferioribus factæ secundū proportionē dicendū est, fieri quidem à principali luminoso per maiore intensionē luminis in partibus mediij productam, sed iuuare etiam lumē productum in corpore opaco; licet non sit magis intensum, quam in medio, quia se coniungit cum principali luminoso, & per modum vnius agentis operantur.

Ad primum argumentum eiusdem sententiæ concessa maiori, 139 quod luminosum impediatur à corpore opaco, ne vltērius extendat suam actionem, atque etiam minori, quod per hoc impedimentum non reddatur fortius ad agendum, neganda est consequentia, quia ad producendum maiorem intensionē per reflexionem, non est necessarium, quod augeatur virtus eius; nam si sufficiens erat ad extendendam illuminationem dire-

etiam ad vltiores partes medij, erit quoque sufficiens ad eandem extensionem commutatam in reflexam efficiendam, sicut de impulsu probauimus in reflexione locali. Præterea, licet per impedimentum corporis opaci non intendatur virtus luminosa, sed quia ratione reflexionis agit per diuersam lineam, operatur quasi duplex agens; & ideo in ea parte medij ad quam pertingit reflexio quasi duplicatum effectum producit, eam illuminando quasi duabus viis, hoc est per duas, ac diuersas lineas rectam, & reflexam: non ergo mirum est, si quasi pro duobus agentibus operetur. Non fit enim intensio luminis in omnibus partibus medij, sed in certa, ac determinata, videlicet in angulo reflexionis, sicut reflexio fit ex parte speculi in angulo incidentiæ. Quod vero dicimus quasi pro agenti duplicato operari lumen in illuminatione recta, & reflexa, & ideo quasi duplicatum producere effectum in ea parte, secundum proportionem suæ virtutis, aut intensiois, intelligi debet, ita vt totus effectus non solum non superet intensioem eius, sed neque adæquare eam possit, vt ex supra dictis est manifestum. Et si dicatur, lumen agit per illuminationem directam naturaliter: ergo agit circa medium in quantum potest. Quare repugnat maius lumen producere in medio per reflexionem. Respondeo agere quidem per illuminationem directam in quantum potest, sed non omni modo, quo potest; & ideo licet producat totum lumen, quod potest producere tali modo agendo, non tamen totum, quod potest, hoc & alio modo, nempe actione reflexa; nam sicut posset nouum lumen producere in vltioribus partibus medij, potest in anterioribus per reflexionem, quod est lumen earum intendere, vt probauimus. Et ex hac doctrina explicari debet commune illud axioma, nempe: *Idem in quantum idem semper facit idem*. Vt enim semper sit verum, sic debet intelligi; vt idem in quantum idem eodem modo agens semper faciat idem; secus vero est, si varietur modus agendi, vt contingit in hac parte.

140

Ad secundum neganda est consequentia, quod per reflexionem non possit produci intensior effectus ab eodem agente in partibus propinquiorebus corpori opaco, quam productus sit in aliis ab eo remotioribus per solam directam illuminationem. Et cum dicitur agens naturale fortius agere in partes suæ spheræ sibi proximiores, quam in remotiores, si sint æquè dispositæ, distinguendum est; nam agens per eandem lineam verum est, non tamen, si per diuersas operetur, vt in reflexione contingit: sic enim agit quasi duplicatum agens, cum agat per diuersas lineas, rectam & reflexam; & ideo quasi duplicatum producit effectum;

effectum : nam in parte illa medij, ad quam pertingit reflexio producit aliquid illius luminis, quod produceret in vteriores partes medij intra propriam sphaeram clausis, si non impediretur per interpositionem corporis opaci. Suppletur ergo per actionem reflexam additam directæ illuminationi defectus approximationis; immo & superatur, vt per se est manifestum.

QVÆSTIO IX.

*An omne agens dum agit, repatiatur à suo
contrario circa quod agit?*

VT intelligatur quæstio, & ad difficultatem eius breui perueniamus; condiciones quasdam enumerare, & explicare oportet omnino necessarias, vt agens dum agit, repatiatur à suo contrario, in quod agit; quas vno, aut altero verbo tetigit Aristoteles cap. 7. huius primi libri à textu § 3. Primam ergo conditionem necessariam esse ait, vt agens; & passum materialia sint: nam si agens sit spirituale, non poterit repati ab eo, in quod agit: & si passum etiam sit spirituale, non poterit circa ipsum operari agens; & ratio vtriusque est eadem, quia res spiritualis altioris ordinis est, & ideo agere quidem circa rem materiale potest propter eminentiorem virtutem, quam habet; sed in ipsam nec potest agere res materialis inferioris ordinis, & virtutis; nec ideo ab ea repati potest, quia à quo aliquid repatur, illud idem in ipsummet agit. Nec satis est vtrumque esse materiale; sed secunda conditio requiritur (ait Aristoteles) vt habeant eandem materiam, non numero, sed specie. Vnde licet corpora cœlestia agant in hæc sublunaria, non repatiuntur ab eis, quia licet communicent in materia, non eiusdem speciei, sed diuersæ. Et ratio huius conditionis est, quia actio, & reactio ordinantur ad generationem, & corruptionem eius, in quo recipiuntur; sed corpora cœlestia ex eo, quod habeant materiam specie diuersam ab his sublunaribus; sunt incorruptibilia: ergo non possunt repati ab eis. Sed nec sufficit habere materiam eiusdem rationis; quia medicus communicat in materia cum infirmo, in quem agit eum sanando, & tamen non repatur ab eo inquit Aristoteles, quia non est agens vltimum, seu immediatum, sed primum: repatur vero medicamentum ab eo applicatum, quia est vltimum, atque immediatum agens. Ideo tertia conditio est necessaria, quod agens sit vltimum, seu proximum. Nec tamen id sufficit, sed requiritur quarta, quod

agens contineatur intra spheram actiuitatis passi, quia contingere potest, ut agens sit maioris longe virtutis, quam passum, & ideo ad maiorem distantiam possit extendere suam actionem, quod est maiorem habere spheram actiuitatis, quam passum, & tunc fieri posset quod passum esset intra spheram agentis: hoc vero extra spheram passi ut consideranti patet, & actio quidem tunc dabitur, sed non reactio, quia sicut repugnat aliquid agere in aliud, nisi intra spheram actiuitatis eius sit, non minus repugnat in illud reagere, quia reactio vera actio est. Quinta, & vltima conditio est, quod agant actione vera, & propria; hoc est corruptiua, quæ versatur solum inter propria contraria: nam hoc modo sumitur ab Aristotele actio in hoc opere, ut vidimus superius. Si enim solum agant actione perfectiua, nulla sequitur repassio, ut constat in illuminatione: non enim repatitur luminosum à corpore diaphano, in quod agit, nec obiectum à potentia sensitua. Itaque ut omnes conditiones hoc verbo comprehendamus, ut agens possit repati à passo, circa quod agit, materiale debet esse; habens materiam eiusdem speciei, vltimum, & intra spheram eiusdem passi contentum: agentemque circa passum actione corruptiua. Et de tali agere, procedit questio, an dum sic agit, semper, & necessario repatiatur ab eodem passo, circa quod agit.

- 143 Circa quam questionem plures sunt opiniones, quas prolixè refert, & reiecit Toletus 1. lib. de gener. q. 15. ex quibus tres tantum nos referemus, quæ difficultatem eius attingunt, nam reliquæ nullius momenti sunt. Prima opinio negat omnino reactionem, hoc est actionem passi in agens, à quo patitur. Ita Maior in 1. distin. 17. & cum eo alij ex nominalibus. Probatur primo, quia à proportionem minoris inæqualitatis, non potest dari aliqua actio; sed non potest passum reagere, nisi à proportionem minoris: ergo impossibilis est reactio. Probatur minor, quia proportio minoris inæqualitatis est, quando virtus agentis est minor resistentia passi, ut superius probauimus; sed virtus passi (si verè patitur ab aliquo) debet esse minor resistentia eiusdem agentis, à quo patitur: ergo non potest in illud agere, vel reagere. Probatur minor, quia resistentia actiua agentis prouenit à tota latitudine formæ eius, quam constat esse maioris virtutis, quàm forma passi, & resistentia formalis eiusdem agentis prouenit ab eadem forma impossibili cum forma passi etiam secundum totam eius latitudinem,
- 144 quia secundum eam est ei contraria, & repugnans. Exemplum possumus asserre in aqua, quæ si patitur ab igne, necesse est maiorem esse virtutem actiuam ignis, quàm resistentiam eius, sed

sed etiam est maior resistentia ignis, quam actiuitas aquæ, nam per eundem calorem vt octo, quo agit, resistit resistentia actiua, cum hæc sit eadem realiter cum virtute actiua, aut cum actione. Resistentia etiam formalis, quæ est impossibilitas, aut repugnantia vnius formæ cum alia; maior est in igne, cum sit per eundem calorem vt octo contrarium frigiditati eiusdem aquæ, & ei repugnans secundum rotam suam latitudinem. Et hoc argumentum magis ad sensum videtur conuincere, quando agens maximæ virtutis est; passum verò adeo exiguum habet, vt absurdum videatur dicere, quòd in idem maximum agens possit reagere.

Secundo probatur, quia dum vnum contrarium agit in aliud, vt ignis in aquam, constat sua actiuitate superare illam; sed necesse est etiam sua resistentia superare actiuitatem eius: ergo necesse erit magis etiam resistere passo, quam passum in eum agat: Quare impossibilis erit reactio; nam quotiescumque magis resistit passum, quam agens agat, repugnat actionem sequi, vt superius ostendimus. Probatur minor, quia dum ignis agit in aquam per calorem, non solum resistit reactioni eius per eundem calorem, sed etiam per propriam substantiam naturaliter agentem ad conseruationem. Quia sicut naturaliter ab ea dimanat tamquam à principio actiuo, ita naturaliter conseruatur media actiuitate eiusdem substantiæ: sed aqua non reagit, nisi per solam frigiditatem: ergo maior erit resistentia ignis, quam actiuitas eius. Consequentia videtur necessaria, quia habet eandem causam, quam habet actiuias, nempe calorem; sicut actiuitas aquæ habet frigiditatem, & præterea propriam substantiam ignis conseruantem eundem calorem. Sed probatur minor ex his, quæ diximus 2. lib. Phys. agentes de causa efficiente; videlicet substantiam non agere in aliud, nisi per sua accidentia, per quæ solum attingit passum: ergo aqua non agit per se immediatè, sed solum per frigiditatem.

Secunda opinio non omnino negat reactionem, sed solum 145
secundum eandem contrarietatem, eam admittens secundum aliam: ita vt agens per vnā qualitatem non patiatur à passo per qualitatem illi contrariam, sed benè per aliam diuersam; vt dum ignis agit in aquam per calorem, non reagat aqua in ignem per frigiditatem, sed per humiditatem debilitando siccitatem eius. Ita Nimphus 1. lib. de generat. Comm. 195. quæst. 3. referens pro se Auerroem, Alexand. & alios. Probatur primo, quia si admittatur reactio secundum eandem contrarietatem; sequitur impossibile prorsus esse, quòd vnum

contrarium agat in aliterum ; sed consequens est falsum , ut per se est manifestum ; ergo impossibilis est reactio per eandem contrarietatem. Probatur consequentia , quia agens naturale prius agit in proximum , quàm in remotum : ergo prius expellit contrarium à parte proxima , quàm à remota ; si ergo agens per unam qualitatem repatur per contrariam : ergo in prima sui parte aliquem gradum contrariæ qualitatis recipit ; prius ergo debet illum gradum expellere ab ea parte tamquam sibi magis proxima , quàm ab aliqua parte passis ; sed numquam potest eam omnino expellere , nam si semper repatur : ergo semper ei imprimitur de nouo aliquid contrariæ qualitatis , à qua impeditur actio eius , ne transeat ad passum contrarium ; quia licet aliquid semper expellat , aliquid etiâ semper recipit de nouo : impossibilis ergo erit actio unius contrarij in alterum , si repati debet secundum eandem contrarietatem.

- 146 Secundò , quia repugnat aliquid moueri simul motibus contrariis , hoc sequitur , si derur reactio secundum eandem contrarietatem : ergo non est admittenda. Probatur minor duobus exemplis. Primum sit ignis agentis in aquam per medium aërem , à quo aër necessario calefiat , quia non potest calor transire ad aquam , nisi per aërem , & aqua debet reagere in ignem per frigiditatem. Supponamus reagere per eandem lineam , & tunc necessario debet refrigerare aërem ; calefiat ergo eadem pars aëris ab igne , & in frigidabitur simul ab aqua , quod est moueri motibus contrariis. Exemplum secundum erit , si supponamus maximum calidum agere in paruum frigidum , ita ut totum frigidum sit intra sphaeram actiuitatis calidi , sed medietas tantum calidi contineatur intra sphaeram actiuitatis frigidi. Tunc ergo si frigidum reagit in calidum per frigiditatem , aliquem gradum imprimere debet in prima medietate calidi , non in postrema , cum hæc sit extra sphaeram actiuitatis eius : & eodem tempore , quo frigidum reagit in illa medietate per frigiditatem , reliqua medietas calida ei approximata debet in eandem agere per calorem ad expellendam frigiditatem , quam ei imprimit aqua : quare simul calefiat , & frigefiat illa pars , mouebiturque contrariis motibus.

Tertia opinio omnino contraria his duabus asserit duo : primum , semper , & necessario dari reactionem inter contraria aduersus primam. Secundum , talem reactionem dari secundum eandem contrarietatem aduersus secundam. Ita expresse Aristoteles cap. 7. huius libri textu 53. & cap. 10. text. 87. & 89. sed clarissimis verbis 4. lib. de generat. animalium capit. 3. non longe à principio , quæ ita habent : *Omne agens patiuntur etiam*

etiam

etiam à patiente, ut quod fecat, hebetatur ab eo, quod secatur, quod calefacit, refrigeratur. Denique quodcumque mouet exceptio primo, mutuo mouetur aliquo motu: & interdum etiam ita fit, ut quod agit, magis patitur, quàm agat, & refrigeretur, quod calefacit, & caleascit, quod frigefacit, &c. Ita etiam Galenus lib. 3. de causis Simptiom. capit. 2. Diuus Thomas 1. lib. de generatione. lectio. 10. Themisti. & Simplic. 3. lib. Phys. textu 8. Philoponus, quem citauit Nimphus vbi supra, & ceteri omnes interpretes Aristotelis super capit. 7. huius libri paucis exceptis, quos pro aliis opinionibus citauimus: & est vera sententia, ac tenenda.

Probatùr experientia, & ratione. Experientia quidem, quia euidentis est manum calidam tangentem frigidam eam calefacere; & frigidam calorem huius temperatè: atque etiam si pruna accensa niuem tangat, niuis ipsa liquefeit, & pruna ex parte infrigidatur.

Ratione verò, primo ex mixtione elementorum hoc modo. 147
Quodlibet elementum habet vnã qualitatem in summo gradu intensiõis: sed forma corporis mixti ex mixtione elementorum resultans non potest introduci in materia, nec in ea conseruari cum dispositione aliqua habente summum gradum intensiõis, nempe cum summo calore, vel summa frigiditate; sed postulat omnes has qualitates attemperatas, hoc est ad minorem gradum intensiõis redactas: quod constat non posse fieri, nisi per mutuam actionem, & reactionem elementorum: ergo necessariò hæc admirrenda est, ut mixtio censeatur possibilis. Licet enim elementa ignis, & aquæ agant, si non repariatur quodlibet ab alio, dum in ipsum agit, non remittetur calor, vel frigiditas eorum, ut per se est manifestum: ergo nec attemperari poterunt.

Et si aliquis dicat, ad agendum in aliud requiri determinatam virtutem saltè per terminum extrinsecum, quod vocatur maximum quod non: ita vt tam minima dari possent, quæ non sufficeret ad agendum: bene tamen quæcumque maior, vt probauimus superius agentes de excessu determinato ad agendum requisito. Ex quo sequitur non semper passum reagere posse. Probatùr consequentia in extrema parte sphæræ actiuiuitatis ignis, vel alterius agentis, quàm cettum est non posse in aliud corpus sibi approximatum iam extra sphæram eiusdem agentis existens agere, & ideo si illud habeat contrariam qualitatem, nempe frigiditatem, per quam agat in extremam illam partem sphæræ ignis calidam, non reparietur ab ea: quia supponimus non posse amplius agere per calorem. Respondeo, etiam in

his casibus agens ex parte sua semper repati posse à passo: quod vero non repatiatur, per accidens est propter defectum passi non habentis virtutem ad agendum; sicut etiam contingit dum passum est intra sphæram actiuitatis agentis: sed agens nō est intra sphæram actiuitatis passi, quia est minoris virtutis; & ideo habet minorem sphæram. Aristoteles vero vniuersaliter loquitur, & vniuersaliter verum est agens semper posse repati, atque etiam semper repati, nisi aliqua conditio necessaria deficiat, deficit autem in casu argumenti potentia actiua ex parte passi.

- 149 Ad primum argumentum primæ opinionis neganda est minor, quod non possit passum reagere, nisi à proportionem minoris inæqualitatis. Et cum dicitur maiorem esse resistentiam actiuam agentis actiuitate passi, concedendum est: sed ex hac non probatur, quod actio sit à proportionem maioris, vel minoris inæqualitatis: nam cum resistentia actiua sit idem realiter cum actione, vel actiuitate: & formaliter non sit aliud, quam debilitatio contrarij, cuius est, quod ex ea non sit sumenda proportio requisita ad agendum inter agens, & passum; quia etiam si virtus passi debiliatur per actionem agentis, non simul consumitur, sed successiue: ideo non tollitur, quin per virtutem remanentem reagere possit; cum sola ergo resistentia passiva, aut formali comparanda est virtus agentis: & de hac resistentia formali neganda est eadem minor, quod maior sit in agente actiuitate passi. Et cum dicitur formam agentis secundum totam latitudinem suæ intensionis resistere formaliter: distinguendum est: nam duobus modis sumitur resistentia formalis, pro actuali, & pro potenciali: vel pro resistentia, quasi in actu secundo, aut quasi in actu primo: & de resistentia actuali negandum est, quia actualis est per impossibilitatem actua-lem, quam constat non habere formam, nisi ratione illius partis intensionis necessario expellendæ per introductionem partis formæ contrariæ: nam cum reliquis partibus eiusdem formæ agentis non repugnat naturaliter permanere simul: ergo non habent reliquæ partes intensionis impossibilitatem formalem actua-lem cum tota latitudine formæ, per quam reagit passum, & consequenter non resistunt introductioni eius resistentia formali actuali, sed solum potenciali, quod est posse resistere, & non resistere actu: forma vero eiusdem passi actu agit secundum totam latitudinem intensionis, quia actu agere, solum dicit actu influere in effectum: influ-
150 xum vero tribuit forma agentis applicata ad passum, & cum sit eodem modo applicata secundum totam latitudinem intensionis, absque dubio influit secundum totam, & consequenter secundum

secundum totam agit. Et cum solum resistat eadem forma agentis resistentia formali actuali secundum illum gradum, vel partem expellendam ad introductionem partis formæ passii eiusdem mensuræ, sequitur maiorem esse actiuitatem actualem passii resistentia formali actuali agentis, secundum quas solum fit comparatio: & consequenter non reagere à proportionem minoris, sed maioris inæqualitatis: resistentia vero formalis potentialis, quæ conuenit eidem formæ agentis secundum totam latitudinem intensiōis ad hanc comparationem non pertinet, quia cum sit comparatio in ordine ad agendum, & resistendum actu solum fit inter actiuitatem actualem, & resistentiam actualem: unde licet potentialis illa sit maior, non efficit proportionem minorem cum actiuitate actuali passii.

Circa minorem secundi argumenti asserentem, maiorem esse resistentiam formalem agentis actiuitate passii, quia non solum resistit formaliter calor ignis, per se ratione impossibilitatis actualis cum frigiditate aquæ, sed etiam ratione substantiæ eiusdem ignis, à qua efficienter conseruatur, sicut efficienter dimanat. Diuerso modo loquuntur recentiores: nam quidam hanc conseruationem efficientem admittunt, sed negant efficaciorē esse substantiam ignis ad conseruandum calorem, quam frigiditatem a quæ ad illum destruendum: & ideo non sufficere talem conseruationem, ut maior censenda sit resistentia formalis eius actiuitate frigiditatis: etiam si per se sola dicatur agere. Quod probant in aqua: nam ignis citius eam calefacit, quàm ipsamet ab igne separata se reducat ad frigiditatem expulsam per eundem calorem: ergo efficacior est quælibet harum qualitatū ad produciendum sibi similem in subiecto contrario, quàm substantia eiusdem contrarij ad conseruandam propriam qualitatem à se emanantem. Alij vero admittentes etiam, quòd substantia conseruet efficienter qualitatem propriam, consequenter asserunt efficaciorē esse ad eam conseruandam, quàm sit qualitas contraria ad eam destruendam. Probat primo, quia est perfectior non solum secundum entitatem, sed etiam secundum rationem causæ, cum sit causa, æquiuoca suæ qualitatis: qualitas vero ad agendum circa contrarium vniuoca, causa vero æquiuoca perfectior est. Deinde, quia agit secundum perfectissimam approximationem, cum agat per naturalem emanationem circa seipsam: qualitas vero per imperfectam secundum contractum.

Alij denique non admittunt, quòd qualitates elementorum conseruentur ab eorum substantijs effectiue, quia negant etiam effectiue ab eis procedere, vel emanare, ut summus calor

calor ab igne, & summa frigiditas ab aqua. Sed putant solum conservari ab ea tamquam à causa materiali, in qua tamquam in subiecto inhaeret. Probant hanc ratione; licet qualitates istæ dependeant in fieri ab agente, à quo producuntur, & à propria substantia, à qua tunc emanant; vt calor ignis geniti ab igne generante, & à propria substantia eiusdem ignis generi, sed postquam productæ sunt, non dependent in conservari ab aliquo agente creato, sed à solo Deo: ergo falsum est, quod efficienter conserventur à propria substantia. Antecedens probatur evidenti experientia; nam calor productus in aqua eiusdem rationis est cum calore ignis: sed ille non dependet ab aliquo agente creato in conservari, nisi à solo Deo, vt per se est manifestum: ergo neque calor ignis dependebit ab agente creato in conservari, quale est eius substantia; sed à solo Deo. Quo supposito, facile respondent argumento negando minorem eius, quod maior sit resistentia formalis agentis, quam actiuitas actualis passi, cum non adiuventur efficienter à substantia; & ideo semper passum poterit reagere à proportionem minoris inæqualitatis.

- 154 Nostra vero sententia duo asserit: primum est, has qualitates primas elementorum efficienter conservari à substantijs eorundem elementorum, & non solum materialiter. Et probo primo, quod dimanant ab eis efficienter, & ideo quod dependeant ab eis non solum in esse, sed etiam in fieri tamquam à causis efficientibus; nam qualitates istæ dimanant naturaliter ab eisdem substantijs in eodem instanti, in quo generantur eodem modo, quo dimanant proprietates aliarum rerum ab essentijs: ergo dimanant efficienter. Probatur consequentia, quia si in solo genere causæ materialis convenirent his corporibus tamquam propriæ dispositiones materiæ, nulla esset talis emanatio ab eorum substantijs, sed à solo agente producerentur in materia, sicut reliquæ dispositiones. Secundo, quia dum corpora ista per actionem contrarij amittunt aliquos gradus suarum qualitatum, vt aqua calefacta ab igne aliquos gradus suæ frigiditatis, statim remoto igne incipit expellere à se calorem, & reducit se in naturalem frigiditatem; sed nullum est agens particulare, à quo producat efficienter talis frigiditas præter substantiam eiusdem aquæ, à qua dimanat naturaliter, vt per se est manifestum: ergo necessariò dicendum est ab ea emanare tamquam à causa efficiente. Quod enim procedat à generante, non nego: sed repugnat, quod à generante procedat efficienter, nisi media propria substantia, vel substantiali forma, tamquam à virtute eius: qua media agit ad eius emanationem.
- Probatur

Probatur euidenter; quia contingit, quod generans aquam iam non sit in rerum natura, dum talis frigiditas ab ea procedit: ergo repugnat tunc agere, vel eam producere, nisi media aliqua virtute ab eo derelicta, & actu existente, quæ non potest esse alia ab ipsamet substantia aquæ, aut substantiali forma eius: ergo absque dubio procedit ab illa efficienter.

Hoc supposito, probatur, quod ab eadem conseruetur efficienter: primo, quia repugnat naturaliter, quod aliquis effectus naturalis procedat ab aliquo agente, & quod ab eo eodem modo præsentem non conseruetur, vt euidenti inductione constat in omni effectui naturali sic se habente ad suam causam efficientem, à qua procedit: sed qualitates istæ, vt calor ignis, & frigiditas aquæ procedunt à suis substantijs tamquam à causis efficientibus eodem modo semper præsentibus, ac dum primo ab eis emanant: ergo conseruantur ab eis efficienter. Secundo, quia conseruatio rei non est aliud, quàm continuata productio eius, sed quasi continua emanatione procedunt qualitates istæ à suis substantijs: ergo semper dependent ab eis efficienter, quod est efficienter ab eis cōseruari. Probatur minor simul cum consequentia, quia quoriescumque aliqua pars, vel gradus earumdem qualitatum exstinguitur ab agente contrario, itatim eo separato incipit emanare ab eadem substantia.

Secundum, quod asserimus est, adhuc hoc supposito maiorem esse actiuitatem actualem passi, quàm resistantiam formalem actualem agentis, & ideo posse adhuc reagere passum in ipsum. Probatur primo euidenti experientia; nam euidentem est calidum vt tria, vel vt quatuor applicatum aquæ aliquid agere in eam, & plus acturum si cum ea se penetraret: ergo maior est actiuitas actualis eius formali resistantia frigiditatis aquæ, etiam si à substantia aquæ efficienter conseruetur. Probatur consequentia, quia si non esset maior, nulla posset actio sequi: nam vt superius probauimus à proportionem minoris inæqualitatis non potest actio prouenire. Deinde probatur ratione, quia si propter conseruationem effectiuam summi caloris à substantia ignis, & summæ frigiditatis à substantia aquæ maior esset resistantia formalis passi, quàm actiuitas agentis, vt asserit prima sententia opposita, euidenter sequitur, non solum reactionem passi in agens contrarium esse impossibilem, sed omnem actionem inter quæcumque contraria, quod est absurdum. Probatur consequentia: nam si resistantia formalis actualis contrarij maior est actiuitate alterius, quia forma passi non solum resistit resistantia formali ratione impossibilitatis, quam habet cum forma agentis, sed quia conseruetur effe-

tur effectiue à propria substantia, cum hoc sit semper verum, & necessarium in agentibus per primas qualitates sibi proprias, qualia sunt elementa; sequitur semper in his verum esse, quod plus resistat passum, quàm agens agat; & ex consequenti impossibilem esse actionem. Probatur consequentia, quia si plus resistit: ergo non potest superari ab agente, neque ab eo pati; nam eo ipso, quod patitur aliquid ab alio, evidens est su-
 157 perari, & vinci ab eo. Ex quibus ad formam argumenti principalis neganda est minor, quod maior sit resistentia formalis agentis per propriam formam conservatam effectiue à propria substantia, quàm actiuitas passi ad reagendum: nam cum forma agentis solum resistat passo reagenti, per illum gradum necessariò expellendum, etiam si conservetur secundum eundem gradum effectiue à propria substantia; cum passum reagat per totam latitudinem intensiōis suæ formæ: maior erit actiuitas, quàm resistentia, quia maior est virtus agendi totius intensiōis formæ, quàm resistentia formalis vnius gradus qualitatis contrariæ, etiam conservati à propria forma substantiali, vt per se est manifestum. Et propterea à proportionem maioris inæqualitatis sequitur reactio.

Ad primum argumentum secundæ opinionis neganda est consequentia, quod ex reactione sequatur actionem inter contraria esse impossibilem. Et cum dicitur agens naturale prius agere in proximum, quam in remotum, distinguendum est: nam si proximum, & remotum se teneant ex parte medijs, vel passi, verum est, quia neque actio potest peruenire ad posteriorem, siue remotiorem partem medijs, vel passi; nisi per priorem, aut proximiorē: si vero intelligatur de partibus eiusdem agentis, falsum, quia agens neque in medium, neque omnino in passum agit transmittendo actionem ad vnā partem proprii corporis per aliā vsque ad ultimā, & per illā ad passum; sed per omnes simul vnitas per modum vnius agentis agit immediate in medium extrinsecum, vel in passum sibi approximatum; & ideo licet aliqua pars agentis sit affecta aliquo gradu qualitatis contrariæ, non est necessarium, quod agēs prius agat per alias partes proprias in illam ad expulsionem talis gradus, quàm agat in passum, vel medium extrinsecum: nā illa pars non est sibi medium agendi in passum, sed immediate agit in illud per omnes ad
 158 modum vnius agentis concurrentis. Gratia exempli, si aliqua pars aquæ sit calefacta vno gradu caloris, & ei approximetur aliud calidum, in quo possit agere, non est necessarium quod prius expellat à se vnum illum gradum caloris, quam agat in calidum extrinsecum, quia non agit in illud transmittendo actionem

nem per partē illā calefactam, sed per illam, & alias vnitas per modum vnus agentis frigidi immediatē agit : post actionem vero in calidum, illo iam superato , vel separato expellet omnino gradum illum caloris ab illa parte virtute propriæ substantiæ, à quā emanabit gradus frigiditatis amissæ. Et ita non impeditur aqua ab illa parte calefacta, quin possit agere in calidum sibi approximatum. Huic solutioni addo aliā, quod etiā si pars proxima aquæ posset agere in eādē partē calefactam ab igne per repassione, impeditur tamen ab eodē igne reagente; vnde propter hoc impedimentum non expellitur ab illa gradus caloris ei impressus, quamdiu durat actio, & reactio, nec proinde mouetur motibus contrarijs. Eodem modo respondendum est ad posteriorem experientiam secundi argumenti de calido agente in frigidum, & habente vnā partem tantum intra sphaeram actiuitatis eius, sed totum ipsum; frigidum intra propriam contentum, vt consideranti est manifestum.

Solum restat soluendum secundum argumentum. Quantum 159 ad priorem eius partem, in qua adducitur alia experientia de medio extrinseco, nempe aëre, per quem ignis agit in aquam. Ad cuius solutionem tamquam certum, præsupponendum est actionem, & reactionem non dari, nisi inter vltimum agens, & passum : vltimum vero agens est illud, quod immediatē tangit passum, & ideo solum immediatum agens repati potest. Ita docet expresse Aristoteles text. 53. huius libri ; quod probauit in sanatione; nam medicus, inquit, per artem sanat infirmum, sed nihil repatur in actione sanandi, quia ipse per se non tangit passum, sed medicamentum tangens per se repatur. Vnde sequitur impossibile esse, quod agens per medium repatiatur à passo, nisi simul cum medio per modum vnus agentis agit in ipsum; tunc enim immediatum, & vltimum agens erit, & ideo repati poterit. Hoc igitur supposito, argumentum affert exemplum de igne agente in aquam medio aëre. Vt autem vniuersalis sit solutio de omni agente per medium, notandum est; medium tribus modis se habere posse, nam vel nudum est vtraque qualitate contraria, per quam duo corpora agunt, & patiuntur; vel vtraque affectum est, vel altera tantum : & primum non est naturaliter possibile propter ordinem, ac dispositionem corporum naturalium simplicium, qualia sunt elementa : vel mixtorum, quæ ex eis componuntur, aliqua enim qualitate contraria, vel vtraq; necessario debet affici. Si vero daretur supernaturaliter casus, in quo corpus medium neutram qualitatem contrariam haberet, sed vtriusque esset capax (quod ad actionem, & reactionem necessariū est) tunc vtrūque extremū, nempe agens, & passum

160 & passum agerent simul in medium, quousque in eo producerent utramque qualitatem, in tota ea intensiōe, in qua non sunt impossibiles in eodem subiecto, vel in eadem parte eius; nam secundum hos gradus intensiōis non se expellunt ab eodem subiecto, vel eius parte; & toto tempore, quo agunt simul in medio, neutrum extremum repatitur ab alio, quia neutrum est agens vltimum, vel immediarum in aliud; sed ad summum repatentur aliquid à medio incipiente habere utramque qualitatem, & per singulas poterit aliquid reagere in utrumque extremum contrarium. Itaque toto hoc tempore mouebitur medium motibus non contrariis simpliciter, sed secundum quid, quod non repugnat; quia sicut qualitates contrariarum in tali gradu non sunt impossibiles in eodem subiecto, ita nec motus, per quos producuntur, quia contrarietas motuum ex contrarietate terminorum desumenda est, & ex consequenti compossibilitas eorum in eodem subiecto: sicut ergo termini non sunt impossibiles in eodem gradu, ita nec motus. Postquam verò medium peruenerit ad hos gradus, neutrum extremum circa illud agere poterit: sed quodlibet cum eodem medio sibi coniuncto, in quantum propria qualitate affecto per modum vnius agentis agat, vel reaget immediatè in aliud; & tunc patet non sequi quòd mediū moueatur simul motibus contrariis, quia nō datur actio per mediū, sed solum immediata vnius extremi in alterū: medium vero per diuersas qualitates coniungitur utrique, & per modum vnius agentis agit in aliud, & ab extremo potēiori nihil recipit, sed solum cum eo agit per qualitatem iam receptam, ab alio vero aliquid repatitur, & recipit, ideo non mouetur motibus contrariis, nec est possibile in casu isto, quia euidenter sequeretur simul intendi, & remitti eandem qualitatem eius, nempe calorem, vel frigus: nam si frigescit ab aqua: ergo intenditur frigiditas eius: & si simul calefit ab igne, cū latitudo gradualis vtrius qualitatis iam sit in eo adimpleta, non potest recipere calorem nouū sine expulsione, aut remissione frigiditatis, quæ ideo simul in eo intenderetur, & remitteretur: & consequenter simul erit maior, & minor: quod repugnat. Itaque totum calidum per modum vnius agentis agit in frigidum, & totum frigidum per modum vnius agentis agit in calidum. Nec est necessarium, ut totum calidum prius expellat à se frigiditatem, quam habebat mediū sibi coniunctū ad agendū, nec etiā totum frigidum expellat calorem eiusdem mediij sibi cōiuncti, quia non agit totū calidum in frigidū transmittendo actionem per suas partes ad passum, sed immediatè coniunguntur omnes partes eius ad agendum in illud: & eadē ratione totum frigidum non reagit

reagit in calidum transmittendo reactionem per suas partes; sed partes omnes simul unitæ per modum vnius agentis reagent immediate in calidum, vt superius explicatum est.

Si vero medium à principio fuerit affectum vtraque qualitate contraria, eodem modo sentiendum est; nam vel habet eas in eo gradu, vltra quem sunt iam impossibiles, & tunc nec agens, nec passum poterunt agere in mediū, vt in passum à quolibet distinctum; sed agens simul cum eo sibi coniuncto, vt habente propriam qualitatem per modum vnius agentis agat immediate in passum, & hoc cum eodem medio sibi coniuncto, vt habente propriam qualitatem per modum vnius agentis reagat in idemmet agens. Et ita etiam patet, quod si medium hoc modo se habeat non mouebitur motibus contrariis per actionem, & reactionem extremorum, sed vno tantum motu repassionis à minori contraria. Si vero eas habuerit in minori gradu poterit, tam agens, quam passum in illud agere quousque ad illum gradum perueniant qualitates ipsæ contrariæ in eo, vt in maiori intensione sint impossibiles, & non mouebitur simul motibus contrariis simpliciter, sed tantum secundum quid; & ideo possibiles simul in eodem subiecto, sicut & qualitates ad quas terminantur in eodem gradu simul esse possunt.

Et si tandem medium ita se habeat, vt vna tantum, vel altera qualitate contraria afficiatur, quo pacto se habet aer medius inter ignem, & aquam; habet enim summam humiditatem, & prope summum calorem; dicendum est ignem, & aquam posse simul agere circa ipsum, quousque intensio caloris, quæ ei deficit vsque ad octauum gradum impleatur partim per intensiorem calorem, & partim per aliquid frigiditatis ei impressum. Nam quousque impleta sit latitudo ex vtraque qualitate non necessario vnum contrarium expellit aliud; post impletam vero vtrumque extremum illud sibi coniunget, vt affectum sua qualitate ad agendum in aliud per modum vnius agentis, & ideo solum repatiatur à debiliore extremo, tamquam aliquid alterius, & solum mouebitur vno motu repassionis, non duobus, neque contrariis.

C A P V T X.

De Mixtione.

TEXTVS ARISTOTELIS.

Reliquum autem est considerare de mixtione, &c.

Brenis expositio textus.

OMnia, quæ de actione, & passione disputauit Aristot. per quatuor capita præcedentia ordinata sunt ad intelligendam naturam mixtionis; hæc verò cum sit generatio quædam vnus ex multis concurrentibus ordinatur ad intelligendam naturam generationis, quæ huius libri, & totius operis scopus est. Intentum igitur huius vltimi capitis est, inuelligare naturam mixtionis. Diuiditur autem in tres partes; prima propositis his, quæ ad intelligendam naturam mixtionis explicari debent, docet dari mixtionem in rerum natura; eam distinguens à cæteris mutationibus; refutata prius quorundam sententia mixtionem omnino negantium, & soluto eorum argumento, quo id probare contendebant. In secunda explicat modum, quo fiat mixtio ex propria sententia refutatis prius sententiis aliorum. In tertia tandem colligit, quid sit mixtum, & quid sit mixtio.

Circa primum asserit quinque esse explicanda de mixtione, vt benè eius natura intelligatur. Primum, quid mixtio sit? Secundum, quid sit miscibile, hoc est, qualia esse debeant ea, ex quibus mixtio fieri debet? Tertium, in quibusnam rebus mixtio reperitur, seu quibus conueniat. Quartum, quonam modo fiat mixtio? Postremum, an sit in rerum natura? Incipit autem hæc explicare ab vltimo, quia secundum ordinem scientificum, primum, quod ad scientiam cuiuslibet rei consequendam debet præsupponi, est rem illam esse, hoc est, esse possibilem.

Circa possibilitatem autem mixtionis non defuerunt, qui eam omnino negarent, propter hoc argumentum. Si mixtio sit possibilis, plura debent ad eam concurrere; vel ergo plura illa ita se habent, vt in mixtione ipsa permaneat vtrumque, vel vtrumque corrumpatur, vel vnum permaneat, & corrumpatur alterum: si integra permaneant, non magis dicentur misceri nunc, quam prius. Probat, quia eodem modo se habent, sicut prius se habebant; sed prius non miscebantur: ergo neque nunc miscentur. Et idem sequitur, si vnum eorum permanet, & alterum definit esse: nam manifestum est, rem actu existentem non misceri cum re non existente: si vero vtrumque desinat, multo minus verum erit, quòd misceantur; quia ea, quæ desinunt, misceri non possunt; sed ad summum dicentur corrumpi. Hoc tamen non obstante asserit Arist. possibilem esse mixtionem. Vt autem id ostendat, distinguit illam à cæteris mutationibus. Et primò, quod non sit generatio, probat hoc argumento. Quando vnum generatur ex altero, vt ignis ex ligno, nec dicimus, nec verum est, quòd ignis admisceatur ligno, vel lignum igni;

igni; sed solum, quòd vnum fiat ex altero: ergo mixtio diuersum quid est à generatione, & corruptione. Probat deinde primo, mixtionem non esse alterationem, vel augmentarionem hoc modo. Illa, quæ augentur, & alterantur integra permanent ante, & post augmentarionem, & alterationem; immo & in augmentarione, & alteratione ipsa; sed quæ miscentur non possunt integra permanere, vr probarum est: ergo mixtio non potest esse alteratio, nec augmentario. Et eadem ratione ait probari, nec accidèria misceri cum subiectis, nec inter sese, vr albedo cum corpore, aut cum nigredine, quia postquam accidens coniunctum est cum subiecto, vel cum alio accidèti in eodem subiecto salua, & integra manent, vr per se est manifestum. Supposita distinctione mixtionis à reliquis mutationibus, probat esse possibilem: quia ea, quæ sunt, alia sunt in actu, alia vero in potentia, vel in virtute: sed possibile est miscibilia, vr elementa ita concurrere ad mixtionem, vr desinant esse actu; permaneant verò in virtute, hoc est per virtutes suas, quæ sunt qualitates propriæ, per quas concurrunt ad mixtionem, vr ignis per suum calorem, & per suam frigiditatem aqua: ergo possibile erit quod misceantur ad componendum mixtum. Et hæc eadem distinctio soluit argumentum propositum: nam ea, quæ miscentur, nec permanent secundum esse actuale, neque omnino desinunt esse, sed secundum virtutem, vel potentiam: iste autem modus permanendi postea explicabitur.

In secunda parte explicat modum, quo fiat mixtio. Primo 3 quidem ex aliorum Philosophorù sententia; deinde ex propria. Duplex fuit opinio eo tempore de modo, quo mixtio fiat. Prima eorum, qui putarunt mixtionem fieri ex corporibus in tam minimas particulas diuisis, quæ licet secundum se possint esse minores, non tamen secundum apparentiam sensus; quia non potest eas ita minimas percipere: & has minimas particulas aiunt secundum se roras; vel omni ex parte ad inuicem iuxta poni, & per talem iuxta positionem permisceri, quia sensus non potest percipere separationem earum, & ideo iudicat esse permixtas. Exemplum assignare possumus in farina tritici, & hordei permixtis; nam farina non est aliud, quàm granum ita in minimas partes diuisum, aut concissum, vr eas sensus non possit discernere. Alij vero dixerunt mixtionem corporum fieri ex partibus minimis non solum secundum sensum, sed etiam secundum materiam, & substantiam ipsam, vr non sint amplius diuisibiles, nec ideo possint dari minores. Quæ quidem omni ex parte iuxta positæ dicuntur permisceri: & hoc modo dicunt tam isti, quàm illi permisceri elementa in minimas partes diuisa, aut secundum sensum raturum, aut secundum materiam, & veritatem rei. Sed utramque opinionem reiicit


Arist. primo, argumento communi aduersus vtramque, deinde singulis argumentis refutando singulas. Probat ergo vtramque esse falsam hoc modo. Si mixtio ex minimis illis partibus vicissim iuxta positis fieret, non esset vera mixtio, sed potius compositio cuiusdam acerui minorum corporum. Probatur consequentia; primo, quia licet adeo exigua sint, quodlibet permanet integrum, atque separatum ab alio secundum seum, quamuis sensus non percipiat talem separationem: ergo coaceruata potius, quam permixta dicentur. Secundo, quia iam mixtum non esset homiometon, seu homogeneous in ratione mixti, ita ut quælibet pars eius esset mixta, sicut quælibet pars aquæ est aqua: probatur consequentia, quia partes miscibilium distinctæ, & separatæ permanent, quamuis distinctio, & separatio sensu non percipiatur. Consequens autem falsum est, quia ratio mixti æquæ debet conuenire toti, & partibus, ut per se est manifestum.

- * Probat deinde primam opinionem esse falsam, quia si mixtio tantum fieret ad sensum, sequeretur respectu vnius esse mixtionem, eius videlicet, qui separationem miscibilium non perciperet, & respectu alterius acutiorem visum habentis, eamque perspicientis non esse mixtionem; quod patet esse absurdum, quia non esset mixtio vera res, sed apparens; naturalia vero non ex apparentia iudicanda sunt, sed ex vera earum natura. Probat tandem falsam esse secundam opinionem hoc modo. Corpus naturale, cum sit continuum, debet esse diuisibile in infinitum hoc est, in semper diuisibilia: ergo repugnat diuidi in tam minimas partes, quæ non sint amplius diuisibiles, alioqui ex indiuisibilibus componeretur tamquam ex partibus, quod 6. Phys. probatum est repugnare. Et etiam si tales partes indiuisibiles darentur simul concurrentes, ut asserit hæc sententia; talis concursus non esset mixtio, sed congregatio, seu coaceruatio multorum indiuisibilium.

His sententiis refutatis ostendit ex propria quonam modo fiat vera, & naturalis mixtio; ad id autem ostendendum, declarat prius, in quibusnam rebus mixtio reperiatur, aut qualia debent esse, quæ miscentur, ac distinctione præmissa, corpora naturalia quædam sunt mutuo actiua, & passiuæ, hoc est, quæ agunt in alia, & simul ab eis patiuntur, ut elementa, & vniuersaliter corpora omnia, quæ habent materiam eiusdem rationis: alia, quæ agunt quidem in alia, sed ab eis non patiuntur, ut corpora celestia. Et hæc misceri non possunt, sed illa tantum. Unde Medicinæ ars & sanitas non possunt misceri, quia licet ab illa producat hæc, non tamen ab hac patitur. Hæc autem conditio

non sufficit, sed requiritur secunda, nempe, quod facile possint diuidi, aut comminui. Vnde lapis; & ferrum non miscentur. Tertia conditio est, vt non sint magna, nec multa, sed parua quidem, & pauca: nam ex magna rerum multitudine, vel ex magnis corporibus difficile potest mixtio fieri, quia difficile alterantur. Eo autem modo, inquit, misceri debent, vt proportionem habeant secundum actiuitatem, & resistantiam, ita vt actiuitas vnius non multum superet resistantiam alterius, quia parum poterunt admisceri; sed si coniungantur; facile vnum destruet alterum, & in se conuertet, vel in res alias resolver, & ita non fiet mixtio, sed generatio, & corruptio, à quibus ostensum est mixtionem distingui; vt si gutta aquæ multis vini amphoris superinfundatur, statim in vnum conuertetur; & modo simili, dum simul liquefiunt stannum, & æs; hoc illud resoluit in vapores; ita vt nihil ferè de illo præter calorem relinquatur, quia actiuitas æris multum superat resistantiam stanni. Ex quibus colligit facilius misceri humida, quia facile diuiduntur; & sese accommodant termino alieno, nempe vasis, vel alterius rei solidæ; dummodo inquit non sint viscosa, vt oleum, mel, pinguedo; quæ quidem difficile penetrari possunt, & ideo difficile etiam admiscantur.

His explicatis, iam in vltima parte docet quid sit mistile, vel miscibile, atque etiam quid sit mistio. Miscibile ait esse illud, quod agit, & repatitur, & facile diuidi potest: mistio vero est miscibilium alteratorum vnio, & hæc in litera.



TRACTATUS DE NATURA, ET RA- tione mixtionis.

Hæc sunt disputanda de mixtione, vt natura, & ratio eius perfecte intelligatur, an mixtio sit, vel an sit possibilis? Secundo quid sit? Tertio, quomodo distinguitur à generatione, & cæteris motibus, vel mutationibus? Quarto, quæ sit causa propria, & per se eius? Quinto, an elementa maneat in mixto secundum proprias formas substantiales? Sexto, an maneat saltem quantum ad proprias formas accidentales, quæ vocantur virtutes? Cætera enim, quæ ad temperamenta mixtorum pertinent, in secundo libro disputabuntur.

QVÆSTIO I.

An mixtio sit, vel an sit possibilis.

6 PRIMò oportet explicare, quid mixtionis nomine intelligatur, vt possimus ad cætera explicanda procedere. Mixtio igitur significat actionem quamdam, per quam plura corpora confusa quadam ratione coniunguntur; vt patet dum aqua admiscetur vino: coniunguntur enim duo isti liquores confusa ratione; ita vt quamuis distincta permaneant secundum entitates reales, quamdiu vnum non conuertitur in alterum, vel vtrumque in tertium, non tamen manent separata, sed confusa ratione coniuncta, seu permixta. Mixtio autem duplex est, vt colligitur ex Aristotele capite præsentì: vna per quam multa corpora, vel multæ particulæ eorum confusa ratione coniunguntur solum secundum approximationem localem; immutata vero permanent secundum substantiam: quo pacto farina ex granis tritici, & hordei simul concissis mixtum vocatur. Et hæc est acceptio impropria mixtionis; quia aggregatum tantum ex miscibilibus vocatur mixtum; non tamen quælibet pars eius: immo separabiles sunt secundum se partes cuiuslibet corporis inter sese, vt partes tritici à partibus hordei. Ex quo plane colligitur non esse quamlibet mixtam, quia non quælibet continet partes vtriusque grani. Et hanc solam mixtionem videntur posuisse antiquiores illi Philosophi; quos refutat Arist. capite præsentì. Ideo secundo modo accipitur propriè pro vnione corporum, vel partium, ex qua media eorum alteratione, & corruptione resultat aliquid vnum substantiale distinctum ab omnibus. Quæstio igitur non procedit de mixtione impropria, quia dubium esse non potest, quin illa detur in rebus; cum videamus grana diuersæ speciei permisceri, vel confundi in eodem aggregato, integra quidem, vel in minutissimas particulas concissa. De sola ergo mixtione propria dubitamus, an detur in rerum natura, vel dari possit?

7 Et prima opinio asserit mixtionem esse naturaliter impossibile, nam licet dentur plura corpora mixta, quorum formæ substantiales postulant primas qualitates in certo gradu attemperatas pro dispositionibus, sed repugnat mixta hæc fieri immediatè ex materia elementorum, nisi prius præcedat sub alia forma mixti. Hanc opinionem citat Tolet. 1. lib. de gener. q. vltima. Probari tamen potest primo; quia, vt mixtum fiat immediatè ex elementis per veram mixtionem, necesse est elementa ipsa concurrere per se immediatè, simulque applicari ad agendum, & patien

patiendum, vt per talem actionem, & reactione se corrumpant, & in materia eorum introducatur forma mixti, sed talis concursus elementorum est impossibilis: ergo impossibilis erit mixtio. Probaturs minor, nam vel ipsamet elementa concurrent ad vnum aliquem locum per motus naturales ex propriis inclinationibus procedentes, vel ab aliqua alia causa extrinseca mota, & quasi attracta ad talem locum. Sed vtérq; modus conueniendi est impossibilis: ergo etiam mixtio. Minorem probó quantum ad primum modum, quia repugnat omnia quatuor elementa moueri ad locum aliquem determinatum propria inclinatione: nam si esset sursum, non possent moueri ad illum naturaliter grauias: si deorsum, non possent moueri lenia: & si esset medius, repugnet moueri ad illum naturaliter extrema, vt per se est manifestum. Quantum vero ad secundum modum probatur esse impossibile, quia non possunt moueri ab aliqua causa extrinseca, nisi vniuersalis: sed ab hac non mouentur: ergo à nulla. Probaturs minor: causa vniuersalis non mouet inferiora corpora, nisi pro bono vniuersali in mundo necessario requisito: sed mixtio non est necessaria pro bono vniuersali: ergo confictum prorsus est, & sine fundamento excogitare quod à causa vniuersali deducantur elementa quasi ad locum certaminis, vt in eo agant, & patiantur, ac se corrumpant. Probaturs minor ex duobus. Ex primo quidem, quia mixtio non potest esse necessaria in mundo, nisi ad productionem corporum mixtorum, sed hæc possunt sine mixtione produci, & sine interuentu elementorum ex materia aliorum mixtorum, & sic reuera producuntur, vt patet de quibuscumque mixtis viucentibus, atque etiam de non viucentibus: ergo non est villo modo necessaria. Ex secundo vero, quia si mixtio esset necessaria ad commune bonum mundi per talem concursum elementorum facienda, videremus aliquando elementa concurrere, sed numquam vidit aliquis in aliquo mundi loco elementa omnia concurrere ad mixtionem: ergo euident signum est talem concursum non esse necessarium. Probaturs minor, quia numquam vidimus super terram, vel aquam quatuor elementa in loco aliquo coniuncta: quod vero sub aquis, vel sub terra coniungantur, difficilius multo est, quia elementum ignis non potest ad loca subterranea descendere, vel in eis detineri.

Secundo, quia etiam si elementa omnia simul concurrerent, repugnat per talem concursum fieri mixtionem: ergo non est possibilis. Probaturs antecedens, quia naturaliter est impossibile quod in tali proportionem applicentur, in qua non corrumpatur aliquod eorum à suo contrario, prius quam alia, cum tam diuersa sit actiuitas, & resistentia eorum: ergo naturaliter

est impossibile, quod simul omnia se corrumpant, ut in materia eorum succedat forma mixti.

Secunda sententia tenet mixtionem propriam esse naturaliter possibilem; atque etiam dari in rerum natura: Ita Aristoteles expresse capite præsentis, & omnes eius interpretes: ita etiam omnes fere scholastici Doctores in 4. dist. 12. & 13. & Diuus Thomas non solum his locis sed 3. p. q. 77. art. 8. ubi supponunt diuerfos liquores, & contrarias qualitates habentes in ea quantitate misceri posse, ut ita vnum agat in alterum, & ab eo repatiatur, quod neutrum conuertat in se alterum: sed dum ad certas dispositiones materia vtriusque peruenit, disconuenientes quidem naturæ vtriusque, sed conuenientes formæ alicuius tertij formam huius in eam introduci, & tertium mixtum ex utroque generari, & hæc est vera, & tenenda. Quam his tribus conclusionibus explico. Prima est, naturaliter loquendo numquam dari mixtionem ex concursu omnium elementorum factam, hanc tenent omnes fere recentiores, & eam sic probo, quamuis tria elementa, nempe ær, aqua, & terra possint naturaliter congregari ad generationem mixti, repugnat tamen congregari ignem siue in terra, siue in ære: ergo numquam datur mixtio per congregationem quatuor elementorum. facta. Probaturs antecedens, quia ad aquam, & terram non potest naturaliter descendere ignis, cum motus deorsum sit contra inclinationem eius; & eadem ratione, neque ad locum æris: quod vero dicitur à causa vniuersali adduci ignem etiam per motum deorsum: sine fundamento dicitur; quia talis descensus non est necessarius ad bonum commune vniuersi, cum constet sine igne posse mixta generari per calorem Solis: ergo non fit à causa vniuersali. Probaturs consequentia, quia vniuersales cause non mouent corpora sublunaria contra propriam inclinationem; nisi forte pro bono vniuersali necessarius sit talis motus, ut ad impediendum vacuū; nec in ipsis corporibus potest poni inclinatio aliqua ad tales motus, nisi forte in ordine ad eundem finem finit necessarii. Quod vero fulgura descendere videamus, non probat ignem descendere, sed solum ignitā exhalationē: hoc est calidissimā, quæ non est ignis elementaris, sed mixtum quoddam, sicut etiam flamma (quam vulgo ignem vocat) ut docet expresse Arist. 1. Meteor. summa 2. c. 1. non est ignis, sed fumus acoensus.

- 10 Secunda assertio, si quatuor elementa per diuinam virtutem congregarentur in vnum locum in certa, ac determinata proportionē, atque in particulas diuisa: verē, & propriē commisceri possent, & per mutuam actionē, & reactionem ad talē gradum dispositionū peruenire, ut omnia corrumpere, & in materia eorum

eorum noua forma mixti introduceretur iuxta exigentiam talium dispositionum. Probat^{ur} ratione, & experientia: Ratione quidem, nam talis dispositio conueniens formæ mixti nulla ratione efficaci probatur impossibilis; immo ex multis combinationibus primarum qualitatum secundum diuersum gradum, & proportionem earum, vna, & plures dari possunt, quæ formæ alicuius mixti, vni, vel alteri elemento magis simili, quàm aliis naturaliter conueniat: & ex alia parte ita sit disconteniciens omnibus formis elementorum vt cum ea non possint in suis materiis conseruari. Tunc ergo naturaliter consequitur in materiis omnium sic dispositis talis forma mixti, & in ea vniuntur ad compositionem eius. Experientia verò probatur, quia videmus ex aqua, terra, & aëre simul concurrentibus generari imperfecta animalia, atque etiam vapores, & exhalationes, de quibus suo loco ostendemus non esse elementa substantialiter, sed mixta: ergo sicut duo, vel tria hæc elementa concurrere possunt ad propriam mixtionem, ita proportionata secundum actiuitatem, & resistentiam, vt per mutuam actionem, & reactionem sese corrumpant, & talis dispositio ex hoc relinquatur in eorum materiis, quam naturaliter consequatur forma mixti; ita poterunt concurrere quatuor, si adeo applicentur. Quare mixtio ex concursu omnium elementorum possibilis censeri debet, quamuis non concurrant omnia naturaliter.

Tertia assertio, non solum est possibilis mixtio naturaliter ex concursu duorum, vel trium elementorum, sed sæpe datur. Hanc probat experientia adducta de generatione animalium imperfectorum ex putrefactione terræ, & concursu aquæ, & aëris: quam videmus fieri vigente pluuiâ æstiuo præsertim tempore: atque etiam de generatione vaporum, & exhalationum ex aëre, & terra permixtis. Probat^{ur} deinde ex mixtione liquorum, vt aquæ, & vini, de quibus satis probabile est, vt inferius ostenderetur, sic misceri posse secundum quantitatem, & qualitatem, vt neutrum in se conuertat alterum, sed ambo conuertantur in tertium per mutuam actionem, & reactionem, non quidem statim, sed post aliquod tempus: quorum mixtio satis propria est, cum ei conueniant omnes conditiones ab Aristotele assignatæ. Vtérque enim liquor verè, & propriè miscibilis est, & quodlibet permeat, vel peruat alterum, cumque alterat, & tandem vniuntur in eadem forma mixti superuenientis expulsi proprii: permanentque in eodem mixto genito non secundum actum, sed secundum aliquam virtutem propriam. Probat^{ur} tandem alia experientia aquæ, & terræ, atque etiam aëris, ex quibus simul concurrentibus, & per mutuam actionem,

& reactionem corruptis generatur alimentum plantarum, quod est succus quidam, ex quo aluntur, qui absque dubio diuersam habet naturam ab eis, & ideo non est elementum, sed mixtum: ergo non solum est possibilis mixtio propria, sed saepe datur in natura rerum. Et iuxta has condiciones intelligi debet sententia Aristotelis, & communis: numquam enim Aristoteles dixit omnia elementa simul concurrere ad mixtionem, sed indefinite locutus est; intelligens omnia, vel saltem plura concurrere, & ex eis mixtionem fieri, atque etiam ex vno elemento, & alio corpore mixto, aut etiam ex pluribus mixtis seruatis propriæ mixtionis legibus. Et ex his assertionibus constat solum esse primum argumentum pro contraria opinione positum: probat enim de solo igne non posse naturaliter descendere ad loca aliorum elementorum, nec talem descensum esse necessarium, quod prima assertio nostra concedit.

- 12 Ad secundum negandum est anteeedens, quod repugnet in tali quantitate, & proportionem applicari elementa secundum actiuitatem, & resistentiam, quod non prius corrumpatur vnum, quam cætera, nam cum tanta sit latitudo intensiōis in qualitatibus elementorum, & tot possint combinationes ex eis fieri secundum diuersas proportionem actiuitatis, & resistentiæ singulorum, facile intelligitur, quod sic possint applicari, ut omnia corrumpantur simul, & materiæ eorū permaneant dispositæ pro forma mixti introducenda, in qua vniantur substantialiter.

QVÆSTIO II.

Quidnam mixtio sit, & quomodo distinguatur à generatione, & cæteris mutationibus?

- 13 CItrea primum de quidditate mixtionis Aristoteles capite præsentis in fine, ita eam definit, *Mixtio est miscibilem alteratorum unio*. Quam definitionem vitiosam esse affirmat Scaliger exercitatione tertia, idque probat duplici argumento. Primo, quia vitium definiendi est ignotum per aliud non minus ignotum explicare, hoc enim modo numquā poterit cognosci definitum; sed ita explicat Aristoteles sua definitione mixtionem: ergo vitiosa erit. Probatur minor, quia mixtionem definit per miscibile ita incognitum sicut eadem mixtio. Secundo, quia in tali modo definiendi committitur vitiosus quidam circulus: ergo vitiosus censeretur debet. Anteeedens probatur, nam mixtio definitur per miscibile, & miscibile non potest definiri, nisi per eandem mixtionem: ergo committitur circulus vitiosus. Probatur con-

consequentia, quia de primo ad vltimū sequitur idē per semetipsū definiri: quia si mixtio definitur per miscibile, & hoc rursum per eandem mixtionem: ergo mixtio definitur per seipsam.

Nostra tamen sententia est, definitionem mixtionis traditam ab Aristotele esse bonam. Ita sentiunt omnes eius interpretes in eodem capite, & ex eius explicatione probabitur. Notandum igitur est tria reperiri in mixtione. Primum est localis coniunctio eorum, quæ miscenda sunt, vt liquorum, aut elementorum, in quorum congregatione quodlibet interfecat aliud secundum suas partes; quod necessarium est ad perfectam mixtionem. Secundum est mutua eorum alteratio, nam cum contraria sint, & sibi inuicem approximata, vicissim quoque agunt, & repatiuntur, actio autem, & reactio alterationes sunt, per quas singulorum materiæ disponuntur in eo gradu, & proportionē, quam requirit forma mixti introducenda, & quæ sufficit ad corruptionem eorum. Ideo sequitur introductio formæ mixti, & hæc est tertium, atque præcipuum, quod in mixtione includitur, & ad quod duo alia ordinantur. Hæc autem introductio formæ mixti dicit vnionem substantialē elementorum secundum materias proprias, quæ est quædā substantialis continuatio per propria indiuisibilia, atq; per quam ex omnibus fit vna numero materia. dicit præterea vnionē huius materiæ continuatā eum forma substantiali mixti, quæ in ea introduceitur, & ex hac vnione resultat mixtum per se primo productū per mixtionem tamquam proprius terminus eius. Et hæc tria explicuit Aristoteles tribus verbis, quibus continetur definitio eius, ait enim, *Mixtio est miscibilium alteratorum vnio*, id est, substantialis coniunctio miscibilium, quæ congregantur localiter, & disponuntur per alterationem. Vnio autem substantialis eorum per proprias materias mutuis alterationibus dispositas, & eadē forma mixti informatas dicit productionem substantialem mixti. Hanc autem explicationē Aristotelis sic possumus ad formam definitionis reducere: *Mixtio est mutatio substantialis, per quam producit corpus mixtum ex miscilibus congregatis, & per mutuat alterationem dispositis, atque corruptis.* In qua definitione tria ponuntur, nempe mutatio substantialis: & terminus à quo, & ad quem eius: terminus ad quem est corpus mixtū per eam productum: terminus verò à quo sunt miscibilia congregata per alterationē disposita, atque corrupta: non enim sufficeret quomodoque disponi, vel alterari, nisi per talem alterationem, & dispositionem corrumpere, vt sic posset in earum materiis vniri forma mixti introduci. Pro genere verò eiusdē definitionis ponitur. *Mutatio substantialis*, vt per eam censcantur exclusæ

omnes mutationes accidentales, vt sunt alteratio, augmentatio, atque etiam productiones substantiales, quæ non sunt mutationes, vt creatio alicuius substantiæ. Per secundâ particulam, nempe, *Corpus mixtum*, excluduntur generationes elementorû, quæ quotidie fiunt, dum vnum elementum aliquâ partem alterius in se conuertit. Per reliquas verò particulas excluduntur generationes aliæ mixtorû corporum, quæ ex alijs mixtis sine congregatione aliqua, vel alteratione miscibilium corporum producuntur, vt sunt generationes viuientium ex semine productorum, atque etiam non viuientium, quæ ex materia alterius mixti simpliciter generantur: licet enim hæc omnia verè sint corpora mixta, in quibus virtute, vel potentia continentur elementa; productio tamen eorum non est mixtio saltem secundum totalem, & completam rationem eius per hanc definitionem explicatam ab Aristotele.

Ex hac autem explicatione possumus colligere argumentû, quo probatur bonam esse definitionem Aristotelis hoc modo. Bona definitio est ea, per quam explicatur natura definiti, & distinguitur à quibuscumque alijs; sed talis est definitio Aristotelis, vt ex prædicta explicatione patet, per quam exclusæ sunt omnes aliæ actiones, & mutationes tam substantiales, quam accidentales: ergo non debet vitiosa appellari, sed bona.

- 16 Ad primum argumentum oppositæ sententiæ neganda est minor, quod mixtio definiatur ab Aristotele per aliquid ignotum, quia prius quam mixtionem definisset explicuit quidnam miscibile sit, vnde iam notum erat dum per illud definita est mixtio. Ad secundum respondent aliqui mixtionem, & miscibile esse relatiua; in relatiuis vero nullum esse inconueniens, immo & necessarium, quod vnum definiatur per alterum. Sed alijs non placet hæc solutio, quia etiam in relatiuis magnum est inconueniens, vnum definiri per alterum, cum sequatur vitiosus circulus, atque etiâ nugatio, & inutilis repetitio, vt in Dialectica probatur. Ideo respondent ipsi, miscibile duobus modis sumi, sicut & mixtionem, propriè quidem, & impropriè. Miscibile propriè sumptum est illud quod cum alijs potest congregari, & à suo contrario alterari, atque corrumpi, atque etiam illud alterate, & corrumpere: sic enim fiet ex utroque tertium, quod vocatur mixtum. Impropriè vero sumitur miscibile, pro corpore, quod cum alijs potest congregari, atque confundi modo tantum locali per iuxta positionem: quemadmodum congregantur triticum & hordeum ad exiguas partes redacta in farinam. Hoc supposito dicunt Aristotelem definisse mixtionem propriam per miscibile non propriè sumptum, quia hoc modo relatiuum eius

eius est, & vnum relatiuum non potest definiri per alterum, sed per miscibile sumptum improprie, quo pacto non refertur ad mixtionem propriam per eum definitam, sed ad impropriam, & ideo bene Aristoteles explicuit mixtionem propriam per miscibile improprium, non definiendo vnum relatiuum per alterum, vt illa inconuenientia fugeret. Hæc tamen solutio supponit falsum, & Aristoteli contraria est, supponit quidem falsum, quod vnum relatiuum non possit definiri per alterum, cuius oppositum probauimus in prædicamento ad aliquid. Quod vero sit contra Aristotelem probo, ex verbis eiusdem definitionis ab Aristotele traditæ, quæ ita ait: *Mixtio est miscibilium alteratorum unio*. Ex qua ita arguo: Miscibile proprie sumptum est corpus, quod cum alijs congregatur, non solum secundum locum, & iuxta positionem quantitatis, sed per veram alterationem, per quam se corrumpunt, & ex eis generatur mistum, sed euidenter hoc modo sumi in verbis definitionis: ergo euidenter falsum est dicere quod improprie sumatur. Probatur minor ex illo verbo. *Miscibilium alteratorum*, id expresse significante, nam impropria, miscibilia, vt grana tritici, & hordei non miscentur per alterationem.

Respondeo igitur Aristotelem sine vilo vitio potuisse definire miscibile proprie sumptum per mitionem: sicut definiuit mitionem per miscibile. Nihilominus non est vsus, hac in parte tali modo definiendi, sed gratia maioris claritatis voluit definire miscibile proprie sumptum, per alias conditiones materiales, quas sequitur denominatio miscibilis, & per quas melius innotescit, nempe quod sit facile terminabile, & actiuum, atque passiuum. Quo supposito, manifestum est, nihil probare argumentum, cum supponat Arist. definisse mixtionem per miscibile: & rursus idem miscibile per mixtionem.

Quomodo distinguatur mixtio à generatione, & cæteris actionibus, & mutationibus.

Circa secundum, quod quaesuit titulus quaestionis de distinctione mixtionis à generatione, & cæteris mutationibus, diuerso modo loquuntur recentiores. Nam quidam asserunt mixtionem differre à generatione tamquam species à genere. Ita Conimb. c. præsent. q. 2. art. 2. quod asserunt colligi ex doctrina Arist. 4. lib. Metheo. c. de putredine. Alij vero affirmant differre accidentaliter per alterationem miscibilium positam in eius definitione, quod sic probant, mixtio essentialiter sumpta solum dicit generationem corporis mixti: alteratio vero præcedens, quæcumq; illa sit, quamuis necessaria ad generationem, non tamen pertinet ad essentiam eius, sed accidentaliter se habet ad illam

ad illam; sed per alterationē miscibilium præcedentem introductionem formæ mixti distinguitur mixtio à quacumque alia generatione substantiali; ergo solū distinguitur accidentaliter.

Vt autem nostram sententiam explicemus adnotandum est primò, mixtionem vnum importare quasi de formali, & per se significato; aliud vero, quasi de materiali & connotato. De formali importat introductionem formæ substantialis sua natura postulantis pro dispositionibus quatuor qualitates elementorum ad certam temperiem reductas. Et in hac ratione formali conveniunt omnes generationes mixtorum corporum, siue fiât ex elemētis alteratis, & corruptis, siue simpliciter ex quouis corpore mixto. De materiali vero, & connotato dicit concursus aliquorum miscibilium, siue sint elementa, siue mixta, vt patet de propria mixtione liquorum habentium qualitates contrarias. Et ab hoc materiali significato, vel connotato sumit mixtio propriam denominationem; nam ex formali significato appellatur generatio mixti, non tamen mixtio; sed denominationem mixtionis sumit ex concursu miscibilium alteratorum, & corruptorum, in quorum materia introducitur forma substantialis mixti.

- 23 Secundo notandum est, corpus mixtum, vt tale est, duobus etiam modis considerari posse; primo ex parte formæ substantialis, quæ ex eo vocatur forma mixti, quia ex propria essentia, & natura petit qualitates elementorum pro dispositionibus; & ex hac parte distinguitur quodlibet corpus mixtum ab omnibus, & singulis elementis: & quia distinctio hæc non est solum ex parte dispositionum, quæ sunt accidentia, sed ex parte formæ substantialis secundum suam essentiam eas postulantis, essentialiter distinguitur corpus mixtum à corpore simplici, hoc est elementari, quia hoc non petit quatuor qualitates contrarias pro dispositionibus; sed duas tantum, & inter sese non contrarias, vt aqua frigiditatem, & humiditatem. Secundo consideratur ex parte earundem dispositionum: & hoc modo consideratum non distinguitur essentialiter à simplicibus, sed solum accidentaliter.

Quibus suppositis, nostra sententia, & communis tribus assertionibus explicatur. Prima est, mixtionem essentialiter sumptam distingui à generatione elementorum, quasi distinctione generica. Genericam autem voco hanc distinctionem, quia sub quolibet membro eius continentur plures species. Probaturo vero hoc argumento. Mutationes distinguuntur specie athonia, vel subalterua per terminos ad quos per se ordinantur eodem modo distinctos; sed corpus mixtum essentialiter distin

distinguitur ab elementari specie subalterna continente sub se plures species corporum mixtorum: ergo mixtio per se ad illud ordinata distinguetur genere, vel specie subalterna à generatione elementi per se ordinata ad illud sub quo plures etiam species elementorum continentur.

Secunda assertio, mixtio eodem modo considerata non distinguitur essentialiter à generatione vnius mixti ex altero. Probat ex Aristotele 5. lib. Phys. cap. 2. vbi omnes mutationes reducit ad quatuor genera, nempe ad generationem, augmentationem, alterationem, & lationem; sed mixtio est mutatio: ergo sub aliquo ex his generibus contineri debet. Non sub tribus ultimis: ergo sub primo, quod est generatio. Quare non distinguitur essentialiter à generatione. Probat deinde ratione; primo, quia ratio essentialis mixtionis sumitur à forma substantiali producta, in quantum sua natura postulat qualitates contrarias elementorum pro dispositionibus; sed hæc ratio cõmunis est productioni cuiuslibet mixti, siue ex miscibilibus, vel ex alio corpore mixto: ergo ex hac parte nõ possunt distinguì essentialiter, quia communis ratio non distinguit essentialiter illa, quæ sub ea conueniunt sed solum distinguuntur specie diuersæ generationes mixtorum ex diuersis formis substantialibus mixtis, atque ex diuersis corporibus mixtis per eas productis. Secundo, quia si mixtio differt specie à generatione, per quam producit mixtum eiusdem formæ specificæ, maximæ propter diuersum modum tendendi in formas eiusdem speciei, quia illa tendit media commixtione elementorum; hæc vero sine illa: sed hic modus tendendi est accidentalis: cum solum se teneat ex parte elementorum, vt sunt materia mixti, & differentia ex parte materiæ indiuidualis sit accidentalis: ergo non potest constituere essentialem differentiam.

Tertia assertio, mixtio considerata ex parte termini à quo, atque etiam ex parte materiæ, nempe ex parte miscibilium alteratorum concurrentium ad illam, distinguitur à generatione quacumque siue elementi, siue mixti ex alio mixto solum distinctione accidentali. Probat, quia talis concursus, miscibilium alteratorum non pertinet ad substantiam mixtionis desumptam ex solo termino, ad quem per se ordinatur, qui est forma substantialis mixti, & mixtum ipsum per eam essentialiter constitutum: ergo non potest constituere distinctionem essentialem, sed solū accidentalem. Secundo, quia quod corpus mixtū fiat ex hac, vel illa materia sublunari, non variat essentiam eius, quā solum cõstituit, & distinguit ab alijs forma substantialis: ergo mutatio ipsa, per quam producit non erit distin

distincta essentialiter propter eandem materiam diuersam ; & consequenter, nec propter concursum miscibilium, sub quorum forma præcessit ? Et iuxta has conclusiones, in quibus ferè omnes recentiores conueniunt intelligi debet Aristoteles, dum distinguit mixtionem à generatione, & cæteris mutationibus.

- 26 Sed quamuis hæc ita se habeant, simpliciter, & absolute loquendo pronuntiandum est, mixtionem distingui à quacunque generatione, siue sit elementi, siue mixti ex alio mixto. Et ratio huius est manifesta, quia mixtio accipit denominationem à materiali, & connotato, nempe à concursu miscibilium alteratorum, & ideo nomine mixtionis non significatur quæcumque generatio mixti ex alio mixto, sed solum ea, quæ sit ex vnione miscibilium, atque ex materia eorum, & ideo Aristoteles volens definire mixtionem, non solum formalem, atque essentialem rationem eius considerauit, sed etiam materialein, & quasi connotatam, per quam formalis, & essentialis intelligitur ; & vtramque posuit in definitione, primam sub vltimo verbo eius, nempe *Vnio*, postremam, duobus aliis, videlicet *Miscibilium alteratorum*, modum definiendi obseruans, quem obseruare solet in definiendis accidentibus in abstracto per proprium genus, & per subiectum, vel materiale connotatum loco differentię; vt si definiretur albedo, quod sit forma constituens corpus album. Conueniens etiam fuit sic definire mixtionem, vt clarius posset distingui non solum à generatione elementorum, sed à generatione vnus mixti ex alio : hæc enim licet sit productio corporis mixti, non est mixtio: cum notum sit definitionem ei non conuenire.

Q V Æ S T I O I I I.

Quenam sit causa per se, & immediata mixtionis?

- 29 **P** Ræsupposita iam possibilitate naturali mixtionis, & explicata definitione eius, per quam à cæteris mutationibus distinguitur, causam eius efficientem per se, & immediatam querimus, à qua fiat. Et prima opinio quorundam recentiorum asserit non esse querendam aliam causam per se, præter miscibilia ipsa, à quibus producitur forma mixti hoc ordine, vt cum non informantur simul omnes partes materiæ eorundem miscibilium à forma mixti, quæ introducitur, sed prius quædam, deinde aliæ, in his partibus, quæ informantur prius, produçatur forma mixti efficienter à formis miscibilium existentibus in aliis partibus materiæ; in aliis vero partibus, quæ postea infor-

mat,

mat, producat^{ur} ab eisdem partibus formæ mixti iam informantibus partes priores; & sic in tota materia miscibilium ab aliis, & aliis partibus eiusdem formæ mixti de nouo informantibus. Nec sequitur, inquiunt, quod effectus sit perfectior sua causa: nam licet forma mixti sit perfectior singulis formis elementorum, non tamen omnibus simul sumptis, à quibus primo producit^{ur}, hoc est, in prioribus partibus materiæ. Nec etiam sequitur, quod idem sit causa propriæ corruptionis, nam diuersæ sunt partes formarum miscibilium, à quibus producit^{ur} forma mixti in prioribus partibus materiæ, à partibus earumdem formarum expulsis, vel corruptis; quare solum sequitur quasdam partes formarum miscibilium esse causam corruptionis aliarum partium earumdem formarum, à quibus realiter distinguuntur; & ideo diuersæ sunt res, quæ causant corruptionem aliarum. Et tandem non sequitur, quod forma mixti producat^{ur} à re non existente, nam partes illæ formarum miscibilium, à quibus produciuntur priores partes formæ mixti, non corrumpuntur eodem tempore, sed sequenti, & ideo veram existentiam habent, dum actu causant.

Probatur hac ratione, in effectibus naturalibus, qui passim 30 produciuntur in his inferioribus in specie, & in indiuiduo determinatis, non est recurrendum ad causas vniuersales, sine vrgenti necessitate, sed particulares, ac determinatæ debent eis assignari; sed mixta, quæ produciuntur per concursum elementorum sunt determinati effectus in specie, & in indiuiduo, vt per se est manifestum: ergo à causis particularibus debent per se immediate produci, & non ab vniuersalibus. Non est autem assignabilis alia causa particularis, à qua producantur præter miscibilia ipsa, quibus talis effectus tribui potest; vt ostensum est: ergo eis tribuendus est, & non causis vniuersalibus, à quibus non est in hoc casu recurrendum.

Hæc tamen sententia apertè falsa est, quamuis probabilis iudicetur à Tolet^o qu. vlt. huius lib. quantum ad mixta non viuentia. Probatur primo, quia cuiuslibet effectus per se intenti à natura debet dari causa per se immediata; sed mixtum, quod producit^{ur} per concursum miscibilium est, effectus per se intentus, & productus à natura: ergo debet habere causam per se immediatam. Sed miscibilia non possunt esse causa per se illius, vt asserit prædicta sententia: ergo falsa erit. Probatur minor, quia quodlibet agens naturale applicatum passo per se intendit illud sibi assimilare, sicut per se intendit producere sibi simile: ergo dum miscibilia concurrunt ad agendum, & patienti- dum, quodlibet intendit conuertere in se suum contrarium, &

per talem conuersionem producere sibi simile in sua specie, vt ignis ignem, & aqua aquam. Mixtum verò, quod ex concursu omnium sequitur, est distinctum specie ab omnibus, & singulis: ergo non intenditur per se ab aliquo eorum, nec ab omnibus; sed per accidens sequitur respectu eorum, cum sequatur præter intentionem; quare repugnat produci ab eis tamquam à causis per se.

- 31 Probatut secundo, quia sæpe contingit mixtum productum ex concursu elementorum esse corpus viuens, vt dum produciuntur per concursum aquæ, terræ, & aëris imperfecta quædam animalia: sed elementa non possunt esse principalis causa corporis viuents, cum sit essentialiter perfectius, non solum singulis, sed etiam omnibus simul sumptis: ergo repugnat miscibilia esse causam principalem mixtionis, aut mixti per eam producti, sed ad summum poterunt esse instrumenta vniuersalium causatum per se illud producentium. Et hoc idem argumentum videtur conuincere in quibuscumque mixtis etiam non viuentibus; nam quodlibet mixtum virtute continet omnia elementa: ergo perfectius est singulis, atque etiam omnibus. Probatut consequentia, quia id, quod sua virtute continet aliud, præsertim si sit alterius speciei essentialiter debet esse perfectius illo; sed mixtum est alterius speciei ab elementis, & virtute ea continet: ergo est perfectius singulis, & omnibus; quare repugnat esse effectum eorum, vt causæ præcipuæ eius.

Secunda opinio tenet, causam præcipuam, atque per se mixtionis, & mixti producti non esse miscibilia, neque aliquā aliam particularem, sed disposita materia pro forma mixti per actionem, & reactionem eorumdem miscibilium introduci in eam per actionem causæ vniuersalis. Ita Albertus Magnus tractat 6. cap. 4. & lib. 2. de animalibus tractat. 1. cap. 8. D. Thomas in commentariis huius decimi capitis, Toletus quæst. vltima huius libri, & omnes ferè recentiores. Et hæc est vera, & tenenda. Probatut hac ratione. Mixtio, & corpus mixtum debet habere causam per se, à qua procedat; sed causa per se non sunt miscibilia, vt probauimus, nec est excogitabilis alia sublunaris: ergo necessario recurrendum est ad Solem, & alias cœlestes virtutes, à quibus tamquam à causis per se procedat. Hæc autem

- 32 sententia sic probata, hac distinctione explicanda est. Mixta, quæ ex concursu miscibilium produciuntur in rerum natura sunt in duplici differentia; quædam viuentia, licet imperfectissima: (nam viuentia perfecta, licet sint mixta corpora, non produciuntur per mixtionem, sed per generationem ex alio mixto, nempe ex semine decissa ab alio viuente) alia non viu-

uentia,

uentia, vt lapides, metalla, & his similia. Et mixtio, per quam procedunt viuentia, non est reducenda in corpora cœlestia tamquam in causam principalem, quia viuens quodcumque perfectius est illis essentialiter, & ideo non possunt attingere productionem eius tamquam præcipua causa, quia hæc perfectior debet esse suo effectu, si sit æquiuoca, vel æquè perfecta, si sit vniuoca: quare necesse est, talem mixtionem, eiusque effectum Deo tribuere tamquam causæ per se immediatæ, ac principali; corporibus vero cœlestibus solum, vt instrumentis. Mixtio vero per quam procedunt mixta non viuentia, tribuenda est corporibus cœlestibus tamquam causæ per se immediatæ, atque præcipuæ; qualitates verò miscibilium ad summum possunt esse dispositiones introductionem formæ mixti præcedentes in materia; & iuxta hanc distinctionem intelligitur communis sententia, quam sequimur ab omnibus ferè authoribus.

Ad argumentum verò alterius sententiæ concedenda est maior, quod non sit recurrendum ad causas vniuersales in effectibus particularibus, & determinatis in specie, & indiuiduo sine vrgenti necessitate; hoc est, nisi contingat nullam posse dari causam particularem eorum in his inferioribus. Sed minor neganda est; quod talis causa particularis mixtionis detur: nam quod miscibilia sine causa per se mixtionis, & mixti corporis per eam producti, repugnat, vt probauimus; nec est alia excogitabilis, quare vrgens necessitas postulat, vt ad vniuersales recurramus, sicut recurrunt omnes in aliis effectibus, quorum nulla datur particularis causa per se in his inferioribus.

QVÆSTIO IIII.

An elementa maneant in mixto secundum proprias formas substantiales?

PRIMA opinio asserit, non solum materias elementorum permanere in mixto, sed etiam formas substantiales. Ita Auiçena 1. sufficientiæ cap. 1. Philopponus 1. lib. de Generatione ad textum 74. Albertus Magnus ibidem tract. 6. cap. 5. & 3. lib. de Cœlo tractat. 2. cap. 1. & 8. Nimphus 1. lib. de Generatione comm. 2. 18. quest. 12. & 8. Metaph. disp. 4. land. 6. Phyf. quest. 4. Zimara theoremate 48. Scaliger exercitatione 101. Contar. in lib. de elementis, Aquilin. lib. 3. de elementis art. 3. Vega lib. 1. de arte medendi cap. 1. Thomas de Garuio lib. 1. summae Mediçæ tit. 1. quest. 1. eamque tribuit Galeno in lib. de substantia naturali ad finem, & 2. Methodi cap. 2. & cum his omnibus

Aureolus in 2. dist. 17. Hanc etiam sententiam tenuit Commentator 1. lib. de Generatione comm. 90. & lib. 3. de Cælo comm. 67. ita eam explicans, vt formæ substantiales elementorum permaneant in mixto non secundum esse perfectum, sed quodammodo remissum. (Supponit enim author iste substantiam suscipere intensionem, & remissionem) ita vt sicut alij dicunt qualitates elementorum permanere in mixto ad certum gradum remissum attemperatas, ita ipse sentiat de formis substantialibus.

Probatur testimoniis Aristotelis, nam 5. Metaph. cap. de element. tribus modis definit elementum. Prima definitio est; *Elementum est, ex quo in existenti, aliquid primo componitur.* Secunda; *Elementa corporum dicuntur ultima, in qua corpora diuiduntur.* Tertia: *Elementum est, quod primo unicuique inest.* Ex quibus sequitur elementa, ex quibus mixta fiunt manere in eis secundum proprias formas substantiales. Probatur consequentia, quia quod primo alicui inest, ipsum componendo, formaliter debet manere in eo. Alia etiam sunt testimonia, in quibus Aristoteles quædam dicit de elementis existentibus in mixto, quæ non possunt esse vera, nisi in eo sint secundum proprias formas substantiales: vt capite præsentis in fine definiens mixturem ait, *Mixtio est miscibilium alteratorum unio.* sed quæ alterantur, non corrumpuntur, sed permanent secundum formas substantiales: ergo sic permanent in mixto elementa, alioqui si substantialiter corrumpuntur, non bene diceretur mixtio alteratorum unio, sed corruptorum potius dici deberet. Et 2. lib. de anima text. 39. docet, quod nisi in corporibus animatis anima contineret, vel detineret elementa, discederent ab eis, & in diuersa loca tenderent, in quæ naturaliter inclinantur, vt ignis sursum, & terra deorsum, quod patet verum esse non posse de solis qualitibus, quæ nec discedunt à subiecto, nec mouentur per se localiter: ergo intelligi debet de elementis ipsis secundum formas substantiales, vt verum sit, & 1. lib. de Cælo text. 7. asserit corpora mixta moueri ad locum elementi in eis prædominantis, vt lapis ad terram, quæ in eo prædominatur; & in 2. lib. text. 22. & lib. 3. text. 68. probat elementa non habere propriam figuram, quia si haberent propriam, eam conseruarent in mixto, & ideo non possent ex eis indifferenter componi mixta diuersæ figuræ. Et tandem 2. lib. de anima text. 52. dubitat, quare sensus non sentiant elementa, ex quibus constant, & respondet, quia non est medium inter sensum, & talia elementa, sed immediate sunt in eo, & ideo non sentiuntur, quia sensatio requirit mediū, vt visus, & auditus aërem, vel aquam. Hæc autem omnia patet

patet non esse vera, si elementa solum sint in mixto secundum suas virtutes, & non secundum formas substantiales. Sentit ergo Arist. hoc posteriori modo in eo permanere.

Probatur deinde ratione, primo, quia si non manent in mixto formæ substantiales elementorum; ergo solum permanebit materia; vnde sequitur non alio modo permanere in eo, ac permanet quodcumque corpus in alio ex eo genito, vt aër in aqua, si ex eo fiat. Cōsequens autem falsum esse probatur ex eo, quod nemo vnquam dixit corruptum virtute permanere in genito, & omnes affirmant elementa virtute saltē permanere in mixto: ergo sentiunt aliquid aliud præter materiā permanere. Verbum etiā: *Saluantur enim virtutes eorum*, apud Aristotelem plus significat, quam virtutes eorum permanere in potentia materiæ, quia si sic solum permanent: ergo corrumpuntur secundū esse actuale. Quod vero secundum esse actuale corrumpitur non saluatur, alioqui omnia, quæ moriuntur, vel pereunt, dicerentur saluari, cum permaneat materia eorum, in cuius potestate continentur forma, & accidentia.

Secundo, quia si elementa non manent in mixto secundum formas substantiales; sequitur mixtum non minus esse corpus simplex, quam elementa; consequens est falsum: ergo falsum est etiam, quod elementa non maneant formaliter in mixto. Sed probatur consequentia, quia si in mixto nō manent formæ substantiales elementorum; ergo solum habebit compositionem substantiāle ex materia, & forma; & accidentalem ex subiecto, & accidentibus, nempe ex qualitatibus elementorū; sed vtramque compositionem habent elementa, vt per se est manifestum, & nihilominus dicuntur corpora simplicia: ergo alia compositio substantialis ex formis elementorum necessariò ponenda est in mixto, propter quam non possit appellari corpus simplex.

Secunda opinio negat elementa permanere in mixto secundum formas substantiales, sed has corrumpi docet in mixtione, & nihil aliud substantiale eorum permanere præter materiam. Ita D. Tho. 2. contra gent. cap. 55. & 56. & ibidem Ferrar. 1. p. q. 76. art. 4. ad 4. & ibidem Caiet. Scotus in 2. d. 15. q. 1. & ibidem Gregorius, Gabriel, Herueus, atque Capreol. Sonzin. 10. Metaph. q. 27. Iauel. 8. Metaph. q. 4. Ægidius quodlib. 4. q. 15. & omnes ferè interpretes Arist. capite præsentī, præsertim Albertus Saxoniz. q. 19. Marfil. q. 22. Astudillo q. vlt. Tolet. q. 17. & cum eis Vallesius lib. de sacra Philosophia cap. 1. vbi probat hanc fuisse mentem Platonis, Hippocratis, & Galeni, & hæc sententia non solum probabilior est, sed vera, & tenenda.

Probatur duobus testimoniis Aristotelis satis expressis: 37

Primum habetur capite præfenti textu 84. his verbis, *Videntur enim ea, quæ miscentur prius ex separatis convenientia, & possibilia separari rursus; neque permanent igitur actu, ut corpus, & album; neque corrumpuntur, neque alterum, neque ambo; saluantur enim virtutes eorum.* Secundum verò reperitur lib. 2. de partibus animalium cap. 1. non longe à principio; ubi sic ait, *Cum itaque triplex sit compositio, prima statui potest ea, quæ ex primordiis conficitur his, quæ nonnulli elementa appellant, terram dico, aquam, aërem, ignem: sed melius fortasse dici potest ex virtutibus confici elementorum, hisque non omnibus, sed ut ante expositum est, humiditas enim, & siccitas, & caliditas, & frigiditas materia corporum sunt compositorum, cætera autem differentia eas sequuntur.*

- Probatur deinde experientia, & ratione. Experientia quidem, nam plura generantur mixta sub aquis, nempe omnes pisces, sed in eo loco nec potest existere naturaliter elementum ignis, neque illuc usque deferri, ut per se est manifestum. Et de aëre vix potest intelligi, quod sub aqua sit in omnibus illis partibus, in quibus generantur: ergo euidenter falsum probatur, quod elementa sint in mixto secundum proprias formas substantiales; & pari ratione de mixtis, quæ generantur in aëre, euidenter est non posse constare elemento terræ, quod naturaliter repugnât illuc usque ascendere. Ratione vero primo, quia si elementa manent in mixto secundum formas substantiales, vel in singulis partibus materiæ eiusdem mixti omnes permanent, vel singulæ tantum in singulis partibus eiusdem materiæ: Si primum concedatur, euidenter ex eo sequitur plures formas substantiales informare eandem partem materiæ, quod naturaliter saltem esse impossibile docent omnes. Si verò dicatur secundum, sequitur nullam dari veram, & propriam mixtionem. Probatur consequentia, quia una ex conditionibus omnino necessariis veræ mixtionis est, quod quælibet pars corporis mixti sit mixta; sed nulla daretur pars corporis mixti, quæ mixta esset, si in nulla essent omnes formæ elementorū, ut per se est manifestum: ergo nec daretur propria mixtio, sed solum coniunctio quædam localis elementorum; nam quodlibet esset separatū ab alio secundum formam substantialem, atque etiam secundum materiam.
- 39 Secundò, si elementa permanent in mixto secundum proprias formas substantiales, vel præter illas habet mixtum aliam substantialem formam, vel non. Si non habet aliam, sequitur primo, nullum dari mixtum animatum, aut viuens, quia formæ elementorum non sunt animæ, sed ea inferiores. Secundò sequitur, nec mixta corpora distingui specie inter sese, neque ab elementis, & utrumque est absurdum. Sed probatur consequentia

hac,

hæc, quia distinctio specifica corporum est per formas substantiales, sed omnia mixta habent eandem formas substantiales elementorum, & nullam aliam: ergo non distinguuntur inter se, nec ab elementis simul sumptis, quorum formas habent, & præter eas non habent aliam, per quam distinguantur ab eis. Si vero dicatur habere aliam formam, evidenter sequitur, in singulis partibus materię dari duplicem ad minus formam substantialem. Probatur consequentia, quia forma mixti, quæ datur distincta à formis elementorum, necessario debet informare totam materiam elementorum, ut totum corpus sit mixtum: ergo debet etiam informare omnes, & singulas partes eius, sed in singulis partibus reperiuntur singulæ saltem formæ elementorum: ergo ut minimum informantur singulæ duabus formis substantialibus, nempe propria & communi forma mixti omnes informante.

Ad argumentum oppositæ sententiæ respondendum est, quod tres, 40 illæ definitiones elementis ab Arist. traditæ diuersis modis exponuntur à diuersis authoribus. Nam primam, & tertiam exponit Scot. ubi sup. §. ad dictum comment. non de consuetis, aut vulgaribus elementis, terra, aqua, aëre, & igne, sed de materia prima, quæ est primum elementum, ex quo componuntur omnia corpora. Quam expositionem sequitur Tolet. ubi sup. ad 1. & si hæc expositio vera sit, nihil ex his definitionibus probatur aduersus nostram sententiam. Sed magis ad mentem Arist. videtur expositio D. Thom. afferentis easdem definitiones etiam conuenire consuetis elementis, ex quibus componuntur mixta; quod videtur colligi ex verbis secundæ definitionis. Et iuxta hanc expositionem dicendum est, ad rationem elementi sufficere, quod actu, vel virtute insit ei, quod ex eo componitur, ut Arist. ipse docet in utroque testimonio pro nostra sententia adducto; nam in primo ait mixta componi ex elementis, vel potius ex virtutibus eorum, & in secundo non manere in eo actu, neque etiam corrumpi, sed virtutes eorum in eo saluari. Secunda vero definitio hunc sensum habet, quod mixtum diuiditur, aut resoluitur in elementa, quia quando ex eo generantur elementa, vnum, vel multa, quasi ab eo dicuntur separari, & separatio hæc, quasi diuisio vocatur, vel etiam resolutio.

Definitio etiam mixtionis diuerso modo intelligitur à diuersis: nam quidam verbum illud *Alteratorum*, idem esse aiunt, 41 atque *Corruptorum*, quia per mutuam alterationem corrumpuntur miscibilia, & sic corrupta uniuntur materię eorum sub eadem forma mixti. Hæc tamen expositio non est ad mentem Aristotelis, qui verbum illud de vera alteratione præcedente intelligit, non de corruptione eam subsequente, ut ex contextu totius capituli est manifestum. Sensus igitur definitionis satis est manifestus

ex dictis à nobis in 2. q. nam mixtio non solum dicit formale, nempe introductionem formę mixti: hæc enim sola mixtio non est, cum cōstet reperiri in qualibet generatione vnus mixti ex altero: sed dicit etiam materiale, & connotatum, nempe concursum miscibilem se alterātium; immo pro hoc tantum supponit, licet illud de formali significet, & ideo melius dictum est *alteratorum*, quam corruptorum; quia concursus miscibilem se alterantium mixtio vocatur; quamuis per alterationem se corrumpan, sed dum iam corrupta sunt, mixtio non est, licet sit introductio formę mixti, quæ non habet rationem mixtionis, nisi in ordine ad alterationem præcedentem sicut albedo non facit album, nisi in ordine ad corpus, cui inhaeret.

Illud verò ex 2. lib. de anima; nempe, quod dissoluerentur elementa, & desineret esse mixtum, nisi ibi esset forma mixti quasi ea continens: argumentum quoddam Aristotelis est factum aduersus Empedoclem, qui ponebat integræ elementa in mixto, non solum secundum formas substantiales, sed etiam secundum suas qualitates perfectas, addens, augmentum eiusdem mixti corporis non provenire à forma eius: quo supposito probat Aristoteles, quod si ita esset dissoluerentur elementa; nam si forma mixti nihil agit, nec ab ea procedunt operationes; nec possent elementa detineri, vel contineri ab ea, sed vnumquodque discederet in suum locum naturalem tendens: nihil ergo probat testimonium hoc aduersus nostram sententiam. Aliud vero de motu mixti ab elemento prædominante ex propria sententia Aristotelis est. Ideo respondeo, quòd potentia motiua vt grauitas, aut leuitas, à qua mouetur mixtum ad suum locum naturalem, est quædam secunda qualitas procedens ex mixtione primarum, vt docet expresse Aristoteles 2. lib. de partibus animalium in principio; ideo si in mixtione elementorum prædominetur ignis secundum suas qualitates, generabitur mixtum simile naturæ eius, non solum secundum substantiam, sed etiam secundum virtutem motiuam, quæ eam cōsequitur, eritque leue ad similitudinem ignis. Si vero in mixtione prædominetur terra secundum suas qualitates, generabitur mixtum ei simile in substantia, & grauitate: & cum motus sequatur ex virtute motiua, mouebitur mixtum ad locum elemēti prædominantis; cum sit ei simile in substantia, & in virtute motiua; vt lapis ad locum terræ. Prædominatio vero elementi huius, vel alterius in mixtione secundum qualitates eorum intelligitur, per quas agunt, & patiuntur; & vnum dicitur potētius altero, & consequenter prædomināti in mixto. Quare dum dicitur mixtū moueri ab elemento prædominante, sensus

sensus est, moueri à virtute motiua simili elemento prædominari, quia procedit talis ratione eiusdem elementi prædominantis in mixtione per suas qualitates; quare ex hoc solum sequitur permanere elementa in mixto secundum suas qualitates, non secundum formas substantiales.

Aliud verò de figuris argumentum quoddam est contra Democritum, ut contextus eiusdem litteræ ostendit; ponebat enim Philosophus iste corpora componi ex atomis, tamquam ex elementis, à quibus proprias figuras dicebat esse inseparabiles; quo supposito arguit bene Aristoteles, quod ex talibus elementis non possent componi mixta diuersæ figuræ, qualia esse in rerum natura experimur.

Vltimum testimonium difficultate caret, loquitur enim Aristot. in eo, non de substantiis elementorum, sed de qualitatibus eorum, quare sensus est, elementa, quæ sunt in sensibus, vel organis eorum non sentiri ab eis; id est, qualitates elementorum, ex quibus componuntur eadem organa, cum sint mixta, non sentiri; quia immediatè eis inhærent, & nullum datur medium, quod necessariò postulat sensatio.

Ad primum argumentum concedendum est, nihil ex elementis permanere in mixto præter materiam, quia neque eadem numero qualitates permanent, sed corrumpuntur cum formis substantialibus, sed permanent aliæ similes in certo gradu, quas postulat forma mixti introducta; & in hoc sensu dicitur, permanere elementa in mixto secundum suas qualitates ab his, qui cum Diuo Thoma, ac nobiscum tenent accidentia inhærere composito, tamquam proprio subiecto; qui vero immediatè dicunt materiæ inhærere, consequenter concedunt easdè numero qualitates elementorum ad certum gradum attemperatas permanere in mixto. De cæteris vero corporibus, ex quibus alia generantur, non potest esse verum, quod in eis permaneant, etiam secundum virtutes, quia nec eorum qualitates eo modo in eis permanent, sed nuda tantum materia.

Ad secundum distinguendum est consequens prioris entymematis, quòd mixtum non sit magis compositum, quàm elementum; nam si ex parte solius compositionis substantialis intelligatur; concedi potest; si vero ex parte qualitarum, ac dispositionum, quas postulat forma mixti, falsum: nam forma elementi solum pro dispositionibus postulat duas qualitates non contrarias: forma verò mixti omnes qualitates contrarias, & ideo ex parte harum maiorem habet compositionem, immo etiam ex parte substantiæ quodam modo dici potest habere maiorem, quia cum forma mixti naturaliter postulet talem

compositionem qualitatum contrariarum; quadam ratione virtuali dicitur composita, & magis composita, atque adeo minus simplex, quàm forma elementi, in qua solum duæ contrariæ virtute continentur. Merito ergo communi modo loquendi, & concipiendi elementa dicuntur corpora simplicia, mixta verò composita, nō solum propter compositionem qualitatum contrariarum, sed suo etiam modo propter compositionem ex materia, & forma quadam ratione virtuali mixta, vel composita.

D V B I V M.

Quidnam sit elementa virtualiter contineri in mixto?

45 **P**RÆsupponitur ex quæstione iam agitata, quòd elementa manent virtualiter in mixto, dubitatur vero quidnam sit virtute in eo permanere. Duo autem possunt significari, dum dicitur elementa permanere virtualiter in mixto: primum, quòd permaneant per suas virtutes, aut qualitates proprias, nempe calorem, frigiditatem, humiditatem, & siccitatem easdem numero, vel saltem specie, iuxta diuersas opiniones de subiecto accidentium. Secundum, quòd permaneant per suas formas substantiales virtute contentas in forma substantiali mixti.

46 Et prima opinio asserit, utroque modo permanere elementa in mixto virtualiter. Ita Scotus in 2. d. 1 §. quæst. vnica. §. *Sed tamen.* Gregorius, & Gabriel. d. 16. Ægid. 2. lib. de gener. ad texum 48. Colonienfis cap. præsentis. Postremam verò continentiam virtutalem formarum substantialium explicant exemplo medij caloris, ut viridis, vel rubei, qui dicitur virtute continere extremos, in quantum utroque participat, & quasi conuenientia quædam vtriusque est: neutrum vero extremorum continet alterum, quia neque ipsum participare dicitur.

Secunda opinio tenet elementa permanere virtualiter in mixto, solum, quia virtutes, seu qualitates eius in eo manent, non quia forma mixti virtute contineat formas substantiales elementorum. Ita Caietanus 1. p. q. 76. artic. 4. ad finem. Probat hoc argumento; si forma substantialis mixti virtute contineret substantiales formas elementorum, in aliquo genere causæ formalis, vel efficientis eas contineret: formalis quidem, quia tribueret materiæ esse earum, sicut anima sensitiua continet vegetatiuam, quia tribuit corpori esse vegetatiuum, vel efficientis; quia posset eas effectiue producere in materia, ut corpora cælestia virtute continent qualitates elementorum, quia eas produciunt in corporibus, vel certe quia operationes, quas

quas exercent formæ elementorum, posset forma mixti perfectius exercere, vel æquè saltem perfectè, sed neutro modo eas continet: ergo ratione talis continentia virtualis non erit verum, quod elementa permaneant virtualiter in mixto, sed solum ratione qualitarum. Probatur minor, quia forma mixti non tribuit materiae esse substantiale ignis, aquæ, terræ, & aëris, ut per se est manifestum: ergo non continet formas eorum in genere causæ formalis. Sed neque in genere efficientis, quia nec potest formas elementorum effectiue producere, ut produciunt corpora cœlestia, nec operationes eorum æquè perfectè exercere, sed quas potest, iam minore longe perfectione: non enim potest lapis calefacere sicut ignis, nec sicut aqua in-frigidare.

Secundo probati potest, quia id, quod continet virtute aliud, 47 perfectius illo esse debet: ergo si mixtum virtute continet formas substantiales elementorum, perfectius debet esse substantialiter, non solum singulis, sed omnibus simul sumptis, cum omnia simul sumpta contineat substantialiter. Quod tamen de pluribus mixtis videtur absurdum, immo etiam de omnibus, quia licet mixta viuentia perfectiora sint singulis elementis, atque etiam omnibus simul sumptis, hoc non habent sub ratione mixtorum, sed ex ratione speciali animæ habentis superiorem gradum essendi respectu elementorum.

Nostre sententia hac distinctione explicabitur, per quam ad concordiam reuocari possunt duo isti modi dicendi, quamvis contrarij videantur. Dupliciter contingit vnā formā substantialem virtute continere alteram; primo, ita ut eam per se sumptam, atque immediatè contineat, quo pacto forma sensitua continet vegetatiuā, vel cœlestes continent elementares. Et iste modus continentia perfectissimus est, & non formalis tantum, sed per eminentiam, & ideo non reperitur, nisi in formis habentibus superiorem gradum, vel modum essendi. Secundo modo potest contingere, quod vna forma dicatur continere alteram, non per se sumptam, nec immediatè, sed quia continet aliquā virtutem, vel dispositionem eius propriā: nam cum talis dispositio sit quasi in- 48-choatio eiusdem formæ substantialis in materia, illud, quod continet hanc dispositionem formaliter, dicitur quadam ratione virtuali continere talem formā, non per se sumptam, nec immediatè, sed quia talem eius virtutem continet, & ideo quasi remotè, & non secundum se, sed per aliquid ad eam pertinens. Mixtum igitur non continet virtute formas substantiales elementorum secundum se sumptas, nec immediata continen

continentia, ut probat euidenter argumentum Caietani, sed in quantum continet virtutes, seu qualitates, quæ sunt dispositiones eorum propriæ, & quasi inchoationes earundem formarum in materia; & continentia hæc respectu eiusdem virtutis est proxima, sed respectu formæ substantialis remota; & per quam non potest dici per se, vel secundum se contineri, sed solum per aliquid sui non pertinens ad propriam substantiam. Modus igitur dicendi Caietani veritatem habet iuxta primum modum continentia: modus vero Scoti iuxta secundum, & quia modus ille continendi proprius est; iste vero improprius, quamuis in solo modo loquendi differre videantur Scotus, & Caiet. magis propriè loquitur iste quàm ille. Quare argumentum Caietani concedendum est, quia de primo modo continendi formas substantiales elementorum conuincit, sed non de secundo. Et eodem modo ad aliud argumentum distinguendum est consequens: nam si modo priori contineret mixtum formas substantiales elementorum non solum deberet esse perfectius, sed in superiori alio gradu, vel modo essendi, sed cum hoc modo

49 eas non contineat, non sequitur id habere. Ex modo autem posteriori continendi non sequitur perfectius esse debere omnibus elementis simul sumptis, quia non postulat virtutes eorum pro dispositionibus in materia secundum gradum ita perfectum, ac formæ illorum, nec imperfectè operatur per easdem virtutes, aut qualitates. An vero necesse sit perfectius esse singulis elementis? respondeo non esse necessarium, quod à posteriori probari potest, cum videamus mixta quædam adeo imperfecta, ut licet omnibus qualitatibus elementorum constent, non habent virtutem generandi sibi similia, ut lapides & similia.

Q V Æ S T I O V.

An virtutes, seu qualitates elementorum permanent formaliter in mixto?

50 **E**X quæstione præcedente videtur hæc resultare; nam in ea assertum est, elementa non manere formaliter in mixto, hoc est secundum proprias formas substantiales, sed virtute tantum, & cum dubitatum fuerit, quidnam sit virtute, aut potentia permanere in mixto: respondimus, virtute permanere idem esse ac permanere per suas virtutes, seu qualitates, quæ ad certum gradum attemperatæ sunt dispositiones naturales formæ mixti, quæ sequitur, permanere etiam easdem numero qualitates, si earum subiectum sit materia prima, vel easdem secundum

secundum speciem, si subiectum sit compositum, ad cuius corruptionem corrumpuntur accidentia omnia, quæ in ipso erant; sequuntur vero alia eis similia. Dupliciter autem possumus excogitare has qualitates elementorum permanere in mixto per se, & formaliter; sicut per se, & formaliter sunt in ipsis elementis, quamvis non in eodem gradu, sed remissiori in mixto sint: vel nõ per se, & formaliter, sed quadã ratione virtualisita vt per actionem, & reactione harum qualitatũ, per quas miscẽtur elementa, resulet quinta quadã qualitas ab eis distincta, simplex quidem formaliter, sicut ipsæ etiam simplices sunt, sed virtute eas continens; & qualitas hæc sit, & dicatur proprium temperamentum mixti; propriaq; dispositio in materia præcedens pro forma eiusdem mixti introducenda. Et si hoc verum est, non permaneant qualitates elementorum formaliter in mixto, sed solum virtualiter in vna illa qualitate superiori contentæ, vel nulla resulet talis qualitas distincta, sed qualitates ipsæ elementorum per se, & formaliter permaneant in certo quodam gradu, & proportionem: & ipsæmet sic attemperatæ sint proprium temperamentum mixti, propriaque dispositio materiæ ad introductionem formæ mixti.

Et prima opinio tenet non permanere per se, & formaliter, 51 sed virtute tantum ratione illius temperamenti, quod qualitas quadam superior est, in qua virtualiter continentur. Ita Scotus in 2. distin. 15. q. vnica. §. id tamen. Albertus Magn. 2. lib. Phys. titul. 2. cap. 1. Durand. 2. quæst. prologi num. 19. & in 4. dist. 12. q. 3. Gregor. in 1. dist. 17. q. 3. art. 3. Iauellus 8. Metha. q. 4. Sonzinas. 10. Metha. q. 22. & 27. Herueus tractatu de pluralitate formarum. Probatur testimonio Aristotelis 2. lib. de generatione textu 48. vbi per mixtionem calidi, & frigidi, humidii, & sicci ait generari mixtum, quod quasi medium est inter eadem extrema, nempe inter calidum, & frigidum: neutrum tamen extremorum: ergo sentit mixtum non esse calidum, neque frigidum formaliter, sed temperamentum quoddam habere medium nempe qualitatem superiorem virtute continentem calorem & frigus: quo pacto videtur exponere verba eius Diuus Thomas lectione 8. eiusdem libri ad finem: & ideo videtur tenere eandem sententiam.

Sed probatur ratione. Primo, quia qualitates elementorum 52 sunt naturales eorum proprietates, vel naturaliter saltem emanant à substantijs eorum; nam in eodem instanti, in quo generatur ignis, procedit ab eo calor summus, & ab aqua summa frigiditas: ergo vbi non est substantia elementorum, non possunt reperiri qualitates istæ per se, & formaliter; sed elementa non sunt

sunt in mixto secundum formas substantiales: ergo nec possunt esse in eo secundum suas qualitates, nisi virtuali quadam ratione in vna aliqua superiori contentas. Secundo, contraria non possunt naturaliter esse simul in eodem subiecto: nam ex propria definitione habent mutuo se expellere ab eo: sed qualitates elementorum sunt propriissimè contrariæ: ergo non possunt simul esse in mixto per se, & formaliter.

Secunda opinio est opposita, quòd qualitates elementorum manent per se, & formaliter in mixto, & non vt virtute contentæ in alia qualitate, vel temperamento. Ita Diuus Thomas 1. p. q. 76. artic. 4. ad quartum his verbis: *Ideo dicendum est secundum Philosophum in primo de generatione, quòd forma elementorum manent in mixto, non actu, sed virtute. Manent enim qualitates propria elementorum, licet remissa, in quibus est virtus formarum elementarium.* Quod etiam tenet in 2. distin. 19. q. 1. art. 4. & in 3. d. 16. q. 1. art. 1. idem etiam Caietanus 1. 2. q. 52. artic. 2. §. ad hoc dicitur, Capreol. in 2. d. 30. q. 1. ad primum contra primam cõclusionem, Phil. 2. lib. de generatione ad textum 43. Ægidius ad textum 48. & 49. Vega 1. lib. de arte medendi cap. 1. Valles. 1. lib. controuersiarum medicarum cap. 6. Toletus 1. lib. de gener. q. 18. & omnes ferè expositores capite præsentì, & hæc est probabilior, & tenenda.

- 93 Probatur testimonio Aristotelis cap. præsentì textu 84. vbi loquens de modo, quo elementa manent in mixto, ita ait: *Neque permanent igitur actu, vt corpus, & album, neque corrumpuntur: neque alterum, neque ambo: saluantur enim virtutes eorum.* Quæ verba non possunt esse vera, si solum manent virtualiter in illa alia qualitate, quæ ponitur pro temperamento mixti: ergo contra mentem Aristotelis est talis sententia. Probatur antecedens, nam si solum manent virtualiter in illa qualitate: ergo corrumpuntur secundum proprias entitates, & rationes formales; quare non saluantur, vt asserit Aristoteles. Libro etiam 2. de partibus animalium capit. 1. docet expresse mixtum componi ex virtutibus elementorum: ergo permanent in eo formaliter. Probo consequentiam, quia si sic non permanent, non possunt componere.

- 54 Probatur deinde ratione. Primò, quia quinta illa qualitas, quæ ponitur pro dispositione materiæ ad introductionem formæ mixti, & pro temperamento eiusdem mixti, naturaliter est impossibilis: ergo non est ponenda. Antecedens sic probo, elementa in mixtione se corrumpunt per proprias qualitates: ergo per illas ad mediocritatem redactas disponitur sufficienter materia pro introductione formæ mixti. Probatur cõsequentiā, quia

quia eadem dispositio expellens formam præexistentem, disponit materiam ad introductionem sequentis, ut euidenti inductione constare potest in qualibet generatione: frustra ergo, & sine fundamento ponitur alia qualitas secunda ex conmixtione primarum resultans pro dispositione materiæ ad formam mixti, & consequenter naturaliter est impossibilis, quia nihil potest natura frustra facere. Supposito etiam quod daretur talis qualitas, falsum est, quod non permaneant in mixto genito qualitates elementorum: quod sic probo. Toto tempore mixtionis permanent qualitates istæ, cum per eas agant, & patiatur elementa, vel ergo subieciuntur in materia prima, vel in eisdem elementis: si primū concedatur, euidenter sequitur permanere in mixto genito, quia permanente subiecto non possunt accidentia eius petire, cum non sit agens, à quo destruantur; si vero sint in elementis, & ideo ad corruptionem illorū corumpantur istæ qualitates numero, necesse est alias similes succedere in re genita, quia dispositiones sequentes similes sunt præcedentibus in quacumque generatione: ergo permanebunt formaliter in mixto. Denique non est minus falsum, quod dicit eadem opinio, non posse simul esse in mixto, quia sunt contrariæ: nam in aqua calida reperiuntur simul calor, & frigus in gradu remisso, & similiter in aëre: ergo contrarietas earum non tollit, quin possint esse simul in gradu remisso.

Probaturo secundo euidenti experientia, quod istæ qualitates sint formaliter in mixto: nam in mixtis existentibus in sua naturali dispositione, experimur esse formaliter calorem, & frigiditatem, atque etiam siccitatem, & humiditatem: ut in homine, lapide, oleo, & vino: ergo aperte falsum est, id negare.

Ad testimonium Aristotelis respondeo, facile posse intelligi sensum eius, si ad contextum litteræ attendamus: nam eo loco vult Aristoteles ostendere mixtum quasi medium esse inter elementa, quia ex qualitatibus eorum ad certum gradum remissionis attemperatæ generatur, & secundum diuersum gradum, atque modum, quo attemperantur, variatur temperamentum, vel complexio mixti. Ideo asserit mixtum ex calido, & frigido generari, atque ex sicco, & humido, non simpliciter sumptis, hoc est, ut sunt in elementis, sed in certo quodam gradu proportionatis, in quo sensu docet, idem mixtum neutrum extremorum esse, hoc est nec calidum, nec frigidum, ut sunt extrema, sed medium tenere respectu vtriusque: quod satis clarè exponitur à D. Thoma: & ideo sine fundamento citatur pro sententia opposita: præsertim cum expresse teneat contrariam locis à nobis citatis.

Ad primum

- Ad primum argumentum negandum est antecedens, quantum ad primam partem, nempe, quod primæ qualitates elementorum sint propriæ passionēs eorum: quod sic probatur. Propria passio conuertitur cum subiecto, cuius naturam sequitur, quare non potest conuenire alijs vllō modo; sed qualitates istæ non conuertuntur cum elementis, neque eis solis conueniunt, sed etiam alijs: ergo non sunt proprietates. Probatur minor euidenti experientia, quia in pluribus mixtis, etiam in sua naturali dispositione existentibus reperiuntur, vt in homine, lapide, oleo, ac vino, & cæteris. Et si dicatur conuenire alijs in gradu remisso, assentionis: sed ex hoc probatur, non esse proprietates elementorum, quia nec proprietas suscipit magis, & minus, sicut nec essentia, quam sequitur, neque vllō modo, vel in gradu aliquo potest conuenire alijs. Nam eo ipso, quod in gradu remisso alijs conueniat, simpliciter, & essentialiter conuenit, cum
- 57 intensa, & remissa qualitas eamdem essentiam habeant. Secundo, si qualitates istæ sunt propriæ passionēs elementorum, vel id habent in summo gradu intensiōis, vel etiam in gradu remisso: neutro modo id habere possunt: ergo falsum est, quod sint propriæ passionēs. Minor quantum ad gradum remissum euidenter est, cum constet reperiiri in alijs hoc modo. Probatur vero, quod nec in summo gradu id habeant, nam propria passio semper debet conuenire subiecto, nec ab eo potest naturaliter separari: sed qualitates istæ in summo gradu non semper conueniunt elementis: ergo neque hoc modo sumptæ possunt esse proprietates eorum. Minorem probo, quia dum elementa agunt, & repariuntur, aliquem gradum oppositæ qualitatis in se suscipiunt: quod non fit, nisi cum expulsionē alterius gradus propriæ qualitatis, quam ideo non semper habent in summo gradu intensiōis. Quod verò qualitates istæ in summo gradu emanent naturaliter ab elementis, non satis est, vt censeantur proprietates, vel passionēs eorum: sed propterea emanare existimandum est, quia sunt dispositiones necessariae ad conseruationem eorum, & ex alia parte, quasi potentie naturales eis concessæ à natura ad exercendas operationes sibi connaturales, & vt sint eis pro instrumentis ad generandum sibi similia.
- 58 Ad secundum argumentum recentiores quidam concessa maiori, distinguunt minorem: quod qualitates elementorum sint contrariæ, nam in gradibus intensis contrariæ sunt, non tamen in gradibus remissis: & ideo remissæ possunt esse simul, quo pacto sunt in mixto. Hæc tamen solutio non caret difficultate, quia contrarietas conuenit his qualitatibus essentialiter, & ideo etiam in gradibus remissis debet eis conuenire. Ideo respon

respondeo, qualitates contrarias semper posse se expellere, sed non se expellere actu, nisi in ordine ad dispositionem subiecti: dispositio autem mixti talis est, ut forma eius exigat contrarias qualitates attemperatas pro dispositionibus, quæ nec se expellunt expulsionem formali, nec effectiua, ut explicabitur in 2. lib. ubi de contrariis qualitatibus in ordine ad subiectum consideratis ex professo disputat Aristoteles.

QVÆSTIO VI.

An liquores ad veram mixtionem concurrere possint, ita ut ex duobus, qui misceantur, resultet tertium ab utroque distinctum?

Explicata natura mixtionis in elementis, quæ misceri solent, & modo, quo miscibilia permanent in mixto; restat agere de mixtione liquidorum corporum; an vera sit, & propria; vel solum secundum situm, & apparentiam misceantur, gratia exempli: dum misceantur aqua, & vinum; vel vinum & acetum, aut liquores alij, querimus, an corrumpantur secundum proprias formas substantiales; ita ut ex utroque resultet tertium ab eis distinctum, vel integra permaneant, & solum misceantur secundum apparentiam, ex eo, quod mutuo se interfecant, & peruadunt; & ideo apparet fieri ex eis quoddam tertium; sed re vera quodlibet eorum in sua specie permanet, etiamsi in minutissimas partes diuisum per alterius ingressum.

Et prima opinio tenet, quod si duo liquores misceantur secundum quantitatem, ita ut quodlibet peruadat alterum, illumque interfecet, utrumque etiam corrumpetur per mutuam diuisionem, & ex vtriusque corruptione resultabit tertium; & ideo vera erit mixtio; & non secundum solam apparentiam. Ita sentiunt Palud. in 4. dist. 12. quaest. 1. Capreol. distinct. 13. q. 1. & videtur idem sentire Diuus Thomas 3. par. q. 77. artic. 8. ubi ita ait. *Si enim permisceretur aliquis liquor in tanta quantitate, quod posset diffundi per totum vinum, totum fieret mixtum: quod autem est commixtum ex duobus, neutrum miscibile est, sed utrumque transit in quoddam tertium ex his compositum.* Probant Palud. & Capreolus hoc argumento. Duo liquores ita permixti, ut quilibet peruadat suis partibus omnes partes alterius, se interfecant usque ad partes minores minimis; sed in quantitate minori minima non potest conseruari forma eorum: ergo utrumque corrumpitur. Quare necesse est generetur tertium ab eis

distinctum, vel permancat materia sine vlla forma, hoc est naturaliter impossibile: ergo illud est necessarium. Secundo, quia liquores ita petmixti, vel muruò se interfecant in minutissimas partes in infinitum; vel eorum diuisio sistit in quibusdam partibus, non amplius se interfecantibus; sed hoc secundum est impossibile: ergo primum erit necessarium. Ex quo euidenter sequitur vtrumq; corrupti, vel cōtinuum diuidi in omnem partem, & cū hoc sit impossibile, illud erit necessariū. Sed probatur minor, quia si perfectē permiscerentur: ergo quælibet pars quātumcumque minima erit permixta ex vtroque, quod non potest intelligi, nisi per mutuam diuisionem; quare nullū potest habere terminum diuisio, sed necesse est, in infinitum procedat, quod est se interfecare secundum omnes partes in infinitum; & consequenter diuidere se in infinitum, & ideo in omnem partem.

- ¶ 1. Secunda opinio negat omnino veram mixtionem in liquoribus, sed asserit solum permisceri secundum situm, & appariētiā, eo modo, quo antiqui Philosophi (quos reijcit Aristoteles capite præsentī) dicebant misceri elementa. Ita sentiunt recentiores quidam. Quod præcipue probant experientia, quia post petmixtionem vnius liquoris cum alio certo quodam artificio fit separatio vnius ab alio, vt aqua à vino, vel vini ab aqua: ergo non fuit facta inter eos vera mixtio, nec fieri potest. Probatur consequentia, quia per veram mixtionem vtrumque fuisset corruptum, & in tertium conuersum: ergo neurrum esset separabile ab alio in propria specie, & natura. Sed potest etiam probari hoc argumento: in vera mixtione miscibilia se corrumpunt per veram actionem & reactionem, non ita vt vnum in aliud conuertatur, sed omnia in tertium, quod euidenter est, non posse fieri, nisi ad quamdam mediocritatem attemperentur qualitates eorum, cum qua mediocritate non possint formæ propriæ conseruari, sed mediocritas eadē sit propria dispositio formæ illius mixti, quod ex vtroque generatur; sed hoc non potest contingere in liquoribus: ergo non potest dari in eis vera mixtio. Probatur minor, quia vel vtrumq; est corpus mixtum, vel saltem alterum: ergo habet iam qualitates attemperatas, vel ad mediocritatem redactas. Quare non poterit ex eo corrupti, quod ad mediocritatem reducantur, nec propterea per corruptionem vtriusque generari aliud mixtum, cuius forma postulat pro dispositionibus qualitates attemperatas. Et si dicatur, diuerso modo attemperatas qualitates postulare formam vnius mixti, & alterius, & ideo variato temperamento per actionem, & reactionē, corrupti miscibilia (etiam si mixta sint) quia non possunt formæ eorum conseruari cum eo; generari vero aliud mixtū diuersum à temperamento

mêto vtriusq; miscibilis cuius forma tale tēperamentū postulat. Cōtra hoc est, quod omnia corpora mixta cōueniūt in eo, quod qualitates temperatas, aut remissas postulant, & solum differunt secundū diuersum gradū, vel intensionē earumdē qualitātū; ex quibus constat temperamenrū hoc, vel illud; sed per maiore, vel minore intensionē qualitātū non excedentem temperamentum aliquod mixti corporis non videtur posse naturaliter corrumpi mixtum, quamuis tale temperamentū non sit ei consentaneum: ergo nec generari poterit mixrū aliud ex liquoribus. Probatur minor ex similitudine elementorū, quia non statim ac elementū habet qualitates sibi naturaliter cōuenientes magis intensas, vel magis remissas corrūpitur; sed cum maiori intēsiōne, vel remissione earum conseruatur, quamuis extra naturalem dispositionē, vt patet de aqua nimis calida, & aëre nimis frigido: ergo pari ratione conseruabitur mixtū habens qualitates magis vel minus intensas, aut remissas, efficientes diuersum temperamentum; & ideo non corrumpetur, vt tertium aliud mixrum generetur ex duobus postulans temperamentum distinctum.

Nostra sententia tribus conclusionibus explicanda est. Prima 61 asserit, liquores quantumcumque permixtos secundum quantitatem non se corrumpere per solā diuisionem mutuā, nec ex eis generari tertium; & ideo non coniungi per veram mixtionem, sed apparentem, nisi alteratio mutua intercedat. Hæc est contra primam opinionem. Quam sic probo, quantū ad primum, quod asserit, non se corrumpere per solam diuisionem. Corpora naturalia habentia contrarium non se corrumpunt, nisi per alterationē contrariæ qualitatis: ergo liquores permixti non possunt se corrumpere, nisi vnus alteretur ab alio per qualitatem contrariam: quare non ex eo solum, quod mutuo se interfecant, corrumpentur. Euidens est consequentia, quia diuisio quantitativa non est alteratio. Sed probatur antecedens, quia vera, & substantialis corruptio solum potest fieri per se à cōrrario, & ideo corpora, quæ contrario carent, incorruptibilia sunt. Secundò, quia si per solam diuisionem mutuam absque alteratione se corrumpunt liquores permixti, maxime quia in infinitū se interfecant, hoc est, secundum partes minores, & minores in infinitum; & ideo secundum partes minores minimis, in quibus non possunt conseruari formæ eorum, vel si possunt procedet diuisio in infinitum, & dabitur continuum diuisum in omnem partem, sed vtrumque horum est falsum: ergo falsum quoque erit, quod per solam diuisionem mutuam se corrumpant. Probatur minor, quia liquores homogenei sunt: homogenea vero nec via generationis, nec via corruptionis postulant terminum

intrinsecum paruitatis; ita ut signata quacumque non possint formæ eorum in minori introduci, atque etiam in minori esse; falsum igitur est, quod ideo corrumpantur, quia diuisio actualis procedit in infinitum, & quia se intersecant usque ad minora
 63 minimis. Quod vero ideo corrumpantur, quia diuisio actualis procedit in infinitum, non est minus falsum, quia talis processus apertam implicationem dicit propter naturam continui, quod non potest esse diuisum in omnem partem, nisi ex indiuisibilibus tamquam ex partibus sit compositum. Probatur secundum, nempe quod liquores ex eo solum, quod se intersecant absque ulla alteratione interueniente non misceantur vera mixtionē, sed solum apparenti, quia mixtio, ut definit Aristoteles ad finem præsentis capitis, est *Miscibilium alteratorum unio*: ergo repugnat dari veram mixtionem sine alteratione. Solum ergo dabitur apparens inter liquores se intersecantes absque ulla alteratione.

64 - Secunda conclusio, si liquores permixti secundum quantitatem sint eiusdem speciei, nullam habentes qualitatem contrariam, nec potest dari inter eos vera mixtio, sed apparens tantum; nec possunt se corrumpere, vel tertium ex utroque generari, sed retinebit semper utrumque propriam formam. Hæc sequitur ex præcedenti, quia corpus naturale non potest per se corrumpi, nisi à contrario, nec etiam potest corrumpi per solam diuisionem, si sit homogeneous: ergo liquores non habentes vltant qualitatem contrariam corrumpi non possunt. Probatur consequentia, quia simile non potest agere in omnino simile; sed tales liquores essent omnino similes, ut per se patet: ergo non possunt mutuo se alterare, nec mutuo se corrumpere; sed per ingressum vnius in alterum continuabuntur, & per continuationem fient vnum numero corpus.

Tertia conclusio, si liquores diuersæ speciei, vel eiusdem contrarias qualitates habeant, vera, & propria mixtio potest dari inter eos; & mixtum tertium ex utroque generari specie, vel numero distinctum. Hæc est contra secundam opinionem: & probatur testimonio Aristotelis capite præsentis, ubi ita ait: *Actiuorum autem, & passiuorum quacumque sunt facile diuisibilia: multa quidem paucis, & magna paruis composita non faciunt mixtionem, sed augmentationem dominantis: ideo gutta vini decem millibus congiis aqua non miscetur: soluitur enim forma, & mutatur in vniuersam aquam: quando autem potentiis adquantur, quodammodo tunc mutatur quidem utrumque in dominans ex sui ipsius natura: non generatur autem alterum, sed medium & commune, & paucis interpositis: ideo facile terminabilia diuisibilia*
 & passi

Et passiuorum miscibilia sunt, ut humida miscibilia maxime corporum. 65
 Ex quibus sic arguo. Omnes istæ conditiones conueniunt liquoribus habentibus contrariam qualitatem: ergo miscibilia sunt vera, & propria mixtione. Euidens est consequentia, quia sunt conditiones requisitæ, & sufficientes ad veram mixtionem ab Arist. designatæ. Sed antecedens probatur, quia tales liquores sunt facile terminabiles, humidi, atque etiam actiui, & passiu: ergo mixtio vera, & propria dari potest inter eos, & tertium ex utroque generati. Probatur deinde experientia, & ratione. Experientia quidem in mixtione aquæ, & vini, quæ talis fieri potest, ut vinum tandem desinat, & id quod permaneat, non sit aqua, nam utrumque colligitur ex accidentibus eius, præsertim ex sapore, & nihilominus qualitates utriusque permanent in eo secundum aliquem gradum: ergo verè miscentur, & per veram mixtionem eorum generatur tertium mixtum. Præterea, experientia constat ex duplici vino diuersæ qualitatæ, ac dispositionis in tanta quantitate permixto fieri acetum, quod patet esse specie, vel numero saltem distinctum ab utroque, ut ex qualitatibus, atque effectibus eius colligitur: ergo vera mixtio datur inter liquores, & vera generatio mixti ex ea. Probatur deinde 66
 ratione ex definitione mixtionis desumpta. *Mixtio est miscibilium altera:orum unio*, sed liquores possunt misceri secundum exiguas partes, & possunt se alterare, si cōstent contrariis qualitatibus: ergo possunt quoque uniri ad generationem mixti, etiam si utrumque corpus mixtum sit, nihil ergo eis deficit, ut possit inter eos vera, & propria mixtio repetiri. Hæc autem conclusio sic est intelligenda, ut tales liquores misceantur secundum debitam proportionem qualitatum, & quantitatis: nam si vinum excedat alterum magno excessu, non dabitur inter eos vera mixtio, nec generabitur ex eis tertium, sed potentius corrumpet aliud, & in se conuertet, ut docuit expressè Arist. cap. præsentis text. 88. exemplo guttæ vini, quæ si proijciatur in amphora plena aquæ, non miscetur, sed in vinum conuertetur. Vnde sequitur, nec exiguam aquam maiori vini portioni adiunctam misceri, sed in vinum conuerti, & ita absque dubio contingit in mysterio Eucharistiæ, in quo exigua illa aqua vino in calice superinfusa per actionem eiusdem vini in ipsam, conuertitur in vinum, & fit conueniens materia sacramenti, ac per verba consecrationis in sanguinem Christi conuertitur. Quod vero eam in se possit vinum conuerrere, facile probari potest, quia vinum qualitatem habet contrariam aquæ, cum sit mixtum, per quam potest agere in aquam exiguam, & eam in se conuerrere.

Nec D. Tho. contrarium vniquam sensit, quia verba illa à no- 67

bis citata, asserunt quidem liquores perfectè mixtos secundum quantitatem, ita ut mutuo se interfecerint, corrumpi, & ex eis generari tertium, non tamen se corrumpere per solam diuisionem, sed per alterationem intercedentem, quam iuuat diuisio secundum partes exiguas ad veram mixtionem requisita. Et quod iste sit sensus D. Tho. probant verba statim subiuncta in toto articulo, quibus docet tales liquores permixtos posse esse diuersæ speciei, ut vinum, & aquam; & tunc solui speciem vini, & resultare alium liquorem diuersæ speciei; posse etiã esse speciei eiusdem, ut si vino albo permisceatur rubeum, & tunc ait non remanere idem numero vinũ, sed aliud resultare distinctum numero. Has vero mutationes substantiales liquorum eiusdem, vel diuersæ speciei non per solam mixtionem quantitatis, sed per veram alterationem fieri docet expressè in solutione ad primum eiusdem articuli his verbis: *Talis permutatio fit per actionem, nam accidentia vini remanentia* (loquitur enim de accidentibus Eucharistiæ) *retinent actionem substantia secundum prædicta, & ita*
68 *immutando efficiunt liquorem appositum.* Immerito ergo D. Thomas refertur à quibusdam recentioribus pro prima opinione, cum tam efficaciter colligatur contrariam (quam sequimur) tenere. Sed nec D. Tho. asserit in eodem articulo (ut voluerunt multi) quod in quocumque casu, quo speciebus vini consecrati permisceatur aqua, vel aliud vinum non consecratum, definit esse sub eis sanguis Christi. Nam licet id videatur asserere, sensus tamen eius ex verbis eiusdem solutionis iam citatis colligi debet, qui talis est, ut si liquor admixtus speciebus vini consecrati sit eiusdem, vel diuersæ speciei cum eis habens contrariam qualitatem, per quam agere, & pati possit ab eisdem speciebus, & eas corrumpere, vel ab eis corrumpi, ita ut non permaneant species vini consecrati in eadem entitate numerica, quam habebant ante permixtionem; tunc definit esse sanguis Christi sub eis, quod solum contingit, quando ex permixtione alterius liquoris corrumpuntur in toto, vel in parte, siue generetur tertium aliud mixtum, siue non, tunc enim non permanebit sanguis Christi sub speciebus in toto, vel in parte, secundum quam corrumpuntur, quia non permanent eadem numero, aut specie. In aliis vero casibus, in quibus vel liquor admixtus speciebus nullam habet contrariam qualitatem, vel si eam habeat, non sufficientem ad corrumpendas species, quamuis ab eis corrumpatur, & in propriam naturam earum conuertatur, numquam definit sanguis Christi esse sub eis, sed solum est verum, quod non sit sub illa parte liquoris continuati cū speciebus per conuersionem in eandem species, vel sine illa; & hæc est mens

Diui Thomæ in toto illo articulo, licet verba quædam contrarium sonare videantur separata ab aliis, si tamen coniungantur omnia, non videbuntur aliena à prædicto sensu.

Ad primum argumentum primæ opinionis negandum est 69 antecedens, quod liquores etiam perfectè permixti secundum quantitatem se intersecant vsque ad partes minores minimis, nam cum sint corpora homogenea, & non viuientia, in nimio carent, & in quacumque exigua quantitate potest forma eorum esse in materia, & permanere substantia, & species cuiuscumque eorum; ideo neutrum corrumpitur per talem diuisionem, nisi alteratio intercedat, nec miscentur vera, & propria mixtione; sed apparenti tantum.

Ad secundum respondeo, liquores perfectè permixtos secundum quantitatem non se intersecare in infinitum, sed diuisionem mutuam eorum tandem sistere in exiguis partibus, quæ propter exiguitatem non habent sufficientem virtutem intersecandi alias; nam cum hæc sit actio transiens, nempe motus localis partium per quem se intersecant corpora, & fiat cum aliquali resistantia, quia aliquantulum resistunt diuisioni, virtutem requirit in agente aliquo modo determinatam; quare non quælibet est sufficiens, & propter hanc insufficientiam cessat diuisio.

Ad experientiam pro secundâ opinione adductam hac distinctione respondeo, vel mixtio liquorum perfectè facta est, ita vt tempus transierit, sufficiens quidem, vt contraria inter sese agentia possint se alterare, atque corrumpere, & tunc negandum est, quod per vllam artem possint segregari miscibilia secundum propriam speciem; vel secundum numericam identitatem, vt aqua à vino, vel vinum rubeum ab albo. Ante mixtionem vero perfectè factam, & priusquam miscibilia potuerint se corrumpere; concedi potest possibilitas separationis, & ita factum esse aliquando, sed iuxta primum membrum distinctionis nunquam.

Ad argumentum vero eiusdem opinionis concessa maiori, 72 quod non possit fieri vera mixtio, nisi miscibilia reducantur ad certum temperamentum, sub quo neutrum possit conseruari, neganda est minor, quod liquores non possint hoc modo se corrumpere. Et dum dicitur vtrumque esse aliquando mixtum, & ideo habens qualitates temperatas, concedendum est; sed negandum, quod possit quodlibet mixtum diu conseruari sub quocumque temperamento, licet possit elementum diu conseruari sub maiori intensiõne, vel remissione suarum qualitarum. Diuersa est enim ratio de elemento, & mixto; nam elementum solum

habet primas qualitates, & operationes earum, à quibus conseruatio eius dependet; mixtum vero non solum à primis qualitatibus, sed etiam à secundis ex temperamento earum procedentibus, & ab earum operationibus dependet in conseruari, vt manifestum est in viuentibus. Secundæ autem qualitates, & earum operationes non parum variantur, ex qualibet variatione temperamenti, & ideo non possunt mixta cum tanta variatione primarum qualitarum conseruari, atque elementa; præsertim cum temperamentum indiuiduale mixtorum* minorem habeat latitudinem gradualem, quam habent primæ qualitates elementorum. Et hæc est ratio propter quam mixta habentia contrariam qualitatem, vel quæ postulant contrarium temperamentum, possunt se corrumpere, & si liquida sint quæ ad exiguas partes redacta facilius misceri possunt, facilius etiam possunt se corrumpere, & tertium quoddam mixtum per veram mixtionem ex eis generari.

- 73 Capite præsentī disputant recentiores quidam de diuersis temperamentis mixtorum, & an dari possit naturaliter temperamentum æquale ad pondus, vel solum quoad iustitiam: atque etiam de modo, quo se expellunt contraria ab eodem subiecto, nempe in gradibus intensis, vel etiam remissis, & tandem, an in his gradibus sint verè contraria, vel solum secundum gradus intensos. Hæc tamen commodius disputabuntur in 2. lib. vbi de contrarietate, & latitudine primarum qualitarum, ac modo, quo agunt, & patiuntur circa idem subiectum ex professo agit Aristoteles. Hæc igitur satis sunt de mixtione adnotata, atque adeo de toto libro primo.

COMMEN



COMMENTARIORVM IN SECVNDVM LIBRVM

Aristotelis de ortu, & interitu,
siue de generatione, &
corruptione.

BREVE PROEMLVM.

Explicata natura generationis, & corruptionis substantialis rerum naturalium in communi, atq; etiam alterationis eam præcedentis, nutritionis, & augmentationis eam consequentis, actionis, & reactionis mixtionisque, quibus mediis fit: agendum statim foret de generatione eadem substantiali earundem rerum in particulari, nempe animatorum, ac viuentium, cæterorumque corporum. Sed quia inter naturalia, vel sensibilia corpora, vt generationi, & corruptioni subdita primum locum tenent simplicia, (quæ vocantur elementa) ex quibus cætera omnia (quæ mixta vocant) generantur: elementa verò non ex aliis; ideo necesse fuit in secundo libro huius operis statim disserere de generatione elementorum, atque mixtorum in communi ex eis, vt statim possit disputatio institui de aliis corporibus mixtis in particulari in reliquis opetibus naturalis Philosophiæ: & hoc est intentum huius libri. Quem claritatis gratia possumus in quatuor partes diuidere. Nam in prima agitur de principiis generationis elementorum, atque de numero eorum: in secunda de generatione eorumdem elementorum: in tertia de generatione mixtorum ex eis: & tandem de causis eiusdem generationis elementorum.

C A P V T I.

TEXTVS ARISTOTELIS.

De mixtione igitur, & tactu, & de ipso facere, & pari dictum est, quomodo existant in rebus, &c.

H H 5

Brevis expositio textus.

- 1 **I**ntentum huius primi capituli est, agere de principio materiali generationis elementorum. Diuiditur autem in duas partes. In prima enumeratis his, quæ explicata sunt in primo libro; proponit, & reiecit opiniones antiquorum Philosophorum de principio materiali generationis elementorum. In secunda explicat naturam eiusdem principij ex propria sententia.

Asserit ergo Aristoteles expositam esse à se in primo libro naturam generationis, & corruptionis substantialis, atque etiam contactus eorumdem corporū ad agendum, & patiendum prærequisiti, alterationis etiam eam præcedentis, nutritionis, & augmentationis, atque mixtionis; ideo consentaneum esse, ut in hoc 2. lib. disputetur de generatione elementorum, quæ prima corpora vocantur, quia ex eis generantur reliquæ simplicia, quia ex eis componuntur alia, & primo sensibilia, quia qualitatibus primis sensibilibus prædita, per quas non solum sentiuntur ipsa, sed cætera corpora naturalia, à quibus participantur. Ut autem generatio elementorum explicari possit, tradenda esse docet principia eius, atque imprimis materiale, quod sibi explicandum proponit cap. præsentis.

- 2 Circa principium vero materiale diuersas opiniones antiquorum Philosophorum refert. Primam quidem eorum, qui posuerunt vnum esse, nempe aërem, ex quo elementa omnia generabantur tamquam ex materia, vel ignem, aut medium aliud corpus inter hæc, aëre quidem subtilius, sed igne crassius. Itaque omnes isti pro eadem citantur opinione, quia licet diuersum principium materiale posuerint, omnes tamē dixerunt, esse vnum, atque etiam omnes docuerunt hoc vnum principium esse per se existens, & separatum realiter ab elementis ex eo generandis.

Secunda opinio fuit aliorum, qui posuerunt principium materiale generationis elementorum non esse vnum, sed multiplex. Nam quidam posuerunt duo, nempe ignem, & terram. Alij verò tria, addentes aërem; alij verò quatuor addentes aquam, ut Empedocles. Et hi omnes dixerunt, ex his duobus, vel tribus, aut quatuor principiis per congregationem generari corpora naturalia, & per separationem corrumpi: cum tamen alij, qui vnum posuerunt per solam alterationem eius, ut per rarefactionem, vel condensationem generationes rerum naturalium fieri existimauerint.

- 3 Tertia opinio fuit Platonis in Timæo, qui vnum principium materiale videtur posuisse, cum prima opinione, sed confuse locutus est de eo, non explicans, quodnam sit, neque an sit separatum

separatum realiter ab elementis, immo neque an sit principium materiale, nisi confusa quadam ratione vocans illud receptaculum omnium, & addens subiectum elementorum sic se habere ad elementa ipsa, sicque ex eo fieri, sicut aurum se habet ad opera ex eo facta.

Ex his autem tribus opinionibus solum reiicit Aristot. primam, & tertiam; secundam vero ex parte videtur admittere, quia imprimis admittit quatuor elementa in rerum natura, quod verum esse opinatur ipse: deinde ex his quatuor, per mutuum congressum, vel alterationem verum est aliquo modo generari elementa secundum partes, atque etiam mixta omnia; & ideo aliqua videtur dicere vera, & propterea non censuit esse omnino reiiciendam.

Primam vero probat esse falsam hoc argumento. Impossibile est, quod primum principium materiale elementorum separaretur ab omni contrarietate, hoc est, à primis qualitatibus elementorum, inter quas vera contrarietas primo reperitur: ergo impossibile est, quod sit realiter separatum ab elementis, ut asserit eadem opinio. Evidens est consequentia, quia primæ qualitates solis elementis sunt propriæ, & ideo non possunt alteri corpori conuenire, nisi fortè eas ab illis participauerit; & id quidè in esse remisso, atque imperfecto. Sed probatur antecedens, quia vel tale corpus, quod est principium, erit graue, aut leue: si leue, naturaliter mouebitur ad locum ignis; & si graue, ad locum terræ: sed locus naturalis sequitur naturam corporis naturaliter ad eum tendentis: ergo tale corpus erit ignis, vel terra, habebitque qualitates eorum. Quare falsum est, quod ab eis sit distinctum, vel separatum.

Refutat deinde opinionem Platonis, qui dicebat principium materiale, ex quo generantur elementa prædicari in recto de eisdem elementis genitis ex eo, sicut aurum prædicatur de operibus ex eo factis: nam verum inquit, est, vas confectum ex auro esse aurum: & ita est verum ignem ex illo communi subiecto factum, esse illud idem subiectum ex quo fit. Hoc autem sic probat esse falsum, quia impossibile est principium naturale, ex quo tamquam ex materia generatur corpus, prædicari de eodem corpore in recto: ergo falsa est sententia Platonis. Probatur antecedens. Nam principium materiale generationis substantialis solum potest esse substantialis pars eius, ex qua simul cum alia, nempe substantiali forma fiat corpus genitum, alioqui, si totum sit substantiale, nihil eius corrumpetur, neque aliquid substantiale fiet per generationem, sed solum erit mutatio accidentalis, quod patet esse falsum, sed pars

sub. can

substantialis, etiam materialis non potest prædicari in recto de composito substantiali genito, sed ad summum in obliquo: non enim dicimus compositum esse materiam, sed ad summum esse materiale: ergo falsum est, quod materiale principium prædicetur in recto de re ex eo genita, ut affirmat Plato.

- 5 In secunda parte proponit propriam sententiã dicens; principium materiale, ex quo generantur elementa, dum producuntur de nouo quædam partes eorum corruptis alijs vnum esse, non quidem vnum aliquod elementum, neque vnum aliquod corpus sensibile, sed vna materia, quæ potest esse pars cuiuslibet corporis, non tamen est separata ab omni forma substantiali elementorum, neque ab omni contrarietate, hoc est, ab omnibus primis qualitatibus, sed coniuncta semper alicui formæ eorum, & aliquibus qualitatibus primis, quarum ratione potest transmutari ad aliam formam; & ita circa hanc materiam transmutatam de vna forma in alteram, tamquam circa commune subiectum fiunt generationes, & corruptiones elementorum. Probat autem Aristoteles, quod præter contrarietatem, id est, præter qualitates primas contrarias ponendum sit hoc principium materiale, tamquam commune subiectum earum hac ratione. Vnum contrarium non potest transmutari in aliud ita ut aliquid eius fiat quia repugnat frigiditatẽ fieri calorem, vel è conuerso: ergo non possunt agere, & pati, ut se transmutent, nisi assignetur commune subiectum, quod transmutetur ab vno in aliud, & de calido fiat frigidum, aut de frigido, calidum, & ita vnum contrarium corrumpat aliud, & generet sibi simile circa illudmet subiectum, quod ideo sit commune principium materiale omnium transmutationum, omniumque generationum, & corruptionum elementorum.

CAPVT II.

TEXTVS ARISTOTELIS.

Quoniam igitur querimus sensibilis corporis principia, &c.

Breuis expositio textus.

- 6 Explicato principio materiali generationis elementorum capite præcedenti, querit Aristoteles in præsentī principium formale, nempe formas eorundem elementorum. Diuiditur

ditur autem in duas partes. In prima docet formas elementorum esse qualitates tangibiles, non quascumque, sed primas, sicut elementa ipsa prima corpora generabilia, & corruptibilia vocantur. In secunda parte enumerat omnes qualitates tangibiles, & ostendit, quatuor ex eis esse primas, ad quas reducuntur reliquæ; ipsæ vero non reducuntur ad alias: & has quatuor primas qualitates esse formas elementorum.

Asserit ergo Aristoteles inquirendas esse formas elementorum, ut corporum sensibilibus, non quocumque sensu, ut visu, vel auditu, sed solum sensu tactus, ideo querendas esse formas eorum, ut tangibilium corporum, cuius ratio est manifesta, quia in hac parte considerantur elementa, ut sunt generabilia, & corruptibilia; ergo considerantur; ut actiua, & passiua. Probatur consequentia, quia per actionem, & passionem propriè sumptam agunt, & patiuntur; sed actionem, & passionem exercent per contactum: ergo considerantur ut tangibilia corpora. Vnde sequitur formas eorum debere esse qualitates tangibiles, & cum sint prima corpora tangibilia debere esse primas qualitates tangibiles.

Sed obijcit sibi Aristoteles hoc modo. Sensus visus est prior, 7
atque perfectior sensu tactus: ergo qualitates pertinentes ad visum dicentur primæ, potius quam pertinentes ad sensum tactus: sed elementa sunt prima corpora sensibilia: ergo formæ eorum debent esse qualitates sensibiles per visum, & non per tactum, atque adeo non qualitates tangibiles. Et respondet concedendo primum enthymema, quod visus sit prior tactu secundum dignitatem, & vniuersalitatem sui obiecti, sub quo comprehenditur lux, quæ est prima, ac perfectissima qualitas: & ideo, quod ex hac parte qualitates pertinentes ad visum sint priores pertinentibus ad sensum tactus. Sed quia in hac parte considerantur elementa, non ut corpora sensibilia sunt sub ratione communi, sed in quantum corpora sensibilia per se actiua, & passiua, quia per se generabilia, & corruptibilia, & qualitates per se actiue propriissima actione, solum sunt illæ, quæ pertinent ad tactum; ideo formæ elementorum, quatenus sic considerantur, solum sunt qualitates tangibiles.

Ut autem ostendat in secunda parte capituli non omnes qualitates tangibiles esse formas elementorum, sed tantum primas, 8
enumerat omnes sub his septem contrarietatibus comprehensas, nempe calidum, & frigidum, humidum, & siccum, grane, & leue, durum, & molle, lubricum, & aridum, asperum, & lene, crassum, & tenue. Ex quibus duas imprimis excludit, nempe grauitatem, & leuitatem, de quibus euidens est, non esse formas elemen-

elementorum, quia licet sint qualitates tangibiles, & licet sint principia motus localis, & ideo actionis, & passionis in communi sumptæ, non tamen sunt actiue, & passiue actione propriissime sumptæ, ut sumitur in hac parte, quæ sola est alteratio corruptiua: ideo non sunt formæ elementorum, ut in hac parte considerantur. Ex reliquis vero solum illas quatuor, ex quibus efficiuntur duæ primæ contrarietates, asserit esse formas elementorum, nempe calor, & frigus, humiditas, & siccitas. Quod probat hoc discursu, elementa sunt prima corpora actiua, & passiua, generabilia, & corruptibilia: ergo formæ eorum sunt primæ qualitates actiue, & passiue, & ideo primæ qualitates tangibiles, quia actio, & passio fit per contactum: sed solum quatuor illæ sunt primæ qualitates actiue & passiue: ergo illæ solum sunt formæ elementorum. Probat minor, quia illa dicuntur prima in quocumque genere, ad quæ reducuntur ceteræ; hæc vero non reducuntur ad alia; sed ad has quatuor qualitates actiuas, & passiuas reducuntur omnes aliæ, & istæ, nec ad alias, nec inter sese reducuntur: ergo sunt primæ. Ut autem probetur hæc minor vltima, duo sunt ostendenda. Primum, quod quatuor istæ qualitates sunt actiue, & passiue: secundum, quod ad eas reducuntur ceteræ, ipsas vero non amplius reduci possint. Probat primum ex proprijs definitionibus. Nam calidum per se, & sua virtute congregat similia, & consequenter dissimilia separat: ergo est actiuum, & ideo calor actiua qualitas. Euidens est consequentia, quia congregare illa, & separare hæc non potest fieri, nisi per propriam actionem, ut per se est manifestum. Minorem vero probat experientia in auro igni approximato, cuius partes propriæ coniunguntur inter sese; sed partes alterius naturæ, nempe terrestres, quas habebat admixtas, separantur à proprijs. Probat deinde de frigido, quia propriæ virtute cōgregat per se dissimilia: ergo est per se actiuum. Antecedens probatur experientia, nam virtute frigiditatis fit præcipua congelatio aquæ, vel alterius liquoris, sed in congelatione coniunguntur, non solum partes aquæ, sed paleæ, lapides, & alia valde dissimilia, quod non potest fieri, nisi per actionem propriam: ergo frigiditas est actiua qualitas.

De humido vero, & sicco probat tantum, quod sint passiue; nam licet actiue sint, magis sunt passiue ut superius ostendimus. Probat ergo esse passiuas ex proprijs etiam descriptionibus: nam humidum est, quod proprio termino difficile terminatur, facile vero termino alieno, ut aqua, si sibi relinquatur, diffunditur per spatium; sed facile se accommodat figuræ vasis, ut intra terminos suis concludi possit. Ex opposito vero siccum

siccum est, quod non est facile terminabile termino alieno, sed proprio, ut patet de terra, quæ non facile includitur sub alio, ut intra ipsum contineatur, & terminos eius non excedat, sed facile ipsa se continet proprijs terminis; sed esse aliquid terminabile proprio termino, vel alieno, denotat passionem: ergo humidum, & siccum passiva sunt; & consequenter humiditas, & siccitas, quarum ratione id habent, erunt qualitates passivæ, & activæ.

Probat secundum, quod ad has quatuor qualitates reducantur ceteræ omnes activæ, & passivæ. Et primo probat, quod tenue reducat ad humidum, & crassum ad siccum: præsupponens proprietatem humidi esse, quod sit repletivum alterius; quod sic declaro; humidum ex se est facile terminabile termino alieno; ergo ex se habet facile se accommodare alteri, ut intra terminos eius contineatur, quod est ipsum replere: sed tenue convenit esse repletivum: ergo erit humidum. Minorem probat quia corpus tenue, aut subtile est habens subtiles partes, per quas facile admiscetur alteri secundum exiguas partes illud interfecans, & illud peruadit, & quasi penetrat, ut patet de subtilioribus liquoribus: hoc autem est esse repletivum aliorum, & consequenter esse humidum, nam id habet per humiditatem. Quod vero crassum reducat ad siccum probat, quia ex duobus contrarijs, sicut unum se habet ad unum sibi contrarium, ita se habet aliud ad sibi contrarium. Reducit deinde lubricum, & aridum ad humidum, & siccum hoc modo. Lubricum est humidum aliquid passum, hoc est commixtum cum terreo subtili, ex quo provenit ei, quod sit tenax, atque vinctuosum, ut oleum: ergo ex humiditate tali modo se habente provenit ei, quod sit lubricum: quare ad humidum reducit, sicut particulare ad univernale eiusdem rationis, sub quo continetur. Aridum vero ex opposito nec admittit admixtionem terrei subtilis, nec vinctuosi humidi, sed calore extraneo resolvente humiditatem eius, frigido vero proprio comprimente easdem partes siccas, & faciente eas sibi constare hoc est, non dilabi, quasi congelatur, & aridum fit: & ecce ariditatem ex siccitate provenientem, quare merito ad siccum reducit. Reducit deinde molle ad humidum ratione effectus, quia propter humiditatem facile cedit tangenti, non quidem per fractionem, vel divisionem propriam, nec circumdando corpus subintrans, ut faciunt aqua, & alij liquores, sed quasi intra proprios terminos se colligens, ut cera blanda, quod constat facere per humiditatem. Durum vero ratione

ratione siccitatis quasi constipatum est, & diuidenti resistit, & propterea ad siccum reducit. De aspero vero, & leni non loquitur, quia notum est ad siccum reduci vtrumque. Sunt enim sicca quædam, & dura ex eo contraria, quia addunt contrariam positionem partium; nam asperum habet partes inæqualiter prominentes, lene vero prominentes æqualiter, & ex eiusmodi opposita positione partium, sequitur contraria ratio qualitatis, nempe asperitas, & lenitas.

- 12 Sed quia has omnes contrarietates reduxit ad humiditatem, & siccitatem, adnotat triplex esse humidum. Primum, quod non habet à se, nec sibi in hærentem humiditatem, sed ex coniunctione corporis eam habentis, & tunc aut in sola superficie, vt lapis, cui superinfunditur aqua, & hoc dicitur vdim, vel roratum, aut etiam in profundo, vt cum aqua subintrat terram, eique imbibitur, & hoc dicitur humidum irrigatum. Tertium est humidum habens in se, & à se, hoc est ex natura propria, humiditatem, & hoc est propriè humidum elementare, ad quod reducuntur duo alia, & eisdem modis diuiditur siccum, & impropria reducuntur ad proprium, vt consideranti erit manifestum. Sed probat tandem, quod quatuor illæ qualitates, ad quas reductæ sunt cæteræ, non reducantur ad alias; & ideo absolutè sint primæ, atque elementorum formæ, hoc argumento. Si reducerentur ad alias, vel ad alias priores, vel vicissim inter sese, sed neutro modo reduci possunt: ergo erunt absolutè primæ. Probatur minor, quia omnes qualitates propriissime actiue comprehenduntur illis contrarietatibus enumeratis; sed probatum est cæteras omnes ad eas reduci: ergo non dantur aliæ priores, ad quas reducantur. Quod vero nec inter sese possint reduci, probat; quia siccum non potest reduci ad calidum, nisi dicatur, omne siccum esse calidum, quod patet esse falsum; cum terra valde sicca non sit calida: nec siccum potest reduci ad frigidum, cum experientia constet ignem esse siccum, & non frigidum: sed nec humidum ad calidum, nam aqua humida est nullum habēs naturalem calorem. Et tandem nec humidum reducit ad frigidum, cum detur aer valde humidus nullam habens naturalem frigiditatem.

C A P V T III.

TEXTVS ARISTOTELIS.

Quoniam autem quatuor elementa sunt, ipsorum autem quatuor sex coniugationes, &c.

Breuis

Brevis expositio textus.

INtentū Aristotelis capite præsentī est constituere numerum 13
elementorum ex numero qualitatū primarū, quæ sunt eorū
formæ capite præcedenti constituto. Diuiditur autem in
duas partes: in prima asserit elementa esse quatuor, nec plura
nec pauciora. Quod probat ex quatuor cōbinationibus tantum
possibilibus primarū qualitatū, & ex communi antiquo-
rum opinione. In secunda parte duplicem differentiam loci
eisdem elementis tribuit, & simul docet in quonam gradu con-
ueniant eis primæ qualitates; & quæ quibus sint contraria.

Quatuor, inquit, elementa, esse constat ex capite præcedente,
id est quatuor primas qualitates. Ex quatuor autem qualitati-
bus colligit quatuor tantum esse elementa hoc modo. Vnum-
quodque elementum debet constare duabus qualitatibus, ut per
vnam possit cum alio sibi proximo conuenire, & per alteram
differre ab eo, eique contrarium esse: sed quatuor primæ quali-
tates quatuor tantum modis possunt accommodari, ut binæ
possint conuenire ad constitutionem elementi: ergo quatuor
tantum elementa ex eis possunt constitui. Minorem sic probat.
Dux contrariæ qualitates non possunt conuenire ad composi-
tionem eiusdem elementi, quia contraria in gradibus intensis
(ut oportet concurrere qualitates ad compositionem elementi)
non possunt simul consistere in eodem subiecto; sed exclusis
combinationibus contrariarū qualitatū, ut impossibilibus
naturaliter, solum restant alix quatuor: ergo solum possunt ex
eis constitui quatuor elementa. Probat iterum hanc minorem 14
hoc modo. Sex tantum modis excogitari potest coniunctio
duarū qualitatū ex his: primus erit calor cum frigore,
secundus humiditatis cum siccitate; tertius calor cum siccita-
te; quartus calor cum humiditate; quintus frigoris cum
humiditate; sextus frigiditatis cum siccitate; sed duo priores
modi sunt impossibiles propter contrarietatem: ergo solum
restant quatuor alij, possibiles quidem, quia sicut nullam con-
trarietatem habent qualitates eorum; ita nullam habent in-
compossibilitatem. Ex tertia igitur resultat elementum cali-
dum, & siccum, quod est ignis; ex quarta elementum calidum, &
humidum, quod est aer: ex quinta elementum frigidum, & hu-
midum, quod est aqua. Et ex vltima elementum frigidum, &
siccum; quod est terra. Ideo quatuor sunt elementa, nec plura,
nec pauciora. Quod probat ex communi opinione antiquorum
Philosophorum; qui licet diuersum numerum elementorum
posuerint, nullus tamen excessit numerum quaternarium; sed

cum omnes pro certo tenuerint per contrarias qualitates agere, & pati; & ita ex eis generari cætera corpora, quidam vnum tantum posuerunt igne densius, sed aëre rarius, quod esset materiale principium, habens tamen oppositas qualitates, nempe calorem, & frigus; & ita ratione caloris rarefieret, & ratione frigoris condenlaretur; sicque cætera corpora ex eo fierent per rarefactionem, & condensationem. Alij vero duo ponebant; nempe ignem, & terram; ex quibus dicebant duo alia media generari per rarefactionem, & condensationem; ita vt dum rarefit terra, generetur aqua, & dum condensatur ignis, fiat aër: & sic videretur sensisse Parmenides. Sed Plato tria videretur posuisse, nempe duo extrema contraria ex parte materie, hoc est magnum, & paruum; & vnum quasi formale, & veluti mixtum ex magno, & paruo; & per modum quemdam mixtionis simplicem fieri ex ois cætera corpora. Empedocles tandem quatuor hæc consueta elementa posuit; nempe ignem, aërem, aquam, & terram, quæ tamen sub vna contrarietate comprehendendi voluit, ita vt solus ignis propter summam actiuitatem constitueretur ex parte vnus extremi; tria vero alia simul ex
 15 parte alterius. Et ecce nullus posuit plura quatuor: ideo communis est omnium sententia, quod quatuor sint, quantum ad hanc partem; licet non omnes posuerint quatuor.

Sed de Empedocle ponente quatuor consueta elementa asserit Aristoteles, tenuisse vera elementa non esse ignem, aërem, aquam, & terram, quæ videmus, & tangimus; sed mixta quædam veris elementis similia. Et propterea hunc ignem, qui apud nos est, excessum caloris habere, sicut glacies habet excessum frigoris. Quamuis alij ex propria sententia hæc docere Aristotelem sentiant; sed D. Tho. in commentariis huius capituli, non ex propria sententia, sed Empedoclis, cuius mentem exponebat prolata esse ab Aristotele docet. Et ita ego credo, quia licet sentire videatur Aristoteles, verum, atque elementarem ignem proprium habere locum in concauo Lunæ, flammam vero, quam videmus, docet esse fumum quemdam ardentem, & mixtum ex aëre, & terra genitum, in hoc secundo libro text. 28. & 3. lib. de generatione animalium cap. 11. non longe à principio; de cæteris vero tribus, quæ apud nos sunt, tamquam de veris elementis loquitur in hoc secundo loco, & sæpe alibi.

- 16 In secunda parte capituli quatuor docet de elementis. Primum, duo superiora, ac leuiora, nempe aërem, & ignem primum locum tenere sub concauo Lunæ, sed supremum ignis ob suam leuitatem: duo vero alia grauiora, nempe aqua, & terram inferiori; sed terra infimum ob maiorem grauitatem. Secundum,
- extrema

extrema elementa, vt ignis, & terra, puriora esse duobus aliis mediis. Tertium, superiora esse inferioribus contraria, cum ex contrariis qualitatibus constent. Quartum, quod licet quodlibet elementum habeat duplicem qualitatem, vnam tamen sibi propriam, in qua superat aliud eandem habens; vt ignis calorem; aër humiditatem; frigiditatem aqua; & siccitatem terra.

XXXXXXXXXXXXXXXXXXXXXXXXXXXXXXXXXXXX

TRACTATUS DE PRIMIS QUALITA- tibus elementorum.

Elementum, vt à significatione ipsius nominis incipiamus, ¹⁷ duobus modis sumitur. Primo, latissima quadam significatione; vt significat primum, ex quo aliquid conficitur: quo pacto litteræ dicuntur elementa syllabarum, & orationis; prima principia dicuntur elementa demonstrationis, materia, & forma substantialis elementa rerum naturalium, & corpora simplicia intra ordinem rerum corruptibilium, vocantur elementa, ex quibus cætera corpora componuntur; & in hac significatione definiuit elementum Aristoteles 5. lib. Metaph. cap. 3. textu 4. his verbis: *Elementum dicitur, ex quo componitur primo in existenti indiuisibili specie in aliam speciem vt vocis elementa, ex quibus componitur vox, & in qua vltima diuiditur; illa vero non amplius in alias voces ab ipsis specie diuersas, &c.* Modò vero non sumimus elementum in hac significatione, sed in specialiori, & magis propria, pro primo, atque simplici corpore generabili, & corruptibili, ex quo generantur, & in quod resoluuntur cætera: & hoc modo definitur ab Aristotele 3. lib. de cælo, & mundo text. 31. his verbis: *Sic itaque elementum illud corporum, in quod alia corpora diuiduntur, quod inest potentia aut actu; ipsum autem est indiuisibile in diuersa specie. Quam definitionem constat non conuenire principiis incomplectis rerum naturalium, sed corporibus tantum simplicibus, ex quibus generantur, & in quæ resoluuntur mixta: in his enim (ait Aristoteles) actu, vel virtute permanere secundum diuersas opiniones, & hæc de significatione nominis.*

Qua præsupposita certum est, dari elementum, de quo agimus, in rerum natura; nam aqua, terra, & aër corpora sunt simplicia, hoc est, neque facta, neque composita ex aliis corporibus alterius conditionis, sed ex quibus cætera fiunt, quæ vocantur ¹⁸

mixta, in quibus actu, vel virtute permanent, vt cap. 10. præcedentis libri expositum est. Certum quoque est, elementa componi ex materia, & forma sicut cætera corpora sensibilia, & ex materia eorum per diuersas transmutationes fieri cætera corpora sublunaria, & ita verum est, cætera corpora ab eis participare materiam. De formis vero eorum dubitatum est, an sint quatuor qualitates (quas vocant primas) nempe calor, frigiditas, humiditas, & siccitas; vel præter has habeant alias formas substantiales, & istæ solum sint accidentales.

QVÆSTIO I.

An quatuor qualitates elementorum sint primæ.

19 **T**Ria sunt disputanda de his qualitatibus, nempe calore, frigore, humiditate, & siccitate tribus quæstionibus. Primum, an sint qualitates primæ, ita vt præter ipsas non reperiantur aliæ primæ, sed omnes sint secundæ. Deinde, an in mixtis reperiantur aliæ præter ipsas. Tertium an sint formæ substantiales elementorum?

Circa primam quæstionem refertur prima sententia eorum, qui tenuerunt calorem, & humiditatem esse qualitates positivas, frigiditatem vero, & siccitatem solum esse priuationes earum. Quod probant experientia; nam videmus infrigidari corpora per solum recessum caloris absque vlla productione alterius qualitatatis, vt in febricitantibus, quorum corpora per solum recessum, vel remissionem caloris febrilis refrigerantur; & alia sunt corpora, quæ per solam consumptionem humiditatis videntur exsiccati. Quod sentire videtur Aristoteles 1. lib. de celo cap. 3. text. 18. primo lib. de generatione cap. 3. text. 18. & 3. Meth. capit. 4. text. 22. quibus locis de frigore saltem docet esse priuationem caloris. Ad hanc sententiam possunt etiam reduci alij, qui putant humiditatem saltem, non esse qualitatem, sed substantiam quamdam quasi liquidam, & per partes corporis fluentem, à qua humectari dicuntur, atque etiam exsiccati ea sola recedente, vel consumpta, & ideo siccitatem non esse aliud, quam priuationem huius substantiæ. Hæc tamen sententia expresse contraria est doctrinæ Aristotelis, atque
20 etiam experientiæ, & rationi. Probatur primum, quia Aristoteles 1. lib. de generatione capite ultimo, docet expresse mixta generari ex elementis se corrumpentibus per mutuam actionem, & reactionem, & capite 4. huius libri quodlibet elementum posse generari ex alio; sed corruptio omnium elementorum ad

tum ad generationem mixti, non est possibilis, nisi quatuor istæ qualitates sint positivæ: ergo contra Aristotelem est de vlla earum id negare. Probatnr mīdē, quia actio, & reactio, generatio, & corruptio fiunt ratione contrarietatis propriæ, per quam vnum agit in alterum, & vnum etiam resistit alteri: contrarietas vero, actio, & resistentia dicunt rationes positivas, quia nec priuatio propriè contraria est, nec resistit alteri, vt patet de tenebris, & luce: ergo euident est in doctrina Aristotelis has omnes esse qualitates positivas. Præterea 2. lib. de anima capit. de tactu, textu 107. docet expresse has omnes qualitates esse per se sensibiles sensu tactus, his verbis: *intangibiles autem multa insunt contrarietates, calidum, frigidum, humidum, siccum.* Sed priuationes, vel substantia non sunt per se sensibiles: ergo nec in doctrina Aristotelis sustineri potest, quod vlla harum qualitarum consistat in sola priuatione. Probatnr secundo, quod sit contra experientiam; nam experimur has omnes qualitates realiter, & positivè immutare corpora, & circa illa effectus reales, & positivos causare; sed priuationes non possunt efficere realem, & positivam immutationem, nec realem, & positivum effectum, cum vtrumque postulet virtutem realem, & positivam in efficiente: ergo contradicit experientiæ, qui negat has omnes esse qualitates positivas. Sed probatur tandem, quod sit contra rationem, quia impossibile est, qualitatem aliquam produci per se successivè in aqua ab igne, nisi ratione proprii, & positivi contrarij in eodem subiecto existentis; sed calor producit per se successivè in aqua ab igne, & pari ratione siccitas in luto, & humiditas in cera: ergo præsupponunt qualitates propriè contrarias, & ideo reales, positivas in eisdem subiectis, à quibus eas realiter expellunt: quare nulla earum potest consistere in sola priuatione. Probatnr maior, quia nec solà extensio subiecti, nec solà priuatio, nec vtraque simul sufficit ad successivam productionem qualitatis, vt patet in productione per se instantanea lucis in aëre, vtraque simul non obstante: requiritur ergo contrarietas positiva cum extensione subiecti, quam proinde habere debent qualitates istæ per se productæ per mutationem successivam. Minor vero, quod omnes istæ producantur per se successivè in subiectis, constat, quia seclusa quavis alia causa extrinseca, vel per accidens experimur, aquam successivè calefieri, & aërem infrigidari ab ea: ergo concedere necesse est, quod id fiat ratione positivæ contrarietatis circa idem subiectum inter has qualitates reperiæ, quam non possunt habere, nisi sint qualitates reales, & positivæ.

- Quo supposito, secunda opinio tenet, has non esse primas qualitates, sed dari alias in elementis priores, quæ vocantur virtuales eiusdem denominationis, ut alium calorem virtua-lem, aliam virtua-lem frigiditatem, aliam humiditatem, & siccita-tem. Has vero ideo esse ponendas præter formales, & eis prio-res, ut formales ipsas in se producant elementa. Hanc senten-tiam citauit Marfil. 2. lib. de gener. q. 5. quam probant hoc ar-gumento. Sæpe contingit aquam, vel terram intensum calorem recipere ab igne: à quo frigiditas earum maxima ex parte ex-pellitur, & remissa manet: ergo non poterunt etiam sublatis impedimentis in antiquam frigiditatem se reducere eam in se producendo, nisi virtualis alia frigiditas eis concedatur, per quam agere possint, atque in se eam producere expellendo ca-lorem intensum. Probatur consequentia, quia cum formalis frigiditas permanens in eis sit valde remissa, non poterit in-tensum calorem expellere, cum à proportionem minoris inæ-qualitatis non proveniat actio.
23. Secundò potest probari hæc sententia, quia plures dantur qualitates his nobiliores, atque adeo priores, & imprimis lux; deinde potentia vitales, atque etiam colores, qui cum sint ob-iecta nobilioris potentia, nempe visus, nobiliores sunt eis, sicut visus nobilior est tactu, ad quem pertinet: grauitas etiam, & leuitas priores sunt, ac perfectiores. Vtrumque enim docuit, & probauit Aristor. 8. lib. Phys. textu 55. quia sunt principia motus localis, qui prior est, atque perfectior omni alio motu, quod docuit etiam expresse D. Thom. 1. p. q. 10. art. 1. Plures denique dantur qualitates in mixtis præter qualitates, quas participant ab elementis, ut in magnete, auro, & lapidibus prætiosis, in pipe-re etiam, vino, & sale, quæ non dependent ex eisdem qualitati-bus: ergo non possunt vocari primæ. Probatur consequentia, quia ut aliquid sit primum in aliquo genere, nec debet esse aliud eo prius, nec aliquid aliud sub eodem genere, quod ab eo non deriuetur, vel aliquo modo dependeat.
24. Sed hæc sententia tamquam falsa reijcitur, non solum à re-centioribus interpretibus Aristotelis in expositione. secundi capitis huius libri, sed etiam ab antiquioribus Philosophis, & Theologis, qui nullas alias qualitates virtuales ponendas esse in elementis docent, præter quatuor formales, quæ vocantur primæ. Ita Henric. quodlib. 11. quæst. 6. Maril. 1. de gener. quæst. 5. Ægidius quodlib. 2. quæst. 16. Capreol. in 2. d. 16. quæst. 2. Sonzin. 9. Meth. quæst. 8. Sotus 2. lib. Phys. quæst. 1, & in tota doctrina Aristotelis nulla talis qualitas virtualis in elementis ponenda reperitur. Sed probatur, quod non sint
- admit

admittendæ hac ratione: nam vel qualitates formales emanant
immediatè à substantiis elementorum, vel quia non possunt
immediatè ab eis emanare, ponuntur virtuales à quibus produ-
cantur. Si primum dicatur, euidenter ex eo sequitur superfluas
esse virtuales; nam si proximè illæ emanant à substantiis, ergo
non indigent aliis, à quibus producantur. Probatur consequen-
tia, quia virtuales ipsæ ponuntur proximè emanantes à sub-
stantiis, & ideo non ponuntur aliæ priores, quibus mediis
emanent, vel à quibus producantur, quia daretur processus
in infinitum, cum eadem sit ratio de vtrisque. Si vero dica-
tur formales non emanare immediatè à substantiis, sequitur
nec virtuales immediatè emanare posse. Probatur consequen-
tia, quia nulla potest ratio assignari ob quam virtuales proximi-
mè emanent, per quam non probetur eodem modo formales
immediatè etiam emanare posse.

¶ Vt autem quid sit in hac re tenendum explicemus, notan- 25
dum est primo, has qualitates de quibus loquimur, numquam
vocari primas ab Aristotele, eiusque interpretibus vniuersali
locutione, sed cum hac limitatione, nempe inter sensibiles
corruptibilium corporum ordinatas ad generationem, perfe-
ctionem, vel ornatum eorum, vt talia sunt. Hunc autem esse
sensum Aristotelis euidenter est ex cap. 1. & 3. huius libri à no-
bis expositis, in quibus easdem qualitates reduxit ad sensum
tactus, & primas vocauit inter tangibiles: ergo solum in hoc
sensu voluit esse primas, in quo etiam loquuntur omnes fere
eius interpretes in commentariis secundi capitis. Quod au-
tem in hoc sensu sint primæ, probatur hoc argumento. Prima
principia rerum naturalium vocantur ab Aristotele materia,
forma, & priuatio. 1. lib. Phys. quia nec sunt ex aliis, nec ex
alterutris, & omnia sunt ex ipsis; sed ita se habent istæ inter
qualitates sensibiles corruptibilium corporum: ergo in hoc ge-
nere debent vocari primæ. Probatur minor, quod non fiant
ex aliis, quia generatio rei naturalis prior origine est perfe-
ctione, & ornatu eius; cum ordinetur immediatè ad esse sub-
stantiale eius: ergo qualitates disponentes ad generationem
priores erunt origine cæteris, & ideo ex eis non fient; sed qua-
litates istæ elementorum sunt primæ inter eas, quæ disponunt
ad generationem: ergo impossibile est, quod fiant, vel orian- 16
tur ex aliis in tali ordine sensibilibus qualitatibus. Probatur ite-
rum minor, quia sola alteratio propriè sumpta, est primum
medium, quo expellitur vna forma, & disponitur materia
ad introductionem alterius ad quam tendit per se generatio:
ergo solum possunt per se primo disponere ad generationem

qualitates illæ, quibus primo, & per se conuenit esse principia talis alterationis; sed istæ sunt qualitates elementorum, de quibus loquimur: ergo sic sunt primæ in hoc ordine, vt non fiant ex aliis. Minorem hanc sic probo, quia non sunt excogitabiles aliæ alterationes, per quas expellatur vna forma, & introducat alia, priores calefactione, exsiccatione, & humectatione; quare impossibile est, has qualitates ex aliis fieri. Quod vero nõ fiant ex alterutris, hoc est vna ex altera, euident est, nam quælibet earum solum est principium per se alterationis determinatæ speciei, & vniuocum quidem, vt calor solum est principium per se calefactionis; sicque de reliquis: ergo quælibet determinatur per se ad productionem determinati effectus secundum speciem, vt calor ad producendum calorem; ita vt repugnet producere per se frigiditatem. Vnde sequitur eadem ratione repugnare, quod vna earum producat per se alteram. Probat tandem, quod cæteræ qualitates eiusdem ordinis fiant ex ipsis, expressis testimoniis Aristotelis, quibus id asserit, & probat: nam c. 2. huius libri, & 2. libro de partibus animalium cap. 1. omnes qualitates tangibiles ad eas reducit tamquam ad principia, ex quorum commixtione oriuntur, de coloribus vero sectione vltima problematum, & de odoribus 2. lib. de anima cap. 9. & lib. de sensu, & sensili cap. 5. de saporibus cap. 4. eiusdem libri, & de sonis sectione 11. problem. & tandem de grauitate, & leuitate 4. lib. Phys. text. 85. & 86. & 2. lib. de partibus animalium cap. 3. probat ex diuersa commixtione earundem qualitatum procedere, non quidem immediatè, sed media raritate, & densitate: & ideo omnes qualitates, quæ ex quatuor primis sequuntur, merito appellantur secundæ.

- 27 Probatur deinde ratione, & experientia: ratione quidem, quia sensus tactus prior est origine, vel generatione cæteris sensibus, & ideo vniuersalior, & propterea in omnibus animalibus quantumlibet imperfectis reperitur, atque etiam in omnibus partibus singulorum, cum tamen cæteri sensus, nec in omnibus, nec in singulis partibus eiusdem reperiantur: ergo qualitates tangibiles ad ipsum pertinentes priores origine, atque vniuersaliores esse debent. Quod probat experientia, cum videamus ex mutatione earum passim mutari corpora circa omnes alias, nempe circa raritatem, & densitatem, grauitatem, & lenitatem; circa colores, odores, & sapores, ac reliquas: istæ ergo qualitates elementorum sunt primæ, ex quibus procedunt aliæ, & procedentes sunt secundæ.

Has vero qualitates primas quatuor tantum esse, ita vt nec plures, nec pauciores ponendæ sint, probauit Aristoteles cap. 2. huius

huius libri textu 15. ostendens ad omnes, & solas illas reduci cæteras, eas vero non reduci ad alias, nec inrer sese villa ad alteram; & experientia docuit esse quatuor, præter quas non cognoscimus aliam, nec effectum vllum experimur, præter effectus earum: ergo evidens censendum est non esse plures, nec pauciores.

Ad argumentum primæ opinionis neganda est illa experientia, nempe, quòd in febricitantibus per solum abscessum caloris infrigidentur membra corporis; non enim ex hoc solo infrigidantur, sed per accessum frigoris recedentibus spiritibus, & quasi confugientibus ad internas partes corporis. Et pari ratione non exsiccat corpus per solum recessum humiditatis, sed per productionem siccitatis.

Ad argumentum secundæ opinionis concessio antecedente, quod aquam intensum calorem sæpe ab igne suscipiat: neganda est consequentia, quod non possit se reducere in antiquam frigiditatem, nisi ei concedatur alia qualitas, quæ sit virtualis frigiditas. Et quod dicitur has qualitates non emanare à substantiis elementorum immediate, negandum est, nam licet non sint propriæ passionibus elementorum, sunt tamen naturales virtutes eorum consequentes naturaliter eorum substantias, ut per eas possint producere sibi similia, non solum inducendo similes dispositiones in materia ad introducendam similem formam, sed etiam agendo per illas tamquam per instrumenta naturalia ad productionem eius. Vnde fit, ut si aliquando per introductionem contrariæ qualitatæ maxima ex parte expellantur, remoto tamen agente contrario naturaliter emanent ab eadem substantia. In secundo argumento plures numerantur qualitates, quæ videntur esse priores qualitatibus elementorum: sed cum istæ non dicantur omnium primæ, sed facta solum comparatione cum qualitatibus sensibilibus corruptibilium corporum, concedendum est non esse primas respectu lucis, quæ longe perfectior est. De potentiis autem vitalibus corporeis, certum est præsupponere in subiecto commixtionem, & temperamentum primarum qualitatum, tamquam dispositiones necessarias, ut in eo recipiantur; nam potentiæ vitales, ut vegetatiua, generatiua, & loco motiua, atque etiam potentiæ sensitivæ non possunt recipi, nisi in organo, vel parte corporis, aut in toto corpore talis temperamenti, ut debito modo possint suas operationes exercere: quare ordine naturæ, saltem in genere causæ materialis præsupponunt qualitates primas; sed quia ab eis non procedunt tamquam à causa efficienti, non dicuntur qualitates secundæ. De coloribus verò iam diximus in

- explicatione textus procedere ex permixtione, ac temperamento primarum qualitarum, & ideo secundas vocari. Quod in hac etiam questione probauimus, non solum ex doctrina Aristotelis, sed euidenti experientia, eum videamus mutationes passim fieri circa colores ex mutatione temperamenti. Negandum est ergo, quod sint perfectiores primis qualitatibus; nam quamuis visus sit perfectior tactu, ut suo loco dicitur; non sequitur omnia obiecta materialia eius esse perfectiora quibuscumque obiectis, materialibus tactus, sed maiorem perfectionem habet propter rationem formalem obiectiuam vniuersaliorum, atque perfectiorum, & modum operandi minus materialem. Ex quibus intelligitur potentiam ipsam immaterialiorem esse, atque adeo perfectiorem; & adhuc intra obiectum materiale visus continetur lux longe perfectior primis qualitatibus. De grauitate autem, & leuitate hac distinctione loquendum est, nam vniuersaliter, vel à toto genere priores sunt natura, quia motus localis vniuersaliter loquendo prior est alteratione, cuius principia sunt primæ qualitates; cum approximat agentis ad passum præcedens alterationem fiat per motum localem. Perfectiores vero solum accidentaliter, quia motus localis, cuius sunt principia, perfectior est ceteris motibus accidentaliter, ex ordine ad subiectum, quod minus in potentia præsupponit, sed respectu eiusdem corporis priores sunt primæ qualitates, quæ sunt principia alterationis, prius eidem corpori conuenientis, quam motus localis, atque etiam sunt perfectiores simpliciter, quia qualitas cum sit forma absoluta, atque intrinseca, ut perfectior est præsentia locali, & ideo alteratio perfectior simpliciter motu locali; quia ad perfectiorem terminum, ad quem tendit, nempe ad eandem qualitatem perfectiorem præsentia locali, ad quam tendit motus localis. Aristoteles vero, & D. Tho. loquuntur vniuersaliter de motu locali, ut comprehendit motum celorum, & de maiori perfectione tantum accidentali ex ordine ad subiectum perfectius, cum quo stat, ut perfectior sit alteratio simpliciter propter perfectiorem terminum ad quem, & prior natura respectu eiusdem corporis; & ideo qualitates elementorum priores, & perfectiores simpliciter grauitate, & leuitate.

Q V Æ S T I O II.

An in mixtis reperiantur alia qualitates præter elementares?

- 31 **I**N eodem secundo argumento opponerantur particulares qualitates quorundam mixtorum, quas videntur habere distinctas

distinctas à primis, & eorum temperamento, vt piper, vinum, sal, & eiusmodi alia ad producendas qualitates elementorum ordinatas, vt ad producendum calorem, aut siccitatem, atque etiam alios particulares effectus, non quidem in eisdem corporibus, sed in aliis. De his ergo procedit secunda quæstio duo querens, primo, an dentur? Secundo, an procedant ex mixtione, aut temperamento primarum, & ideo vocari debeant qualitates secundæ? Et prima opinio quorundam recentiorum negat dari tales qualitates saltem ad producendum elementares, vt ad producendum calorem, vel frigus; asseruntque communem esse sententiam, pro qua citant Nimphum 2. lib. de generatione comment. 28. quæst. 3. Petrum Martinez ad caput 1. eiusdem libri Valles. 1. lib. de controuers. med. cap. 12. Claudium de Sancteis repetitione 8. de Eucharistia cap. 2. Probantque duplici argumento; primo, quia corpus habens virtutem vniocam, siue æquiuocam producendi aliquam qualitatem in alio, vt calorem, vel siccitatem, si applicetur subiecto capaci eiusdem qualitatis, naturaliter, & semper eam producit, sed piper, vinum, & sal non calefaciunt, neque exsiccant alia corpora, etiam capacia harum qualitatum, quibus applicantur, nisi atterantur, vel 34 ab animali sumantur, ac partibus corporis eius applicentur: ergo non habent virtutem naturalem ad producendum alias qualitates in reliquis corporibus. Secundo, quia non sunt multiplicandæ qualitates, sine vrgenti necessitate; sed nulla vrget necessitas ponendi has qualitates præter primas: ergo non sunt ponendæ in his corporibus. Probatur minor, quia si vlla esset necessitas, maxime pro aliquibus effectibus, vel qualitatibus producendis, quas docet experientia produci per applicationem horum mixtorum ad alia; sed pro his producendis non sunt necessariæ; cum dentur aliæ causæ, à quibus produci possunt: ergo non sunt admittendæ. Probatur minor, quia per qualitatem prædominantem in proprio temperamento possunt hæc mixta corpora producere tales effectus, vt piper calefacere per calorem in eo prædominantem, qui si aliquando impediatur per frigiditatem impressam eidem pipero ab extrinseco agente; hoc tamen impedimento sublato ab agente alio, reducit se in calorem prædominantem sibi naturalem, per quem poterit eundem calorem in alio corpore producere. Vel excogitari potest, & non sine fundamento eiusmodi corpora, nec producere calorem, nec siccitatem; sed habere quamdam virtutem attractiuam similem, quæ in quibusdam medicamentis reperitur, per quam attrahunt spiritus calidos animales ad stomachum, à quibus calefit, aut denique calorem accipiunt ab eodem stomacho, per

per quem calorem ipsum calefaciunt, quod videtur probari in pipere, & vino non calefacientibus, nisi prius in stomacho calefiant.

- 33 Nostra tamen sententia asserit, non solum non posse vniuersaliter negari particulares qualitates in mixtis ad producendos particulares effectus in alijs corporibus, sed nec in particulari ad produendum calorem, aut alias qualitates elementorum. Ita D. Thomas opusc. 3. 4. cap. vnico, quæst. vnica de spiritualibus creaturis art. 1. & 2. cōtra gentes cap. 88. Conimb, 2. lib. de generat. cap. 3. q. 2. art. 1. & 3. & est cōmunis Medicorū. Probatur primum euidenti experientia, quia in magnere, & lapidibus prætiosis, atque etiam in medicamentis euidens est reperiri virtutem attractiuam aliorum corporum distinctam à qualitatibus elementorū, quia attractio illa non fit per calefactionem, vel infrigidationem, aut alterationem elementarē, & licet media alteratione primarum qualitatum fiat aliquando, euidens est, non cōsistere in tali alteratione attractionē ipsam; cum constet calefieri, & exiccari, vel infrigidari rem omnino immotam localiter; necesse est ergo ponere in his rebus virtutem aliam distinctam à qualitatibus elementorum, per quam
- 34 attrahantur per se ab eis corpora. Probatur secundum, quod etiā dentur particulares qualitates in mixtis virtualiter continentes qualitates elementorū, & eas sæpe producentes; nam si non dantur, ideo erit, quia repugnat has qualitates primas contineri virtute in alijs, vel quia repugnat corpus mixtum tales qualitates continere, aut tandem, quia licet sint naturaliter possibiles, non tamen sunt necessariae pro his effectibus producendis, sed superflue, quia alio modo possunt produci. Sed nulla ex his rationibus probat non dari: ergo eōcedendum est, quod dētur, eum effectus experiamur. Probatur minor, quia primam rationē insufficientem esse probat lux virtualiter cōtinens calorem, & eum produciens in corporibus corruptibilibus: ergo non repugnat dari qualitatem virtute cōtinentem elementares, & potentem eas producere. Quod vero non repugnet talem qualitatem esse in mixtis, probatur. Quia euidens est in eisdē corporibus dari alias qualitates ad altiores effectus producendos, vt probauimus: ergo non repugnat dari ad producendas primas qualitates. Et tandē probo non esse superfluas, sed necessariō ponendas pro his effectibus, quia omnes illæ causæ, vel rationes, quæ assignantur, nullius sunt momenti. Et prima quidem, quod per qualitates ipsas elementorū sibi proprias, & à cōtrarijs expeditas tales effectus producant, impossibile est, cum euidenti experientia constet, non semper, nec in omnibus

Cap. III. Tract. de primis qualitatibus. Quest. II. 509

omnibus corporibus eos producere etiā si expedita sint à contrarijs, sed solū in quibusdā determinatis; nec in his, nisi attrita, vel cōminuta, & determinatis partibus eorum coniuncta: ergo non procedūt ab eis per qualitates formales. Eadem etiā experientia docet in multo maiori intensiōe eos producere, quam sit intensiō qualitatum elementariū proprio tēperamento eorundem corporum debita; sed non potest agens producere effectum perfectiorem se: ergo nec per formales qualitates possunt producere tales effectus. Secunda etiā ratio de attractiōe spirituum vitalium ad stomachū insufficiens est, & falsa. Insufficiens quidem, quia piper non solū calefacit stomachū, sed vehementem calorem producere solet in ore, & partibus eius internis, quod non potest fieri per attractiōē spirituum ad has partes, Iuvat etiā ad decoctionem carniū in olla: ergo virtus eius non consistit in attractiōe spirituum, nec ab his calefit stomachus, sed à calore producto ab eodem pipere. Quod vero sit falsa, probo. Quia excellētiōr effectus est attractiō spirituum, quam simplex calefactiō; falsum est ergo denegare his corporibus minorem virtutem, & tribuere eis maiorem, præsertim cum facilius intelligatur tales effectus per minorem fieri. Postrema tandem ratio, quod eiusmodi corpora stomachū calefaciāt per calorem ab eodē acceptū, planē falsa ostenditur; cum experiamur intensiōrē produci calorem in stomacho per receptionem horum corporū in eo, quam haberet prius: ergo non potest produci per calorem ab eodem stomacho receptum. Probatur consequentia, quia intensiō caloris in stomacho minor erat, & non potuit tota produci in vino, aut pipere: ergo per eā, quā ab eodē stomacho recipiūt hęc, naturaliter repugnat intēdi calorem eius, cum nulla sequatur actiō à proportiōe minoris inēqualitatis.

Sed restat explicandum, à quā causa producantur in mixto qualitates istæ, nēpe ex cōmixtiōe primarū, vel à qua alia. Et videtur non posse habere aliam causam, præter primas qualitates, ex quorū permixtiōe procedunt, quod sic probo. Qualitates istæ conveniunt corporibus mixtis, vt mixta corpora sunt talis naturæ, cum constet non habere alium gradum perfectiōis essendi; sed primæ qualitates sunt causa corporis mixti, vt mixtum est; ergo consequenter erunt causa cuiuslibet qualitatis, aut virtutis eius, vt talis.

In hac re primum dicendum esse existimo has omnes qualitates præsupponere in corpore permixtiōem primarum, per quam materia disponitur ad receptionem formæ substantialis eorum. Probatur hac ratione à priori aut mixta, quibus concedūtur qualitates istæ, fiunt proximiē ex elementis, vel ex alio mixto;

mixto: & si ex elementis fiant, evidens est elementa ipsa vicissim corrumpi per alterationes procedentes à primis eorum qualitatibus, quia cum corrumpanitur per se à contrario, non dantur aliæ contrarietates propriæ priores his, à quibus corrumpi possint. Ex quo infero per primas qualitates primo expelli formas substantiales eorum, atque etiam primo disponi materiam pro forma mixti recipienda, & consequenter primo sequi in materia corporis mixti ex eisdem elementis geniti dispositiones alias similes, & ideo ante alias qualitates inesse mixto, quas proinde præsupponunt particulares aliæ qualitates eisdem mixtis concessæ. Et eadem ratione probatur necessarium id esse, dum hæc mixta sunt ex aliq mixto, ut considerari est manifestum. Probatur etiam à posteriori, quia videmus in multis ex his corporibus mutatione facta circa primas qualitates eorum, debilitari virtutem particularium qualitatuum, vel fortiores reddi in ordine ad proprios effectus producendos in alijs corporibus: ergo dependent ex temperamento primarum qualitatuum, tamquam ex dispositione subiecti necessaria ad consistentiam, atque conseruationem earum.

Secundo, dicendum est, has qualitates particulares mixtorum non procedere ex permixtione primarum tamquam ex causa efficiente, sed ea præsupposita in subiecto produci effectiue à generante idem mixtum, cuius sunt propriæ. Gratia exempli, virtus magnetis, & aliorum lapidum; virtus etiã auri prodicatur ab eo, à quo generatur, quod est virtus cœlestis, tamquam à causa efficiente principali operante per lucem, & alias influentias. Itaque ferè semper virtutes istæ habent pro causa
 3^a principali cœlestem virtutem, quemadmodum forma substantialis, & corpus, cuius sunt propriæ. Ita docuit expressè D. Thomas, & cum eo Conimbricenses locis citatis, & q. 5. de veritate, art. 10. ad 5. atque etiam quæst. vnic. de anima art. 1. his verbis: *Forma enim elementorum, quæ sunt infima, & materia propinquissima, non habent aliquam operationem excedentem qualitates acti-
 uas, & passivas, ut rarum, & densum, & alia huiusmodi, quæ videntur esse materia. dispositiones. Super has autem sunt forme mixtorum corporum, quæ præter prædictas operationes habent aliquam operationem consequentem speciem, quam sortiuntur ex corporibus cœlestibus: sicut, quod adamas attrahit ferrum, non propter calorem, aut frigus, aut aliquid huiusmodi, sed ex quadam participatione virtutis cœlestis.* Virtus etiam seminalis non est producta à primis qualitatibus, nec ab elementis, tamquam à causis principalibus, & proximis, sed nec à Sole, & alijs influentijs cœlestibus, ut placuit Toletio quæst. 2. huius lib. conclus. 4. Probatur primum,

primum, quia sua natura ordinatur ad altiores effectus, nempe ad organizandum corpus pro introductione animæ; immo ad educendam animam de potentia materiæ, si sit materialis tamquam instrumentum generantis, vel vniendum eam corpori, si sit spiritualis; ergo non possunt eam attingere elementa, vel qualitates eorum, ut præcipua causa. Probatur secundum quia quoriescumque possumus assignare causam particularem alicuius effectus, non est recurrendum ad vniuersales; sed dari potest propria causa talis virtutis, sicut datur propria causa eiusdem seminis, nempe viuens ipsum, à quo decissum est: ergo ab eo procedere censendum est tanquam à propria, ac principali causa. Vnde sequitur, quod licet ut plurimum proueniant qualitates istæ mixtorum ab vniuersalibus causis, non tamen semper, sed aliquando à particularibus, nunquam tamen ab elementis, vel à permixtione qualitaturn eorum, quia ex propria natura sunt eis perfectiores, ut probauimus. Euidens est consequentia, quia causa efficiens non potest agere ultra propriam perfectionem.

Ex quibus colligitur tertia ratio ad id probandum hoc modo. 39
Perfectio potentie, vel virtutis ordinatur ad operationem colligitur ex perfectione propriæ operationis; sed virtutes istæ aut qualitates sunt principia perfectioris operationis, aut secundum substantiam, aut secundum modum eam producendi, quàm primæ qualitates elementorum: ergo sunt eis perfectiores; quare non possunt ex permixtione earum procedere, tamquam à causa efficiente. Probatur minor, quia virtus attractiua alterius corporis, etiam contra naturalem inclinationem eius perfectior operatio est, quàm simplex calefactio, cum sit altioris ordinis, per quam corpus eam habens, quasi prædominatur alijs. Virtutes etiam per quas mixta corpora imprimunt alijs easdem primas qualitates, ut virtus calefactiua piperis, & vini, atque exsiccatiua salis longè perfectiori modo produciunt calorem, & siccitatem, quàm ignis, vel terra; quia produciunt eas tamquam causa æquiua, ad cuius actionem pertinent plures effectus specie distinctos posse producere, vel eundem altiori modo. Nec existimetur Diuum Thomam recurrere ad vniuersales causas, particulari, vel extraordinario modo, ut designet proprias harum virtutum, sed ad proprias, & naturales secundum naturalem ordinem vniuersi constitutas. Non est enim constituta alia causa principalis auri, & argenti, ac lapidum pretiosorum præter cælestes influentias, à quibus generantur in visceribus terræ: ergo nec potest alia designari, cui virtutes istæ eorundem corporum tribuantur, cum sint altioris

altioris ordinis à primis qualitatibus, & earum temperamento eisdem corporibus debito.

- 40 Ad argumentum illius sententiæ, quæ negat has qualitates in corporibus mixtis, concedenda est maior, quod virtus naturalis productiua alicuius effectus applicata subiecto capaci eius, semper, & naturaliter cum producat. Sed minor neganda, quod mixta hæc, quibus insunt particulares istæ qualitates applicata subiecto capaci, non semper producant effectus earum, non enim quodlibet corpus capax caloris elementaris censetur capax caloris à pipere, & vino producendi; nam licet non sit distinctus specie ab elementari, speciale tamen subiectum postulant agentia hæc ad producendos hos effectus, cum quo habent proportionem, & non cum alijs. Et illud tantum censetur capax effectus eorum. Nec solum postulant particulare subiectum, sed sæpe etiam coniunctionem Physicam, ac præuiam cum alio corpore, vt possint proprium effectum producere, quod in rebus odoriferis docet experientia: Indigent enim plures coniunctione ac permixtione cum alijs, immo & alteratione aliqua ab eis suscepta, vt odorem spargere possint, eumque imprimere subiecto capaci, cui etiam approximata sine his cum non imprimuntur, atque etiam in argento viuo patet, quod licet mineralibus integris, hoc est, non prius attritis, immo etiam prius attritis, non tamen prius irrigatis approximetur proprium effectum coniungendi partes eorum argenteas, & separandi à terrena earum sæce, non præstat, quantumlibet capaces essent secundum se tali effectu coniunctionis.
- 41 Ita ergo censendum est de alijs corporibus mixtis, de quibus loquimur, quæ etiam si calorem, vel siccitatem producere suis virtutibus possint, non circa omnia mixta caloris capacia, quia non omnia capacia censentur, quibus calor imprimatur à talibus agentibus; sed perfectiora quædam, vt viuientia, quibus adhuc non imprimunt proprios effectus, nisi prius alijs corporibus, aut saltem calori naturali eorum coniungantur, & fortè ab eo alterentur.

Ad argumentum vero pro ratione dubitandi propositum concedenda est maior, quod qualitates istæ conueniunt corporibus mixtis talis naturæ, sed neganda est minor, quod elementa sint causa effectiua eorum; nam licet elementa, vel primæ qualitates eorum sint causa mixtionis, & secundum modum permixtionis earum præcedentem in materia producat mixtum, & plures qualitates eius, quæ ideo vocantur secundæ, non tamen sunt causa efficiens eorundem mixtorum, sed perfectiorem aliam postulant, & ex consequenti qualitates, aut virtutes
ea con

ea consequentes ab eadem causa perfectiori produci debent, & non à primis qualitatibus minus perfectis; quamvis temperamentū earum pro dispositione necessaria postulent in materia.

QVÆSTIO III.

An prima qualitates sint forma substantiales elementorum, vel solum accidentales?



Prima opinio tenet, esse formas substantiales, per quas con-
stituuntur in primo esse substantiali, & per quas distinguun-
tur specie sub genere simplicis corporis. Ita Alexand. 12. lib.
Metaph. comm. 12. atque etiam 4. quæst. naturalium, Ammo-
nius cap. de substantia in prædicamen. Curtius, & Zimata 2.
lib. de anima, text. 18. Tribuitur etiam Galeno 1. lib. de usu
partium; & 1. de elementis. Probatur testimonio Aristotelis
cap. 2. huius libri textu 7. 8. & 14. ubi tria docet de his quali-
tatibus. Primum, quod constituunt elementa. Secundum, quod
sunt eorum principia. Tertium, quod sunt eorum differentia.
Hæc autem habere non possunt, si solum sunt accidentia eo-
rum, quia neque aliquid constituitur in suo esse per acciden-
tia; nec accidens potest esse ei principium essendi; & multo-
minus differentia eius. Probatur etiam ratione, primò, quia per
propriam operationem alicuius cognoscimus à posteriori for-
mam substantialem eius, à qua procedit operatio ipsa, tam-
quam à principio efficienti intrinseco; sed nullam aliam ope-
rationem habent elementa præter eas, quæ procedunt ab his
qualitatibus; ut ignis non habet aliam operationem, quam ca-
lesfactionem, & exsiccationem; & sic de cæteris: ergo qualita-
tes istæ sunt formæ substantiales eorum. Vel si dicatur habere
alias formas, concedendum erit, dari formas substantiales, à
quibus nulla procedit operatio, quod est absurdum. Secundo,
quia elementa ex propria natura sunt verè, & propriè contraria,
ut etiam docet expressè Aristoteles in hoc 1. lib. text. 14. sed con-
trarietas non potest eis convenire, nisi ratione harum qualita-
tum: ergo non habent alias formas substantiales, per quas con-
stituuntur in propriis naturis. Probatur minor, quia contraria
sunt, quæ sub eodem genere maximè distant, & ab eodem sub-
iecto, mutuo se expellunt: sed elementa maxime distant per ca-
lidum, & frigidum, humidum, & siccum; & eadem qualitates se
expellunt mutuo ab eodem subiecto: ergo per eas sunt elementa
essentialiter contraria; & ideo erunt formæ substantiales eorum.

- 44 Secunda opinio communis in Schola Peripatetica, & à nobis tenenda tamquam vera negat primas qualitates esse formas substantiales elementorum, sed tribuit eis alias formas substantiales priores, à quibus per modum efficientis causæ emanare affirmat easdem qualitates primas. Ita Diuus Thomas in commentariis 2. capitis huius libri, & omnes Latini interpretes tam veteres, quam noui ibidem, ideo nullum in particulari referre oportet. Probari solet testimonio Aristotelis cap. 9. huius libri textu 54. vbi asserit calidum, & frigidum esse instrumenta elementorum ad agendum. Sed quia hæc dicit non ex propria sententia, sed aliorum, quam rejicit, vt legenti erit manifestum, nihil probat testimonium hoc. Colligitur autem euidenter ex textu 21. eiusdem libri. Vbi ex propria sententia loquens de elementis, asserit esse contraria, quia passiones habent contrarias his verbis: *Et utraque utrisque contraria, igni enim contraria aqua, aëri autem terra: hæc enim ex contrariis passionibus constituta sunt, &c.* Sed euident est esse contraria per has quatuor qualitates, per quas vicissim agunt, & patiuntur, & se corrumpunt: ergo censet Aristoteles esse passiones eorum, & non formas substantiales, quas constat passionibus præsupponi. Atque etiam ex libro de sensu & sensili. cap. 4. vbi sic loquitur de eisdem elementis: *Quia igitur ignis, & qua terra nihil, natum est agere, vel pati, nec aliud quicquam: qua autem inest contrarietas in eis: hæc omnia agunt, & patiuntur.* Sed contrarietas inest eis per primas qualitates: ergo per has tantum agunt, & patiuntur, & non vt ignis & terra. Ex quo euidenter infero, quod non sunt ignis, & terra per has qualitates, sed per alias formas constituuntur in esse ignis, & terræ; & istæ sunt substantiales; qualitates vero accidentales, quia si per has sunt contraria elementa, non possunt esse formæ substantiales, quia substantia non habet contrarium. Vbi obiter adnoto expressam esse sententiam Aristotelis in hoc eodem testimonio, quod substantia nihil agit per seipsam, sed solum per accidentia vt
- 45 1. lib. Physicor. scriptum reliquimus. Probatur deinde ratione. Primo, quia si qualitates istæ sunt formæ substantiales elementorum: ergo constituunt vnum compositum substantiale cum materiis eorum. Euident est consequentia, quia ex materia prima, & substantiali forma resultat vnum compositum substantiale, tamquam ex potentia substantiali, & actu substantiali; sed hoc est impossibile: ergo falsum est, quod sint formæ substantiales. Probatur minor, quia compositum illud resultans ex forma caloris, aut frigiditatis, & materia est calidum formaliter, aut frigidum formaliter; sicque de reliquis elementis;

mentis : ergo non est substantia , & ideo nec totum substantiale. Probaturs consequentia , quia substantia non est per se sensibilis , non suscipit intensionem , & remissionem , nec habet formaliter contrarium ; sed calidum , & frigidum formaliter sumpta , sunt per se sensibilia sensu tactus , ut docet expresse Aristoteles 2. lib. de anima capit. 9. de tactu , & expressius experientia ipsa ; cum quilibet nostrum percipiat calorem ignis , & frigiditatem aquæ ; sunt etiam inter sese contrariæ , & suscipiunt intensionem , & remissionem : ergo qualitates istæ non possunt esse formæ substantiales elementorum. Secundo probatur , quia vel qualitates primæ sunt formæ substantiales , aut accidentales ; aut vere , & realiter habent utrumque , nempe esse substantiales , & accidentales simul. Primum probauimus falsum ; & ex eo sequitur tertium. esse impossibile , quia repugnat eandem formam respectu eiusdem materiæ esse substantialem , & accidentalem simul. Solum ergo restat tertium , nempe has qualitates esse formas vere , & realiter accidentales : quod si ita est , sequitur euidenter non esse formas substantiales elementorum , sed habere alias per quas constituentur in esse substantiali , vel elementari non esse composita substantia , sed solum accidentalia , nec distingui specie substantialis sed solum accidentali , quia accidentalis forma , nec potest constituere compositum substantiale , nec distinguere illud specie substantiali ab alio ; constat autem absurda hæc esse ; & ideo falsum , quod qualitates primæ sint formæ substantiales elementorum , & veritas est , quod alias formas substantiales habeant , per quas constituentur , has vero esse accidentia eorum , per quas agunt , & patiuntur.

Testimonium vero Aristotelis afferentis primas qualitates constituere elementa , esse principia eorum , atque etiam differentias duobus modis exponitur , primo à Diuo Thoma in commentariis eius , tales appellari ab Aristotele non re ipsa , sed quoad nos ; nam cum formæ substantiales eorum non sint per se sensibiles , nec possunt à nobis per se cognosci , & cum sentiantur per has qualitates , per eandem à nobis cognoscuntur. Vnde sicut sæpe solet loco generis , vel differentię nobis ignotæ poni in definitione rei aliquod accidens , vel proprietas eius , quam vocamus genus , vel differentiam eius , quia per illam deuenimus in cognitionem veri generis , aut differentię , ita Aristor. has qualitates vocauit differentias , aut principia , vel constitutiuia eorum , quoad nos , quia per eas manu ducitur intellectus ad cognoscendas veras formas substantiales , quæ sunt differentię , principia , & constitutiuia eorum. Secundo respondeo ,

Aristotelem considerasse in hoc opere elementa in quantum generabilia, & corruptibilia, atque etiam, ut concurrunt ad generationem mixtorum, ut ex contextu horum trium capitum aperte colligitur, quo pacto verissimum est primas qualitates esse differentias, atque principia, vel constitutiva eorum. Ex quo non bene inferitur cum sensisse, quod sint formæ substantiales: nam sicut actioni, & passioni præsupponitur substantia rei, quæ agit, & patitur; ita ad rem ipsam, ut actiuam, & passiuam præsupponitur forma substantialis. Actiua vero, & passiuia dicitur, & formaliter est, per accidentalem formam, quæ est proximum principium actionis, & passionis.

- 48 Ad primum argumentum concessa maiori, neganda est minor, quod non habeat aliam actionem distinctam substantia elementis, aut forma eius substantialis ab alteratione, quæ est propria actio primarum qualitatuum, nempe calefactio, vel infrigidatio, quia alteratio non est actio, per quam producit substantia, sed præter alterationem datur alia actio realis, quam vocamus generationem substantialem, quæ est quasi terminus alterationis; & terminatur per se, non ad calorem, vel frigiditatem, sed ad substantiam ignis, vel aquæ, & in igne vocari potest ignitio. Hæc igitur actio est propria substantiæ, & procedit à forma substantiali tamquam à causa principali medio calore, & calefactione, ut instrumento.

QVÆSTIO IIII.

An elementa sint propriè contraria secundum formas substantiales, vel solum secundum qualitates?

- 49 **S**ecundum argumentum excitat aliam quæstionem satis difficilem, an elementa sint contraria secundum formas substantiales, vel solum secundum qualitates. Ut autem difficultas eius ostendatur, præsupponenda est definitio contrariorum, quæ colligitur ex Aristotele 10. Metha. cap. 6. & talis est: *Contraria sunt, quæ sub eodem genere maxime distant, & ab eodem subiecto mutuo se expellunt.* Ex qua sic ostendo elementa esse contraria secundum formas substantiales; nam eis videtur convenire tota definitio. Sunt enim sub eodem genere vniuersali corporis in prædicamento substantiæ, vel sub eodem genere particulari, & immediato corporis simplicis, sub quo etiam maxime distant. Nam differentia specifica maxima distantia est sub eodem genere, cum nulla possit dari maior, ut per se est manifestum.

Quod

Quod verò ab eodem subiecto inuicem se expellant, sic probò, Se expellere circa idem subiectum conuenit formis; sed formæ substantiales elementorum se expellunt formaliter circa eandem materiam, vt constat in mutua generatione, & corruptione vnius ex altero, atque etiam in mixtione: ergo propriè contraria sunt secundum formas substantiales. Si autem dicatur ad propriam contrarietatem non sufficere expulsionem formalem, sed etiam requiri effectiuam, formas vero substantiales elementorū non se expellere effectiue, sicut se expellunt primæ qualitates eorum, sed solū formaliter, & ideo non esse verè contrarias. Contra hoc est, quod ad veram contrarietatem non requiritur expulsio effectiua, sed formalis sufficit: nam calor impressus aquæ ab igne contrariusest frigiditati eius, & tamen non expellit eam effectiue, nec potest, nisi seipsum intendat: ergo expulsio effectiua non est necessaria, & ita sentiunt omnes Philosophi.

Quod verò elementa non sint propriè contraria secundum formas substantiales est expressa sententia Aristotelis capite de substantia in prædicamentis: vbi inter proprietates substantiæ enumerat hanc: quod substantiæ nihil contrarium sit, sed contrarietas conuenit rebus per suas formas, cum formæ sint, quæ possunt se expellere circa idem subiectum, vel materiam: ergo elementis (quæ sunt corpora substantialia) non potest conuenire propria contrarietas secundum doctrinam Aristotelis. Quod, vt ostenderet in hoc 2. libro textu 49. agens de contrarietate elementorum secundum formas substantiales, ita ait: *Terra enim aëri, aqua vero igni contraria est, vt contingit substantiam substantiæ contrariam esse.* Quasi dicat non esse contraria, nisi communissima, atque impropria ratione, prout contrarietas sumitur pro quacumque oppositione priuatiua, quæ sufficit, vt dicatur vnum fieri ex altero tamquam ex contrario, hoc est ex priuatione formæ ipsius præcedente in materia alterius, & expulsa ab eadem materia per eandem formam; & hæc est communis sententia totius scholæ, & vera.

Difficile tamen probari potest, quod non sit vera contrarietas inter has formas substantiales, cum tota definitio contrariorum videatur eis conuenire, nec per vllam eius particulam excludi posse. Propterea Sotus 1. lib. Phys. q. 5. ad 1. asserit ad propriam contrarietatem non sufficere, quod duæ formæ se expellant quomodocumq; sed necessariū esse, vt successiue, & per gradus, ita vt subiectum prius perueniat ad medium participans utroq; extremo, quam ad aliquod extremum, quo pacto se expellūt qualitates; nam calor ita expellit frigus ab aqua, vt prius

aqua sit tepida per calorem remissum, quam perfectè calida, & vniuersaliter loquendo, contraria talis sunt naturæ, vt in gradibus remissis possint esse simul in eodem subiecto. Et hunc modum dicendi tenuisse videntur Caiet. cap. de substantia in Prædicamentis, & Sonzinas 10. Metha. q. 24. Sed contra Aristote-

- 92 lem est, & contra rationem. Probo primum ex cap. de oppositis in post prædicamentis, vbi ex contrariis, quidam ait nullum habere medium circa subiectum; alia vero mediū habere posse his verbis: *Quicumque vero contrariorum talia sunt, ut in quibus nata sunt fieri, & de quibus prædicantur, necessarium sit alterum ipsorum inesse; horum nihil est medium: quorum vero non est necessarium alterum inesse, horum omnino est aliquod medium* Quibus expresse docet non esse necessarium; vt contraria medium habeant circa subiectum, ad quod prius perueniant, quàm ad extremum; nec etiam vt possint esse in eo simul in gradibus remissis. Probatur etiam ratione, quia ratio expulsiōis; siue de effectiua, aut formali loquamur; solam in eo consistit, quod vnum excludat alterum ab eodem subiecto propter repugnantiam, quam habent in eo; quod verò paulatim, vel simul expellat illud, non diminuit perfectionem expulsiōis; quia potius perfectior expulsiō est ea, quæ simul fit, & maiorem repugnantiam contrariorum ostendit, quàm si successiue, aut per gradus fiat: ergo simultanea expulsiō formarum substantialium non tollit propriam contrarietatem earum. Secundo probatur duobus exemplis: nam actus scientiæ, & erroris; actus odij, & amoris circa idem obiectum propriissimè sunt contrarij, & tamen nec se expellunt successiue, & per gradus, sed simul, quia quilibet prorsus tollit formalem rationem alterius: nec oportet, vt prius intellectus, aut voluntas perueniat ad medium aliquod, quàm ad extrema; nec demum quod secundum gradus remissos simul esse possint tales actus in intellectu, aut voluntate: ergo distinctio illa successiua, & gradualis expulsiōis; aut simultaneæ insufficiens est ad excludendas formas substantiales elementorum à propria contrarietate.

- 93 Secundus modus dicendi quorundam igniorum est, formas substantiales elementorum excludi à definitione contrariorum per priorem partem definitionis. *Quæ sub eodem genere maxime distant.* Vnde quamvis eis conueniat posteriori, quia mutuo se expellunt ab eodem subiecto, quod est materia, non sunt propriè contrariæ: & ideo nec elementa ratione illarum; sed solum ratione primarum qualitatū. Quod vt explicent, adnotant, duo esse necessaria, vt aliqua dicantur maxime distare sub aliquo genere. Primum, quòd ita vnum distet ab altero, vt à nullo

alio eiusdem generis æquè distet. Secundum, quod nihil repugnat vni eorum, nisi ratione alterius, nempe, quia rationem alterius aliquo modo participat. Et vtrumque reperitur in albedine, & nigredine. Primum quidem, quia sub genere coloris sic distant inter sese, vt nullus eorum æquè distet ab alio quocumque colore. Secundum vero, quia ceteri colores cuiuslibet eorum repugnant, in quantum aliquo modo participant rationem alterius; vt fuscum repugnat albo, in quantum participat rationem nigri: & huic repugnat rubeum, in quantum participat rationem albi; sed formæ substantiales elementorum neutrum habent, & ideo non dicuntur maxime distare sub eodem genere substantiæ corporeæ. Probatur minor, quia qualibet æquè distat ab omnibus, & singulis formis substantialibus aliarum specierum eiusdem generis, & æquè est impossibilis, cum quacumque alia, & hoc habet ratione sui, & non ex participatione alterius maxime distantis ab alia.

Sed hic etiam modus dicendi non reddit sufficientem rationem, propter quam formæ substantiales elementorum excludantur à definitione contrariorum, aut non sint propriæ contrariæ: quod sic probo in eisdem formis. Nam elementa conueniunt sub genere proximo corporis simplicis diuersi à corpore mixto: quia formæ elementares talis sunt naturæ, vt postulent primas qualitates pro dispositionibus, & naturaliter quidem ab eis emanantibus, mixta vero omnes postulant, & remissas quidam, de quibus non est certum naturaliter emanare ab eorum formis. Hæc autem videntur efficaciter satis à posteriori ostendere formas elementares, vt tales specie differre à formis substantialibus mixtorum, vt talibus. Quo supposito ita arguo. Formæ istæ sub eodem genere corporis simplicis maxime distant: ergo ex hac parte non possunt excludi à definitione contrariorum. Probatur antecedens, quia forma ignis distat à forma aquæ, vt non æquè distet ab aliqua alia eiusdem generis; & pari ratione forma aquæ à forma ignis: ergo maxime distant inter sese. Probatur iterum antecedens, quia ex propria natura postulat quælibet pro dispositionibus ambas qualitates oppositas, & à se emanantes naturaliter, quod non habent comparatæ cum ceteris: ergo magis distat quælibet ab alia, quàm à ceteris. Et eodem argumento probatur, formam aëris, & terræ magis inter se distare, quàm à reliquis. Quod autem dicitur necessarium esse, vt aliqua dicantur maxime distare, quod reliqua distent à quolibet eorum, non ratione sui, sed ex eo, quod participant aliquo modo alterum extremum, non semper est verum, & ideo non est necessarium ad maximam di-

stantiam, quia ut ex Aristotele probauimus, non est necessarium dari medium inter quæcumque contraria; ut inter sanitatem, & ægriitudinem (inquit ipse) nullum datur medium : ergo non est necessarium, quod inter quæcumque maximè distantia dentur alia magis, vel minus distantia ab eis, vel aliquo eorum; sed possibile est sub aliquo genere solum dari ea, quæ maximè distant, & ita contingit in elementis; non enim dantur sub genere corporis simplicis alia media corpora, sed solum elementa ipsa maximè distantia inter sese.

Probatur secundo insufficiencia eiusdem modi dicendi, nam sub genere animalis dantur duæ species maximè distantes : ergo ex parte maximè distantia dari potest propria contrarietas inter substantias, vel inter formas substantiales earum. Probatur antecedens : quia illa dicuntur maximè distare, quæ sic distant inter sese, ut non æquè, sed minus distent à quocumque alio ; sed ita se habent sub genere animalis species humana, & animalis omnium imperfectissimi ; nam quælibet non æquè distat ab aliis speciebus animalis ; sed magis distat ab altera : ergo verum est esse maximè distantes. Et de cæteris omnibus verum est plus distare à quolibet extremo, quo magis accedit ad aliud, & minus, quo magis recedit ab illo.

- 56 Ut nostram sententiam explicemus, adnotandum est primo : oppositionem in genere, vel in communi acceptam diuisam esse ab Aristotele in postprædicanentis capit. de oppositis in quatuor genera, vel species, aut modos oppositiōis, nempe in oppositionem contradictoriam, contrariam, priuariam, & relatiuam. Et ideo necessario debet poni, vel subintelligi loco generis in definitionibus singularum specierum, siue definiantur in abstracto, siue in concreto. Vnde si definiamus contrarietatem in abstracto, dicemus ; Contrarietas est oppositio eorum, quæ sub eodem genere maximè distant, & ab eodem subiecto mutuo se expellunt ; si in concreto dicendum erit, contraria sunt opposita, quæ sub eodem genere maximè distant, & ab eodem subiecto mutuo se expellunt. Et ita definita fuit contrarietas in concreto ab Aristotele, & propterea in eadem definitione subintelligenda est particula, *Opposita*, quasi pro genere, quam absque dubio refert particula, *Quæ*. Secundo notandum est, oppositionem formaliter significare repugnantiam duorum extremorum, ut per se est manifestum ; & ideo distinctas species, oppositionis significare distinctas species, vel modos repugnantia specialium extremorum, inter quæ versantur : contraria igitur dicunt specialem repugnantiam, ex qua prouenit, ut

nit, ut maxime distent sub eodem genere, & ab eodem subiecto mutuo se expellant. Vnde si duas istas condiciones non habeant extrema propter specialem repugnantiam, sed aliunde, sicut non erunt formaliter opposita, quia non erunt inter se formaliter repugnantia: ita nec per tales condiciones constituentur proprie contraria; & hoc modo intelligenda est definitio contrariorum ex Aristotele adducta, quod sic probetur. Pro genere talis definitionis ponitur oppositio, quia tamquam genus se habet ad oppositionem contrariam, & reliquas: ergo cæteræ particulæ definitionis, per quas determinatur idem genus, continent specialem rationem oppositionis distinctam ab aliis oppositionibus; sed specialis ratio oppositionis dicit specialem repugnantiam formaliter, sicut oppositio in communi dicit repugnantiam in communi: ergo ita intelligi debet, quod contraria maxime distent sub eodem genere, & ab eodem subiecto mutuo se expellant, ut sub ratione formalis, atque specialis repugnantia eis conveniat, & non aliunde, vel ex alia quacumque ratione. Ex quibus iam intelligitur eandem definitionem non convenire formis substantialibus elementorum, & ideo non esse proprie contrarias, sed qualitatibus eorum, in quibus vera, ac propria ratio contrarietatis reperitur. Probatur hoc argumento. Formæ substantiales, nec sunt maxime distantes, nec se expellant ab eodem subiecto propter specialem repugnantiam, vel oppositionem, sed solum propter rationem communem informandi materiam, & constituendi eam in talem speciem, vel individuum substantiæ, qualitates vero idem habent ratione repugnantia specialis: ergo his, & non illis definitio, ac vera contrarietas convenit. Probatur minor, quia anima rationalis ex eo solum intelligitur maxime distare ab anima imperfectissimi animalis, quia constituit perfectissimam speciem, hæc vero imperfectissimam & ex communi tantum ratione informandi substantialis formæ expellit formaliter una forma substantialis aliam ab eadem materia, quia non habet materia naturalem capacitatem, ut simul ab utraque informetur, cum nec possit esse specificum utriusque simul recipere, immo nec esse individuale. Vnde non solum expellit una forma aliam diversæ speciei: sed etiam si sit eiusdem. Ex quo evidenter sequitur, non se expellere formas substantiales propter specialem repugnantiam, sed propter communem rationem impossibilitatis ex communi ratione informandi, & tribuendi esse materiæ provenientem: ergo eadem maxima distantia, atque eadem expulsio ab eodem subiecto non convenit his formis ratione specialis repugnantia,

potest; supposito, quod octo gradus humiditatis habeat; caloris vero non nisi quinque, vel sex, potest enim recipere duos gradus frigiditatis sine expulsionem alicuius gradus caloris, quia capacitas eius completam latitudinem octo graduum ex utroque contrario recipere potest. Postquam vero adimpleta est latitudo ex utroque contrario, vel si ex vno tantum eorum adimpleta præsupponitur, non potest subiectum recipere aliquem gradum ex vno contrario, quin gradus alter contrariæ qualitatis expellatur, & ideo neque utrumque contrarium simul in gradu intenso, quia excederet integram latitudinem octo graduum ex utraque qualitate, & ideo deficeret capacitas subiecti in ordine ad agens naturale.

- 62 Hoc supposito, probatur naturaliter esse impossibile, quod contrariæ qualitates sint simul in eodem subiecto secundum gradus intensos, nempe calor ut octo, & frigus etiam ut octo, aut quid simile. Primo ex definitione contrariorum, in qua dicitur, quod mutuo se expellunt ab eodem subiecto; sed si non necessario se expellunt secundum hos gradus intensos, sed simul esse possunt, sequitur non se expellere villo modo, atque adeo non esse contrarias. Probatur consequentia, quia si non se expellunt secundum gradus intensos, multo minus se expellent secundum remissos minorem habentes repugnantiam, vel certe non maiorem, & ideo nullo modo se expellent. Itaque tam necessarium est contraria secundum esse perfectum se expellere, quam necessarium est dari propria contraria in rerum natura. Secundo probatur experientia, quia sensu tactus experimur, quo magis calefit aqua, eo esse minus frigidam, & quo magis infrigidatur aer, eo esse minus calidum: ergo signum evidens est, quod calor, & frigus secundum intensos gradus se expellunt. Nam si non se expellerent, retineret aqua totam suam frigiditatem, quantumcumque calefieret ab igne.

- 63 Sed an possint esse simul per potentiam Dei supernaturalem, non est certum; sed prima opinio tenet implicare contradictionem: quam videntur sequi Capreol. in primo dist. 17. q. 2. ad argumenta contra 2. conclusionem, Iauellus 10. lib. Meth. quæst. 13. & Marsil. 2. libro de gener. 4. putantes contradictionem sequi ex eo, quod simul sint. Quam probo testimonijs Aristotelis, & rationibus. Aristoteles enim eandem repugnantiam reperiri docet in eo, quod contraria sint simul, ac reperitur in contradictorijs; sed contradictoriæ opposita, ut esse, & non esse, non possunt eidem rei simul conuenire, etiam per absolutam Dei potentiam: ergo ex mente Aristotelis eandem contradictionem implicabit, quod contraria sint simul in eodem
secun

Cap. III. Tract. de primis qualitatibus. Quest. VI. 525
 secundum esse perfectum: maior est expressa apud Aristotelem
 4. lib. Meth. cap. 4. tex. 27. his verbis: Cum vero impossibile sit con-
 tradictionem simul de eodem verificari, patet quodcumque contra-
 ria simul eidem inesse contingit: contrariorum enim alterum non
 minus priuatio est. Substantia vero priuatio, negatio à quodam de-
 terminato genere est: si impossibile ita est simul affirmare, & negare
 vere: impossibile est etiam contraria simul inesse, sed aut ambo, se-
 cundum aliquid, aut alterum secundum aliquid: alterum simplici-
 ter. Quod etiam de calido, & frigido, de humido, & secco in
 gradibus intensis docuit 2. lib. de Gener. text. 16. asserens con-
 iungi non posse in eodem elemento.

Sed probatur ratione satis efficaci in eisdem verbis Aristo- 64
 telis relatis contenta. Ita enim arguit. Duo contradictoria re-
 pugnat simul eidem conuenire, quia sunt affirmatio, & negatio
 eiusdem esse, ut quod idem corpus simul sit album, & non al-
 bum; sed contraria dicunt eandem affirmationem, & negatio-
 nem eiusdem esse: ergo non minus repugnabit simul esse in
 eodem. Minorem sic probat: Vnum contrarium, quod imper-
 fectius est altero, dicit priuationem alterius tamquam perfe-
 ctioris, ut nigrum dicit priuationem albi; sed priuatio est ne-
 gatio eiusdem esse; ergo dicit negationem; & ex consequenti
 eandem repugnantiam oppositionis contradictoria. Quare
 non poterunt contraria perfecta eidem subiecto simul conue-
 nire. Secundo probatur, quia implicat contradictionem ali-
 quam formam esse in subiecto, quin ei tribuat proprium effe-
 ctum formalem, ut albedinem esse in pariete, quin constituat
 eum formaliter album: sed vnum contrarium in gradu inten-
 so expellit aliud per proprium effectum formalem, cum
 illud expellat in genere causae formalis: ergo repugnat esse in
 subiecto, in quo aliud erat, quin expellat illud. Probatur conse-
 quentia, quia repugnat esse in subiecto, nisi per informationem,
 sed per eandem informationem expellit contrarium; ergo re-
 pugnat simul esse cum eo. Quod exemplo aquae declarari po- 65
 test, si ei applicetur ignis, & producat in ea summum calorem:
 tunc enim calor expellit frigiditatem, expulsionem formalem, &
 ideo expellit eam per informationem, quia informatio eius
 inconpossibilis est cum informatione frigiditatis: quare re-
 pugnat informare aquam, quin expellat ab ea eandem frigidi-
 tatem, atque adeo simul cum ea esse: & haec est tota repugnan-
 tia, quia forma in subiecto inherente repugnat suspendi effe-
 ctum formalem eius, & proinde repugnabit suspendi expulsio-
 nem formae contrariae per eundem effectum praestandam. Pro-
 batur tandem, quia eadem est ratio de formis substantialibus,
 & acci

- 44 : Secunda opinio communis in Schola Peripatetica, & à nobis tenenda tamquam vera negat primas qualitates esse formas substantiales elementorum, sed tribuit eis alias formas substantiales priores, à quibus per modum efficientis causæ emanare affirmat easdem qualitates primas. Ita Diuus Thomas in commentariis 2. capitis huius libri, & omnes Latini interpretes tam veteres, quàm noui ibidem, ideo nullum in particulari referre oportet. Probari solet testimonio Aristotelis cap.9. huius libri textu §4. vbi asserit calidum, & frigidum esse instrumenta elementorum ad agendum. Sed quia hæc dicit non ex propria sententia, sed aliorum, quam rejicit, vt legenti erit manifestum, nihil probat testimonium hoc. Colligitur autem euidenter ex textu 21. eiusdem libri. Vbi ex propria sententia loquens de elementis, asserit esse contraria, quia passiones habent contrarias his verbis : *Et utraque utrisque contraria, igni enim contraria aqua, aëri autem terra : hæc enim ex contrariis passionibus constituta sunt, &c.* Sed euident est esse contraria per has quatuor qualitates, per quas vicissim agunt, & patiuntur, & se corrumpunt : ergo centet Aristoteles esse passiones eorum, & non formas substantiales, quas constat passionibus præsupponi. Atque etiam ex libro de sensu & sensibili. cap.4. vbi sic loquitur de eisdem elementis : *Qua igitur ignis, & qua terra nihil, natum est agere, vel pati, nec aliud quicquam : qua autem inest contrarietas in eis : hæc omnia agunt, & patiuntur.* Sed contrarietas inest eis per primas qualitates : ergo per has tantum agunt, & patiuntur, & non vt ignis & terra. Ex quo euidenter infero, quod non sunt ignis, & terra per has qualitates, sed per alias formas constituuntur in esse ignis, & terræ ; & istæ sunt substantiales ; qualitates vero accidentales, quia si per has sunt contraria elementa, non possunt esse formæ substantiales, quia substantia non habet contrarium. Vbi obiter adnoto expressam esse sententiam Aristotelis in hoc eodem testimonio, quod substantia nihil agit per seipsam, sed solum per accidentia vt
- 45 1. lib. Physicor. scriptum reliquimus. Probat deinde ratione. Primo, quia si qualitates istæ sunt formæ substantiales elementorum : ergo constituunt vnum compositum substantiale cum materiis eorum. Euident est consequentia, quia ex materia prima, & substantiali forma resultat vnum compositum substantiale, tamquam ex potentia substantiali, & actu substantiali ; sed hoc est impossibile : ergo falsum est, quod sint formæ substantiales. Probat minor, quia compositum illud resultans ex forma caloris, aut frigiditatis, & materia est calidum formaliter, aut frigidum formaliter ; sicque de reliquis elementis ;

mentis : ergo non est substantia , & ideo nec totum substantiale. Probaturs consequentia, quia substantia non est per se sensibilis, non suscipit intensiorem, & remissionem, nec habet formaliter contrarium ; sed calidum, & frigidum formaliter sumpta, sunt per se sensibilia sensu tactus, ut docet expresse Aristoteles 2. lib. de anima capit. 9. de tactu, & expressius experientia ipsa ; cum quilibet nostrum percipiat calorem ignis, & frigiditatem aquæ ; sunt etiam inter se contrariæ, & suscipiunt intensiorem, & remissionem : ergo qualitates istæ non possunt esse formæ substantiales elementorum. Secundo probatur, quia vel qualitates primæ sunt formæ substantiales, aut accidentales ; aut vere, & realiter habent utrumque, nempe esse substantiales, & accidentales simul. Primum probauimus falsum ; & ex eo sequitur tertium, esse impossibile, quia repugnat eandem formam respectu eiusdem materiæ esse substantialem, & accidentalem simul. Solum ergo restat tertium, nempe has qualitates esse formas vere, & realiter accidentales : quod si ita est, sequitur euidenter non esse formas substantiales elementorum, sed habere alias per quas constituentur in esse substantiali, vel elementari non esse composita substantia, sed solum accidentalia, nec distingui specie substantiali ; sed solum accidentali, quia accidentalis forma, nec potest constitui compositum substantiale, nec distinguere illud specie substantiali ab alio ; constat autem absurda hæc esse ; & ideo falsum, quod qualitates primæ sint formæ substantiales elementorum, & veritas est, quod alias formas substantiales habeant, per quas constituentur, has vero esse accidentia eorum, per quæ agunt, & patiuntur.

Testimonium vero Aristotelis asserentis primas qualitates 47 constitui elementa, esse principia eorum, atque etiam differentias duobus modis exponitur, primo à Diuo Thoma in commentariis eius, tales appellari ab Aristotele non re ipsa, sed quoad nos ; nam cum formæ substantiales eorum non sint per se sensibiles, nec possunt à nobis per se cognosci, & cum sentiantur per has qualitates, per easdem à nobis cognoscuntur. Vnde sicut sæpe solet loco generis, vel differentie nobis ignotæ poni in definitione rei aliquod accidens, vel proprietas eius, quam vocamus genus, vel differentiam eius, quia per illam deuenimus in cognitionem veri generis, aut differentie, ita Aristot. has qualitates vocauit differentias, aut principia, vel constitutiva eorum, quoad nos, quia per eas manu ducitur intellectus ad cognoscendas veras formas substantiales, quæ sunt differentie, principia, & constitutiva eorum. Secundo respondeo,

Aristotelem considerasse in hoc opere elementa in quantum generabilia, & corruptibilia, atque etiam, ut concurrunt ad generationem mixtorum, ut ex contextu horum trium capitum aperte colligitur, quo pacto verissimum est primas qualitates esse differentias, atque principia, vel constitutiva eorum. Ex quo non bene inferitur cum sensille, quod sint formæ substantiales: nam sicut actioni, & passioni præsupponitur substantia rei, quæ agit, & patitur; ita ad rem ipsam, ut actiuam, & passiuam præsupponitur forma substantialis. Actina vero, & passiuam dicitur, & formaliter est, per accidentalem formam, quæ est proximum principium actionis, & passionis.

- 48 Ad primum argumentum concessa maiori, neganda est minor, quod non habeat aliam actionem distinctam substantia elementi, aut forma eius substantialis ab alteratione, quæ est propria actio primarum qualitarum, nempe calefactio, vel infrigidatio, quia alteratio non est actio, per quam producit substantia, sed præter alterationem datur alia actio realis, quam vocamus generationem substantialem, quæ est quasi terminus alterationis; & terminatur per se, non ad calorem, vel frigiditatem, sed ad substantiam ignis, vel aquæ, & in igne vocari potest ignitio. Hæc igitur actio est propria substantiæ, & procedit à forma substantiali tamquam à causa principali medio calore, & calefactione, ut instrumento.

QVÆSTIO IIII.

An elementa sint propriè contraria secundum formas substantiales, vel solum secundum qualitates?

- 49 Secundum argumentum excitat aliam quæstionem satis difficilem, an elementa sint contraria secundum formas substantiales, vel solum secundum qualitates. Ut autem difficultas eius ostendatur, præsupponenda est definitio contrariorum, quæ colligitur ex Aristotele 10. Metha. cap. 6. & talis est: *Contraria sunt, quæ sub eodem genere maxime distant, & ab eodem subiecto mutuo se expellunt.* Ex qua sic ostendo elementa esse contraria secundum formas substantiales; nam eis videtur convenire tota definitio. Sunt enim sub eodem genere vniuersali corporis in prædicamento substantiæ, vel sub eodem genere particulari, & immediato corporis simplicis, sub quo etiam maxime distant. Nam differentia specifica maxima distantia est sub eodem genere, cum nulla possit dari maior, ut per se est manifestum.

Quod

Quod verò ab eodem subiecto inuicem se expellant, sic probò,
Se expellere circa idem subiectum conuenit formis; sed formæ
substantiales elementorum se expellunt formaliter circa eam-
dem materiam, vt constat in mutua generatione, & corrup-
tione vnius ex altero, atque etiam in mixtione: ergo propriè
contraria sunt secundum formas substantiales. Si autem dicatur
ad propriam contrarietatem non sufficere expulsionem forma-
lem, sed etiam requiri effectiuam, formas vero substantiales
elementorū non se expellere effectiue, sicut se expellunt primæ
qualitates eorum, sed solū formaliter, & ideo non esse verè con-
trarias. Contra hoc est, quod ad veram contrarietatem non re-
quiritur expulsio effectiua, sed formalis sufficit: nam calor
impellit aquæ ab igne contrarius est frigiditati eius, & tamen
non expellit eam effectiue, nec potest, nisi seipsum intendat:
ergo expulsio effectiua non est necessaria, & ita sentiunt om-
nes Philosophi.

Quod verò elementa non sint propriè contraria secundum 50
formas substantiales est expressa sententia Aristotelis capite de
substantia in prædicamentis: vbi inter proprietates substantiæ
enumerat hanc: quod substantiæ nihil contrarium sit; sed con-
trarietas conuenit rebus per suas formas, cum formæ sint, quæ
possunt se expellere circa idem subiectum, vel materiam: ergo
elementis (quæ sunt corpora substantialia) non potest conue-
nire propria contrarietas secundum doctrinam Aristotelis.
Quod, vt ostenderet in hoc 2. libro textu 49. agens de contra-
rietate elementorum secundum formas substantiales, ita ait:
*Terra enim aëri, aqua vero igni contraria est, vt contingit sub-
stantiam substantia contrariam esse.* Quasi dicat non esse contra-
ria, nisi communissima, atque impropria ratione, prout contra-
rietas sumitur pro quacumque oppositione priuatiua, quæ suffi-
cit, vt dicatur vnum fieri ex altero tamquam ex contrario, hoc
est ex priuatione formæ ipsius præcedente in materia alterius,
& expulsa ab eadem materia per eandem formam; & hæc est
communis sententia totius scholæ, & vera.

Difficile tamen probari potest, quod non sit vera contrarie- 51
tas inter has formas substantiales, cum tota definitio contra-
riorum videatur eis conuenire, nec per vllam eius particulam
excludi posse. Propterea Sotus 1. lib. Phys. q. 5. ad 1. asserit ad
propriam contrarietatem non sufficere, quod duæ formæ se ex-
pellant quomodocumq; sed necessariū esse, vt successiue, & per
gradus, ita vt subiectum prius perueniat ad medium participans
vtrinq; extremo, quam ad aliquod extremum, quo pacto se ex-
pellūt qualitates; nam calor ita expellit frigus ab aqua, vt prius

- aqua sit tepida per calorem remissum, quam perfectè calida, & vniuersaliter loquendo, contraria talis sunt natura; vt in gradibus remissis possint esse simul in eodem subiecto. Et hunc modum dicendi tenuisse videntur Caiet. cap. de substantia in Prædicamentis, & Sonzinas 10. Metha. q. 24. Sed contra Aristotelem est, & contra rationem. Probo primum ex cap. de oppositis in post prædicamentis, vbi ex contrariis, quidam ait nullum habere medium circa subiectum: alia vero medium habere posse his verbis: *Quicumque vero contrariorum talia sunt, ut in quibus nata sunt fieri, & de quibus prædicantur, necessarium sit alterum ipsorum inesse; horum nihil est medium: quorum vero non est necessarium alterum inesse, horum omnino est aliquod medium*. Quibus expresse docet non esse necessarium, vt contraria medium habeant circa subiectum, ad quod prius perueniant, quam ad extremum; nec etiam vt possint esse in eo simul in gradibus remissis. Probatur etiam ratione, quia ratio expulsiōis; siue de effectiua, aut formali loquamur, solum in eo consistit, quod vnum excludat alterum ab eodem subiecto propter repugnantiam, quam habent in eo; quod vero paulatim, vel simul expellat illud, non diminuit perfectionem expulsiōis; quin potius perfectior expulsiō est ea, quæ simul fit, & maiorem repugnantiam contrariorum ostendit, quam si successiue, aut per gradus fiat: ergo simultanea expulsiō formarum substantialium non tollit propriam contrarietatem earum. Secundo probatur duobus exemplis: nam actus scientiæ, & erroris; actus odij, & amoris circa idem obiectum propriissime sunt contrarii, & tamen nec se expellunt successiue, & per gradus, sed simul, quia quilibet prorsus tollit formalem rationem alterius: nec oportet, vt prius intellectus, aut voluntas perueniat ad medium aliquod, quam ad extrema; nec demum quod secundum gradus remissos simul esse possint tales actus in intellectu, aut voluntate: ergo distinctio illa successiua, & gradualis expulsiōis; aut simultaneæ insufficiens est ad excludendas formas substantiales elementorum à propria contrarietate.
- 33 Secundus modus dicendi quorundam igniorum est, formas substantiales elementorum excludi à definitione contrariorum per priorem partem definitionis. *Quæ sub eodem genere maxime distant*. Vnde quamuis eis conueniat posterior, quia mutuo se expellunt ab eodem subiecto, quod est materia, non sunt proprie contrariæ: & ideo nec elementa ratione illarum; sed solum ratione primarum qualitatium. Quod vt explicens, adnotant, duo esse necessaria; vt aliqua dicantur maxime distare sub aliquo genere. Primum, quod ita vnum distet ab altero, vt à nullo alio

alio eiusdem generis æquè distet. Secundum, quod nihil repugnat uni eorum, nisi ratione alterius, nempe, quia rationem alterius aliquo modo participat. Et utrumque reperitur in albedine, & nigredine. Primum quidem, quia sub genere coloris sic distant inter sese, ut nullus eorum æquè distet ab alio quocumque colore. Secundum vero, quia ceteri colores cuiuslibet eorum repugnant, in quantum aliquo modo participant rationem alterius; ut fuscum repugnat albo, in quantum participat rationem nigri: & huic repugnat rubeum, in quantum participat rationem albi; sed forinse substantiales elementorum neutrum habent, & ideo non dicuntur maxime distare sub eodem genere substantiæ corporeæ. Probatur minor, quia quælibet æquè distat ab omnibus, & singulis formis substantialibus aliarum specierum eiusdem generis, & æquè est impossibilis, cum quacumque alia, & hoc habet ratione sui, & non ex participatione alterius maxime distantis ab alia.

Sed hic etiam modus dicendi non reddit sufficientem rationem, propter quam formæ substantiales elementorum excludantur à definitione contrariorum, aut non sint propriæ contrariæ: quod sic probō in eisdem formis. Nam elementa conveniunt sub genere proximo corporis simplicis diversi à corpore mixto: quia formæ elementares talis sunt naturæ, ut postulent primas qualitates pro dispositionibus, & naturaliter quidem ab eis emanantibus, mixta vero omnes postulant, & remissas quidam, de quibus non est certum naturaliter emanare ab eorum formis. Hæc autem videntur efficaciter satis à posteriori ostendere formas elementares, ut tales specie differre à formis substantialibus mixtorum, ut talibus. Quo supposito ita arguo. Formæ istæ sub eodem genere corporis simplicis maxime distant: ergo ex hac parte non possunt excludi à definitione contrariorum. Probatur antecedens, quia forma ignis ita distat à forma aquæ, ut non æquè distet ab aliqua alia eiusdem generis; & pari ratione forma aquæ à forma ignis: ergo maxime distant inter sese. Probatur iterum antecedens, quia ex propria natura postulat quælibet pro dispositionibus ambas qualitates oppositas, & à se emanantes naturaliter, quod non habent comparatæ cum cæteris: ergo magis distat quælibet ab alia, quàm à cæteris. Et eodem argumento probatur, formam aëris, & terræ magis inter se distare, quàm à reliquis. Quod autem dicitur necessarium esse, ut aliqua dicantur maxime distare, quod reliqua distent à quolibet eorum, non ratione sui, sed ex eo, quod participant aliquo modo alterum extremum, non semper est verum, & ideo non est necessarium ad maximam di-

stantiam, quia ut ex Aristotele probauimus, non est necessarium dari medium inter quæcumque contraria, ut inter sanitatem, & ægitudinem (inquit ipse) nullum datur medium : ergo non est necessarium, quod inter quæcumque maximè distantia dentur alia magis, vel minus distantia ab eis, vel aliquo eorum; sed possibile est sub aliquo genere solum dari ea, quæ maximè distant, & ita contingit in elementis; non enim dantur sub genere corporis simplicis alia media corpora, sed solum elementa ipsa maxime distantia inter sese.

Probatur secundo insufficiencia eiusdem modi dicendi, nam sub genere animalis dantur duæ species maximè distantes : ergo ex parte maximæ distantia dari potest propria contrarietas inter substantias, vel inter formas substantiales earum. Probatur antecedens : quia illa dicuntur maximè distare, quæ sic distant inter sese, ut non æquè, sed minus distent à quocumque alio ; sed ita se habent sub genere animalis species humana, & animalis omnium imperfectissimi ; nam quælibet non æquè distat ab aliis speciebus animalis ; sed magis distat ab altera : ergo verum est esse maximè distantes. Et de cæteris omnibus verum est plus distare à quolibet extremo, quo magis accedit ad aliud, & minus, quo magis recedit ab illo.

- 56 Vt nostram sententiam explicemus, adnotandum est primo : oppositionem in genere, vel in communi acceptam diuisam esse ab Aristotele in postprædicamentis capit. de oppositis in quatuor genera, vel species, aut modos oppositiōis, nempe in oppositionem contradictoriam, contrariam, priuariuam, & relatiuam. Et ideo necessario debet poni, vel subintelligi loco generis in definitionibus singularum specierum, siue definiantur in abstracto, siue in concreto. Vnde si definiamus contrarietatem in abstracto, dicemus ; Contrarietas est oppositio eorum, quæ sub eodem genere maximè distant, & ab eodem subiecto mutuo se expellunt ; si in concreto dicendum erit, contraria sunt opposita, quæ sub eodem genere maximè distant, & ab eodem subiecto mutuo se expellunt. Et ita definita fuit contrarietas in concreto ab Aristotele, & propterea in eadem definitione subintelligenda est particula, *Opposita*, quasi pro genere, quam absque dubio refert particula, *Quæ*. Secundo notandum est, oppositionem formaliter significare repugnantiam duorum extremorum, ut per se est manifestum ; & ideo distinctas species, oppositionis significare distinctas species, vel modos repugnantia specialium extremorum, inter quæ versantur : contraria igitur dicunt specialem repugnantiam, ex qua prouenit, ut

nit, vt maximè distent sub eodem genere, & ab eodem subiecto mutuo se expellant. Vnde si duas istas condiciones non habeant extrema propter specialem repugnantiam, sed aliunde, sicut non erunt formaliter opposita, quia non erunt inter se formaliter repugnancia: ita nec per tales condiciones constituentur propriè contraria; & hoc modo intelligenda est definitio contrariorum ex Aristotele adducta, quod sic probo. Pro genere talis definitionis ponitur oppositio, quia tamquam genus se habet ad oppositionem contrariam, & reliquas: ergo cæteræ particulæ definitionis, per quas determinatur idem genus, continent specialem rationem oppositionis distinctam ab aliis oppositionibus; sed specialis ratio oppositionis dicit specialem repugnantiam formaliter, sicut oppositio in communi dicit repugnantiam in communi: ergo ita intelligi debet, quod contraria maximè distent sub eodem genere, & ab eodem subiecto mutuo se expellant, vt sub ratione formalis, atque specialis repugnantiz eis conueniat, & non aliunde, vel ex alia quacumque ratione. Ex quibus iam intelligitur eandem definitionem non conuenire formis substantialibus elementorum, & ideo non esse propriè contrarias, sed qualitatibus eorum, in quibus vera, ac propria ratio contrarietatis reperitur. Probatnr hoc argumento. Formæ substantiales, nec sunt maximè distantes, nec se expellant ab eodem subiecto propter specialem repugnantiam, vel oppositionem, sed solum propter rationem communem informandi materiam, & constituendi eam in eadem speciem, vel indiuiduum substantiz, qualitates vero idem habent ratione repugnantiz specialis; ergo his, & non illis definitio, ac vera contrarietas conuenit. Probatnr minor, quia anima rationalis ex eo solum intelligitur maximè distare ab anima imperfectissimæ animalis, quia constituit perfectissimam speciem, hæc vero imperfectissimam & ex communi tantum ratione informandi substantialis formæ expellit formaliter vna forma substantialis aliam ab eadem materia, quia non habet materia naturalem capacitatem, vt simul ab vtraque informetur, cum nec possit esse specificum vtriusque simul recipere, immò nec esse indiuiduale. Vnde non solum expellit vna forma aliam diuersæ speciei, sed etiam si sit eiusdem. Ex quo euidenter sequitur, non se expellere formas substantiales propter specialem repugnantiam, sed propter communem rationem impossibilitatis ex communi ratione informandi, & tribuendi esse materiæ prouenientem: ergo eadem maxima distantia, atque eadem expulsio ab eodem subiecto non conuenit his formis ratione specialis repugnantiz,

vt in definitione contrariorum intelligitur, & ex consequenti nec eis conuenit eadem definitio, aut vera, & propria contrarietas, quam certum est conuenire qualitatibus eorum; quod sic ostendo. Calor & frigus non sunt formæ maximè distantes propter maximam perfectionem vnius, & minimam alterius, cum constet alias qualitates imperfectiores frigore reperiri etiam inter primas, vt humiditatem, & siccitatem, sed nec se expellunt ab eodem subiecto propter communem rationem informandi illud: nam diuersæ formæ accidentales secundum speciem, atque etiam diuersæ qualitates, adhuc primæ simul informant eandem materiam, vt patet in singulis elementis, non tamen diuersæ qualitates contrariæ, quæ potius se expellunt naturaliter ab eodem subiecto; ergo expulsio in his, & ex consequenti maxima distantia sub eodem genere prouenit ex repugnantia specialis & ideo specialem rationem oppositionis importat formaliter, vt significatur in definitione contrariorum, & ex consequenti veram contrarietatem; nequaquam in formis substantialibus, & propterea non conuenit eis definitio, nec propria contrarietas. Et ex his soluitur argumentum illud difficile pro ratione dubitandi propositum applicata ei eadem distinctione. Nam dum in definitione contrariorum dicitur, contraria maxime distare sub eodem genere, & mutuo se expellere ab eodem subiecto, intelligi debet utrumque sub ratione specialis oppositionis, vel repugnantiae; & non sub communi ratione informandi, & constituendi species extremæ perfectionis, vel imperfectionis. Cuius ratio est optima, quia cum pro genere eiusdem definitionis ponatur oppositio in communi, cuius ratio formalis consistit in repugnantia extremorum, necesse est ceteras particulas definitionis continere specialem repugnantiam, vt possint contrahere idem genus oppositionis ad hanc speciem oppositionis contrariæ.

59. Ex doctrina huius questionis infero, iuxta hanc distinctionem loquendum esse de formis substantialibus elementorum in ordine ad contrarietatem. Dupliciter sumi potest contrarietas propria, formaliter, aut virtualiter, seu radicaliter. Formaliter sumitur, pro formali oppositione extremorum maxime distantium sub eodem genere, & mutuo se expellentium ratione eiusdem repugnantiae; & hoc modo sumitur in definitione contrariorum, & solum conuenit qualitatibus. Virtualiter vero, aut radicaliter accipitur pro radice, à qua talis contrarietas emanat, & sic conuenit eisdem formis substantialibus elementorum, ex quibus tamquam ex radice emanant primæ qualitates formaliter contrariæ.

QVÆSTIO V.

An contraria qualitates possint esse simul in gradibus intensis?

PRESUPPONIT questio illud, quod cap. 4. prioris libri probatum est, nempe qualitates contrarias habere latitudinem gradualement, & secundum eam perfectius, aut minus perfecte posse participari à subiecto, quod est secundum intentionem, & remissionem participari. Et hoc supposito queritur, an possint esse simul in eodem subiecto. Sed quia duobus modis possunt comparari ad subiectum, in gradibus intensis, & remissis, duo erant disputanda. Primum in hac quinta questione, an in gradibus intensis possint esse simul in eodem subiecto: Postremum in sequenti, an saltem hoc sit possibile in gradibus remissis: Gradus autem remissi vocantur omnes vsque ad medietatem latitudinis, ut si tota latitudo cuiuslibet qualitatibus contineatur octo gradibus, remissi dicentur à primo vsque ad quartum, intensi vero ab octauo fere vsque ad quartum.

Circa primum, an possint esse simul in gradibus intensis, distinctione opus est. Nam duobus modis intelligi potest, aut secundum ordinem, aut virtutem causarum naturalium; aut secundum potentiam Dei supernaturalem, vel absolutam. Et in primo sensu certum est apud omnes; non posse esse simul qualitates contrarias secundum gradus intensos, ut calor ut octo, vel ut septem non potest naturaliter esse simul cum frigiditate ut octo, vel ut septem, sed necesse est per introductionem vnius expelli alteram. Ut autem hoc explicemus, & probemus, vno verbo repetendum est illud, quod cap. 7. primi libri tamquam certum statutum est, & ab omnibus receptum, nempe capacitatem subiecti in ordine ad qualitates contrarias, & ad agens naturale potens eas circa ipsum producere limitatam esse: ita ut solum possit recipere integram latitudinem octo graduum, siue ex vno eorum, vel ex utroque completam. Gratia exempli, corpus corruptibile solum potest recipere ab agente naturali octo gradus caloris: vel caloris, & frigiditatis simul: ita ut quod ei de tota latitudine caloris defecerint, ex frigiditate habere possit. Quod euidenti experientia constare vidimus: & ex hoc fit, quod contrariæ qualitates non se expellunt, nisi completa fuerit ex vtraque latitudo octo graduum; vel quousque adimpleatur, sed introduci potest vnus, nullo gradu alterius in subiecto existentis expulso. Quod in aëre constare potest.

potest; supposito, quod octo gradus humiditatis habeat; caloris vero non nisi quinque, vel sex, potest enim recipere duos gradus frigiditatis sine expulsiōe alicuius gradus caloris, quia capacitas eius completam latitudinem octo graduum ex utroque contrario recipere potest. Postquam vero adimpleta est latitudo ex utroque contrario, vel si ex vno tantum eorum adimpleta præsupponitur, non potest subiectum recipere aliquem gradum ex vno contrario, quin gradus alter contrariæ qualitatis expellatur, & ideo neque utrumque contrarium simul in gradu intenso, quia excederet integram latitudinem octo graduum ex utraque qualitate, & ideo deficeret capacitas subiecti in ordine ad agens naturale.

- 62 Hoc supposito, probatur naturaliter esse impossibile, quod contrariæ qualitates sint simul in eodem subiecto secundum gradus intensos, nempe calor ut octo, & frigus etiam ut octo, aut quid simile. Primo ex definitione contrariorum, in qua dicitur, quod mutuo se expellunt ab eodem subiecto; sed si non necessario se expellunt secundum hos gradus intensos, sed simul esse possunt, sequitur non se expellere vllō modo, atque adeo non esse contrarias. Probatur consequentia, quia si non se expellunt secundum gradus intensos, multo minus se expellēt secundum remissos minorem habentes repugnantiam, vel certē non maiorem, & ideo nullo modo se expellent. Itaque tam necessarium est contraria secundum esse perfectum se expellere, quā necessarium est dari propria contraria in rerum natura. Secundo probatur experientia, quia sensu tactus experimur, quo magis calefit aqua, eo esse minus frigidam, & quo magis infrigidatur aer, eo esse minus calidum: ergo signum euident est, quod calor, & frigus secundum intensos gradus se expellūt. Nam si non se expellerent, retineret aqua totam suam frigiditatem, quāntumcumque calefieret ab igne.

- 63 Sed an possint esse simul per potentiam Dei supernaturalem, non est certum; sed prima opinio tenet implicare contradictionem: quam videntur sequi Capreol. in primo dist. 17. q. 2. ad argumenta contra 1. conclusionem, Iauellus 10. lib. Meth. quæst. 13. & Marsil. 2. libro de gener. q. 6. putantes contradictionem sequi ex eo, quod simul sint. Quam probo testimonijs Aristotelis, & rationibus. Aristoteles enim eandem repugnantiam reperiri docet in eo, quod contraria sint simul, ac reperitur in contradictorijs; sed cōtradiCTORIē opposita, ut esse, & non esse, non possunt eidem rei simul conuenire, etiam per absolutam Dei potentiam: ergo ex mente Aristotelis eandem contradictionem implicabit, quod contraria sint simul in eodem
secun

Cap. III. Tract. de primis qualitatibus. Quest. VI. 525
 secundum esse perfectum: maior est expressa apud Aristotelem
 4. lib. Meth. cap. 4. tex. 27. his verbis: Cum vero impossibile sit con-
 tradictionem simul de eodem verificari, patet quodcumque contra-
 ria simul eidem inesse contingit: contrariorum enim alterum non
 minus priuatio est. Substantia vero priuatio, negatio à quodam de-
 terminato genere est: si impossibile ita est simul affirmare, & negare
 verè: impossibile est etiam contraria simul inesse, sed aut ambo, se-
 cundum aliquid, aut alterum secundum aliquid: alterum simplici-
 ter. Quod etiam de calido, & frigido, de humido, & secco in
 gradibus intensis docuit 2. lib. de Gener. text. 16. asserens con-
 iungi non posse in eodem elemento.

Sed probatur ratione satis efficaci in eisdem verbis Aristo- 64
 telis relatis contra. Ita enim arguit. Duo contradictoria re-
 pugnat simul eidem conuenire, quia sunt affirmatio, & negatio
 eiusdem esse, vt quod idem corpus simul sit album, & non al-
 bum; sed contraria dicunt eandem affirmationem, & negatio-
 nem eiusdem esse: ergo non minus repugnabit simul esse in
 eodem. Minorem sic probat: Vnum contrarium, quod imper-
 fectius est altero, dicit priuationem alterius tanquam perfe-
 ctioris, vt nigrum dicit priuationem albi; sed priuatio est ne-
 gatio eiusdem esse; ergo dicit negationem; & ex consequenti
 eandem repugnantiam oppositionis contradictoria. Quare
 non poterunt contraria perfecta eidem subiecto simul conue-
 nire. Secundo probatur, quia implicat contradictionem ali-
 quam formam esse in subiecto, quin ei tribuar proprium effe-
 ctum formalem, vt albedinem esse in pariete, quin constituat
 eum formaliter album: sed vnum contrarium in gradu inten-
 so expellit aliud per proprium effectum formalem, cum
 illud expellat in genere causæ formalis: ergo repugnat esse in
 subiecto, in quo aliud erat, quin expellat illud. Probatur conse-
 quentia, quia repugnat esse in subiecto, nisi per informationem,
 sed per eandem informationem expellit contrarium: ergo re-
 pugnat simul esse cum eo. Quod exemplo aquæ declarari po- 65
 test, si ei applicetur ignis, & producat in ea summum calorem:
 tunc enim calor expellit frigiditatem, expulsionem formalem, &
 ideo expellit eam per informationem, quia informatio eius
 inconpossibilis est cum informatione frigiditatis: quare re-
 pugnat informare aquam, quin expellat ab ea eandem frigidi-
 tatem, atque adeo simul cum ea esse: & hæc est tota repugnan-
 tia, quia forma in subiecto inherente repugnat suspendi effe-
 ctum formalem eius, & proinde repugnabit suspendi expulsio-
 nem formæ contrariæ per eundem effectum præstandam. Pro-
 batur tandem, quia eadem est ratio de formis substantialibus,
 & acci

& accidentalibus; cum omnes tribuant esse subiecto per informationem; sed de substantialibus valde probabile est repugnare, quod simul informant eandem materiam: ergo non erit minus probabile, quod repugnet duas formas contrarias accidentales simul informare idē subiectum in gradibus perfectis.

- 66 Secunda opinio tenet non implicate contradictionem, & ideo per potentiam Dei absolutam fieri posse, quod simul consistent in eodem subiecto summus calor, & summa frigiditas, sicque de ceteris contrariis in gradibus intensis. Ita Paludanus in 3. distinct. 1. §. quest. 1. Sotus in 4. distinct. 10. quest. 1. artic. 5. Astudillo 3. lib. de Generatione, quest. 23. & est communis, & veta, sed hac distinctione explicanda. Contraria sunt in triplici differentia, quædam talis naturæ, vt vnum prorsus tollat rationem formalem alterius, vt actus scientiæ, & erroris, actus amoris, & odij circa idem obiectum; & de his contrariis certum est, non posse esse simul in eodem subiecto, non solum in gradibus intensis, sed nec in remissis. Alia sunt contraria, quæ fundantur in aliqua ratione non habente latitudinem, sed consistente in indiuisibili, vt sanitas, & ægrotudo, quæ fundantur in certo quodam temperamento primarum qualitatum, quo variatio desinunt esse in subiecto, de quibus, & alijs similibus docuit expresse Aristoteles, vt superius vidimus, nullam medium habere, & ideo nec simul esse posse in eodem subiecto: quare nec de his intelligitur communis hæc sententia, sed de contrariis tertij ordinis, quæ nec in indiuisibili consistent, sed certam latitudinem habent, neque vnum tollit prorsus rationem formalem alterius; huiusmodi sunt primæ qualitates, arque etiam secundæ ex temperamento earum resultantes, vt calor, frigiditas, albedo, nigredo, & aliæ, de quibus procedit dubium, an simul esse possint in gradibus intensis per potentiam Dei absolutam, & nostra sententia tenet non repugnare.

- 67 Probatur primo, quia si hoc repugnaret, maxime propter immediatam oppositionem harum formarum, vel effectuum formalium earum in ordine ad subiectum, ratione cuius vna necessario destituit alteram, vel effectum formalem eius in subiecto per proprium: sed hæc ratio non probat repugnantiam: ergo nec debet poni. Probatur minor, quia eadem est ratio formalis, & essentialis harum qualitatum in esse intenso, & remisso, & solum distincta accidentaliter: idem etiam effectus formalis, vt patet in calore intenso, & remisso, nam remissus calor formaliter calor est, & formaliter constituit subiectum calidum, sicut intensus, solo modo accidentali intensificationis excepto, quem

quem certum est non variare rationem formalem qualitatis, aut effectus formalis eius in subiecto; sed in gradibus remissis possunt qualitates istæ simul esse in eodem subiecto naturaliter, in quo reperiuntur frequenter secundum sententiam Aristotelis, & communem fere totius Scholæ, ut statim ostendimus: ergo licet, non possint virtute agentis naturalis produci in eodem subiecto secundum gradus intensos, quin una expellat alteram, poterit hoc fieri per potentiam Dei supernaturalem. Probatur consequentia, quia licet maiorem postulent capacitatem in subiecto secundum gradus intensos, quam secundum remissos, maiorem etiam capacitatem habet subiectum respectu agentis supernaturalis, quam respectu naturalis: ergo agens supernaturale poterit suspendere expulsionem unius ab altera, ut constat in quantitativis: quarum quælibet nata est expellere alteram ab eodem loco, cum sit impenetrabilis sua natura cum ea: & tamen communis est sententia Scholæ, quod per divinam potentiam possit suspendi talis expulsio, & ideo hæc, ut utraque occupet simul eundem locum, quod est se penetrare: ergo eodem modo poterit suspendi expulsio unius contrarii ab alio, & fieri, ut simul permaneant in eodem subiecto.

Secundo, quia si repugnaret contraria esse simul, ideo esset, 68 quia in oppositione contraria includitur contradictoria, sed hæc inclusio non est immediata, nec per locum ab intrinseco & ideo nec omnino necessaria: ergo non constituit eandem, repugnantiam inter contraria, ut sint simul, quæ reperiuntur inter contradictoria. Probatur minor, quia unum contrarium non est negatio alterius in subiecto, nisi in quantum effectus formalis eius excludit effectum formalem alterius, & consequenter inhærentiam eius in subiecto, qua media eundem effectum confert subiecto: sed hæc exclusio non est effectus formalis proximus, atque intrinsecus, sed secundarius, atque extrinsecus; cum sit negatio, quam causat unum contrarium per suum effectum formalem positivum, atque primum in subiecto, ergo non repugnat suspendi per potentiam Dei absolutam, & ita permanere unum contrarium intensum, simul cum altero.

Ut autem testimonium Aristotelis secundum germanum sensum explicemus, & argumentum ex eo deductum solvamus, oportet adnotare, quod in essentia cuiuslibet speciei fundatur negatio alterius, & ideo hæc negatio fundamentalis intrinseca est ei; ut in essentia hominis fundatur negatio equi, aut Leonis, & ideo hæc negatio realis, & fundamentalis, non equi,

equi, & non Leonis, essentialis est homini. Et cum contraria differant specie sub eodem genere, necesse est quodlibet includere realem negationem alterius, ut calorem negationem frigidi. Sed hæc ratio includendi negationem alterius non est propria contrariorum, sed communis quibuscumque alijs speciebus.

69 Ideo cum opposita importent repugnantiam unius cum altero, & contraria specialem repugnantiam, necesse est quodlibet eorum fundare in sua ratione speciali contrarietatis specialem negationem alterius, ut calor præter communem negationem quantitatis, vel relationis, aut alterius accidentis specie distincti, licet non sibi contrarij, includit specialem negationem frigoris, ut sibi repugnantis. Et tandem inter contraria illud, quod imperfectius est, includit negationem perfectionis alterius; & proinde negationem eiusdem contrarij, ut se perfectioris. Sed ex his negationibus nihil aliud habetur, quam quod unum contrarium non sit aliud essentialiter, sed distinctum ab eo: & cum qualitates istę tribuant subiecto proprios effectus formales per proprias entitates ei actu inhærentes, in quibus continentur prædicata essentialia fundamentaliter accepta, ideo effectus formalis cuiuscumque earum includit easdem negationes respectu effectus formalis alterius, ex quo etiam solum habetur per locum ab intrinseco, quod effectus formalis unius contrarij non sit effectus formalis alterius, sed distinctus ab eo essentialiter, atque ei repugnans ex propria natura: hæc autem repugnantia non est affirmationis, & negationis, sicut ea, quæ reperitur inter esse, & non esse, sed duarum rationum positiuarum naturaliter impossibile in eodẽ subiecto. Quod quidem intelligi potest cum utraque, & utraque etiam in eo simul existens, quia neq; una est negatio, vel exclusio alterius, licet quælibet apta sit alteram excludere ab eodem subiecto actuali, atque positiua exclusionem, quæ aptitudo intelligi potest sine actu. Quod ex eo patet, quia etiam sine actuali expulsionem contrarij intelligitur integra, atque completa ratio essentialis eius, ut constat in eisdem contrariis remissis, quorum effectus formales sunt eiusdem speciei, & essentia cum effectibus formalibus intensis, & tamen unus non excludit alterum, etiam naturaliter, & tota ratio huius est, quia actualis exclusio alterius ab eodem subiecto non est primarius, aut intrinsecus effectus formalis unius contrarij, sed secundarius, & extrinsecus, qui ex primario, & positiuo sequitur naturaliter, & ideo non repugnat suspendi adeo. Ex quibus sequitur primò, non implicare contradictionem, quod existente vno contrario in subiecto, & adueniente alio in quolibet gradu intransionis suspendatur per diuinam poten

potentiam actualis expulsio, saluo effectu formali vtriusque, & ita simul permaneant in eodem subiecto.

Secundo sequitur germanum sensum Aristotelis in verbis 70 illius testimonij esse, quod vnum contrarium non solum includat in sua ratione formali negationem fundamentalem alterius, sicut qualibet alia species includit negationem alterius speciei, sed etiam quod contrarium minus perfectum includat negationem alterius, vt minus perfecti, sicut nigrum negationem perfectionis in albedine incluse. Ex quibus euidenter sequitur tertium, quod vnum contrarium in gradibus intensis per suum effectum formalem naturaliter excludat alterum in gradibus etiam intensis ab eodem subiecto, & ideo, quod non possint esse simul naturaliter secundum gradus intensificationis: & hoc solum est, quod intulit Arist. non tamen, quod contradictionem inuoluat, sicut eam inuoluit, quod contradictoria sint simul vel simul conueniant eidem rei; quem sensum aperte indicant verba postrema eiusdem testimonij, quæ sic habent: *impossibile est etiam contraria simul inesse: sed aut ambo secundum aliquid, aut alterum secundum aliquid, alterum simpliciter*: nam expressè per ea concedit Arist. contraria aliquo modo posse simul inesse eidem rei, cum tamen contradictoria nullo modo possint. Et 71 ratio differentie manifesta est ex doctrina tradita, quia contradictoria per proprias rationes formales se excludunt; immo ratio formalis vnius consistit in exclusione alterius, & ideo repugnat prorsus eidem conuenire, vt patet de esse, & non esse: nam esse actuale in sua ratione intrinseca dicit exclusionem non esse actualis, & non esse actuale exclusionem actualis esse; propterea includit intrinsecam repugnantiam, quod eidem simul insint, vel conueniant. Contraria vero, etiam in gradibus intensis non sic habent rationes repugnantes, nam quamuis quolibet virtualiter dicat negationem alterius, hoc est, non esse alterum; ratio tamen formalis vnius non consistit in exclusione alterius; ideo contraria oppositio non est immediata, sicut contradictoria, quia nec est necessarium per locum ab intrinseco de quolibet affirmari vnum vel alterum, vel de quolibet negari. Vnde licet verum sit rationem formalem albi non esse rationem formalem nigri, non est verum quod sit exclusio eius. Cuius euident ratio est, quia vtraque est ratio positiva, & ideo repugnat, quod ratio formalis vnius sit actualis exclusio alterius; hoc enim non potest intelligi, nisi ratio formalis vnius in negatione alterius consistat, & non in aliquo positivo, & absque dubio hoc habent contradictoria ex eo præcisè, quod opponuntur tamquam positium, & negatio eiusdem, & ex hoc fit quod

contraria non se excludunt ab aliquo tertio per locum ab intrinseco, sed solum per naturalem consecutionem suorum effectuum formalium, ex quibus tamquam secundarius effectus sequitur exclusio, vel expulsio actualis. Hæc autem consecutio naturalis impediri potest per potentiam Dei supernaturalem, & ideo per eam fieri, ut vnum non expellat alterum, sed ambo sint simul in eodem subiecto. Ad formam igitur argumenti, quod constituit Aristoteles, concessa maiori, quod repugnet contradictoria simul eidem conuenire, distinguenda est minor, quod contraria dicant eandem affirmationem, & negationem eiusdem esse in suis rationibus formalibus. Nam duobus modis intelligi potest, quod vnum dicat negationem alterius. Primo ita ut ratio formalis eius sit negatio, aut exclusio alterius, & ita se habent extrema contradictoriæ oppositionis; quia non esse non est aliud, quàm pura negatio essendi; esse verò exclusio positiva eiusdem negationis. Secundò, non ita ut vnum sit negatio ipsa, vel exclusio alterius, sed quasi ex consequenti, in quantum est ratio positiva, ex qua naturaliter sequitur exclusio alterius ab aliquo tertio, nempe ab eodem subiecto vtrique communi, quam exclusionem dicimus posse suspendi per potentiam supernaturalem, quia essentialis non est, sicut est essentialis exclusio vnius extremi contradictoriij inclusa in essentia alterius.

- 73 Ad secundum argumentum distinguenda est maior, videlicet implicare contradictionem, quod aliqua forma sit in subiecto, & ei non tribuat proprium effectum formalem; nam effectus formalis duplex est, primarius, & secundarius. Primarius est ipsum esse formæ communicatum subiecto media informatione. Secundarius vero est aliquid, quod ex eo sequitur in eodem subiecto. Gratia exempli, primarius effectus caloris est esse calidum in subiecto, nam calor per actualem in hærentiam in ligno tribuit ei esse calidum; per hoc autem esse calidum expellitur naturali sequella frigus ab eodem subiecto, & ideo expulsio formæ contrariæ est secundarius effectus formalis, quia per informationem vnius formæ expellitur contraria. Inter hos vero effectus discrimen est, quod primarius immediate per se procedit à forma inhærente, & ideo vocatur intrinsecus, ac propterea implicat contradictionem formam informare subiectum, & non tribuere ei talem effectum; atque etiam implicat ab alio, quàm à forma inhærente tribui. Secundarius vero non procedit immediate per se à forma inhærente, sed medio effectui primario; quare non est intrinsecus, licet sit formalis, & ideo quamuis ex necessitate naturæ sequatur, non repugnat talem consecutionem suspendi à causa superiori per potentiam superna

supernaturalem ; immo nec repugnat fieri ab ea sine forma. Ad formam igitur argumenti dicimus, maiorem esse veram de effectu formali primario, falsam vero de secundo propter discrimen assignatum inter vtrumque.

Ad tertium neganda est maior, quod eadem sit ratio de formis substantialibus, & accidentalibus comparatis ad subiectum. Nam illæ conferunt materiam primum esse specificum in determinata specie substantiali. Probabile autem est non habere capacitatem materiam vlllo modo ad recipiendum simul pluram esse substantialia, & ideo nec ad recipiendas simul plures formas substantiales. Formæ vero accidentales non conferunt subiecto primum esse indeterminata specie, & indiuiduo, sed ordine naturæ illud præsupponunt, & ad ornatum eius pertinent; ornatus vero cum sit accidentalis, & multis, atque diuersis constare potest, & aliquando ex contrariis, vt patet in mixtis, in quibus insunt contrariæ qualitates in gradibus saltem remissis, & cum non contineat intrinsecam repugnantiam, poterunt esse etiam in gradibus intensis.

QVÆSTIO VI.

An contraria possint esse simul in eodem subiecto in gradibus remissis?

Qvæstio sexta procedit de eisdem formis contrariis, an saltem in gradibus remissis possint esse simul in eodem subiecto, vt calor vt quatuor, cum frigiditate vt quatuor, aut aliquid simile. Et prima opinio negat, quod possint esse simul. Ita Durand. in 2. quæst. prologi, & in 2. dist. 30. quæst. 1. Gregorius in 1. dist. 17. quæst. 3. art. 3. Sonzin. 10. Metaph. q. 22. Probatur testimonio Aristotelis 1. lib. de Generat. text. 16. vbi absolute docet, quod contrariæ qualitates, vt calor, & frigus non possint coniungi in eodem subiecto. Probatur etiam ratione, primo ex definitione contrariorum superius adducta, in qua dicitur, quod contraria mutuo se expellunt ab eodem subiecto. Ex quo ita arguo. Definitio conuenit definito essentialiter, sed qualitates istæ eiusdem essentia sunt in gradibus intensis, & remissis, cum intensio, vel remissio sint accidentia earum: ergo in vtrisque gradibus debet eis conuenire: quare in gradibus intensis non possunt esse simul naturaliter, sed necessario se expellunt: ergo idem habere debent in gradibus remissis.

Secundo, quia qualitates istæ in diuersis subiectis existentibus secundum gradus remissos se expellunt efficienter, nam calidum

vt tria agit in frigidum vt duo, & expellit ab eo frigiditatem; ergo in eodem subiecto existentes se expellunt formaliter. Probatur consequentia, quia eandem habent repugnantiam formalem in eodem subiecto existentes, ac effectiuam in diuersis; sed ratione huius se expellunt efficienter in diuersis; ergo ratione illius debent se expellere formaliter ab eodem; & ita in nullo gradu poterunt esse simul. Et certe si simul admittantur in eodem subiecto, sequitur ab utroque denominari, & ita diceretur simul calidum, & frigidum; sed calidum idem est, ac non frigidum: ergo diceretur simul frigidum, & non frigidum, dabunturque contradictoria prædicata in eodem, quod pater esse absurdum.

Tertio, si qualitates contrariæ in gradibus remissis simul esse possunt naturaliter; duo sequuntur absurda; primum, quod idem subiectum moueatur simul motibus contrariis, vt si demus aliquod calidum vt tria, atque etiam vt tria frigidum, poterit simul calefieri ab igne, & infrigidari ab aqua, cum possit simul habere alterum gradum vsque ad quatuor utriusque qualitatis, & ita habebit simul motus contrarios, quod videretur absurdum; quia sicut repugnat idem corpus simul augeri, & diminui, simul moueri motibus contrariis, sursum, & deorsum; non minus repugnare debet, quod moueatur motibus contrariis alterationis. Absurdum secundum, quod sequitur, est, quod vnum contrarium agat in alterum, nullo modo illud corrumpeudo, vt si ignis agat in corpus frigidum vt vnum, poterit ei imprimere calorem vt sex, nihil ab eo expellendo; cum frigus vt vnum possit esse simul cum calore vt sex; & ideo non necessario expellatur ab eo: toto ergo illo tempore, quo producit sex gradus caloris agat in suum contrarium nullo modo illud destruendo.

- 77 Hæc sententia contraria est doctrinæ Aristotelis, experientia, & rationi. Probo primum, quia Aristoteles c. 10. huius libri docet mixtionem ita fieri, vt elementa per mutuam actionem, & passionem se corrumpant secundum formas substantiales; sed secundum suas qualitates ad quamdam mediocritatem reducuntur, & qualitates ipsæ in eadem mediocritate existentes in materia sint dispositio conueniens pro forma mixti introducenda, & ita in eodem mixto permaneant. Quod docet expresse in hoc etiam 2. lib. text. 48. his verbis: *Et primo quidem elementa ita transmutantur, Ex his autem carnes, & ossa, & quæ talia, ex solo quidem facto frigido, frigido autem calido, quando ad medium veniunt, hic enim neutrum, medium autem multi, & non in indiuisibile, Similiter autem & siccum, & humidum, & alia talia secundum medietatem faciunt carnem, & os, & alia huiusmodi.*

Et 2. lib. de partibus animalium cap. 1. ubi asserit expressè mixtum componi ex virtutibus elementorum, nempe calore, frigore, humiditate, & siccitate, & ideo in eo permanere, quod ut minimum intelligitur in gradibus remissis.

Experientia vero probatur falsitas eiusdem sententiæ, quia 78 sensu tactus percipimus, quod si aqua intente calida permisceatur frigida, attemperatur utraque; ita ut tota ipsa aqua ex utraque resultans, non sit tam calida, nec tam frigida, ac prius. Et si manum calidam adiungamus frigida, sentimus illam minus calidam reddi, hanc vero minus frigidam: ergo in utroque casu reperiuntur simul calor, & frigus in minori gradu, quam prius.

Probatur tandem ratione deducta ex simili experientia, nam ignis agens in aquam, remittit frigiditatem eius, non alia de causa, nisi quia imprimit ei aliquid caloris, per quem expellit aliquid etiam de frigiditate eius; non enim posset remitti frigiditas, nisi aliquid eius corrumpetur: ergo necessariò concedendum est dari aliquid caloris in aqua simul cum frigiditate eius remissa; & ex consequenti contraria simul in eodem subiecto secundum gradus remissos. Huic tamen evidenti argumento duobus modis solent respondere aduersarij. Primo respondet Gregorius ubi supra contraria applicata ad agendum, ita se habere ut fortius per solam suam præsentiam corrumpat debilius sine productione alicuius gradus propriæ formæ: corrupto autem debiliori ad præsentiam fortioris statim incipit hoc propriam formam imprimere subiecto, & ita calefit lignum ab igne destructa prius frigiditate eius; non quidem per productionem caloris, sed ad præsentiam eius; post vero producto calore in eo ab eodem igne. Hæc tamen solutio falsa est, & experientię contraria. Probatur primum, quia si frigiditas non cor- 79 rumpitur per introductionem caloris: ergo per solam subtractionem concursus illius agentis, à quo conseruabatur: sed evidens est non conseruari vnum contrarium ab alio absente, vel præsentē, quia contrarietas potius est ratio destructionis: ergo non potest corrumpi per solam præsentiam eius. Probatur consequentia, quia per præsentiam nullum concursum potest contrarium subtrahere, quo conseruaret aliud contrarium, ut probatum est. Et si dicatur conseruari à Deo, qui ad præsentiam contrarij subtrahit proprium concursum, quo aliud contrarium conseruabat, & ideo verum est ad præsentiam contrarij corrumpi; probatur hoc esse falsum. Nam vel ad præsentiam contrarij subtrahit Deus suum concursum simul, vel successiue, hoc secundum dici non potest, quia cum contrarium iam

fit præfens, & non producat^{ur} contraria qualitas, nulla est causa fucceffionis; fimul ergo concursus fubtrahitur, & ideo fimul definit effe tota frigiditas: ergo non poteft produci calor fucceffiuè poft derruccionem frigiditatis, quia non habet contrarium in fubiecto: hoc autem eft contra experientiam, quia fenfu percipimus aquam fucceffiuè calefieri: ergo falſa eft hæc ſententia. Probat^{ur} præterea, quia ſola præſentia contrarij non poteft eſſe ratio ob quam Deus fubtrahat proprium concursum; ergo non corrumpitur contrarium definente Deo illud conſervare propter præſentiam alterius. Probat^{ur} antecedens, quia Deus non conferebat concursum vni contrario, quo conſervaretur propter abſentiam alterius: ergo nec cum auferet propter eius præſentiam, quia ſeclufa actione non plus obefſe poteft præſentia contrarij reſpectu corruptionis alterius, quàm abſentia prodeſſe ad conſervationem: conſtat vero hanc non prodeſſe ad conſervationem: ergo nec illa poterit obefſe, ita vt propter eam concursus à Deo fubtrahatur. Et præterea repugnat naturaliter corrumpi totam frigiditatem aquæ ante introductionem caloris, quia frigiditas aliqua eſt diſpoſitio neceſſaria ad conſervationem eius: non ergo poteſt ſine vlla permanere, ſed ſi per ſolam præſentiam contrarij corrumpetur, tota deberet corrumpi, quia non eſt maior ratio de tota, quàm de parte: ergo nihil eius corrumpitur per ſolam præſentiam contrarij.

Secunda ſolutio eſt Scoti, & Durandi vbi ſupra, aſſerentium corrumpi à contrario qualitatem, non per productionem qualitat^{is} contrariæ, ſed cuiuſdam qualitatis mediæ, aliquo modo ei ſimili, vt quando ignis calefacit aquam, deſtruit frigiditatem eius, non per productionem caloris, ſed alterius qualitatis mediæ calori ſimilis, deſtructa vero frigiditate ab hac media qualitate introducitur calor in aqua. Hæc tamen ſolutio imprimis ponit tales qualitates medias ſine vlla neceſſitate, vel fundamento, ſolum ad effugiendam difficultatem argumenti, quod ſufficeret, vt reputaretur falſa. Deinde eſt contra rationem, primo, quia talis qualitas media non poteſt expellere frigiditatem, expulſione formali, niſi propter repugnantiam, quam cum illa habeat ex propria natura; nam ſi nullam habet, poterit eſſe ſimul cum ea, ſicut aliæ formæ accidentales non contrariæ ſimul eſſe poſſunt; quod ſi propter repugnantiam eam expellit: ergo propter cōtrarietatem. Probat^{ur} conſequentia, quia contrarietas non eſt aliud, quàm ſpecialis repugnantia duorum in ordine ad ſubiectum à quo ſe expellunt, cum ſint ſub eodem genere, & hæc omnia habet talis qualitas media reſpectu frigiditatis,

ditatis, supposito, quod eam expellit formaliter, & non expellit eam simul, sed paulatim, & per gradus, ut constat experientia: ergo permanebit cum ea in gradibus remissis; & ideo contraria erunt simul in eodem subiecto. Secundo, quia in habitibus virtutum, & vitiorum contrariis non possunt admitti tales qualitates medix, nam si aliquis assuefactus vitio intemperantiæ eliciat aliquos actus temperantiæ: euidenter est per eos non posse produci habitum, vel dispositionem mediam; sed habitum, vel dispositionem temperantiæ, quia habitus sumunt suam speciem ab actibus. Tunc ergo necesse est concedere contrarios habitus, vel qualitates simul in eodem subiecto secundum gradus remissos.

Secunda opinio distinguit duo genera contrariorum, alia ⁸² actiua, & passiua: qualia sunt primæ qualitates elementorum: alia, quæ licet habeant rationes repugnantes circa idem subiectum, nihil tamen agunt, nec patiuntur, ut sunt colores, & alix secundæ qualitates: & de primis contrariis asserit simul esse posse in eodem subiecto secundum gradus remissos: de aliis vero negat, sed subiectum habens albedinem remissam, putat nullum gradum habere nigredinis, licet habens remissum calorem, necesse sit habere aliquem gradum frigiditatis. Ita Sotus 1. lib. Phys. quest. 5. ad 1. & lib. 2. quest. 1. ad 4. in fauorem huius sententiæ, quantum ad priorem eius partem de contrariis actiuis asseri possunt omnia argumenta, quibus impugnauimus præcedentem: sed quantum ad partem posteriorem potest probari hoc argumento. Contraria, quæ non sunt actiua, sunt secundæ qualitates, ut colores, & alix, quæ procedunt ex mixtione primarum, hoc est ex tali temperamento corporis mixti, sed repugnat idem mixtum habere simul temperamenta contraria: ergo repugnat etiam habere secundas qualitates contrarias, etiā in gradibus remissis. Probatur consequentia, quia etiam in gradibus remissis sequuntur ex contrariis temperamentis, cum in his etiā gradibus sint aliquo modo contrariæ. Pro hac sententia citat Diuum Thomam Ferraræ, 2. lib. contra gentes cap. 56. asserentem in minus albo nihil esse nigredinis, sed albedinem minus intensam, locum vero ex quo id accepit, inuenire non potui.

Tertia opinio vniuersaliter concedit contraria simul esse ⁸³ posse in eodem subiecto secundum gradus remissos. Ita Enri. quodlib. 12. quest. 12. Marf. in 3. distinct. 11. artic. 2. Maior distinct. 15. quest. 2. Argen. quest. vnica art. 3. Iauell. 10. Meth. quest. 13. Suarius tom. 2. suæ Methæ disput. 45. section. 4. & omnes recentiores; estque iam communis in schola, & vera. Sed plures pro ea citantur, qui vel eam non tenent, vel non ita vniuersaliter, aut non ita expresse, ut D. Aug. D. Thom.

Scorus, Fertra. & Caiet. & propterea eos non affero. Præter testimonia vero Aristotelis ad refutandam sententiam oppositam à nobis adducta probanda est primo ex tribus principiis eiusdem, ex quibus euidenter colligitur. Primum est, mixtio de qua docet c. 10. præcedentis libri; & 2. lib. de partibus animalium c. 3. mixtum componi ex quatuor elementis, vel potius, ait, ex quatuor qualitatibus eorum: ergo sentit permanere in mixto, & illud componere. Non enim potest intelligi de permanentia virtuali in via aliqua qualitate simplici, quæ sit dispositio pro forma mixti, quia ut sic contentæ non sunt distinctæ realiter, sed realiter vnum: ergo nec possunt mixtum realiter componere. Secundum principium est, quod omne agens in suum contrarium repatiatur simul ab eo, secundum eandem contrarietatem. Ita docet capit. 7. præcedentis libri; & principium hoc recipit vniuersa schola; sed non potest esse verum, nisi contraria dentur simul in eodem subiecto secundum aliquem gradum. Probatur euidenter, quia si aer agens in aqua per calorem repatiatur simul ab ea per frigiditatem: ergo aliquid frigiditatis ab ea recipit, quia passio est receptio formæ ab agente per actionem ei impressæ; & habet simul calorem, per quem calefacit aquam: ergo necesse est concedere calorem simul, & frigiditatem in aëre, vel negare reactionem contra euidentem experientiam. Tertium principium est: *Id quod mouetur, partim est in termino à quo, & partim in termino ad quem.* Quod habetur 6. lib. Phys. capit. 3. text. 32. Ex quo euidenter probatur nostra sententia hoc modo. Motus est inter contraria, tamquam inter terminos à quo, & ad quem, ut dum mouetur aqua à frigiditate in calorem: ergo dum calefit, partim est in termino à quo, qui est frigiditas, & partim in termino ad quem, qui est calor, simul ergo tunc participat utroque termino: ergo utraque qualitate contraria. Ex quibus sequitur; euidenter esse, quod nostra sententia contineatur in doctrina Aristotelis, in qua opposita non est probabilis.

- 85 Sed probatur deinde ratione. Primo, quia motus alterationis est inter contrarios terminos, & ideo ex propria natura successiuus. Cuius ratio à priori est, quia quælibet qualitas contraria producit in subiecto cum resistantia alterius contrarij, quod ab eo expellitur; sed aqua (gratia exempli) calefit semper ab igne successiue, ut euidenti experientia constat: ergo cum resistantia contrarij existentis in eodem subiecto; alioqui si contraria frigiditas in eadem aqua tunc non esset, in instanti produceretur in ea calor; necesse est ergo concedere frigiditatem in aqua simul cum aliquo calore toto tempore, quo calefit, vel negare

negare quod successiue tale fiat cōtra euidentem experientiam. Secundo, per sensum tactus percipimus in aqua calorem, non virtualem in aliqua alia qualitate virtute contentum, sed formaliter in ea existentem, quia solus calor formalis est qualitas tangibilis, non virtualis, vt probat euidenter lux, quæ cum sit calor virtualis, non sentitur per tactum, sed necessario concedendum est tunc habere etiam frigiditatem aliquam; nam cum frigiditas sit propria, ac necessaria dispositio aque, sicut calor est necessaria dispositio ignis; sicut forma ignis non potest conservari naturaliter sine vilo calore; ita neque aqua sine vlla frigiditate. Euidens igitur est simul habere frigiditatem, & calorem.

Probata iam nostra sententia, explicanda est, vt veritas eius 86 melius intelligatur. Explicatur autem hac distinctione. Contraria sunt in triplici differentia: nam quædam ita se habent, vt ratio formalis vnius destruat alterum, non tamen sunt contradictoria; quia sunt extrema positiua; contradictoria vero sunt affirmatio, & negatio, vel extremum positium, & negatio eius; & hoc primo modo sunt contraria ratio virtutis, & vitij in generali, atque in speciali: ratio etiam sanitatis, & ægritudinis; sed hæc adhuc sunt duplicia, nam quædam suscipiunt magis, & minus, vt vitia, & virtutes; alia non, sed quasi in indiuisibili consistunt, vt sanitas, & ægritudo, nam etiam si minimus sit gradus in quo deficiunt primæ qualitates à debito temperamento, omnino deficit sanitas. Alia sunt contraria, quorum ratio formalis vnius non destruit alterum formaliter, sed per naturalem consecutionem sui effectus formalis illud excludit à subiecto, & ita se habent primæ, & secundæ qualitates, quibus vniuersaliter conuenit habere latitudinem gradualem, intensionemque, & remissionem suscipere.

His suppositis, tribus assertionibus explico communem sententiam iam vniuersaliter probatā. Prima assertio est, illa contraria, quorum ratio vnius destruit alterum, nec habent latitudinem, sed quasi in indiuisibili consistunt: nec in gradibus intensis, nec in remissis possunt esse simul. Ita se habent sanitas, & ægritudo. Euidens est hoc, quia quæ latitudine carent, non possunt ad mediocritatē reduci, sed quasi indiuisibilis est oppositio eorum, & ideo omnino repugnat simul esse in eodem subiecto. 87

Quomodo habitus, & actus contrarij possint esse simul in eodem subiecto.

Secunda assertio est, quoscumque habitus contrarios (exceptis supernaturalibus, de quibus non disputamus) simul esse posse in gradibus remissis naturaliter: atque etiam actum vnius

- cum habitu altero ferè semper. Et etiam secundum gradus intensos per potentiam Dei absolutam; sed actus eorum, siue in gradibus intensis, vel remissis per nullam potentiam posse esse simul. Exemplis fiet res manifesta. Habitus temperantiæ, atque etiam intemperantiæ possunt esse simul naturaliter in gradibus remissis, atque etiam quilibet eorum cum actu alterius, non tamen utriusque actus: habitus etiam scientiæ, & erroris, & actus scientiæ cum habitu erroris; & hæc quidem omnia, quæ in gradibus remissis possunt esse simul naturaliter: supernaturaliter
- 88 possunt etiam simul esse in gradibus intensis. Contrarium huius tenent Conimbricenses ex parte scientiæ, & erroris 2. lib. de gener. cap. 3. q. 8. art. 2. ad finem negantes omnino, quod possint aliquo modo esse simul; asserentisque esse communem sententiam, quam probant hoc argumento. Quilibet actus erroris, quantumlibet remissus perfectè aduersatur habitui scientiæ, & similiter quilibet actus scientiæ habitui erroris; ita ut se destruât secundum rationes formales obiectiuas, quia actus scientiæ est assensus veritatis, & actus erroris assensus falsitatis oppositæ: ergo repugnat esse simul, tam habitus ipsi, quam actus vnus cum habitu alterius. Probatur antecedens, quantum ad remissionem, quia eorum repugnantia non dependet ex graduali intensiōe actus, aut habitus, sed ex natura, & vi affirmationis, aut negationis, qua affirmatur conuenire rei id, ad quod negandum inclinatur habitus, aut negatur competere eidem rei id, ad quod affirmandum inclinatur habitus; sed hanc repugnantiam rationum formalium assentiendi habent etiam in gradu remisso: ergo nō possunt esse simul. Probatur minor, quia actibus etiam remissis repugnat affirmare simul, & negare eandem rem: ergo repugnat esse simul actus horum habituum, quantumlibet remissos; & cōsequenter habitus, quia quamuis repugnantia exerceatur per actus; per quemlibet tamen actum eorum expellitur omnino habitus cōtrarius; & ideo neq; actus cum habitu, neque habitus ipsi possunt vllō modo, vel in gradu aliquo esse simul.
- 89 Ergo vero sic probō contrarium iam explicatum, quia non minus habent rationes obiectiuas omnino repugnantes habitus temperantiæ, & intemperantiæ; habitus obedientiæ, & inobedientiæ, quam habitus scientiæ, & erroris; & ideo non minus repugnat esse simul in eodem subiecto actus temperantiæ, & intemperantiæ, quàm actus scientiæ, & erroris; sed cum tali repugnantia actū euidens est, & ab his authoribus concessum, quod habitus temperantiæ, & intemperantiæ, atque etiam actus temperantiæ cum habitu intemperantiæ possint esse simul naturaliter: & reuera sint simul in homine prius ex consuetudine
intem

intemperato; post vero exercente aliquos actus temperantia, per quos ex parte saltem acquiritur habitus temperantia, & ex parte expellitur habitus intemperantia: ergo non erit minus evidens, quod possint esse simul habitus scientia, & erroris, & actus scientia cum habitu erroris in homine, qui prius errauit ex habitu circa aliquam propositionem, & adueniente demonstratione acquisiuit habitum scientia, non statim omnino expulso habitu erroris. Quem habitum scientia permanente adhuc eodem habitu erroris potest exercere, quousque cum omnino expellat. Secundo probatur, quia habitus erroris cum sit radicans in subiecto, non potest omnino expelli per vnum, vel plures actus scientia; sicut habitus vitij non omnino expellitur per aliquos actus virtutis opposita: ergo necesse est qualitatem illam permanere, & sub vera ratione habitus, quia habitus non est aliud, quam inclinatio acquisita in obiectum; sed qualitas illa permanens inclinatur in idem obiectum, in quod inclinabat ante aduentum scientia: ergo permanet sub vera ratione habitus, & ita vterque habitus simul, & actus vnus simul cum habitu alio.

Probatur tandem, quod per potentiam Dei absolutam qui- 90 cumque habitus contrarij, & quomodocumque se habeant, & actus similiter vnus cum habitu altero possint esse simul secundum gradus intensos; quia sicut permanent naturaliter habitus isti in eodem subiecto, & actus vnus cum alio habitu secundum gradus remissos; sic potest fieri per diuinam potentiam, quod actus vnus habitus nullum gradum intensiōis alterius expellat; sed in eadem intensiōe, quam habebat prius, permaneat. Potest etiam Deus existente habitu erroris intenso in intellectu producere habitum scientia etiam intensum sine expulsiōe eiusdem habitus erroris. Et ratio horum est, quia vt statim dicemus, habitus solum sunt inclinationes ad actus: quare non dicunt actualem coniunctionem cum obiectis, nec actualem tendentiam in ea, sed quasi potentialem: potentia autem, vel inclinationes ad actus contrarios non nisi diuerso tempore eliciendos per diuersas qualitates, non repugnant eidem potentia, quamuis repugnent actus ipsi contrarij simul eliciendi propter actualem repugnantiam, ratione cuius vnus est actualis destructio obiectiua rationis alterius; ideo non possunt simul elici ab eadem potentia. De actibus vero evidens est habere intrinsecam repugnantiam actualem, vt actus scientia, & erroris, & quemlibet esse destructionem rationis obiectiua alterius, quia manifestam continet repugnantiam eundem intellectum affirmare, ac iudicare simul eandem propositionem veram

veram esse, & falsam, vt per se est manifestum. Vnde sequitur non posse vlllo modo esse simul, siue in gradibus intensis, vel remissis, quia intensio, vel remissio neque augent, neque minuunt intrinsecam repugnantiam.

- 91 Ad argumentum vero oppositæ sententiæ distinguendum est antecedens quod quilibet actus horum habituum destruat rationem formalem obiectiuam alterius; nam ratio obiectiua actus, & habitus diuerso modo se habent. Quemadmodum actus, & habitus diuersum modum habent attingendi obiectum, aut tendendi in illud. Actus enim attingit obiectum per modum actualis tendentiæ, & coniunctionis cum eo; habitus vero per modum inclinationis, & ideo quasi potentialis coniunctionis cum eo, & quia repugnat eundem intellectum simul & actu coniungi cum veritate, & falsitate eiusdem propositionis actu iudicatæ, & ideo ratio formalis vnius actus destruit omnino alium actum, nec potest vlllo modo simul cum eo esse: sed quia non repugnat eundem intellectum posse attingere veritatem vnius propositionis vno tempore, aut posse ei coniungi per actuale iudicium, & alio tempore posse attingere falsitatem eiusdem propositionis, & posse coniungi illi per iudicium actuale contrarium, ideo actus vnius habitus non omnino destruit rationem obiectiuam alterius habitus, nec proinde habitum ipsum; ideo non repugnat habitus quantumlibet contrarios simul esse in eodem intellectu circa eandem propositionem, vt habitum scientiæ, & erroris. Nec repugnat actu coniungi intellectum veritati propositionis, vel actu eam attingere per iudicium; & posse attingere falsitatem eiusdem, eique coniungi per actuale iudicium oppositum, ideo potest actus vnius habitus esse simul cum habitu opposito, vt actus scientiæ cum habitu erroris: immo & actus erroris cum habitu scientiæ (saltem per potentiam Dei absolutam) quia quamuis repugnare videatur naturaliter, quod habens habitum scientiæ alicuius propositionis in intellectu, & species eiusdem propositionis in memoria, possit habere actum erroris circa eandem, vel circa
- 92 contrariam iudicans esse veram. Fieri tamen potest per potentiam Dei absolutam, vt ablatis speciebus permaneat habitus, & tunc non repugnabit, quod intellectus vtatur eodem habitu erroris permanente cum habitu scientiæ; & ex consequenti actus sit simul cum habitu. Quare negandum est ad formam argumenti, quod actus vnius habitus omnino tollat habitum contrarium. Et hæc quidem de habitibus acquisitis, & eorum actibus vera esse censemus: nam de infusis alia est ratio, quia sicut simul infunduntur, sic etiam simul amittuntur, & intèdi quidem possunt

possunt per actus supernaturales ab eis elicitos, non tamen remittuntur per contrarios, sed per quemlibet etiam remissum prorsus tolluntur: acquisiti vero sicut paulatim fiunt per plures actus, ita nati sunt paulatim corrumpi per oppositos, & non simul.

Quonam modo contraria non actiua possint esse simul in eodem subiecto.

Vltima tandem assertio nostra est, contraria etiam non actiua simul esse posse; & simul re vera dari in eodem subiecto secundum gradus remissos, & per potentiam Dei absolutam posse dari simul secundum gradus intensos. Itaque eandem prorsus rationem esse de contrariis actiuis, & non actiuis; ita ut sicut calidum remissum comparitur secum remissam frigiditatem, ita album remissum remissam nigredinem. Et sicut summus calor, qui est ut octo, potest secum cõpati in eodem subiecto summam frigiditatem, quæ est etiam ut octo, ita albedo intensa ut octo potest secum compati nigredinem ut octo per potentiam Dei absolutam. Probatur primum de gradibus remissis expresso testimonio Arist. 3. lib. Top. cap. 4. loco 9. ubi ita ait: *Quæ contrarij sunt impermixtiora magis talia, ut albius quidem nigro impermixtius.* Colligitur etiam efficaciter ex his, quæ docet de eisdem contrariis non actiuis, nam 7. lib. Physic. text. 11. enumerat ea inter qualitates contrarias per se terminantes motum alterationis: & lib. 5. text. 11. & 12. expresse asserit motum propriissimum alterationis dari non solum quando remittitur aliquod horum contrariorum, vel intenditur in subiecto, ut quando minus album fit magis album: sed quando mouetur ab vno contrario in aliud simpliciter, ut quando ex albo fit nigrum, vel è contra, lib. etiam 6. tex. 87. vniuersaliter docet in omni motu propriè sumpto necessarium esse ut subiectum, quod mouetur partim sit in termino à quo, & partim in termino ad quem. Ex quibus omnibus hoc argumentum desumitur. Corpus potest moueri ab albo in nigrum motu propriè sumpto pro successiuo, & dum mouetur participat utroque termino à quo, & ad quem: ergo participat simul aliquid albedinis, & aliquid nigredinis: quod est utramque qualitatem contrariam, etiam non actiuam, nec passiuam simul esse in eodem subiecto in gradibus remissis.

Probatur deinde ratione, quia contraria non actiua habent eandem latitudinem gradualem, ac habent actiua, & cum sint vere, & propriè contraria, debent se expellere ab eodem subiecto, saltem expulsioue formali omnibus contrariis intrinsecis (actiua

(actiua enim expulsio, vt diximus, non est omnibus essentialis: ergo albedo & nigredo, ceteraque contraria non actiua se expellunt ab eodem subiecto, non simul, sed per gradus, & ideo successiue, quia expulsio contrarij necessario debet fieri cum resistentia, sed ex gradu, & successiua expulsionem ab eodem subiecto euidenter colligitur simul esse in eo illa, quæ se expellunt: ergo necessario concedendum est, quod hæc etiam contraria non actiua simul sint in eodem subiecto in gradibus remissis. Posse autem esse simul in gradibus intensis has qualitates non actiuas per potentiam Dei absolutam, eisdem argumentis probari potest, quibus probatum est de qualitatibus contrarijs actiuis, & passiuis.

- [96. Ad testimonium Aristotelis adductum pro prima opinione respondeo, duobus modis coniungi posse qualitates primas, Primo ad compositionem elementi. Secundo ad compositionem mixti. Et ad compositionem elementi certum est concurrere secundum gradus intensos, sicut ad compositionem mixti secundum gradus remissos: nam quodlibet elementum constat duplici qualitate, vna in summo, altera prope summum: mixtum vero eisdem qualitatibus constat in gradibus remissis: Aristoteles ergo in illo loco agit de coniunctione, vel combinatione qualitatium ad compositionem elementi, & ideo negat posse coniungi qualitates contrarias, quia ad talem compositionem concurrere debent secundum gradus intensos, secundum quos non possunt esse simul, si contrariæ sint, & ideo absolute sunt impossibiles combinationes qualitatium contrariarum ad compositionem elementorum, sed ad compositionem mixti concurrere possunt, vt alijs locis docet expresse Aristoteles, quos pro nostra sententia citauimus, quia secundum gradus remissos concurrunt, in quo nulla datur repugnantia.

97. Ad primum argumentum respondent nonnulli recentiores, definitionem contrariorum non conuenire his qualitatibus secundum essentiam, sed secundum modum intensiōis, & ideo absolute concedunt secundum gradus remissos non esse contrarias, sed solum secundum intensos, quia solum secundum illos se expellunt ab eodem subiecto. Hæc tamen sententia falsa mihi videtur, quod probatur à priori ex his, quæ diximus, q. 4. elucidantes definitionem contrariorum: nam contrarietas dicit specialem repugnantiam duorum extremorum maxime distantium sub eodem genere; sed maxime distare sub eodem genere conuenit speciebus ex proprijs differentijs essentialibus: nam per differentias accidentales non dicuntur esse sub genere: ergo si qualitates istæ contrariæ sint, ex propria essentia debet

debet eis conuenire contrarietas: sed essentia est eadem in omnibus, siue secundum gradus remissos, vel intensos accipiantur: ergo omnibus debet conuenire contrarietas, & non solum intensis.

Secundò probatur, quia calor remissus expellit frigiditatem ab aqua expulsionem effectiuam, & formalem, & etiam expellitur ab aqua reagente in idem calidum remissum: ergo calor remissus contrarius est frigiditati, & si dicas expellere frigiditatem intensam, & non remissam, & ideo solum esse contrarium ei, & non remissæ: non soluitur argumentum, quia expellens intensam non desinit esse remissus: ergo verum est calorem remissum expellere, & contrarium esse. Quare falsum est dicere, quod contrarietas solum conueniat qualitatibus secundum gradus intensos.

Pro solutione verò argumenti adnotandum est mutuam expulsionem contrariorum dupliciter sumi posse, vel secundum aptitudinem, vel secundum actum; & aptitudo quidem essentialis est eis, actualis vero non, nisi accidentalis. Probatur euidenter, quia non semper se expellunt, sed dum agunt, & patiuntur: ergo expulsio actualis nec essentialis est eis, neque propria passio eorum: ex opposito vero semper sunt apta se expellere, & hæc aptitudo conuenit eis ex propria natura, ratione cuius specialem oppositionem, & repugnantiam habent in ordine ad subiectum: ergo essentialis est, vel ab essentia oritur. Vnde sequitur, in definitione contrariorum non sumi expulsionem pro actuali, quia accidentia, quæ non semper conueniunt rei, nec possunt ad definitionem eius pertinere; sed pro aptitudinali, vel radicali. Actualis vero expulsio, cum sit à subiecto, secundum capacitatem, & dispositionem eius accipienda est, atque etiam secundum debitam proportionem eorundem contrariorum; ita ut circa illud agere, & pati possint: non enim in quocumque gradu intensiois accepta, agere, & pati possunt, quod patet, si applicentur in gradibus intensis omnino æqualibus: non enim se expellent, immo nec omnino vnum ager in aliud, sed, in tali proportionem applicari debent, ut maior sit actiuitas agentis, quæ resistentia passi: nam si æquales sint, ita ut tantum resistat passum, quantum agens agit, nulla sequetur actio, nulla actualis expulsio actiua, vel formalis: nam hæc ab illa dependet, ut per se est manifestum. Requiritur ergo ex parte subiecti, quod sit in eo adimpleta latitudo gradualis ex vno, vel vtroque contrario: nam si adimpleta non sit, capax erit adhuc alicuius gradus vel partis vtriusque contrarij: quare vtrūque poterit simul recipere sine vlla expulsionem quousque latitudo cōpleatur; cōpleta vero nullam

nullum gradum vnus accipere potest sine expulsiōe alterius gradus ex alio. Ex parte vero eorundem contrariorum requiritur proportio secundum gradus etiam eiusdem latitudinis, & secundum densitatem, & alias conditiones requisitas ad agendum, & patiendum; ita vt omnibus consideratis maior sit actiuitas vnus, quàm resistentia alterius. Itaque sicut de primis qualitatibus verum est esse actiuas & passiuas, & hoc eis conuenire essentialiter, & tamen non semper, neque in quocumque gradu etiam intenso agunt, & patiuntur, sed in certo gradu, & proportione applicata, vt superius ostendimus, ita de contrarietate dicendum, essentialiter conuenire eisdem qualitatibus, & consequenter, quod possint se expellere ab eodem subiecto, actum vero expulsiōis non semper exercent, etiam in gradibus intensis, sed cum certa proportione requisita ad agendum, quia media actione, & non aliter se expellunt.

- 100 Ex his non est iam difficile argumentum soluere, concedimus enim definitionem contrariorum essentialiter conuenire his qualitatibus, sed in definitione non sumi expulsiōem pro actuali, sed solum pro aptitudine, quam habent contraria semper in quibuscumque intensis, vel remissis gradibus accipiuntur. Vnde licet non semper se expellant, semper possunt aliquo modo se expellere, & ideo semper, & in quibuscumque gradibus accipiuntur, conuenit eis definitio, & verè contraria censenda sunt. Et si dicatur sumpto vtroque contrario in gradu remisso, numquam se expellunt, sed simul sunt in eodem subiecto: ergo sic accepta, non sunt apta se expellere, nec verè contraria. Concesso antecedente, neganda est consequentia, quia quod tunc non se expellant, non prouenit ex defectu contrarietatis, sed ex capacitate subiecti respectu vtriusque in eo gradu, in quo non excedunt latitudinem, quæ si esset completa ex vno solo, expelleretur ab alio etiam remisso expulsiōe formali, vt patet in actione, & reactione, in qua remissus calor introductus in aqua expellit aliquid frigiditatis ab ea expulsiōe formali; & hoc sufficit, vt semper sint apta se expellere, etiam in gradu remisso, licet non se expellant, nisi adimpleta iam in subiecto latitudine gradualis; & hac expleta quodlibet contrarium, etiam remissum expellit aliud etiam intensum, vel certè aliquem eius gradum, qui remisso æquiualeat.

- 101 Ad secundum, negandum est antecedens, quod contrarium remissum expellat aliud etiam remissum efficienter, aut formaliter; neutro enim modo illud expellit propter capacitatem subiecti, vtrumque habere potentis in tali gradu. Et cum dicitur calidum vt tria agere in frigidum vt duo negandum est, quia

quia frigidum vt duo debet esse calidum vt sex, alioqui non erit latitudo contrarietatis expleta, in calidum autem vt sex repugnat agere calidum vt duo, quia repugnat intendere calorem eius. Ad aliud vero, quod in eodem argumento dicitur de denominatione eiusdem subiecti ab utroque contrario simul in eo existente, hac distinctione respondendum est, (ne de solo nomine sit quaestio, si omnibus modis negetur talis denominatio.) Duobus modis possumus sumere denominationem; vel secundum communem usum loquendi, & hoc modo subiectum habens utramque qualitatem, solum denominatur à prædominante, nempe ab intensiori, vt si sit calidum vt quinque, & frigidum vt tria, simpliciter denominamus illud calidum; immo aliquando licet prædominetur re vera frigiditas in corpore aliquo, quia magis sentitur calor propter actiuitatem eius maximam, denominamus corpus calidum; vt aquam vocamus absolute calidam, etiam si plus habeat frigiditatis, quam caloris. Si vero in gradu æquali habeat corpus utramque qualitatem, non denominatur ab aliqua earum, sed aliquo nomine simplici illud denominamus, quo significatur vtrumque in gradu æquali, vel secundum rem, vel saltem secundum sensum, vt aquam vocamus tepidam, quo nomine significamus æqualem habere frigiditatem, & calorem saltem secundum sensum; quod si non sit nomen simplex, quo significetur æqualitas vtriusque, significamus eam nomine complexo dicentes corpus esse humidum, & siccum in æquali gradu. Secundo modo potest sumi denominatio ex ipsismet effectibus formalibus, quos tribuunt qualitates contrariæ subiecto, qui siue sint in gradu æquali, vel inæquali, non denominamus subiectum ab vno solo, sed vtrumque concipientes, & explicantes dicimus corpus esse calidum vt quatuor, & frigidum vt quatuor, aut quid simile. Ad formam igitur argumenti concedimus vel denominari subiectum à solo contrario prædominante, vel ab utroque simul explicatis gradibus vtriusque, secundum quos inhaerent eidem subiecto. Negamus autem consequentiam, quod suscipiat simul contradictorias denominationes calidi, & non calidi, aut frigidi, & non frigidi; quod manifestum est, dum à solo prædominante fit denominatio; nam si solum denominatur ab vno, non sequitur simul suscipere denominationem contradictoriam à negatione eiusdem, sed solum à negatione alterius. Denominatio vero positiua vnius non est contradictoria denominationi à negatione alterius; sed necessario conueniens euicunque rei: quod exemplo posset explicari. Si vero denominemus subiectum ex effectibus formalibus vtriusque contrarij secundum se consideratis,

non ab vno solo denominatur, sed ab vtroque explicatis gradibus vtriusque effectus: vnde non sequitur, quod ei possit conuenire denominatio positiva, & negatiua eiusdem rei.

Ad tertium negandum est, quod sequantur duo illa absurda ex eo, quod contraria in gradibus remissis sint simul in eodem subiecto. Et ad primum absurdum asserunt quidam ex his, qui sequuntur nostram sententiam, nullo modo concedi posse, quod idem corpus moueatur simul motibus contrariis, quia secum videtur hoc asserre repugnantiam, vt in ceteris motibus est manifestum. Ego vero ex suppositione, quod contraria in gradibus remissis simul esse possunt in eodem subiecto, vt probauimus, teneo non solum, quod possit, sed quod in eisdem gradibus moueri debeat motibus contrariis, propter hoc argum. Motus non habent aliam repugnantiam, vel contrarietatem, præter eam, quam accipiunt ex terminis ad quos; sed non repugnat terminos ad quos calefactionis, & infrigidaionis esse simul in eodem corpore: ergo nec repugnabit eisdem motus esse simul. Hoc tamen cum hac limitatione conceditur. Quod sicut non conceditur naturaliter contraria posse esse simul in eodem subiecto absolute, sed cum addito remissionis gradualis, ita non est absolute concedendum, quod idem corpus possit simul moueri motibus contrariis, nisi secundum gradus remissos, quos constat habere motus à terminis.

- 104 Ad secundum, quod tamquam absurdum inferebatur, nempe posse vnum contrarium agere in alterum nullo modo corrumpendo illud, hac distinctione respondeo, si in vtroque sit latitudo vtriusque contrarietatis expleta, impossibile est; quia nec tunc potest idem corpus naturaliter moueri motibus contrariis, nec aliquid ex propria forma producere sine expulsionem contrarij gradus. Si vero non sit expleta, non est inconueniens agere vnum contrarium in aliud, non corrumpendo illud, sed solum producendo in ipsum aliquem gradum propriæ formæ, quia ad talem productionem non sequitur necessario expulsio contrarij; cum subiectum sit capax vtriusque, vsque ad integram latitudinem ex vtroque complendam, vt probauimus. Et idem posset contingere in generatione substantiali, si materia naturaliter posset habere plures formas substantiales; tunc enim generationem vnius substantiæ non sequeretur corruptio alterius, & quia per potentiam diuinam plures habere potest, per eandem posset dari generatio vnius sine corruptione alterius, & quod agens ageret in suum contrariū non corrumpendo illud, sed solum introducendo propriam formam in eandem materiam, & cum contraria in gradibus remissis possint esse simul in eodem

eodem subiecto, vt probauimus, potest vnum agere in alterum per solam productionem propriæ formæ sine corruptione formæ contrariæ.

Ad argumentum secundæ opinionis concessa maiori, & minori, neganda est consequentia, quod mixtum non possit simul habere qualitates contrarias non actiuas in gradibus remissis. Et quod dicitur has qualitates contrarias sequi non posse, nisi ex contrariis temperamentis, distinguendum est, nam dum primo sunt, cōtraria, vel saltem diuersa postulant temperamenta, sicut qualitates ipsæ cōtrariæ sunt, & ex eadem causa circa idem subiectum non possunt sequi effectus contrarij. Itaque in prima generatione mixti non possunt secundæ qualitates contrariæ produci, etiam in gradibus remissis, sed vna tantum earum in aliquo gradu intensiōis sequitur secundum modum temperamenti, vel permixtionis primarum qualitatum: postea vero variato temperamento incipit produci contraria cum aliqua remissione eius; & ita dantur simul in eodem subiecto secundum gradus remissos, licet non producantur simul in eo.

Et si quis ita arguat, fieri ordinatur ad esse, sed possunt esse simul in gradibus remissis: ergo simul fieri, quod patet in primis qualitatibus, quæ simul produci possunt in eodem subiecto vtraque carente. Neganda est consequentia, quia licet ex eo, quod simul fieri possunt, sequatur simul esse posse, non tamen ex similitudine essendi sequitur bene, quod simul fieri possint. Quia aliquod impedimentum dari potest, ne simul fiant, quod non detur ad simultatem essendi, & verè datur in his qualitatibus: cum tamen non detur in primis, quia primæ qualitates non supponunt alias, in quarum permixtione fundentur, & ideo non repugnat simul produci in nudo subiecto vsque ad certum gradum: qualitates vero secundæ supponunt tale temperamentum primarum, ex quo sequuntur, quod cum non possit multiplex esse simul in eodem subiecto, neque idem, & diuersum, nec possunt ex eo primo sequi qualitates secundæ contrariæ, sed cum possit diuerso tempore variari, potest post productionem vnius produci contraria, & simul esse cum ea in gradibus remissis, licet non possint simul produci.

Q V Æ S T I O VII.

*An cuilibet elemento ex propria natura conueniant
duæ qualitates primæ?*

DE solis primis qualitatibus in primis quæritur, nam de 106
secundis certum est conuenire elementis raritatem, &

densitatem, atque etiam grauitatem, & leuitatem; deinde, an cuilibet elemento ex propria natura conueniant duæ. Nam certum est, & experientia notum plures, immo & contrarias cuilibet conuenire secundum aliquas partes ab agente extrinseco eis impressas, vt aquæ calorem, aëri frigiditatem, & terræ humiditatem. Quod ergo quaeritur est, an ex propria natura, & ideo ab intrinseco cuilibet conueniant duæ qualitates primæ, vt aëri calor, & humiditas; & ita cæteris secundum proportionem.

Et prima opinio negat omnibus elementis conuenire, sed de aëre docet solam humiditatem esse ei naturalem; calorem vero, & frigiditatem ab extrinseco tantum ei imprimi. Ita Vallesius 1. lib. controuerf. Medic. capit. 10. vbi eandem sententiam tribuit Galeno 8. lib. de vsu partium capit. 3. atque etiam lib. de vsu respirationis. Probatque hoc argumento. Qualitates illæ, quas habet elementum ex propria natura non facile, nec passim amittit, sed ferè semper retinet, vt patet de igne, qui numquam ferè admittit calorem, & siccitatem; sed aër passim transmutatur à frigiditate ad calorem, & eadem facilitate, qua fit calidus, fit etiam frigidus: ergo neutra harum qualitatum est ei naturalis; sed sola humiditas in eo perseverans.

- 307 Secunda opinio solum tribuit eidem aëri frigiditatem naturalem; calorem vero, & humiditatem, quas aliquando etiam habere solet ab extrinseco corpore esse eis impressas. Hanc tribuit Stroicis Galen. lib. 1. de simplicium medicamentorum facultatibus capit. 2. Eandem secutus est Seneca lib. 1. naturalium quaestionum cap. 10. Probatur experientia, & ratione. Experientia quidem, quia illa sola qualitas censetur conuenire corpori ex propria natura, quæ ei conuenit semotis extrinsecis agentibus sibi contrariis; cæteræ vero, quæ ei conueniunt in præsentia eorum ab eis imprimi censendum est, sed sola frigiditas hoc modo conuenit aëri: ergo hæc sola est ei naturalis. Probatur minor, quia in hieme, & ferè in noctibus totius anni frigidus est aër, cuius ratio solum potest esse absentia Solis, per præsentiam eum calefacientis, eo vero absente se reducit ad naturalem frigiditatem, sicut de aqua est manifestum: ergo sicut hæc naturaliter est frigida, calida vero ab extrinseco, pari ratione de aëre censendum est. Probatur etiam ratione, quia illa sola qualitas censetur naturalis elemento, quæ circa centrum, vel medium eius semper ei conuenit, nam in centro, vel circa illud censetur natura eius suam habere puritatem, præsertim cum ex hac parte magis sit ab extrinsecis contrariis remotum; sed aër in media regione semper est frigidus, immo frigidior

frigidior multò, quàm in suprema, & infima: ergo negari non potest, quod frigiditas sit ei naturalis. Minorem probat euidens experientia; nam videmus in regione illa generari niuem in hieme, æstiuo autem tempore grandinem propter nimiam frigiditatem aëris.

Tertiam opinionem tenet Aristoteles capit. 2. huius libri, 108
textu 16. & 4. Metheo. capit. 1. quibus locis singulis elementis tribuit duas qualitates, videlicet igni calorem & siccitatem; aëri calorem & humiditatem; aquæ frigiditatem & humiditatem; & terræ siccitatem, & frigiditatem. Et hæc est communis sententia Scholæ, & videtur nobis probabilior, & sequenda. Et prima eius ratio desumitur ex situ, & collocatione elementorum in Vniuerso, cuius partes, quasi integrantes sunt; atque etiam ex fine, cuius gratia condita sunt elementa, nempe vt generentur ex eis mixta. Et ex hoc fine probatur, quod singula habeant qualitates singulas, per quas sint contraria hoc modo. Generatio rei naturalis fit ex contrario, & generatio mixti ex elementis, quarum virtutibus constant pro dispositionibus ad introductionem suæ formæ: ergo necesse est elementa esse inter sese contraria per qualitates actiuas, & passiuas, per quas possint concurrere ad mixtionem, seque corrumpere, vt ex eorum materia eisdem qualitatibus disposita possit mixtum generari, contrarietas autem secundum vnā saltem qualitatem debet esse: ergo quodlibet debet habere vnā qualitatem, per quam alteri sit contrarium. Quod vero necessarium 109
sit habere etiam alteram, per quam contrarium non sit, probatur ex situ, & collocatione, quia elementa ita sunt collocata, vt quodlibet habeat aliud sibi proximum, atque contiguum, iuxta quod conseruetur & à quo nec destruat, neque illud destruat; alioqui talis collocatio contraria esset conseruationi totius mundi, cum per eam se destruerent partes eius; sed locus, in quo conseruatur corpus, debet habere qualitatem aliquam similem, aut consonam temperamento eiusdem corporis, alioqui, si omnes haberet contrarias, non bene conseruaretur in ipso, vel iuxta ipsum: necesse est ergo, vt quodlibet elementum aliam qualitatem habeat, per quam assimiletur alteri iuxta se collocato præter aliam, ratione cuius ei contrariatur, & consequenter duas primas qualitates actiuas, & passiuas. Secundo, elementa sunt prima corpora generabilia, & corruptibilia, & ideo inter se contraria, vt possint se corrumpere, & vnum transmutari in alterum, atque etiam omnia in tertium, quod est mixtum, si vero vna tantum qualitate contraria constarent, difficilis admodum redderetur mixtio, nec suffi-

ceret duo, aut tria concurrere, sed necessarium esset concursus omnium, alioqui nec omnes quatuor qualitates possent concurrere, nec ideo mixtionem efficere à generatione distinctam: ergo necesse est alia constare non contraria illi.

- 110 Probatum deinde experientia in singulis elementis: nam ignem experimur esse calidum, arque etiam siccum, quia videmus humida, quæ calefacit, simul exsiccare. Præterea, quo corpus aliquod magis est siccum, melius, arque facilius in ignem convertitur, & quælibet materia sicca magis est disposita, pro forma ignis in eam introducenda, quàm humida: siccitas ergo congrua dispositio censetur ad formam ignis. Quod non potest intelligi, nisi forma ignis eam tamquam sibi connaturalem postulet simul cum calore, de quo evidens est ei convenire.

De aëre etiam probatur primo, quod sit calidus ex propria natura. Primo, quia probatum est omnia elementa esse inter sese contraria; sed si aër non sit natura calidus, sed fortè frigidus, ut voluerunt alij, non esset aquæ contrarius: ergo calidus debet poni ex propria natura. Secundo, quia si aër non esset calidus, facile, & sine vlla resistantia converteretur in aquam, quæ per summam frigiditatem in eum sibi contiguum agit, & ideo in instanti, quia nullam potest habere resistantiam, nec successionem conversio eius, si nullum habet calorem ex propria natura. Quod vero aër sit humidus, probatur primo; nam de igne probatum est esse calidum, & siccum; & statim probabitur de aqua evidenti experientia esse frigidam, & humidam, & ideo omnino ei contrariam: ergo duo alia elementa, nempe aër, & terra debent esse omnino etiam contraria, sed probabitur experientia terram esse siccam: ergo necesse est aërem esse humidum. Secundo, quia singula elementa sunt singulis contraria secundum aliquam qualitatem, ut probauimus: ergo aër est contrarius igni, non per calorem; cum probatum sit esse sua natura calidum: ergo per humiditatem, & ideo ex propria natura erit humidus, sicut ignis siccus. Quod tandem probat usus respirandi, nam aëre respiramus: ergo cum respiratio sit operatio vitalis, aëre ex hac parte sustentatur, arque conservatur vitæ, sed hæc consistit in calido, & humido: ergo humidus, & calidus debet esse aër eam conservans.

- 111 Quod vero aqua sit frigida, probatur duplici experientia. Prior est, quia dum ab aliquo agente calido sibi approximato calefacta est, eo sublato statim absque aliquo infrigidente extrinseco, sed suæ naturæ relicta, se reducit ad antiquam frigiditatem: ergo à propria natura habet frigiditatem, & non ab aliquo extrinseco. Altera experientia est, quia aqua quæcumque
non

non calefacta ab extrinseco calefaciente, vel eo remoto, à quo calefacta est, & suæ naturæ relicta infrigidat quæcumque alia corpora temperata: ergo ex propria natura frigida est. Probatur consequentia, quia ea, quæ semper contingunt, & non causantur ab aliquo extrinseco, naturalia censentur.

Probatur tandem, quod terra sit sicca, ex diuinæ Scripturæ verbis in principio Genesis, ubi referrur Deum statim ac terram condidit, eam vocasse aridam. Deinde ex definitione sicci, quam tradit Aristoteles in hoc 2. lib. text. 9. his verbis: *Siccum autem facile terminabile proprio termino, difficulter autem terminabile alieno.* Sed evidens est terram per se terminari, vel consistere, etiamsi à nullo alio corpore coarctetur: ergo ex propria natura debet reputari sicca. Et tandem experientia, quia sublato quocumque extrinseco eam humectante, statim se reducit ad siccitatem nullo extrinseco corpore eam exsiccante: ergo sua natura debet censi sicca.

Ad argumentum primæ opinionis concedenda est maior, 112 quod illa qualitas censenda sit naturalis corpori, quam retinet semper. Minor vero distinguenda; quod aer facile transmutetur à calore ad frigiditatem; nam transmutari ad frigiditatem contingit dupliciter; vel amittendo omnino calorem; & hoc modo neganda est, vel plus frigiditatis recipiendo, & maiori facilitate, quàm reliqua elementa recipiant qualitates sibi contrarias; & in hoc sensu conceditur: hoc autem habet propter humiditatem cum raritate, & subtilitate coniunctam: quarum ratione facile subditur alienis impressionibus; sicut etiam facile mouetur localiter à quocumque extrinseco versus omnem differentiam loci: quare non probatur ex propria natura non esse calidum, sed solum, quod ita sit naturaliter calidus, ut facile ab eodem calore transmutetur, qui non adeo tenaciter ei inhæret, atque humiditas, quæ est qualitas ei propria, ut quæstione sequenti probabitur, à qua proinde remouetur difficilior.

Ad primum argumentum secundæ opinionis concedenda 113 est etiam maior, sed minor neganda, quod frigiditas conueniat aëri, remotis contrariis. Et quod dicitur ideo infrigidari aërem, quia postquam calefactus fuit à Sole, eodem Sole absente reducit se ad naturalem frigiditatem, sicut aqua semoto igne, negandum est; sed absente Sole infrigidatur ab aqua tunc valde frigida, atque etiam ex vicinitate terræ ex se frigidæ, & plus ab aqua infrigidatur. Quare ex hoc non probatur aliquam frigiditatem naturalem habere: sed quamcumque habet, & quocumque tempore eam ab extrinseco infrigidante recipit.

QVÆSTIO VIII.

*Quenam sit causa maxime frigiditatis, quam habet
aër in media regione.*

Secundum argumentum eiusdem opinionis quæstionem excitat de causa maxime frigiditatis, quam habet aër in media regione. Præsupponit autem quæstio tamquam certum, aërem in media regione frigidissimum esse; nam experientia constat maximam ibi fieri condensationem nubium ex aëre, & vaporibus; & eandem nubes non solum conuerti in aquam, sed eandem aquam ex eis genitam statim conuerti in niuem, & grandinem, per quamdam congelationem, quæ omnia procedunt ex nimia frigiditate. Probatur euidenter, quia aqua non potest produci ex vaporibus, & aëre, nisi præcedente in materia eorum frigiditate maxima, quam pro dispositione petit forma eiusdem aquæ ad sui introductionem. Deinde aqua non congelatur, nisi crescente frigore: (vt in hac nostra regione videmus) ergo neque in media illa congelatur, vt ex ea fiat nix, & grando, nisi eodem adhuc frigore crescente; & ex utroque sit euidens, aërem in ea regione nimis esse frigidum. Quærit vero eadem quæstio, quænam sit causa illius frigiditatis.

- 114 Et prima opinio præcipuam causam eius esse docet naturam eiusdem aëris, quem putat summè frigidum à natura esse, & non calidum. Quam primo sequuti sunt Stoici, vt testatur Galenus lib. de Simplicium medicamentorum facultatibus c. 20. à quibus eam desumpserunt Seneca 2. lib. qq. naturalium cap. 10. Tullius 2. lib. de natura Deorum, Philo Iudæus in lib. de plantatione Noë, & Galenus lib. 8. de vsu partium cap. 3. vbi reprehendit Aristotelem, quod posuerit aërem ex propria natura calidum. Hæc opinio duo habet pro se argumenta satis efficacia. Primum est illud, cuius occasione excitatum est dubium, quia quodlibet elementum habet puritatem naturalem in medio, vel circa centrum, vbi minus potest à contrariis agentibus alterari: sed aër in media regione frigidissimum est: ergo summam habet frigiditatem ex propria natura, & non impressam ab aliquo agente contrario. Secundum, quia nullum violentum potest esse perpetuum, vt testatur Arist. 1. lib. de cælo, & mundo text. 15. & lib. 2. text. 18. sed nimia illa frigiditas, quam habet aër in media regione, est perpetua, nullo anni tempore deficiens, vt probat continui effectus eius, pluuiæ, niuis, & grandinis: ergo non potest esse violenta. Vnde sequitur eam non habere

habere aërem ab aliquo agente contrario, atque extrinseco impressam, sed ex propria natura.

Hæc tamen sententia non solum est contra Aristotelem asserentem, aërem non esse à natura frigidum, sed calidum & humidum, sed etiam contra rationem, vt probauimus; ideo causa aliqua extrinseca frigiditatis eius in media regione querenda est. Quam assignat secunda opinio asserens frigiditatem illam ex eo procedere, quod Sol minorem effectum illuminationis, & calefactionis habet circa mediam regionem aëris, quam circa supremam, & infimam; quam circa supremam quidem, quia fortius eam illuminat, & cōsequenter intensius calefacit tamquam proximior; iuuat etiam non parum, quod iuxta elementum ignis posita est, à quo etiam necesse est calefieri. Hæc vero infima regio aëris propter reflexionem radiorum solarium in terra, & aqua factam intensius illuminatur, & calefit, media vero ab his causis extrinsecis libera est, & propterea nō est calida, sed frigida. His autem causis addunt Parisienses virtutem celestem particularem, à qua eadem media regio aëris infrigidatur.

Sed hæc etiam sententia ex ea parte, qua pro causa assignat minorem illuminationem, & calefactionem mediæ regionis à Sole, insufficiens est: ex alia vero, qua addit virtutem celestem infrigidantem eandem regionem mediam, parum probabilis. Ostendo primum, quia ex eo, quod minus illuminetur media aëris regio, quam suprema, & infima, & consequenter minus calefiat à Sole, solum probatur, quod minus calida sit, magisque temperata, quam suprema, & infima: non tamen, quod sit frigida, & multo minus, quod tam intensam habeat frigiditatem, quantam habere semper probant effectus pluuiarum, niuium, & grandinis: non ergo reddit causam huius intensæ frigiditatis, quam querimus, & ideo insufficiens est. Quod vero influentia alicuius aëris infrigidantis eandem regionem sit causa, parum probabile esse sic ostendo, quia non est verisimile dari astrum potentius ad infrigidandum, quam sit Sol ad calefaciendum corpora sibi approximata, præsertim in æstate, quo tempore maxime eleuatur: sed in æstate experimur mediam illam regionem magis tunc à Sole calefactam, frigidiorē esse, quam alio quouis tempore anni: ergo verisimile non est, quod ab aliquo astro tantum infrigidetur. Secundo, quia tale astrum frigiditatem influens circa mediam regionem aëris, fortius eam influet circa supremā, immo circa ignem, cum proximiora sint ei, & frigiditatis capacia. Probatur cōsequentia, quia repugnat naturaliter agens agere in distans, quia eadem actione operetur in medium capax, quod vero in ignem, &

in supremam regionem aëris talem producat frigiditatem, repugnat: ergo nec pro imprimenda in media regione poni debet. Probatür tandem, quia non est credendum peculiare astrum condidisse Deum pro sola infrigidaione huius regionis; cum sufficiant ad id præstandum alia inferiora corpora, ut statim ostendemus. Magis enim relucet diuina sapientia in eo, quod tam mirabilem effectum edere possit per solam ordinationem naturalem elementorum, quam si speciali creatione alicuius astri indigerit ad illum præstandum.

- 117 Tertia opinio quorundam recentiorum tenet, Deum ab initio mundi produxisse in media regione aëris frigiditatem valde intensam, quam perpetuo conseruat, ut possint ibidem generari pluuia, niues, & grando, producique cæteri effectus meteorologici propter commune bonum totius vniuersi; nam his alitur terra, ut fructus ferre possit, his etiam aluntur animalia, immo & homines. Huius opinionis mentionem faciunt Cornimb. tract. 1. Metho. cap. 2. Probant recentiores ex illis verbis Genesis c. 1. quibus dicitur secunda die fecisse Deum firmamentum diuidens aquas ab aquis; ubi nomine firmamenti intelligunt plures expositores infimam aëris regionem, quam videntur supponere non fecisse Deum secundum substantiã elementi aëris secunda die, sed hoc elementum cum terra, & cæteris produxisse prima die, secunda vero produxisse intensam frigiditatem cum densitate aliqua in eadem regione aëris media: hanc vero infimam temperatam reliquisse cum minori frigiditate, & densitate, & ita generationi, & conseruationi animalium, arque plantarum accommodatam, ineptam vero generationi aquarum, & imbrium: & propterea media regio, in qua generantur hæc, vocata est firmamentum diuidens aquas ab aquis, hoc est quasi terminus diuidens aquas nubium ab aquis terrestribus.

- 118 Non est omnino improbabilis hæc opinio, sed non videtur mihi tenenda, propter hoc argumentum, plures dantur effectus in natura rerum his valde similes, quorum particulares causæ, & sufficientes difficile inueniuntur: sed probabili coniectura tandem assignantur, & hoc sufficit, ut non sit ad Deum recurrendum, à quo solo producantur: ergo neque pro causa efficiente talis frigiditatis ad Deum recurrendum est tamquam ad propriam causam; sed satis esse debet, si probabili saltem coniectura inueniatur in corporibus, ut inueniri ostendemus. Minorem probo, quia satis mirabiles effectus sunt, quos experimur in aquis putealibus, qui in æstate vigente maxime calore Solis frigidiores sunt: in hieme vero, etiam si sit remississimus, calidiores: cum tamen aqua sua natura sit summè frigida.

Quare

Quare non videntur fieri posse ab aliqua causa naturali inferiori; immo neque à Sole, & cæteris vniuersalibus; sed ad Deum esse recurendum, qui eas calefaciat, & infrigidet suis temporibus, prout sibi placitum fuerit, & pro bono communi totius vniuersi necessarium. Et tamen nemo ferè ad Deum recurrit, sed sufficienter fieri posse per antiparistasim coniectantur; eodem igitur modo loquendum est de frigiditate, quam habet aër in media regione.

Ideo vltima opinio, quam sequuntur ferè omnes recentiores, præsertim Tolerus in hoc 2. lib. q. 5. ad 9. & Conimb. tractatu 1. Metheor. cap. 2. probabilior est, & tenenda, quod media regio aëris valde frigida sit, nō ex propria natura, nec ex peculiari influenza cœlesti: sed nec à frigiditate producta ibidem à solo Deo in prima mundi conditione; sed per continuam, atque perpetuam antiparistasim factam ex nimio calore superioris, & inferioris regionis eiusdem aëris. Ita inuenio expressum apud Aristot. 1. lib. Metheo. sum. 3. c. 3. vbi agens de generatione pluuiæ, niuis, & grandinis in media illa regione, ait: *Quoniam videmus, quod sit circumobstitentia calido, & frigido inuicem (qua propter) in temporibus frigida sunt inferiora terra, & tepida in gelu oportet putare, & hoc in eo, qui sursum fieri loco, quare in tepidioribus anni temporibus circumobstitentiam passum in his frigidum, propter eam, qua in circuitu est, caliditatem, aliquando quidem cito aquam ex nube facit, aliquando vero grandinem, &c.* Ita etiam sentit Diuus Thomas in commentariis eiusdem loci lectione. 4. Sed vt ostendamus sufficientem causam esse antiparistasim, quædam supponenda sunt tamquam certa, vel ex doctrina Aristotelis deducta. Primum est, supremam aëris regionem, hoc est partem illam elemento ignis contiguam, valde calidam esse, non solum propter calorem aëri naturalem, sed etiam propter ignem eam circumstantem, & propter intensam illuminationem, & calefactionem à Sole. Infimam quoque regionem (licet non tam intense calidam) tempore æstiuo non parum habere caloris, ex reuerberatione radiorum Solis in terra, & aqua facta resultantis, atque etiam ex multitudine vaporum, & exhalationum, quas idemet Sol extrahit ab utroque elemento simul eas calefaciens. Secundo, supponendum est, mediam regionem eiusdem aëris liberam esse ab his causis ab extrinseco calefacientibus supremam, & infimam: nam neque ab igne calefit, neque à Sole per reflexionem radiorum, qui non possunt vsque ad illam ascendere, solum ergo calefit ab eo per actionē directam: & ideo remissa tantū calefactione; itaq; in media illa regio præter calorem, 119
quam

- 110 quem habet à propria natura, parum recipit ab extrinsecis eam circumdantibus, ideo quasi tēperatā esset ex hac parte. Tercio, supponendum est, solem sua virtute semper extrahere à terra exhalationes, & ab aqua vapores, & æstiuo tempore magnam copiam, quia intensius illuminat, & calefacit terram, aquam, & infimam regionem aëris, ideo fortior est virtus eius ad effectū eos extrahendi, quos constat sua natura leues esse, & aëri valde similes, præsertim in raritate, & leuitate, & propterea sursum ascendunt vsque ad mediam regionem aëris. Quarto supponitur, vapores sua natura esse frigidos, calidos vero ab extrinseco nempe ab eodem Sole, qui cum eos media luce, & calore producto in aqua, & terra extrahat, necesse est eos calidos extrahere. Quod vero sua natura sint frigidi, docet Aristoteles, & probat ratio. Aristoteles quidem expresse satis loco citato, ubi generationem pluuiæ ex vaporibus explicans sic ait: *Manente autem terra, quod circa ipsam est humidum à radiis, & ab alia, qua desuper est caliditate euaporans fertur sursum. Cum autem caliditas, qua duxit ipsum sursum, deuelinquit, & illa quidem disperditur ad superiorem locum: hæc autem & extinguitur, propterea quod suspenditur longius in aërem, qui est super terram, cogitur iterum vapor infrigidatus, & propter derelictionem caloris, & propter locum, & sic aqua ex aëre, &c.* Et longe ab his, sed in eodem capite loquens de generatione niuis ex nube congelata in media regione aëris, & de generatione pruinae ex congelato vapore in hac infima regione, hæc verba scribit: *Similiter autem, & pruina, & nix, cum enim congelata est nubes, nix est, cum autem vapor, pruina: qua propter aut temporis anni, aut regionis signum est frigida: non enim utique congelaretur adhuc multa inexistente caliditate, si non superuinceret frigus: in nube enim adhuc inest multum calidum, residuū ignis: qui euaporare fecit ex terra humidum,*
- 111 *&c.* Quibus docet expresse nubem, quæ non est aliud, quàm vapor condensatus in media regione, calorem adhuc habere, derelictum quidem à Sole, qui cum illi impressit, dum extrahit ab aqua, & terra, quod est eum habere ab extrinseco agente, & sua natura oppositam frigiditatem. Quod docet etiam D. Thom. eodem loco his verbis: *Sic igitur deficiente calore calefaciente, & eleuante vaporem aqueum, vapor aqueus redit ad naturam suam, condunante etiam frigiditate loci, & sic infrigidatur, & infrigidatus inspissatur, & inspissatus cadit ad terram, &c.* Sed probatur etiam ratione, quia aut vapores sunt eiusdem naturæ cum elemento, à quo extrahuntur, vel diuersæ: Si eiusdem, euident est esse valde frigidos sua natura sicut elementum aquæ. Si vero sint mixta, valde tamen similia in natura eidem elemento, cum

ex eius substantia proxime, ac cito oriuntur: ergo participant qualitates eius, & præsertim frigiditatem, quæ in eis prædominabitur, & calorem non possunt habere ex propria natura, quia aqua illum non habet naturaliter. Vnde fit solum ab extrinseco agente, à quo extrahuntur, impressum calorem habere posse, quem sursum ascendentes eum virtute propriæ naturæ à se expellunt (vt asseruit Arist.) & reducunt se ad naturalem frigiditatem.

Ex his præsuppositis hoc argumentum colligitur ad probandum, quod per antiparitasim sufficiens reddatur causa intensæ frigiditatis, quam habet aer in media regione, etiam si ex propria natura non sit frigidus. Nam toto tempore anni ascendunt vapores extracti ab aqua, & terra, & sua natura frigidi, maioremque densitatem habentes, quam aer, ascendentes vero quo plus separantur ab hac infima regione calida, plus etiam deficit calor extrinsecus, quem à Sole, & à loco impressum habebant; & ad naturalem frigiditatem se reducunt; ac tandem ad locum mediæ regionis perueniunt: nec ulterius permittuntur ascendere propter maximum calorem supremæ regionis circumobstantem; sed nec etiam descendere obistente calore huius infimæ regionis: ergo necesse est maximam eorum copiam ibi condensari, & per condensationem eorum valde infrigidari aerem eiuſdem regionis; & ex condensatione, & infrigidatione, tam ipsum, quam vapores passim conuerti in nubes, & pluuiam. Vnde non est necessarium ad specialem influxum cœlestem, nec ad Deum per se infrigidantem eandem regionem recurrere, sed ex solo ordine naturali à Deo ipso constituto in his corporibus sufficiens redditur causa maximæ frigiditatis illius regionis. Quod satis efficaciter confirmatur ex magna infrigidatione aquæ putealis, & subterraneorum locorum æstiuo tempore à similibus causis sufficenter facta (eisdem aduersarijs concedentibus) & absque dubio minorem efficacitatem habentibus; & propterea non tam intensam frigiditatem causantibus, quanta producit in media regione ætis propter efficaciores causas; sed eodem modo operantes, vt expositum est.

Ad primum argumentum primæ opinionis neganda est maior, quod illa qualitas sit elemento naturalis, quam habet circa medium; nam licet verum hoc sit in elemento solido, quale est terra, quia non habet fluxum, & refluxum secundum partes, sed ferè immobilis perseverat secundum omnes, & propter maximam densitatem non facilem præbet ingressum alijs corporibus, & ideo non facile recipit impressiones eorum
secun

secundum partes propinquiores centro. Licet etiam sit verum in elemēto magis actiuo, quale est ignis, qui propter maximam actiuitatem non permittit permixtionem aliorum corporum, & ideo non facile recipit qualitates eorum. In fluidis vero, & præsertim in aëre non potest esse verum, & ratio est manifesta; quia cum aër non solum fluat, sed adeo subtilis sit, facile cedit alijs corporibus, & transitum eis per seipsum præbet: facile etiam eis permittit, vt secum permisceantur, si subtilia sint; facile etiam impressiones, vel qualitates extraneas ab eis recipit, & ideo non habet maiorem puritatem iuxta medium, quam in extremis partibus. Vnde sequitur non posse deduci argumentum ex qualitate vigente circa medium eius ad probandum, quod ei sit naturalis, quia non minus potest eam recipere ab agente extrinseco secum permixto circa medium, quam in alijs partibus extremis.

- 124 Ad secundum distinguenda est maior, quod nullum violentum sit perpetuum, & explicanda vniuersalis hæc propositio Aristotelis, quam fatemur in doctrina eius contineri. Violentum enim duplex est; vnum, quod ita est contra inclinationem rei particularis, vt nullo modo cedat in bonum particulare eius, ac totius vniuersi. Vt lapidem proiectum moueri sursum, aut aquam quomodocumque calefieri ab igne; ita enim motus isti sunt contra inclinationem naturalem horum corporum, vt nec cedant in bonum particulare eorum, nec in commune totius vniuersi, & dicuntur violenti simpliciter. Aliud est violentum ex parte, vel secundum quid, quod licet sit contra inclinationem particularem corporis, cedit tamen in bonum eius particulare conseruationis propriæ, atque etiam in bonum commune totius vniuersi, & ex hac parte potius naturale est, quam violentum, & propterea solum secundum quid, vel ex parte violentum, & potius dici debet naturale, quia ex ordinatione naturali partium vniuersi necessario sequitur: & ita se habet frigiditas mediæ regionis, aëris. Nam ex naturali ordinatione eiusdem elementi cum cæteris necessario sequitur continua, atque perpetua antiparistasis iam explicata, per quam illa pars aëris infrigidatur, & totus ipse aër non potest alio modo naturali conseruari in suo loco naturali, nempe infra elementum ignis, & supra elementum aquæ, nisi cum dispendio illis infrigidationis secundum illam partem. Quæ infrigidatio ordinatur ad bonum commune totius vniuersi, nempe ad generationem, & conseruationem plantarum, animalium, & hominum: vnde si rectè expèdatur eadem infrigidatio, solū ex ea habetur, quod elementū aëris patiatur dispendiū aliquod solū in vna, vel alia

alia parte propter bonum propriū totius elemēti, & commune vniuersi, quod solum est violentū secundum quid etiam consideratum respectu eiusdem aëris: naturale vero simpliciter, quia solum est contra inclinationem vnius partis, sed conformis particulari inclinationi totius elementi aëris naturaliter inclinati in propriam conseruationem. Et hoc modo dari violentū secundum quid, quod sit perpetuum in eisdem elementis, euidens est. Nam suprema regio aëris semper calidior est, quā petit sua natura, & semper partes aliquæ eius igni proximiores corumpuntur ab igne, & in eum conuertuntur, quod patet esse violentum, & perpetuum eodem modo, ac infrigidatio mediæ regionis aëreæ. Terra quoque secundum plures sui partes infrigidatur semper ab aqua super eam dilapsa: immo maxima ex parte aqua, & terra sunt semper extra proprium locum naturalem, quia cum aqua deberet circumscribere elemētum terræ, & terra deberet circūscribi ab aqua: nec circūscribitur hæc ab illa: nec illa maiori ex parte eadē terrā ambit. Axioma igitur Aristotelicum de priori violento solum intelligitur, quod naturaliter repugnat esse perpetuum: non de posteriori necessario incluso in naturali ordinatione vniuersi, nec solum ad bonum commune eius ordinato, sed etiā ad particulare eorumdē corporum, quod ipsum patiuntur solū secundū aliquas partes propter conseruationē totius. Et ideo ex naturali ordinatione, & constitutione vniuersi necesse est esse perpetuum, vt constat in alijs casibus diuersis ab infrigidatione mediæ regionis, & necessario concedendis ab omnibus opinantibus.

Ad primum argumentum tertiæ opinionis respōdeo primo, 116
nomine firmamenti diuidentis aquas ab aquis non esse necessario intelligendam mediam aëris regionem, sed plura alia posse intelligi secundum diuersas expositiones illius loci, quas refert D. Tho. 1. p. q. 62. artic. 1. vt cœleste corpus, in quo sunt sydera: vnde non potest efficaciter ex verbis Scripturæ sacræ aliquid colligi pertinens ad illam partem aëris. Secundo respondeo, quod licet probabile sit, per firmamentum factum secunda die intelligi mediam regionem aëris, ex hoc tamen non constat productam esse tunc in ea frigiditatem à Deo per se immediate, quia licet densitas eius eam constituat, quasi solidam ac firmam, & ideo propter densitatem in ea productam intelligi posset nomine firmamenti: non tamen propter frigiditatem tunc in ea productam: sed producta densitate relinqui potnit infrigidāda per virtutē causarū naturalium, & antiparisticā actionē earū iā explicatā. Quare nec etiā ex verbis Scripturæ intellectis de mediā aëris regione efficaciter colligi potest, quod

quod frigiditas eius producta sit à Deo per se immediate, vt contendit eadem sententia.

QVÆSTIO IX.

*In quonam gradu habeat quodlibet elementum duas
qualitates primas, quæ naturaliter
ei conueniunt?*

- 117 **V**T melius intelligatur difficultas quæstionis, tamquam certum est præsupponendum sermonem esse de elementis in sua puritate, ac naturali dispositione existentibus; nam vt superius adnotauimus, omnia ferè elementa secundum plures partes permixtas habent qualitates sibi extraneas, & aliorum elementorum proprias; quam per mixtionem absque dubio habent ex vicinitate aliorum, quorum sunt contigua, vt aër ex vicinitate ignis habet superiorem regionem calidiorem, quam natura eius postulat, & ex vicinitate aquæ, & terræ mediam quidem frigidiorē semper (vt probauimus) infimam vero frigidiorē aliquando, & calidiorem sæpe ex reflexione radiorum Solis circa eadem elementa aquæ, & terræ facta: ideo non intelligitur quæstio de elementis, ita impuris, atque permixtis, sed in sua puritate, & naturali dispositione existentibus,
- 118 quam secundum alias partes habere censendum est. Secundo, præsupponendum est ex præcedenti quæstione, quod cuilibet elemento sua natura conueniunt duæ qualitates primæ non contrariæ. Quibus præsuppositis difficultas quæstionis in eo posita est, an vtræque ei conueniat in summo gradu, vel vna tantum in summo, altera vero in minori gradu intensiōis, quem vocare solent prope summum. Vt igni summus calor, & summa etiam siccitas: aëri vero humiditas summa cum summo etiam calore: aquæ vero summa frigiditas, summaque humiditas; & terræ summa siccitas cum summa frigiditate. Vel certe igni conueniat calor summus, aëri humiditas summa, aquæ summa frigiditas; & summa siccitas terræ: cæteræ vero qualitates in minori gradu singulis, vt vltra medietatem latitudinis; videlicet secundum quinque gradus intensiōis, aut quid simile.
- 119 Et prima opinio asserit vtramque qualitatem conuenire singulis elementis in summo gradu. Ita Nimphus in hoc 2. lib. commen. 28. q. 4. & Aquilinus lib. 3. de elementis. Sed quia hæc sententia vniuersaliter sumpta euidenter est falsa, nam in aëre saltem

saltem est contra euidentem experientiam dicere, quod sit ita calidus, ac ignis, quia experimur ignem eo rariorem intensius nos calefacere. Propterea alij videntur temperasse eandem sententiam, vt probabilis saltem existimari posset, asserentes ignem habere vtramque qualitatem in summo gradu; aërem vero nullam in summo, sed vtramque in minori; quia nec ita calidus est, ac ignis, nec ita humidus, ac aqua; sed summè humidam esse hanc, non tamen summè frigidam, sed minus, quàm terram; hanc vero summè frigidam esse, non tamen summè siccam, sed minus, quàm ignem summam habentem siccitatem. Ita D. Thomas expressè lect. 3. huius secundi libri; & quantum ad humiditatem intensiorem in aqua, quàm in aëre eam sequitur Bañez quæst. 2. & tribuitur Galeno lib. de Simplic. medicam. facult. cap. octauo. Probatur vnico argumento vniuersali de omnibus elementis, quia si in quolibet esset vna tantum qualitas in summo gradu intensiōis, altera vero in minori; sequitur quodlibet elementum ad minus habere tres qualitates, duas quidem inter se contrarias, alteram vero non contrariam, vt ignis calorem, & humiditatem cum siccitate, sicque de cæteris secundum proportionem; quod patet esse falsum, quia iam essent mixta corpora, & non simplicia, haberent enim qualitates contrarias non in summo, sed ad certum gradum attemperatas, quod mistorum est proprium. Probatur prima consequentia, quia latitudo cuiuslibet contrarietatis debet esse completa ex vtroque, vel altero contrario, vt superius ostendimus, sed quodlibet elementum habet latitudinem vnus contrarietatis completam ex vno contrario: ergo si habet aliam non completam ex vno, debet habere eam completam ex alio. Ita vt tot gradus humiditatis habeat ignis, quot siccitatis ei deficiunt; & ita habebit humiditatem, & siccitatem, quæ sunt contrariæ qualitates ad certum gradum attemperata, sicut habent mixta.

Secunda opinio asserit nullum elementum habere duas qualitates in summo gradu intensiōis, sed quodlibet vnā tantum, aliam vero in minori gradu, videlicet vltra medietatem latitudinis hoc ordine distributas, vt ignis sit calidus in summo gradu, siccus vero in minori; aër in summo gradu humidus in minori calidus: aqua frigida in summo gradu, & in minori humida: & terra in summo gradu sicca, & in minori frigida. Ita Alexander lib. Metheor. comm. 13. Albertus Saxoniæ in hoc 1. lib. q. 1. Marfil. quæst. 6. Iacobus de Forliu. tractatu de intensiōe formarum par. 2. Tolet. q. 6. huius libri. Conim. c. 3. q. 5. art. 1. ita etiā S. Patres Ambros. lib. 4. Examerō. c. 4. Basil. homel. 4. in Genesim, Damas. in suis cōmentariis Physicis c. 12.

& est communis inter recentiores, & tanquam probabilior à nobis sequenda. Probatur testimonio Arist. id asserentis in hoc 2. lib. text. 23. his verbis: *Sed tamen simpliciter quatuor existentia, vna: vnusque est. Terra enim sicci magis, quàm frigidi, aqua autem frigidi magis, quàm humidi: aër autem humidi magis, quàm calidi: ignis autem calidi magis, quàm sicci.* Et si dicatur non necessario hæc intelligi de maiori intensiōe vnius qualitatis, quàm alterius, sed id solum significare quod vna qualitas prius conueniat elemento, quàm altera, & magis sit ei propria. Contra hoc sic arguo. Si vtraque qualitas in summa intensiōe conuenit igni; non propriè, immo nec verè dicitur magis calidus, quàm sicus. Probatur consequentia, quia magis, & minus in qualitibus non propriè dicitur, nisi ratione intensiōis, & remissionis gradualis. Secundo, quia si vtraque qualitas est in elemento perfectissima, non est maior ratio ob quam vna sit ei magis propria, quàm altera: ergo non possunt in hoc sensu intelligi verba Arist. Probatur antecedens: quia neutra qualitas potest dici propria, cum alteri sit communis, & in eadem perfectione. neque potest dici magis propria, vel prius ei conuenire, quia conuenit ratione alterius, quia humiditas non potest conuenire aëri ratione caloris, neque è conuerso, alioqui omne calidum esset humidum, & omne humidum esset calidum, quod patet esse falsum. Et eodem modo probatur, quod non possit magis esse ei propria, quia perfectior est altera: nam si hoc ita sit, falsum erit, quod terra sit magis sicca, quàm frigida, vel aër magis humidus, quàm calidus. Probatur euidenter consequentia, quia frigiditas perfectior est siccitate, & calor perfectior humiditate; vt per se est manifestum.

- 133 Tria itaque asserimus, hanc sententiam explicantes. Primum, quod singula elementa habeant vnā qualitatem in summo gradu. Secundum, quod nullum elementum habeat duas qualitates in summo gradu. Tertium, quod singula habeant singulas qualitates in summo gradu, atque etiam singulas in gradu minori, quem vocant prope summum secundum distributionem superius assignatam. Probatur autem primum, quia quælibet alia qualitas à primis habet in aliquo subiecto summam perfectionem, aut intensiōem, quæ sibi potest naturaliter conuenire, vt inductione constare potest: ergo qualitates primæ in aliquo subiecto habere debent summam perfectionem, vel intensiōem eis naturaliter possibilem; sed eam non habent in mixtis corporibus: ergo in elementis. Probatur minor, quia mixta ex propria natura postulant quatuor primas qualitates in quarto gradu attemperatas, quæ vocantur remissum; ergo non habent

habent in eis summam intensiōem. Quare necesse est eam habere in elementis, & ita singula habebunt, vt minimū aliquam earū in summo gradu. Probat̃ur autem secundum, quod nullum habeat duas qualitates in summo, quia impossibile est duas formas substantiales specie diuersas postulare pro dispositione in materia eandem qualitatem in eodem gradu intensiōis; sed formæ substantiales elementorum distinguuntur specie: ergo non postulant eandem qualitatem in eodem gradu pro dispositione, postularent verò, si quodlibet haberet vtramq; in summo, vt consideranti est manifestum. Probat̃ur secundo, quia in vnoquoq; genere debet designari vnum primum, & maximum, in quo reperiatur perfectissima ratio illius generis, & ideo quod sit quasi caput ceterorum, vt in genere lucidorum Sol: ergo necesse est in genere calidorum dari maxime calidum perfectissime participans rationem caloris. Vnde sequitur summum calorem in vno tantum corpore dari posse naturaliter, & non in multis. Nam si in multis daretur, iam multa essent capita talis generis, & pari ratione in genere frigidorum, humidorum, & liccorum. Tandem probatur in particulari, videlicet in aëre euidenti experientia, quod non sit calidus in summo gradu, nam si ita esset, magis, ac vehementius calefaceret aër corpora sibi approximata, quàm ignis; sed experimur oppositum, nempe ignem intensius, ac vehementius calefacere: ergo aër non est calidus in summo gradu. Probat̃ur maior, quia si esset calidus in summo gradu, haberet calorem in æquali gradu intensiōis, & præterea haberet maiorem densitatem, ratione cuius plus agunt corpora cum eadem intensiōe formæ, vt superius probauimus: ergo intensius ageret, quàm ignis. Et si dicatur calorem ignis intensius calefacere, quàm calorem aëris, propter coniunctionem cum siccitate, quæ valde iuuat actionem caloris, vt constar experientia, nam in materia sicca citius, ac vehementius agit ignis per calorem, quàm in materia humida, quia quasi acuitur calor siccitate, per humiditatem verò hebetatur potius, & minus agit: ergo quamuis aër habeat summum calorem, minus aget, quàm ignis propter coniunctionem eius cum humiditate. Respondeo quod si argumentum hoc aliquid valet, absque dubio probat summum calorem esse non posse in aëre cum summa humiditate, quia si ex consortio humiditatis hebetatur calor, repugnat, quod eadem forma elementi vtramque qualitatem postulet in summo gradu, & ex consequenti, quod vtramque simul habeat; nam si vna nocet alteri, & retardat actionem eius, non potest naturaliter simul cum ea in summa perfectione postulari ab eadem forma substantiali; cum constet in

ordine ad actionem datas esse elementis has qualitates à natura.

Tertium, quod asserimus est, quod singulis elementis conueniant duæ qualitates, vna in summo gradu, altera in minori secundum illam distributionem explicatam. Hoc autem probandum est de singulis in particulari: & primo probatur de igne, quod sit summe calidus, quia calor debet habere summam perfectionem sibi naturaliter debitam in aliquo elemento: constat autem in nullo alio esse perfectiorem: ergo in igne habet perfectionem summam. Secundo, quia calor est prima qualitas omnium perfectissima: ergo conuenit simplici corpori omnium perfectissimo secundum maximam perfectionem sibi debitam, sed ignis est elementum perfectissimum: ergo ei soli conuenire debet in summo gradu. Minorem probo, ex subtilitate ignis, ex loco supremo sibi debito iuxta cælum, & tandem ex maxima actiuitate, quæ signum est à posteriori euidens maximæ perfectionis in tali genere.

Quod vero ignis habeat prope summam siccitatem, probatur primo ex eodem summo calore, quia maxima actiuitas caloris naturaliter postulat consortium siccitatis, per quam ad agendum, quasi acquiritur: per consortium vero aliarum qualitatum, vel totaliter impediretur, vel hebetaretur saltem, fieretque, vt minus ageret, quàm petit natura summi calidi: ergo tribuenda est ei siccitas, non summa, quia repugnat duas habere in summo gradu, vt probatum est: ergo prope summa. Secundo probatur ab effectu, nam experimur ignem simul calefaciendo corpora, eorum humiditatem consumere, eaque exsiccare.

139 Probatur deinde de aëre, quod sit humidus in summo gradu ex definitione humidi tradita ab Aristotele cap. 2. huius libri. *Humidum est, quod non bene proprio termino, sed alieno terminatur.* Sed hæc definitio maximè competit, & principalius aëri, quàm cæteris elementis: ergo primo competit ei esse humidum, atque adeo in summo gradu. Probatur minor: nam ignis propter summam actiuitatem, non facile terminatur termino alieno: sed nec terra propter soliditatem, & duritiem maximam, quarum ratione proprio termino consistit; aquæ vero conuenit quidem, minus tamen principaliter, quàm aëri propter densitatem, & fluxibilitatem maximam.

Contrarium nihilominus tenent multi putantes aquam esse humidiprem aëre, & ideo humidam in summo gradu, vt Galenus lib. 4. de simplicium medicamentorum facultatibus capit. 8. & 32. Albertus Magnus in lib. de elementis capit. 12. Garbius in summa tract. 1. qu. 2. Primo propter verba Aristotelis in hoc 2. lib. text. 49. quæ ita habent: *Aqua autem inest mistis corpori*

corporibus, quia indigent terminari: solam autem esse simplicium facile terminabilem, &c. Sed esse facile terminabile est definitio
humidi: ergo sentit Aristoteles solam aquam esse humidam
in summo. Et 4. Metheo. cap. 4. aquam asserit esse maxime 140
proprie humidam, terram vero siccam. Secundo, propter experientiam, quia aqua magis humectat, quam aër; & ex alia parte aër non solum humectat, sed exsiccatur: ergo illa est magis humida, & iste non potest habere summam humiditatem, cum habeat siccitatem ei contrariam, sine qua non potest exsiccare. Aqua etiam tempore pluviæ humectat aërem: ergo est magis humida. Hæc tamen facile soluuntur. Nam Aristoteles aquam vocat maximè humidam ab effectu, quem intensiorem efficit in alia corpora, quam aër, non propter intensiorem humiditatem, sed propter maiorem densitatem. In quo etiam sensu dicitur ab Aristotele solam aquam esse facile terminabilem, quia mixta terminabilia efficit propter densitatem humiditati coniunctam; quod non præstat aër, quia densitate caret, licet habeat intensiorem humiditatem, & eundem effectum præstat aqua in permixtione medicamentorum, & fortè ideo vocatur à Galeno humidior aëre. Et ita respondetur experientiæ de maiori humectatione aquæ ob maiorem densitatem. Aër vero exsiccatur aliquando, non quia naturalem siccitatem habeat, sed propter calorem, cuius virtute euaporare facit corpora: euaporationem vero siccitas consequitur. Aliquando etiam propter aliquam siccitatem receptam ab igne exsiccabit. Aqua vero non intendit naturalem humiditatem aëris, nisi aliquos fortè gradus eius amiserit per actionem extrinseci contrarij. Tunc enim potest aqua ratione densitatis humiditatem eius remissam à contrario intendere. Quod vero idem aër ca- 141
lorem habeat prope summum, superius à nobis probatum est. De aqua nunc probandum est, quod summam habeat frigiditatem, & humiditatem prope summam. Probatur primum, quia experientia constat nullum aliud elementum frigidius esse aqua; ergo hæc est frigidissima. Probatur consequentia, quia in aliquo elemento debet habere frigiditas summam intensiorem. Secundo probatur, quia terra constituta est commune domicilium animalium perfectorum, atque etiam hominum, ut in ea viuant, & conseruentur: sed si summam haberet frigiditatem, non posset esse conueniens eorum habitaculum: ergo non potest ei tribui summa frigiditas, & ex consequenti soli aquæ tribuenda est. Probatur minor, quia animalia hæc, nec viuere, nec conseruari possunt in aqua; præcipue propter nimiam frigiditatem eius: ergo nec possent conseruari in terra, si summam

haberet frigiditatem. Quod verò prope summam humiditatem habeat aqua, euidens experientia docet, cum experiamur huiusmodi alia corpora. Sed contra hoc videtur esse quod illud corpus debet esse maximè frigidum, quod maximè distat à summo calido; sed terra maximè distat ab igne, qui maximè calidus est: ergo summam habebit frigiditatem. Et præterea corpus maximè calidum, ut ignis summam habet leuitatem: ergo illud, quod habet summam grauitatem, debet habere summum frigus, sed constat terram esse grauissimam: ergo & frigidissima censenda est; & ideo summa frigiditas non erit aquæ tribuenda. Respondeo, maxima distantia duobus modis sumi potest, nempe secundum qualitatem, aut secundum locum. Et si modo priori sumatur, verum est, quod maximè distans à summo calido summam frigiditatem habere debet: si verò sumatur posteriori modo, non est necessarium, immo nec verum, quia maxima distantia localis non prouenit immediatè, & per se à calore, sed à grauitate, & leuitate maxima. Vnde solum sequitur per locum ab intrinseco ex maxima distantia terræ ab igne, quod iste sit maxime leuis, illa verò maximè grauis. Et sicut summa grauitas terræ non procedit ex sola eius frigiditate, sed ex cæteris qualitatibus simul concurrentibus, nempe siccitate, densitate, & aliis; ita summa leuitas ignis non procedit ex solo calore, sed ex aliis etiam qualitatibus eius simul sumptis: quare nec sequitur per locum ab intrinseco, summum calidum habere summam leuitatem: ergo quod habet summam grauitatem, habet summam frigiditatem.

Probatum tandem, quod terra sit sicca in summo gradu. Primo ex definitione siccitatis tradita ab Aristotele in 2. capite huius libri, quæ ita habet: *Siccum est, quod facile terminatur termino proprio, difficile verò alieno.* Sed hæc definitio conuenit primo, & per se terræ propter soliditatem, & duritiem eius: nam licet igni etiam aliquo modo conueniat propter maximam actiuitatem, minus tamen, quàm terræ, aëri verò, & aquæ nullo modo: ergo primo, & per se conuenit ei siccitas, atque adeo in summo gradu. Secundo, quia siccitas debet habere summam perfectionem in aliquo elemento; sed constat eam non habere in aqua, & aëre, quibus assignatæ sunt singulæ qualitates in summo gradu à siccitate diuersæ: ergo summa siccitas soli terræ conuenire potest, & propterea Genes. 1. vocatur arida, ut adnotarunt sacri interpretes eiusdem loci, Basil. homel. 4. Exameron, Ambros. lib. 1. Exam. cap. 4. & D. Thom. 1. p. q. 69. art. 1. ad 5. Quod verò terra habeat frigiditatem prope summam, experientia conuincitur; nam videmus terram in sua naturali dispositione existente corpora sibi approximata infrigidare.

QVÆSTIO IX.

*An qualitas elementi minus intensa habeat per-
mixtionem contrariam?*

VNicum argum. primæ opinionis aliam quæstionem satis 144
difficilem excitat, an qualitas illa, quæ non reperitur in
singulis elementis, in summo gradu habeat permixtionem con-
trariæ qualitatæ, ita ut quot gradus deficiunt tali elemento de
qualitate illa ad complementum latitudinis, tot debeat ha-
bere ex contraria qualitate. Gratia exempli: habet ignis quin-
que, vel sex gradus siccitatis, quærimus, an necesse sit habere
duos, vel tres gradus humiditatis, qui deficiunt usque ad octa-
uum, vel nullam habeat permixtam humiditatem; sicque de
cæteris elementis. Et quæstio hæc solum habet locum apud
eos, qui non tribuunt singulis elementis utramque qualitatem
in summo gradu.

Prima opinio asserit, qualitatem, quam habet elementum
infra summum gradum, necessario esse permixtam cum gradi-
bus qualitatæ contrariæ. Ita Marsi. q. 4. & 6. huius libri, Astu-
dillo q. 4. Forliuius tractatu de intensione formarum, parte 2. &
omnes ferè Nominales; quam sequuntur Conimb. 2. lib. de Ge-
nerat. cap. 3. quæst. 5. art. 4. Probant testimoniis Aristotelis &
ratione. Aristoteles enim 5. lib. Phys. text. 19. vniuersaliter do-
cet, eo plus, vel minus vnius contrarij esse in aliquo subiecto,
quo plus, vel minus habet de alio contrario his verbis: *Magis
autem, & minus est ex eo, quia plus, aut minus contrarium est.*
Et eadem ferè verba repetit. 2. lib. de Cælo text. 37. quibus sen-
tire videtur, non posse vnum contrarium dari in subiecto se-
cundum gradus remissos, quin tot gradus permixtos habeat
secum alterius contrarij. Probant deinde ratione. Primo ex 145
vniuersali illo principio ab omnibus admissio, quod latitudo
gradualis cuiuslibet contrarietatis primarum qualitatum debet
esse expleta ex vno, vel vtroque contrario; ita ut, quod ex vno
deficit, suppleatur, atque compleatur ex altero: ergo illa qua-
litas, quæ non habet summum gradum intensiõis in singulis
elementis, debet habere permixtos omnes illos gradus contra-
riæ qualitatæ, qui ei deficiunt usque ad octauum, vel non habe-
bit completam latitudinem ex vno, neque ex vtroque contra-
rio. Secundo, quia si non haberet talem permixtionem contra-
riæ qualitatæ, duo sequuntur absurda. Primum, quod secundum
illam qualitatem posset alterari illud elementum in instanti usque

ad summum gradum eiusdem qualitatis ab alio agente : & ex consequenti posset tale elementum corrumpi in instanti, quod patet esse falsum, cū alteratio sit per se successiua. Probatur vtraque consequentia, quia tota ratio, ob quam alteratio est successiua, est, quia fit cum resistentia contrarij in eodem subiecto existentis : deficiente igitur hac resistentia, deficiet successio, si ergo aer habet quinque, vel sex gradus caloris sine ulla permutatione humiditatis, in instanti poterit intendi calor eius vsque ad octauum gradum, & aer ipse corrumpi, atque in ignem con-

146 uerti. Aliud absurdum est quod elementum, cuius qualitas remissa intenderetur à contrario, numquam posset intentionem illam à se expellere, quam contra propriam naturam semel recepisset, & cum ei esset violenta, sequeretur aliquid violentum esse perpetuum. Probatur prima consequentia, quia si intenderetur calor aeris ab igne vsque ad septimum gradum, non esset virtus naturalis in eo, à quo expelli posset duo illi gradus caloris, quos recepit vltra quinque sibi naturales : ergo numquam posset eos expellere. Antecedens proba, quia non potest per se expelli qualitas à subiecto, nisi à contraria, vel à natura ipsiusmet subiecti, à qua contraria qualitas oritur per naturalem emanationem; sed in aere non datur frigus, à quo possit expelli, nec ex natura eius emanat : ergo numquā posset aer à se expellere illos gradus caloris.

Secunda opinio asserit, qualitatem illam, quæ est in elemento minus intensa, quam alia, nullum gradum habere permixtum contrariæ qualitatis ex propria natura elementi, vt calorem aeris nullum gradū frigoris. Ita Alexand. 1. Metaph. comment. 13. Saxonia q. 2. huius lib. Venetus ad textum 13. eiusdem lib. Fernelius 2. lib. Physicor. cap. 4. Zimar. theorem. 18. Toletus q. 6. huius lib. & est communis inter recentiores, nobisque probabilior videtur ; & ex doctrina Arist. euidenter colligi

147 posse. Probo hoc secundum, quia Aristoteles cap. 3. huius lib. text. 16. distribuens quatuor qualitates primas secundum diuersas coniugationes pro constitutione elementorum, duas tantum tribuit singulis elementis ; deinde expressè negat qualitates contrarias coniungi posse ad constitutionem elementi, & ideo duas coniugationes, quæ ex contrariis qualitatibus excogitari possent, vt ex calore, & frigore, atque ex humiditate, & siccitate reiiciendas esse tanquam impossibiles, & quatuor tantum relinquendas ex duabus qualitatibus non contrariis singulas; ergo ex doctrina Arist. plane colligitur qualitatem minus intensam in quolibet elemento nullam habere admixtionem contrariæ. Probatur consequentiā, quia si eam haberet tribus qualitatibus constituerentur elementa ex propria natura. Capite etiā 4. rex. 25.

agens

agens de mutua generatione elementorum affirmat, facilius generati vnum elementum ex alio symbolo, hoc est ex eo, cū quo conuenit in vna qualitate, quam ex dissymbolo, hoc est ex eo, cum quo in nulla qualitate conuenit, vt ignis facilius generatur ex aëre, cum quo conuenit in calore, quam ex aqua, cum qua nullam habet conuenientiam; & rationem huius reddit, quia vt generetur ex symbolo, vnā tantum qualitatem oportet corrumpi per se; vt autem ex dissymbolo, necessarium est duas per se corrumpi. Ex quo euidenter sequitur nullum elementum habere 148 contrarias qualitates ex propria natura, & ideo nec minus intensam admixtionem contrariarum. Probatur consequentia, quia si eam haberent, tot qualitates deberent per se corrumpi in generatione elementi ex symbolo, ac ex dissymbolo, vt consideranti est manifestum in generatione ignis ex aëre, & ex aqua, in vtraque enim duas qualitates oporteret corrumpi per se, videlicet humiditatem, atque frigiditatem: nam in calore conuenit aër cum igne, & aqua in siccitate, quam habet permixtam humiditati. Propterea existimo hanc sententiam non esse probabilem in doctrina Aristotelis.

Quod verò sit falsa, probo primo ex naturali constitutione elementorum, ex qua habent, vt sint corpora simplicia; simplicitas autem opponitur cuilibet compositioni, vel mixtioni ex contrariis, nam quod aliqua admittit compositionem, non potest simplex vocari in tali genere: ergo constitutio ipsa elementi excludit quaecumque compositionem, seu mixtionem ex contrariis qualitatibus: mixtio enim in hoc genere compositio est. Et confirmari potest, ac declarati simul, nam corpus mixtum tale est, quia vtramque contrarietatem qualitatum permixtam habet in certo gradu; sed quodlibet elementum iuxta sententiam oppositam naturaliter habet permixtionem vnius contrarietatis, postulans qualitates contrarias ad certum gradum attemperatas, atque permixtas: ergo negari non potest, quod ex medietate saltem sit mixtum, & ex consequenti non simplex. Secundo, quia elementa distinguuntur ab Aristotele, & tota 149 schola in symbola, & dissymbola, hoc est in ea, quæ conueniunt in aliqua qualitate, & in nulla, sed omnino sunt contraria, sed iuxta primam sententiam omnia elementa sunt symbola, & nulla dantur dissymbola: ergo contra Aristotelem, & totam scholam reputari debet, & ideo falsa. Probatur minor, quia si in quolibet elemento qualitas minus intensa habet admixtionem contrariarum, omnia elementa conueniunt in vna qualitate, vt consideranti patet. Quod vero huic argumento respondent quidam, videlicet symbola vocari elementa, non quæ

conueniunt in aliqua qualitate, sed in qualitate in excellenti gradu, & ideo non dici symbola, etiam si conueniant in qualitate remissa, friuolum est, & gratis confictum, quia symbolum dicit quamcumque conuenientiam, & dissymbolum negat quamcumque, vt ex significatione vocabulorum, in qua accipiuntur ab omnibus, est manifestum: ergo absque fundamento negatur symbola esse elementa, quæ conueniunt in aliqua qualitate remissa, & affirmatur esse dissymbola. Probatur tandem, quia per quamcumque humiditatem hebetatur actiuitas summi caloris, sicut per siccitatem acuitur: ergo ponere in igne naturalem humiditatem, contradicit summæ actiuitati eius; & ideo non debet admitti. Et tandem cum aqua sit frigida in supremo gradu, si aliquâ haberet siccitatem naturalem, non posset dari in sua naturali dispositione, quin congelata daretur, quia sola siccitas deficere ei poterat ad congelationem.

- 150 Ad testimonia Aristotelis respondeo, loqui de successiua intensiōe qualitatis in subiecto cum remissione contrarij, de qua verum est plus, vel minus intensiōis reperiri in eadem vna qualitate, quo plus, vel minus reperitur de opposita. In casu verò non daretur successiua intensiō, quia deficit resistentia contrarij, & ideo nec plus, vel minus de vna qualitate, quo plus, vel minus de opposita: quod patet in intensiōe lucis; in qua plus de luce datur in subiecto sine vlla admixtione contrarij.

Ad primum argumentum respondeo latitudinem gradua-lem cuiuslibet contrarietatis debere esse completam ex altero, vel vtroque contrario in subiecto postulante vtrumque extremum contrarietatis, quale est mixtum in quo repugnat naturaliter dari tot gradus vnius extremi, quā dunt de alio extremo: quot debciunt vsque ad complementum latitudinis. Si verò subiectum non postulet, vtrumque extremum contrarietatis, quale est elementum, sed alterum tantum, & hoc in certo, ac determinato gradu intensiōis, non est necessarium, quod latitudo contrarietatis sit in eo completa ex altero, vel vtroque contrario: sed potest dari vnum extremum absque vlla admixtione alterius, in quo nulla apparet repugnantia.

- 151 Ad primum absurdum, quod inferebat secundum argumentum de alteratione & generatione instantanea diuersis modis respondent. Et Toletus quidem asserit sufficere latitudinem qualitatis ad successionem alterationis, quia repugnat naturaliter totam latitudinem simul, vel in instanti introduci, nulla etiam contraria qualitate in eo existente. Alij verò ex iunioribus asserunt præter latitudinem qualitatis dari extensionem, aut diuisibilitatē subiecti, quæ sufficit ad successionem motus:

nam

nam qualitas corporea non potest intendi, nisi in eodem subiecto, aut parte eius diuisibili: sufficit autem extensio subiecti, vt non possit simul intendi, vel produci qualitas in eo, sed prius in vna parte, quam in alia, & ideo successiue. Alij denique aiunt resistere formam substantialem, vel naturam eiusdem elementi, quæ non postulat maiorem illam intensiorem eiusdem qualitatis, sed determinatam, quam prope summam vocant. Sed duæ priores solutiones hoc argumento ostenduntur insufficientes, & falsæ. Lumen habet latitudinem, intensiorem, & produci-
tur, aut intenditur in subiecto, vel parte eius diuisibili, & nihilominus tota intensio, quam potest producere luminosum introduci-
tur simul, vel in instanti in omnibus partibus, vt patet, si luminosum non adducatur, per motum localem, sed in instanti collocetur in aëre, vel in cubiculo; tunc enim totum simul, & omnes eius partes intra sphaeram actiuitatis contentas illuminabit, & secundum totam intensiorem, quam potest producere ex eo solum, quod contrario caret in subiecto: ergo in instanti etiam intenderetur qualitas remissa elementi in toto subiecto diuisibili, & in omnibus partibus eius nullum habens contrarium in eodem subiecto. Tertia verò solutio non est minus, in-
sufficiens, & falsa, quia natura elementi non resistit per se resis-
tentia formali, nec effectiua: ergo nullo modo, enidens est con-
sequentia, quia non datur alia resistentia præter has. Sed probatur antecedens, quod non effectiua, quia hæc non distinguitur ab actione; sed substantia non agit per se immediate, nisi mediis
accidentibus attingat subiectum, atque effectum in eo produ-
cendum; sed nec resistentia formali, quia resistentia formalis fit per informationem impossibilem; sed informatio formæ
substantialis elementi non est impossibile cum informa-
tione cuiuscumque qualitatis: ergo falsum est, quod resistat for-
maliter substantialis forma elementi.

Concedendum igitur est talem alterationem fieri in instan-
ti, quamuis non generationem, vel corruptionem elementi, quæ præter illam qualitatem petit aliam non in instanti, sed in
tempore producendâ naturaliter. Et dum dicitur alterationem
esse per se successiuam, distinguendum est; nam alteratio dupli-
citer sumi potest, videlicet sub communi ratione abstrahente
ab ea, quæ versatur circa qualitatem habentem contrarium in
subiecto, vel nō habentē, aut certe non habentē in tali subiecto;
& hoc modo nō potest esse per se successiua, sed potius compre-
hendit successiuā, & instantaneam. Alio modo sumitur pro ea,
quæ versatur circa qualitatem habentē contrarium in subiecto
circa quod versatur, & sic accepta per se est successiua, non quidē
perseuerante

perfectate essentiali, ita ut contradictionem inuoluat fieri in instanti, sed perfectate naturali; ita ut naturaliter repugnet. Ut enim in nostris commentarijs Physicis ostendimus, non repugnat, quod tota resistantia contrarij simul superetur ab agente supernaturali, & introducatur tota latitudo contrariæ qualitatis in instanti, & ex consequenti alteratio etiam circa subiectum, in quo reperitur contraria qualitas in instanti fiat.

- 153 Ad aliud verò absurdum, quod inferebatur, videlicet nunquam posse elementum, cuius qualitas minus intensa intendetur ab agente extrinseco, illam intensiorem, quam semel receperat, à se expellere, & ideo semper in eo permanere violentam: respondeo, elementum ipsum non posse, sed sicut ab vno agente extrinseco talis intensio recepta est, poterit ab alio agente contrario expelli; ut si calor aëris intendatur ab igne, poterit remitti ab aqua, vel terra per infrigidationem aëris: & ita non semper in eo permanebit, sed nunc habebit qualitatem sibi naturalem magis intensam, quam propria natura postulat; postmodum verò habebit contrariam, à qua remittatur: & ita violentum non erit perpetuum.

Q V Æ S T I O X.

An qualitates symbola elementorum sint eiusdem speciei?

- 154 **S**ymbolæ qualitates vocantur in elementis illæ, quæ duobus elementis sunt communes, ut calor ignis, & aëris; humiditas aëris, & aquæ; frigiditas aquæ, & terræ; & siccitas terræ, & ignis: de quibus quærimus, an uterque calor sit eiusdem speciei, vel calor ignis distinguatur specie à calore aëris. Sicque de humiditatibus, ac cæteris. Et prima opinio distinguit in elementis duplices qualitates, virtuales, & formales. Virtuales quidem priores à substantijs elementorum proximè emanantes, per quas elementa producant in se formales. Et de qualitatibus symbolis virtualibus affirmat specie distingui, ut calor virtualis ignis à calore virtuali aëris, sicque de reliquis: de formalibus verò esse eiusdem speciei, ut calores formales, & frigiditates. Ita Albertus Saxonix 2. lib. de gener. q. 5.

Secunda opinio est omnino opposita non ponens qualitates virtuales, sed affirmans qualitates formales symbolas non solum specie differre, sed contrarias esse, ut calorem ignis contrarium esse calori aëris. Huius opinionis meminit Toletus 2. lib. de

lib. de gener. q. 7. sed nullum pro ea authorem citauit. Probatur autem his argumentis. Primo à priori, quia qualitates primæ sunt quasi proprietates elementorum naturaliter emanantes ab eorum substantiis: sed qualitates symbolæ emanant à substantiis elementorum specie diuersis, vt calor ignis à substantia eius, & calor aëris à substantia aëris: ita vt repugnet hunc emanare à substantia ignis, vel illum à substantia aëris: ergo distinguuntur specie. Secundo probatur ex effectibus. Nam qualitates symbolæ produciunt sæpe effectus specie diuersos, ergo specie distinguuntur. Euidens est consequentia, quia repugnat effectus specie diuersos prouenire à causis eiusdem speciei. Sed probatur antecedens, quia humiditas aëris (quam constat prædominari in oleo) fouet, & nutrit flammam ignis, humiditas verò aquæ extinguit potius, vt docet experientia. Nam dum aqua extinguit ignem, non ratione frigiditatis id præstat, cum vehementer calefacta illum quoque extinguat, sed ratione humiditatis: ergo habet effectus, non solum specie diuersos, sed oppositos.

Hæc sententia parum probabilitatis habet, & in doctrina Aristotelis nullam. Probo hoc secundum ex duobus, quæ asserit expresse Aristoteles cap. 4. huius libri. Primum est, quod ex vno elemento symbolo potest generari aliud symbolum, vt ex aqua aër. Secundum, quod facilius generaretur elementum symbolum ex alio symbolo, vt aër ex aqua, quam dissymbolum ex dissymbolo. Cuius rationem reddit, quia pauciora corrumpuntur per se in generatione symboli, vt ex aqua ignis, sed vtrumque est falsum secundum hanc sententiam: ergo in doctrina Aristotelis non est probabilis. Minorem sic probo, quantum ad primum, quia si ex aqua potest generari aër per actionem ignis circa ipsam, vel corrumpitur humiditas aquæ in tali generatione, & produciitur humiditas alia specie diuersa, & aëri propria, vel permanet in aëre humiditas aquæ secundum speciem, vel numerum. Si permanere dicatur, non distinguuntur specie humiditas aquæ, & aëris, nisi dixeris permanere humiditatem aquæ, & produci aliam distinctam specie de nouo in aëre. Et tunc maius absurdum sequitur, videlicet in aëre genito dari naturaliter duas humiditates specie diuersas, atque contrarias: ergo necesse est dicere, quod humiditas aquæ corrumpatur: & tunc necessarium est aliam specie distinctam produci in aëre genito, cum sit dispositio necessaria ad formam aëris introducendam: sed nullum est agens à quo possit produci: ergo nec erit possibilis generatio aëris ex aqua. Quia forma non potest introduci naturaliter sine sua naturali dispositione. Minorem

norem sic probo, quia vel producēda esset ab igne, vel ab aqua. Ab hac non potest produci, quia definit esse, nec etiam ab igne nullam habente humiditatem, per quam possit eam producere: ergo à nullo produceretur, nec sequetur generatio aëris.

Quod verò secundum sit falsum, euidentius probatur, quia si calor ignis, & aëris distinguuntur specie, & contrarii sunt: ergo ut generetur ignis ex aëre, necesse est utramque qualitatem aëris corrumpi à suo contrario, nempe calorem à calore contrario, & humiditatem à siccitate contraria, quod est utramque corrumpi per se. Tot igitur corrumperebuntur per se in generatione symboli, ac in generatione dissymboli. Probatur consequentia, quia duæ tantum qualitates contrariæ deberent corrumpi, nempe frigiditas, & humiditas aquæ, ut idem ignis generaretur ex ea.

- 157 Quod verò falsa sit eadem sententia secundum se, probatur primo ex effectu, quia ut experientia docet, calor ignis intendit calorem productum ab aëre in aqua, vel in manu, & sic de cæteris qualitibus symbolis: ergo sunt eiusdem speciei. Probatur consequentia, primo, quia calor intensus, & remissus eiusdem speciei sunt, ergo calor ignis, & aëris produciunt effectum eiusdem speciei, & quidem tanquam causæ uniuocæ, quia calor uniuoca causa caloris est. Quare non possunt distingui specie, quia impossibile est causas uniuocas producentes effectus eiusdem speciei specie differre, ut per se est manifestum. Probatur etiam eadem consequentia, quia ea quæ sunt specie diuersa, coniungi non possunt, neque vnum perficere alterum in eodem ordine, ergo nec possunt se intendere: quia ea quæ se intendunt se perficiunt, & constituunt vnum per continuationem. Secundo probatur, quia ipsimet calores, & quæcumque aliæ qualitates symbolæ vicissim se intendunt; nam ignis intendit calorem aëris, & frigiditas aquæ frigiditatem terræ: ergo sunt eiusdem speciei. Euidens est consequentia, quia qualitas intensa, & remissa sunt eiusdem speciei: ergo intensio caloris, quam producit ignis in aëre, est eiusdem speciei cum calore aëris: sed est etiam eiusdem speciei cum calore ignis, quia producitur ab eo tanquam à causa uniuoca; ergo de primo ad vltimum calor ignis, & aëris sunt eiusdem speciei, quia habent identitatem specificam cum intensione caloris producti ab eodem igne in aëre, & quæ sunt idem specie cum aliquo tertio, necessario debent esse eiusdem speciei inrer se. Sed probatur antecedens, quòd vicissim se intendant, quia dum ignis calefacit aërem, vel producit calorem eiusdem speciei cum calore aëris, & ita intendet illum, quia accidentia corporea eiusdem speciei continuantur in eodem

in eodem subiecto, & fiunt idem numero, & ita se perficiunt, vel intendunt, aut producit calorem specie diuersum, atque contrarium, & tunc non intendet calorem aëris, sed destruet illum, quia contraria se expellunt circa idem subiectum. Quare aër calefactus ab igne, non erit magis calidus, quam prius; quia licet productus sit nouus calor, expulsus est præexistens, & secundum eandem intensiorem. Hoc autem evidenti experientia contradicit: ergo hæc sententia falsa est. Quod tandem probatur, quia ex ea sequuntur tria absurda. Primum, quod vni sint 159 plura contraria; nam eidem frigiditati aquæ contrarij essent calor ignis, & aëris specie diuersi. Secundum, quod non dentur elementa symbola, sed omnia sint dissymbola contra communem sententiam omnium Philosophorum. Probatur hoc sequi, quia in nulla qualitate conuenirent, nam illa, in qua nomine ipso conueniunt quælibet duo elementa, vt calor, vel frigus, aut quæuis alia, specie diuersa est, atque contraria in vno, & in alio. Tertiò sequitur, quod nullum elementum habeat virtutem conseruandi aliud. Probatur consequentia, quia vnum omnino contrarium alteri non conseruat illud, sed destruit; sed elementa essent omni ex parte contraria specieque diuersa: ergo nullum posset conseruari iuxta aliud.

Vera igitur sententia est, quod neque qualitates virtuales, neque formales symbola distinguuntur specie illæ quidem, quia non dantur; de his vero probatum est efficaciter non distingui. Et eisdem argumentis probatur, quod licet virtuales darentur, non essent specie distinctæ. Ita Aristoteles, vt vidimus. Diuus Thomas in quaestione de spiritualibus creaturis artic. 3. ad 19. Marsil. in hoc 2. libro quaest. 4. Toletus vbi supra, Conimb. capite 3. huius libri quaest. 6. artic. 1. & est communis in schola, ita vt nemo aliam sequatur. Sufficiens vero probata est argumentis, quibus oppositam refutauimus: quare solum restat argumenta eius soluere.

Ad primum negandum est antecedens, quod primæ qualitates ita emanant à natura elementorum, vt emanant propriæ 160 passionēs à suis subiectis; sed ita emanant, vt non solum eis, sed alijs etiam corporibus conueniant, & ab eis etiam in gradu aliquo remisso aliquando emanare possint, nec solum ex participatione eorum, sed etiam ab alio agente productæ, nempe à Sole, Luna, & alijs cœlestibus influentijs. Quare potius sunt communia accidentia elementorum, quam proprietates, vel passionēs, & ideo possunt conuenire, vel emanare ab elementis specie diuersis, etiam si eiusdem speciei sint. Quod verò dicitur calorem ignis non posse emanare à substantia aëris,

aëris, verum est, sed hoc solum est propter gradualem intensi-
onem, quia ignis postulat calorem in summo gradu; aer verò in
minori: conitat verò gradualem intensiōem non efficere diffe-
rentiam specificam qualitatis, sed solum accidentalem.

Ad tertium distinguendum est antecedens, quòd qualitates
symbolæ elemētōrum producant effectus specie diuersos; nam
duplex est effectus earum, primarius, & secundarius. Primarius
effectus caloris est calefacere. Secundarius vero consumere
humiditatem per extractionem vaporum, vel aliquid huius-
modi. Et ex primario effectū bene colligitur distinctio spe-
cifica, non ex secundo, quem non semper producant, sed iux-
ta dispositionem subiecti. Qualitates igitur symbolæ elemen-
torum semper habent effectus primarios eiusdem speciei, vt
calor ignis, & aëris calefacere, & ideo eiusdem speciei sunt,
quamuis aliquando habeant effectus secundarios specie diuer-
sos propter diuersam dispositionem subiecti, ex quibus non
bene colligitur distinctio specifica earum.

C A P V T I I I I .

T E X T V S A R I S T O T E L I S .

*Quoniam autem determinatum est prius, quòd simpli-
cibus corporibus ex se inuicem generatio, &c.*

Breuis expositio textus.

Explicata in superioribus capitibus natura primarū quali-
tatum, & constituto numero quaternario elementorum,
intendit Aristoteles in præsentī exponere modum, quo inter se
eadem elementa transmutentur, hoc est, quomodo vnum, gene-
retur ex altero, aut ex pluribus, illo, vel his corruptis. Caput
autem non eget alia diuisione; solum enim proponit quatuor
regulas, vel modos, quibus mutua eorum transmutatio fieri
potest.

Prima regula est vniuersalis, asserens, quodlibet elementum,
siue symbolum sit, vel dissymbolum, posse in aliud transmutari,
vel conuerti, ita vt ex eo generetur aliud, & ita mutuam esse,
vel reciprocā inter elementa conuersionem. Probat hoc ar-
gumento. Quæcumque contraria sunt transmutabilia, cum ex
proprijs conditionibus contrarietatis conentur se destruerē;
sed omnia elementa sunt ad inuicem cōtraria: ergo ad inuicem
transmutabilia. Minorem probat, quia si sint dissymbola, cōtra-
riantur

riantur secundum utramque qualitatem, ut ignis, & aqua, aer, & terra; si vero symbola, contrariantur saltem in vna, licet conueniant in altera, ut ignis, & aer.

Secunda regula, inter elementa symbola facilius est transmutatio, quam inter dissymbola, vel facilius generatur elementum symbolum ex alio symbolo, ut ignis ex aere, quam ex alio dissymbolo, ut idem ignis ex aqua; vel aer ex terra. (Vocat enim symbola, vel similia elementa illa, quæ conueniunt in vna qualitate, ut ignis, & aer, dissymbola vero, vel dissimilia, quæ in nulla conueniunt, ut ignis, & aqua, aer, & terra.) Probat hac ratio. Eo facilius est mutatio vnius in alterum, quo pauciora corrumpi oportet; sed ut fiat elementum symbolum ex alio symbolo, pauciora oportet corrumpi: ut autem fiat elementum dissymbolum ex dissymbolo plura: ergo illa est facilius transmutatio, vel generatio. Minorem sic probat. Elementa symbola conueniunt in vna qualitate; & secundum aliam contrariantur: ergo ut vnum fiat ex altero, ut ignis ex aere, non est necessarium corrumpi eam, in qua conueniunt, nempe calorem, sed solum eam, in qua contrariantur, nempe humiditatem; ut autem generetur dissymbolum ex dissymbolo, ut ignis ex aqua, utraque corrumpenda est, nempe frigiditas, & humiditas, quia secundum utramque contraria sunt: ergo plura ad hanc generationem corrumpi debent, quam ad illam.

Tertia regula, ex duobus elementis dissymbolis facilius generatur tertium respectu vtriusque symbolum, quam vnum ex altero, ut ex igne, & aqua pugnantibus facilius generatur aer, vel terra, quam ex aqua ignis, vel ex igne aqua; quod est dicere, duo elementa dissymbola facilius transmutari in tertium, quam inter sese. Probat eodem fere argumento, quo probauit regulam præcedentem, nam ut vnum elementum dissymbolum conuertatur in alterum, necesse est duas qualitates ex eodem corrumpi, quia secundum utramque contrariantur, ut patet in igne, & aqua: ut autem ex utroque fiat tertium, solum est necessarium singulas ex singulis corrumpi, quia duæ aliæ sunt naturales elementis tertio generando; ut pugnantibus igne, & aqua, solum est necessarium, ut generetur ex utroque aer, quod corrumpatur frigiditas aquæ, & siccitas ignis, quia calor & humiditas conueniunt naturaliter aeri. Et ut generetur terra, solum est necessarium corrumpi calorem ignis, & humiditatem aquæ; nam siccitas, atque frigiditas naturales sunt terræ; sed facilius est corrumpi singulas ex singulis, quam utramque ex vno; sicut facilius est singula se corrumpere, quam duo corrumpere alia duo, ut per se est manifestum: ergo facilius est generatio tertij

elementi, ex duobus dissymbolis, quàm vnus dissymboli ex alio dissymbolo. Probat præterea Aristoteles exemplo flammæ, quæ nihil est aliud, quàm fumus aëre permixtus, atque inflammatus habens summum calorem: fumus verò exhalatio terrea; & ita ignis generatur ex terra, & aëre corrupta frigiditate terræ, & humiditate aëris.

4. Vltima regula est, ex duobus elementis symbolis non posse generari tertium, vt ex igne, & aëre, vel ex aqua, & terra. Probat hac ratione, quia pugnantibus duobus elementis symbolis, vt igne, & aëre, vel corrumpitur qualitas symbola, nempe calor, vel corrumpitur qualitas contraria: (necesse est enim vtrumque corrumpi, vt generetur tertium) sed neutro modo potest generari tertium: ergo ex duobus symbolis non est generabile tertium. Minor probatur, quia si corrumpitur qualitas symbola, remanent duæ contrariæ, ex quibus impossibile est elementum constitui. Si verò his corruptis permanet qualitas symbola, non potest ex ea constitui elementum; quod constat ex vna sola qualitate non posse constitui, sed ex duabus: ergo non est possibilis generatio tertij elementi ex duobus symbolis.

C A P V T V.

TEXTVS ARISTOTELIS.

Sed tamen adhuc, & sic considerabimus de eis; signum est naturalium corporum materia, &c.

Breuis expositio textus.

5. **I**ntendit Aristoteles cap. præsentī docere, quodnam sit principium materiale, aut subiectum mutæ generationis elementorum, nempe an aliquod ex eisdem elementis, vel plura eorum, aut medium aliquod corpus inter elementa igne densius, & aëre rarius, vel terra rarius, & aqua densius; vel nullum detur tale corpus, quod sit ens completum, & omnium generationum elementarium subiectum, vel materiale principium, sed solum detur incompletum, & potentiale, nempe materia communis omnibus elementis, quæ transmutetur per diuersas formas eorum. Caput verò diuiditur in duas partes. In prima rejicit vniuersales opiniones eorum, qui ponebant vnum, vel plura elementa, vel aliquod medium corpus inter ipsa esse principium. In secunda rejicit specialem aliorum, qui determinate allere

asserbant media elementa non esse principium, sed solum elementa extrema, vel dissymbola.

Fecerunt igitur plures Philosophi ponentes corpus aliquod, quod esset ens completum esse principium, quidam vnum, vel alterum ex quatuor elementis, vt aërem, vel aquam. Alij duo ex ipsis, vt aërem, & ignem, vel aquam, & terram. Alij denique nullum ex eis, sed corpus aliud medium, vel inter ignem, & aërem illo quidem subtilius, hoc verò crassius. Aut inter aquam, & terram, hac subtilius, & crassius illa. Contra hos omnes probat Aristoteles, nihil horum esse principium, hoc discursu. Si vnum aliquod elementum, vt aër esset cæterorum principium, ita vt generationis eorum commune subiectum sit, sequitur nullum elementū generari posse ex eo; sed quas vocamus generationes elementorum, solum esse alterationes quasdam eiusdem principij, & non mutationes substantiales; & ideo illud solum elementum dari in rerum natura diuersis modis alteratum, & non plura, quod est absurdum. Consequentiam sic probat, quia subiectum alicuius mutationis debet manere integrum; sub vtroque termino eius, à quo, & ad quem; ergo si est in integrum, atque completum elementum materia & forma constans, integrum quoque, & completum manebit in termino ad quem mutationis, & solum mutabitur secundum diuersa accidentia.

Quod verò tale principium non sint duo, vel plura elementa, vt aër principium generationis ignis, & aqua principium generationis terræ, & ita ignis, & terra fierent ex aëre, & aqua tanquam ex principio, probat. Quia si ignis fieret ex aëre, duo essent necessariò concedenda, nempe, quod aër maneret in igne secundum legem principij materialis generationis, quod permanere debet in re genita, & ignis, quod generatur ex suo contrario, generaretur iuxta generationis legem, quod semper debet ex contrario fieri. Ex quibus sequitur contrarietatem dari inter ignem genitum, & aërem, ex quo generatur, & vnum extremum huius contrarietatis habere ignem; alterum verò aërem; sed aër cum sit principium, ex quo generatur ignis, permanet in igne genito; ergo & extremum contrarietatis in eo existens, & ignis habet etiam aliud; ergo continebit in se vtrumque extremum contrarietatis, & ita contraria erunt simul in eodem, quod est absurdum. Et si dicatur ignem, & aërem esse distincta, & ideo non sequi, quod contraria sint in eodem, sed in diuersis. Probat Aristoteles, non nisi in eodem esse, quia principium materiale generationis non est compositum distinctum ab eo, quod ex illo generatur, sed potius efficit cum eo vnum compositum; ergo si aër est principium materiale, ex quo generatur ignis,

facit cum eo vnum compositum. Vnde si aer habet humiditatem, & ignis siccitatem habebit utramque qualitatem contrariam ignis, & erunt contraria simul in eodem.

- 8 Probat tandem, quod principium materiale non sit corpus medium inter ignem, & aerem, vel inter aquam, & terram, quia si tale corpus esset principium, aut habet qualitatem aliquam ex primis contrarietatibus elementis propriis, nempe calorem, frigiditatem, humiditatem, aut siccitatem, vel non. Si aliquam habere dicatur, eo ipso erit aliquid ex elementis, & non corpus medium inter illa. Probatur consequentia, quia qualitates istae sunt veluti proprietates elementorum, saltem quantum ad emanationem ex natura eorum: ergo nullum corpus potest habere aliquam à natura, quod non sit elementum. Si vero nullam habet contrarietatem primam, sed omnibus priuatur, & ideo quasi infinitum est, non limitatum per aliquam qualitatem (ut voluerunt aliqui) sequitur adhuc non posse esse sine aliqua qualitate ex primis contrariis; & ideo necessario debere esse aliquid ex elementis. Probatur consequentia, quia priuatio semper est adiuncta alicui extremo positivo contrarietatis, ut priuatio caloris adiuncta est frigiditati; & priuatio humiditatis adiuncta est siccitati: ergo non potest habere priuationem contrarietatis, quin habeat formam, quae sit extremum eius. Ex his colligit Aristoteles elementa esse prima corpora sensibilia, quia si nullum aliud potest dari corpus, quod sit principium ipsorum, ex quo generentur: ergo nullum potest dari corpus sensibile prius ipsis. Quare ipsa sunt prima corpora sensibilia.

- 9 In secunda parte capitis rejicit aliam sententiam antiquorum asserentium, quod licet extrema elementa, vel dissymbola non possint esse principium materiale aliorum, bene tamen media; ita ut aer possit esse principium ignis; & aqua principium terrae. Et fundamentum eorum erat, quia non omnia elementa sunt ad inuicem transmutabilia, sed media quidem conuerti posse in extrema, haec verò non in media, vel licet in media conuerti possint, non tamen inter sese, hoc est vnum non in aliud, ut aqua potest conuerti in terram, & aer in ignem; sed nec terra rursus in aquam, nec ignis in aerem, vel si possent ita conuerti saltem non inter se, ita ut ex terra posset generari ignis, vel ex igne terra, & ita nullum ex his extremis elementis posset esse commune principium materiale omnium, quamuis media principium omnium esse possint. Ut autem hanc positionem rejiciat Aristoteles, rejicit prius fundamentum quasi per modum dubij proponens, an omnia elementa sint ad inuicem transmutabilia, vel aliqua tantum; ut dicebant isti, nempe media,

media, & non extrema, vel vt dicebat in Thimæo Plato, sola terra sit intransmutabilis, & respondet omnia esse adinuicem transmutabilia, ita vt quodlibet ex quocumque possit generari. Probat hac ratione. Transmutatio, vel generatio est inter contraria; sed omnia elementa contraria sunt; nam vel in vna qualitate contrariantur, si sunt symbola, vel in vtraque, si dissymbola, vt experientia notum est: ergo quodcumque potest ex alio generari. Vnde falsum est fundamentum eorum. Ad reiiciendam verò eorum sententiam præsupponit duas esse contrarietates in elementis, ita vt nec plures sint, nec pauciores, nempe calorem, & frigiditatem, humiditatem, & siccitatem. Et ex his duabus contrarietatibus, quatuor elementa, & non plura constitui, quia ex quatuor qualitatibus contrariis quatuor tantum combinationes fieri possunt, cum contrarias coniungere in eodem repugnet.

Probat iam neque media elementa, neque extrema posse esse principium aliorum hac ratione. Omnia elementa sunt adinuicem generabilia, ita vt quodlibet possit ex quocumque alio generari: ergo nullum potest esse aliorum principium. Consequentiam probat, quia principium generationis non potest esse generabile, & præterea, quia cum omnia sint generabilia, non est maior ratio ob quam, vnum, quàm aliud possit esse principium generationis omnium. Secundo, probat in particulari de extremis, atque etiam de mediis, quod nullum eorum possit esse principium; de extremis quidem hoc argumento. Principium ex quo aliquid generatur, debet permanere in re genita secundum propriam essentiam: ergo si extrema elementa sunt principia generationis omnium, sequitur in quibuscumque rebus genitis permanere secundum proprias formas, & ideo omnia erunt ignis, vel terra; aut ex his secundum proprias formas composita, quod patet esse absurdum. Vt autem probet de mediis, vritur quibusdam literis pro elementis, atque etiam qualitatibus contrariis non actiuis, quibus obscurior sit ratio. sic ergo erit clarius formanda. Primum principium materiale, ex quo generantur cætera, non potest esse transmutabile per generationem; alioqui si generabile sit, ex alio principio materiali priori generari debet: quare iam non erit primum principium, ex quo generentur omnia; sed media elementa sunt transmutabilia per generationem: ergo non possunt esse principia; sed nec extrema, nam si ex mediis generantur extrema: ergo sunt eis contraria; quidquid autem contrarium habet, generabile est, quia generatio versatur inter contraria. Hanc autem rationem præsupponere ait, quod in generatione aliorum elementorum ex

extremis non procedatur in infinitum versus partem superiorem, ita ut ex igne generetur aliud elementum superius distinctum ab his quatuor, nec versus partem inferiorem, ita ut ex terra generetur aliud eadem terra inferius, sed ut reciprocos sit circulus generationum à mediis ad extrema, & ab extremis ad media, atque inter sese, & in eisdem extremis siltat ulterius non procedens. Hoc enim supposito, probat ratio facta æqualiter se habere in ordine ad mutuam generationem vnius ex altero extrema elementa, & media, & ideo æqualiter repugnare vtrique esse primum principium materiale omnium generationum. Si vero ultra elementa extrema procedat generatio in infinitum, sequeretur in singulis elementis multiplicandas esse infinitas contrarietates, tam versus partem superiorem, quam versus inferiorem, quia cum quodlibet generetur ex suo contrario, si aliud elementum superius generaretur ex igne per extremum ei oppositum tanquam ex contrario, noua alia contrarietas esset multiplicanda, cuius vna qualitas esset in illo, & alia multiplicanda in igne; & hæc remaneret in his nostris elementis, dum ex eodem igne generarentur. Quare in omnibus multiplicanda esset talis qualitas; & infinitæ multiplicarentur in omnibus. Et eadem ratione versus partem inferiorem, si aliud extremum elementum generaretur ex terra.

Ex hoc autem inconuenienti, quod infinitæ dentur contrarietates in singulis elementis colligit alia. Primum, quod nullum elementum sub ratione elementi posset definiri, quia infinitæ proprietates non sunt explicabiles. Secundum, quod nullum elementum esset generabile, quia ad generationem eius necesse est infinitas contrarietates pertransire, infinita verò pertransiri non possunt. Tertium, quod neque vllum elementum poterit transmutari in aliud sibi proximum propter eandem rationem infinitatis contrarietatum impertransibilis. Quartum, quod elementum quodcunque esset omnia elementa, vel quod omnia essent illud vnum, quia in quolibet concurrunt qualitates omnium. Ex his omnibus infertur veritas præcipue intenta ab Aristotele, quod nullum detur corpus, vel ens completum, siue elementum sit, vnum, vel plura, siue medium inter elementa, quod sit primum principium materiale omnium generationum, vel omnium elementorum; sed hoc primum principium nec esse corpus, nec elementum, neque ens completum, sed incompletum, & potentiale, nempe materiam primam omnibus elementis communem & puram potentiam constituentem singula elementa cum singulis formis substantialibus eorum.

CAPVT VI.

TEXTVS ARISTOTELIS.

*Admirabitur autem aliquis dicentes plura vno
elementa corporum, &c.*

Breuis expositio textus.

Intentum Aristotelis capite præfenti est probare aduersus 14
Empedoclem, quod elementa sint transmutabilia, vt docuit
capite præcedenti. Diuiditur autem caput in duas partes. In pri-
ma, quadam diuisione præsupposita contradictionis arguit Em-
pedoclem. In secunda aliis argumentis ad impossibile ducenti-
bus ostendit falsitatē opinionis eius. Opinio Empedoclis fuit,
quod nullum elementum sit transmutabile, ita vt ex eo aliud
generetur, vel ipsummet ex altero. Ita autem dicebat intrans-
mutabilia esse, vt vicissim comparari possint, & equalia vocabat.
Probat autem primo Aristoteles hæc duo inter se pugnare,
nempe quod comparabilia sint, & non transmutabilia, nam po-
tius vnum ex alio sequitur, nempe ex comparatione transmu-
tabilitas, & ex transmutabilitate comparatio, & argumentum
præsupponit hanc diuisionem. Tribus modis possunt com-
parari corpora secundum quantitatem, quo pacto dicuntur
æqualia, si habeant quantitatem eiusdem mensuræ, vel inæ-
qualia, si diuersæ: aut secundum virtutem, vel potentiam acti-
uam, secundum quam comparationem dicimus tantum pondus
posse portare vnum, atque alterum. Sed comparatio hæc duo-
bus modis fieri posset, aut secundum qualitates diuersæ speciei,
vt si dicamus, tantum posse infrigidare aquam, quantum ca-
lesfacere ignem. Aut secundum qualitates eiusdem speciei, vt
dum dicimus, minus infrigidare terram, quam aquam. Qua
supposita, sic procedit, elementa sunt inter se comparabilia, vt
concedit Empedocles: ergo sunt transmutabilia. Probatur con-
sequentia, quia quæcumque comparatio ex illis tribus infert
transmutabilitatem. Et de duobus vltimis euident est. Sed pro-
batur etiam de prima, nempe quantitatiua, non quidem forma-
li, sed virtuali, quam concedebat Empedocles in elementis, di-
cens tantam molem continere vnum terræ pugillum, quan-
tum quinque pugillos aquæ, vel decem ætis, hæc enim vir-
tualis est continentia, non formalis, sed non reperitur, nisi
in corporibus habentibus materiam communem, & in quan-
tum ex vno potest fieri aliud: ergo necessario infert transmuta-

bilitatem extremorum. Probatur minor, nam ideo pugillus terræ continet decem aëris, quia ex pugillo terræ conuerso in aërem resultauit decem aëris. Vbi adnoto argumentum hoc Aristotelicum ad hominem esse, hoc est procedere aduersus Empedoclem supposita hac æqualitate virtuali elementorum, quam eis tribuebat, & ideo de hac sola procedere, & non de formali, quæ sumitur ex nuda quantitate, ex qua non sequeretur transmutabilitas, cum inter partes cælorum reperiatur, quæ intransmutabiles sunt.

- Deinde probat falsitatem eiusdem sententiæ in secunda parte capitis argumentis ad impossibile ducentibus, quorum primum est. Si elementa sunt intransmutabilia, tollitur prorsus augmentatio eorum, & solum crescere poterunt per iuxta positionem, ita ut vna pars ignis solum fiat maior, quia ei adiungitur altera, non per conuersionem alterius elementi in se, quod patet esse contra experientiam. Arguit secundo, quia si elementa sunt intransmutabilia, non potest reddi ratio generationis naturalium corporum. Probatur consequentia, quia Empedocles solum dicebat quædam generari, & alia corrumpi per coniunctionem elementorum, quam tamen constat, non sufficere, nisi elementa ipsa transmutentur, & aliqua noua forma in materia introducatur: hæc est enim, quæ confert speciem rei genitæ, ut lapidi, ligno, vel alteri corpori. Et si dicatur, aliam quoque reddidisse causam Empedoclem, nempe, litem, & amicitiam; amicitiam vocantem coniunctionem elementorum in vnum locum, hoc est, in chao illo, quem ponebat: litem vero separationem ab illo, per quam vnumquodque tendit in suum locum naturalem. Probat Aristoteles non esse sufficientem causam, quia siue elementa coniungantur, siue separentur, impossibile est aliquid nouum generari, nisi detur noua forma substantialis introducta in materia, & ideo
- 16 vera transmutatio vnius corporis in alterum. Ex quo infert primo stultum fuisse Empedoclem in eo, quod existimauit litem segregasse elementa ab illo chao, & per hanc segregationem mundum fuisse factum, itaque causam mundi asserit fuisse litem. Quod tamen ait Aristoteles stultitiam esse, nam si alicui ex his, nempe liti, vel amicitie tribuenda esset constitutio mundi, amicitie potius, quam liti deberet tribui, quia amicitia bonum quid est, liti vero malum; sed effectus adeo bono bono potius auctori, quam malo debet tribui; ergo amicitie potius, quam liti. Secundo infert adhuc insufficienter locutum fuisse de lite, & amicitia; ponens eas tanquam causas mouentes elementa ad constitutionem mundi, quia non explicuit, quidnam

quisnam esset motus amicitiae, & quis etiam motus litis, & quomodo se haberent, sed solum in vniuersali, & in confuso de his egit. Tercio infert male adhuc de lite, & amicitia locutum fuisse in eo, quod asseruit, amicitiam vocari congregationem elementorum ex eo factam, quod elementa mouentur à propriis locis ad chaos, vel aliud, ubi coniungantur, litem vero dum à loco coniunctionis separantur, & ad propria tendunt. Nam ex hoc sequitur litem esse secundum naturam eorum, & amicitiam violentam, vel naturis eorum contrariam. Probatur consequentia, quia naturalis motus elementi est tendentia in proprium locum, vt terra in locum deorsum, & ignis in locum sursum: ergo violenta est separatio ab illo. Colligit quarto falsum esse, quod asseruit, non dari motum, nisi ubi est lis; nec dari quietem, nisi ubi est amicitia; nam ex hoc sequitur, vnicam, & sufficientem causam motus, & quietis esse litem, & amicitiam; nec aliam assignauit causam motus. Probatur autem hoc esse falsum, non solum secundum veritatem, sed etiam ex duobus aliis quæ simul asserbat. Primum asserbat ipse litem separare elementa, post separationem vero vnumquodque se conferre in suum locum, non per se, sed à fortuna, & ita aliquando fuisse aërem, ubi modo est terra. Vnde sequitur, litem & amicitiam non esse causam motus sufficientem, sed addendam esse fortunam. Asserbat secundo perpetuum dari circulum inter chaos, & mundum; ita vt mundus moueretur modò ex chaos, deinde chaos ex mundo. Et huius motus semper similis non reddit pro causa litem, & amicitiam, nec possunt ab his procedere, quia repugnat motus similes procedere ex causis contrariis, quales sunt lis, & amicitia: ex quo etiam sequitur non omnem motum procedere ex amicitia, & lite; nec esse sufficientes causas omnium motuum, sed assignandam esse aliam huius motus circularis perpetui inter mundum, & chaos, nempe primum principium omnium rerum, omniumque motuum. Et tandem asserit eundem Empedoclem abuti elementis, dum affirmat, cetera omnia ex eis esse composita, non solum corpora, sed etiam animam. Quod probat esse falsum; nam si anima ita componitur ex elementis, vt sit ipsa aliquod elementum compositum, vt ignis, vel terra, sequitur non habere alias proprietates, aut passiones, nisi ignis, vel terræ; si vero non sit elementum, sed corpus aliud ex corporeis elementis compositum, non habebit nisi passiones corporum, quod probatur falsum, quia esse musicum, recordari, obliuisci, & alia similes, non sunt passiones corporum, vt in libris de anima se ostensurum promittit.

TRACTATUS DE

MVTA GENERATIO-

ne elementorum.

QVÆSTIO I

*An quodlibet elementum possit ex quocumque alio
immediate generari?*

- 18 **T**Anquam certum fundamentum præsupponendum est illud, quod aduersus Empedoclem docuit, & probauit Arist. in his capitibus, præsertim in 6. videlicet elementa omnia esse transmutabilia transmutatione substantiali, ita vt generari, & corrumpi possint, quod receptum est in tota schola Peripatetica. Et probari adhuc potest, quia quodlibet elementum, cum sit actiuum, habet virtutē producendi sibi similia ex materia capaci suæ formæ, vt ignis producendi ignem, ex tali materia; sed elementa omnia habent materiam communem, & ideo capacem formæ cuiuslibet elementi ergo ex ea potest quodlibet generare sibi simile inducendo proprias dispositiones in materia alterius, & consequenter propriam formam expulsa alia, quod est quodlibet elementum posse aliud corrumpere substantialiter, & ex materia eius sibi simile generare. Et tandem experientia id ostendit, cum videamus ex aëre aquā fieri, & ex aëre ignem, sicque de reliquis censendum est. Secundo, certum est eiusmodi transmutabilitatem conuenire integris elementis, hoc est, non solum partibus cuiuscumque, sed toti ipsi elemento: quamuis supposito ordine vniuersi solum possit exerceri secundum partes, vt adnotauit D. Th. in 2. d. 19. q. vnic. art. 2. ad 2. & 2. lib. contra Gentes, cap. 9. & cum eo Ferras. ibidem, atque etiam Marsil. in hoc 2. lib. q. 9. & Saxonia q. 7. Probatur euidenter vtrumque. Primum quidem, quia totum elementum secundum omnes suas partes est eiusdem naturæ: ergo eodem modo conuenit toti ratione totius, & partium ratio generabilis, & corruptibilis.
- 19 **S**ecundum verò, quia si integra elementa se corrumpere, dissolueretur constitutio vniuersi, & si inferiora conuerterent in se superiora, vt aqua, & terra ignem, & aërem, ad minorem locum ea reducerent, cum inferiora minorem locum occupent ratione densitatis, & ideo pars loci à superioribus occupati relinqueretur vacua. Si vero superiora conuerterent in se inferiora, extenderet ea ad maiorem locum, vel certe maiorem occuparent conuersa

conuerſa in ſuperiora propter maiorem raritatem, & ideo non poſſet ſpatium hoc ſublunare ea capere naturaliter. Hoc igitur ſuppoſito, ſolum poteſt eſſe quæſtio, an quodlibet poſſit immediate conuerſi in aliud? Ita vt ex quocumque poſſit quodlibet ſine vlllo medio generari; vel non immediate in aliud elementum conuerſi poſſit, ſed neceſſe ſit prius in mixtum: vt hoc medio in aliud elementum conuertatur, vt aqua prius in vapores, vel in aliud corpus mixtum conuertatur, quàm in ignem. Deinde illud corpus medium conuertatur in ignem, & ita aqua in eundem ignem mediatè.

Et prima opinio negat vllum elementum poſſe immediate conuerſi in aliud, ſed vt ex vno generetur aliud, neceſſarium eſſe, quod prius conuertatur in vaporem; aut exhalationem, vel aliud corpus mixtum, quod poſtmodum in elementum tranſeat. Huius opinionis meminit Toletus q. 8. huius lib. pro qua neminem refert. Probat de elementis ſymbolis, in quibus facilior eſt tranſitus, & ideo euident erit, quod ſi ex nullo elemento ſymbolo poteſt immediate generari aliud, quod nec ex diſſymbolo poterit, & ideo ex nullo. Primo, quia omnia elementa ſymbola contraria ſunt ſecundum alteram qualitatem, quæ debet corrumpi per ſe ab alia; corruptio autem ſit per alterationem ſucceſſiuam includentem actionem, & reactionem ſecundum eaſdem qualitates, vt ſuperius oſtendimus: ergo prius quàm corrumpatur vna qualitas ſecundum eum gradum, qui requiritur ad generationem alterius elementi, peruenire debet corruptio eius ad minorem gradum, & contraria qualitas alterius elementi, à quo corrumpitur, debet etiam remitti per repaſſionem: ergo attemperabuntur ad certum gradum, in quo erunt conuenientes diſpoſitiones pro forma alicuius mixti, ſaltem imperfecti, & non requireritis omnes qualitates elementorum remiſſas, ſed duas tantum, & ita neceſſarium erit, quod prius elementum corrupendum conuertatur in mixtum, quàm in aliud elementum, etiam ſymbolum. Secundo, in elementis ſymbolis extremis videtur efficacius probari, vt in aqua, & terra hoc modo. Terra cum ſit denſiſſima, non poteſt naturaliter conſeruari ſub ea raritate, quæ eſt minimum quod ſic raritatis requiſitæ ad generationem aëris, ſed prius quàm perueniat ad raritatem ignis, debet neceſſariò peruenire ad minimum raritatis aëris: ergo corrupetur tunc, non in ignem, quia nondum habet raritatem ignis ſed in exhalationem aëri ſimilem, quæ ideo poſtulat ſimilem raritatem, & proinde nunquam poterit conuerſi immediate in ignem.

Secunda opinio eſt omnino contraria; quod ex quocumque elemento

elemento potest fieri immediate quodcumque aliud, siue symbolum, siue dysymbolum. Ita Marfil. q. 9. huius lib. Saxonia q. 7. Nymphus comm. 46. q. 1. Toletus q. 8. Conimbric in hoc 2. lib. c. 4. q. 1. art. 2. & ex junioribus plures. Probant primo expresse testimonio Aristotelis cap. 4. huius lib. textu 24. ubi vniuersaliter docet, & probat aduersus antiquiores Philosophos elementa omnia esse vicissim transmutabilia; ita ut quodlibet possit ex quocumque generari, his verbis: *Quod autem omnia possint ad inuicem transmutari, manifestum est. Generatio enim inter contraria, & ex contrariis: elementa autem omnia habent contrarietatem ad inuicem.* &c. Quod autem de immediata transmutatione loquatur, manifestum est, & ex ratione eius colligitur, nam elementa aut esse transmutabilia, quia sunt contraria; sed sunt immediate contraria; quia absque vlllo medio opponuntur ignis, & aqua; & aer, & terra: ergo sunt immediate transmutabilia; ita ut sine vlllo medio possit ex quocumque generari quoduis aliud, siue symbolum sit vel dysymbolum. Probatur deinde ratione, & experientia. Ratione quidem primo, quia si aqua non potest immediate conuerteri in ignem, ideo erit, quia non potest tam cito consumi humiditas eius, quam frigiditas, ex eo quod calor ignis longe actiuior est frigiditate aquae. Vnde consumpta frigiditate, & parua humiditate conuertitur prius in aerem. Sed hoc non obstat, quia fieri potest, ut prius quam ignis accedat ad agendum in aquam, sit exiccata ab aliquo frigido, & sicco, ut a terra: tunc ergo cito consumi poterit ab igne parua illa humiditas in ea permanens, & siccitas a terra impressa augeri; & ideo simul erit disposita materia aquae per calorem; & siccitatem sufficientem ad introductionem formae

22 ignis: poteritq; in ignem proxime conuerteri. Secundo, quia euidentius est per actionem ignis in aquam generari vapores, sicut per actionem eiusdem in terram generantur exhalationes; sed vapores non distinguuntur substantialiter ab aqua, sicut nec exhalationes a terra: & conuertuntur istae immediate in ignem per facilem inflammationem, ut experientia est manifestum: ergo non potest negari, quod ex aqua fiat immediate ignis. Experientia vero quia gutta aquae in fornacem ignis sparsa conuertitur, non in aerem; sed in ignem.

Tertia opinio est media inter has extremas affirmans ex elemento simbolo immediate generari aliud symbolum, sed ex dysymbolo non posse generari dysymbolum, sed prius transire in mixtum, vel elementum symbolum, & hoc medio statim posse generari dysymbolum. Ita Themistius 5. lib. Phys. ad textum 9. Sotus 4. Physic. q. 2. art. 1. Valles ibidem cap. 5. ad finem, & multi ex recen

ex recentioribus. Quam sententiam asserit Nymphus ubi supra esse doctissimorum virorum, videturque nobis probabilior, & nullo modo cōtraria doctrinæ Aristotelis. Vt autem eam probemus, præsupponendum est duobus modis in se inuicem agere elementa disymbola: primo, ita ut vtrumque corrumpatur, & tunc certum est non generari vnum ex altero immediatè, sed vel elemētum symbolum, vel mixtum. Ita docuit expressè Aristoteles cap. 4. huius libri textu 27. his verbis: *Si autem vnius cuiusque alterum corruptum fuerit, facilis quidem erit, non autem in se inuicem transitus, sed ex igne quidem, & aqua tria terrena; & aër, ex aere vero, & terra ignis, & aqua, &c.* Secundo modo possunt 23
applicari ad agendum, ita ut non corrumpatur vtrumque, sed vnum sit superius, & corrumpat alterum. Et in casu isto consistit tota difficultas quæstionis, an ex tali corruptione alterius generetur alterum immediatè, vel necesse sit transire in mixtum, vel in elemētum symbolum: ex quo disymbolum generetur. Et secunda sententia asserit immediatè posse generari; nostra vero non posse naturaliter, sed necessariò transire ad mixtum, vel ad elemētum symbolum, ut ex eo generetur.

Probatur autem ratione, & experientia. Ratione quidem, quia ut corrumpatur aqua ab igne, necesse est, vtramque qualitatem eius, nempe frigiditatem, & humiditatem remitti prius vsque ad quatuor gradus, paulo plus, vel minus, quam totaliter expellantur, cum successiue expelli debeant; sed non possunt remitti frigiditas, & humiditas aquæ, nisi per introductionem caloris, & siccitatis in eisdem gradibus ergo necesse est, ut prius quam corrumpatur aqua, perueniat ad talem dispositionem, in qua habeat omnes quatuor qualitates: ad quamdam medioeritatem attemperatas, quo pacto sunt dispositiones conueniente ad formam mixti: ideo necesse est hanc prius introduci in materia aquæ, quam formam ignis, pro qua introducenda multo magis deberet crescere intensio dispositionum. Sed quia posset 24
quis dicere, multo fortius agere ignem per calorem, quam per siccitatem, quia calor est actiuus in summo gradu, siccitas vero in infimo, & ideo in eodem tempore, quo producet vnum, vel duos gradus siccitatis in aqua, producet sex gradus caloris; quæ non videntur efficere posse conueniens temperamentum pro forma mixti. Respondeo satis probabile hoc esse, & fortassis verum, sed talis dispositio conueniens est pro forma aëris, quia permanerent in materia aquæ cum sex gradibus caloris sex, vel septem gradus humiditatis, & ideo non dicimus ex elemento disymbolo generari aliud disymbolum medio mixto prius genito, sed medio mixto, vel elemēto symbolo: & fortè hoc secundum

secundum frequentius accidere iudicabimus, si consideremus excessum actiuitatis inter duas qualitates contrarias, per quas vnum elementum disymbolum agit in aliud disymbolum.

- 25 Secundo, quia vniuersaliter verum est non posse rem transire naturaliter de extremo ad extremum, nisi per medium, si ergo vna forma maximè distet ab alia secundum dispositiones, quas postulat in materia, non poterit ad illā transire, nisi per aliam mediam illi similem secundum easdem dispositiones, vt videmus in semine, quod non potest transire immediatè in hominem, nec homo in terram propter maximā dissimilitudinem

- 26 dispositionum; sed illud transit media forma embryonis, homo verò in terram media forma cadaueris, quæ postulant dispositiones similes, & minus distantes, sed elementa disymbola maximè distant, & valde sunt dissimilia secundum dispositiones, quās exigunt in materia: ergo non potest naturaliter vnum transmutari in aliud immediatè, sed per medium aliquod minus dissimile, quale erit mixtum postulans temperamentum, quasi mediū, vel elementū symbolum vtrique extremo simile.

- 26 Probatur deinde experientia, quia aquam etiam vehemèter calefactam ab igne diu in eam agente videmus nunquam in ignem conuerti, sed in vapores resolui, & eodem modo continget in terra, & aëre; nam hæc per resolutionem in exhalationes consumitur ab illo: ergo euidens signum est nunquam ex elemēto disymbolo generari immediatè aliud disymbolum, sed in mixtum prius vel elementum symbolum transire. Sed respondebunt aduersarij, vapores non esse corpora mixta, sed elementum aquæ secundum substantiam, & exhalationes esse terram, & ideo potius hac experientia probari eorum sententiam, quod disymbolum elementum immediatè transcat in aliud disymbolum. Hoc tamen iam fuit à nobis superius refutatum capite vltimo præcedentis libri, vbi probauimus vapores, & exhalationes mixta corpora esse, quamuis imperfecta. Et certè absurdum videretur dicere, quod aqua, & terra (ex propria natura maxima grauitate præditæ) ascendunt sursum motu naturali, sicut videmus vapores, & exhalationes ascendere, & in loco sursum detineri, nubesque aquam esse formaliter, & substantialiter, & solum eis deficere quædam accidentia, vt condensationem, vel quid simile, & ideo nec mutari substantialiter, dum conuertuntur in aquam, sed solum alterari, & tamen si quodam facili vento dissoluantur, necessariò concedendum est mutari substantialiter in aërem: valeat ergo solutio hæc tanquam parum probabilis.

- 27 Vt solnamus primum argumentum primæ opinionis, præsuppo

supponendum est tanquam certum, quod ut ex vno elemento symbolo generetur aliud, non sic debent applicari, ut corrumpatur utrumque, sed ut vnum superet alterum, & ita possit illud in se conuertere. Quo supposito, negandum est, quod assuitur in argumento, nempe prius peruenire materiam elementi corrumpendi ad dispositiones conuenientes formæ mixti, quàm alterius elementi, immo oppositum est necessarium. Gratia exempli si ignis agat in aërem per calorem, & siccitatem, necesse est calorem aëris fieri summum, & simul acquirere siccitatem, per quam expellatur eius humiditas; cum summo autem calore, & aliqua siccitate non potest generari vllum mixtum, cum constet has non esse dispositiones temperatas, vel conuenientes formæ mixti, sed crescente siccitate, & alijs dispositionibus cum summo calore introducetur forma eiusdem ignis, & ita immediatè conuertetur in elementum symbolum.

Propter tertium argumentum tenent auctores quidam elementum symbolum extremum non posse ex alio extremo symbolo immediatè generari, ut ignem ex terra, vel ex igne terram, sed necessarium esse prius in mixtū aliquod imperfectum, vel in aërem transire, & hoc medio in extremum elementum. Omnes tamen auctores secundæ, & tertiæ opinionis tenent omnia elementa symbola proximè transmutari posse in quodvis aliud symbolum, siue extremum sit, vel medium. Et ita tenendum est, quia ratio efficaciter probat de omnibus, nam per actionem vnius in alterum potest illud, quod superius est, inducere propriam dispositionem requisitam, & sufficientem ad introductionem propriæ formæ in materia, nempe primam qualitatem sibi propriam in gradu intentionis requisito, & sufficiente, ut ignis summum calorem, aliam vero qualitatem utrique communem continet aliud, quamvis secundum aliquem excessum. Nec prius peruenit materia ad dispositiones mixti proprias, quàm ad has, ergo non est necessarium per formam mixti transire vnu ex his elementis ad aliud, sed immediatè potest in aliud conuerti, quod in igne, & terra sic potest declarari. Nam ignis agit in terram per calorem expellendo frigiditatem eius, & cum successiue agat prius introducit tres, vel quatuor gradus caloris, totidemque frigiditatis remittit, sed cū summa adhuc retineat siccitatē terræ, licet habeat calorem, & frigiditatem temperatam, non erit materia eius conueniēter disposita ad formā mixti, quæ cum summā siccitate non potest introduci, & longè minus postquā ignis intendit calorem terræ impressum, vsque ad summū, vel certè vsque ad gradum requisitum, & sufficientem pro introductione propriæ formæ, sed tunc

sed tunc disposita erit materia per calorem valde intensum, & summam siccitatem, quæ sunt convenientes dispositiones ad formam ignis, solum habentes aliquem excessum siccitatis; quod non impedit introductionem formæ. Quare non est necessarium extremum elementum symbolum prius transire ad mixtum, quàm ad aliud elementum symbolum, etiam extremum, sed immediate potest in hoc transire.

- 29 -- Neque argumentum illud probat oppositum. Quod ut melius intelligatur, adnotandum est dispositiones requisitas ad ad introductionem formæ esse in duplici differentia; nam quædam sunt primariæ, nempe illæ, per quas proximè, & formaliter expelluntur dispositiones formæ oppositæ; tales sunt qualitates primæ in elementis, per quas proximè expelluntur oppositæ, ut primariæ dispositiones pro forma ignis sunt calor summus, aut valde intensus, & prope summa siccitas, & ex his ea censetur principalior, quam elementum postulat in summo gradu. Aliæ sunt secundariæ, quæ ex tali conjunctione illarum sequuntur, & ideo vocantur qualitates secundæ, ut in elementis raritas, & densitas, gravitas, & leuitas. Quamvis autem requirantur dispositiones primariæ, & secundariæ ad introductionem formæ elementaris, sed præcipue primariæ; quæ si adsint, introducetur forma, non quidem omnino sine secundarijs, sed bene cum aliquo gradu illarum, qui non est adeo determinatus, sicut in primarijs dispositionibus. Et hoc quidem iudicandum est secundum aliam distinctionem; nam elementa, atque etiam cætera corpora naturalia duplicem statum essendi habent, vnum sibi commodum, quod possumus vocare omnino naturalem; alterum incommodum, & magna ex parte violentum, quia patiuntur in eo contrarias dispositiones. Et dum in statu naturali sunt, certum postulant gradum vtriusque dispositionis tam primariæ, quam secundariæ, sed in statu violento cum longe minori conservari possunt; & eodem modo possunt generari in vno, vel alio statu secundum exigentiam formæ contrariæ expellendæ, & dispositionum eius. Et si generentur in statu commo-
do, requirunt certum gradum dispositionū ad introductionem formæ; si vero in statu violento, cum multo minori dispositione potest forma introduci. Vnde sequitur, quod licet forma
30 ignis requirat ad sui introductionem in statu naturali maiorem leuitatem, quam forma aëris, etiam in statu naturali, atque etiam in statu violento requirat maiorem, quàm eadem aëris in eodem statu violento: potest tamen eadem forma ignis introduci cum multo minori raritate, quàm postulet forma aëris ad sui introductionem in statu naturali. Et par est ratio de cæteris

cæteris elementis secundum proportionem, atque etiam de cæteris dispositionibus iuxta primam distinctionem primariæ, & secundariæ dispositionis. Et ex hoc patet iam solutio argumenti. Distinguenda est enim maior, quod necesse sit terram prius peruenire ad leuitatem aëris, quam conuertatur in ignem; nam si intelligatur de leuitate, quam requirit forma aëris ad sui introductionem in statu naturali, neganda est, si verò de leuitate requisita, & sufficiente ad introductionem eiusdem formæ aëris in statu violento, concedenda, quia terra dum ad talem peruenit leuitatem, in statu violento est; talis autem leuitas longè minor est leuitate eiusdem aëris in statu naturali, & tamen sufficiens, ut introducatur forma ignis in eodem statu violento, quia adiunt aliæ dispositiones ignis, & non aëris; & ideo potius introducitur in materia terræ cum illa leuitate forma ignis, quam aëris.

Ad testimonium Aristotelis pro secunda opinione adductum ³¹ respondeo, intentum eius in his capitibus solum esse probare aduersus antiquiores Philosophos, quod elementa omnia sunt transmutabilia secundum substantiam, ita ut corrumpi possint, & ex eis alia generari, non solum mixta, quod probauerat capite ultimo primi libri, sed etiam alia elementa, quod verò immediate, vel medio alio corpore prius ex eis genito, quod tandem potest in elementum conuertere, non fuit necessarium explicare, aut probare, & ideo nec verbum de immediatione locutus est.

Sed aduersus hanc expositionem potest argui hoc modo. Aristoteles cap. 4. huius libri docuit transitum inter elementa symbola faciliorem esse, quam inter dissymbola, quia pauciora corrumpuntur, nempe vna sola qualitas ex singulis, difficiliorem verò inter dissymbola, quia plura corrumpi debent, nempe vtraque qualitas singulorum, quia secundum vtramque contrariantur. Sed hoc discrimen non habet locum, nisi detur immediatus transitus inter dissymbola: ergo ex mente eius dari debet. Probatur minor, quia æqua facilitate fit transitus inter dissymbola per mixtum, vel symbolum elementum, ac inter symbola: ³² ergo non habet locum talis differentia. Probatur antecedens, quia ad talem transitum solum debet corrumpi vna qualitas ex singulis, ut ex igne siccitas, & ex aqua frigiditas, & generabitur aer calidus, & humidus, vel mixtum, ita ergo est facilis mediatus iste transitus inter dissymbola, ac immediatus inter symbola. Respondeo, transitum inter elementa dissymbola non solum includere generationem mixti imperfecti, vel elementi symboli, quo medio vñ transit in alterum, & corruptionem eiusdem

elementi dissymboli, ex quo debet generari, sed etiam corruptionem eiusdem medij, & generationem elementi dissymboli ex eo. Ad corruptionem verò vtriusque, nempe dissymboli, ex quo fit generatio alterius dissymboli, & medij, per quod fit transitus, & generationem alterius dissymboli, necesse est utramque qualitatem corrumpi, & ideo difficilior semper est transitus. Nec inferitur bene ex ratione Aristotelis, elementa sunt transmutabilia, quia sunt contraria, sed sunt immediate contraria: ergo immediate transmutabilia, quin potius ex eo, quod sunt per extremum contraria, & ideo extrema maximè distantia omni ex parte, non possunt esse immediate transmutabilia inter se, sed necesse est prius ad medium aliquod perueniat materia cuiuscumque secundum dispositiones, quàm transeat ad dispositiones, & formam alterius.

- 33 Ad primum argumentum neganda est maior, quod illa sit causa ob quam non possit generari proximè ignis ex aqua, sed alia longè diuersa, quam attulimus probantes nostram sententiam.

Ad secundum concessa maiori, quod ex aqua priusquam corrumpatur omnino, generentur vapores ab igne, sicut producuntur exhalationes ex terra; neganda est minor, quod vapores sint substantialiter aqua, aut exhalationes sint substantialiter terra, sed sunt mixta quædam imperfecta, ut in primo libro ex professo probauimus.

QVÆSTIO II.

*An facilior sit transitus inter elementa symbola,
quàm inter dissymbola?*

- 34 **E**Xpressa est in hac re sententia Aristotelis capit. 4. huius libri textu 27. ubi asserit elementa symbola facilius transmutari, quàm dissymbola, quod probauit hoc argumento. Transitus ab vno ad aliud extremum, eo est facilior, quo pauciora sunt vincenda impedimenta ad eum perficiendum, & eo redditur difficilior, quo plura extant impedimenta; sed transitus inter elementa symbola pauciora habet impedimenta vincenda, & transitus inter dissymbola habet plura: ergo facilior ille est, & difficilior iste. Minorem probat, quia ut ex vno elemento simbolo generetur aliud, vna tantum qualitas necessarii corrumpenda est, in qua contrariantur, nam in altera conueniunt, quæ ideo non debet, nec potest corrumpi, cum non sit

non sit contrarium, à quo corrumpatur; transitus verò inter dissymbola duas habet qualitates contrarias impediētes, & ideo necessariò corrupendas: plura igitur habet impedimenta necessariò superanda, vt fiat; & propterea difficilior est, sed faciliior alter.

Sed hæc sententia Aristotelis videtur falsa, & ratio eius friuola. Probatur primum, quia elementa ideo sunt transmutabilia, quia contraria, vt docuit idemmet Aristoteles eodem capite 4. aduersus antiquiores Philosophos: ergo quo magis sunt contraria, magis erunt transmutabilia, & consequenter facilius; sed euidenter est dissymbola esse magis contraria, cum contrariantur secundum vtramque qualitatem: ergo erunt magis, ac facilius transmutabilia. Quare faciliior erit transitus inter ea, quam inter symbola. Secundo, quia in generatione terræ ex aqua, terra agit in aquam per solam siccitatem parum actiuam: in generatione verò ignis ex eadem aqua agit ignis, non solum per siccitatem, sed per calorem maximè actiuum: ergo citius, atque facilius conuertet ignis aquam in se, quàm terra eandem aquam in se, & ideo faciliior, & breuior erit transitus inter elementa dissymbola, quàm inter symbola. Probatur secun- 35 dum, quia non est difficilius corrumpi duplicem qualitatem à duplici agente contrario, quàm vnā ab vno; sed in transitu elementi dissymboli corrumuntur duæ qualitates à duobus agentibus, & in transitu elementi symboli vna ab vno: ergo æquè faciles, vel difficiles erunt. Antecedens probatur, quia si duplicatur effectus, vel difficultas impediēti vincendi ex parte passi, duplicatur etiam virtus actiua ex parte agentis, per quam duplicatus effectus sine maiori difficultate produceretur. Quare non est intelligibilis maior difficultas in vno, quàm in alio.

Argumenta hæc satis difficilia, varias, atque diuersas opiniones excitarunt inter authores circa modum defendendi sententiam Aristotelis. Non tamen referam omnes, sed eas tantum, quæ sunt alicuius momenti; & prima asserit faciliorem esse transitum inter elementa symbola, & difficiliorem inter dissymbola, quia illa immediatè transmutantur; hæc verò non, nisi prius conuertantur in mixtum, vel elementum symbolum. Vnde conuersio horum duplicem includit transitum, nempe elementi dissymboli in corpus medium, & huius in aliud dissymbolum, notum est autem conuersionem duorum corporum difficiliorem esse conuersione vnius, & prolixiorem, & ideo transitus inter dissymbola vtroque sensu est difficilior, vt docuit

Aristoteles. Ita recentiores quidam interpretes. Sed hic modus dicendi in primis non potest esse ad mentem Aristotelis; quod
 36 sic probo. Aristoteles ideo dixit transitum inter elementa dissymbola difficiliorem esse, quia plura debent vinci impedimenta, nempe plures qualitates contrariæ corrumpi, pauciores verò in transitu elementi symboli, non quia immediatus sit vnus, & mediatius alter, vel quia vnā, vel plures includat conuersiones corporum: ergo aliena est hæc sententia ab eius mente. Et præterea non soluit argumentum in principio factum, quia duo agentia maioris virtutis, videlicet duæ qualitates contrariæ, per quas agit elementum dissymbolum in aliud dissymbolum, breuiori tempore, vel saltem in eodem possunt transmutare duo corpora, ac vnus agens transmutat vnus corpus, nempe elementum symbolum in aliud symbolum per vnā tantum qualitatem.

37 Ideo secunda opinio tenet faciliorem esse transitum inter elementa symbola, quia vna illa qualitas contraria elementi symboli minus resistit alteri elemento symbolo agenti per alteram ei contrariam propter coniunctionem cum alia qualitate, in qua conueniunt. Gratia exempli: humiditas aëris propter coniunctionem cum calore, in quo conuenit cum igne, minus resistit siccitati eiusdem ignis, quàm humiditas aquæ coniuncta cum frigiditate contraria calori eiusdem ignis, & ideo facilius, ac breuius conuertit ignis in se aërem, quàm aquam, & eadem est ratio de cæteris elementis symbolis, atque dissymbolis. Ita Toletus quæst. 9, huius libri, vbi pro se citat Diuum Thomam in Commentariis 4. capitis; immerito tamen, quia verba Diui Thomæ valde diuersa sunt ab hoc sensu. Asserit enim faciliorem esse transitum inter symbola, quia qualitas, in qua conueniunt, non resistit, in dissymbolo verò resistit vtrique qualitas contraria. Hic etiam modus dicendi non est ad mentem Aristotelis, quod sic probo. Aristoteles ideo asserit transitum inter symbola faciliorem esse, quia pauciora corrumpuntur, hoc est in symbolo vna, & in dissymbolo duæ: sed quod illa vna in symbolo plus, vel minus resistat, non est plura, vel pauciora corrumpi, nec aliquid efficit ad corruptionem plurium, vel pauciorum: nec si minus resistat, verum est pauciora corrumpi, nec minus esset verum, si plus, vel æqualiter resisteret: ergo hæc minor resistentia, quæ pro ratione
 38 asseritur, aliena est à mente, & ratione Aristotelis. Sed probatur quod sit falsa, quia qualitas illa, per quàm resistit elementum symbolum, non solum est ei naturalis, sed naturaliter coniungitur cum alia, in qua conuenit cum alio elemento symbolo,

symbolo, & sæpe est principalis, hoc est per se primo, atque in summo gradu conueniens tali elemento: ergo sicut habet in eo eandem vim agendi, immo & maiorem, quàm in alio, in quo coniungitur cum qualitate contraria eidem elemento, ita habet eandem, aut maiorem resistentiam, præsertim cum coniuncta esse solet cum maiori densitate. Gratia exempli: si aqua agat in terram, non minus resistet ei siccitas terræ, quàm resisteret siccitas ignis, si in eum ageret, quia interior est in terra, quàm in igne, & coniuncta cum summa densitate, & magis naturalis est terræ, quàm igni; cum per prius ei conueniat, igni vero secundariò.

Tertia opinio distinguit faciliorem aut difficiliorem transitum hoc modo. Transitus in duplici sensu potest vocari facilior, vel difficilior: in primo quidem, prout facilior idem sit, quod breuior, aut velocior, vel in minori tempore factus. In secundo verò, ita ut facilior non sit idem, quod breuior, sed idem, quod cum minori difficultate factus, & iuxta hanc distinctionem dupliciter potest intelligi, quod transitus inter elementa symbola facilior, aut inter symbola difficilior sit in primo, vel in secundo sensu. Et si in primo sensu intelligatur pro breuiori, non est verum: si verò intelligatur in secundo sensu, verum est esse faciliorem, quia cum minori difficultate factus, & sic debet intelligi opinio Aristotelis, quia in alio sensu non potest esse vera, nec oportet ad alium sensum eam reducere. Ita Marf. q. 10. huius lib. Saxon. q. 8. Nimphus Cömen. 46. q. 1. & in recognitione eiusdem Commenti, vtram tribuit Philoppono asserenti hunc sensum valde consentaneum esse textui Græco. Probant primo hunc esse sensum Aristotelis ex ratione, qua id probauit. Nam plura, vel pauciora esse corrumpenda in vno, vel alio transitu, solum potest significare maiorem, vel minorem difficultatem eius, non maiorem vel minorem breuitatem temporis. Deinde ratione, quia si vnum aliquod spatium percurrendum asperum sit, aliaque habeat impedimenta; aliud verò planius, minoraque impedimenta habeat, bene quidem sequitur difficilins esse pertransire illud, quàm hoc, & ideo transitum illius difficiliorem esse, huius verò faciliorem, quia plures sunt difficultates vincendæ in illo, pauciores in hoc. Non tamen sequitur hunc fieri necessariò in minori tempore, ille verò in maiori, vel longiori: ergo licet sequatur transitum inter elementa symbola faciliorem esse, quàm inter dissymbola, quia plures qualitates contrariæ ad illum perficiendum necessariò debent corrumpi, pauciores verò ad perficiendum hunc, non sequitur faciliorem, hoc est breuiorem esse.

Probatur minor, nam cetera patent, quia spatium illud asperum, poterit homo maiori agilitate præditus velocius percurrere, & proinde transitu breuiori, quia plures difficultates breuiori tempore vincet, quàm multo minorem habens agilitatem: ergo cum elementum dissymbolum agens in aliud dissymbolum sit ageus maioris virtutis, cum agat per duas qualitates, & alteram aliquando summæ actiuitatis, & semper summæ intensiōis, sequitur posse in minori tempore, vel saltem in eodem corrumpere vtramque qualitatem resistentem, quàm elementum symbolum minoris longè virtutis ad agendum, vnam qualitatem resistentem. Quare non potest esse vera opinio Aristotelis de transitu faciliiori pro breuiori.

- 41 Nostra tamen sententia est huic opposita, quod transitus inter elementa symbola in vtroque sensu facilior sit ex natura rei, & ideo semper, & necessario, ita vt non solum cum minori difficultate fiat, sed etiam breuiori tempore. Hæc est expressa apud Aristotelem, quia in vtraque translatione expressè habetur vtrumque verbum, nempe facilius, atque velocius. Ita enim habentur verba in antiqua. *Dissert autem in citius, & tardius, & facilius, ac difficilius: quacumque enim habent symbolum ad inuicem: velox horum est transmutatio, quacumque autem non habent, tarda.* Alia verò translatio ita habet. *Different tamen celerius, & tardius, item facilius, difficiliusque, alia aliis transmutationem subeunt.* Immo in textu Græco habetur expressè vtrumque verbum; dicitur enim *ταχύτερ*, quod est celerius, & *εὐχύτερ*, quod est facilius. Ita etiam sentit Diuus Thomas in commentariis eorundem verborum. Ita Toletus, licet alia ratione eam defendat, quam refutauimus, & plures recentiores. Probatur autem opinione ratione D. Thomæ vbi supra, quia qualitates elementorum oriuntur à formis substantialibus eorum: illa ergo elementa, quæ maiorem habent conuenientiam in qualitatribus, habent etiam maiorem conuenientiam in formis substantialibus, & consequenter in dispositionibus requisitis in materia ad introductionem: & huiusmodi sunt elementa symbola, vt per se
- 42 est manifestum. Vnde sequitur materiam vtriusque similes præhabere dispositiones magna ex parte ad recipiendam formam alterius; sed in materia præhabente similes dispositiones alicui formæ, minor gradus sufficit illius dispositionis, quæ deficit, atque contraria est, vt introducatur talis forma, & ideo facilius, ac velocius introducitur in ea, quàm in alia præhabente omnino dissimiles, atque contrarias dispositiones, etiam ab agente minoris virtutis: ergo facilior, & breuior erit transitus inter elementa symbola, quàm inter dissymbola. Probatur
- confe

consequentia, quia illa præhabet similes dispositiones, hæc vero prorsus dissimiles, & omnino contrarias; quæ ideo facilius, ac breuius introducetur. Quod hoc exemplo declarari potest, ut vis argumenti melius percipiatur. Calor, qui est in ferro candente, non sufficit ad introductionem formæ ignis in materia eius, & minor sufficit ad eam introducendam in materia stupæ, quod patet euidenter, cum idem calor ferri sufficiens sit ad introducendam eandem formam ignis in stupa, & ratio huius differentię non potest esse alia, quam quæ ex parte dispositionum, quæ præhabentur in materia, sumitur; nam in ferro est frigiditas maxima cum maxima densitate, atque etiam aliqua humiditas: quæ omnes contrariæ sunt dispositionibus ignis; in stupa vero dantur siccitas, raritas, & aliæ, quæ similes sunt dispositionibus eiusdem ignis: & propterea cum minori calore, & facilius, ac velocius introducit in eam forma ignis, quàm in materia ferri, & ita contingit in elementis symbolis, atque dissymbolis; nam ær præhabet plures dispositiones similes dispositionibus ignis, nempe calorem, raritatem, leuitatem, &c. quibus caret omnino aqua, immo præhabet omnes contrarias, & 43 ideo necesse est, ut siccitas, quæ deficit, in minori gradu sufficiat; atque etiam parua illa intensio caloris, & raritatis, ac leuitatis, & ideo facilius, ac breuiori tempore producantur, etiam ab vno solo agente, & introducat forma. Elementum vero dissymbolum præhabet omnes dispositiones, non solum diuersas, sed omnino contrarias, per quas materia eius valde inepta est ad recipiendum proprias elementi dissymboli, ut aqua habet non solum frigiditatem summam, & prope summam humiditatem, sed densitatem magnam; ratione cuius fortius resistit dispositionibus ignis, & propter hanc ineptitudinem materiæ maiorem intensiorem contrariarum qualitatū debet imprimere ignis in aquam ad introductionem propriæ formæ, & hinc fit, ut etiam per utramque qualitatem operetur, non solum difficilius propter plura contraria corrumpenda, sed tardius propter maximam indispositionem materiæ ex eisdem contrariis qualitatibus, & aliis resultantem.

Secundo probatur, quia summum summo modo difficilius 44 vincitur, quàm non summum, vel quam summum, non tamen summo modo, sed ut ignis fiat ex aqua, vincenda est summa frigiditas aquæ, & summo modo, hoc est per productionem caloris secundum summam intensiorem, vel certe paulo minorem, ut autem fiat ex aëre, non est vincendum summum summo modo, nec etiam per tantam intensiorem oppositæ qualitatis; sed per longe minorem, quia ignis non requirit summam siccitatem, sed

prope summam, & cum minori adhuc gradu intensiōis introduci potest forma propter similes dispositiones, quas reperit in materia, & ideo non solum facilius, sed breuiori tempore. Vnde in vtroque sensu, quem exprimunt verba Aristotelis, vera est eius sententia.

- 45 Ad primum argumentum in principio propositum concedendum est antecedens, quod probauerit Aristoteles possibilem esse transmutationem inter quæcunque elementa, quia omnia sunt contraria; sed neganda consequentia, quod vbi maior est contrarietas, facilius sit transmutatio, quia licet contrarietas ex vna parte sit necessaria ad actionem, & passionem, ac transmutationem, ex alia vero continet repugnantiam inter formas, & dispositiones; ratione cuius illæ agunt, vt eas expellant, & istæ resistunt, ne expellantur, & resistentia hæc retardat actionem, & transmutationem, & quo maior est contrarietas magis; & hinc fit transitus difficilior, atque prolixior inter elementa dissymbola propter maiorem contrarietatem, & facilius ac breuius inter symbola propter minorem.
- 46 Ad secundum distinguendum est antecedens, quod non sit difficilior expelli duo contraria à duobus contrariis agentibus, quam vnum ab vno solo agente; nam vbi cætera sunt paria, hoc est si eodem prorsus modo se habeant in omnibus, vnum, & duo ex parte agentis, & passi, verum est; non tamen si sint disparia, quia diuerso modo se habent, & ita contingit in proposito. Nam vt ignis conuertat in se aërem, sola siccitas debet vincere humiditatem eius, licet summam; non tamen debet eam vincere summo modo, sed longè inferiori eam vincere sufficit: nam cum materia aëris præhabeat plures gradus caloris, quos in instanti intendit ignis vsque ad summum nullum contrarium inueniens, præhabeat etiam magnam raritatem, minor intensio siccitatis sufficit ad introductionem formæ ignis in materia affecta similibus dispositionibus: aqua vero nullam dispositionem similem præhabet in materia, sed omnes dissimiles, atque contrarias, & præterea frigiditatem aquæ debet vincere calor summo ferè modo, quia in materia sic inepta maior intensio caloris requiritur ad introductionem formæ, atque etiam siccitas eadem ratione debet in suo genere perfectius vincere humiditatem aquæ, quia propter indispositionem materiæ maior intensio eius requiritur ad introductionem formæ; densitas etiam aquæ iuuans resistentiam frigiditatis, & humiditatis ex parte sua retardat victoriam, quæ ideo difficilior est, & tardius cōsequenda. Aristoteles verò, dum probauit faciliorem esse transitum inter elementa symbola, quia

quia pauciora corrumpantur, nempe vna sola qualitas, intelligit plane pauciora illa, vel plura corrumpenda, vt se habent naturaliter in elementis, in quibus non sunt cætera paria modo explicato, & ideo ratio eius efficaciter probat, non solum esse faciliorem ex eo, quod cum minori difficultate fiat, sed etiam quia velociorem, vel breuiori tempore necessario efficiendum. Quod verò vtraque etiam qualitas corrumpenda sit in symbolis: nihil obstat, quia vna tantum per se, alia per accidens: corruptio verò per accidens nullam penitus difficultatem addit, & ideo nec Aristoteles vllam mentionem eius fecit, sed absolutè in sua ratione asseruit pauciora esse corrumpenda in transitu elementi symboli, quod patet intelligi de corruptione per se: hæc enim sola deseruire poterat ad intentum probandum.

Ad tertium concedendum est antecedens, quod ignis ad conuertendum in se aërem agit per solam siccitatem parum actiuam, & ad conuertendum ignem per calorem maximè actiuum: sed neganda est consequentia, quod citius, atque facilius conuertat in se aquam, quàm aërem, quia obstat maxima ineptitudo, atque indispositio materiæ aquæ, à qua plus retardatur conuersio, quàm iuuetur ab excessu actiuitatis eiusdem caloris.

Ad testimonium Aristotelis pro secunda opinione adductum iam responsum est, probare quidem transitum inter symbola faciliorem esse, quia pauciora corrumpuntur, loquens de qualitatibus corrumpendis, vt sunt in elementis, quo pacto non solum pauciores qualitates corrumpuntur, sed breuiori tempore, vt probauimus. Ad argumentum verò concedendum est antecedens, posse dari transitum difficiliorem in eodem tempore factum, non tamen in elementis; in quibus propter modum, quo superantur impedimenta, necessarium est, sicut difficiliorem, ita prolixiorum esse transitum inter dissym-bola, vt iam fuit explicatum.

QVÆSTIO III.

*An vnum elementum possit producere aliud specie
à se diuersum.*

VNum præsupponit quæstio tanquam certum, & ab Aristot. superius probatum, & aliud tanquam dubium quærit. Præsupponit quidem quodlibet elementum posse generare aliud sibi simile in specie, vt ignis ignem, & aër aërem, &c. de cæteris.

Et inquit, an possit quodlibet elementum generare, vel producere aliud specie à se distinctum, vt ignis aërem, aut aquam; & hæc ignem, vel terram, & id quidem tanquam causa efficiens eius; sicut potest generare aliud sibi simile in specie. Et prima opinio affirmat posse. Quam videtur tenere Tolet. q. 8. huius libri ante primam conclusionem. Probatur testimonio Arist. & ratione. Arist. enim. c. 4. huius libri asseruit, & probauit elementa omnia esse transmutabilia, non solum ab aliis corporibus, sed à se inuicem; ita vt quodlibet possit ex quocunque generari, & concludens sententiam hanc text. 26. eiusdem capituli, ita ait: *Quapropter manifestum est, quod circularis erit generatio in simplicibus corporibus.* Sentit ergo quodlibet posse generare aliud, & ab eo generari; sed generans aliud est causa efficiens eius: ergo ex mente eius tanquam causa efficiens potest quodlibet indifferenter producere aliud, non solum eiusdem, sed diuersæ speciei.

- 50 Probatur deinde ratione. Primo. Quatuor primæ qualitates sunt quasi semina elementorum, quia sicut virtus seminis inducit formam viuientis, sic istæ qualitates inducunt formas elementorum: ergo omne illud, quod potest inducere has qualitates potest etiam inducere formas substantiales eorum, sed quodlibet elementum potest producere vnam saltem qualitatem alterius elementi specie à se distincti, vt ignis siccitatem, quæ est virtus terræ, & aër calorem, qui est virtus ignis: ergo consequenter poterit idem elementum producere. Secundo, quia Aristoteles 1. lib. Metheo. summa 4. cap. 1. asserit ex aëre intra cauitates terræ detento generari aquam, & causam huius generationis esse terram, quæ sua frigiditate destruit calorem aëris, & inducit frigiditatem sufficientem ad introductionem formæ aquæ; sed non potest esse terra causa tantum materialis talis generationis: ergo tanquam efficiens generat aquam specie à se distinctam. Probatur minor, quia frigiditas summa est propria virtus aquæ: ergo quod producit eam efficienter, censetur producere efficienter aquam; sed terra producit efficienter intensam frigiditatem in materia aëris, ad quam sequitur introductio formæ aëris, & generatio eiusdem: ergo est causa efficiens aëris
- 51 specie à se diuersi. Præterea non datur ibi alia causa efficiens aquæ ex aëre genitæ, præter terram effectiue inducentem vltimam dispositionem: ergo illi debet tribui talis effectus, tanquam causæ efficienti, & non solum materiali. Probatur tertio, quia maiorem virtutem habet vnum elementum ad producendum aliud, quam mixtum, præsertim infimi ordinis, qualia sunt ferrum, & lapis, sed hæc possunt producere elementum ignis, quod cōstat specie differre ab eis: ergo à fortiori poterit vnum elementum

elementum producere aliud specie à se diuersum. Probatur minor, quia per collisionem ferri, & silicis generatur ignis, qui non potest tribui alteri tanquam efficienti, cum nihil ibi reperiatur, à quo possit ignis generari: nisi velis recurrere ad causas vniuersales, quod videtur absurdum.

Nostri sententia opposita est, & tria asserit. Primum est, quod nullum elementum possit producere aliud specie à se distinctum tanquam causa efficiens per se. Probatur primo, quia vnum elementum non potest producere aliud specie distinctum tanquam causa viuoca, neque tanquam causa æquiuoca: ergo non potest esse causa efficiens eius. Euidens est consequentia, quia causa efficiens adæquatè diuiditur in vniuocam, & æquiuocam secundum communem consensum totius scholæ. Antecedens etiam per se notum est de causa vniuoca, quia hæc solum se extendit ad productionem effectus eiuidem speciei. Probatur autem de æquiuoca, quia causa æquiuoca duo habere debet respectu effectus. Primum, quod sit essentialiter eo perfectior. Secundum, quod eum contineat eminenter. Et ex primo sequitur euidenter, quod elementa minus perfecta non possunt esse causæ æquiuocæ elementi perfectioris, vt terra respectu ignis, sicque de reliquis imperfectioribus. Ex secundo verò sequitur, quod etiam perfectiora non possint esse causæ æquiuocæ imperfectorum. Probatur consequentia, quia non continent ea eminenter, vt ignis non continet terram, neque aquam, vt ex duobus conuinci potest. Primo ex parte formæ substantialis cuiuslibet elementi perfectioris, quæ particularis est, & limitata ad propriam speciem, vt cætera corpora sublunaria, etiam longè perfectiora elementis, quæ licet perfectiora sint aliis corporibus inferioris ordinis, vt homo perfectior cæteris animalibus, nullum tamen continent eminenter, neque producere possunt; quia continere eminenter inferiora corpora solum conuenit vniuersalibus corporibus, vt cœlestibus, à quibus ideo produci possunt. Secundo, ex parte dispositionum, quia euidens est nullam causam efficientem posse producere formam, vel educere eam de potentia materiæ, nisi possit materiam sufficienter disponere pro tali forma in ea introducenda; sed nullum elementum potest inducere in materiam dispositiones sufficientes pro forma alterius specie à se diuersi introducenda: ergo euidens est, non posse illud producere tanquam causam eius efficientem. Probat 53
atur minor, quia nulum elementum continet dispositiones sufficientes alterius specie diuersi: ergo non potest materiam disponere pro forma eius recipienda.

Asserit secundo nostra sententia; quod nec duo elementa possint

possint esse causa efficiens per se elementi tertij, quod de duobus elementis symbolis docuit expressè Arist. c. 4. & est per se euidens. Nam cum conueniant in vna qualitate: & in duabus alijs contrariantur, vel corrumpitur illa; in qua cōueniunt, & remanent duæ contrariæ, & tunc nullum generabitur elementum, quia ex contrarijs qualitibus constare non potest, vel corrumpuntur duæ contrariæ, & remanet cōmunis, ex qua minus potest constare elementum, quod ex duabus saltē constare debet. Quod verò non possit ex duobus elementis dissymbolis generari tertium, probatur eisdem ferè rationibus. Prima, quia nullū ex his elementis continet eminenter aliud specie à se diuersum; ergo nec vtrūque simul potest illud continere. Antecedens iam probauimus. Consequentia verò sic probanda est. Primo, duo elementa simul concurrentia non efficiunt vnum tertium per se substantialiter perfectius singulis eminenter aliquid continens, quod non continerent singula per se; ergo nec possunt tertiū elementū effectiue producere. Secūdo, quia nullum corpus potest continere aliud eminenter, nisi ratione eminentioris formæ; sed constat duo elementa simul sumpta non habere eminentiorē formam, sed duas tantum eiusdem ordinis; ergo non possunt eminenter continere aliud elementum specie distinctum ab vtroque, neque illud producere. Et si dicatur posse illud producere tanquam partiales causæ: ita vt singula disponent materiam secundum vtramque qualitatem

54 requisitam, & ideo sufficienter disponatur ab vtroque. Probo hoc esse falsum. Primo, quia tales dispositiones non producuntur per se in ordine ad formam tertij, sed ad proprias: forma vero tertij per accidēs sequitur; ergo non sunt causa per se. Secundo, quia formam elementi generandi in materia introductam naturaliter, & necessariò sequitur qualitas in summo gradu, vt formæ aëris summa humiditas, sed talē qualitatem in summo gradu neque continent, neque possunt producere duo elementa dissymbola, etiam vt partiales causæ: ergo nec tertium elementum continebunt, aut producent tanquam causæ efficientes, vt ignis, & aqua non habent summam humiditatem aëri propriam; ergo nec possunt eam producere, & ex consequenti, neque formam substantialem eius. Probatur tandem, quia quomodocunque duo elementa concurrant, non possunt esse causa per se alterius elementi ab vtroque distincti quia præter intensionem vtriusque sequitur; ergo ad summum possent esse causa per accidens. Probatur antecedens, quia quodlibet intendit per se assimilare sibi passum, & sibi simile producere; ergo quodcūque aliud à se diuersum sequitur per accidēs.

Asserit

Asseſcit tandem noſtra ſententia, nullū corpus mixtum poſſe
 producere elementum, tanquam efficiētem cauſam per ſe. 55
 Quod probati poteſt hoc modo. Nullum mixtum, vt tale con-
 tinet eminenter elementa: ergo nec poteſt tanquam efficiens
 cauſa ea per ſe producere. Antecedens probatur, quia ſi mix-
 tum contineret eminenter elementum, vel formam eius; ne-
 ceſſariò deberet continere diſpoſitiones neceſſarias, eaſque
 inducere poſſe in materiam, vt illis medijs, educeret eandem
 formam de potentia eius; ſed nullum mixtum, vt tale continet
 diſpoſitiones neceſſarias pro forma elementi: ergo nec poteſt
 eam educere de potentia materiæ, nec elementum producere.
 Probatur minor quia qualitates ſufficienter diſponentes pro
 forma elementi debent eſſe ſummę intenſionis, vel propè ſum-
 mæ, aut certè magnam habere intenſionem; ſed nullū mixtum
 habet primas qualitates ſub magna intenſione, ſed remiſſas, &
 temperatas: ergo non poteſt diſponere materiam pro forma
 alicuius elementi introducenda.

Reſtat igitur, vnum elementum ſolum poſſe eſſe cauſam ef-
 ficiētem per acciſſens alterius ſpecie diſtincti, vel aliquo modo
 materialem inducendo aliquam diſpoſitionem in materia
 pro forma talis elementi introducenda; & inſufficientem qui-
 dem, vt in ſolutionibus argumentorum explicabitur.

Ad teſtimonium Ariſtotelis reſpōdeo, intentum eius ſolum 56
 fuiſſe probare aduerſus antiquiores Philoſophos, quod elemēta
 ſint tranſmutabilia, ita vt quodlibet poſſit corrumpi ab alio,
 atque etiam corrumpere aliud, & ex quocumque poſſit etiam
 quodlibet generari per ſe. In quo conſiſtit circulus elementa-
 tium generationum; ſed ex hoc non ſequitur vnum eſſe ef-
 ficiētem cauſam per ſe alterius diſtincti à ſe ſpecie, ſed ſolū, quod
 ex quocumque tãquam ex termino à quo poſſit aliud generari.

Ad primum argumentum concedendum eſt antecedens pri-
 mi enthimematis, quod primæ qualitates ſunt quaſi virtutes
 ſeminales elementorum; ſed diſtinguendum conſequens, quod
 agens potens eas producere, poterit etiam producere elementa
 ipſa: nam ſi poſſit vtramque qualitatē cōuenientem eidem ele-
 mento producere in eo gradu intenſionis, quo ſequuntur na-
 turaliter formam elementi in materia, vel certè in eo, in quo
 ſunt diſpoſitiones ſufficientes in materia ad introductionem
 formæ eius, poterit elementum ipſum producere, non tamen
 ex eo, quod poſſit vnā tantum; præſertim ſi non ſit prima,
 quæ conuenit elemento in ſummo gradu, quod verò nullum
 elementum hoc poſſit probauimus, & ideo non ſequitur, quod
 poſſit producere elementum diſtinctum à ſe ſpecie.

Ad ſecun-

Ad secundum concessa maiori & minori, neganda est consequentia, quod terra sit causa efficiens per se aquæ productæ ex aëre; sed solum est efficiens per accidens, in quantum inducens frigiditatem, ut aërem in se conuerteret, per accidens consecuta est productio aquæ; nec sufficeret, terram produxisse frigiditatem, etiam per se ordinatam ad generationem aquæ, ut esset causa efficiens eius, quia non ex vi solius frigiditatis, nisi humiditate præsupposita in materia, (cuius constat terram non fuisse, nec potuisse esse efficientem causam) consecuta est generatio aquæ, quia, ut aliquid dicatur educere formam de potentia materiæ, & producere compositum, non satis est aliquam inducere dispositionem in materia conuenientem formæ, nisi inducat sufficientem, ita ut eam necessariò sequatur forma. Cuius ratio est, quia ut sequatur forma, integra requiritur dispositio: ergo ut agens sit causa formæ, necesse est, ut integram possit producere.

- 58 Et si dicatur ex hac solutione saltem sequi, quod duo elementa possint esse causa tertij. Probatur consequentia, quia utrumque simul, tanquam vna causa totalis poterit utramque qualitatem producere, & consequenter integram, atque completam dispositionem materiæ, & ideo educere formam de potentia eius, & producere compositum, ut si ignis, & aqua inter se agant, & corrupta frigiditate aquæ, & siccitate ignis permanent in materia humiditas, & calor, quæ sunt propriæ dispositiones aëris. Respondeo in tali casu utrumque corrumpi, quare euidens est, neutrum esse posse causam tertij, cum iam non sint, dum tertium sequitur, neque aliquid eorum permaneat præter nudam materiam; quod autem non est, nullam potest efficientiam habere. Si verò corrumpatur aqua, & permaneat solus ignis, neutrum potest esse causa per se aëris propter duo. Primum, quia præter intensionem vtriusque sequitur: ideo solum possunt esse causa per accidens. Secundum, quia de aqua non permanente certum est, & de igne non minus, certum, cum non inducat sufficientes dispositiones. Quod verò humiditas aquæ permaneat, quæ est virtus eius, non sufficit, nam præterquam, quod non est sufficiens dispositio pro forma aëris, nec potest esse causa efficiens, etiam instrumentalis, quia licet virtus agentis in eo existens sit causa efficiens instrumentalis substantiæ, quæ generatur, sed dispositio producta in materia solum potest esse causa disponens, quæ ad materialem reducitur, ut in primo libro probauimus.

- 59 Ad vltimum de generatione ignis ex aëre per collisionem ferri, & filicis negandum est, quod ab his corporibus mixtis produ

producatur tãquam à causis efficientibus per se. Nam siue produ-
 ducatur ignis ex eo, quod exsiccatus iam aër per admixtionem
 terrestris exhalationis, & dittractus ad maiorem locũ per im-
 pulsũ ei impressum ab eisdem corporibus, & ideo nimis rare-
 factus, & per rarefactionem dispositus ad suscipiendum iuren-
 siorem calorem causatum per accidens ex motu: quæ disposi-
 tiones sufficientes esse censentur ad introductionem formæ ignis
 in eadem materia aëris. Siue producatur per siccitatẽ causatam
 in aëre ab eisdem corporibus, nempe lapide, & ferro, & per ni-
 mium calorem, & raritatem ei impressam per motum. Aut non
 producatur ex materia aëris, sed ex materia alicuius exhalatio-
 nis terrestris in poris eiusdem silicis inclusæ. Vel tandem ex
 materia alicuius particulæ eiusdem lapidis, quæ intensam sicc-
 itatem habeat, vt ostendit eius durities, & cuius calor intenda-
 tur per motum. Quocumque inquam ex his modis fiat, non
 potest fieri à ferro, & lapide tanquam à causis efficientibus per
 se, sed omnino per accidens, quia non sunt causa per se intensã-
 rũ dispositionũ; quidquid enim caloris, raritatis, aut siccitatis
 produciunt in aëre per motum, per accidens, efficiunt, quia mo-
 tus non est causa per se caloris, vel aliarum qualitatum; sed
 solum, per accidens, vt per se notum est, & consequenter, neque
 corpora ipsa per collisionem, quæ motus localis est. Causa
 igitur per se educens formam ignis de potentia huius, vel il-
 lius materiæ, & produciens consequenter ignem ex ea sunt vir-
 tutes cœlestes, ad quas pertinet supplere omnes defectus parti-
 cularium causarum. Constat autem nullam dari particularem
 causam per se effectus producti in casu isto: ergo necesse est
 ad vniuersales recurrere: quemadmodum recurritur necessariò
 in generatione animalium imperfectorum ex putrefactione
 terræ: habent autem influentiæ cœlestes virtutes producendi
 elementa; cum constet posse ab eis produci, & in diuersis cas-
 bus verè produci omnes primas qualitates, quæ sunt disposi-
 tiones sufficientes pro formis elementorum, & eas cõsequun-
 tur naturaliter in materia. Et quod de igne producto in casu
 isto dicimus, dicendum est de elementis productis ex materia
 aliorũ, ita vt quotiescũque ex vno elemento, vel duobus pro-
 ducitur aliud diuersæ speciei, causa per se educens formam de
 potentia materiæ, & produciens tale elementum sint cœlestes
 virtutes, quia nec elementa ipsa, (vt probauimus) possunt esse
 causa efficiens principalis per se, neque instrumentalis per dis-
 positiones in materia remanentes, quas probauimus, non posse
 efficienter concurrere ad introductionem nouæ formæ, nec ex-
 pulsionem antiquæ, sed solum in genere causæ materialis.

CAPVT VII.

TEXTVS ARISTOTELIS.

*De elementis autem ex quibus corpora
constituta sunt, &c.*

Breuis expositio textus.

¹ **C**apite præfenti agit Aristoteles de generatione mixtorum ex elementis, & hoc est intentum eius. Diuiditur autem in tres partes. In prima, proposito dubio de generatione mixtorum ex elementis, refertur duas opiniones iuxta quas poterit dubium solui; ostenditque difficultatem vtriusque. In secunda parte soluit dubium iuxta veriore. Et tandem in tertia docet, & probat quodlibet mixtū cōstare quatuor elemētis.

Proponit ergo dubium, an, & quonam modo mixta possint generari ex elementis. Pro cuius solutione præsupponendum esse ait, duplicem fuisse opinionem de elementis. Vna eorum, qui asserunt elementa omnia habere communem materiam, & ideo esse transmutabilia; immo eo ipso, quod transmutabilia sunt, necessarium esse, vt habeant communem materiam. Altera fuit, Empedoclis negantis elementa esse transmutabilia secundum substantiam, & consequenter integra concurrere ad compositionem mixti secundum materiam, & formas substantiales, sed diuisa in partes minutissimas, & secundum eas permixta. Sed arguit aduersus vtramque opinionem, vt difficultatem eius ostendat. Et primo aduersus hanc secundam, quia ex ea (ait) tria sequuntur inconuenientia. Primum est, quod nec daretur vera mixtio, neque corpus vere mixtum, sed vtrumque secundum solam apparentiam; & ideo respectu imperfectioris sensus non percipientis distinctionem partium minimarum diceretur mixtum; non secundum apprehensionem sensus perfectissimi, qui eas distingueret, perciperetque non esse mixtas. Secundum inconueniens est, quod etiam si daretur verum mixtum, non possent saltem dari in eo similes partes, vt caro, & os, quod probat, quia partes istæ sunt homogeneæ, & eiusdem rationis, sed elementa secundum proprias substantias sunt diuersæ rationis; & vt sic diuersa ea componunt: ergo impossibilis est talis compositio. Tertium vero inconueniens sequitur ex ea, quod non ex quacūque parte mixti possent generari omnia quatuor elementa, sed ex vna parte vnum, & ex altera alterum, quemadmodum si ex vna parte ceræ fiat circulus, & ex altera

altera figura pyramidalis, quæ probauit esse falsa capite 10. primi libri docens, quod sicut quælibet pars mixti est mixta, & ideo constat quatuor elementis; ita ex quacumque possunt generari quatuor elementa, quemadmodum ex quolibet parte terræ potest formari quælibet figura. Ex quibus sequitur iuxta hanc opinionem non posse ex elementis generari mixtum.

Sed arguit etiam aduersus aliam, probatque nec iuxta illam 3 esse possibilem talem generationem hoc modo. Dum elementa concurrunt ad generationem mixti, vel corrumpuntur omnia, vel aliquod tantum, & permanet aliud. Si dicatur primum, sequitur nihil permanere ex elementis in mixto præter solam materiam, ex sola autem materia non potest fieri mixtum; & iam quod fieret per introductionem formæ mixti, nihil commune haberet mixtum cum elementis, cum materia illa elementorum tantum sit, non mixti. Si verò dicatur secundum, sequitur non dari mixtionem veram, sed quæ vocatur mixtio, erit corruptio vnius, & generatio alterius, sicut dum generatur ignis ex aëre, aut quid simile: quare nec iuxta hanc opinionem poterit mixtum generari ex elementis.

In secunda verò parte respondet dubio proposito duobus præsuppositis, quorum primum est, quod quatuor primæ qualitates, quæ sunt virtutes elementorum, habent latitudinem intensiōis, & remissionis. Præsupponit secundo; dupliciter posse aliquid esse, aut denominari calidum, sicque de cæteris qualitatibus; vno modo actu, & simpliciter, quando habet in se totam latitudinem caloris, hoc est, totam eius intensiōem, vt ignis, dum est in sua naturali dispositione dicitur actu, & simpliciter calidum, & calidum hoc modo sumptum solum est frigidum in potentia, quia nihil caloris, actu habet, sed habere potest. Secundo modo aliquid dicitur calidum, actu quidem, non tamen simpliciter, sed secundum quid, quia aliquid caloris habet actu; & quod ita calidum est, potest etiam aliquid frigoris habere actu, & vocabitur calidum frigidum.

His suppositis respondet dubio hac distinctione: elementa 4 duobus modis applicari possunt ad agendum. Primo, ita vt omnino vnum superet aliud. Secundo, ita vt non omnino, sed secundum diuersas qualitates, ac secundum quamdam proportionem vnum superet aliud, & superetur ab eo. Et si applicentur primo modo, non sequetur mixtio, sed generatio vnius, & corruptio alterius. Si verò secundo modo, ita agent, & patientur, vt propriæ qualitates eorum remittantur, & ad certum gradum attemperentur; sub quo temperamento conseruari non poterunt, quia in maiori gradu intensiōis postulant qualitates ad

fui conseruationem : corrumpentur ergo , & introducetur in materia eorum forma mixti , cuius dispositio conueniens sunt quatuor ipsarum qualitates sic attemperatæ ; & cum qualitates istæ attemperatæ habeant latitudinem intensiōis , secundum eam habet latitudinem tale temperamentum ; nam attemperari possunt , ita ut calor vno gradu , aut dimidio , aut minori parte intensiōis excedat frigiditatem , vel ut excedat duplici gradu , vel vno cum dimidio , vel tum minori parte. Et eodem modo potest frigiditas excedere calorem ; sicque de humiditate , & siccitate ; & secundum hos excessus actiuos , & passiuos diuersa sunt temperamenta , & secundum diuersa temperamenta introducitur in materia elementorum forma huius mixti , vel illa , quæ tale , vel diuersum temperamentum postulant ; & generantur diuersa mixta. Et his modis potest mixtum fieri ex elementis per veram mixtionem iuxta primam opinionem in principio capitis adductam , quæ propria est ipsius Aristot. & vera. Secundum opinionem verò Empedoclis nullo modo fieri potest vera mixtio , neque verum mixtum ex elementis , ut argumento illo ad tria impossibilia ducente probatum est , quod ideo non soluit , quia conuincere arbitratut illam opinionem esse falsam.

- 5 Sed respondet duplici argumento contra propriam sententiam à se proposito. Et ad primum ait concedendum esse , quod elementa applicata ad mixtionem non omnino contumpuuntur , sed per mutuam actionem , & reactionem remittit virtutem , vel qualitatem , aut qualitates eorum , ita ut sub ea sic remissa conseruari non possint , & ideo omnia corrumpuntur , & generatur mixtum , cuius propria dispositio sunt quatuor qualitates ad talem gradum remissum attemperatæ. Negandum verò est solam materiam elementorum permanere , quia etiam permanent qualitates , quasi refractæ , aut remissæ , eadem quidem secundum speciem , vel numerum iuxta diuersas opiniones de subiecto accidentium. Ad secundum , negandam quoque esse consequentiam docet , quod mixtum non fiat ex elementis , neque elementa ex mixto , quia materia elementorum communicatur mixto , & præter materiam qualitates attemperatæ disponentes eam ad introductionem formæ substantialis eiusdem mixti , & ratione vtriusque verè , & propriè dicitur mixtum fieri ex elementis : & cum elementa per propriam materiam , & virtutes proprias permaneant in mixto , verè , & propriè etiam dicitur ex mixto fieri , dum per corruptionem conuertitur in elementum.

CAPVT VIII.

TEXTVS ARISTOTELIS.

*Omnia autem mixta corpora quacumque circa
medij locum sunt, &c.*

Breuis expositio textus.

BReue admodum est caput hoc, cuius intentum est probare, ⁶
quod mixta omnia contineant quatuor elementa. Diuiditur autem in duas partes. In prima probat intentum duplici ratione. In secunda verò docet inter elementa omnia solū ignem nutriri. Probat ergo in prima parte, quod in mixto sint omnia quatuor elementa secundum proprias virtutes. Mixta, quæ sunt in terra, constant quatuor elementis: ergo idem est de cæteris. Antecedens sic probat. Hæc mixta constant terra, & aqua: ergo etiam ære, & igne, quæ sunt eis contraria. Consequentiam probat, quia generatio ex contrariis debet fieri; & contraria idem subiectum respiciunt, circa quod possunt se expellere. Antecedens verò sic ostendit. Hæc mixta conseruantur in terra, & ad illam mouentur naturaliter, si separata sint: ergo participant naturam eius, quia simile à suo simili conseruatur, & ad ipsum naturaliter mouetur. Terra verò sicca admodum est, & ideo quasi coagulari indiget, vt figuram mixti recipere possit, & iuxta naturam eius consistentē, ac terminabilem fieri: ita vt nisi humido foueatur, conuertatur in puluerem: hæc autem ab aqua debet accipere, quæ non solum humida est, sed partes terræ subintrare, & quasi peruadere potest: quod non habet ær, etiam si in summo gradu sit humidus, & ideo necesse est, mixta non solum aqua, sed ⁷terra constare; igne verò, & ære, quia contrarij sunt. Secundo probat ex nutritione per quam producit pars substantiæ similis eidem substantiæ viuenti, cui superuenit, & producit per conuersionem alimenti; ergo alimentum eisdem constare debet, ac substantia corporis viuents; vt ita verum sit, quod ex eisdem nutrimur, ex quibus geniti, vel compositi sumus; sed nutrimentum constat quatuor elementis: ergo etiam mixtum, quod ex eo nutritur. Minorem probat argumento à maiori in plantis; nam si aliquod esset alimentum simplex, maximè alimentum plantarum, quæ magis terrestres sunt, & ideo alimentum maximè ad terræ simplicitatem accedente nutriri debent; sed alimentum plantarum constat quatuor elementis: ergo quodcumque aliud. Minorem probat experientia agricolarum, quæ

ut plantas nutriant , ac foueant , aquam terræ permisceant , ut ex vtraque permixta alimenta eis præparent , & applicent. In secunda patte docet ignem solum inter elementa nutriri, quod probat, quia nutrimentu sic se habet ad nutritum tanquam materia, cum in ipsum conuertatur : nutritum verò quasi forma eius est , cum ei præbeat formam ; sed ignis inter omnia elementa est formalis ; ergo maximè conuenit ei nutriri. Minorem probat ex moru eiusdem ignis , per quem tendit in orbem Lunæ, qui quasi forma est corporum sublunarium, cum ea terminet , atque contineat. Vnde sequitur ignem ei esse similem, quia vnumquodque mouetur naturaliter in suum simile tanquam in terminum sui motus ; & ideo esse formalem, sicut ille formalis est. Nutritio verò, quam asserit Aristoteles conuenire igni, non est propria, quia non fit per intus sumptionem , sicut nutritio viuientium, sed per iuxta positionem pabuli.



TRACTATUS DE
MIXTORVM TEM-
peramentis.

Q V Æ S T I O I.

*Quidnam sit, vel in quo consistat tempera-
mentum mixtorum.*

8 **T**emperamentum mixti (vt à nominis significatione incipiamus) vocatur congrua illa dispositio , quam forma substantialis mixti corporis postulat , vt introducatur , & conseruetur in materia. De qua merito dubitamus , quidnam sit ? vel in quo consistat ? Præsupponendum est autem non consistere in proportionem primarum qualitatum formaliter sumptarum pro relatione. Nam temperamentum mixti significat congruam dispositionem præcedentem in materia pro introductione , & conseruatione formæ substantialis eius ; sed relatio nihil ad disponendam materiam confert , & longè minus ad conseruationem , quia nec materia præparatur relationibus ad suscipiendam formam ; nec forma conseruatur relationibus , sed qualitatibus : ergo temperamentum non in relatione , sed in qualitate vna , vel multis consistere debet. Secundo , quia in mixtis dantur contraria temperamenta , per quæ agere possunt , & pati ;

& pati; sed relatio contrario caret, & actiua non est: ergo in ea non consistit temperamentum; sed in qualitatibus vtrumque habentibus.

Quo supposito, prima opinio tenet temperamentum mixti 9 esse vnā simplicem qualitatem distinctā à primis, quæ ex corruptione earum sequitur. Itaque sicut in mixtione corrumpuntur formæ substantiales elementorum, & succedit eis vna forma substantialis mixti, in qua virtute continentur, ita corrumpuntur omnino qualitates elementorum, vt non permanent in mixto, neque eadem numero, neque specie, sed eis succedat vna qualitas distincta, in qua virtute contineantur. Ita Auicenna 1. Sufficientiæ cap. 10. Albertus Magnus 2. Physic. tract. 2. cap. 1. Scotus in 1. distinct. 15. quæst. vnica. Diuus Thomas in his Commentariis lect. 24. ad finem. Probatur primo ex dispositione corporis viuētis, nam effectus adeo diuersi, qui fiunt ab anima, calorēque naturali tanquam instrumento eius, non possunt fieri per solam proportionē primarū qualitatum, etiam si diuersa hæc sit in partibus etherogeneis viuētis: ergo necesse est ponere diuersas qualitates in diuersis partibus pro diuersis effectibus præstandis. Probatur minor, quia etiam si eadem esset, vel diuersa proportio primarum qualitatum in pede, aut brachio, quæ est in stomacho, non fieret in eis chylus pro sanguinis productione: ergo ponenda est peculiaris qualitas distincta à primis, immo distincta in singulis membris corporis viuētis, vt produci in eis possint effectus adeo diuersi. Secundo, quia si temperamentum mixti consisteret in proportionē primarum qualitatum, in indiuisibili consisteret, cum proportio consistat in indiuisibili, sicut æqualitas; sed temperamentum non potest consistere in indiuisibili: ergo neque in 10 proportionē primarum qualitatum, sed in qualitate ab eis distincta habente latitudinem. Probatur minor, quia si temperamentum consisteret in indiuisibili, quælibet mutatio alicuius primæ qualitatis secundum intensionem, etiam minimam dissolueret temperamentum naturale mixti: & cum sanum sit corpus, dum habet temperamentum sibi naturaliter debitum, sequitur sanitatem quoque consistere in indiuisibili; & ideo statim, ac tantisper calor intenditur, vel quælibet alia qualitas sanitatem amittere, morbumque incurrere, quod est contrarium communi consensui Medicorum omnium, atque euidenti experientiæ; nam experimur sæpe hominem per excessum motus, vel alia de causa nimis incalescere, & tamen nec debitum temperamentum amittere, nec præhabitam sanitatem.

Secunda opinio nō tollit quatuor qualitates primas à mixtis, 11

sed addit præter illas alteram, ita vt illæ quasi fundamentum eius sint, temperamentum verò non consistat formaliter in proportionem illarum, sed in quinta illa qualitate. Pro hac nullum auctorem inuenio, sed solum rationem hanc non contemnendam. Si temperamentum mixti consisteret in sola proportionem primarum qualitatum, sequeretur passim interire quodlibet mixtum, quod est absurdum. Probatur consequentia, quia proportio primarum qualitatum debilis est, & parum firma, facileque mutatur à causis extrinsecis, vsque adeo, vt propter nimiam intensiorem caloris, facile extinguatur frigus, & è contra propter intensiorem frigoris extinguatur calor, sed vna qualitate extincta, extinguitur omnino temperamentum in proportionem omnium consistens, & consequenter extinguetur mixtum, non valens consistere sine temperamento, quo medio conseruatur forma in materia: quare necesse est ponere quintam qualitatem sua virtute continentem omnes quatuor, in qua consistat temperamentum, & per quam possint defectus omnes primarum reparari, & quælibet earum si nimis remittatur intendi, & corroborari; & ita diu consetuetur temperamentum in eisdem primis qualitibus fundatum, & ex consequenti mixtum.

- 12 Tertia opinio est quasi media inter has duas extremas, nam ex vna parte tollit à mixto quatuor primas qualitates elementorum. Ex altera verò ponit duas alias, vnam mediam inter calorem, & frigus; & alteram inter siccitatem, & humiditatem. Ita Saxonia quæst. 19. huius libri. Fundamentum huius sententiæ est quia per has qualitates medias commodius possunt fieri effectus omnium primarum qualitatum, quàm per ipsas primas: quæ ratione contrarietatis formalis, quam habent, possunt ab aliis agentibus intendi, & remitti, & ideo intensiores, vel remissiores effectus præstare, quàm naturæ corporis mixti conueniat.

- Vltima opinio tenet temperamentum mixti consistere in proportionem primarum qualitatum, nec præter eas aliam qualitatem ponendam, quæ sit temperamentum. Ita Marsil. q. 12. huius libri. Fernelius lib. 2. Philos. c. 3. Tolet. q. 18. huius libri, Conimb. c. 8. huius lib. q. 1. art. 1. & est communis inter recentiores, & tanquam probabilior tenenda. Et in primis videtur expressa D. Thom. 1. part. quæst. 76. artic. 4. ad 4. vbi nullam aliam qualitatem præter primas attemperatas ponit, quas dicit esse sufficientem dispositionem pro forma mixti. Sed probatur ratione. Primo aduersus primam sententiam, quia temperamentum non est aliud, quàm debita dispositio, per quam conseruatur forma in materia, sed debita hæc dispositio conseruans non potest esse aliud præter primas qualitates attemperatas ad certum gradum: ergo in hac

in hac proportionem, seu temperie primarum qualitatum, & non in alia qualitate superaddita consistit temperamentum. Probatur minor, quia per eandem dispositionem conseruatur forma in materia, per quam introducitur in ea, quia introductio ordinatur ad conseruationem; sed primæ qualitates, ita proportionatæ sunt conueniens, & naturalis dispositio pro forma mixti introducenda, atque etiam sufficiens, ita vt non sit necessaria alia qualitas disponens præter illas: (quod etiam fatentur aduersarij, cum nemo sit, qui aliam qualitatem præter quatuor primas ponat ad introductionem formæ mixti necessariam) ergo nec alia debet poni pro eadem conseruanda, & ideo nec pro temperamento mixti. Secundo, quia Medici omnes, immo & omnes Philosophi asserunt viuientia omnia corporeâ ex propria natura asserre secum internam causam morborum omnium, atque etiam senectutis, & corruptionis, & hanc causam esse, quod ex contrariis, & inter se pugnantibus sit compositum: quod patet esse falsum, si vna tantum qualitas sit temperamentum eius, & primas qualitates elementorum non habeat, quia contrarietas in vno solo non saluatur, sed duo extrema, vt minimum requirit. Et si dicatur qualitatem illam virtute continere contrarias. Probatur id non sufficere, quia sicut non est sibi 14 contraria propter virtuale continentiam contrariorum, ita non potest esse principium corruptionis, quæ in sola contrarietate consistit. Tertio, ad mutuam actionem, & passionem; ad mutuamque actionem, & reactionem; atque etiam veram passionem, & corruptionem necesse est ponere in mixto qualitates formaliter contrarias, quales sunt primæ elementorum, quæ si non ponantur, non poterit resistere elementis in se agentibus, sed in instanti corrumpetur ab eis. Probatur aperte, quia formalis, & actualis resistentia non potest dari, nisi inter formaliter, & actualiter contraria; sed illa qualitas non est actu, & formaliter contraria alicui: ergo per illam non potest actu, & formaliter mixtum resistere elementis.

Probatur deinde, quod non detur quinta qualitas, quæ sit temperamentum existens in mixto, cum quatuor primis contrariis secundam opinionem, quia operationes qualitatum elementorum, proprias exercere potest mixtum per primas qualitates; immo per has potest resistere contrariis, & se defendere ab illis, & non per illam, vt probauimus: ergo superflua est talis qualitas, quia sine necessitate ponitur. Probatur consequentia, quia nec ad reparandos defectus primarum qualitatum requiritur; sed sicut in elementis ad recuperandam intensionem maiorem cuiuslibet qualitatis non requiritur alia qualitas, sed

virtute propriæ formæ substantialis, se reducit elementum ad intensionem sibi debitam, nisi impediatur; ita mixtum potest virtute propriæ formæ se reducere ad intensionem amissam suæ qualitatis; & hoc satis est, vt non facile extinguatur. Quod si contraria sint potentiora, extinguetur, quia corruptibile est: quare corruptio eius non debet pro inconuenienti adduci.

- 15 Probatum tandem non dari in mixto duas illas qualitates medias inter primas pro temperato mixti aduersus opinionem tertiam, quia per experientiam tactus cognoscimus mixtum habere calorem, & frigiditatem in suo statu naturali; sed mediæ illæ qualitates non possent causare sensationem caloris, & frigiditatis: ergo falsum est eas ponere pro extremis. Probatum minor, quia sicut solus formalis calor, vel lux potest sentiri per visum, & formalis sonus per auditum; ita solum formalis calor, & frigus possunt sentiri per tactum.

Ad primum argumentum primæ opinionis negandum est antecedens, quod non sufficiat diuersa proportio primarum qualitatum, vt per diuersa membra corporis viuentis possit anima per suas potentias, & instrumenta præstare effectus diuersos. Sed reuera fiunt diuersi effectus in diuersis partibus propter diuersum temperamentum primarum qualitatum, simul cum secundis ex eo procedentibus.

- 16 Ad secundum concessio antecedenti, quod naturale temperamentum in indiuisibili consistat, neganda est prima consequentia, quod per quemcunque excessum caloris, aut frigoris ex illis causis prouenientem dissoluatur, nam cum temperamentum sit secundum se permanens, cum sit dispositio naturalis corporis, non quicunque excessus ex causa facile superueniente, & cito transeunte procedens, dicitur illud dissoluere, nam statim à propria natura reducitur ad naturalem statum: quod si diuturnus sit, dissoluetur quidem, & mixtum non habebit statum naturalem, sed violentum, & censebitur esse in via ad corruptionem. Secunda vero consequentia de sanitate, & morbis concedenda est; sed distinguendum cōsequens; nam sanitas, & morbus dupliciter possunt sumi, nempe in rigore Philosophico, & sic verum est sanitatem in indiuisibili consistere, & per quemlibet excessum, vel defectum intensionis ex causa aliquantulum permanente procedens, tollit, & morbum incurri. Sed non sumitur sub hac Physica formalitate à Medicis, sed prout notabiliter lædit, vel proxime ledere potest operationes corporis, & membra eius grauare, ne proprias possint functiones, aut munera exercere. Et hoc modo posset forte vocari morbus practice: ille vero videtur esse morbus quasi speculatiuus tantum, de quo cura est Medicis solum.

lum in gymnasii, ubi de natura eius disputant. De morbo vero in alia acceptione agunt Medici cum infirmis, & ideo hunc solum communi modo loquendi morbum vocant, ex quo potest eis lucri aliquid prouenire. Fundamentis vero aliarum opinionum satisfecimus in confirmatione nostrâ, & ideo non oportet solutiones repetere.

QVÆSTIO II.

*An detur in mixtis temperamentum æquale
ad pondus?*

DVplex temperamentum distinguunt Medici, atque Philo- 17
sophi; vnum vocant temperamentum iustitiæ, vel æquale quoad iustitiam; & est illud, quod constat primis qualitatibus in eo gradu intensiōis, aut in ea proportione, quæ conueniens est formæ mixti, etiam si in gradu inæquali contineat omnes qualitates. Ideo enim vocatur temperamentum iustitiæ, quia quod debitum est alicui, ex iustitia ei confertur: ergo illud temperamentum, quod debitum est formæ mixti, merito vocatur æquale, vel cōueniens quoad iustitiam. Aliud potest excogitari temperamentum æquale ad pondus, quod constat ex quatuor qualitatibus in gradu intensiōis omnino equali, nempe calore vt quatuor, frigiditate vt quatuor; & pariter de cæteris. Et de temperamento iustitiæ nulli dubium est, quin detur in mixtis; sed certum est dari in omnibus, quæ sunt in statu naturali, hoc est naturæ suæ conuenienti, ideo de solo temperamento æquali ad pondus quærimus, an detur in mixtis, vel saltem in aliquo.

Et prima opinio negat omnino dari tale temperamentum in aliquo mixto. Ita Auicena sent. 1. doct. 3. c. 10. Auerroes 1. lib. de cælo comment. 7. 10. Meth. comm. 2. 1. 4. Metheo. comm. 10. & 2. lib. de Gener. comm. 48. quem sequuntur omnes Arabes. D. Thom. in 2. dist. 19. q. vñica art. 4. & in 3. distin. 16. q. 1. art. 1. Michael de Medina in sua Parenesi Conciliator dif. 18. & hanc ferè sequitur Tol. q. 1. huius libri, apertè asserens tale temperamentum vix dari posse in rerum natura. Probat Auerroes primo, quia ad mixtionem non possunt concurrere qualitates in 18
æquali gradu intensiōis; ergo neque ad mixtum. Euidens est consequentia, quia temperamentum mixti resultat ex mixtione elementorum, per quam corrumpuntur: ergo si mixtio non sit ex qualitatibus in equali gradu intensiōis concurrentibus, nec temperamentum mixti potest ex eis in æquali gradu constare. Sed probatur minor, quia si qualitates elementorū cōcurrerent

ad mixtionē in gradu intensiōis æquali, non sequeretur actio, nec fieret mixtio, quia ab æquali proportione non sequitur actio. Quod potest confirmari, quia vel mixta sunt perfecta, quæ constant quatuor qualitatibus elementorum; vel imperfecta, quæ non omnes habent. Si perfecta, omnia sunt fortia, atque consistentia, in quibus prædominatur terra, ut patet in omnibus, quæ degunt in terra; sed prædominante terra, debent prædominare qualitates eius, quæ sunt siccitas, atque frigiditas: ergo repugnat in his mixtis dari temperamentum æquale ad pondus. Si vero sint mixta imperfecta, quæ non constant omnibus qualitatibus elementorum; euidentius patet prædominari in eis elementum, à quo extrahuntur, vel ex quo generantur, & ex consequenti qualitates eius, ut patet in vaporibus, in quibus prædominatur aqua, in quam facile conuertuntur: in exhalationibus vero terra, ut probat siccitas maxima earum: qua re neque in his dari potest temperamentum æquale ad pondus.

- 19 His argumentis alterum longe difficilius addere placet, quia si detur temperamentum mixti æquale ad pondus maximè in viucentibus, vel possibile foret, non est dubium, quin perfectissimum esset, quia mixtis perfectissimis conueniret, qualia sunt viucentia; sed repugnat viucentibus: ergo nulli mixto potest conuenire. Probatur minor, quia viucentia habent partes diuersas, per quas exercent diuersas operationes, & ideo in his partibus postulant temperamentum diuersum, sicut animalia in corde, aut iecore calorem maximum propter sanguinis, atque spirituum vitalium generationem; in cerebro vero maximam frigiditatem, ut oportet ad generationem spirituum animalium, atque etiam ad species sensibiles retinendas, operationesque sensitiuas exercendas, sicque de reliquis partibus pro ratione suarum operationum: ergo repugnat his mixtis temperamentum æquale ad pondus.

- 20 Secunda opinio est quorundam Medicorum, inter quos refertur Hugo Senensis, qui quatuor videntur temperamenra distinguere in animali. Primum vocant naturale innatum, & est illud, quod fuit conueniens dispositio ad introductionem formæ mixtæ in materia, & ideo sub quo fuit genitum animal. Et hoc negant posse esse æquale ad pondus. Secundum temperamentum vocant influxum, quia resultat ex influxu quarundam partium in alias. Cum enim corpus animalis diuersa habeat organa pro operationibus exercendis valde diuersis, diuersa etiam postulat temperamenta in eis, quia repugnat per membra eiusdem temperamenti exercere. Exemplum esse potest in corde, & cerebro; nam illud est quasi sanguinis, & spirituum
vitalium

vitalium officina, hoc vero quasi totius sensationis, & spirituum animalium fons; ad species vero intentionales producendas, recipiendas, & retinendas requiritur abundantia frigiditatis, sicque de cæteris membris, quæ vicissim se temperant membris calidioribus frigidiora calefacientibus, & frigidioribus refrigerantibus calida. Nihilominus secundum hoc temperamentum influxum asserunt animal magis esse calidum, & humidum, quam frigidum, & siccum: ex utroque autem hoc temperamento videtur resultare tertium, quasi mixtum ex utroque, quia qualitates influxæ cōiunguntur cum naturalibus, & videtur temperamentum quasi totale constituere æquale ad pondus, quia inæqualitatem primi temperamenti naturalis reducit temperamentum influxum ad quandam æqualitatem, quam in cute circa quam primo fit tactus ostendi aiunt habente omnes quatuor qualitates ad æqualem gradum intensionis attemperatas. Vltimum temperamentum dicunt esse quasi aggregationem omnium qualitatuum, vel totius intensionis earum in partibus animalis existentium. Et hoc dicunt esse æquale ad pondus in toto animali, quia æqualis est intensio omnium qualitatuum, ita ut tantam habeat intensionem caloris totum animal simul accipiendo eam, quam habet in omnibus membris simul sumptis, quantum habet intensionem frigoris, & cæterarum qualitatuum.

Vltima opinio concedit, naturaliter esse possibile temperamentum æquale ad pondus secundum primas qualitates, ita ut ex omnibus in eodem gradu intensionis constet. Autor huius opinionis fuit Galenus lib. 1. de temperamentis cap. 9. & lib. 2. cap. 1. quibus locis non solum dari posse tale temperamentum docet, sed esse omnium optimum, quæ potest mixtum naturaliter habere, & ideo in specie humana, in qua reperitur mixtum perfectissimum dari. Ita sentiunt cum Galeno Fernelius lib. 8. Philosophiæ cap. 4. Thomas de Garzio in summa titulo 2. de complex. q. 9. Vallesius lib. 1. Controvers. c. 7. Isaacus cap. 1. dietarum vniuersalium, & Medici omnes, Marsilius, & Saxonia vbi supra, Conimbr. 2. lib. de Gener. cap. 8. q. 2. art. 3. & est communis inter recentiores Philosophos, & videtur nobis tanquam probabilior sequenda, ad quam reduci potest alia sententia distinguens temperamentum æquale ad pondus secundum qualitates alteratiuas, & motiuas, negansque posse dari utramque simul, & concedens quod naturaliter possit dari, quodlibet separatum ab altero, quam tenent Albertus Saxoniæ q. 11. huius lib. & Mar. q. 15. & de qua agemus inferius.

Pro eius autem explicatione distinguenda sunt temperamenta mixtorum secundum genera, species, & individua, sicut distinguit

ea Galenus ubi supra, non quod qualitates ipsæ, quibus tempera-
 menta constant differre posse genere, aut specie, cum constet
 solum posse differre tempera-
 14 menta secundum diuersos gradus
 intensiōis, aut remissionis earumdem qualitatū, qui non pos-
 sunt efficere differentiam specificam, sed distinguuntur diuersa
 genera, & species temperamentorum, quia cum ratio tempera-
 menti consistat in proportione primarum qualitarum, diuersi
 modi quibus proportionari possunt, dicuntur diuersa tempera-
 menta genere quidem, si sint vniuersaliores, sub quibus minus
 alij vniuersales, minusque diuersi contineantur: specie vero, si
 sub vniuersalioribus contineantur immediatè, & sub se con-
 neant alios minus diuersos, minusque vniuersales ad similitu-
 24 dinem indiuiduorum. Ad nouè igitur tēperamenta reduxit Ga-
 lenus omnia, quæ naturaliter possunt conuenire mixtis corpo-
 ribus. Ex quibus primum est quasi arthoma species, & octo alia
 quasi genera (quia æqualitas intensiōis in omnibus qualita-
 tibus cōsistit in indiuisibili, & ideo non habet sub se alias tem-
 peramentorum species, sed solum indiuidua.) Sub quibus plures
 comprehendantur temperamentorum species, & sub speciebus
 plura temperamentorum indiuidua, hoc ferè modo. Vel tem-
 peramentū est omnino æquale, hoc est constans omnibus qua-
 litatibus in æquali gradu intensiōis, vel inæquali, ita vt con-
 stet omnibus qualitatibus non in gradu æquali intensiōis. Si
 primum modum habeat, erit primum temperamentum, quod
 vocatur æquale ad pondus, & de quo disputamus, an solum sit
 excogitabile, vel etiam naturaliter possibile. Si vero inæquale
 sit temperamentum, vel inæqualitas est in vna tantum contra-
 rietate, & ita resultant duo quasi temperamentorum genera se-
 cundum duas qualitates se expellentes, quia vel solus calor ex-
 cedit frigiditatem, & est primum genus, vel sola frigiditas ca-
 lorem; & est secundum (in vtroque enim humiditas, & siccitas
 reperiuntur in eodem gradu intensiōis) Si vero excessus repe-
 riarur in alia contrarietate humiditatis, & siccitatis, calore, &
 frigiditate in eisdem gradibus intensiōis concurrentibus re-
 sultant duo alia genera, quia si excedat humiditas, erit tertium,
 si vero siccitas, quartum; deinde si excessus sit ex parte vtriusq;
 contrarietatis, resultabunt quatuor alia genera, & ita explebi-
 25 tur nouenarius numerus. Nam vel excedunt calor, & siccitas, &
 resultat sextum genus, quod vocatur temperamētum, vel com-
 plexio ignea; aut excedunt calor, & humiditas, & resultat septi-
 mum, quod vocant complexionem aëream; vel excedunt frigi-
 ditas, & humiditas, & resultat genus octauum, quod vocant
 complexionem aqueam. Vel denique excedunt frigiditas, &
 siccitas

siccitas, & resultat nouum, & vltimum, quod appellatur complexio tertia. Nec sunt alia genera temperamentorum possibilia, quia cum qualitates istæ contrariæ non possint esse simul in eodem subiecto, nisi in gradibus remissis, repugnat ambo extrema eiusdem contrarietatis excedere, vt calorem, & frigiditatem excedere humiditatem, & siccitatem; nam vel excederent in gradu infra medietatem, ita vt calor, & frigus essent vt quatuor; duæ vero aliæ in minori gradu, & ita latitudo huius contrarietatis non esset expleta; vel excederent in gradu vltra medietatem, & tunc darentur contraria in eodem subiecto secundum gradus intensos, quod est impossibile naturaliter, sicut est etiam impossibile non esse expletam latitudinem alicuius contrarietatis ex vno, vel vtroque contrario, vt superius statutum est.

Sub quolibet autem horum genetum continentur plures 26 species temperamentorum, quia secundum maiorem, vel minorem excessum qualitaris, vel qualitatum excedentium distinguuntur plures differentia temperamentorum, vt in primo genere, in quo solus calor excedit; distinguuntur plures species, vna si calor excedens sit vt sex, & frigiditas vt duo; alia si calor sit vt quinque, & frigiditas vt tria, sicque de cæteris gradibus secundum latitudinem caloris, & frigiditatis per partes aliquotas, & ita de cæteris proportionibus aliorum generum censendum est. Sub qualibet etiam specie temperamentorum continentur diuersa numero temperamenta inæqualia, nam quælibet species temperamenti certam habet latitudinem gradualem inter duos terminos maximum, & minimum contentum, quod experientia probari potest. Quia sicut inter elementa datur actio, & reactio, sic suo modo inter mixta: ergo in quolibet mixto potest remigi, aut intendi aliqua qualitas absque sui corruptione substantiali, & ita contingere potest, quod intra eandem speciem temperamenti diuersa indiuidua diuersa habeant temperamenta, & inæqualia iuxta maius, vel minus prædominium eiusdem, vel earundem qualitatum; quod in specie humana sic potest declarari, vt si temperamentum ei debitum sit æquale ad pondus, non est intelligendum sic in pro- 27
portione illa indiuisibili qualitatum consistere, vt non possit sine illa conseruari, sed verè potest, cum possit remitti vna, vel alia qualitas sine corruptione subiecti, sed ita debet intelligi, vt perfectissimum temperamentum huius speciei consistat in omnimoda illa æqualitate intensiōis omnium qualitatum, quod temperamentum non habebunt, nisi illa indiuidua, in quibus sic reperiantur, habebunt tamen imperfectum eiusdem speciei

speciei excedente aliqua qualitate vsque ad certum terminum, ultra quem non erit iam temperamentum humanæ speciei, nec poterit indiuiduum aliquod eius sub eo conseruari. Hæc autem diuersitas temperamentorum, seu complexio num indiuidualium sub eadem specie prouenit absque dubio ex diuersa perfectione indiuiduali formarum substantialium eiusdem speciei, iuxta quam diuersæ formæ indiuiduales diuersum quoque temperamentum postulant in materia ad sui introductionem, & conseruationem in ea. Hæc autem omnia sic intelligenda sunt, ut sicut temperamentorum genera octo tantum sunt, ita temperamentorum species sint actu finitæ, quamuis in lōge maiori numero. Et ratio est manifesta, quia excessus vnus, vel plurium qualitatum sumitur secundum partes aliquotas, & non secundum proportionales: constat vero partes aliquotas latitudinis cuiuscumque qualitatis finitas esse. Et par est ratio de numero indiuiduorum quantum ad numerum actualem, qui semper est actu finitus sub qualibet specie, passim tamen extinguuntur hæc, & incipiunt de nouo alia. Ex qua parte non est viquequaque certus eorum numerus, sed quodammodo multiplicantur in infinitum, cum tamen numerus specierum semper sit idem, & propterea asseruit Porphyrius cap. de specie, finitas esse species, sed indiuidua procedere in infinitum.

- 28 His præsuppositis communem sententiã his tribus assertionibus explico: prima est, temperamentum æquale ad pondus naturaliter est possibile in mixtis. Probarur testimonio Aristotelis, & ratione. Aristoteles enim sectione 5. Problematum quæst. 22. docet expressè, corpora ad æqualitatem temperata facile in morbum incidere, atque etiam facile curari: quæ vero non sunt ad æqualitatem temperata, ex opposito non facile infirmantur, nec facile à morbo curantur, sed difficile sanitatē consequuntur. Ex quibus sequitur plane sentire, quod naturaliter dari possit, & detur temperamentum æquale ad pondus. Ratione vero primo.

Quia non est impossibile naturaliter primas qualitates in gradu æquali intensiōis ut quatuor dari in eodem subiecto; ergo non erit impossibile, quod ab aliqua forma mixti in tali gradu postulentur. Probatur consequentia, qui si dantur formæ mixti postulantes easdē qualitates in gradu inæquali superiori, & inferiori; cur non poterunt dari aliæ easdem postulantes sub gradu æquali? certe nulla potest ratio impossibilitatis afferri. Quod efficaciter probari probari potest secundo, nam ad rationem mixti pertinet habere qualitates primas ad tēperiem redactas, sed quo magis accedunt ad æqualitatem intensiōis, magis

magis attemperantur: ergo si omnimodā æqualitatem habeāt, dicentur summo, ac perfectissimo modo attemperata. Et ex consequenti dicitur mixtum habere perfectissimam habere temperiem, atque adeo perfectissimam rationem mixti, vt mixtum est, & tale temperamentum erit perfectissimum, & ideo naturaliter possibile.

Secunda assertio, in genere animalium, præsertim in specie ²⁹ humana, aut in vno, vel multis indiuiduis eius datur temperamentum æquale ad pondus. Ita Galenus cum cæteris, quos pro communi sententia retulimus. Sed egregie D. Thomas 1. par. quest. 91. artic. 1. in corpore his verbis. *Dissimilitudine vero cælestium corporum habet homo elongationem à contrariis propter maximam æqualitatem complexionis: elementa vero secundum substantiam: ita tamen quod superiora elementa prædominantur in eo secundum virtutem, scilicet ignis, & aer, quia vita præcipue consistit in calido, quod est ignis, & in humido, quod est aeris. Inferiora vero elementa abundant in eo secundum substantiam, aliter enim non posset esse mixtionis æqualitas. Et in solutione ad 3. ita ait. Quod si ignis, & aer quæ sunt maioris virtutis in aëro, etiam secundum quantitatem in compositione humani corporis abundarent, omnino ad se traherent alia, & non posset fieri æqualitas commixtionis, quæ est necessaria in compositione hominis ad bonitatem sensus tactus, qui est fundamentum sensuum aliorum. Et tandem art. 3. ad primum docens hominem excedere cætera animalia perfectione tactus, excedi vero ab ea perfectione aliorum sensuum, ita ait. Et similiter potest assignari ratio, quare quædam ³⁰ animalia sint acutioris visus, & subtilioris auditus, quàm homo propter impedimentum horum sensuum, quod necesse est consequi in homine ex perfecta complexionis æqualitate. Sed probatur duplici testimonio Aristotelis, quorum primum habetur 2. lib. de partibus animalium c. 16. in ultimis verbis, quibus docet hominem inter omnia animalia habere perfectissimum sensum tactus, & ita habent. Itaque carnes instituta sunt, eaque mollissima, qualis caro hominis est, scilicet, quod maxime omnium animalium valet sensu tactus. Secundum vero habetur 2. lib. de anima c. de tactu tex. 18. vbi docet sensum tactus non sentire qualitates tangibiles in eo gradu, in quo eas habet, sed solum in maiori, vel intensiori: & est idem, quod dici solet, tactum solum sentire excellentias qualitarum tangibilium. Ex quo colligit sensorum tactus habere temperiem, vel complexionem æqualem ad pondus. Verba autem eius hæc sunt. *Calidū aut frigidū, durū aut molle non sentimus sed exuperantias, tãquā sensu, velut medietate quadam existere eius, quæ in sensibilibus contrarietatis, & propter*
 hoc*

hoc discernit, ac iudicat sensibilia: medium enim iudicatorium est, fit enim ad utrumque ipsorum alterum ultimorum. Ex quibus desumitur primum arg. pro nostra assertionem hoc modo. Sensus tactus, cum sit potissimum ad rerum experientiam capiendam, cui maiori ex parte innituntur scientiæ humanæ, merito vocatur sensus scientiæ, quo sensu, aut perfectione eius homo scientiarum capax inter animalia, debuit omnia excedere; & ideo habere perfectissimum tactum; sed ad perfectionem tactus necessarium est temperamentum æquale ad pondus: ergo hoc dabitur in corpore humano, per quod dispersus est sensus tactus, & maxime viget in cute eiusdē corporis, ut docet idē Aristot. in eodem c. de tactu. Probatut minor ex posteriori testimonio Aristotelis; quia ad excellentiam tactus pertinet posse percipere omnes excellentias tangibilium, sed non posset omnes sentire, nisi ad mediocritatem esset organum eius temperatum, quia si in aliqua excelleret qualitate, non posset eandem sentire excellentiam, ut 2. lib. de anima cap. de tactu probatur: ergo homo secundum sensorium tactus per totum corpus dispersum debet habere temperamentum æquale ad pondus.

- 31 Secunda ratio continetur in secundo testimonio Diui Thomæ, & est talis. Illud censendum est optimum temperamentum primarum qualitatū, quod maxime distat ab extremis earum omni ex parte, nempe à summa intensione omnium; sed temperamentum æquale ad pondus maxime distat ab extremis, cum cōsistat in eadem mediocritate omnium qualitatū: ergo optimum censi debet, & mixto omnium perfectissimo cōuenire, quod est homo. Probatut maior, quia temperamētum dissoluitur, si ad extema perueniat, nempe ad summam intensiōnem primarum qualitatū; ergo illud erit magis stabile, & optimum, quod plus ab eis recedit; nam eo difficilius poterit ad ea reuocari. Hoc vero temperamentum æquale ad pondus tribui debet primo homini à Deo immediatē condito: decet namque diuina opera ab eo solo immediatē constituta perfectiora esse alijs, quæ ab eodem medijs secundis causis procedunt. Deinde maiori ratione tribuendū est sacro corpori Christi in visceribus Deiparæ à Spiritu sancto formato, quia cum sit omnium corporum perfectissimum, optimum omniū temperamentum debet ei tribui, præsertim cum summæ dignitati eius congruat, quam habuit ex vnione ad diuinum verbum; nec deroget merito operum eius infinito, aut redemptoris muneris. Quod etiā probati potest ex his, quæ docet Galenus ubi supra de hoc temperamento æquali ad pondus, videlicet esse saluberrimum omnium: quare Christo Domino tribui debet, in quo
nullus

nullus erat futurus morbus, vt docent Scholaſtici Doctores in 3.diſt.15.& 16.cum D.Thom.3.par.q.14.art.4.

Sed eadem ratione videtur tale temperamentum non eſſe tri-
buendum Chriſto Domino, quia de corporibus ita temperatis
docet Ariſtoteles ſeſtione 5. Problematum q.22.facile in mor-
bum incidere, atque etiam facile ad ſanitatē reuocari, & me-
rito, quia cum hoc temperamentum conſiſtat in maxima æqua-
litate intenſionis omnium qualitatum, facile eſt ab ea recedere
per exceſſum quemcumque eiſdem mixti, vel per actionem
alicuius extrinſeci contrarij: ergo non poteſt tribui corpori,
quod ex propria dignitate numquam ab eo receſſurum erat.
Reſpondeo, conſeruationem temperamenti naturalis maxima
ex parte dependere ab eodem mixto regulas cum primis tem-
perantiæ non tranſgrediente: deinde quantum humana pru-
dentia fieri poteſt à contrariis agentibus recedente, ne ab eis
lædatur, vtrumque autem præſtitiffe Chriſtum Dominum, cer-
tiſſimum eſt. Nullum enim locum in eo habuerunt exceſſus in-
temperantiæ: à contrariis verò agentibus propriæ ſaluti infe-
ſtis, non ſolum quantum humana prudentia fieri potuit, ſed per
diuinam receſſit, per quam, ſi aliqua nihilominus ſecundum na-
turæ ordinem ei nocere poterant, prohibita ſunt, vt ſic nullum
morbum contraheret. Nec Ariſtoteles abſolutè docet de cor-
poribus ad æqualitatem attemperatis facile in morbum inci-
dere, ſed comparatiue tantum, hoc eſt comparatione corpo-
rum inæqualiter temperatorum, de quibus aſſerit, quod ſicut
difficilius morbum contrahunt, ita etiam difficilius ab eo re-
uocantur, & ſæpe extinguntur. cum tamen æqualiter tempera-
ta facile eurentur: diuturnior verò cenſetur ſanitas, quæ facile
recuperatur, etiam ſi frequentius (ſeuiter tamen) amittatur, nam
minus longè periculum incurritur per leues morbos, & ſi fre-
quentes, quàm per grauiores minus frequentes. Ex quibus in-
telligitur verum eſſe omnibus conſideratis, quod Galenus do-
cuit temperamentum æquale ad pondus ſaluberrimum omnium
eſſe, nec ei contrarium, quod de eodem temperamento aſſeruit
Ariſtoteles.

Tertia aſſertio. Naturaliter eſt impoſſibile dari mixtum tem-
peratum ad pondus ſecundum omnes ſuas partes. Veritas huius
aſſertionis ex explicacione potius dependet, quàm ex aliis ra-
tionibus: ideo explicanda eſt, & eo ipſo efficaciter probata cen-
ſebitur Et imprimis ſupponendum eſt, temperamentum æqua-
le ad pondus in ſoliſ mixtis perfectis, qualia ſunt viuientia repe-
riri. Viuientia verò ex propria natura ſunt etherogenea corpora
abentia diuerſa organa pro diuerſis operationibus exercendis,

vt in animalibus constat habentibus cor, vel iecur pro officina sanguinis, & spirituum vitalium; cerebrum pro officina totius sensationis. Diuersa item organa, vel sensoria pro diuersis sensibus externis, vt organum visus, quod sunt oculi, sicque de cæteris sensibus. Eius vero organa, vel partes, sicut diuersam habent figuram ad propriam operationem exercendam accommodatam, & diuersum modum operandi illam, ita requirunt diuersa temperamenta. Nam cor debet esse calidissimum, cerebrum frigidissimum, & pariter singula organa sensuum debent habere particularem temperiem propriæ operationi accommodatam: quæ cum sint diuersæ, non possunt per organum eiusdem temperamenti exerceri. Quare repugnat has partes habere idem temperamentum, vel æquale ad pondus, quia eo ipso, quod in corde, atque etiam in iecore non prædominaretur calor, non possent esse sanguinis, vel spirituum officinæ, & eo ipso, quod in cerebro non prædominaretur frigiditas, non posset esse officina sensitiue virtutis, & operationum, & nisi organum tactus esset ad æqualitatem temperatum, non posset talis potentia percipere omnes excellentias qualitatū tangibilem. Ex quibus euidenter sequitur non posse corpus organicum secundum omnes suas partes esse temperatum ad pondus; necessarium tamē est temperatum esse ad iustitiā, & saltem quantum ad plures eius partes, eas præsertim, in quibus residet sensus tactus, esse æqualiter ad pondus temperatum. Ratione vero inæqualitatis temperamenti, necesse est, vt quælibet agat in aliam sibi proximam, & ab ea patiatur, & per hanc mutuam actionem, & passionem se temperent. Et temperiem hanc resuscitantem appellarunt alij influxam, quia per influxum, & actionem vnius partis in alteram consequitur eam corpus secundum plures partes. Primam vero temperiem, quam postulat corpus ad sui generationem, quam dicimus esse æqualem ad pondus in aliquibus mixtis, vocant innatam, quia à sua constitutione naturali eam habet corpus. Ex vtraque veto simul sumpta sequitur, quod cum in quibusdam partibus talis mixti multum prædominetur calor, in aliis multum prædominetur frigiditas, in aliis humiditas, & tandem in aliis siccitas, consideratis omnibus simul, & quasi in quadam aggregatione resultet in toto mixto quædam æqualitas ad pondus, quia tantum caloris habere videtur, quantum frigoris, atque etiam quantum humiditatis, & siccitatis; ita vt non plures habeat gradus intensiōnis ex vna qualitate, quam ex aliis. Et temperamentum hoc aggregationis vocant, quia ex omnibus partibus corporis diuerso modo temperatis; sed quasi in vnum aggregatis resultat. Et his explantur omnes nostræ assertiones, iuxta quas communis

sententia,

sententia defendenda est, ad quam reduci potest secunda de quatuor temperamentis, ut ex dictis facile intelligi potest.

Ad primum argumentū Auerrois negandum est antecedens, 36 quod non possint elementa concurrere ad mixtionem secundum æqualem gradum intensiōis, nam licet in gradu æquali concurrerent, agere, & pati possent: quia ut bene D. Tho. ubi supra, ea, quæ magis sunt actiua, ut ignis, & aër applicarentur in minori quantitate; minus vero actiua in maiori, & præterea hæc sub maiori densitate iuuante actionem, illa vero sub minori, & ita applicata proportionarentur; agereque, & pati possent, & se corrumpere.

Ad argumentum Toleti ex eodem testimonio D. Tho. respondendū est distinguendo antecedens, nempe mixta perfecta, quæ generantur in terra fortia, atque stabilia esse, & ideo in omnibus prædominari terram, & qualitates eius. Nam duobus modis ait D. Tho. prædominari posse elemēta in mixto, aut secundum maiorem magnitudinem, vel copiam substantiæ, quæ requiritur ad consistentiam, & soliditatem corporis, & membrorum eius, aut secundum intensiōem qualitatū, quibus constant. Et modo priori prædominari ait terram, & aquam; quia si materia, ex qua sunt corpora hæc, non esset similis substantiæ terræ per cōmixtionem aquæ, quasi coagulata, sed substantiæ aëris, & ignis, non possent ex ea solida membra, & aliquando densiora, ac duriora formari. Sed modo posteriori non esse necessarium, quod prædominentur elementa hæc, sed hanc, vel illam qualitatem prædominari secundum diuersitatem membrorum, atque organorum desumendam ex diuersis operationibus animæ per illa exercendis; ita ut in his prædominari debeat calor, in illis frigus, in aliis humiditas, & in aliis siccitas. Gratia exempli: cor calidissimū esse oportet, frigidissimum cerebrum, ossa, & cartilaginee valde sicca, sensoria visus, & gustus magna ex parte humida; cætera autem membra omnia, in quibus residet sensus tactus æqualem intensiōem qualitatū postulant. Et vniuersaliter loquendo dicendum est membra omnia, quæ toti corpori præbent consistentiam, sicciōra, ac frigidiora esse debere, ut ossa, & cartilaginee. Secundo, membra omnia, in quibus vigent opera vitæ, quia vel sunt officinæ sanguinis, vel spirituum vitalium, calidiora, & humidiora, ut sunt cor, & iecur: illa vero in quibus vigent sensus, quia ab eis deriuatur sensitiua virtus, valde frigida ut cerebrum. Et illa tandem, in quibus viget tactus, qui est scientiarum sensus æqualiter temperata; & hæc sunt quasi vniuersalia membra corporis, ex quibus dependent alia, & quibus hoc modo distribuēdas esse qualitates natura censuit, quia

possit per potentiam Dei absolutam. Et in primo sensu tenet prima opinio naturaliter dari posse. Ita Marfil & Saxonia locis citatis in præcedenti quæstione, quod probant hoc argumento. Posse dari naturaliter temperamentum æquale ad pondus secundum qualitates actiuas efficaciter probatur ex eo, quod dato quocumque temperamento inæquali possunt intendi, vel remitti qualitates, quarum ratione inæquale est, & reduci ad eisdem gradus intensiōis aliarum; sed dato quocumque temperamento inæquali secundum qualitates motiuas, nempe grauitate, & leuitate potest quælibet earum intendi, vel remitti, ab agente extrinseco, quousque perueniat ad gradum intensiōis alterius, & hoc sine corruptione eiusdem mixti, quemadmodum sine corruptione eius possunt intendi, & remitti primæ qualitates vsque ad æqualem gradum intensiōis: ergo sicut potest dari naturaliter temperamentum æquale ad pondus ex primis qualitibus; pari ratione ex motiuis, nempe grauitate, & leuitate. Secundo probatur, quia grauitas, & leuitas sunt secundæ qualitates, quæ sequuntur ex mixtione primarum, vt docet expressè Aristoteles 4. lib. Phys. text. 85. & c. 1. huius libri: ergo ex permixtione primarum qualitatum in æquali gradu intensiōis sequuntur grauitas, & leuitas secundum æquales gradus intensiōis, sed talis permixtio primarum qualitatum naturaliter est possibilis, cum constituat temperamentum æquale ad pondus: ergo possibile quoque erit temperamentum æquale ad pondus ex grauitate, & leuitate.

Secunda opinio negat tale temperamentum in qualitibus 4^a motiuis esse naturaliter impossibile; & est communis inter iuniores, & vera. Probatur primo à priori hoc modo. Summa leuitas non procedit ex solo summo calore, vel summa humiditate, nec summa grauitas ex sola summa frigiditate, aut ex sola summa siccitate, vt euidenter constat in elementis; sed summa leuitas ex summo calore superante siccitatem, vt patet in igne: & summa grauitas ex summa siccitate superante frigiditatem, vt patet in terra: ergo leuitas media non procedet ex calore medio, nec media grauitas ex siccitate media, sed potius ex medio calore superante siccitatem: & hæc ex media siccitate superante frigiditatem; sed euidenter est medium calorem superantem siccitatem, & mediam siccitatem superantem frigiditatem non efficere temperamentum æquale ad pondus, cum dicant inæqualem intensiōem qualitatum; immo euidenter est, non esse possibile tale temperamentum primarum qualitatum, quia includit euidentem contradictionem: nam ex parte grauitatis includit mediam siccitatem, & ex parte leuitatis minorem, quia inferio-

- rem medio calore: ergo impossibile est tale temperamentum
 42 æquale ad pondus ex qualitatibus motiuis: Secundo, quia non
 potest dari naturaliter corpus, cui non conueniat aliquis locus
 naturalis in mundo, & iuxta eum motus naturalis, per quem ad
 eum moueatur; si per violentiam extractum fuerit; sed tale cor-
 pus æqualis grauitatis, & leuitatis nullum haberet locum natu-
 ralem, nec etiam motum: ergo non potest dari naturaliter. Pro-
 batur minor, quia non posset quiescere naturaliter in loco ignis,
 & aëris propter æqualem grauitatem, à qua inclinaretur ad mo-
 tum deorsum: nec in loco aquæ, & terræ propter æqualem leui-
 tatem, à qua inclinaretur ad motum sursum: ergo nec locum,
 nec motum haberet naturalem. Sed respondens locum naturalem
 eius fore mediū inter loca sursum, & deorsum, sicut grauitatem,
 & leuitatem ad medietatem temperatas haberet, & talis locus
 43 esset inter aquam, & aërem. Hæc tamē solutio falsa est, quod sic
 probō. Locus aëris non potest esse naturalis illi corpori, propter
 grauitatem, quam habet, nec locus aquæ propter leuitatem: ergo
 nec locus medius inter vtramque elementum. Antecedens eui-
 dens est, cōsequentia vero probatur, quia aër, & aqua ex propria
 natura sunt immediata, & ideo docuit Arist. 4 lib. Phys. & cum
 eo omnes concuam superficiem aëris esse locum naturalem
 aquæ, quod non posset esse verum, nisi hæc duo elementa essent
 immediata, sicut quodlibet corpus locatum eum sub loco cir-
 cumscribente: ergo tale corpus mixtum non posset habere locum
 medium inter aërem, & aquam, quia non est habilis naturaliter
 talis locus medius, nisi dicatur ex parte esse in vtroque elemen-
 to tanquam in loco, nempe medietatem eius in aqua, & medie-
 tatem in aëre, & ita diceretur quodammodo habere locum na-
 turalem medium inter vtrumque elementum. Sed quod locus
 iste non esset ei naturalis, sic ostendō. Corpus illud est mixtum
 sicut ex primis qualitatibus alteratiuis; ita etiam ex motiuis,
 nempe grauitate, & leuitate, & est mixtum habens vtramque
 44 qualitatem ad medietatem intensiōis, nempe leuitatem vt
 quatuor, & grauitatem quoque vt quatuor: ergo quælibet pars
 eius habet easdem qualitates ad medietatem, sicut habet ad me-
 dietatem primas. Probaturs cōsequentia, quia quælibet pars
 mixti debet esse mixta; sed totum corpus non potest esse natura-
 liter in sola aqua, nec in solo aëre; ergo nec medietas eius, quæ
 eiusdem naturæ, & grauitatis, ac leuitatis est cum toto. Tertio
 probatur ex motu, quia corpus habens locum naturalem non
 solum quiescit in eo naturaliter, sed si ab eo extrahatur per vio-
 lentiam, aut quomodocumque extra illum inueniatur, natura-
 liter potest moueri ad illū; sed si tale corpus daretur æqualiter
 grane,

græue, & leue, & poneretur in terra, non posset moueri ad locum medium inter aërem, & aquam: ergo talis locus non esset ei naturalis. Probaturs minor, quia à proportionē æquali non datur actio, sicut nec à proportionē minoris inæqualitatis; sed ut agens possit agere, necesse est virtutem eius actiuam superare; leuitas autem non superaret vllō modo grauitatem; ergo, non posset corpus illud sursum ferre contra resistentiam æqualis grauitatis. Quod præterea probo testimonio expresso Aristotelis 1. lib. de cælo, & mundo cap. 1. text. 7. vbi hoc discrimen ponit inter motum naturalem elementi, & mixti, quod illud motu simplici à simplici eius natura procedente mouetur naturaliter; mixtum vero motu quodammodo mixto ab elemento prædominante procedente, hoc est, à principio motus naturalis, quod est grauitas, aut leuitas prædominans; sed in tali corpore nullum ex his principiis prædominaretur: ergo nec posset tale corpus mixtum moueri naturaliter, & ideo nec esset naturaliter possibile.

Ad primum argumentum contrariæ opinionis concessa maiori distinguenda est minor, quod daro mixto inæqualis grauitatis, & leuitatis, posset inrendi, vel remitti quolibet harum qualitatum ab agente extrinseco; nam istæ qualitates motiue non sunt actiue, nisi solius morus localis; ideo non possunt immediate intendi, vel remitti, nisi facta mutatione circa primas qualitates, ex quarum permixtione sequuntur. Vnde nec potest agens extrinsecum alio modo eas intendere, vel remittere, nisi prius efficiat mutationē circa primas qualitates; sed non est possibile temperamentū primarū qualitātū, ex quo sequatur grauitas, & leuitas ad medietatē, ut probauimus; ergo nec erit possibile temperamentum æquale secundum has qualitates motiuas.

Ad secundū concessio antecedente, neganda est consequentia, quod ex temperamento primarum qualitātū æquale ad pondus sequantur grauitas, & leuitas æqualis intensiōis, sed necessario sequuntur in gradu inæquali, ut prima ratio nostra probauit.

Circa secundum vero sensum, an per potentiam Dei absolutam dari possit corpus æqualis grauitatis, & leuitatis, vtraque pars videtur difficilis; & ratio dubitandi pro negatiua est hoc argumentum. Inrinsicum est corpori naturali habere principium motus: ergo implicat contradictionem dari corpus naturale, quod non sit naturaliter mobile; sed corpus æqualis grauitatis, & leuitatis non esset mobile: ergo nec esset corpus naturale. Quare repugnat dari corpus naturale habens temperamentum æquale ad pondus qualitatum motiuarum. Minorem probo, quia non esset maior ratio, ut moueretur sursum, quam

deorsum, cum æqualem habeat inclinationem ad vnum, & alterum motum: ergo neutro moueretur à propria natura. Et si dicatur moueri naturaliter motu qui partim esset sursum, & partim deorsum, nempe ad locum medium; probatur esse falsum, quia sicut æqualis est inclinatio ad vtrumque motum in tali corpore, ita esset æqualis repugnantia; ex parte quidem grauitatis ad motum sursum; ex parte vero leuitatis ad motum deorsum, non solum extremum, sed etiam medium. Vnde si esset in superioribus locis, non posset moueri ad locum medium repugnante leuitate, & si esset in inferioribus repugnante grauitate; ubi autem est æqualis actiuitas, & æqualis resistentia non potest naturaliter sequi motus, sicut à proportionem æquali non sequitur actio in qualitatibus alteratiuis; præterquam quod repugnat dari locum naturalem medium, vt probauimus.

- 47 Pro affirmatiua verò parte, quod tale corpus dari possit, extat hoc argumentum. Quia uon sufficit repugnantia naturalis, vt dicatur effectum aliquem dari non posse in rebus per potentiam Dei absolutam, sed requiritur omnimoda implicatio contradictionis, sed tale corpus dari non inuoluit contradictionem, quia grauitas, & leuitas non opponuntur contradictoriæ, quod omnino requiritur, vt non habeant medium respectu eiusdem rei, sed solum opponuntur contrariè: contraria verò medium habent respectu eiusdem subiecti, vt per se patet: ergo licet argumentum oppositæ partis probet repugnantiam naturalem, non probat implicationem contradictionis; & ideo negari non debet, quod tale corpus sit possibile.

- 48 Communis sententia recentiorum tenet dari posse tale corpus. Ego vero hac distinctione respondeo, dari corpus naturale æqualis grauitatis, & leuitatis, dupliciter intelligi potest. Primo, ita vt æqualitas ipsa vtriusque qualitatis sit ei naturalis, videlicet dispositio, quam naturaliter postulat forma eius in materia, quemadmodum naturalem esse dicimus igni summam leuitatem, & terræ summam grauitatem. Secundo modo potest intelligi, ita vt eadem qualitates ad medietatem non sint ei naturales, sed diuina virtute ei impressæ. Et in primo sensu existimo implicare contradictionem, quod detur tale corpus, quod sic probo. Grauitas, & leuitas sunt qualitates naturaliter procedentes ex permixtione, vel concursu primarum qualitatum; sed repugnat prorsus dari temperamentum primarum qualitatum, ex quo procedant ad medietatem intensiōis grauitas, & leuitas, vt probauimus per primam nostram rationem contra primam illam opinionem concedentem dari posse naturaliter corpus temperamentum ad medietatem secundum grauitatem, & leuitatem:

ergo

ergo implicat contradictionem dari corpus postulans eandem qualitates ad medietatem. Idem probat efficaciter argumentum pro ratione dubitandi ex parte negatiua propositum; quia licet non cōuincat implicare contradictionem, quod detur tale corpus in rerum natura, convincere tamen videtur implicare contradictionem, quod ita detur, vt naturaliter possit vtramque qualitatem ad medietatem intentionis.

In secundo vero sensu assero posse dari tale corpus per potentiam Dei absolutam, vt si Deus aliquid tollens de grauitate lapidis eam reduceret ad quatuor gradus, & quatuor alios gradus leuitatis ei imprimeret, in quo nullam inuenio repugnantiam. Et hoc solum esse possibile conuincit argumentum propositum pro parte affirmatiua, non tamen primum: quare neutrum argumentum indiget solutione.

CAPVT IX.

TEXTVS ARISTOTELIS.

Quia vera sunt quadam generabilia, & corruptibilia, &c.

Breuis expositio textus.

IN capite isto, & sequenti tradit Arist. vniuersas causas generationis, & corruptionis, in isto quidem in communi, & hoc est intentum eius, in sequenti vero in particulari. Diuiditur autem in duas partes. In prima enumerat triplicem causam necessariò ponendam pro generatione rerum naturalium, materiam, formam, & efficientem. In secunda refert, & reiicit duas opiniones circa causam efficientem, ex quarum refutatione probatum relinquit necessariò esse ponendam præter materiã, & formam.

Ex cælestibus (ait Aristoteles) posse nos efficax argumentum sumere ad probandum, quod præter materiam, & formam ponendum sit efficiens, vt res naturales possint generari. Nam vt cælum possit aliquid efficere, non sufficiunt materia, & forma eius, sed præter has requiritur mouens, seu efficiens, nempe intelligentia: ergo pari ratione in his inferioribus præter materiam, & formam necessaria est efficiens causa, à qua istæ suo modo moueantur, vt forma educatur de potentia materiæ, & in ea introduceatur, & ita fiat generatio rei naturalis. Supposito, quod necessaria sint tria hæc, explicat naturam singulorum incipiens à materia, asseritque esse potentiam ad esse, & non

esse, & ideo principium, quo res genetantur, & intereunt. Nam res ait duplices esse, quædam, quæ necessario non sunt, ut chimera, & aliæ, quæ nec sunt necessario, nec semper, sed possunt esse, & non esse, & aliquando sunt, aliquando non; ut sublunaria corpora: & materia est principium à quo habent, ut generari, & corrumpi possint. Et hoc est esse potentiam ad essendum, & non essendum. Per receptionem namque formæ in materia generantur, & sunt; & per expulsionem eiusdem formæ à materia corrumpuntur, & non sunt. Formam vero esse actum huius potentia, à qua res accipit esse, atque etiam talem speciem eiusdem esse, & quasi fons generationis. Quia id, cuius gratia agens operatur circa materiam, esteductio formæ de potentia eius, & introductio eiusdem formæ in ea per quam generatur compositum.

- 51 Circa causam vero efficientem asserit, antiquos Philosophos hallucinatos esse, quia licet aliquid de ea dixerint, naturam, & rationem eius, & multo minus necessitatem non attigerunt. Et in primis Plato in Phædone introducens Socratem de generatione rerum loquentem asserit, res generari per idæarum impressionem, vel quasi sigillationem, ita ut cuiuslibet speciei detur idæa quædam, quæ est substantia separata imprimens materiz formas individuales talis speciei ad similitudinem sigilli, ex cuius impressione relinquitur figura in cæsa, distincta quidem ab eodem sigillo in proprio esse permanente, & per talem impressionem formæ res generatur, & permanet permanente impressione; sed abolita impressione delentur ipsæ, vel corrumpuntur. Vnde præter impressionem non videtur ponere causam efficientem. Ideo hanc sententiam duplici argumento rejicit. Primo quidem, quia idem in quantum idem, & eodem modo se habens semper facit idem; sed idæa, vel species rei efficiendæ est eadem, & eodem modo se habet semper: ergo impressio eius eadem erit semper, & eodem modo se habebit; sed materia etiam eodem modo se habet, cum semper sit apta, & quasi parata ad recipiendum: ergo fient semper impressiones formarum, & generationes rerum, semper res durabunt, & numquam corrumpentur, quod patet esse falsum. Secundo, quia ars imitatur naturam, sed in operantibus per artem, & quasi per impressionem formæ, præter impressionem, formam impressam, & materiam, vel subiectum recipiens, datur efficiens causa educens eandem formam de potentia materiz, ut præter sanitarem, & subiectum, Medicus: ergo præter impressionem idæalem formæ, & materiam debet poni causa efficiens, à qua forma producat, & infundatur materiz, resque integræ generetur.

Secundæ

Secunda opinio fuit aliorum Philosophorum, qui materiam ipsam posuerunt pro efficiente, in quantum operatur, & quasi se mouet per qualitates tamquam per organa, vel instrumenta, vt per calidum, & frigidum, & ideo ab ea tamquam ab efficiente rem generari. Hanc tamen opinionem falsam esse probat duplici argumento. Primum est, quia materia ex propria natura est pura potentia passiva nullum habens actum: sed passiuæ potentia non est agere, sed solum pati recipiendo, cum constet nihil agere, nisi in quantum est in actu: ergo non potest materiam tribui ratio causæ efficientis. Secundo, quia in operibus artis non se mouent instrumenta, nisi manu artificis moueantur, & applicentur ad opus: ergo qualitates illæ, quas ponunt in materia pro instrumentis eius ad efficiendam generationem, non se mouent; sed moueri debent à principali efficiente, quod non potest esse materia, cum nullam habeat virtutem actiuam, sed passiuam tantum: quare necesse est præter illam ponere efficientem causam à qua moueantur. Quod patet ex igne habente summam actiuitatem, & nihilominus agere non potente, nisi moto ab vniuersalioribus causis, nempe à corporibus cælestibus: ergo multo minus qualitates illæ materiam poterunt rem generare, nisi à causis efficientibus vniuersalioribus moueantur.

CAPVT X.

TEXTVS ARISTOTELIS.

Amplius autem quoniam secundum latitudinem motus demonstratum est perpetuus, &c.

Breuis expositio textus.

Refutatis capite præcedenti opinionibus antiquorum circa causam efficientem generationis, & corruptionis intendit Aristoteles in præsentī proponere propriam: & ex ea ostendere in particulari, quænam sit talis causa generationum naturalium. Diuiditur autem caput in tres partes. In prima repetit ea, quæ alibi de hac re docuit. In secunda proponit contrā ea dubium, & soluit, proponens propriam sententiam. Et in tertia non nihil agit de vnitāte primi motoris, & primi motus, cuius continuitatē simul cum continuitate temporis paucis explicat.

Principio igitur asserit se 8. lib. Phys. probasse dari vnū primum motorem, atque vnū primum motū circulatē per se cōtinuum, atque

atque perpetuum, & hunc, vel potius primum motorem per ipsum esse causam perpetuitatis generationum, & corruptionum rerum naturalium; quod nunc probat hoc breui argumento. Motus circularis est primus omnium motuum, & mutationum, & est per se continuus, atque perpetuus, vt 8. lib. Phisic. probatum est: ergo est causa vniuersalis generationum, & corruptionum. Probatur consequentia, quia id, quod est, potius debet esse causa eius, quod non est, quàm e conuerso id, quod non est, sic causa eius, quod est; sed primum mobile, quod mouetur motu circulari, atque perpetuo semper est; ea vero, quæ generantur, & corrumpuntur non sunt, vel certe non semper, cum incipiant esse, cum prius non fuerint, & definant esse, cum aliquando fuerint: ergo illud potius per suum motum erit causa rerum generabilium, & generationis perpetuæ earum, quàm istæ sine illius causæ.

- 2 Sed aduersus hæc proponit dubium in secunda parte capituli, quia non videtur primum motum esse sufficientem causam generationum, & corruptionum propter duo: Primum, quia idem in quantum idem, & eodem modo se habens, semper facit idem; sed primum mobile est vnum, & semper idem, & pari ratione motus eius: ergo semper producent eundem effectum, quare vel semper erunt generationes rerum, vel semper corruptiones, & nec succedet corruptio generationi, nec generatio corruptioni, quod euidenti experientia patet esse falsum, cum videamus, nunc generari vnam rem, postmodum vero corrumpi. Secundò, quia contrariorum effectuum contrariæ debent esse causæ, sed generatio, & corruptio sunt contrariæ, vt per se patet; ergo contrarias causas habere debent, & ideo non vnam, sed plures; constat vero primum mobile vnum esse, & motum eius vnicū: ergo repugnat esse sufficientem causam generationis, &
- 3 corruptionis. Respondet Arist. hac distinctione, motus celestis duplex est, vnus, qui semper se habet eodem modo, & iste est motus primi mobilis ab Oriente in Occidens, qui absoluitur spatio viginti quatuor horarum, & per quem primum mobile rapit secum omnes inferiores celos, & facit eos moueri ab eodem puncto Orientis, vsque ad idem punctum Occidentis eodem tempore. Alter est motus proprius Solis per circulum quemdam obliquum (quem Zodiacum vocant) & iste non absoluitur, nisi per annum integrum duodecim mensium, ita vt per sex menses accedat Sol à Capricornio ad Cancrum, & per sex alios recedat à Cancro ad Capricornium: primisque sex mensibus propinquior nobis fiat: sex vero alijs à nobis recedat. Accessus distinguatur in ver, & æstaté, recessus vero in autumnum, &

num, & hiemem. De motu igitur primi mobilis concedit Arist. non esse causam generationum, & corruptionū, de motu vero solis proprio negat. Et rationem assignat, quia motus solis continet accessum eiusdem solis ad hæc sublunaria corpora, per quem influit virtutem in omnia ad generationem, efficitque sua luce, & calore, ut arbores, & alia semina, atque etiā animalia suos fructus, suosque partus edāt, quod est sibi similia generare, per recessum vero decrecente tali influxu corrumpuntur res; unde merito accessus vocatur tempus generationum, recessus vero tempus corruptionum; idem itaque motus proprius solis continet partes quasi oppositas, nempe accessum, & recessum, & ita potest esse causa oppositorum effectuum, nempe generationum, & corruptionum, & ita sit satis duobus argumentis propositis. Priori quidem, quia licet Sol sit idem agens, atque etiam motus eius idem, non tamen eodem modo se habens semper, sed diuerso per accessum, & recessum, & ita non sequitur semper efficere idem, sed diuersa efficere potest. Posteriori vero, quia concessa maiori, & minori, neganda est consequentia, quod non possit Sol esse causa generationis, & corruptionis per proprium motum habentem partes oppositas, & quodammodo contrarias, nempe accessum, & recessum. Ex quibus tria colligit: primum, finitum esse, atque determinatum tempus vitæ singulis viuentibus, quo absoluto corrumpuntur; sed tempus non semper, nec respectu singulorum est idem, sed aliquando diuersum, ita ut longiorem vitam aliquibus natura concedat, breuiorem vero alijs propter diuersas causas particulares facilius, vel difficilius disponentes, & modificantes influxum causarum vniuersalium. Vnde fit, ut rebus, quibus aspectus vniuersalium causarum longiorem promittebat vitam, breuior concedatur propter diuersam modificationem particularium causarum. Secundò, colligit dependentiam omnium sublunarium corporum à causis superioribus, & vniuersalibus, quia consonum est naturis rerum, ut inferiora regantur, & gubernentur per superiora, ab illisque dependant, ut docuit, & probauit idem Aristot. 1. lib. *Metheor.* cap. 2. Tertio colligit perpetuas esse posse generationes, & corruptiones, quia causa efficiens earum, quæ est Sol per motum proprium, perpetua est. Et finis, quem intendit, dum generationes, & corruptiones causat, est perpetuitas, quam perpetuitatem, quia non potest consequi in indiuiduis determinatis, quæ cum sint corruptibilia, non possunt semper durare, eam saltem consequitur in speciebus semper durantibus, per continuam, & numquam intermissam generationē nouorum indiuiduorum corruptis succedentium,

rium. Reddit autem rationem ob quam non omnia corpora sub-
 lunaria perpetua sint in indiuiduo, sicut cœlestia corpora, quia
 inquit hæc magis appropinquare primæ causæ per essentiam
 perpetuæ, sublunaria vero magis esse ab ea elongata, & ideo
 non posse eadem perpetuitatem participare eodem modo, sed
 modum aliquem eius participant imperfectum, videlicet spe-
 cificam perpetuitatem, non indiuidualem, cum tamen illa tam-
 quā proximiora utramque participant. Sed videri alicui posse,
 ait, nec istam perpetuitatem in specie consequi posse subluna-
 ria corpora, quia non videntur generationes, & corruptiones
 eorum posse durare semper, nam per corruptionem separantur
 elementa à mixtis, & tendunt in propria loca: ergo per conti-
 nuam corruptionem tandem eo res deueniet, ut omnino sepa-
 rata sint à mixtis, & reducta in loca propria: & ita cessabunt
 generationes, & corruptiones, & desinent omnino res genera-
 biles, & ita nec in specie poterunt perpetuitatem consequi. Et
 respondet non ita contingere, sed idem Sol, qui per recessum
 causat corruptionem, & quasi reducit elementa ad propria loca,
 extrahit iterum, etiam recedens ab eisdem elementis vapores,
 & exhalationes pro nouis generationibus ex eisdem in pluuiam
 conuersis efficiendis, quod est quasi eadem elementa à proprijs
 locis iterum extrahere, eaque confundere: nam vapores, & ex-
 halationes naturæ, & qualitates elementorum participat: & fa-
 cile in eadem elementa conuertuntur, & per conuersionem eorum
 iterum in pluuiam terra fecunda redditur, ut sic non solum
 ipsa, sed mixta etiam in ea degentia nouos partus ferre possint
 in accessu eiusdem solis. In vltima parte capitis eandem cau-
 sam perpetuitatis generationum, & corruptionum à se traditam
 reducit ad primam causam per has consequentias. Motus est:
 ergo motor est, deinde motus semper est: ergo motor semper,
 ac perpetuo est. Rursus, motus est perpetuo continuus: ergo
 motor est vnus immobilis, ingenerabilis, & inalterabilis, quas
 omnes cōsequenias probatas reliquit 8. lib. Phys. Solam conti-
 nuitatem, & perpetuitatē motus explicat, & probat hoc loco
 asserens eam sumere motum ex continuitate sui mobilis, nepe
 spheræ cœlestis, quæ cum mobilis sit, & motu circulari mouea-
 tur, qui non fit per spatium, sed circa centrum terræ sine loco,
 & spatio (loquitur enim de motu primi mobilis tamquam de
 primo) ideo non potest ab spatio, aut loco continuitatem su-
 mēre, sed à subiecto hoc modo. Partes circuli sibi succedenter
 continuæ sunt: ergo motum circulem semper continuum ef-
 ficiunt: & motus ita continuus ratione subiecti facit à priori
 tempus perpetuo cōtinuū, sed à posteriori (inquit) cognoscimus,
 & proba

& probamus eundem motum esse cōtinuum, atque perpetuum per tempus perpetuo continuum, quia tempus non est aliud, Quam numerus motus secundum prius, & posterius, vt 4. lib. Phys. ostensum est,

CAPVT XI.

TEXTVS ARISTOTELIS.

Quoniam autem in his, qua continue mouentur secundum generationem, aut aliterationem, &c.

Breuis expositio textus.

Intentū Aristor. cap. presenti est probare, quod generationes, & corruptiones sunt perpetuæ, non secundū lineā rectā, sed reflexā, & circularem, ita vt ab eodem procedant, & in illud idem reuertantur, à quo iterū procedant, & in illudmet reuertantur sine vllō termino. Diuiditur autē caput in tres partes: in prima duobus propositis dubijs, duo ex solutione eorum præsupponit ad intentum probandū, quibus addit tertiū aliud præsuppositum. In 1. probat intentū, quod generationes, & corruptiones sint perpetuæ in circulo. Et tandē in 3. duo dubia proponit, & soluit. Cum probatū sit 8. lib. Phys. seriem, vel fluxum perpetuū generationum, & corruptionum esse necessarium, merito posset quis dubitare. Primo, an omnes istæ generationes perpetuo futuræ sint necessariae, vel aliquæ earum in particulari cōtingentes, ita vt possint esse, & non esse: nam si omnes in particulari sint necessariae, facile potest intelligi, seriem, vel fluxum omnium esse perpetuum, ac necessarium: si vero aliquæ earum in particulari, vel omnes sint contingentes, non videbitur seriem omnium esse necessariam, atq; perpetuam, sed fieri posse, vt terminū habeant, vltra quē non procedant. Respondet, præsupponendum esse ad probandū intentū, quod aliquæ generationes in particulari sint necessariae, ita vt non possint non fieri, & aliquæ contingentes, ita vt possint fieri, & possint non fieri. Probat duplici argu. & primum desumit ex communi vsu loquendi; nam ad loquendum de rebus futuris duplici vocabulo vtimus, dicimus enim hoc esse futurum aliquando, & tūc significamus esse contingens, ita vt possit non esse, aliquando vero dicimus, hoc erit, & tunc significamus determinate esse futurum, hoc est necessario futurum, vt dum dicimus, quod crastina circulatio solis erit: ergo in rebus futuris, quasdam esse contingentes existimamus, alias vero necessarias, & idem erit de

erit de generationibus earum. Secundò probat à priori, quia generatio rei ordinatur ad esse eius; sed dantur quædam res habentes esse necessariū, vt quod Sol sit in Cancro, vel quid simile, aliæ cōtingentes, vt cursus Petri: ergo dabūtur etiā in particulari generationes necessaria, atque etiam contingentes.

- 8 Aliud dubium est, quonam modo inueniatur necessitas in generatione rerum corruptibilium, videlicet, an sicut ex generatione posterioris sequitur necessitas generationis prioris, ita è conuerso ex generatione prioris sequatur necessitas generationis posterioris. Ex responder hac distinctione, si posterius sit in se necessarium, sequitur quidem ex generatione eius necessitas generationis prioris, vt si necessarium sit domum esse, vel fieri, necessario etiam sequitur poni, vel positum esse fundamentum: & ex positione fundamenti necessario sequitur positio luti, & lapidis. Atque etiam è conuerso ex positione fundamenti sequitur positio, vel cōstructio domus, diuersa tamen ratione, quia ex positione, vel cōstructione domus sequitur absoluta necessitate generatio, aut positio fundamenti: ex hac vero non sequitur necessario generatio domus absoluta necessitate, sed solum ex suppositione necessitatis, quam habet ex se, & hoc est secundū præsuppositū. Tertium est, duplicem progressum generationum, & corruptionum esse excogitabilem, rectum, & circularē: rectus est, cum omnia quæ generantur successiue vnum post alterum, sunt diuersæ speciei: vt cum ex terra sit aqua, ex aqua aër, & ex aëre ignis, & ita procedat generatio ad res semper specie diuersas tendens: progressus vero rectus est, cum non omnia, quæ generantur, differunt specie, sed sit regressus ad aliquam eiusdem speciei: vt dum ex terra madefacta fiunt vapores, & ex vaporibus pluuia, & per generationē pluuiæ iterum madefit terra, & rursus generantur ex ea vapores.

- 9 His præsuppositis in prima parte capituli probat intentum, in secunda, videlicet generationes nō esse necessario perpetuas per progressum rectum, sed per circularem, hoc arg. Si generationes essent necessario perpetuæ per progressum rectum, vel essent finitæ, vel infinitæ: non finitæ, quia nō possent esse perpetuæ. Probatur consequentia, quia finitum semper procedens absque repetitione tandem consumitur, nec etiam possent esse infinitæ, quia tunc nulla daretur vllo modo necessaria, hoc est nec in indiuiduo, nec in specie. Probatur consequentia, quia in his, quæ sibi inuicem succedunt, non potest generatio prioris esse necessaria, nisi præsupposita necessitate posterioris, sicut non potest esse necessaria positio fundamenti, nisi supposita cessitate absoluta domus; sed nec sequitur necessario posterius
ex virtute,

ex virtute, vel positione prioris, vt non sequitur generatio domus ex vi generationis fundamenti, nisi præsupponatur necessaria in se; sed in infinitis non datur prius, nec posterius, cum nec detur primum, & vltimum: ergo nec potest esse necessaria series generationum per progressum rectum infinitarum rerum. Restat igitur, vt sit necessario perpetua per circulum, ita vt ad idem saltem secundum speciem fiat regressus. Quod hoc 10 discursu probat. Existencia mundi est æterna: ergo corpora cælestia, atque elementa in ea dispositione, quam modo habent, æterna sunt: ergo ab æterno Sol extrahit vapores ex aqua, aut ex madefacta terra: ex vaporibus autem facta est nubes, & ex nube genita est aqua, & madefacta terra; & ex aqua iterum generantur vapores, & sic datur perpetua, atque infinita regressio, quia cum circularis sit, & ab eodem in idem procedat, semper potest esse perpetua simul, & necessaria. Et ratio necessitatis (ait D. Thom.) est, quia ea quæ generantur, ita se habent, vt prius sit tota materia posterioris, & è conuerso: quare supposita perpetuitate necessaria agentis, necessaria est perpetuitas generationis circularis. Quod alia etiam ratione probat Aristot. quia cum Sol per motum circularem sit causa perpetuitatis generationum, sicut circulare est agens, & circularis motus, ita effectus eorum, qui sunt generationes ipsæ, & res genitæ per modum circuli fieri, & procedere debent semper, ita vt ab eodem procedant, & in idem, saltem secundum speciem, reuertantur. Quam perpetuitatem circularem esse debere confirmat ex tempore, in quo fiunt, quod asserit esse perpetuum per repetitionem circularem dierum, mensium, & annorum.

Proponit tandem duo dubia, primum est, quare generatio 11 per circulum, in quibusdam locum habeat, ita vt vnum ex altero generetur, & ex eo aliud, quousque ad idem redeat progressus generationum, vt in vaporibus, nube, & pluuiæ: in aliis vero non habeat locum talis circulus generationum, vt in hominibus. Et respondet, quod in his, in quibus vnum non est tota materia alterius, generatio procedit in rectum, & non in circulum, & ideo perpetua non est, nec necessaria; sed in his solum habet vtrumque in quibus vnum est tota materia alterius, vt patet in exemplo aquæ, quæ est tota materia vaporis, & vapor tota materia nubis, & hæc tota materia eiusdem aquæ, pater tamen non est tota materia filij, nec filius tota materia nepotis, & ideo in his generationibus non habet locum regressus ad idem, etiam secundum speciem.

Secundum dubium est, an ita sit generatio perpetua, vt re- 11

gressus, vel circulus sit ab eodem in idem secundum numerum, & ita eadem res numero redeat, vel solum secundum speciem. Et respondet hac distinctione, in rebus perpetuis, vel incorruptibilibus, quæ non mutantur secundum substantiam, sed secundum aliqua accidentia; regressus sit ad eandem rem numero, ut patet in sole, qui eodem numero permanet in una, & alia circulatione. In rebus vero corruptibilibus, quæ mutantur etiam secundum substantiam, non sit regressus generationum ad eandem rem numero, sed specie, ut dum ab aqua procedit Sol generans ex ea vapores, & ex vaporibus nubem, atque ex nube aquam, non est eadem numero aqua tandem genita cum ea, à qua extracti fuere vapores, sed alia eadem vero secundum speciem.

TRACTATUS DE REPRODUCTIONE eiusdem rei secundum identitatem numericam.

- 13 **C**apite præsentis docuit Aristoteles seriem generationum, & corruptionum esse necessario perpetuam, non per progressum rectum, ita ut semper generentur res novæ, atque diversæ speciei; sed per progressum circulare, ita ut ad eandem rem secundum speciem fiat regressus in generationibus substantiarum, non tamen ad eandem numero. Circa hæc igitur tractatum nostrum instituimus de reproductione eiusdem rei secundum numerum.

QVÆSTIO I.

*An eadem numero res permanens semel corrupta
naturaliter reproduci possit.*

Circa hanc questionem fuit positio quædam antiquorum Casserentium, non solum easdem res numero redire posse, sed redituras esse omnes post completam circulationem octavæ spheræ coelestis (quæ circulatio iuxta probabilioris opinionem Astrologorum durabit per 49000. annos.) Non solum secundum substantiam, sed secundum omnia accidentia numero, quæ prius habuerunt. Hæc solet tribui Platoni, & eam tribuis

tribuit Democrito, Plinius, lib. 2. historiae naturalis capit. 7. tribuitur etiam Origeni 1. lib. Periarchon. qui eam probat ex cap. 1. Ecclesiastes, ubi sic dicitur: *Quid est, quod fuit? Ipsum quod futurum est: quid est quod factum fuit? ipsum quod faciendum est: nihil sui sole nouum: nec valet quisquam dicere, ecce hoc recens est, iam enim præcessit in sæculis, quæ sunt ante nos, &c.* Ab antiquioribus vero probatur eo supposito, quod post completam circulationem octauæ spheræ redituri sunt cæteri omnes orbes cælestes ad idemmet punctum, à quo moueri cœperunt. Ex quo ita arguunt, incipientes moueri ab eodem puncto, eundem numero motum repetent, quem prius fecerunt: ergo eisdem numero effectus producent. Probatur consequentia, quia redeuntibus eisdem numero causis, & eodem prorsus modo operantibus, necesse est redire eisdem numero effectus, iuxta vulgatum illud ab omnibus Philosophis receptum. *Idem in quantum idem, & eodem modo se habens semper facit idem.*

Hæc tamen sententia falso imprimis fundamento innititur, 14 & licet verum esset, sufficienter ex eo colligit intentum. Probo primum, quia licet verum esse concedatur, quod octaua sphaera post completam illam prolixissimam circulationem ad idem punctum à quo moueri cœpit, reditura sit, falsum tamen est, quod reliqui orbes cælestes ad idem etiam redirent punctum, à quo moueri cœperunt, vt certissimis obseruationibus, & computationibus probant Astrologi contra Platonem. Probatur secundum, quia etiam si ad idem punctum redirent vniuersi orbes, non bene ex eo colligitur, quod eisdem numero motus repeterent, ac fecerunt à principio; & consequenter, quod neque eisdem numero effectus producerent, quia licet corpus, quod mouetur per hoc spatium, ad idem punctum redeat, à quo moueri cœpit, & ab eodem etiam iterum moueri incipiat, non efficiet eundem numero motum, sed numero diuersum, quia identitas numerica motus non ex solo eodem puncto accipitur, sed ex tempore eodem, atque ex aliis, vt 5. lib. Physicor. ostenditur: ergo nec sequitur orbes cælestes ad idem punctum redeuntẽs eisdem numero motus, atque effectus efficere. Contra fidem etiam Catholicam est eadem positio.

Nam primo tollit omnes actus liberos, nam si redituri sunt 15 ijdem numero effectus: ergo necesse erit ad eisdem virosos actus reddere omnes in posteriori sæculo, quos habuerunt in priori, atque etiam ad eisdem actus bonos, vel indifferentes, nec posse statim mutare, quem habuerunt in sæculo priori, ita

vt qui in eo duxit uxorem, in hoc permaneat in celibatu, quod patet esse absurdum. Secundo tollit statum beatitudinis, in quo consistit summa felicitas hominum, de ratione enim beatitudinis est perpetuitas. Sed secundum eandem sententiam necesse foret, vt omnes, qui in priori seculo fuerunt beati, redirent in posteriori ad eundem statum viatorum, quem habuerunt etiam in eo: ex quo necessario sequitur, quod delinerent esse beati, aduersus illud Pauli, primæ ad Thessalonicen. 4. Et sic semper cum Domino erimus.

- 16 Ad testimonium vero Scripturæ, quod pro eadem sententia affertur, respondet Diuus Agult. lib. 12. de ciuitate Dei capit. 13. sententium eius esse, quod nihil sit nouum sub Sole, quod non præcesserit, vel idem numero, si à prima sua conditione inuariatum permanlit, vel idem saltem genere, aut specie.

Secunda sententia asserit naturaliter posse eundem numero effectum reproduci, si eadem materia numero iterum approximetur eidem agenti, vt si eadem materia seminis subijciatur actioni eiusdem agentis naturalis, poterit idem homo numero reproduci. Ita Scotus in 4. d. 43. q. 3. & videtur consentire Richard. q. 1. ad 6. immo & D. Tho. art. 1. quæstioncula 3. eiusdem distinctionis, quam probabilem reputauit Tolet. q. vltima huius lib. concl. 1. Probatur primo, quia idem numero agens, & passum eum eadem numero virtute actiua & passiua, à quibus productus fuit hic numero calor, iterum coniungi possunt: ergo eundem numero effectum producere. Antecedens euidentius est in hoc igne calefaciente hanc aquam. Consequentia vero probatur, quia calor productus in aqua secundum suam entitatem procedit à calore existente in igne: sed aqua est eadem numero, eadem etiam potentia passiuia eius, ignis etiam est idem numero, atque eius calor: ergo erit etiam idem numero calor productus in aqua, quia à quo res habet suam entitatem, habet etiam suam vnitatem numericam. Et si dicatur, non esse idem tempus vtriusque calefactionis, & ideo non esse eandem numero, sed diuersam, & consequenter diuersum numero esse

- 17 calorem productum. Contra hoc est primo, quia calor, & quicumque alius effectus non pendet à tempore in sua indiuiduatione, cum tempus sit ei extrinsecum: ergo diuersitas temporis non est sufficiens, vt dicatur numero diuersus. Secundo, idem ignis potest conseruari diuersis temporibus eundem numero calorem à se productum: ergo poterit producere eundem numero calorem diuersis temporibus, quia si idem numero effectus non dependet in conseruari ab eodem tempore, nec dependebit in esse, & fieri. Antecedens vero constabit, si postquam

quam ignis calefecit aquam, remouetur ab ea, & approxime-
tur eidem aquæ aliud calidum, à quo tantisper conseruetur
idem calor productus ab igne, postmodum vero remoto illo
calido conseruante, accedat idem numero ignis, à quo calor
ille fuit productus, & cum conseruet.

Tertia opinio negat omnino, quod aliquis effectus iam cor-
ruptus possit per virtutem naturalium causarum idem numero
reproduci. Hæc est expressa sententia Aristotelis cap. præsentis,
& Sch. 4. lib. contr. gent. c. 80. vbi & Ferra atque etiam Schola-
sticorum ferè omnium in 4. d. 43. & 44. vbi Capreol. Palud. So-
tus, & reliqui omnes, præter citatos pro secunda sententia, Pa-
ter Suarius 3. p. disp. 44. sect. 6. Conimb. q. 1. huius capituli, art. 3.
Tolerus q. ult. & est iam communis in schola, & vera. Sed diffi-
cile est rationem inuenire, per quam efficaciter probari possit,
ideo in modo eam probandi non omnes sequuntur eandem
viam. Sed quidam rationem eius esse dicunt, quia causa secun- 18
da ex se est indifferens ad producendum hunc, vel illum nume-
ro effectum, determinari vero ad hunc, & non ad alium produ-
cendum à prima causa, à qua determinatur ad producendum di-
uersos effectus, & non eundem diuersis temporibus, & propte-
rea non potest eundem numero effectum reproducere. Hic ta-
men modus probandi insufficiens est, quod sic probò. Vel ratio
indiuidualis effectus postulat hoc determinato tempore pro-
duci, vel non, si postulare dicatur, iam reducitur identitas nu-
merica effectus ad identitatem numericam temporis, in quo
producitur, potius quàm ad Deum determinantem. Si vero
idem numero effectus non postulat produci hoc determinato
tempore, potius quàm alio, non erit maior ratio ex parte eius,
ob quam determinetur secunda causa à prima, potius ad hunc,
quàm ad alium effectum, & ideo ita poterit ad eundem nume-
ro producendum determinari, ac potest determinari ad alterum,
quare sicut potest naturaliter alterum producere, ita poterit
producere naturaliter eundem numero. Præterea in actionibus
liberis hoc non potest esse verum, quod à Deo determinetur
agens ad hunc actum malum, cum Deus non determinet volun-
tatem ad peccandum. Propterea probant alij eandem senten-
tiam, quia idem numero effectus semel productus ab agente
non manet amplius in potentia actiua eius, quare non potest
illum reproducere. Et ratio hæc satis efficax esset, nisi falsum 19
supponeret, quia apertè falsum est, quod effectus semel produ-
ctus ab aliquo agente, etiamsi corruptus iam sit, non amplius
maneat in potentia actiua eius. Quod sic probò, potentia actiua
agentis, vel est forma substantialis eius, vel accidens superaddi-

tum, sed evidens est entitatem vtriusque non minus integram permanere, postquam produxit hunc effectum, quam ante productionem eius, neque aliquid esse ei detractum: ergo virtutem habet ex parte sua iterum producendi illum, non minus, quam habebat prius, quam cum produceret. Secundo, quia si idem effectus semel productus non manet in potentia actiua agentis naturalis: ergo effectus qui producitur à Deo, & semel corrumpitur, non permanebit in potentia eius, & ideo nec de potentia absoluta cum poterit reproducere, quod patet esse falsum. Probat-ur tandem, quia eadem numero forma semel educta de potentia materiæ, & iam extincta, permanet in potentia passiva eiusdem materiæ: ergo etiam in potentia actiua agentis. Evidens est consequentia propter necessariam correspondentiam potentiæ passivæ cum actiua. Sed probatur antecedens, quia potentia passiva materiæ non est aliud, quam entitas eiusdem materiæ: sed evidens est de entitate materiæ integram manere post educationem alicuius formæ ex illa: ergo continet eandem formam iam extinctam, sicut continebat prius, quam educeretur.

- 10 Propterea probant alij, quod non possit agens naturale reproducere eundem numero effectum ex propria eius natura, à qua determinatur ad producendum effectus certo quodam ordine, ita ut primo loco hunc, & non alterum, & secundo loco alterum determinatum; & sic cæteros. Vnde sequitur, quod non possit semel productum, atque corruptum, iterum producere, quia post productionem primi necessario debet succedere secundus, & sic cæteri in suo ordine, quare non potest habere locum reproductio alicuius. Hic tamen modus probandi, non solum inefficax est, sed fundamento rationis caret. Probat, quia virtus agentis semper est eadem: ergo ex parte sua semper potest, quid quid poterat prius; sed prius poterat producere hunc numero effectum: ergo etiam potest illum ex parte sua reproducere, postquam extinctus est; falsum igitur est, quod producto primo, non possit, nisi secundum producere. Secundo, quia sine fundamento supponit subordinationem effectuum omnium eiusdem speciei in ordine ad productionem. Probat, quia nullus dependet ab alio, cum sint numero diversi, nec vnus sit pars alterius, vel aliquid eius, sicut ergo evidens est nullam habere dependentiam in esse, ita neque in fieri.

- 11 Quare alij ex recentioribus asserunt, agens ex propria virtute actiua indifferens esse ad producendum plures numero effectus, per plures actiones, indifferens etiam esse passivum, ut ex potentia eius educantur. Determinatur autem à Deo, tamquam à primo agente ad hanc numero actionem, & hunc numero effectum

ctum producendum, potius, quàm alterum, non quidem per puram, vel solam eius libertatem, sed quia natura ipsa causæ quodammodo exigit talem determinationem, in quantum ex se inclinatur ad operandum tali modo, & ordine, vt nunc postulet talem actionem, & concursum, postea vero alium: iuuant etiam cœlestes influentiæ, quæ diuersæ sunt pro diuersis effectibus. Et tandem iuuat bonū commune totius vniuersi, ad quod pertinet, vt plures ac distincti effectus producantur semper, & non repetantur iam producti, atq; extincti; nam ex hoc plures habebunt indiuidua species, in quibus conseruentur, & mundus longe maiorem decorem, & ornatum. Propter hæc igitur omnia exigit ordo rerum naturalium, vt Deus determinet causas secundas ad diuersas numero actiones, & effectus producendos, & nunquam ad eandem numero actionem repetendā, vel eundem numero effectum producendum, & quia illa cēsentur fieri à Deo naturaliter, quæ fiunt ab eo secundum exigentiā, ac dispositionem rerum naturalium; & quæ fiunt præter hanc exigentiā, ac dispositionem dicuntur fieri ab ipso supernaturaliter, ideo verum est, quod secundum ordinem naturalem, ac potentiam Dei naturalem, vel ordinariam, idē numero iam corruptum non possit reproduci. Hæc tamen sententia insufficiens censenda est, quia 12 per hæc omnia non reddit sufficientē rationem, propter quam numquam possit per virtutem naturalem redire, vel reproduci idem numero semel corruptum. Probatur hoc discursu discurrente per singula: imprimis falsum est, quod causa particularis secundum se sit inclinata ad hanc numero actionem, & hunc numero effectum producendum potius, quàm aliud, quod sic probo. Ignis secundum se omnino indifferens est, vt applicetur ad operandum circa hoc subiectum potius quàm circa illud, ad operandum hoc tempore potius quam alio, ad operandum cum hoc concursu vniuersaliū causarū, atque ipsius Dei potius quam cum alio, & sic de cæteris circumstantiis, à quibus determinari possit; ergo secundum se non est vlio modo determinatus, immò neque inclinatus ad hanc numero actionem, vel effectum potius quàm ad alterum, sed sicut æquē primò continet omnes, ita ex se est æquē indifferens ad omnes, & singulos producendos, ad omnesque, & singulas actiones, per quas producendi sunt, quare nec ex se exigit hunc, eoncursum potius, quàm alterum, immò nec hoc tempore potius, quam altero operari. Vnde sequitur, nec secundum se exigere productionem noui, atque distincti effectus, potius quam eiusdem iam extincti, sed æquē indifferens est ad eandē numero actionē, & effectū producendum, sicut ad distinctam actionem, & effectū, cum eodem prorsus modo vtrumque

contineat, vt probauimus. Et tandem, quantum ad bonum vniuersi, & ornatum eius pertinet, duo existimo esse certa, primum, quod postulet productionem distinctorum effectuum. Secundo, quod id non postulet semper. Probatur vtrumque ex conseruatione specierum, & ornatu, ac decore eiusdem vniuersitatis si eadem semper indiuidua repeterentur, non possent conseruari species, & mundus ornatu illo, & decore priuaretur, quæ ex mul-

- 23 titudine indiuiduorum consequitur. Quod vero non semper exigat talem distinctionem, his exemplis probatur: nam, quod candela hæc eadem numero illuminatione, & lumine producta illuminet eundem numero aërem huius cubiculi, hac hora, & sequenti, vel numero diuersis ad eundem fines, impertinens est. Quod calefacta aqua ab igne, & extincto modum calore in ea producta, diuersa numero calefactione, & diuerso numero calore iterum post horam calefiat, vel eadem numero calefactione, & calore, nec dici, nec excogitari potest, quod propter conseruationem speciei caloris, vel luminis, vel propter bonum totius vniuersi, aut ornatum eius exigatur: quid enim boni, quid ornatus, quid conseruationis speciei alicuius prouenire potest ex distinctione numerica talis actionis, & effectus, potius quam ex numerica identitate vtriusque? nihil profecto. Constat igitur ex toto hoc discursu, quod licet aliquando, vel in aliquibus exigat ordo rerum naturalium, aut conseruatio specierum, vel bonum, atque ornatu eiusdem vniuersi distinctionem numericam actionum, & effectuum, non tamen semper, sed aliquando non magis ad eundem fines conducit distinctio, quam identitas: ex quo efficaciter colligitur, quod in his casibus reducenda sit determinatio causarum ad solam, & liberam Dei voluntatem, ita vt non magis natura rerum exigat, quod ad distinctas actiones, & effectus determinentur ab ea, quam ad easdem numero actiones, & effectus extinctos repetendos per reproductionem; sed id, quod non exigat natura, ac dispositio rerum, non dicitur determinari à Deo secundum ordinem naturalem: ergo non probatur necessarium, quod semper producantur distincti numero effectus, & consequenter nec redditur sufficiens ratio, ob quam non possint naturaliter produci sæpè idem numero, sicut producantur diuersi propter determinationem causarum à diuina voluntate.

- 24 Nostra igitur sententia asserit, hac sola ratione posse efficaciter probari, quod idem numero effectus non possit reproduci virtute naturali, quia vt idem numero effectus iam corruptus reproducatur virtute causæ naturalis, necesse est eandem numero actionem redire; sed hoc repugnat; ergo etiam illud. Maiorem probo,

probo, quia actio est medium, per quod effectus procedit à causa, & ab ea dependet, vel est dependentia ipsa; ergo repugnat, quod idem numero effectus redeat, nisi redeunte eadem numero dependentia reali, eademque numero actione, alioqui posset idem numero effectus naturaliter dependere à causa diuersis numero dependentiis totalibus, & adæquatis, diuersisque numero totalibus, & adæquatis actionibus, quod est absurdum. Minor vero, quod non possit redire eadem numero actio, probatur ex 5. lib. Phys. ubi docet Aristoteles, tria requiri ad unitatem numericam actionis, vel motus, nempe unitatem numericam subiecti, termini, & temporis, ita ut quomocunque horum variato, non sit eadem numero actio, sed diuersa: constat autem non posse redire naturaliter idem tempus iam transactum; ergo nec potest redire eadem numero actio, neque idem numero effectus.

Ad primum argumentum oppositæ opinionis concessio antecedente, neganda est consequentia, quod ignis producat in aqua eundem numero calorem, quia non potest iterum agere in eandem numero aquam; per eandem numero actionem; sed necessariò per diuersam propter diuersum tempus; & ideo necesse est diuersum numero calorem producere, non enim potest naturaliter recipere hanc numero entitatem effectus ab hac entitate numerica causæ, nisi media hac numero dependentia, & actione, per quam ab ea producitur, atque dependet. Argumenta verò, quibus probatur effectum non dependere à tempore in sua identitate numerica, vel indiuiduatione, hac distinctione soluantur. Dupliciter potest sumi effectus, vel secundum propriam entitatem permanentem, quam iam habet extra causas, & hoc modo iam non dependet à tempore, neque à tali numero actione, per quam productus est extra causas, sed à propria entitate indiuiduatur. Posteriori modo sumitur, prout fit à sua causa, & hoc modo à tali numero actione dependet, quod hic numero, & non alius exeat, vel egrediatur ab eadem causa, nisi enim per hanc numero actionem exiret ab hac causa, talémque virtutem eius participaret, non haberet hanc numero entitatem in facto esse, à qua indiuiduaretur simpliciter. Dependet igitur identitas numerica eius quantum ad fieri à tali tempore, quia ab eo dependet identitas numerica actionis, per quam eum producit. Cuius ratio à priori est, quia licet tempus sit extrinsecum, dependentia agentis corporei ab illo in suis motibus, & actionibus intrinseca est, saltem modo naturali, & ideo ex tali dependentia ab aliquo extrinseco desumi potest indiuiduatio actionis eius, atque effectus, pro.

ut exiit ab illo, sicut etiam sumitur à subiecto agente, & termino sibi extrinsecis. Hac igitur distinctione applicata eisdem argumentis, ad primum negandum est, quod identitas numerica effectus quantum ad fieri non dependeat prædicto modo à tempore. Ad secundum, concessio antecedente, neganda est consequentia, quia diuersa est ratio de productione, & conseruatione, nā hæc præsupponit rem iam existentem, & indiuiduam, & ideo non dependentem in sua identitate numerica ab hac, vel illa actione, per quam conseruatur, & propterea potest per eandem actionem, vel diuersam conseruari ab eodē, vel diuersis agentibus, eodem, vel diuersis temporibus: de productione vero constat ex sententia omnium non posse naturaliter eandem rem numero produci à diuersis agentibus totalibus, nec per diuersas numero actiones totales. Vnde non sequitur ex conseruatione eiusdem effectus ab eadem causa diuersis temporibus, vel etiam à causis diuersis, quod possit produci, & reproduci ab eadem, vel diuersis per virtutem naturalem.

- 26 Et si quis nobis obiiciat illud, quod docuimus in 1. lib. cap. 4. tract. de alteratione, nempe omnes gradus intensiōis eiusdem qualitatis esse eiūsdē prorsus rationis, & ideo non magis vnum, quam alterum expelli per alterationem contrariam, sed determinari à Deo expulsionem huius gradus potius, quam alterius, sicut determinatur productio talis gradus qualitaris oppositæ, à quo expelli debet, & vniuersaliter agentia omnia ad tales actiones, & effectus producendos. Respondeo solutionem illam assignatam fuisse à nobis iuxta sententiam eorum, qui determinationem causarum particularium in suis actionibus, & effectibus producendis reducunt ad primum agēs; ab eis enim procedebat arg. & ideo soluendum fuit iuxta eorundem opinionem, quam licet nunc reiiciamus, adhuc tamen solutio illa in suo robore permanet; nam licet verum sit, quod nunc asserimus, videlicet agens particulare, atque etiam primum, ut cum eo concurrens determinari ad hanc numero actionem, & hunc numero effectum ab hoc tempore, in quo operantur, nihilominus eadē numero actio hoc tempore elicita, & hic numero gradus formæ per eam productus adhuc sunt indifferentes ad expulsionem huius, vel alterius gradus formæ oppositæ: quia supposito, quod omnes sunt eiūsdem prorsus rationis, non est maior ratio, ob quā vnus, quàm alter expellatur ab hoc gradu formæ oppositæ, & per hanc numero actionem, vel motum, sed gradus iste productus, & hæc numero actio, per quā producitur, tãquā effectus primarius, determinatur ad expulsionem huius gradus oppositæ formæ potius quam alterius tamquā ad effectum secundariū à Deo tamquam à primo

à primo agente, propter vniuersalem regulam, quod ad primum agens pertinet determinare secundum, quando nec à se, nec ab aliquo alio determinari potest, & quia ad secundariū hunc effectum, qui est expulsio talis gradus, neque ab actione tati, neque à tali tempore, vel tali parte subiecti, circa quā operatur determinari potest, sed hæc omnia adhuc indifferentia manēt ad expulsionem huius, vel illius gradus, ideo necesse est determinari à primo agente, quamuis ad talem actionē, & talem effectum primum à tali tempore determinentur cæteris præsuppositis.

QVÆSTIO II.

An possit naturaliter reproduci, vel resurgere idem homo iam mortuus.

Affirmatiua pars probari potest primo, quia post mortem 27 hominis permanet eadem numero materia cum eadem inclinatione, & appetitu naturali ad recipiendam eandem animam permanentē quoque cum eodem appetitu naturali informandi eā; ergo necesse est dari in rerum natura virtutē actiuam naturalem alicuius causæ efficientis secundæ, vel saltem primæ, per quam possit reuniri eidem materiæ, quia cuiusq; potentiæ passiue naturali debet correspondere naturalis actiua, à qua possit reduci in actū, & si in casu isto non datur, permanebit anima separata à corpore, & priuata appetitu informandi in statu violento, & perpetuo quidē, cū sit ipsa incorruptibilis, & ita aliquid violentum erit perpetuum. Secundo, quia quælibet res naturalis potest naturaliter cōsequi proprium finem naturalem; ergo per aliquod medium naturale, quia media debēt esse proportionata fini, sed non potest homo mortuus consequi proprium finē naturalem, nisi per solum medium resurgendi in eadem identitate numerica; ergo resurrectio naturaliter est possibilis; & ideo reproductio eiusdem rei. Probatum minor, quia finis naturalis hominis, quē naturaliter appetit, est beatitudo saltem naturalis in eo posita, quod habeat omne bonū sue naturæ proportionatum, & careat omni malo eidē naturæ contrario; sed hanc beatitudinem non potest consequi naturaliter in hac vita præsentī innumeris plena miseriis; ergo naturaliter debetur ei altera, in qua eā consequatur; quā constat habere non posse iam mortuū, nisi per reunionem animæ ad corpus, ex qua resultabit idē numero homo, quare reproductio eius naturaliter erit possibilis. Quod vidētur sentire plures ex sanctis patribus vniuersaliter asserentibus resurrectionem corporū debitam esse naturæ hominum.

Commi

18 Communis tamen sententia Scholæ à nobis tenenda asserit resurrectionem hominis, vel reproductionem eius in eadem numerica identitate non esse possibilem per virtutem naturalium causarum, etiam Dei, ut causæ primæ naturalis. Ita sentiunt Scholastici omnes in 4. d. 43. & 44. D. Tho. Ricard. Durand. Palud. Sorus, & alij, Henric quodlib. 7. q. 16. Ægid. theore. 1. & probari posset testimoniis sacrarum litterarum, & sanctorum Patrum, nisi Philosophicum institutum excederet. Id tamē egregiè præstitit P. Suarius 3. p. disp. 44. sect. 6. probatur vero tribus argum. ex tribus etiam capitibus desumptis. Primum ex parte materiæ hoc modo, vnitas numerica compositi Physici sumitur ex hac materia, & ex hac forma; sed repugnat naturaliter mortuo homine iterum informari materiam eius ab anima propria; ergo repugnabit naturaliter hunc hominem reproduci. Probatur minor, quia vt eadem numero materia iterum informetur ab eadē anima, necesse est ita coniungi partes eius, & ita applicari simul agenti naturali, vt possit denuo organizari, & omnino disponi pro introductione eiusdem animæ, sicut fuit organizata, ac disposita in prima generatione hominis: sed talis coniunctio, & applicatio, talis organizatio, talisq; dispositio naturaliter est impossibilis; ergo & reproductio eiusdem hominis. Probo iterū minorem, quia materia hominis per continuas transmutationes naturaliter dissipatur, atque etiam diuiditur, & commiscetur aliis, & à diuersis formis informatur, & quod certissimum est, ad remotissimas dispositiones, & formas transit respectu earum, per quas disponi debet ad recipiendam eandem animam, ita vt non detur agens naturale potens eam ab his remotissimis dispositionibus, & formis reuocare, vt possit recipere proximas, vt consideranti mortem hominis, & statum corporis eius post eam in dies magis remotum ab ea dispositione quam habuit in prima generatione eiusdem hominis, satis erit per se manifestum.

19 Secundò probatur ex parte dispositionum, nam etiam si eadem numero materia posset applicari agenti naturali modo conuenienti, repugnat naturaliter, quod agens eandem numero dispositiones inducat in eam, repugnat etiam naturaliter, eandem animam iterum reuiri eidem materiæ, nisi eisdem numero dispositionibus organizatæ; ergo naturaliter repugnat talem reunionem fieri. Probatur minor, quia non possunt produci ab agente naturali eadem numero dispositiones, nisi per eandem numero actionem, sed non est possibile naturaliter redire eandem numero actionem: per quam disposita fuit materia in prima generatione hominis, quia identitas numerica actio-

nis

nis corporeæ, ac naturalis dependet à tali tempore determinato, quo variato non est eadem numero, sed alia; ergo nec possunt redire eadem numero dispositiones. Quod vero sit necessarium easdem redire, & non sufficiant aliæ numero diuersæ, manifestum est, quia naturalis est correspondentia inter generationem substantialem, & alterationem, ac dispositiones prærequisitas in materia pro introductione eius, ita vt sicut talis forma numero postulat talem numero generationem, per quam producat, vel vniatur materiæ, ita talis generatio tales numero præxigat dispositiones, sine quibus non possit naturaliter fieri, nec talis forma introduci. Ex his autem duabus rationibus colligitur tertia desumpta ex modo operandi Dei, vt agentis cum causis naturalibus, Deus vt auctor naturæ nihil in rebus operatur, nisi secundum exigentiam, & quasi debitum naturalium causarum; ita vt, quod præter hanc exigentiam efficit, supernaturale, aut miraculosum dicatur, sed reunitio animæ, & productio eiusdem hominis non est secundum exigentiam, & debitum alicuius causæ naturalis; ergo nec est factibilis à Deo naturaliter. Minor probanda est, discurrendo per quatuor genera causarum, non est enim debita materiæ, quia licet habeat potentiam vniuersalem & remotam ad recipiendam eandem animam, non tamè proximam, & determinatam, ad quam determinatur per tales dispositiones, quas probauimus naturaliter impossibiles, nec reunitio debita est formæ, nempe eidem animæ, quia licet naturalem habeat inclinationem ad informandam hanc materiam, non certè, nisi vt talibus dispositionibus præparatam. Causæ vero efficienti nulli debetur, quia sicut non potest easdem numero dispositiones efficere in materia, ita nec potest reunionem animæ attingere, quare nec eam dicitur exigere naturaliter. Nec tandem est debita causæ finali, quia sola felicitas, vel beatitudo naturalis potest esse debita naturæ hominis, quam in operando secundum perfectam virtutem posuit Aristoteles 1. lib. Æthi. c. 10. hæc enim sola finis naturalis eius est, & cum homo sit ex propria natura corruptibilis, non est ei debita adhuc ista beatitudo perpetua, sed pro tempore vitæ eius, vt docet expresse idem Aristoteles eodem cap. atque his verbis. *Inerit igitur id quod quaritur ipsi scilicet, & per totam vitam; semper enim, vel maxime omnium ea aget, & contemplabitur, quæ sunt secundum virtutem.* Animæ vero separata, quia perpetua est ex propria natura, debetur etiam beatitudo naturalis in actibus perfectæ virtutis consistens: perfectissima vero beatitudo, quæ in aggregatione bonorum omnium, & in carentia omnium malorum vniuersaliter loquendo posita est.

est, non est homini, aut animæ eius naturalis, nec naturaliter debita, sed ex gratia Dei supernaturali consequenda, ad quam necessaria erit reünio animæ, & resurrectio corporis per supernaturalem virtutem efficienda. Ex quibus intelligitur naturali fini hominis solum esse debitam imperfectam illam beatitudinem, secundum totum quidem hominem temporalem, & secundum animam, æternam, ad quam patet reünionem animæ non esse necessariam, sed solum ad beatitudinem perfectam, atque perpetuam, quæ supernaturalis est, & ideo neq; homini, nec animæ eius naturaliter debita, sed ex supernaturali gratia Dei, atque ex meritis proprijs adultis, paruulis vero ex meritis Christi tribuenda, & consequenter nec reünio ad eam habendam secundum integrum hominem necessaria, erit naturaliter debita, sed supernaturalis censenda.

- 32 Et ex toto hoc discursu facile soluantur duo argumenta in contrarium proposita, nam ad primum distinguendum est antecedens: quantum attinet ad potentiam naturalem materiæ pro recipienda iterum anima, nam de vniuersali, & remota verum est eam habere, sed hæc communis est, & æqualiter respicit omnes formas, & ideo non magis animam, quam habuit prius materia, quàm cæteras, & cum constet non posse naturaliter aliquam ex cæteris recipere, nisi præparata sit per tales dispositiones, ita debet esse certum de anima, sed non potest ab agente naturali præparari eisdem numero dispositionibus, quas habuit prius, & per quas dicitur habere proximam ac determinatam potentiam ad eandem animam potius, quàm ad alias: ergo nec poterit naturaliter eam iterum recipere, nec tenebitur Deus, ut author naturæ ad reünendam ei animam, sicut nostro modo loquendi teueri dicimus ad eam vniendam in instanti generationis, quia tunc est sufficienter disposita, habetque proximam, ac determinatam potentiam ad recipiendam hanc animam potius quàm alias formas, & ideo debita est ei naturaliter introductio eius.
- 33 Ad secundum de sine constat solutio ex vltima nostra ratione. Ex qua intelligitur, quod etiam si anima numquam reüniretur corpori, non diceretur habere statum violentum, quia violentum est à principio extrinseco passo non conferente vim, ut definiuit Aristoteles, constar vero animam habere naturalem potentiam ut sit separata à corpore, quia ex vna parte est perpetua, & ex altera est forma corruptibilis corporis, cui euidenter est vniti vnione non solum naturaliter dissolubili, sed naturaliter dissoluenda: ex cuius dissolutione sequitur animam habentem aliquando naturaliter statum separationis, & ideo non violentum. Quod vero naturaliter habeat

habeat appetitum informandi materiam, non probat, quod separata sit in statu violento, quia cum simul habeat potentiam ad statum separationis, videtur natura eius vtrumque statum complecti, ita vt quilibet per se sit quasi inadæquatus ei. Et hoc satis est, vt neque in vno, neque in altero patiatur violentiam, sed de hoc agemus ex professo Deo adiuuante in nostris commentarijs ad libros de anima. Quod vero aliqui ex sanctis patribus asserere videntur, reunionem animæ ad corpus, vel resurrectionem nostram debitam esse humanæ naturæ, de debito pro congruitate accipiendum est, non pro necessitate naturali.

QVÆSTIO III.

An per potentiam Dei absolutam eadem numero res permanens semel corrupta reproduci possit.

DE solis rebus permanentibus quærit titulus quæstionis, 34 quia de successiuis, quales sunt motus, & tempus, agendum erit quæstione sequenti; & non de potentia naturali, de qua egimus quæstione præcedenti, sed de absoluta Dei. Vnde idem est ac si inquiratur, an eandem rem permanentem iam corruptam reproduci in eadem numerica unitate, quam prius habuit, implicet contradictionem, vel non, sed factibile sit à Deo per absolutam potentiam.

Et imprimis præsupponenda est veritas Catholicæ fidei docens eosdem numero homines resurrecturos in fine mundi: & aliquando etiam eundem numero hominem ad vitam fuisse reuocatum, vt ex historijs sacræ pagine constat. Ex qua veritate refutatur error multorum existimantium impossibile omnino esse, quod eadem res numero semel corrupta reproducat. Quod imprimis videtur tenuisse Aristo. cap. præsentis negans in continua, atque perpetua generationum serie easdem res numero redire posse, quod vero ipse reputauit impossibile per virtutem causarum naturalium contradictionem implicare absque dubio intellexit, cum non cognouerit aliam potentiam præter naturalem. In eodem fuit errore Plinius lib. 2. historiæ naturalis c. 7. & lib. 7. c. 55. idemque fuit error Stoicorum, & Epicureorum, vt refertur Actorum 17. qui Paulum resurrectionem hominum prædicantem vocarunt nouorum demoniorum annuntiatorem. Idem tandem senserunt Saducæi ex Iudæorum natione, vt refertur Matthæi. 22. & Actorum 23. Hac

Hac igitur veritate fidei præsupposita, & refutatis ex ea erroribus, prima opinio Catholicorum tener, hominem quidem reproduci posse, sed præter ipsum nihil aliud, ita Duran. in 4.d. 43. q. 3. Marfi. q. vltima huius libri, Ioānes de Neapoli, quodlib. 31. q. 6. à qua non videtur dissentire D. Tho. in 4.d. 44. q. 1. art. 2. quæstiumcula 2. ad primum, & 3. Et 3. p. q. 77. art. 5. nam in primo loco asserit, ideo hominem semel mortuum posse eundem numero redire, quia permanet non solum materia eius, sed anima, cuius esse communicatur toti homini, & ideo per mortem (ait) non interrumpi esse hominis, sed semper durare, & propterea iterum produci posse per diuinā potentiā, non tamen res alias, quorum esse omnino periit ipsis pereuntibus, & cōsequenter interrumpitur: quare redire non potest villo modo. In secūdo vero loco negat vniuersaliter rem semel anihilatam à Deo, redire posse eandem numero.

Sed probat Duran. Primo, quia ea quæ non possunt produci per eandem numero actionem, sed necessario per diuersam, non sunt idem numero, sed diuersa: quia cum actio sit dependentia effectus à causa, necesse est diuersas actiones esse diuersas dependentias, per quas repugnat procedere eundem numero effectum, sed repugnat eandem numero actionem semel trāfactam redire, sicut repugnat redire idem tempus iam trāfactum, à quo identitas numerica eius dependet: ergo non minus repugnat redire eundem numero effectum.

- 35 Secundo, quia repugnat eandem rem bis esse, aut duplicem habere durationem, vel duplicem existentiam: nam iam non esset eadem, sed diuersa: sed hæc eadem sequuntur, si eadem res numero reproducatur: ergo impossibile censendum est. Minorem probat, quia priusquam corrumpere, fuit, & post corruptionem iterum producit, ergo iterū est, nam secunda productio non minus ordinatur ad esse, quàm prima. Fuit etiam heri, & erit die crastina, cum tamen hodie non sit, duo autem dies interrupti sunt duo tempora, cum sint discontinua: ergo habebit duplicem durationem; & hinc sequitur habere duplicem existentiam, quia duratio non est res distincta ab existentia rei, ut multi asserunt.

Tertio, si Deus ageret ex necessitate naturæ, sicut ignis agit, & non liberè, non foret potentia eius minus infinita, ac est modò, cum libertas nullam potentiam Deo conferat, sed infinitam præsupponat, sed Deo agente ex necessitate naturæ implicaret contradictionem eandem numero rem corruptam iterum produci: ergo eodem modo erit impossibile, etiam si liberè operetur. Minor probatur, quia agere ex necessitate naturæ

natura est agere ex determinatione ad vnum: ergo id quod hoc modo agit, vel vnum numero producit semper, vel numquam, sed semper diuersum, quare non poterit modo diuersa producere, modo eadem, quia hoc ex libertate dependet; sed in tali casu produceret sæpe diuersa numero, vt per se est manifestum: ergo numquam posset reproducere idem numero iam corruptum.

Secunda opinio affirmat non solum eundem numero hominem semel mortuum, sed quamlibet aliam rem permanentem semel extinctam posse eandem numero reproduci per potentiam Dei absolutam. Ita sentiunt omnes fere Scholastici in 4. d. 43. Scotus q. 1. D. Bona. q. 5. Capreol. q. 1. Palud. quest. 2. & 3, Sotus d. 44. quest. 1. & D. Thom. expresse, quodlib. 4. artic. 5. opus. 9. cap. 82. & 4. contra gent. cap. 81. & ibidem Ferra. Henri. quodlib. 7. q. 16. Agid. theorem. 1. P. Suarius 3. p. tom. 2. disput. 44. sect. 6. & ceteri omnes tam antiqui, quam recentiores, estque communis, & vera. Probatur primo, quia eandem rem numero iam extinctam iterum produci non repugnat ex parte diuinæ potentiae, nec ex parte eiusdem rei; sed neque ex parte eiusdem actionis, vel rempotis: ergo ex nullo capite repugnare potest, & ideo censendum est posse fieri. Antecedens probatur, quia postquam Deus aliquam rem creauit, & extincta est, eadem numero permanet in potentia diuina, quæ integra permansit, postquam rem produxit, non minus, quam erat ante productionem. Et hinc desumpserunt sancti patres præcipuum argum. ad probandam hanc communem sententiam, præsertim Aug. 22. lib. de ciuitate Dei cap. 20. & serm. 19. de verbis Apostol. vbi ita ait, *Si in nihilum rediremus, facere Deus poterat, vt essemus, sicut fecit: cum antea numquam fuissetus.* Atque etiam Greg. homil. 18. in Euang. his verbis. *Longe minus est Deo reparare, quod fecit, quam creasse, quod non fuit.* Quod vero non repugnet ex parte ipsius rei iterum producendæ, probatur, quia vel producenda est per creationem, vel per educationem de potentia materiæ: si primo modo, nullam potest habere repugnantiam ad essendum: postquam ad nihilum reducta est, magis quam habuit, priusquam crearetur, quia in se nihil est, & solum potest esse in potentia actiua Dei, ex parte cuius nulla potest esse repugnantia, vt iterum fiat. Si vero producenda est ex potentia materiæ, nec ex hac parte potest esse repugnantia, quia etiam est euident in potentia materiæ contineri, non minus postquam extincta est, quam continebatur prius quam produceretur, cum potentia materiæ non sit aliud, quam entitas eiusdem materiæ, quam constat non esse diminutam, ex eo, quod semel educta fuit eadem res ex

eius potentia. Sed tandem probō; quod non repugnet ex parte actionis, vel temporis, quia licet Deus agens per causas secundas à tempore dependentes, suam actionem (quæ non est alia ab actione creaturæ) tempori accommodet, per se autem agens non dependet in sua actione à tempore; quare poterit eandem rem extinctam iterum producere per eandem actionem, quæ eam primò produxit, quia propria eius actio non indiuiduatur à tempore, neque ab aliqua duratione, atque etiam (ut ego existimo) poterit id præstare per diuersam actionem, prout sibi placuerit, quia si non repugnat Deum simul applicare plures causas totales, & adequatas ad producendum eundem numero effectum, per plures numero actiones, & dependentias adequatas, ut 2. lib. *Physicor.* probauimus, multo melius poterit ipse pluribus actionibus eundem effectum, nunc, & postea producere, & reproducere; nec repugnabit, quod pluribus dependentiis ab eo dependeat.

- 39 *o* Secundò probatur argum. euidenti ad hominem contra primam opinionem, ex resurrectione hominis, per quam fide catholica consentitur patrioni eius eundem numero hominem reproduci. Ex quo sic arguo, siue resurrectio hominis sit eadem actio cum prima generatione eius, vel diuersa numero ab ea, sequitur non minus posse Deum reproducere quamlibet aliam rem. Probatur consequentia, quia si est eadem: ergo per eandem numero actionem potest Deus producere, & reproducere eandem rem; si vero sit actio diuersa, poterit per diuersas numero actiones eandem rem numero producere, ac reproducere. Discrimen vero illud inter reproductionem eiusdem hominis, & cuiuscumque alterius rei, nullius momenti est, quia licet esse rei, vel existentia eius interrupta fuerit per anihilationem, vel desitionem aliam, permanet tamen esse iam extinctum in potentia diuina, & hoc sufficit, ut reproduci possit per creationem, vel alio modo, quia diuina potentia ex nullo præsupposito potest idem esse reproducere: sicut primò illud produxit ex nullo præsupposito.

- 40 Ad primū Durandi concessa maiori, distinguenda est minor de identitate numerica actionis, nam actio est agentium dependentium à tempore, qualia sunt *Physica*, suam indiuiduationem accipiunt ab illis tribus, vel quatuor, nempe subiecto, termino, tempore, & agente, & actio etiam Dei cum his agentibus corporeis concurrentis (cum sit eadem cum actione eorum) ab eisdem indiuiduatur, & ideo non potest eadem redire transacto tempore, & de hac actione loquebatur Aristoteles, quia non cognouit aliam. Sed Deus agens per se sine his causis, nō dependet in sua

in sua actione à tempore nec ab eo indiuiduatur, sed ex sua propria entitate sine respectu ad tempus, quare bene potest eandem suam actionem repetere, & per eam producere eandem rem, & iam extinctam reproducere. Ad secundum neganda est maior, quod repugnet eandem rem bis esse, & habere plures durationes; nam ex hoc non sequitur, quod habeat plura esse, vel plures existentias, sed solum eandem diuersis temporibus repetitam, in quo nulla est implicatio contradictionis. Nam neque existentia, nec actio Dei, per quam primo producitur, & iam extincta reproducitur, indiuiduantur à tempore, & propterea nec repugnat vtrumq; habere distinctas durationes, quia istæ extrinsecæ prorsus eis sunt. Quod vero de distinctione durationis ab existentis rerum dicitur, non est verum de tempore, quod concedunt omnes distingui realiter ab existentia rei permanentis; vnde non sequitur ex duplici tempore duplex existentia. Dubium vero solum esse potest de distinctione propriæ durationis cuiuscumque rei ab existentia eiusdem, vt xui ab existentia Angeli, de qua probaui 4. lib. Physicor. distingui ex natura rei, deo non potest sumi argum. ad probandum plures existentias ex pluribus durationibus, quia non implicat contradictionem has multiplicari illis non multiplicatis, cum distinguantur ab eis realiter.

Ad tertiū neganda est maior, quod si Deus ageret ex necessitate naturæ, non esset virtus eius minus infinita, ac modo est liberè agens, nam repugnat Deum esse virtutis infinitæ simpliciter, & agere ex necessitate naturæ, quia ad virtutem infinitè perfectam pertinet posse agere perfectissimo modo, qui est cum libertate, & ideo non potest intelligi virtus infinita simpliciter agens ex necessitate naturæ: ad summum ergo potest intelligi, quod si Deus ageret ex necessitate naturæ haberet infinitam virtutem solum secundum quid, hoc est solum infinitam ad certum genus operandi ex determinatione ad vnum, per quam bene probat argum. quod non posset eandem rem numero reproducere. Non tamen probat, quod habens virtutem infinitam simpliciter, hoc est ad quemlibet modum agendi (vt re vera habet) non possit rem semel extinctam reproducere. Et quod tandem dicitur operationem liberam non conferre Deo potentiam, sed eam præsupponere, verum est, quia operatio libera Dei nihil reale addit supra substantiam eius, sed solum connotationem rei extra productæ; quod est esse fundamentum relationis rationis ad illam; posse tamen liberè operari virtutem realem, & intrinsecam dicit in Deo, ex qua habet substantia eius nostro modo intelligendi, quod sit virtus agendi simpliciter.

vel omni modo infinita, & ideo quod possit idem numero iam extinctum in quocumque genere, vel specie reproducere.

Et ad D. Thom. respondeo testimonium ex 3. p. bene posse intelligi de potentia Dei ordinaria, atque etiam duo priora, in quibus etiam si clarius negaret, quod possit Deus de potentia absoluta reproducere quamlibet rem, standum esset posterioribus testimoniis à nobis adductis duplici de causa. Prima quidem, quia ex professo de hac re disputans clarissimè explicat mentem propriam: cum tamen in aliis locis obiter tantum verba illa proferat. Secundo vero, quia testimonium ex summa contra gentes posterius est aliis, quæ ex quarto sentent. referuntur, & ideo ei standum esset.

APPENDIX DVBIVM.

An actio per quam Deus eandem rem numero iterum produceret, esset naturalis, & eiusdem speciei cum prima eius productione.

- 42 **N**ON intelligitur dub. de actione, per quam reproduceretur res in alio statu supernaturali, qualem habebit homo reproductus per generalem resurrectionem; nempe statum immortalitatis; nam de hac suo loco docent Theologi, quoniam modo sit supernaturalis actio, sed solum intelligitur de actione, per quam reproducitur in eodem statu, qualis fuit actio per quam Christus Dominus, & sancti eius mortuos ad vitam reuocarunt mortalem, hoc est iterum morituros. De qua duo quaerimus. Primum, an sit naturalis, vel supernaturalis. Secundo, an sit eiusdem, vel diuersæ speciei, eadem vel diuersa numero cum prima productione eiusdem rei.

Et circa primum videtur ex vna parte talem actionem esse supernaturalem, quod sic probo. Supernaturale vocamus illud, quod non potest per virtutem naturalem fieri; sed talis est reproductio eiusdem rei, vt quæstione præcedenti probauimus: ergo erit actio supernaturalis. Sed ex altera parte probatur esse naturalem hoc modo: naturalis dicitur actio, per quam producitur res naturalis; sed illud, quod reproducitur, habet esse Physicum, & naturale, eum sit compositum ex materia, & forma, si sit substantia corporea, vel naturalem habeat inhærentiam in subiecto, si sit accidens: ergo naturalis est actio, per quam reproducitur. Præterea, actio per quam reproducitur, est eadem numero cum prima productione eius; sed de prima productione constat

constat fuisse actionem naturalem: ergo reproductio naturalis actio esse debet, alioqui eadem numero actio esset naturalis, & supernaturalis, quod repugnat.

Respondendum tamen est dubio. proposito hac distinctio- 43
ne. Dupliciter potest considerari reproductio rei. Primò secundum entitatem, vel substantiam: secundò quantum ad modum quo fit, videlicet præter exigentiam, & ordinem naturalium causarum, atque extra tempus naturaliter requisitum: & his de causis non potest fieri virtute naturali, etiam diuina operante cum causis naturalibus, sed supernaturali. Priori ergo modo considerata naturalis est, vt probant argumenta pro ratione dubitandi posteriori proposita. Quibus hoc adiungi potest, quia productio rei, & conseruatio eius ab eodem agente sine interruptione eadem numero actio est: ergo si naturalis est vna secundum entitatem, erit etiam naturalis altera: sed actio, per quam Deus conseruabat hominem iam à se reproductum, erat naturalis, sicut entitas, atque existentia eiusdem hominis extra causas: ergo reproductio quoque naturalis erit secundum entitatem. Considerata vero reproductio quantum ad modum quo fit, supernaturalis vocanda est, & hoc probat argum. pro ratione dubitandi priori positum. Et si quaesieris, an simpliciter sit dicenda naturalis, vel supernaturalis. Respondeo naturalem esse vocandam simpliciter, quia modus ille extrinsecus est, & ideo denominatio ab eo. proueniens, etiam est extrinseca, quare non simpliciter, sed tantum secundum quid supernaturalem efficit actionem, entitas vero cum sit rei intrinseca, & naturalis, naturalem denominationem simpliciter ei tribuere debet.

Secundum quod utebat dubium est, an reproductio sit ea- 44
dem actio secundum speciem cum prima productione eiusdem rei, atque etiam, an sit eadem numero. Et quantum ad identitatem specificam videtur non esse eandem, sed specie distinctam, quia distinctio specifica actionis sumitur ab agente, vel forma eius, per quam agit, vt docet expresse D. Th. 12. q. 1. art. 3. Sed prima productio rei ex propria natura fit aliquando ab vno agente, vt si sit generatio ignis ab igne, reproductio vero ab alio specie distincto, nempe à Deo: ergo actiones istæ distinguuntur specie. Secundò quia licet fiant ab eodem agente, diuerso tamen modo iam explicato, cui addi potest, quod prima productio rei potest esseeductio formæ de potentia materiæ, vel subiecti, reproductio vero ex nihilo, vt per se est manifestum, sed distinctio specifica actionis non sumitur ab entitate eius, quæ videtur esse quasi materialis ratio, sed potius à modo, quo

- fit, qui est ratio formalis eiusdem: ergo semper, & necessario distinguetur specie reproductio à prima productione. Ex altera vero parte videtur non posse distingui specie, quia idem est terminus ad quem productionis, & reproductionis, non solum specie, sed numero, ut præsupponitur: ergo non possunt distingui
- 45 specie. Secundo, quia siue motus sumatur ut actio, siue ut passio, dicitur intrinsecum ordinem ad terminum per se à quo sumit speciem: ergo repugnat actiones distingui specie, nisi termini ad quos distinguantur specie, quod patet in productione, & reproductione eiusdem rei non reperiri, ut in generatione hominis, & resurrectione eius. Et ita tenendum est non differre specie productionem, & reproductionem eiusdem rei, sed solum accidentaliter. Quod efficaciter probant duo hæc posteriora argumenta, nam, quod eis posset responderi differre specie actiones ipsas, & terminos productos per modum diuersum, quo fiunt iam explicatum, non satisfacit, quia cum sit extrinsecus, & accidentalis, non potest distinguere eas specie.
- 46 Ad primum argum. pro alia parte positum distinguenda est maior, nam actio non respicit agens, vel formam eius secundum se sumptam, sed tamquam principium à quo procedit, & consequenter res, quæ agit, non respicit actionem, nisi tamquam principium quasi emittens eam à se, quod est eam respicere tamquam dependentiam termini à se, & de primo ad ultimum actio non respicit agens, nec agens actionem, nisi ut continet sua virtute terminum à se procedentem media eadem actione. Unde sequitur actionem sumere unitatem, & distinctionem specificam ab agente, vel forma eius, ut principio à quo procedit terminus, & proinde cum ordine intrinseco ad illam, & non alio modo. Et iste est germanus sensus verborum D. Thom. quod actio, ut actio sumat speciem ab actu agentis, ut principio termini, passio vero ab eodẽ termino, ut recepto in passo ab agente. Quem modum distinguendi actionem, & passionem inter sese, & à motu, copiose explicuimus in nostris Commentariis super 3. lib. Physic. & si eum applicemus ad materiam argum. propositi, constabit esse solutum, nam licet aliquando prima productio rei, & reproductio eiusdem procedat à diuersis agentibus, non certe, ut diuersa sunt, sed ut continent sua virtute eundem terminum ab utroque productum principiumque productionis eius sunt, & ideo per actiones eiusdem speciei, & solum diuersas secundum modum accidentalem, atque extrinsecum iam explicatum.
- 47 Ad secundũ arg. respondeo in casu illo produci accidens cum nouo modo essendi, simili modo essendi per se substantiæ; & ideo

ideo produci per actionem specie distinctam. Dum autem dicimus productionem, & reproductionem esse eiusdem speciei, intelligimus supposito, quod reproducatur res cum suo modo essendi naturali, quem habuit prius, & non cum alio modo supernaturali. De unitate vero numerica productionis, & reproductionis eiusdem rei, hac distinctione loquendum est, nam si utraque fiat à Deo per se immediate, erit eadem actio numero, quia licet fiat diuerso tempore, nihil refert, quia Deus per se immediate agens non dependet à tempore, neque ab eo indiuiduatur actio eius. Si vero fiat productio rei ab agente creato, & reproductio à solo Deo, non possunt esse eadem numero actio, sed diuersa, cuius ratio est manifesta, quia actio dependet per se immediate ab agente tamquam modus eius: ergo repugnat eandem actionem procedere à diuersis numero agentibus totalibus, & adæquatis, sicut repugnat eundem modum esse diuersarum rerum. Et unitas numerica actionis sumitur ab eodem numero agente, ut probauimus s. lib. Phys. ergo repugnat à diuersis numero agentibus procedere eandem numero actionem.

Q V Æ S T I O I I I I.

An res per se successiua semel extincta, possit eadem numero reproduci per potentiam Dei absolutam.

Specialem habet difficultatem reproductio eiusdem rei successiue propter specialem modum essendi eius non permanentem, sed continuo fluentem, ratione cuius videtur semel transacta non posse redire, ut postquam effluxit hic numero motus, vel hoc numero tempus, non videtur possibile, quod iterum fluat, vel reproducatur. Propterea conueniunt omnes non posse id naturaliter fieri, vel per potentiam Dei ordinariam. Solum ergo potuit esse questio, an contradictionem implicet, & ideo nec per potentiam Dei absolutam fieri possit. Et prima opinio tenet non implicare contradictionem, sed fieri posse à Deo. Ita Aureolus apud Capreolum in 4. d. 43. q. 1. art. 2. Mayronius d. 44. q. 3. Bernardus contra Henricum, quod lib. 7. q. 14. & q. vltima huius libri, & ex iunioribus non pauci. Probant primo, quia non implicat contradictionem, quod eadem actio instantanea redeat: ergo nec implicabit contradictionem, quod redeat eadem actio successiua, quæ est motus, atque eadem duratio eius, quæ est tempus. Consequentia videtur euidens, quia nulla

potest assignari differentia: quantum pertinet ad hoc inter actionem successivam, & instantaneam. Sed probatur antecedit, quia eandem illuminationem instantaneam potest Deus conservare per horam continuam: ergo potest eam in medietate horæ interrompere, & in fine horæ iterum eam producere. Probatur consequentia, quia non requiritur maior virtus ad conservandum, quam ad producendum, nec ad conservandum tempore interrupto, vel continuo: ergo qui potest unum, poterit alterum, & ita poterit producere, & reproducere eandem actionem in extremis partibus horæ, etiam si in medio tempore fuerit interrupta. Quod confirmari potest ex questione precedenti, ubi probavimus, Deum posse reproducere eundem numero effectum per eandem actionem, quam potest repetere; ergo non repugnabit, quod possit eandem numero actionem bis ponere in rerum natura. Secundò, motus accipit speciem à termino, sed potest Deus reproducere eundem numero terminum motus; ergo poterit reproducere eundem numero motum. Probatur minor, quia bene potest Deus reproducere idem numero corpus cum eadem numero præsentia locali, quam acquisivit per motum: ergo poterit producere eundem numero motum, per quem eam acquisivit.

- 49 Tertiò, quia si repugnaret reproduci eundem motum, ideo esset, quia non potest reproduci idem tempus, à quo sumit suam identitatem numericam; sed hoc non est necessarium: ergo reproduci poterit. Probatur minor, quia vel repugnat produci eundem numero motum, quia repugnat produci idem numero tempus verum, & reale: quod sequitur eundem motum, vel quia non potest correspondere diversus numero motus eidem tempori imaginario; sed utrumque horum est falsum: ergo nulla est propter hoc repugnantia. Probatur minor de tempore reali, & proprio, quia intrinseca individuatione huius motus non potest sumi ab hac eius duratione, quæ posterior saltem natura, vel ratione est eo, & ideo illum præsupponit individuum. Et multo minus potest individuari ab hoc tempore imaginario, quod prorsus extrinsecum est motui, & ex consequenti tempori reali, quare non potest dependere ab eo individuatione intrinseca horum. Et certe si ab illo dependeret, sequeretur etiam Angelum dependere in sua individuatione ab eo imaginario (quod etiam datur, sicut imaginarium tempus,) & ideo implicaret contradictionem, quod Deus reproducat eundem numero Angelum, cuius oppositum docuimus q. præcedenti. Probatur consequentia; quia non minus dependet existentia Angeli ab eius duratione reali, quæ est ævum, & hoc ab ævo imaginario, quam motus à propria duratione successiva reali, & hæc à tempore imaginario: ergo

ergo sicut non potest redire idem motus, nec eadem eius duratio, quia non potest redire idem tempus imaginarium, cui correspondet, pari ratione non poterit redire idem numero Angelus, neque idem numero æuum eius. Et tandem probant, quia argum. in oppositum solui possunt, quod sufficeret, ut Deo non denegaretur.

Secunda opinio putat contradictionem implicare, quod idem numero motus, & tempus reproducantur, & ideo non posse fieri etiam per potentiam Dei absolutam. Ita D. Tho. quodlib. 4. art. 5. Hentie. quodlib. 7. q. 16. Duran. in 4. d. 43. q. 3. Capreol. & Palud. ibidem q. 1. Ferra. 4. lib. contra gentes c. 81. & Sotus 4. lib. Phys. q. 4. concl. 3. & in 4. d. 44. q. 1. art. 1. & plures alij, & videtur nobis probabilior. Sed probari solet quibusdam argum. minoris momenti, quæ ideo facile solvuntur ab aduersariis. Primo quidem, quia ad præteritum non datur potentia: ergo impossibile est præteritum tempus redire. Cui bene respondent diuersa esse illa duo, & propterea qui concedit primum, non tenetur concedere postremum. Dari enim potentiam ad præteritum non est aliud, quam fieri posse, quod præteritum non fuerit, & hoc apertam contradictionem involuit, quare nullo modo fieri posse. Quod vero idem numero tempus reproducat, non est, quod desinat esse præteritum, sed quod cum vere fuerit præteritum, iterum redeat, hoc est iterum fiat præsens, atque præteritum, in quo nulla apparet repugnantia.

Secundò probant, quia si successuum potest reproduci, poterit etiam conservari; sed hoc repugnat cum intrinseca eius successione, quia si conservaretur, eo ipso permaneret, & fluere desineret; ergo etiam repugnat reproduci. Et confirmat Sotus, quia repugnat successuum non fluere, dum est; ergo repugnat iam transactum redire. Probat consequentiam, quia facilius videtur detinere illud, quod fuit, quam reproducere quod iam non est. Nam quod fuit iam supponitur esse. Sed respondent negando utramque consequentiam; quia conservari, vel detineri successuum pugnat cum ratione intrinseca successione, quare implicat contradictionem; sed in eo, quod postquam effluxit, iterum fluat, nulla videtur esse repugnantia. Et ita intelligitur non esse facilius detinere successuum, ne fluat, quam illud de nouo producere, postquam effluxit, & desinit esse, ut putauit Sotus.

Tertiò probant, quia si pars præterita temporis reproducat, sequeretur simul esse cum parte præsentem, aut futura eiusdem temporis, & consequenter duas partes temporis simul fluere, quod patet esse impossibile, quia partes eiusdem temporis di-

stinguuntur tamquam priores, & posteriores, vt ex definitione eius constat, quia dicitur esse: *Numerum motus secundum prius, & posterius*. Sed probatur consequentia, quia partem præteritam reproducere, non est aliud, quam efficere, vt iterum fluat, sed iterum fluere, est iterum fieri futuram; & præsentem: ergo simul fluentem cum futura, & præsentem. Cui facile respondent negando consequentiam, quia si reproducere pars præterita, suspendenda esset futura, ne fieret præsens, & loco eius poneretur reproductenda, & ita hæc sola fieret præsens immediatè post instans, quo terminabatur, & sola fluere, non cum alia.

- 52 Probant tandem, quia intrinsecum est tempori habere partes reales priores, & posteriores, nempe præteritum, & futurum: ergo intrinsecum est ei, quod ex præterito, & futuro copulatis instanti præsentem, atque efficientibus vnum numero tempus per continuationem componatur, sed nihil horum habebit tempus, si pars præterita reproducatur: ergo impossibile reputandum est. Probatur minor, quia si pars præterita reproducatur, fieri poterit immediatè futura post instans præsens, & ita eadem pars erit præterita, & futura, nec poterit futura coniungi cum præterita per instans præsens; quia idem non coniungitur realiter sibi ipsi, nec secum continuatur continuatione reali, quæ diuersitatem realem continuatorum dicit. Immo sequitur, quod breuissima pars temporis possit fluere semper; ita vt mille anni, immo & omnes computabiles in ea includantur, vel solum sint brevis illa pars semper repetita per reproductionem, quæ videntur impossibilia. Respondent tamen hæc omnia aliena esse à consuetudine temporis decurrentis, nec esse naturæ eius consentanea, sed non implicare contradictionem, quia satis in illa parte temporis reproducenda saluaretur distinctio realis præteriti, & futuri, & vnio realis, vel continuatio earum, non est tamen necessarium hanc distinctionem partium dari in tota extensione temporis, sed suppleri potest per reproductionem, & replicationem eiusdem partis.

- 53 Alii ergo efficacioribus arg. probanda est communis sententia, quam sequimur, & sit primum: indiuiduatio motus sumitur ex quatuor, vt docet Arist. 5. 7. & 8. lib. Phys. nempe ex subiecto, ex termino, ex tempore, & agente: ita vt quodlibet horum variato, varietur idem numero motus, & sit alius numero distinctus; sed ad reproductionem eiusdem motus, atque eiusdem temporis, quod est propria duratio eius, necesse est variari tempus imaginarium, per ordinem ad quod sumitur indiuiduatio motus: ergo implicat contradictionem, quod reproducatur idem numero. Euidens est consequentia, quia euidens est, variari eundem numero

numero motum variato eodem numero agente subiecto, vel termino, de quo nemo dubitat: ergo non est minus evidens variari variato tempore, quia ab omnibus simul sumitur vnitas numerica eius secundum Aristotelem, & omnes eius interpretes tam Græcos, quam Latinos. Sed respondent tempus esse extrinsecum motui, & ideo non esse tam necessariā dependentiam ab eo, quā à cæteris, quare bene potest Deus eundem numero motum reproducere in diuerso tempore imaginario. Sed contra hanc solutionem sic arguo: in toto ordine naturali rerum adeo reputatur necessaria dependentia motus à tempore imaginario, vt hoc variato necesse sit actionem, motum, atque effectum variari, quæ omnia fatentur etiā aduersarij; ergo motus secundum suam naturam intrinsecum ordinē dicit ad tempus, & hic motus ad hoc tempus imaginarium; gratis ergo & sine fundamento rationis asserunt talem dependentiā à tempore extrinsecam esse motui, potius quā dependentia ab aliis tribus. Quod autem tempus extrinsecum sit, nihil refert, nam etiam subiectum est extrinsecum cuiq; accidenti, & ex consequenti motui: quare hac ratione posset esse idem numero motus variato subiecto, quod tamen negant omnes, quia licet extrinsecū sit subiectum, intrinsecus est accidenti respectus dependentiæ ad ipsum; eodem ergo modo licet extrinsecum sit tempus imaginarium motui, intrinsecus tamen est eidem motui respectus dependentiæ ad ipsum, cuius ea est ratio satis efficax, quia agentia corporea intrinsecam habent dependentiam in suis operationibus à tempore, quare hoc variato necessario variantur.

Secundo probatur, quia sicut corpus per suam extensionem permanentem est præsens spatio imaginario loci, ita motus per suam extensionem successiuam durationis est præsens spatio imaginario durationis. Quod probatur euidenter, quia licet cælum quiesceret, & Deus suspenderet propriam durationem motus particularis corporis (quod certum est posse, supposito quod propria duratio motus distinguatur ex natura rei ab eo) nihilominus idem motus particularis haberet extensionem durationis extrinsecæ, atque imaginariæ; vnde sequitur implicare contradictionem dari motum, qui non sit præsens spatio durationis imaginariæ, sicut implicat dari corpus extrinsecum in loco, quod non sit præsens spatio imaginario loci; sed implicat contradictionem, quod idem corpus per eandem præsentiam simul sit præsens duobus spatiis imaginariis loci, vel per eandem præsentiam vtrumque repleat; ergo etiam implicabit contradictionem, quod idem motus per eandem numero durationem sit præsens diuersis spatiis durationis imaginariæ, vel quod vtrumque repleat;

repleat, sed repugnat, quod reproducatur idem motus, quin sit præsens duobus spatijs imaginarijs-durationis; ergo impossibile reputandum est, quod reproducatur. Minorem sic probo, hæc pars motus præterita per suam durationem est præsens huic parti spatij imaginariæ durationis, sicut hoc corpus per suam extensionem est præsens huic parti spatij imaginarij loci, si vero reproducatur hæc pars motus, necesse est fieri præsentem alteri parti eiusdem durationis imaginariæ, quia repugnat eidem parti esse præsentem, cum hæc pars durationis imaginariæ transeat non reditura; unde sequitur repugnare, quod eadem pars motus cum sua propria duratione reproducatur, alioqui eadem pars motus per hanc durationem esset præsens duabus partibus imaginariæ durationis, quod repugnat, sicut etiam repugnat, idem corpus per eandem præsentiam localem simul esse præsens diuersis partibus spatij imaginarij.

- 56 Huic etiam arg. conantur respondere recentiores quidam, assignato duplici discrimine, vno quidem inter tempus verum ex vna parte, & imaginarium ex altera. Alio vero inter spatium imaginarium loci ex vna parte, & spatium imaginarium temporis ex altera. Et differentia inter tempus verum, & imaginarium in hoc dicunt consistere, quod spatium imaginariū fluēs, quod vocatur tempus imaginarium, concipitur, vt omnino necessarium, & immutabile in suo fluxu, & ideo pars eius, quæ concipitur semel præterita, non potest concipi, vt iterum fluēs, vel iterum rediens. Et huius ratio est, quia spatium imaginarium concipitur, vt non causatum, & propterea concipi debet, vt habens fluxum, & ordinem suarum partium à se, & non ab alio, quod est esse necessarium, & immutabile, & hinc prouenit, quod pars semel præterita non potest concipi, vt iterum rediēs, tempus autem verum, & reale non habet à se ordinem, & successionem suarum partium, sed dependentem à sua causa efficiēte, à qua dependet in suo esse, & ideo neque omnino necessarium, & immutabilem, sed dependentem, & variabilem, quare non repugnat eandem partem iam transactam, iterum fluere.
- 57 Et hinc etiam fit, vt licet sit necessarium, atque intrinsecum tempori, & motui habere partes successiuas priores, & posteriores, non tamen est alicui earum intrinsecum esse priorem, vel posteriorem, sed variari potest ordo, ita vt quæ nunc prior transiit, postmodum sit futura, atque adeo posterior eadem. Ex hoc etiam discrimine intelligitur, quod pars temporis realis dupliciter potest sumi, primo, vt cōrespondet parti temporis imaginarij, & quasi spatiū durationis eius replet, & hoc modo considerata non potest semel transacta redire, vel reproduci, quia

quia cum pars illa tēporis imaginarij irrevocabiliter transeat, & iterum non possit redire, etiam pars veri temporis ei comparata irrevocabiliter transit, & redire non potest sub tali reduplicatione coexistentiæ. Secundo consideratur, secundum propriam entitatem, quo pacto accidentalis est ei, atque extrinseca comparatio illa cum parte temporis imaginarij, quia non convenit ei secundum se, sed in quantum sub ea concipitur ab intellectu nostro. Secundum discrimen inter spatium imaginatiū tēporis, & spatiū imaginariū loci in hoc dicūt esse posuū, quod spatium locale concipitur ut permanēs, & immutabile, & ideo corpus non dicitur fieri præsens diuersis partibus eius, nisi per sui mutationem, & consequenter per acquisitionem alicuius modi essendi sibi inhærentis. Spatium vero temporis imaginarij concipitur ut successiuū, & fluens, atque transiens. Et hinc fit, quod ut intelligatur idem motus, vel tempus coexistere illi, non est necessarium, ut distinctos modos reales, aut durationes in se habeat, sed solum, ut iterum, atque iterum fiat, acceditque illi, ut coexistat huic, vel illi parti eiusdem imaginariæ durationis. Deinde sicut duratio vera ut coexistens maiori, vel minori parti eiusdem imaginariæ durationis concipitur à nobis, ut maior, vel minor licet in se maior, vel minor non sit, ut patet de æuo, quod in quātum coexistit maiori, vel minori tempori, concipitur à nobis ut maior, vel minor duratio, licet in se formaliter non sit maior, vel minor, sed indiuisibilis; ita duratio eiusdem morus, quæ est tempus, si bis extendatur per reproductionem, vel extendi concipiatur, coexistere potest duabus partibus eiusdem temporis imaginarij, & tamquam maior concipi propter talem coexistentiam, etiā si in se non sit realiter maior, aut distincta secundū partes, sed eadem, æquiualens tamen duabus, aut tribus per repetitionem. Ex tota igitur hac doctrina (quam summatim collegi) respondent ad formam nostri argum. negando maiorem, quod sicut se habet præsencia localis corporis ad spatium imaginarium loci, ita se habeat duratio motus ad spatium imaginarium durationis, quod vocatur tempus imaginatum. Et ratio differentię est, quia corpus non fit præsens spatio imaginatio loci, nisi per aliquē modum sibi intinsecum, & ideo per sui mutationem, & propterea non potest per eandem præsenciam fieri præsens diuersis spatijs: motus vero, & tempus non coexistunt tempori imaginario, per aliquid sibi intinsecum, sed solum per comparisonem nostri intellectus ei accidentalem, & extrinsecam, quæ ideo variari potest, & ita non repugnat per locum ab intinseco, quod eadem pars repetita per reproductionem possit
correspon

correspondere diuersis partibus eius.

- 59 Hæc tamen doctrina, ex qua soluitur arg. apparentiam quidem veritatis habet, diligentius tamen considerata, tria, vel quatuor in ea inuenio difficilia, & quæ mihi videntur falsa, & solū excogitata ad eludēdū arg. Primū est, quod cōparatio motus per suā durationē realē cum spatio imaginario durationis, sit ei extrinseca, & non necessario, neq; per aliquid intrinsecum ei cōueniens, sicut cōparatio corporiscū spatio imaginario loci conuenit ei per aliqūe modum sibi intrinsecū. Quod vero hoc sit falsum, probō, quia corpus per suā entitatē, vel extensionem permanentem tāquam per fundamentum sufficiens intelligitur præsens spatio imaginario loci, & per præsentia formalem intelligitur præsens formaliter; ergo motus per suā entitatē successiuam, vt successiua realis est, tāquam per fundamentum sufficiens intelligitur præsens spatio imaginario durationis, & per suā durationem formalem, & ab intrinseco successiuā intelligitur præsens formaliter. Probatur consequentia, quia quemadmodum extensioni permanenti corporis debetur præsentia permanens in spatio imaginario loci, ita vt contradictionem implicet esse sine illa, ita etiā entitati, atq; extensioni successiuæ debetur præsentia in spatio durationis imaginariæ, vt cōtradictionem implicet esse sine illa. Probatur efficaciter paritas rationis, quia entitati reali existenti extra causas debetur ex se, & ab intrinseco propria præsentia in spatio imaginario, sine qua esse non potest per vllā potentiā, corporea quidem si sit entitas corporea, spiritualis verò si sit entitas spiritualis. Quod adeo necessariū reputāt recentiores oppositā sententiā defendentes, vt affirmant, tot præsentias deberi cuicumq; corpori, quot habet accidentia realia, aut reales entitates distinctas; sed motus habet entitatē realē extra causas per se, & per suā durationem realem; ergo debetur ei ab intrinseco, & per aliquid reale sibi etiā intrinsecum realis præsentia in spatio imaginario, nō præsentia permanēs, cum sit entitas realis ab intrinseco successiua,
- 60 nec in spatio loci, quia spatium loci ex sua propria ratione est permanens, hoc est, per modum permanentis conceptum; ergo debetur ei præsentia successiua, & fluens in spatio imaginario successiuo, & fluente, quod est spatium durationis imaginariæ. Et ratio huius à priori est, quia extensio realis eius non est permanens, sicut extensio corporis, sed successiua, & fluens, & ideo occupatiua spatij fluētis, quod nō est loci, sed durationis. Vnde sequitur, quod sicut non potest idem numero corpus habere eādem præsentia in duabus partibus spatij localis sibi adæquatis, etiam si per potentiam Dei absolutam ponatur in eis, sed
- necessa

necessariò debet habere præsentias distinctas, pari ratione implicat contradictionem, quod idem motus per eandem duratione sit præsens diuersis partibus spatij imaginariæ durationis sibi adæquatis, & cum hoc sequatur euidenter ex reproductiōe eius, vt concedunt aduersarij, sequitur esse omnino impossibilē.

Ex his infero primo, falsum esse, quod in eadem doctrina dicitur, nempe motui, & tempori cōuenire respectum ad spatium imaginarium per solā coexistentiā, vt cōuenit mēsuræ indiuisibili respicere diuisibilem per solā coexistentiam, vt duo respicere tempus, sed re vera cōuenit illi per intrinsecā, atq; sibi essentialē rationem præsentiae, in quo etiā differunt à corpore respiciente spatium imaginarium loci: nam licet respectus ad spatium loci sit intrinsecus, atque essentialis ipsimet præsentiae quam habet corpus in spatio, corpori tamen non est essentialis præsentia ipsa, nec ideo talis respectus in ea inclusus ad spatiū, quia prius præintelligitur cōstitutus in suo esse essentiali, quam intelligatur præsens, quamuis per suammet entitatem debeatur ei præsentia, motui vero, & durationi eius, non solum debetur præsentia in spatio, tãquam ei præsuppositis, atque constitutis in sua essentia, vel entitate reali, sed pertinet ad essentiam eorum, quare sine illa non possunt vllō modo reperiri. Quod sic probos, essentialis est motui, & tempori extensio successiua partium earum priorum, & posteriorum, sed per hanc extensionem occupant, & quasi replent spatium successiuū imaginariæ durationis, & illi sunt præsentia; ergo talis præsentia essentialis est eis, & ideo occupatio determinatæ partis eiusdē spatij imaginarij, & præsentia ad illam intrinseca est determinatæ parti motui, & tempori, sine qua nec potest esse in rerum natura, neque intelligi. Et propterea pertinet ad intrinsecā indiuiduationem eius, sicut ad indiuiduationem talis præsentiae localis pertinet respectus ad tale spatium, & in hoc puro principaliter distingui has duas opiniones; nam illa putat hanc præsentiam in spatio imaginario durationis extrinsecā, & accidentalē esse motui, & tēpori, nos vero dicimus esse ei intrinsecam, neque conuenire illi per aliquem modū realē sibi inhærentem, sicut præsentia in spatio loci cōuenit corpori, sed per suam entitatem, & rationem intrinsecā, in quibus includitur, eo modo, quo respectus ad spatium conuenit ipsimet locali præsentiae corporis, vt probat efficaciter nostra ratio facta.

Secundo infero falsum esse, quod dicitur, spatiū quidē imaginariæ durationis habere modū, & ordinē suarū partiū fixum, & stabilem, seu immutabilē, & necessarium; ita vt semel transacta parte, vel semel præterita non possit vllō modo fieri iterum futura,

futura, aut præsens, aut quæ semel est prior, fieri posterior, & ideo nec illo modo redire, tempus autem verum, & reale non habere modum, & ordinem suarum partium realium necessarium, & immutabile, sed variari posse, ita ut pars semel præterita possit fieri iterum futura, & præsens, & quæ semel est prior, potest fieri posterior per reproductionem, cuius rationem assignat, quia spatium imaginariæ durationis conceipitur ut non factum, sed quasi à se habens esse, & ideo ut independens ab alio, & consequenter à se habens modum, & ordinem suarum partium, & non dependentem ab alio, & propterea nec mutabilem, aut variabilem, sed tempus verum habet esse dependens à suis causis, præsertim à prima, & consequenter non omnino immutabile, & necessarium, sed variabile, & pari ratione modum, & ordinem suarum partium variabilem habet modo explicato. Falsum autem dicimus esse discrimen hoc, atque etiam rationem eius, sed dicendum verum tempus habere esse dependens à causis, quantum ad actualem existentiam extra illas, ita ut potuerit non fieri, vel non esse, & postquam factum est realiter, definat, sed quantum ad rationem intrinsecam, non solum specificam, sed individualement suarum partium, & consequenter quantum ad modum, & ordinem earum immutabile, & necessarium esse, non minus, quam tempus imaginarium, immo hoc talem habere immutabilitatem ab illo. Quod sic probo, tempus imaginarium non est factum, cum non sit reale, & verum, sed suum esse in eo consistit, quod ad similitudinem veri actu existentis, vel possibilis excogitatum sit, alioqui imaginaria eius ratio non esset veritati conformis, sed quasi tragica, & sine fundamento cōficta, ut cōfingere solemus chimeram, vel hirco ceruum, sed de imaginario concedunt habere esse, & ordinem, ac modum suarum partium immutabile, & necessarium: ergo necesse est eadē habere tempus verum, à quo ea in cogitatione desumit.

- 63 Secundum, spatium imaginariæ durationis excogitatur quasi fluens, atque cōpositum ex partibus futuris, præsentibus, & præteritis, & ideo nondum existentibus, actu existentibus etiā non extantibus, sed hæc non potest habere, nisi in quantum per similitudinem ad tempus verum eas habens, vel ex propria, & vera ratione essentiali postulans: ergo nec potest habere modum, & ordinem tãquam immutabile, & necessarium excogitatum, nisi quia cum habet, vel postulet tempus verum, & ex hoc colligitur, quod sicut de parte temporis imaginarij asserunt, quod semel transacta nullo modo potest redire, nec etiam, quæ semel est præterita, fieri futura, vel præsens, aut quæ semel est prior, fieri posterior, ita asserendum sit de parte temporis veri, quod non possit semel transacta redire per reproductionem, nec semel præterita fieri futura

futura aut præfens, nec semel prior, fieri posterior. Ad primum argum. oppositæ sententiæ distinguenda est maior, quod eadem numero actio instantanea possit reproduci, nam si sit agentis naturalis, & corporei, negandum est, quia unitas numerica eius ab intrinseco dependet à tali instanti temporis, in quo fit, & cum non possit reproduci idem instans temporis iam transactum, sicut neque idem tempus, nec potest reproduci eadem numero actio in eo facta. Non est autem eadem ratio de actione diuina non dependente à tempore, sed ex hoc non sequitur posse reproduci eandem actionem successiuam, quia ab intrinseca pendet unitas numerica eius ex tali tempore, in quo facta est. Et dum dicitur, posse Deum conseruare eandem actionem corpoream per horam continuam, concedendum est, sed negandum, quod infertur, nempe posse interrompere conseruationem eius per secundum quadrantem eiusdem horæ, & iterum eandem numero illuminationem ponere in rerum natura per tertium, & vltimum quadrantem, quia semel interrupto tempore, vel duratione, in qua actio illa conseruatur, non potest eadem numero reproduci, vt probatum est propter intrinsecam dependentiam ex tali tempore.

Ad secundum distinguenda est minor, nam præsentia localis, 64 quam corpus acquirit in motu, duplex est, vna adæquata, & indiuisibilis, quam acquirit in singulis instantibus temporis, in quo fit motus, alia inadæquata, & diuisibilis habens latitudinem secundum proportionem diuisibilem ad spatium, quam acquirit corpus per partes motus, & per totum, vnde eam non habet nisi dum actum mouetur, illam vero non potest habere dum mouetur. Sed in primo non esse partis motus præcedentis, vel in primo non esse totius motus, si sit vltima, cum præsentia igitur adæquata quam prius habuit, potest Deus reproducere corpus iam corruptum, cum præsentia vero inadæquata atque diuisibili repugnat. Et ratio differentię est, quia hæc est proprius terminus motus, ex sua intrinseca ratione habens, quod non possit acquiri, vel haberi nisi successiue, atque in motu, & per motum; vnde sicut non potest reproduci idem numero corpus cum eodem numero motu, quem prius habuit, ita non potest reproduci cum eadem numero præsentia inadæquata, quam semel habuit. Præsentia vero adæquata, & indiuisibilis non est proprius terminus motus, sed sine motu etiam haberi potest, vt eam habuerunt corpora omnia in prima sui productione, quare bene potest produci a Deo non solum sine motu, sed etiam sine actione dependente à tempore, quod si per motum, vel actionem dependentem à tempore producenda esset, impli-

caret contradictionem semel extinctam reproduci.

65 Ad tertium neganda est minor, quod dependentia motus à tempore non sit sufficiens ratio, propter quam repugnet eundem motum numero reproduci. Et cum quaeritur, an indiuiduatio motus dependeat à propria eius duratione, vel ab imaginaria. Respondeo tam motum, quam propriam eius durationem indiuiduari, per ordinem ad spatium imaginarium durationis, ad quod intrinsecum respectum dependentiae dicit, eo prorsus modo, quo pendet talis praesentia localis corporis, vel tale corpus sub ratione praesentis per illam à tali spatio imaginario, unde sicut repugnat, idem corpus habere eandem numero praesentiam in diuerso spatio, ita repugnat eundem motum, eademque durationem esse praesentem diuersis partibus spatij imaginariae durationis. Et haec est ratio propter quam repugnat idem numero reproduci, quia ex hoc sequeretur per locum ab intrinseco diuersis partibus esse praesens. Et quod tandem inferitur de æuo, difficultate prorsus caret, propter duplex discrimen inter æuum ex vna parte, & tempus cum suo motu ex altera, nam æuum cum sit duratio ex propria natura indiuisibilis, & ordinis superioris, hoc est non sublunaris, nec dependet à tempore vero, nec etiam imaginario, quare non indiuiduatur ab eo, nec ab aliquo eius instanti. Præterea licet sit duratio, permanens tamen, & non fluens, nec intrinsecam habens successionem, quamuis sua virtute possit coexistere cuicumque durationi inferiori, etiam successivæ, veræ, aut imaginariæ. Et propterea etiam ex hac parte non potest dependere indiuiduatio eius ab spatio temporis imaginarij, sicut nec ab eo dependet indiuiduatio rerum permanentium, ut permanentes sunt, vel ut in suo esse, & non in suo fieri considerantur. Non ergo sequitur, quod repugnet eundem numero Angelum cum eodem numero æuo prius annihilatum reproduci, quia iterum creari potest à Deo, per actionem non dependentem à tempore, neque ab æuo imaginario, motus vero, & tempus quomodocumque, sicut, intrinsecam habent dependentiam à tempore imaginario, ut probauimus, & ideo implicat contradictionem reproduci. Et hæc sint facis de hac quaestione perdifficili, ac de tota commentatione horum librorum Aristotelis de ortu, & interitu rerum naturalium: faxit Deus optimus, & maximus, ut quæ in ea scripsimus grata sint ei futura, & reipublicæ litterariæ utilia, & ita in laudem, & gloriam ipsius, ac Deiparæ virginis, necnon Angelici Doctoris Diui Thomæ cedant.

L A V S D E O.

I N



INDEX RERVM OMNIVM
NOTABILIVM, QVÆ IN
his commentariis continentur.

Actio.



ACTIO semper est à proportionem maioris inaequalitatis,
& à proportionem minoris dari non potest. p. 384. num. 72
Actio, & reactio dantur sem. ul inter contraria, & se-
cundum eandem contrarietatem. p. 440. num. 146

Actiuitas.

Actiuitas agens quomodo debeat excedere resistentiam passi.
p. 390. num. 82. & p. 393. num. 87

Aër.

Aër habet ex propria natura summam humiditatem, & prope sum-
mam calorem. p. 64. 565. num. 139. & 140. Sed in media re-
gione per antiparistasim est frigidissimus, sicut in regione supre-
ma, & infima maximum calorem habet à sole impressum. p. 423.
num. 120. & seq. & p. 424. num. 19. & seqq.

Agens.

Agens, & passum non debent esse omnino similia, neque omnino dis-
similia. p. 404. num. 93

Agens an, & quomodo possit producere effectum sibi aequalem in in-
tensione. p. 403. num. 91. An possit agere in seipsum actione uni-
uoca. p. 413. num. 105

Alteratio.

Alteratio an sit, & eius acceptiones. p. 78. num. 106. Quid sit. p. 78.
num. 106. An foret possibile, si esset impossibile generatio. p. 81.
num. 108. Proprie sumpta est motus successiuus, atque conti-
nuus. p. 86. num. 113. Quomodo continuatur, p. 97. nu. 125. An
semper sit continua. p. 108. num. 135

Aqua.

Aqua habet summam frigiditatem, humiditatem vero nõ, nisi pro-
pe summam. p. 565. num. 141. & 142. Per antiparistasim vero
hyemali tempore calida est in subterraneis locis, sicut verno tem-
pore frigida. p. 554. num. 118. 119

Augmentatio.

Augmentatio an detur in rerum natura, & quid sit. p. 213. n. 10.
Realiter distinguitur à nutritione. p. 219. nu. 18. Aliquid est ad

I N D E X.

maiores quantitates per eam productam. p. 265. num. 73. Per eam augentur omnes partes viventis. p. 269. num. 78. In quo sensu verum sit, quod toto tempore vita dures. p. 280. num. 94. A diminutione distinguitur tamquam positivum à negativo, vel tamquam productio à corruptione. p. 297. num. 117

Christus Dominus.

Sacrum Christi corpus habuit temperamentum aequale ad pondus ex primis qualitatibus tamquam omnium temperamentorum perfectissimum, & nihilominus nullum morbum contraxit per totam vitam. p. 624. num. 31

Contactus.

Contactus quatuorplex sit. p. 337. num. 4. Qualis contactus requiratur inter agens, & passum ad agendum. p. 340. num. 9. An possit suppleri per potentiam Dei absolutam, ita ut agens agas in passum, quod nullo modo tangit. p. 351. num. 26

Contrarietas & contraria.

Contrariorum definitio elucidatur. p. 520. nu. 56. Contraria non possunt esse simul in gradibus intensis naturaliter. p. 524. num. 62. Sed bene per potentiam Dei absolutam. p. 526. nu. 66. Contrarietas non est immediata oppositio, sicut contradictoria. p. 528. n. 69. & 70. Quamvis contraria quadam nullum medium admittant circa subiectum. p. 526. num. 66. In gradibus vero remissis simul esse possunt, & in mixtis ita reperiuntur. p. 535. num. 83. & 84. Quod verum est non solum de actibus, & passivis, sed etiam de non actibus. p. 541. num. 93

Densitas.

Densitas non est virtus activa agentis, sed solum conditio agendi. p. 397. 398. num. 90. Iuvat maxime ad agendum. ibid. Ratione maioris densitatis potest agens producere effectum sibi aequalem in intensione. p. 408. num. 99

Dispositio.

Dispositiones precedentes in materia non concurrunt efficienter ad expulsionem unius forma, & introductionem alterius, sed solum materialiter. p. 198. num. 224. & sequent.

Elementa.

Elementa sunt corpora simplicia. p. 588. num. 22. Non manent formaliter in mixto. p. 475. nu. 47. Quid sit elementa virtute contineri in mixto. p. 475. num. 47. Quodlibet eorum habet duas qualitates non contrarias, nec in summo gradu. p. 549. num. 108. Sed unam in summo, alteram in minori gradu. p. 561. num. 131. & 132. Sed qualitas, quam habet minus intensam, non habet permissionem qualitatis contraria. p. 568. nu. 147. Nullum elementum potest producere aliud specie distinctum à se, tamquam causa

I N D E X.

670

causa efficiens per se, immo nec duo simul. p. 603. num. 52. & 53
Elementorum forma non sunt formaliter contraria, sed bene radica-
liter. p. 520. num. 56. Qualitates elementorum non sunt forma
substantiales eorum, sed accidentia superaddita. p. 514. num. 44

Generatio.

Generatio substantialis datur in rerum natura. p. 17. num. 23. Quid
fit, & qua eius definitio essentialis. p. 20. num. 28. & pag. 22. n. 31.
Habet pro termino ad quem adequato, & ut quod totum com-
positum. p. 28. num. 41. Pro termino formali, atque primario or-
dine executionis formam cum modo unionis. p. 28. num. 42. Ratio-
nem formalem generationis desumit à forma. p. 31. num. 46. Pro-
prium subiectum inhaesionis eius est materia prima. p. 36. num. 52.
Est actio instantanea distincta ab alteratione. p. 39. num. 58
Generatio unius est corruptio alterius, in quo sensu sit vera. pag. 59.
num. 84. & seqq. Generatio prior natura est corruptione absolute
loquendo. p. 74. num. 102

Habitus.

Duo habitus contrarii possunt esse simul naturaliter, ut erroris, &
scientia, & actus cuiusque cum habitu altero, sed actus utrius-
que, nec per potentiam Dei absolutam. p. 539. num. 90. & seqq.

Ignis.

Ignis habet calorem summum, & prope summam siccitatem. pag.
564. num. 138. Quomodo, vel à quo generetur per se, tamquam
à causa efficiente, dum per collisionem ferri & silicis generatur.
pag. 605. num. 55. & seqq.

Indivisibile.

Indivisibilia quot sint in alteratione, an producantur in tempore, vel
in instanti. An distinguantur continuatiua à terminatiua. pag.
108. num. 135. & seqq.

Intensio.

Intensio fit per additionem gradus ad gradum, atque etiam per ma-
giorem radicationem in subiecto, nam duo hac sibi non aduersan-
tur. pag. 117. num. 145
Gradus intensiois similes omnino sunt, atque eiusdem perfectionis
individualis, nec inter se essentialiter subordinati. p. 131. num. 158
Intensio qualitatis habet terminum magnitudinis intrinsecum na-
turaliter, non vero paruitatis. p. 140. num. 167. Quomodo termi-
natur intensio qualitatis, ut est dispositio ad formam substantia-
lem. pag. 147. num. 174
Intensio qualitatum supernaturalium secundum se non habet ter-
minum intrinsecum magnitudinis. p. 150. num. 177

Mixtio, & mixtum.

Mixtio quid sit. p. 454. num. 6. Naturaliter est possibilis. p. 459. num. 14.

INDEX.

- An, & quomodo distinguatur à generatione.* p. 462. n. 23. 24. 25.
An vera mixtio fieri possit ex liquidioribus. p. 483. num. 62
In mixtis reperiuntur alia qualitates præter elementales. p. 508. n. 33.
Sed nullum mixtum potest generare elementum, nisi ut causa per accidens. pag. 605. num. 55
Mixtorum temperamentum non consistit in quinta qualitate continente, vel non continente quatuor primas, nec talis qualitas datur, sed consistit in sola proportione primarum. pag. 614. num. 13. & 14
In mixtis datur temperamentum aequale ad pondus ex qualitatibus alterationis, non tamen aequale secundum omnes partes eorum. pag. 619. num. 23. & seqq. Vbi explicantur varia temperamentorum genera, ex qualitatibus vero motu non datur aequale ad pondus naturaliter, quamvis aliquo modo dari possit per potentiam Dei absolutam. pag. 628. num. 40. & seqq.

Nutritio.

- Nutritio datur in natura rerum.* pag. 211. num. 8. *Quid sit.* p. 213. num. 10. *Fit semper successivè.* p. 226. nu. 27. *Quomodo fit continua.* p. 245. nu. 45. *Non semper fit, sed interruptitur aliquando.* pag. 246. num. 48. *In nutritione imperfectorum viventium cum nova parte materia advenit nova pars forma, non vero in animalibus perfectis præsertim in homine.* p. 289. nu. 107. *In nutritione fetus augentur omnes partes, ita diminuantur omnes.* ibid. *Nilominus idem numero permanet vivens toto tempore vite.* ibidem.

Qualitas.

- Qualitates propria elementorum sunt prima, atque etiam formales, præter quas non dantur virtuales.* p. 503. num. 25
Qualitates symbola diversorum elementorum non distinguuntur specie. pag. num.

Rarefactio, & condensatio.

- Per rarefactionem non producitur quantitas, nec per condensationem deperditur.* p. 304. num. 128. *Rarefactio non est motus localis ad maiorem extensionem corporis, sed vera alteratio, per quam primo, & per se producitur qualitas, quæ vocatur raritas.* pag. 318. num. 147. *Sine rarefactione implicat contradictionem corpus cui non additur quantitas majus fieri.* p. 328. nu. 162. *Explicantur omnia quæ reperiuntur in rarefactione.* p. 331. num. 166

Resistentia.

- Quid, & quæ duplex sit.* pag. 364. num. 44. *Quo ordine, & modo conveniat primis qualitatibus.* p. 374. num. 60

Reflexio.

- An intendatur lumen in medio per reflexionem, & quæ sit causa talis*

I N D E X.

salis intensiois. pag. 430. num. 131

Reproductio.

Res permanens iam corrupta non potest eadem numero reproduci naturaliter, sed bene supernaturaliter, successiva vero, nec per potentiam Dei absolutam. p. 665. num. 50

Resurrectio.

Resurrectio corporis mortui est actio, vel mutatio eiusdem speciei cum primageneratione eius, sed per virtutem naturalem, etiam Dei, ut concurrentis cum naturalibus causis non potest fieri. pag. 661. num. 43

Sanguis.

Sanguis numquam est continuum cum carne, & aliis partibus corporis viventis. p. 252. num. 57. Continuatio eiusdem sanguinis cum corpore vivente, non fit prius, quam convertatur in substantiam alii. p. 253. num. 58. Sed simul, & per eandem actionem nutritionis. p. 252. num. 57

Subiectum.

Quod sit subiectum horum librorum. p. 3. num. 4. Subiectum accidentium est compositum, non materia. pag. 67. num. 92. & seqq. & pag. 159. nu. 187. & seqq. Sed unius accidentis non semper est subiectum proximum aliud accidens. p. 183. nu. 208. Nec subiectum proximum accidentium semper est substantia. pag. 188. num. 213. Sed saepe unum accidens est proximum subiectum alterius. pag. 191. num. 216

Terra.

Terra habet summam siccitatem, & prope summam frigiditatem. p. 447. nu. 143. Habet etiam summam gravitatem. p. 566. n. 142

Violentum.

Violentum simpliciter non potest esse perpetuum naturaliter, bene tamen violentum secundum quid, quod sequitur ex ordine naturali universi, & de solo illo intelligitur universale principium Aristotelis: Nihil violentum est perpetuum, non de hoc. pag. 558. num. 124. & 125

Vita.

Vitam consistere in calido, & humido, ut docet Aristot. quoniam modo sit intelligendum. pag. 628. num. 38

F I N I S.





PANDIMIGLIO

21 DIC. 1970

LEGATORIA - ROMA

